

古尊宿語錄卷第一之二

審二

南嶽大慧禪師

大慧下一世

馬祖大寂禪師

大慧下二世 湖南嶽

百丈大智禪師

大慧下三世 湖南岳

大鑑下一世

每二

南嶽大慧禪師諱懷讓金州人也俗姓杜於儀鳳二年四月八日降誕感白氣應於玄象在安康之分太史瞻見遂奏聞高宗皇帝帝乃問何祥瑞太史對曰國之法器不染世榮帝傳勅金州太守韓偓親往存慰其家家有三子惟師最小年始三歲炳然殊異性惟思



讓父乃安名懷讓至年十歲惟樂佛書時有三歲玄靜過舍見而奇之告其父母曰此子若出家必獲上乘廣度衆生至垂拱三年方十五歲辭親往荊州玉泉寺依弘景律師出家通天二年受戒後習毘尼歲一日自嘆曰夫出家者為無為法天上人間無有勝者時同學坦然知師志氣高邁勸師同謁嵩山安禪師安啓發之乃直詣曹溪禮六祖六祖問什麼處來師云嵩山安和尚處來祖云什麼物與麼來師無語遂經八載忽然有省乃白祖云某甲有箇會處祖云作麼生師云說似一物即不中祖云還假修證也無師云修證

永樂北藏

古尊宿語錄

第一九七册

即不無汚染即不得祖云只此不汚染是諸佛
 之護念汝既如是吾亦如是西天二十七祖
 般若多羅識汝曰震旦雖閑無別路要假兒
 孫脚下行金鷄餅啣一粒粟供養什邡羅漢
 僧通一本心裏能歲事說向漢江濱湖波探水
 月將照二三人祖云先師有言從吾向後勿
 傳此衣祖以法傳若傳此衣命如懸絲惟示
 道化聽吾偈曰心地含諸種普雨悉皆萌頓
 悟花情已菩提果自成汝向後出一馬駒踏
 殺天下人病在汝心不湏速說師侍奉一十
 五載唐先天二年始往南嶽居般若寺示徒
 云一切萬法皆從心生心無所生法無能住

若達心地所作無碍非遇上根宜慎辭哉僧
 問如鏡鑄像像成後光歸何處師云如大德
 未出家時相狀向什麼處去僧云成後為什
 麼不鑑照師云雖然不鑑照設它一點不得
 馬祖居南嶽傳法院獨處一庵唯習坐禪凡
 有來訪者都不顧師往彼亦不顧師觀其神
 字有異遂憶六祖識乃多方而誘導之一日
 將輓於庵前磨馬祖亦不顧時既久乃問曰
 作什麼師云磨作鏡馬祖云磨輓豈得成鏡
 師云磨輓既不成鏡坐禪豈能成佛祖乃離
 座云如何即是師云譬牛駕車車若不行打
 牛即是打車即是又云汝學坐禪為學坐佛

若學坐禪禪非坐卧若學坐佛佛非定相於
 無住法不應取捨汝若坐佛即是殺佛若執
 坐相非達其理焉祖聞斯示誨豁然開悟禮
 拜問云如何用心即合無相三昧師云汝學
 心地法門如下種子我說法要譬彼天澤汝
 緣合故當見其道焉祖云道非色相云何能
 見師云心地法眼能見乎道無相三昧亦復
 然矣祖云有成壞否師云若以成壞聚散而
 見道者非也聽吾偈曰心地含諸種遇澤悉
 皆萌三昧花無相何壞復何成馬祖一蒙開
 悟心地超然侍奉十秋日益深與師入室弟
 子六人各印可曰汝等六人同證吾身各契

其一 一人得吾眉善威儀浩 一人得吾
 眼善顧盼建 一人得吾耳善聽理然 一
 人得吾鼻善知氣然 一人得吾舌善談說
 一人得吾心善古今道 後馬祖闡化
 於江西開元寺師問眾曰道一為眾說法否
 眾曰已為眾說法師云未見通箇消息來遂
 遣一僧去云二 囑云待伊上堂時但問作麼生記
 取答話來僧如教迴舉似師馬祖云自從胡
 亂後三十年不曾少益三 醬師然之師天寶三
 年八月十一日示寂於南嶽勅謚大惠禪師
 最勝輪之塔吏部侍郎歸登撰塔記
 大鑑下二世南嶽大慧禪師法嗣

馬祖大寂禪師師諱道一漢州什邡人也俗姓馬氏江西法嗣布於天下時號馬祖焉問如何是修道師云道不屬修若言修得修成還壞即同聲聞若言不修即同凡夫云作何見解即得達道云自性本來具足但於善惡事上不滯喚作修道人取善捨惡觀空入定即屬造作更若向外馳求轉疎轉遠但盡三界心量一念妄想即是三界生死根本但無一念即除生死根本即得法王無上珍寶無量劫來凡夫妄想諛曲邪偽我慢貢高合為一體故經云但以衆法合成此身起時唯法起滅時唯法滅此法起時不言我起滅時

不言我滅前念後念中念念念不相待念念寂滅喚作海印三昧攝一切法如百千異流同歸大海都名海水住於一味即攝衆味住於大海即混諸流如人在大海中浴即用一切水所以聲聞悟迷凡夫迷悟聲聞不知聖心本無地位因果階級心量妄想修自證果住其空定八萬劫二萬劫雖即已悟却迷諸菩薩觀如地獄苦沉空滯寂不見佛性若是上根衆生忽遇善知識指示言下領會更不歷於階級地位頓悟本性故經云凡夫有反覆心而聲聞無也對迷說悟本既無迷悟亦不立一切衆生從無量劫來不出法性三昧

長在法性三昧中著衣喫飯言談祇對六根
運用一切施爲盡是法性不辭返源隨名逐
相迷情妄起造種種業若能一念返照全躰
聖心汝等諸人各達自心莫記吾語縱說
得河沙道理其心亦不增揔說不得其心亦
不減說得亦是汝心說不得亦是汝心乃至
分身放光現十八變不如還我死灰來淋過
死灰無力喻聲聞妄修曰證果未淋過死灰
有力喻菩薩道業純熟諸惡不染若說如來
權教三藏河沙劫說不可盡猶如鉤鑠亦不
斷絕若悟聖心揔無餘事久立珍重
上堂龐居士問不與萬法爲侶者是什麼人

永樂北藏

古尊宿語錄

師云待汝一口吸盡西江水即向汝道 又
問不昧本來身請師高著眼師直下覩士云
一等沒絃琴唯師彈得妙師直上覩士禮拜
師歸方丈居士隨後云適來弄巧成拙 問
如何佛師云即心是佛問離四句絕百非
請師直指西來意師云我今日無心情汝去
西堂問取智藏僧至西堂問西堂以手指頭
云我今日頭痛不能爲汝說得汝去 海兄
僧去問海兄海兄云我到者裏却不會僧回
舉似師師云藏頭白海頭黑 師採藤次
見水潦便作放勢水潦近前接師即便踏倒
水潦起來呵呵大笑云知量妙義百千三昧

第一九七册

永樂北藏

古尊宿語錄

第一九七册

蓋在一毛頭上識得根源去 師令僧馳

書與徑山欽和尚書中畫一圓相徑山繞開

見索筆於中著一點後有僧舉似忠國師國

師云欽師猶被馬師惑 問和尚為甚麼

說即心即佛師曰為止小兒啼曰啼止時如

何師曰非心非佛曰除此二種人來如何指

示師曰向伊道不是物曰忽遇其中人來時

如何師曰且教伊體會大道 問如何是

西來意師曰即今是甚麼意 師問僧什

麼處來云湖南來師云東湖水滿也未云未

師云許多時雨水尚未滿道吾云滿也雲岩

云湛湛地洞山云什麼劫中曾欠少 又問如

水無筋骨能勝萬斛舟此理如何師曰這裏

無水亦無舟說甚麼筋骨 一夕西堂百

丈南泉隨侍翫月次師問正恁麼時如何堂

曰正好供養丈曰正好修行泉拂袖便行師

曰經歸巖禪歸海唯有普願獨超物外師問

百丈汝以何法示人丈豎起拂子師曰祇這

箇為當別有丈拋下拂子 僧問如何得

合道師曰我早不合道 問如何是西來

意師便打曰我若不打汝諸方笑我也

有小師耽源行脚回於師前畫一圓相就上

拜了立師曰汝莫欲作佛否曰某甲不解捏

目師曰吾不如汝小師不對有講僧來問曰

未審禪宗傳持何法師却問曰座主傳持何
法主曰忝講得經論二十餘本師曰莫是師
子兒否主曰不敢師作噓噓聲主曰此是法
師曰是甚麼法主曰師子出窟法師乃默然
王曰此亦是法師曰是甚麼法主曰師子在
窟法師曰不出不入是甚麼法主無對百丈代云

巖遂辭出門師名曰座主主回首師曰是甚
麼主亦無對師曰這鈍根阿師洪州廉使問
曰喫酒肉即是不喫即是師曰若喫是中丞
祿不喫是中丞福師入室弟子一百三十九
人各為一方宗主轉化無窮師於貞元四年
正月中登建昌石門山於林中經行見洞壑

平坦謂侍者曰吾之朽質當於來月歸茲地
矣言訖而回既而示疾院主問和尚近日尊
儀如何師曰日面佛月面佛二月一日沐浴
跏趺入滅元和中謚大寂禪師塔名大莊嚴
百丈懷海禪師福州長樂人也師叅馬大師
為侍者檀越每送齋飯來師纔揭開盤蓋馬
大師拈起一片胡餅示眾云是甚麼六每日如
此師經三年一日隨侍馬祖路行次聞野鴨
聲馬祖云什麼聲師云野鴨聲良久馬祖云
適來聲向什麼處去師云飛過去馬祖迴頭
將師鼻便插師作痛聲馬祖云又道飛過去
師於言下有省却歸侍者寮哀哀大哭同事

問曰汝憶父母邪師曰無曰被人罵邪師曰無曰哭作甚麼師曰我鼻孔被大師搯得痛不徹同事曰有甚目緣不契師曰汝問取和尚去同事問大師曰海侍者有何因緣不契在寮中哭告和尚為某甲說大師曰是伊會也汝自問取他同事歸寮曰和尚道汝會也教我自問汝師乃呵呵大笑同事曰適來哭如今為甚却笑師曰適來哭如今笑同事罔然明日馬祖昇堂纔坐師出來卷却筆馬祖便下座師隨至方丈馬祖云適來要舉轉因緣你為什麼卷却筆師云為某甲鼻頭痛馬祖云你什麼處去來師云昨日偶有出入不及參

隨馬祖喝一喝師便出去 馬祖一日問師什麼處來師云山後來祖云遠逢著一人麼師云不逢著祖云為什麼不逢著師云若逢著即舉似和尚祖云什麼處得者箇消息來師云某甲罪過祖云却是老僧罪過 師再參馬祖祖豎起拂子師云即此用離此用祖客二掛拂子於舊處良久祖云你已後開兩片皮將何為人師遂取拂子豎起祖云即此用離此用師亦掛拂子於舊處祖便喝師直得三日耳聾 後住洪州大雄山以居處巖巒峻極故號百丈既處之未暮月參玄之賓四方七屠至滿山黃檗當其首一日師謂眾曰佛法

不是小事老僧昔被馬大師一喝直得三日
耳聾黃檗聞舉不覺吐舌師曰子已後莫承
嗣馬祖去麼檗曰不然今日目和尚舉得見
馬祖大機大用然且不識馬祖若嗣馬祖已
後喪我兒孫師曰如是如是見與師齊滅師
半德見過於師方堪傳授子甚有超師之見
檗便禮拜 曰僧問西堂有問有答即且置
無問無答時如何堂曰怕爛却那師聞舉乃
曰從來疑這箇老兄曰請和尚道師曰一合
相不可得 師謂眾曰有一人長不喫飯
不道饑有一人終日喫飯不道飽眾無對雲
巖問和尚每日區區為阿誰師曰有一人要

巖曰目甚麼不教伊自作師曰他無家活
僧問抱璞投師請師一決師云昨夜南山虎
咬大虫云不繆真詮為甚麼不垂方便師云
掩耳偷鈴漢云不得中郎鑑還同野舍薪師
便打僧云蒼天蒼天師云得與麼多口云罕
遇知音拂袖便出師云百丈今日輸却一半
佛道云禪得一步
禁前望一雙足 至晚侍者問和尚被這僧不肯了
便休師便打者云蒼天蒼天師云罕遇知音
者作禮師云一狀領過 有一僧哭入法
堂師云作什麼僧云父母俱喪請師揀日師
云明日一時埋却 問如何是奇特事師
云獨坐大雄峯僧禮拜師便打西堂問師你

向後作麼生開示於人師以手卷舒兩邊堂云更作麼生師以手點頭三下 上堂云

靈光獨耀迥脫根塵跡露真常不拘文字心性無染本自圓成但離妄緣即如如佛

問依經解義三世佛寃離經一字如同魔說時如何師云固守連靜三世佛寃此外別求

密三

如同魔說馬祖令人馳書并醬三瓮與師師

令排向法堂前乃上堂眾纔集師以拄杖指

將寶尾云道得即不打破道不得即打破眾無語師便打破歸方丈 上堂眾纔集師以

拄杖趁下却召大眾大眾回頭師云是什麼

瀉山問仰山百丈再參馬祖豎拂目

緣此二尊宿意旨如何仰山云此是顯大機

大用瀉山云馬祖出八十四人善知識幾人

得大機幾人得大用仰山云百丈得大機黃

檠得大用餘者盡是唱道之師瀉山云如是

如是師曰普請開田回問運關梨開田不易

檠云眾僧作務師云有煩道用檠云爭敢諱

勞師云開得多少田檠作鋤田勢師便喝檠

掩耳而出 師問黃檠甚處來檠云山下

採菌子來師云山下有一帚子汝還見麼檠

便作虎聲師於腰下取斧作斫勢檠約住便

掌師至晚上堂云大眾山下有一虎子汝等

諸人出入好看老僧今朝親遭一口後瀉山

問仰山云黃檗虎話作麼生仰山云和尚如
何瀉山云百丈當時便合一斧斫殺因什麼
到如此仰山云不然瀉山云子又作麼生仰
山云不唯騎虎頭亦解把虎尾瀉山云寂子
甚有險崖之句 師每日上堂常有一老人
聽法隨衆散去一日不去師乃問立者何人
老人云某甲於過去迦葉佛時曾住此山有
學人問大脩行底人還落因果也無對云不
落因果墮在野狐身今請和尚代一轉語師
云汝但問老人便問大脩行底人還落因果
也無師云不昧因果老人於言下大悟告辭
師云某甲已免野狐身住在山後乞依亡僧

卷二

九

燒送師令維那白槌告衆齋後普請送亡僧
大衆不能詳至晚叅師舉前因緣次黃檗便
問古人錯對一轉語落在野狐身今人轉轉
不錯是如何師云近前來向汝道黃檗近前
打師一掌師云將謂胡鬚赤更有赤鬚胡時
瀉山在會下作典座司馬頭陀舉野狐話問
典座作麼生典座以手撼門扇三下司馬云
太龕生典座云佛法不是者箇道理後瀉山
舉黃檗問野狐話問仰山仰山云黃檗常用
此機瀉山云汝道天生得徒人得仰山云亦
是稟受師承亦是自宗通瀉山云如是如是
黃檗問從上古人以何法施人師良久

黃檗云後代兒孫將何傳授師云將謂你若漢是箇人便歸方丈師與瀉山作務次師問有火也無瀉山云有師云在什麼處瀉山把一莖柴吹過與師師接云如虫蝕木因普請鋤地次有僧聞鼓聲舉起鋤頭大笑歸去師云俊哉此是觀音入理之門後喚其僧問你今日見甚道理云某甲早辰未喫粥聞鼓聲歸喫飯師呵呵大笑問如何是佛師云汝是阿誰云某甲師云汝識某甲否云分明箇師豎起拂子汝見拂子否云見師更不管師令僧去章敬處見伊上堂說法你便展開坐具禮拜起將一隻鞋以袖拂却上塵倒頭

覆下其僧到章敬一依師旨章敬云老僧罪過廣錄夫語須辯緇素須識恣別語須識了義不了義教語了義教辯清不了義教辯濁說穢法邊垢揀凡說淨法邊垢揀聖從九部教說向前衆生無眼須假人雕琢若於聾俗人前說直須教渠出家持戒脩禪學慧密二若是過量俗人亦不得向他與麼說如維摩詰傳大士等類若於沙門前說它沙門已受白四羯磨訖具足全是戒定慧力更向它與麼說名非時語說不應時亦名綺語若是沙門須說淨法邊垢須說離有無等法離一切脩證亦離於離若於沙門中剝除習染沙門

除貪嗔病不去亦名聲俗亦須教渠修禪學
慧若是二乘僧他歇得貪瞋病去盡依住無
貪將為是是無色界是郭佛光明是出佛身
血亦須教渠脩禪學慧須辯清濁語濁法者
貪嗔愛取等多名也清法者菩提涅槃解脫
等多名也只如今鑑覺但於清濁兩流凡聖
等法色聲香味觸法世間出世間法都不得
有纖毫愛取既不愛取依住不愛取將為是
是初善是住調伏心是聲聞人是戀筏不捨
人是二乘道是禪那果既不愛取亦不依住
不愛取是中善是半字教猶是無色界免墮
二乘道免墮魔民道猶是禪那病是菩薩縛

既不依住不愛取亦不作不依住知解是後
善是滿字教免墮無色界免墮禪那病免墮
菩薩乘免墮魔王位為智郭地障行郭故見
自己佛性如夜見色如云佛地斷二愚一微
細所知愚二極微細所知愚故云有大智人
破塵出經卷若透得三句過不被三段管教
家舉喻如鹿三跳出經喚作纏外佛無物拘
繫得渠是屬然燈後佛是最上乘是上上智
是佛道上立此人是佛有佛性是導師是使
得無所碍風是無碍慧於後能使得因果福
智自由是作車運載因果於生不被生之
所碍於死不被死之所碍於五陰如門

開不被五陰碍去住自由出入無難若能與
 麼不論堦梯勝劣乃至蟻子之身但能與麼
 盡是淨妙國土不可思議此猶是解縛語彼
 自無瘡勿傷之也佛瘡菩薩等瘡但說有無
 等法盡是傷也有無管一切法十地是濁流
 河衆作清流說豎清相說濁過患向前十大

弟子舍利弗富樓那正信阿難邪信善星等
 箇箇有勝樣箇箇有則候二被導師說破不
 是四禪八定阿羅漢等住定八萬劫他是依
 執阿行被淨法酒醉故聲聞人聞佛法不能
 發無上道心所以斷善根人無佛性教云喚
 作解脫深坑可畏之處一念心退墮地獄猶

如箭射亦不得一向說退亦不得一向說不
 退祇如文殊觀音勢至等却來須陀洹地同
 類誘引不得言他退當與麼時祇喚作須陀
 洹人祇如今鑑覺但不被一切有無諸法管
 透三句及一切逆順境得過關百千萬億佛
 出世間如不開相似亦不依住不聞亦不作

不依住知解說它者箇人退不得量數管他
 不著是佛常住世間而不染世法說佛轉法
 輪退亦是謗佛法僧說佛不轉法輪不退亦
 是謗佛法僧肇云菩提之道不可圖度高而
 無上廣不可極淵而無下深不可測語也梁
 生招箭言鑑覺猶不是從濁辯清許說如今

鑑覺是除鑑覺外別有盡是魔說若守住如
 今鑑覺亦同魔說亦名自然外道說如今鑑
 覺是自己佛是尺寸語是固度語似野干鳴
 猶屬繚膠門本來不認自知自覺是自己佛
 向外馳求覓佛假善知識說出自知自覺作
 藥治箇向外馳求病既不向外馳求病瘥須
 除藥若執住自知自覺是禪那病是徹底聲
 聞如水成冰全冰是水救渴難望亦云必死
 之病世醫拱手無始不是佛莫作佛解佛是
 眾生邊藥無病不要喫藥病俱消喻如清水
 佛似甘草和水亦如蜜和水極是甘美若同
 清水邊數則不著不是無是本有亦云此理

密二

十二

是諸人本有諸佛菩薩喚作示珠人從來不
 是箇物不用知渠解渠不用是渠非渠但割
 斷兩頭句割斷有句不有句割斷無句不無
 句兩頭迹不現兩頭捉汝不著量數管汝不
 得不是欠少不是具是非凡非聖非明非暗
 不是有知不是無知不是繫縛不是解脫不
 是一切名目何以不是實語若為雕琢虛空
 作得佛相貌若為說道虛空是青黃赤白作
 得如云法無有比無可喻故法身無為不隨
 諸效故云聖躰無名不可說如實理空門難
 湊喻如太末虫處處能泊唯不能泊於火燄
 之上眾生亦爾處處能緣唯不能緣於般若

之上叅善知識求覓一知一解是善知識。魔生語見故若發四弘誓願願度一切眾生盡然後我始成佛是菩薩法。智魔誓願不相捨故若持齋戒脩禪學慧是有漏善根。縱然坐道場示現成等正覺度恒沙數人盡証辟支佛果是善根。魔起貪著故若於諸法都無貪

密二

十三

染神理獨存住甚深禪定更不昇進是三昧魔。久耽既故至上涅槃竊欲寐靜是魔業。若智慧脫若干魔網不去縱解百本圍陀經盡是地獄滓。若覓如佛相侶無有是處。如今聞說不著一切善惡有無等法即為墮空。不知棄本逐末却是墮空也。求佛求菩提及一切

有無等法是棄本逐末。祇如麤食助命補破遮寒渴則糊水喫餘外。但是一切有無等法都無纖毫繫念。此人漸有輕明分善知識。不執有不執無。脫得十句魔語出語不繫縛人。阿有言說不自稱師說如谷響言滿天下無口過堪依止。若道我能說能解說我是和尚。汝是弟子者箇同於魔說無端說道目擊道存是佛不是佛是菩提涅槃解脫等無端說。一知一解見舉一手豎一指云是禪是道者箇語繫縛人未有住時祇是重增比丘繩索。縱然不說亦有口過寧作心師不師於心。不了義教有人天師有導師了義教中不為人

天師不師於法未能依得玄鑑且依得了義教猶有相親分若是不了義教祇合龔俗人前說祇如今但不依住一切有無諸法亦不住無依住亦不作不依住知解是名大善知識亦云唯佛一人是大善知識為無兩人餘者盡名外道亦名魔說如今祇是說破兩頭

說是不了義教語是不遮語是摠語是升合擔語是揀穢法邊語是順喻語是死語是凡夫前語不許脩行得佛無脩無證非心非佛佛亦是佛說了義教語是遮語是別語是百石擔語是三乘教外語是逆喻語是揀淨法邊語是生語是地位人前語從須陀洹洹向上直至十地但有語句盡屬法塵垢但有語句盡屬煩惱邊收但有語句盡屬不了義教了義教是持不了義教是犯佛地無持犯了義教不了義教盡不許也從苗辨地從濁辨清祇如今鑑覺若從清邊數鑑覺亦不是清不鑑覺亦不是清亦不是不清亦不是聖亦不

是不聖亦不是見水濁說水濁過患水若清
 都無可說說却濁他水若有無問之問亦有
 無說之說佛不為佛說法平等真如法界無
 佛不度眾生佛不住佛名真福田須辯主客
 語貪染一切有無境法被一切有無境惑乱
 自心是魔王照用屬魔民祇如今鑑覺但不
 依住一切有無諸法世間出世間法亦不作
 不住知解亦不依住無知解自心是佛照用
 屬菩薩心是主宰照用屬客應如波說水
 照萬像以無功若能寐照不自玄旨自然貫
 串於古今如云神無照功至功常存能一切
 趣為導師眾生性識他為未嘗者佛皆梯是

繚膠性多時黏著有無諸法乍喫玄旨藥不
 得乍聞格外語它信不及所以菩提樹下四
 十九日默然思惟智慧冥朦難說無可比喻
 說眾生有佛性亦謗佛法僧說眾生無佛性
 亦謗佛法僧若言有佛性名執著謗若言無
 佛性名虛妄謗如云說佛性有則增益謗說
 佛性無則損滅謗說佛性亦有亦無則相違
 謗說佛性非有非無則戲論謗始欲不說眾
 生無解脫之期始欲說之眾生又隨語生解
 益少損多故云我寧不說法疾入於涅槃向
 後返尋過去諸佛皆說三乘之法向後假說
 假立名字本不是佛向渠說是佛本不是菩

客二

十五

提向渠說是菩提涅槃解脫等知渠擔百石
擔不起且與渠一升一合擔知渠難信了義
教且與渠說不了義教且得善法流行亦勝
於惡法善果限滿惡果便到得佛則有眾生
到得涅槃則有生死到得明則有暗到但是
有漏因果翻覆無有不相酬獻者若欲免見
翻覆之事但割斷兩頭句量數管不著不佛
不眾生不親不疎不高不下不平不等不去
不來但不著文字隔渠兩頭提汝不得免苦
樂相形免明暗相酬實理真實亦不真寔虛
妄亦不虛妄不是量數物喻如虛空不可脩
治若心有少許作解即被量數管著亦如卦

北被金木水火土管亦如糴膠五麩俱黏磨
王提得自在還家夫教語皆三句相連初中
後善初直須教渠發善心中破善心後始名
好善菩薩即非菩薩是名菩薩法非法非非
法摠與麼也若祇說一句令眾生入地獄若
三句一時說渠自入地獄不干教主事說到
如今鑑覺是自己佛是初善不守住如今鑑
覺是中善亦不作不守住知解是後善如前
屬然燈後佛祇是不凡亦不聖莫錯說佛非
凡非聖此土初祖云無能無聖為佛聖若言
佛聖者亦非九品精靈龍畜等類及釋梵已
來皆能通變上品精靈亦知今古百劫時事

豈得是佛如阿脩羅王身極長大敵兩倍須
 彌山與帝釋戰時知力不如領百萬兵衆入
 藕絲孔裏箴通變辯才不少它且不是佛教
 話節級奢緩陸降不同未悟未解時名貪嗔
 悟了喚作佛慧故云不異舊時人祇異舊時
 行履處密一問斬草伐木掘地墾土為有罪報

相密一否師云不得定言有罪亦不得定言無罪
 有罪無罪事在當人若貪染一切有無等法
 有取捨心在透三句不過此人定言有罪若
 透三句外心如虛空亦莫作虛空想此人定
 言無罪又云罪若作了道不見有罪無有是
 處若不作罪道有罪亦無有是處如律中本

迷煞人及轉相煞尚不得煞罪何況禪宗下
 相承心如虛空不停留一物亦無虛空相將
 罪何處安著亦云禪道不用脩但莫汚染亦
 云但融冶表裏心盡即得亦云但約照境祇
 如今照一切有無等法都無貪取亦莫取著
 亦云合與麼學李似浣垢衣衣是本有垢是

外來聞說一切有無聲色如垢膩都莫將心
 湊泊菩提樹下三十二相八十種好屬色十
 二分教屬聲祇如今截斷一切有無聲色流
 過心如虛空相似合與麼學如救頭然始得
 臨命終時尋舊熟路行尚不徹到與麼時新
 調始學無有得期臨終之時盡是勝境現前

随心所愛重處先受祇如今不作惡事當此之時亦無惡境縱有惡境亦變成好境若怕臨終之時憚狂不得自由即須如今便自由始得祇如今於一一境法都無愛染亦莫依住知解便是自由人如今是目臨終是果果業已現如何怕得怕是古今古若有今今亦

密二

十七

應如是正念於法鑿然獨存亦無知獨存之法智性自如如非因所置亦名體結亦名躰集不是智知不是識識絕思量凝寂躰盡忖度永亡如海大流盡波浪不復生亦云如大海水無風匝匝之波忽知匝匝之波此是細中之窟亡知於知還如細中之細是佛境界從此初知名三昧之頂亦名三昧王亦名爾焰智出生一切諸三昧灌一切諸法王子頂於一切色聲香味觸法刹土成等正覺內外通達悉無有閔一色一塵一佛一色一切佛一切色一切塵一切佛一切刹土此是細中法亦復如是一一徧滿一切刹土此是細中

之籠是善境界是一切上流知覺聞見亦是
 一切上流出生入死度一切有無等是上流
 所說亦是上流涅槃是無上道是無等等呪
 是第一之說於諸說中景為甚深無人能到
 諸佛護念猶如清波能說一切水清濁深流
 廣大之用諸佛護念行住坐卧若能如是我
 時為現清淨光明身又云如汝自等語等我
 亦如然一佛刹聲一佛刹香一佛刹味一佛
 刹觸一佛刹事悉皆如是從此上至蓮華藏
 世界縱廣捺皆如是若守初知為解名頂結
 亦名墮頂結是一切塵勞之根本自生知見
 無繩自縛所知故繫世有二十五又散一切

諸煩惱門縛著於他此初知二乘見之名為
 爾焰識亦名微細煩惱便即斷除既得除已
 名為回神住空窟亦名三昧酒所醉亦名解
 脫魔所縛世界成壞定力所持漏向別國土
 都不覺知亦名解脫深坑可畏之處菩薩悉
 皆遠離亦云失脚作轉輪王令四天下人一
 日行十善此福智猶不能算自己鑑覺名王
 緣念著有無諸法名轉輪王祇如今於藏腑
 中都不納一切有無等法離四句外名空空
 名不死藥為喚前王名不死藥雖云不死藥
 與王共服亦非二物亦非一物若作一二解
 亦名轉輪王祇如今有人以福智四事供養

密二

十六

四百萬億阿僧祇世界六趣四生隨其所欲
滿八十年已後作是念然此衆生皆已衰老
我當以佛法而訓導之令得須陀洹果乃至
阿羅漢道如是施主但施衆生一切樂具功
德尚自無量何況令得須陀洹果乃至阿羅
漢道功德無量無邊猶不如第五十人聞經
隨喜功德報恩經云摩耶夫人生五百太子
盡得辟支佛果而皆滅度各各起塔供養一
一禮拜嘆言不如生於一子得無上菩提省
我心力祇如今於百千萬衆中有一人得者
償直三千大千世界所以常勸衆人須玄解
自理自理若玄使得福智如貴使賤亦如無

住車若守此作解名髻中珠亦名有價寶珠
亦名運糞入若不守此爲解如王髻中明珠
與之亦名無價大寶亦名運糞出佛直是纏
外人却來纏內與麼作佛直是生死那邊人
直是玄絕那邊人却來向者畔與麼作佛人
及猕猴俱不能行人喻十地菩薩猕猴喻凡
夫讀經看教求一切知解不是一向不許解
得三乘教善得瓔珞莊嚴具得三十二相窟
宅覓佛即不得教云貪著小乘三藏學者猶
不許親近何況自爲是破戒比丘名字羅漢
涅槃經中被配入十六惡律儀中同於畋獵
漁捕爲利養故殺害大乘方等猶如甘露亦

密二

十九

如毒藥消得去如甘露消不去如毒藥讀經看教若不辭他生死語決定透它義句不過莫讀最第一亦云須看教亦須參善知識第一須自有眼須辯它生死語始得若辯白不得決定透不過祇是重增比丘繩索所以教學玄旨人不遣讀文字如云說躰不說相說義不說文如是說者名真說若說文字皆是誹謗是名邪說菩薩若說當如法說亦名真說當令衆生持心不持事持行不持法說人不說字說義不說文說道欲界無禪亦是帶一隻眼人語既云欲界無禪憑何得至色界先因地上習二種定然後得至初禪有想定

無想定有想定生色界四禪等天無想定生無色界四空等天欲界灼然無禪禪是色界問如今說此土有禪如何師云不連不禪九如來禪離生禪想問如何是有情無佛性無情有佛性師云從人至佛是聖情執從人至地獄是凡情執祇如今但於凡聖二境有染愛心是名有情無佛性祇如今但於凡聖二境及一切有無諸法都無取捨心亦無無取捨知解是名無情有佛性祇是無其情繫故名無情不同木石太虛黃花翠竹之無情將為有佛性若言有者何故經中不見受記而得成佛者祇如今鑑覺但不被有情改變

喻如翠竹無不應機無不知時喻如黃花又
云若踏佛階梯無情有佛性若未踏佛階梯
有情無佛性

二十末

古尊宿語錄卷第二

密二

永樂北藏

古尊宿語錄

第一九七册

永樂北藏

古尊宿語錄

第一九七冊

古尊宿語錄卷第三

密三

百丈禪師語之餘

黃檗禪師大鑑下三世嗣百丈

百丈大智禪師僧問大通智勝佛十劫坐道場佛法不現前不得成佛道如何師云劫者

密三

滯也亦云住也住一善滯於十善西國云佛此土云覺自己鑒覺滯著於善善根人無佛性故云佛法不現前不得成佛道觸惡住惡名衆生覺觸善住善名聲聞覺不住善惡二邊不依住將為是者名二乘覺亦名辟支佛覺既不依住善惡二邊亦不作不依住知解

永樂北藏

古尊宿語錄

名菩薩覺既不依住亦不作無依住知解始得名為佛覺如云佛不住佛名真福田若於千萬人中忽有一人得者名無價寶能於一切處為導師無佛處云是佛無法處云是法無僧處云是僧名轉大法輪 問從上祖宗皆有密語迤相傳授如何師云無有密語如來無有祕密藏祇如今鑑覺語言分明覓形相了不可得是密語從須陀洹向上直至十地但有語句盡屬法之塵垢但有語句盡屬煩惱邊收但有語句盡屬不了義教但有語句盡不許也了義教俱非也更討什麼密語問空生大覺中如海一漚發如何師云空

第一九七册

喻於溷海喻於性自己靈覺之性過於虚空
 故云空生大覺中如海一溷發 問伐林莫
 伐樹如何師云林者喻於心樹者喻於身因
 說林故生怖故云伐林莫伐樹 問語也堞
 生招箭言既堞生不得無患患累既同緇素
 何辨師云但却發箭途中相拄如其相若必
 有所傷谷中尋響累劫無形響在口邊得失
 在於來問却問所歸還被於箭亦如知幻不
 是幻三祖云不識玄旨徒勞念靜亦云認物
 為見如持瓦礫用將何為若言不見木石何
 殊是故見與不見二俱有失舉一例諸問本
 無煩惱三十二相如何師云是佛道事本有

煩惱今有三十二相祇如今凡情是問無邊
 身菩薩不見如來頂相如何師云為作有邊
 見無邊見所以不見如來頂相祇如今都無
 一切有無等見亦無無見是名頂相現 問
 如今沙門盡言我依佛教學一經一論一禪
 一律一知一解合受檀越四事供養為消得
 否師云三但約如今照用一聲一色一香一味
 於一切有無諸法一一境上都無纖塵取染
 亦不依住無取染亦無不依住知解者箇人
 日食萬兩黃金亦能消得祇如今照一切有
 無等法於六根門頭剗削併當貪愛有纖毫
 治不去乃至乞施主一粒米一縷線箇箇披

毛戴角牽犁負重一一湏償它始得為不依
佛佛是無著人無求人無依人如今波波貪
覓佛盡皆背也故云久親近於佛不識於佛
性唯觀救世者輪回六趣中久乃見佛者為
說佛難值文殊是七佛祖師亦云是娑婆世
界第一主首菩薩無端作見佛想聞法想被佛威

神力故猶降二鉢圖山不是不解特與諸學
人作標則令諸後學人莫作與麼見聞但無
一切有無等法有無等見一一箇箇隨三句
外是名如意寶是名寶華承是若作佛見法
見但是一切有無等見名眼翳見所見故亦
名見纏亦名見蓋亦名見孽祇如今念念及

永樂北藏

古尊宿語錄

一切見聞覺知及一切塵垢祛得盡但是一
塵一色捻是一佛但起一念捻是一佛三世
五陰念念誰知其數是名佛闍塞虛空是名
分身佛是名寶塔現煇常歎言躋今日所依
之命依一顆米一莖菜餉時不得食飢死不
得水渴死不得火寒死欠一日不生欠一日
不死被四大把定不如先達者入火不燒入
水不溺倘要燒便燒要溺便溺要生即生要
死即死去住自由者箇人有自由分心若不
亂不用求佛求菩提涅槃若著佛求屬貪貪
變成病故云佛病最難治謗佛毀法乃可取
食食者是自己靈覺性無漏飯解脫食此語

第一九七册

治十地菩薩病是從初至十地也 祇如
 今但有一切求心盡名破戒比丘名字羅漢
 盡名野干灼然銷他供養不得祇如今聞聲
 如響等嗅香如風等離一切有無等法亦不
 住於離亦無不住知解此人一切罪垢不能
 相累為求無上菩提涅槃故名出家猶是邪
 顛况乎世間諍論覓勝負說我能我解貪一
 門徒愛一弟子戀一住處結一檀越一衣一
 食一名一利又言我得一切無閔祇是自誑
 祇如今能於自己五陰不為其主被人割截
 節節支解都無怨吝之心亦不煩惱乃至自
 己弟子被人鞭打送頭至是如上一一等事

都無一念生彼我心猶依住無一念將為是
 此名法塵垢十地之人脫不去流入生死河
 所以常勸衆人須懼法塵煩惱如懼三塗乃
 有獨立分假使有一法過於涅槃者亦無少
 許生珍重想此人步步是佛不假脚踏蓮華
 分身百億祇如今於一切有無等法有纖毫
 愛染心縱然脚踏蓮華亦同魔作若執本清
 淨本解脫自是佛自是禪道解者即屬自然
 外道若執因緣修成證得者即屬因緣外道
 執有即屬常見外道執無即屬斷見外道執
 亦有亦無即屬邊見外道執非有非無即屬
 空見外道亦云愚癡外道祇如今但莫作佛

見涅槃等見都無一切有無等見亦無無見
名正見無一切聞亦無無聞名正聞是名摧
伏外道無凡夫魔來是大神呪無二乘魔來
是大明呪無菩薩魔來是無上呪乃至亦無
佛魔來是無等等呪一變衆生誦曲脩羅二
變二乘誦曲脩羅 三變菩薩誦曲脩羅是

密三

四

三變淨土但是一切有無凡聖等法喻如金
鑛自己如理喻如於金金與鑛各相去離真
金露現忽有人覓錢覓寶變金為錢與他亦
如麩鉢真正無諸沙鹵有人乞餽變麩為餽
與它亦如智臣善解王意王若行時索仙陀
婆即便奉馬食時索仙陀婆即便奉鹽此等

喻學玄旨人善能通達應機不失亦云六絕
師子誌公云隨人造作百變十地菩薩不飢
不飽入水不溺入火不燒倘要燒且不可得
燒它被量數管定佛則不與麼入火不燒倘
要燒便燒要溺便溺他使得四大風水自由
一切色是佛色一切聲是佛聲自己淨穢誦
曲心盡透過三句外得說此語菩薩清淨第
子明白所有言說不執無有一切照用不拘
清濁有病不喫藥是愚人無病喫藥是聲聞
人定執一法名定性聲聞一向多聞名增上
慢聲聞知他名有學聲聞沈空滯寂及自知
名無學聲聞貪嗔癡等是毒十二分教是藥

毒未銷藥不得除無病喫藥藥變成病病去藥不消不生不滅是無常義但繫經云有三惡欲一欲得四眾圍遶二欲得一切人為我門徒三欲得一切人知我是聖人及阿羅漢迦葉經云一欲求見未來佛二欲求轉輪王三欲求利利大姓四欲得婆羅門大姓乃至密三厭生死求涅槃如是惡欲先須斷之五祇如今但有取染連念盡名惡欲盡屬六天搃被波旬管問二十年中常令除糞如何師云但息一切有無知見但息一切貪求箇箇透過三句外是名除糞祇如今求佛求菩提求一切有無等法是名運糞入不名運糞出祇如今

作佛見作佛解但有所見所求所著盡名戲論之糞亦名麤言亦名死語如云大海不宿死屍等閑說話不名戲論說者辯清濁名戲論教文都搃有二十一般空洵擇眾生塵累沙門持齋持戒忍辱柔和慈悲喜捨尋常是僧家法則會與麼會宛然依佛教祇是不許貧著依執若希望得佛得菩提等法者似手觸火文殊云若起佛見法見應當害已所以文殊執劍於瞿曇耆掘持刀於釋氏如云菩薩行五無間而不入無間地獄他是圓通無間不同眾生五逆無間從波旬直至佛盡是垢膩都無纖毫依執如是名二乘道况乎諱

論覓勝負說我能我鮮祇名諍論僧不名無
為僧祇如今但不貪染一切有無諸法是名
無生是名正信信著一切法名信不具亦名
信不圓亦名偏信不具故名一闡提如今欲
得薦直悟鮮但人法俱泯人法俱絕人法俱
空透三句外是名不墮諸數人者是信法者
是戒施聞慧等菩薩忍不成佛忍不作眾生
忍不持戒忍不破戒故云不持不犯智濁照
清慧清識濁在佛名照慧在菩薩名智在二
乘及眾生邊則名識亦名煩惱在佛名果中
說因在眾生名目中說果在佛名轉法輪在
眾生名法輪轉在菩薩名瓔珞莊嚴具在眾

生名五陰叢林在佛名本地無明是無明明
故云無明為道體不同眾生暗蔽無明彼是
所此是能彼是所聞此是能聞不一不異不
斷不常不來不去是生語句是出轍語句不
明不暗不佛不眾生恣與麼也來去斷常佛
與眾生是死語徧不徧同異斷常等是外道
義般若波羅蜜是自已佛性亦云摩訶衍^六
訶是大義衍是乘義若守住自已知覺又成
自然外道不用守如今鑑覺不用別求佛若
更別求又屬目緣外道此土初祖云心有所
是必有所非若貴一物則被一物感若重一
物則被一物惑信被信惑不信又成謗莫貴

莫不貴莫信莫不信佛亦不是無為雖不是
 無為又不是冥冥猶如虛空佛是大心衆生
 鑑覺多鑑覺雖多它鑑覺清淨貪瞋鬼捉他
 不著佛是纏外人無纖毫愛取亦無無愛取
 知解是名具足六度萬行若要莊嚴具種種
 皆有如不要他不用亦不失他使得因果福
 智自由是脩行非是執勞負重喚作修行却
 不與麼三身一體三身一者法身實相
 佛法身佛不明不暗明闇屬幻化實相申對
 虛得名本無一切名目如云佛身無為不墮
 諸數成佛獻蓋等是升合擔語要從濁辨清
 得名故云實相法身佛是名清淨法身毘盧

遮那佛亦名虛空法身佛亦名大圓鏡智亦
 名第八識亦名性宗亦名空宗亦名佛居不
 淨不穢土亦名在窟師子亦名金剛後得智
 亦名無垢檀亦名第一義空亦名玄旨三祖
 云不識玄旨徒勞念靜二報身佛菩提樹下
 佛亦名幻化佛亦名相好佛亦名應身佛是
 名圓滿報身盧舍那佛亦名平等性智亦名
 第七識亦名酌日吞果佛同五十二禪那數
 同阿羅漢辟支佛同一切菩薩等同受生滅
 等苦不同衆生繫業等苦三化身佛祇如今
 於一切有無諸法都無貪染亦無無染離四
 句外所有言說辯才名化身佛是名千百億

化身釋迦牟尼佛亦名大神變亦名遊戲神通亦名妙觀察智亦名第六識供養者淨三業前際無煩惱可斷中際無自性可守後際無佛可成是三際斷是三業清淨是三輪空是三檀空云何比丘給侍於佛所謂不漏六根者亦名莊嚴空無諸漏林樹莊嚴空無諸染花果莊嚴空無佛眼約修行人法眼辯清濁亦不作辯清濁知解是名乃至無眼寶積經云法身不可以見聞覺知求非肉眼所見以無色故非天眼所見以無妄故非慧眼所見以離相故非法眼所見以離諸行故非佛眼所見以離諸識故若不作如是見是名佛

見同色非形色名真色同空非太虛名真空色空亦是藥病相治語法界觀云不可言即色不即色亦不可言即空不即空眼耳鼻舌身意不納一切有無諸法名轉入第七地七地菩薩不退七地向上三地菩薩心地明白易染說火即燒從色界向上布施是病慳貪是藥從色界向下慳貪是病布施是藥有作戒者割斷世間法但不身手作無過名無作戒亦云無表戒亦云無漏戒但有舉心動念盡名破戒祇如今但不被一切有無諸境惑亂亦不依住不惑亂亦無不依住知解是名徧學是名勤護念是名廣流布未悟未解時

名母悟了名子亦無無悟解知解是名母子
 俱喪無善纏無惡纏無佛纏無眾生纏量數
 亦然乃至都無一切量數纏故云佛是出纏
 過量人貪愛知解義句如母愛子唯多與兒
 酥與消與不消都搃不知此語喻十地受人
 天尊貴煩惱生色界無色界禪定福樂煩惱
 不得自在神通飛騰隱顯徧至十方諸佛淨
 土聽法之煩惱學慈悲喜捨因緣煩惱學空
 平等中道煩惱學三明六通四無闍煩惱學
 大乘心發四弘誓願煩惱初地二地三地四
 地明解煩惱五地六地七地諸知見煩惱八
 地九地十地菩薩雙照二諦煩惱乃至李佛

果百萬阿僧祇諸行煩惱唯貪義句知解不
 知却是繫縛煩惱故云見河能漂香象問見
 否荅曰見問見後如何荅曰見無二既云見
 無二不以見見於見若見更見為前見是為
 後見是如云見見之時見非是見見猶離見
 見不能及所以不行見法不行聞法不行覺
 法諸佛疾與授記難曰見既不是授記之言
 復何用記師云先悟宗人不被一切有無諸
 法相拘如浣垢衣故云離相名佛虛實盡不
 存中旨獨玄玄達一路同道後進契其階故
 云授記耳無明為父貪愛為母自己是病還
 自己是藥自己是刀還殺自己無明貪愛父

毋故云殺父害母一語類破一切法喫非時
食者亦復如是祇如今但是一切有無等法
盡是喫非時食亦名惡食是穢食置於寶器
是破戒是妄語是雜食佛是無求人如今貪
求一切有無諸法但是所有所作皆背也却
是謗佛但有貪染盡名授手祇如今但不貪
染亦不依住不貪染亦無不依住知解是名
般若火是燒手指是不惜軀命是節節支解
是出世間是掌世界於它方祇如今若於十
二分教及一切有無諸法於藏腑中有纖毫
停留是不出經但有所求所得但有生心動
念盡名野干祇如今於藏腑中都無所求都

卷三

九

無所得此人是施王是師子吼亦不依住
無所得亦無不依住知解是名六絕師子人
我不生諸惡不起是納須彌於芥子中不起
一切貪嗔八風等是悉能吸四大海水入口
中不受一切虛妄語言是不入耳中不令身
起一切惡於人是納一切火於腹中祇如今
於一一境不惑不乱不嗔不喜於自己六根
門頭刮削併當得淨潔是無事人勝一切知
解頭陀精進是名天眼亦名了照為眼是名
法界性是作車載因果佛出世度眾生則前
念不生後念莫續前念業謝名度眾生前念
若嗔即將喜藥治之即名為有佛度眾生但

是一切言教祇如治病為病不同藥亦不同
 所以有時說有佛有時說無佛實語治病病
 若得瘥箇箇是實語治病若不瘥箇箇是虛
 妄語寔語是虛妄語生見故虛妄是實語斷
 衆生顛倒故為病是虛妄祇有虛妄藥相治
 佛出世度衆生是九部教語是不了義教語
 瞋及喜病及藥搵是自己更無兩人何處有
 佛出世何處有衆生可度如經云實無衆生
 得滅度者亦云不愛佛菩提不貪染有無諸
 法名為度它亦不守住自己名為自度為病
 不同藥亦不同處方不同不得一向固執依
 佛依菩提等法盡是依方故云至於智者不

得一向教中所辯喻於黃葉亦如空拳誑小
 兒若人不知此理名同無明如云行般若苦
 陞不得取我語及依教勅瞋如石頭愛如河
 水祇如今但無瞋無愛是透山河石壁直為
 治聾俗病多聞辯說治眼病從人至佛是得
 從人至地獄是失是非亦然三祖云得失是
 非一時放却不執住一切有無諸法十是名不
 住有緣亦不依住不依住是名不住空忍執
 自己是佛自己是禪道解者名內見執因緣
 脩証而成者名外見誌公云內見外見俱錯
 眼耳鼻舌各各不貪染一切有無諸法十是名
 受持四句偈亦名四果六入無迹亦名六通

祇如今但不被一切有無諸法闕亦不依住
不闕亦無不依住知解是名神通不守其神
神通如云無神通菩薩足迹不可尋是佛向
上人最不可思議人是自己天是智照讚即
喜喜者屬境界是天讚是人人天交接兩得
相見亦云淨智為天正智為人本不是佛向
渠說是佛名躰結祇如今但莫作佛知解亦
無無不依住知解是名滅結亦名真如亦名
躰如求佛求菩提名現身意祇如今但有一
切求心盡名現身意如云求菩提雖是勝求
重增塵累求佛是佛眾求一切有無諸法是
眾生眾祇如今鑑覺但不依住一切有無諸

法是不入羶祇如今於一一聲香味觸法等
不愛於一一境不貪但無十句濁心是了因
成佛學文句覓解者名緣因成佛見佛知佛
則得說佛有知有見却是謗佛若云佛知佛
見佛聞佛說即得見火即得火見即不得如
刀割物即得物割刀即不得知佛人見佛人
聞佛人說佛人如恒河沙是佛知是佛見是
佛聞是佛說萬中無一祇為自無眼依它作
眼教中喚作比量智祇如今貪佛知解亦是
比量智世間譬喻是順喻不了義教是順喻
了義教是逆喻捨頭目髓腦是逆喻如今不
愛佛菩提等法是逆喻難捨喻於頭目髓腦

卷三

十一

如照著一切有無境法名頭被一切有無境法相撓著名手都未照前境持名髓腦聖地習凡因佛入衆生中同類誘引化導同渠餓鬼肢節火然與渠說般若波羅蜜令渠發心若一向在聖地憑何得至彼共渠語佛入諸類與衆生作船筏同渠受苦無限勞極佛入苦趣亦同衆生受苦佛祇是去住自由不同衆生佛不是虛空受苦何得不苦若說不苦此語違負等閑莫說錯說佛神通自在不自在且慚愧人不敢說佛是有爲是無爲不敢說佛自由不自由除讚藥方外不欲得露現兩頭醜陋教云若人安佛菩提置有所是道

其人得大罪亦云如不識佛人前向渠與麼說無過如無漏牛乳能治有漏病其牛者不在高原不居下隰此牛乳堪作藥高原喻於佛下隰喻於衆生如云如來實智法身又無此病辯才無闕昇騰自在不生不滅是名生老病死疼痛瘡瘡是暗喫茵蕪患痢疾而終是暗爲蔽明頭迹明暗都遣莫取無取亦無無取他不明明不暗王官生納耶輸陀羅八相成道聲聞外道妄想所計如云非雜食身純陀云我知如來決定不受不食第一須具兩隻眼照破兩頭事莫祇帶一隻眼向一邊行即有那箇邊到功德天黑暗女相隨有智主

人二俱不受祇如今心如虛空相但學始有
所成西國高祖云雪山喻大涅槃此土初祖
云心心如木石三祖云兀爾忘緣曹溪云善
惡都莫思量先師云如迷人不辯方所肇公
云閉智塞聰獨覺冥冥者矣文殊云心同虛
空故敬禮無所觀甚深修多羅不聞不受持
祇如今但是一切有無諸法都不見不聞六
根杜塞若能與麼學與麼持經始有脩行分
者箇語逆耳苦口可中與麼作得至第二第
三生能向無佛處坐大道場示現成等正覺
變惡為善變善為惡使惡法教化十地菩薩
使善法教化地獄餓鬼能向明處解明縛能

密三

十二

向暗處解暗縛撮金成土撮土成金百般作
得變弄自由於恒沙世界外有求救者婆伽
婆即披三十二相現其人前同渠語音與渠
說法隨機感化應物殊形變現諸趣離我我
所猶屬彼邊事猶是小用亦是佛事門中叔
大用者大身隱於無形大音匿於希聲如木
中之火如鐘鼓之聲因緣未具時不可言其
有無傍報生天棄之如涕唾菩薩六度萬行
如乘死屍過岬如在牢獄廁孔得出佛披三
十二相相喚作垢膩之衣亦云若說佛一向
不受五陰無有是處佛不是虛空何得一向
不受佛祇是去住自由不同衆生從一天界

至一天界從一佛刹至一佛刹諸佛常法又云若據三乘教受它信施供養他在地獄中菩薩行慈悲同類化導報恩不可常在涅槃又云如火見火但莫手觸火不燒人祇如今但無十句濁心貪心愛心染心瞋心執心住心依心著心取心戀但是一句各有三句箇

密三

十三

箇透過三句外但是一切照用任聽縱橫但是一切舉連施為語默啼笑盡是佛慧筠州黃檗斷際禪師諱希運乃福州人也師初到洛京行乞吟添鉢聲有一嫗出林扉間云太無厭生師云汝猶未施責我無厭何耶嫗笑而掩扉師異之進而與語多所發槩須

史薛去嫗告之曰可往南昌見馬大師師至南昌大師已遷窆聞塔於石門遂往瞻禮時百丈大智禪師廬于塔傍師序其遠來之意願聞平日得力句百丈乃問魏魏堂堂從何方來師曰魏魏堂堂從嶺南來丈曰魏魏堂堂當為何事師曰魏魏堂堂不為別事便禮拜又舉我再叅馬大師侍立次大師顧繩床角拂子我問即此用離此用大師云汝他後開兩片皮將何為人我取拂子豎起大師云即此用離此用我挂拂子舊處被大師震威一喝我直得三日耳聾師聞是語不覺吐舌又云子已後莫承嗣馬大師去否師云不然

今日因師舉得見馬祖大機大用且不識馬祖若嗣馬祖已後喪我兒孫丈云見與師齊滅師半德子甚有趙師之作百丈一日問師甚處來師云大雄山下採箇子來丈云還見大虫麼師作大虫聲丈拈斧作斫勢師與丈一掌丈吟吟而笑即歸上堂云大雄山下

有一大虫汝等諸人也須好看百丈老漢今日親遭一口師在百丈普請開田次丈問運闍梨開田不易師云隨衆作務丈云有煩道用師云爭敢辭勞丈云開得多少田師將鏹築地三下丈便喝師掩耳而去師問百丈從上宗乘如何指示於人文據坐師云後

代兒孫將何傳受丈云我將謂你是箇人便起去南泉問師黃金爲城白銀爲壁是甚麼人居止慶師云聖人居止慶泉云更有一人居何國土師近前叉手而立泉云道不得何不請王老師道師云更有一人居何國土泉云可惜許師上堂大衆繞集師拈拄杖

室

十四

一時打散復召大衆衆回首師云月似彎弓少雨多風師一日捏拳謂衆云天下老和尚總在這裏我若放一線道從汝七縱八橫若不放過不消一捏時有僧問放一線道如何師云七縱八橫云不放過時如何師云普

裝相國一日請師至郡以所辭一編示師師

授置於座略不披閱良久曰會麼裴曰未測
 師曰若便恁麼會得猶較些子若也形於紙
 墨何有吾宗裴乃贈詩一章曰自從大士傳
 心印額有圓珠七尺身掛錫十年棲蜀水浮
 盃今日渡漳濱一千龍象隨高步萬里香花
 結勝目擬欲事師為弟子不知將法付何人
 師亦無喜色自爾黃檗門風盛于江表矣
 問如何是道如何脩行師云道是何物汝欲
 修行問諸方宗師相承參禪學道如何師云
 接引鈍根人語未可依憑云此既是接引鈍
 根人語未審接上根人復說何法師云若是
 上根人何處更就它覓它自已尚不可得何

况更別有法當情不見教中云法法何狀云
 若如此則都不要求覓也師云若與麼則省
 心力云如是則渾成斷絕不可是無也師云
 阿誰教它無他是阿誰你擬覓它云既不許
 覓何故又言莫斷它師云若不覓即便休誰
 教你斷你見目前虛空作麼生斷他云此法
 可得便同虛空否師云虛空早晚向你道有
 同有異我整如此說你便向者裏生解云應
 是不與人生解耶師云我不曾教你要且解
 屬於情情生則智隔云向者裏莫生情是否
 師云若不生情阿誰道是問纔向和尚處發
 言為什麼便道話墮師云汝自是不解語人

密三

十五

有什麼墮負 問向來如許多言說皆是抵
敵語未曾有實法指示於人師云實法無顛
倒汝今問顛自生顛倒覓什麼實法云既是
問顛自生顛倒和尚答顛如何師云你且將
物照面看莫管它人又云只如箇癡狗相侶
見物動颯便吠風吹草木也不別又云我此

禪宗從上相承已來不曾教人求知求解只
云學道早是接引之詞然道亦不可學情存
學者却成迷道道無方所名大乘心此心不
在內外中間實無方所第一不得作知解只
是說汝如今情量顛為道情量若盡心無方
所此道天真本無名字只為世人不識迷在

情中所以諸佛出來說破此事恐你諸人不
了權立道名不可守名而生解故云得魚忘
筌身心自然達道識心達本源故號為沙門
沙門果者從息慮而成不從學得汝如今將
心求心傍它家舍只擬學取有什麼得時古
人心利繞聞一言便乃絕學所以喚作絕學

無為閑道人今時人只欲得多知多解廣求
文義喚作脩行不知多知多解翻成壅塞唯
知多與兒酥乳喫消與不消都認不知三乘
學道人皆是此樣盡名食不消者所謂知解
不消皆為毒藥盡向生滅中取真如之中都
無此事故云我王庫內無如是刀從前所有

一切辭處盡湏併却令空即是空如來藏如
 來藏者更無纖塵可有即是破有法王出現
 世間亦云我於然燈佛所無少法可得此語
 只為空你情辭知量但消融表裏情盡都無
 依執是無事人三乘教網只是應機之藥隨
 宜所說臨時施設各各不同但能了知即不
 被惑第一不得於一機一教邊守文作辭何
 以如此實無有定法如來訶我此宗門不論
 此事但知息心即休更不用思前慮後問
 從上來皆云即心是佛未審即那箇心是佛
 師云你有幾箇心云為復即凡心是佛即聖
 是佛師云何處有凡聖心耶云即今三乘中

卷三

十六

說有凡聖和尚何得言無師云三乘中分明
 向你道凡聖心是妄你今不辭返執為有將
 空作實豈不是妄妄故迷心汝但除却凡情
 聖境外更無別佛祖師西來直指一切人
 全體是佛汝今不識執凡執聖向外馳騁還
 自迷心所以向汝道即心是佛一念情生即
 墮異趣無始已來不異今日無有異法故名
 成等正覺云和尚所言即者是何道理師云
 見什麼道理纔有道理便即心異云前言無
 始已來不異今日此理如何師云只為覓故
 汝自異它汝若不覓何處有異云既是不異
 何更用說即師云汝若不認凡聖阿誰向汝

道即即若不即心亦不心可中心即俱忘阿
你更擬向何處覓去 問妄能彰自心未審
而今以何遣妄師云起妄遣妄亦成妄妄本
無根只因分別而有你但於凡聖兩處情莫
計念自然無妄更擬若為遣它都不得有纖
毫依執名為我捨兩臂必當得佛云既無依
執家三當何相承師云以心傳心云若心相傳云
何言心亦無師云不得一法名為傳心若了
此心即是無心無法云若無心無法云何名
傳師云汝聞道傳心將謂有可得也所以祖
師云認得心性時可說不思議了了無所得
得時不說知此事若教會何堪也 問只如

十七

目前虛空可不是境豈無指境見心乎師云
什麼心教汝向境上見設汝見得只是箇照
境底心如人以鏡照面縱然得見眉目分明
元來只是影像何關汝事云若不日照何時
得見師云若也涉因常須假物有什麼了時
汝不見它向汝道撒手但君無一物徒勞謾
說教千般云他若識了照亦無物耶師云若
是無物更何用照你莫開眼寐語去上堂云
百種多知不如無求最第一也道人是無事
人實無許多般心無事亦無散去 問如何
是世諦師云說葛藤作什麼本來清淨何假
言說問答但無一切心即名無漏智云每日

行住坐卧一切言語但莫著有為法出言瞬
 目盡同無漏如今末法向去多是學禪道者
 皆著一切聲色何不與我心同虛空去如
 枯木石頭去如寒灰死火去方有少分相應
 若不如是他日盡被閻老子拷你在你但離
 却有無諸法心如日輪常在虛空光明自然
 不照而照不是省力底事到此之時無棲泊
 處即是行諸佛路便是應無所住而生其心
 此是你清淨法身名為阿耨菩提若不會此
 意縱你學得多知勤苦脩行草衣木食不識
 自心盡名邪行定作天魔眷屬如此脩行當
 復何益故誌公云佛本是自心作那得向文

字中求假饒你學得三賢四果十地滿心也
 只是在凡聖內坐不見道諸行無常是生滅
 法勢力盡箭還墜招得來生不如意爭但無
 為實相門一超直入如來地為你不是與麼
 人須要向古人建化門廣學知辭誌公云不
 逢出世明師枉服大乘法藥你如今一切時
 中行住坐卧卷三但學無心久久雖實為你力量
 小不能頓超但得三年五年或十年須得箇
 入處自然會去為汝不能如是須要將心學
 禪學道佛法有什麼交涉故云如來所說皆
 為化人如將黃葉為金止小兒啼決定不實
 若有實得非我宗門下客且與你本體有甚

交涉故經云實無少法可得名為阿耨菩提若也會得此意方知佛道魔道俱錯本來清淨皎皎地無方圓無大小無長短等相無漏無為無迷無悟了了見無一物亦無人亦無佛大千沙界海中漚一切聖賢如電拂一切不如心真實法身從古至今與佛祖一般何

處欠少一毫毛既會如是意大須努力盡今生去出息不保入息問六祖不會經書何得傳衣為祖秀上座是五百人首座為教授師講得三十二本經論云何不傳衣師云為它有心是有為法所脩所證將為是也所以五祖付六祖六祖當時只是默契得密授如

未甚深意所以付法與它汝不見道法本法無法無法法亦法今付無法時法法何曾法若會此意方名出家兒方好修行若不信云何明上座走來大庾嶺頭尋六祖六祖便問汝來求何事為求衣為求法明上座云不為衣來但為法來六祖云汝且整時歛念善惡

密三

九末

都莫思量明上座乃稟言六祖云不思善不思惡正當與麼時還我明上座父母未生時面目來明上座於言下忽然默契便禮拜云如人飲水冷暖自知某甲在五祖會中枉用三十年功夫今日方知不是六祖云如是到此之時方知祖師西來直指人心見性成佛

不在言說豈不見阿難問迦葉云世尊傳金
襴外別傳何法迦葉名阿難阿難應諾迦葉
云倒却門前刹竿著此便是祖師之標榜也
甚生阿難三十年為侍者只為多聞智慧被
佛呵云汝千日學慧不如一日學道若不學
道滴水也難消夫出家人須知有從上來事
分始得且如四祖下牛頭橫說豎說猶未知
向上關捩子有此眼目方辨得邪正宗黨且
當人事宜不能體會得但知學言語念向皮
袋裏安著到處稱我會禪還替得汝生死麼
輕忽老宿入地獄如箭我纔見汝入門來便
識得了也還知麼急須努力莫容易事持片

衣口食空過一生明眼人笑汝久後搵被俗
漢筭將去在宜自看遠近是阿誰面上事若
會即便會若不會即散去珍重問如何是西
來意師便打自餘施設皆被上機中下之流
莫窺涯涘唐大中年終於本山謚斷際禪師
塔曰廣業

古尊宿語錄卷第三 密三

古尊宿語錄卷第四

密四

黃檗斷際禪師宛陵錄

丞相裴公問曰山中四五百人幾人得和尚法師云得者莫測其數何故道在心悟豈在言說言說祇是化童蒙耳問如何是佛師云

密四

即心是佛無心是道但無生心適合有無長短彼我能所等心心本是佛佛本是心心如虛空所以云佛真法身猶如虛空不用別求有求皆苦設使恒沙劫數行六度萬行得佛菩提亦非究竟何以故為屬因緣造作故因緣若盡還歸無常所以云報化非真佛亦非

永樂北藏

古尊宿語錄

說法者但識自心無我無人本來是佛問聖人無心即是佛凡夫無心莫沈空寂否師云法無九聖亦無沈寂法本不有莫作無見法本不無莫作有見有之與無是情見猶如幻翳所以云見聞如幻翳知竟乃衆生祖宗門中只論息機忘見所以忘機則佛道隆分別則魔軍賊問心既本來是佛還備六度萬行否師云悟在於心非關六度萬行六度萬行盡是化門接物度生邊事設使菩提真如實際鮮脫法身直至十地四果聖位盡是度門非關佛心心即是佛所以一切諸度門中佛心第一但無生死煩惱等心即不用菩提等

第一九七册

法所以道佛說一切法度我一切心我無一切心何用一切法從佛至祖並不論別事唯論一心亦云一乘所以十方諦求更無餘乘此衆無枝葉唯有諸真實所以此意難信達磨來此土梁魏二國祇有可大師一人密信自心言下便會即心是佛身心俱無是名大

道大道本來平等所以深信念生同一真性心性不異即性即心心不異性名之為祖所以云認得心性時可說不思議 問佛度衆生否師云實無衆生如來度者我尚不可得非我何可得佛與衆生皆不可得云現有十二相及度衆生何得言無師云九所有相

皆是虛妄若見諸相非相即見如來佛與衆生盡是汝作妄見祇為不識本心謾作見解終作佛見便被佛郵縛作衆生見便被衆生郵作九作聖作淨作穢等見成其郵障汝心故摠成輪轉猶如猕猴放一捉一無有歇期一等是學直須無學無九無聖無淨無垢

等四

二

無大無小無漏無為如是一心中方便勤莊嚴聽汝學得三乘十二分教有一切見解摠須捨却所以除去所有唯置一床寢疾而卧祇是不起諸見無一法可得不被法郵透脫三界九聖境域始得名為出世佛所以云稽首如虛空空無所依出過外道心既不異法

亦不異心既無為法亦無為萬法及由心變所以我心空故諸法空千品萬類悉皆同盡十方空界同一心體心本不異法亦不異祇為汝見解不同譬如諸天同寶器食隨其福德飯色有異十方諸佛實無少法可得名為阿耨菩提祇是一心實無異相亦無光彩亦無勝負無勝故無佛相無負故無衆生相云心既無相豈得全無三十二相八十種好化度衆生耶師云三十二相屬相九所有相皆是虛妄八十種好屬色若以色見我是人行邪道不能見如來 問佛性與衆生性為同為別師云性無同異若約三乘教即說有

佛性有衆生性遂有三乘因果即有同異若約佛乘及祖師相傳即不說如是事唯指一心非同非異非因非果所以云唯此一乘道無二亦無三除佛方便說 問無邊身菩薩為什麼不見如來頂相師云實無可見何以故無邊身菩薩便是如來不應更見祇教汝密四不作佛見不落佛邊不作衆生見不落衆生邊不作有見不落有邊不作無見不落無邊不作凡見不落凡邊不作聖見不落聖邊但無諸見即是無邊身若有見處即名外道外道者樂於諸見菩薩於諸見而不動如來者即諸法如義所以云彌勒亦如也衆聖賢亦

如也如即無生如即無滅如即無見如即無聞如來頂即圓亦無無圓無圓見故不落圓邊所以佛身無爲不墮諸數權以虛空爲喻圓同大虛無欠無餘等閑無事莫強辯他境辯著便成識所以云圓成沈澁海流轉若飄蓬祇道我知也學得也契悟也解脫也有道理也強處即喜弱處生嗔似者箇見解有什麼用處我向汝道等閑無事莫謾用心不用求真唯須息見所以內見外見俱錯佛道魔道俱惡所以文殊輓起二見貶向二錢圍山文殊即實智普賢即權智權實相對治究竟亦無權實唯是一心心且不佛不衆生無有

異見纔有佛見便作衆生見有見無見常見斷見便成二錢圍山被見障故祖師直指一切衆生本心本體本來是佛不假脩成不屬漸次不是明暗不是明故無明不是暗故無暗所以無無明亦無無明盡入我此宗門切須在意如此見得名之爲法見法故名之爲佛佛法俱無名之爲僧喚作無爲僧亦名一體三寶夫求法者不著佛求不著法求不著衆求應無所求不著佛求故無佛不著法求故無法不著衆求故無僧 問和尚見今說法何得言無僧亦無法師云汝若見有法可說即是以音声求我若見有我即是處所法

亦無法法即是心所以祖師云付此心法時
法法何曾法無法無本心始解心心法實無
一法可得名坐道場道場者祇是不起諸見
悟法本空喚作空如來藏本來無一物何處
有塵埃若得此中意逍遙何所論 問本
來無一物無物便是否師云無亦不是菩提
無是處亦無無知解 問何者是佛師云汝
心是佛佛即是心心佛不異故云即心即佛
若離於心別更無佛云若自心是佛祖師西
來如何傳授師云祖師西來唯傳心佛直指
汝等心本來是佛心心不異故名爲祖若直
下見此意即頓超三乘一切諸位本來是佛

密四

四

不假脩成云若如此十方諸佛出世說於何
法師云十方諸佛出世祇共說一心法所以
佛密付與摩訶大迦葉此一心法體盡虛空
徧法界名爲諸佛理論者箇法豈是汝於言
句上解得他亦不是於一機一境上見得他
此意唯是默契得者一門名爲無爲法門若
欲會得但知無心忽悟即得若用心擬學取
即轉遠法若無岐路心一切取捨心心如水
石始有學道分云如今現有種種妄念何以
言無師云妄本無軀即是汝心所起汝若識
心是佛心本無妄那得起心更認於妄汝若
不生心適念自然無妄所以云心生則種種

法生心滅則種種法滅今正妄念起時佛在何處師云汝今覺妄起時覺正是佛可中若無妄念佛亦無何故如此為汝起心作佛見便謂有佛可成作眾生見便謂有眾生可度起心動念惣是汝見處若無一切見佛有何處所如文殊總起佛見便貶向二鐵圍山云

密四

五

今正悟時佛在何處師云問從何來覺從何起語默動靜一切声色尽是佛事何處覓佛不可更頭上安頭鬣上加鬣但莫生異見山是山水是水僧是僧俗是俗山河大地日月星辰惣不出汝心三千世界都來是汝箇自己何處有多般心外無法滿目青山虛空世

界皎皎地無絲髮許與汝作見解所以一切聲色是佛之惠法不孤起仗境方生為物之故有其多智終日說何曾說終日間何曾聞所以釋迦四十九年說未曾說著一字云若如此何處是菩提師云菩提無是處佛亦不得菩提眾生亦不失菩提不可以身得不可以心求一切眾生即菩提相云如何發菩提心師云菩提無所得你今但發無所得心決定不得一法即菩提心菩提無住處是故無有得者故云我於然燈佛所無有少法可得佛即與我授記明知一切眾生本是菩提不應更得菩提你今聞發菩提心謂得一箇心

學取佛去唯擬作佛道任汝三祇劫備亦祇得箇報化佛與你本源真性佛有何交涉故云外求有相佛與汝不相似問本既是佛那得更有四生六道種種形貌不同師云諸佛體圓更無增減流入六道處處皆圓萬類之中箇箇是佛譬如一團水銀分散諸處顆顆皆圓若不分時祇是一塊此一即一切一切即一種種形貌喻如屋舍捨驢屋入人屋捨人身至天身乃至声聞緣覺菩薩佛屋皆是汝取捨處所以有別本源之性何得有別問何者是精進師云身心不起是名第一牢強精進總起心向外求者名爲歌利王愛游

獵去心不外遊即是忍辱仙人身心俱無即是佛道問若無心行此道得否師云無心即便是行此道更說什麼得與不得且如瞥起一念便是境若無一念便是境忘心自滅無復可追尋問如何是出三界師云善惡都莫思量當處便出三界如來出世爲破三有若無一切心三界亦非有如一微塵破爲密四百分九十九分是無一分是有摩訶衍不能勝出百分俱無摩訶衍始能勝出上堂云即心是佛上至諸佛下至蠢動含靈皆有佛性同一心體所以達磨從西天來唯傳一心法直指一切衆生本來是佛不假脩

行但如今識取自心見自本性更莫別求云
何識自心即如今言語者正是汝心若不
語又不作用心體如虛空相似無有相貌亦
無方所亦不一向是無有而不可見故祖師
云真性心地藏無頭亦無尾應緣而化物方
便呼為智若應緣之時不可言其有無正應
之時亦無蹤跡既知如此如今但向無中棲
泊即是行諸佛路經云應無所住而生其心
一切衆生輪迴不息生死者意緣走作心於
六道不停致使受種種苦淨名云難化之人
心如猿猴故以若干種法制繫其心然後調
伏所以心生種種法生心滅種種法滅故知

一切諸法皆由心造乃至人天六道地獄脩
羅盡由心造如今但學無心頓息諸緣莫生
妄想分別無人無我無貪嗔無憎愛無勝負
但除却如許多種妄想性自本來清淨即是
脩行菩提法佛等若不會此意縱你廣學勤
苦脩行木食草衣不識自心皆名邪行七作
天魔外道等四水陸諸神如此脩行當復何益誌
公云本體是自心作那得文字中求如今但
識自心息却思惟妄想塵勞自然不生淨名
云唯置一牀寢疾而卧心不起也如人卧疾
攀緣都息妄想即即是菩提如今若心裏
紛紛不定任你學到三乘四果十地諸位合

殺祇向凡聖中坐諸行盡歸無常勢力皆有盡期猶如箭射於空力盡還墜却歸生死輪迴如斯備行不解佛意虛受辛苦豈非大錯誌公云未逢出世明師枉服大乘法藥如今但一切時中行住坐卧但學無心亦無分別亦無依倚亦無住著終日任運騰騰如癡人相偕世人不識你你亦不用教人識不識之心如頑石頭都無縫罅一切法透汝心不入兀然無著如此始有少分相應透得三界境過名爲佛出世不漏心相名爲無漏智不作人天業不作地獄業不超一切心諸緣盡不生即此身心是自由人不是一向不生祇

是隨意而生經云菩薩有意生身是也忽若未會無心著相皆屬魔業乃至作淨土佛事並皆成業乃名佛障汝心故被因果管束去住無自由分所以菩提等法本不是有如來所說皆是化人猶如黃葉爲金錢權止小兒啼故實無有法名阿耨菩提如今既會此意何用驅驅但隨緣消舊業更莫造新殃心裏明明所以舊時見解摠須捨却淨名云除去所有法華云二十年中常令除糞祇是除去心中作見解處又云蠲除戲論之糞所以如來藏本自空寂祇是並不停留一法故經云諸佛國土亦復皆空若言佛道是脩學而

得如此見解全無交涉或作一機一境揚眉
 運目祇對相當便道契會也得証悟禪理也
 忽逢一人不解便道都無所知對他若得道
 理心中便歡喜若被他折伏不如它便即心
 懷惆悵如此心意學禪有何交涉任汝會得
 少許道理祇得箇心所法禪道揔沒交涉所

客四

以達磨面壁都不令人有見處故云忘機是
 佛道分別是魔境此性縱汝迷時亦不失悟
 時亦不得天真自性本無迷悟及十方虛空
 界元來是我一心體縱汝運用造作豈離虛
 空虛空本來無大無小無漏無為無迷無悟
 了了見無一物亦無人亦無佛絕纖毫的量

是無依倚無粘綴一道清流是自性是無生
 法恐何有擬議真佛無口不解說法真聽無
 耳其誰聞乎珍重 有僧辭歸宗宗云往
 甚處去云諸方學五味禪去宗云諸方有五
 味禪我者裏祇是一味禪云如何是一味禪
 宗便打僧云會也會也宗云道道僧擬開口
 宗又打其僧後到師處師問甚麼處來云歸
 宗來師云歸宗有何言句僧遂舉前話師乃
 上堂奉此因緣云馬大師出八十四人善知
 識問著箇箇肩漉漉地祇有歸宗較些子
 師在蓋官會裏大中帝為沙彌師於佛殿上
 禮佛沙弥云不著佛求不著法求不著眾求

長老禮拜當何所求師云不著佛求不著法求不著衆求常禮如是事沙弥云用禮何爲師便掌沙弥云太簾生師云者裏是什麼所在說簾說細隨後又掌沙弥便走

師行脚時到南泉一日齋時捧鉢向南泉位上坐南泉下來見便問長老什麼年中行道

密四

九

師云威音王已前南泉云猶是王老師孫在師便下去師一日在茶堂內坐南泉下來問定惠學明見佛性此理如何師云十二時中不依倚一物泉云莫便是長老見處麼師云不敢泉云漿水錢且置草鞋錢教什麼人還師便休後瀉山舉此因緣問仰山莫是黃

永樂北藏

古尊宿語錄

壁構它南泉不得麼仰山云不然須知黃壁有陷虎之機瀉山云子見處得與麼長

一日五人新到同時相看一人不禮拜以手

蓋一圓相而立師云還知道好隻獵犬麼云

尋羚羊氣來師云羚羊無氣汝向什麼處尋

云尋羚羊蹤來師云羚羊無踪汝向什麼處

尋云尋羚羊蹤來師云羚羊無踪汝向什麼

處尋云與麼則死羚羊也師便休來日陞座

退問昨日尋羚羊僧出來其僧便出師云老

僧昨日後頭未有語在作麼生其僧無語師

云將謂是本色衲僧元來祇是義學沙門師

曾散衆在洪州開元寺裴相公一日入寺行

次見壁畫乃問寺主者畫是什麼寺主云畫
 高僧相公云形影在者裏高僧在什麼處寺
 主無對相公云是間莫有禪僧麼寺主云有
 一人相公遂請師相見乃舉前話問師師召
 云裴休休應喏師云在什麼處相公於言下
 有省乃再請師開堂 夫學道者先須併

却雜學諸緣決定不求決定不著聞甚深法
 恰似清風屆耳瞥然而過更不追尋是為甚
 深入如來禪離生禪想從上祖師唯傳一心
 更無二法指心是佛頓超等妙二覺之表決
 定不流至第二念始偈入我宗門如斯之法
 汝取次人到者裏擬作麼生學所以道擬心

時被擬心魔縛非擬心時又被非擬心魔縛
 非非擬心時又被非非擬心魔縛非外來出
 自你心唯有無神通菩薩足跡不可尋若以
 一切時中心有常見即是常見外道若觀一
 切法空作空見者即是斷見外道所以三界
 唯心萬法唯識此猶是對外道邪見人說若

密四

十

說法身以為極果此對三賢十聖人言故佛
 斷二愚一者微細所知愚二者極微細所知
 愚佛既如是更說什麼等妙二覺來所以一
 切人但欲向明不欲向暗但欲末悟不受煩
 惱無明便道佛是覺衆生是妄若作如是見
 解百劫千生輪回六道更無斷絕何以故為

謗諸佛本源自性故他分明向你道佛且不
明衆生不暗法無明暗故佛且不強衆生且
不弱法無強弱故佛且不智衆生且不愚法
無愚智故是你出頭揔道解禪開著口便病
發不說本祇說末不說迷祇說悟不說躰祇
說用揔無你話論處他一切法且本不有今

亦不無緣起不有緣滅不無本亦不有本非
本故心亦不心非心故相亦非相非相
故所以道無法無本心始解心心法法即非
法非法即法無法無非法故是心心法忽然
瞥起一念了知如幻如化即流入過去佛過
去佛且不有未來佛且不無又且不喚作未

來佛現在念念不住不喚作現在佛佛若起
時即不擬他是覺是迷是善是惡轉不得執
滯他斷絕他如一念瞥起千重閑鎖鎖不得
萬丈繩索索他不住既若如是爭合便擬滅
他止他分明向你道爾識你作麼生擬斷
他喻如陽燄你道近十方世界求不可得始

道遠看時祇在目前你擬趁他他又轉遠去
你始避他他又來逐你取又不得捨又不得
既若如此故知一切法性自爾即不用愁他
慮他如言前念是九後念是聖如手翻覆一
般此是三乘教之極也據我禪宗中前念且
不是九後念且不是聖前念不是佛後念不

密四

土

是衆生所以一切色是佛色一切聲是佛聲
舉著一理一切理皆然見一事見一切事見
一心見一切心見一道見一切道一切處無
不是道見一塵十方世界山河大地皆然見
一滴水即見十方世界一切性水又見一切
法即見一切心一切法本空心即不無不無
即妙有有亦不有不有即有即真空妙有既
若如是十方世界不出我之一心一切微塵
國土不出我之一念若然說什麼內之與外
如蜜性甜一切蜜皆然不可者箇蜜甜餘底
苦也何處有與麼事所以道虛空無內外法
性自爾虛空無中間法性自爾故衆生即佛

佛即衆生衆生與佛元同一躰生死涅槃有
爲無爲元同一躰世間出世間乃至六道四
生山河大地有性無性亦同一躰言同者名
相亦空有亦空無亦空尽恒沙世界元是一
空既若如此何處有佛度衆生何處有衆生
受佛度何故如此萬法之性自爾故若作自
然見即落自然外道若作無我無我所見墮
在三賢十聖位中你如今云何將一尺一寸
便擬量度虛空他分明向汝道法法不相到
法自寂故當處自住當處自真以身空故名
法空以心空故名性空身心揔空故名法性
空乃至千途異說皆不離你之本心如今說

菩提涅槃真如佛性二乘菩薩者皆指葉爲
黃金拳掌之說若也展手之時一切大衆若
天若人皆見掌中都無一物所以道本來無
一物何處有塵埃本既無物三際本無所有
故學道人單刀直入須見者箇意始得故達
磨大師從西天來至此土經多少國土祇覓

齊四

十一

得可大師一人密傳心印印你本心以心印
法以法印心心既如此法亦如此同真際等
法性法性空中誰是授記人誰是成佛人誰
是得法人他分明向你道菩提者不可以身
得身無相故不可以心得心無相故不可以
性得性即便是本源自性天真佛故不可以

佛更得佛不可以無相更得無相不可以空
更得空不可以道更得道本無所得無得亦
不可得所以道無一法可得祇教你了取本
心當下時不淨了相無了無不了相亦不
可得如此之法得者即得得者不自覺知不
得者亦不自覺知如此之法徒上已來有幾
人得知所以道天下忘已者有幾人如今於
一機一境一經一教一世一時一名一字六
根門前領得與機關木人何別忽有一人出
來不於一名一相上作解者我說此人盡十
方世界覓者箇人不可得以無第二人故繼
於祖位亦云釋種無雜純一故言王若成佛

時王子亦隨出家此意大難知祇教你莫覓覓便失却如癡人山上叫一聲響從谷出便走下山趁及乎覓不得又叫一聲山上響又應亦走上山上趁如是千生萬劫祇是尋聲逐響人虛生浪死漢汝若無聲即無響涅槃者無聞無知無聲絕迹絕踪若得如是稍與

密四

十二

祖師隣旁也 問如王庫藏內都無如是刀伏願誨示師云王庫藏者即虛空性也能攝十方虛空世界皆摠不出你心亦謂之虛空藏菩薩你若道是有是無非有非無摠成羊角羊角者即你求覓者也問王庫藏中有真刀否師云此亦是羊角云若王庫藏中本無

真刀何故云王子持王庫中真刀出至異國何得言無師云持刀出者此喻如來使者你若言王子持王庫中真刀出去者庫中應空去也本源虛空性不可被異人將去是什麼語設你有者皆名羊角 問迦葉受佛心印得為傳語人否師云是云若是傳語人應不離得羊角師云迦葉自領得本心所以不是羊角若以領得如來心見如來意見如來色相者即屬如來使為傳語人所以阿難為侍者二十年但見如來色相所以被佛呵云唯觀救世者不能離得羊角 問文殊執劍於瞿曇前者如何師云五百菩薩得宿命智見

過去生業障五百者即你五陰身是以見此
夙命障故求佛求菩提涅槃所以文殊將智
解劍害此有見佛心故故言你善害云何者
是劍師云解心是劍云解心既是劍斷此有
見佛心祇如能斷見心何能除得師云還將
你無分別智斷此有見分別心云如作有見
有求佛心將無分別智劍斷爭奈有智劍在
何師云若無分別智害有見無見無分別智
亦不可得云不可以智更斷智不可以劍更
斷劍師云劍自害劍劍劍相害即劍亦不可
得智自害智智智相害即智亦不可得母子
俱喪亦復如是問如何是見性云性即是見

見即是性不可以性更見性聞即是性不可
以性更聞性祇你作性見能聞能見性便有
一異法生他分明道所可見者不可更見你
云何頭上更著頭他分明道如盤中散珠大
者大圓小者小圓各各不相知各各不相碍
起時不言我起滅時不言我滅所以四生六
道未有不如時且衆生不見佛佛不見衆生
四果不見四向四向不見四果三賢十聖不
見等妙二覺等妙二覺不見三賢十聖乃至
水不見火火不見水地不見風風不見地衆
生不入法界佛不出法界所以法性無去來
無能所見既如此因什麼道我見我聞於善

密四

十二

知識處得契悟善知識與我說法諸佛出世
 與衆生說法迦旃延祇為以生滅心傳實相
 法被淨名呵責分明道一切法本來無縛何
 用解他本來不染何用淨他故云實相如是
 豈可說乎汝今祇成是非心染淨心學得一
 知一解繞天下行見人便擬定當取誰有心
 眼誰強誰弱若也如此天地懸殊更說什麼
 見性 問既言性即見見即性祇如性自無
 障礙無劑限云何隔物即不見又於虛空中
 近即見遠即不見者如何師云此是你妄生
 異見若言隔物不見無物言見便謂性有隔
 碍者全無交涉性且非見非不見法亦非見

非不見若見性人何處不是我之本性所以
 六道四生山河大地都是我之性淨明體故
 云見色便見心色心不異故祇為取相作見
 聞覺知去却前物始擬得見者即墮二乘人
 中依通見解也虛空中近則見遠則不見此
 是外道中收分密四明道非內亦非外非近亦非
 遠近而不可見者萬物之性也近尚不可見
 更道遠而不可見有什麼意旨 問學人不
 會和尚如何指示師云我無一物從來不曾
 將一物與人你無始已來祇為被人指示覓
 契覓會此可不是弟子與師俱陷王難你但
 知一念不受即是無受身一念不想即是無

想身决定不遷流造作即是無行身莫思量
卜度分明即是無識身你如今纔別起一念
即入十二因緣無明緣行亦因亦果乃至老
死亦因亦果故善財童子一百一十處求善
知識祇向十二因緣中求最後見彌勒弥勒
却指見文殊文殊者即汝本地無明若心心
別異向外求善知識者一念纔生即滅緣滅
又生所以汝等比丘亦生亦老亦病亦死耐
因荅果已來即五聚之生滅五聚者五陰也
一念不起即十八界空即身便是菩提花果
即心便是靈智亦云靈臺若有所住著即身
爲死屍亦云守死屍鬼問淨名默然文殊讚

嘆云是真入不二法門如何師云不二法門
即你本心也說與不說即有起滅無言說時
無所顯示故文殊讚嘆云淨名不說声有斷
滅否師云語即默默即語語默不二故云声
之實性亦無斷滅文殊本聞亦不斷滅所以
如來常說未曾有不說時如來說即是法法
即是說法說不二故乃至報化二身菩薩聲
聞山河大地水鳥樹林一時說法所以語亦
說默亦說終日說而未嘗說既若如是但以
默爲本問聲聞人蔽形於三界不能蔽於菩
提者如何師云形者質也声聞人但能斷三
界見脩已離煩惱不能蔽於菩提故還被魔

王於菩提中提得於林中宴坐還成微細見
 菩提心也菩薩人已於三界菩提決定不捨
 不取不取故七大中覓他不得不捨故外魔
 亦覓他不得汝但擬著一法印子早成也印
 著有即六道四生文出印著空即無相文現
 如今但知決定不印一切物此印為虛空不

寄四

十六

一不二空本不空印本不有十方虛空世界
 諸佛出世如見電光一般觀一切蠢蓮含靈
 如響一般見十方微塵國土恰似海中一滴
 水相似聞一切甚深法如刃如化心心不異
 法法不異乃至千經萬論祇為你之一心若
 能不取一切相故言如是一心中方便勤莊

嚴問如我昔為歌利王割截身躰如何師云
 仙人者即是你心歌利王好求也不守王位
 謂之貪利如今孝人不積功累德見者便擬
 學與歌利王何別如見色時壞却仙人眼聞
 聲時壞却仙人耳乃至竟知時亦復如是喚
 作節節支解云祇如仙人忍時不合更有節
 節支解不可一心忍一心不忍也師云你作
 無生見忍辱解無求解摠是傷損云仙人被
 割時還知痛否又云此中無受者是誰受痛
 師云你既不痛出頭來覓箇甚麼問然燈佛
 授記為在五百歲中五百歲外師云五百歲
 中不得授記所言授記者你本決定不忘不

失有爲不取菩提但以了世非世亦不出五百歲外別得授記亦不於五百歲中得授記云了世三際相不可得已否師云無一法可得云何故言頓經五百世前後極時長師云五百世長遠當知猶是仙人故然燈授記時實無少法可得 問教中云銷我億劫顛倒

密四

七

有無限劑此皆數量對待之法祖師云且非有限量非無限量非非有無限量以絕待故你今學者未能出得三乘教外爭喚作禪師分明向汝道一葶學禪莫取次妄生異見如人飲水冷暖自知一行一住一刹那間念不異若不如是不免輪迴問佛身無爲不墮諸數何故佛身舍利八斛四斗師云你作如是見祇見假舍利不見真舍利云舍利爲是本有爲復功勳師云非是本有亦非功勳云若非本有又非功勳何故如來舍利唯鍊唯精金骨常存師乃呵云你作如此見解爭喚作學禪人你見虛空曾有骨否諸佛心同太

虛覓什麼骨云如今見有舍利此是何法師
 云此從你妄想心生即見舍利云和尚還有
 舍利否請將出來看師云真舍利難見你但
 以十指撮尽妙高峯為微塵即見真舍利
 夫參禪孝道湏得一切處不生心祇論忘機
 即佛道隘分別即魔軍盛畢竟無毛頭許少
 法可得問祖傳法付與何人師云無法與人
 云云何是二祖請師安心師云你若道有二
 祖即合覓得心覓心不可得故所以道與你
 安心竟若有所得全歸生滅問佛窮得無明
 否師云無明即是一切諸佛得道之處所以
 緣起是道場所見一塵一色便合無邊理性

舉足下是不離道場道場者無所得也我向
 你道祇無所得名為坐道場云無明者為明
 為暗師云非明非暗明暗是代謝之法無明
 且不明亦不暗不明祇是本明不明不暗祇
 者一句子亂却天下人眼所以道假使滿世
 間皆如舍利佛盡思共度量不能測佛智其
 無碍惠出過密四虛空無你語論處釋迦量等三
 千大千世界忽有一菩薩出來一跨跨却三
 千大千世界不出普賢一毛孔你如今把什
 麼本領擬學他云既是學不得為什麼道歸
 源性無二方便有多門如之何師云歸源性
 無二者無明實性即諸佛性方便有多門者

聲聞人見無明生見無明滅緣竟人但見無明滅不見無明生念念證寂滅諸佛見眾生終日生而無生終日滅而無滅無生無滅即大乘果所以道果滿菩提圓花開世界起舉足即佛下足即眾生諸佛兩足尊者即理足事足眾生足生死足一切等足是故不求是

你今念念學佛即嫌著眾生若嫌著眾生即是謗他十方諸佛所以佛出世來執除糞器蠲除戲論之糞祇教你除却從來孝心見心除得盡即不墮戲論亦云搬糞出祇教你不生心心若不生自然成大智者決定不分別佛與眾生一切盡不分別始得入我曹谿門

下故自古先聖云少行我法門所以無行爲我法門祇是一心門一切人到者裏盡不敢入不道全無祇是少人得得者即是佛珍重問如何得不落階級師云但終日喫飯未曾咬著一粒米終日行未曾踏著一片地與麼時無人無我等相終日不離一切事不被諸境惑方名自在人念念不見一切相十九未認前後三際前際無去今際無住後際無來安然端坐任運不拘方名解脫努力努力此門中千人萬人祇得三箇五箇若不將爲事受殃有日在故云著力今生須了却誰能累劫受餘殃

永樂北藏

古尊宿語錄

第一九七冊

古尊宿語錄卷第四

※

密四

古尊宿語錄卷第五

密五

臨濟禪師大鑑下四世詞黃檗

臨濟慧照禪師諱義玄曹州南華邢氏子初
叅黃檗問佛法的的大意三度遭棒不領旨
乃辭檗令叅高安大愚愚問黃檗有何言句

卷五

師舉前話愚云黃檗恁麼老婆心為你得徹
因猶覓過在師於言下大悟鎮州府主王常
侍與諸官請師升座上堂云山僧今日事不
獲已曲順人情方登此座若約祖宗門下稱
揚大事直是開口不得無你措足處山僧此
日以常侍堅請那隱綱宗還有作家戰將直

下展陣開旗麼對眾證據看僧問如何是佛
法大意師便唱僧禮拜師云這箇師僧却堪
持論問師唱誰家曲宗風嗣阿誰師云我在
黃檗處三度發問三度被打僧擬議師便唱
隨後打云不可向虛空裡釘橛去也 有座
主問三乘十二分教豈不是明佛性師云荒
草不曾鋤主云佛豈賺人也師云佛在什麼
處主無語師云對常侍前擬瞞老僧速退速
退妨他別人請問復云此日法進為一大事
故更有問話者麼速致問來你纔開口早勿
交涉也何以如此不見釋尊云法離文字不
屬因不在緣故為你信不及所以今日葛藤

恐滯常侍與諸官負昧佗佛性不如且退唱
 一喝云少信根人終無了日久立珍重
 師因一日到河北府主王常侍請師升座時
 麻谷出問大悲千手眼那箇是正眼師云大
 悲千手眼那箇是正眼速道速道麻谷拽師
 下座麻谷却坐師近前云不審麻谷擬議師
 亦拽麻谷下座師却坐麻谷便出去師便下
 座 上堂云赤肉團上有一無位真人常
 送汝等諸人面門出入未證據者看看時有
 僧出問如何是無位真人師下禪林把住云
 道道其僧擬議師托開云無位真人是什麼
 乾屎橛便歸方丈 上堂有僧出禮拜師

便唱僧云老和尚莫探頭好師云你道落在
 什麼處僧便唱又有僧問如何是佛法大意
 師便唱僧禮拜師云你道好唱也無僧云草
 賊大敗師云過在什麼處僧云再犯不容師
 便唱是日兩堂首座相見同時下唱僧問師
 還有賓主也無師云賓主歷然師云大眾要
 會臨濟賓主句問取堂中二首座便下座
 上堂僧問如何是佛法大意師豎起拂子僧
 便唱師便打 又僧問如何是佛法大意師
 亦豎起拂子僧便唱師亦唱僧擬議師便打
 師乃云大眾夫為法者不避喪身失命我二
 十年在黃蘗先師處三度問佛法的的大意

三度蒙他賜杖如蒿枝拂著相侶如今更思
得一頓棒喫誰人爲我行得時有僧出衆云
某甲行得師拈棒與他其僧擬接師便打
上堂僧問如何是劍刃上事師云禍事禍事
僧擬議師便打問我如石室行者踏碓忘却
移脚向什麼處去師云沒溺深泉 師乃云

但有來者不虧欠伊惣識伊來處若與麼來
恰侶失却不與麼來無繩自縛一切時中莫
亂斟酌會與不會都來是錯分明與麼道一
任天下人貶剥久立珍重 上堂云一人
在孤峯頂上無出身之路一人在十字街頭
亦無向背那箇在前那箇在後不作維摩詰

不作傳大士珍重 上堂云有一人論劫
在途中不離家舍有一人離家舍不在途中
那箇合受人天供養便下座 上堂僧問
如何是第一句師云三要印開朱點窠未容
擬議主賓分問如何是第二句師云妙解豈
容無着問漚和爭負截派機問如何是第三
句師云看取棚頭弄傀儡抽牽全藉裏頭人
師又云一句語須具三玄門一玄門須具三
要有權有用汝等諸人作麼生會下座
師晚參示衆云有時奪人不奪境有時奪境
不奪人有時人境俱奪有時人境俱不奪時
有僧問如何是奪人不奪境師云煦日發生

密五

三

鋪地錦嬰孩垂髮白如絲僧云如何是奪培
不奪人師云王令已行天下徧將軍塞外絕
烟塵僧云如何是人境兩俱奪師云并法絲
信獨處一方僧云如何是人境俱不奪師云
王登寶殿野老謳歌 師乃云今時學佛法
者且要求真正見解若得真正見解生死不
染去住自由不要求殊勝殊勝自至道流祇
如自古先德皆有出人底路如山僧指示人
處祇要你不受人惑要用便用更莫遲疑如
今學者不得病在甚處病在不自信處你若
自信不及即便忙忙地徇一切境轉被他萬
境回換不得自由你若能歇得念念馳求心

便与祖佛不別你欲得識祖佛麼祇你面前
聽法的是學人信不及便向外馳求欲求得
者皆是文字勝相終不得他活祖意莫錯諸
禪德此時不過萬劫千生輪回三界徇好境
撥去驢牛肚裏生道流約山僧見處与釋迦
不別今日多般用處欠少什麼一道神光未
曾間歇若能如是見得祇是一生無事人大
德三界無安猶如火宅此不是你久停住處
無常殺鬼一刹那間不揀貴賤老少你要与
祖佛不別但莫外求你一念心上清淨光是
你屋裏法身佛你一念心上無分別光是你
屋裏報身佛你一念心上無差別光是你屋

變化身佛此三種身是你即今目前聽法底人愁為不向外馳求有此功用據經論家取三種身為極則約山僧見處不然此三種身是名言亦是三種体古人云身依義立土據体論法性身法性土明知是光影大德你且識取弄光影底人是諸佛之本源一切處是道流歸舍處是你四大色身不解說法聽法脾胃肝膽不解說法聽法虛空不解說法聽法是什麼解說法聽法是你目前應應底勿一箇形段孤明是這箇解說法聽法若如是見得便與祖佛不別但一切時中更莫間斷觸目皆是愁為情生智隔想变体殊所以輪

齊五

四

四三界受種種苦若約山僧見處無不甚深無不解脫道流心法無形通貫十方在眼曰見在耳曰聞在鼻嗅香在口談論在手執投在足運奔本是一精明分爲六和合一心既無隨處解脫山僧為麼說意在什麼處愁為道流一切馳求心不能歇上佗古人開撥境道流取山僧見處坐斷報化佛頭十地滿心猶如客作兒等妙二覺擔枷鎗漢羅漢碎支猶如剎鐵菩提涅槃如擊野槓何以如此愁為道流不達三昧劫空所以有此障碍若是真正道人終不如是但能隨緣消舊業任運著衣裳要行即行要坐即坐無一念心希求

佛果緣何如此古人云若欲作業求佛佛是
 生死大龜大德時光可惜祇擬倚家波波地
 學禪學道認名認句求佛求祖求善知識意
 度莫錯道流你祇有一箇父母更求何物你
 自返照看古人云演若達多失却頭求心歇
 處即無事大德且要平常莫作模樣有一般
 不識好惡禿奴便即見神見鬼指東劃西好
 晴好雨如是之流盡湏抵債向閻老前吞熱
 鐵丸有日好人家男女被這一般野狐精魅
 所著便即捏怪瞎屢生索飯錢有日在
 師示眾云道流切要求取真正見解向天下
 橫行免被這一般精魅惑亂無事是貴人但

莫造作祇是平常你擬向外傍家求過覓脚
 手錯了也祇擬求佛佛是名句你還識馳求
 底麼三世十方佛祖出來也祇為求法如今
 衆學道流也祇為求法得法始了未得依前
 輪回五道云何是法法者是心法心法無形
 通貫十方目前現用人信不及便乃認名認
 句向文字中求意度佛法天地懸殊道流山
 僧說法說什麼法說心地法便能入凡入聖
 入淨入穢入真入俗要且不是你真俗凡聖
 能與一切真俗凡聖安著名字真俗凡聖
 此人安著名字不得道流把得便用更不著
 名字號之為玄旨山僧說法与天下人別祇

如有箇文殊普賢出來目前各現一身問法
繞道咨和尚我早辨了也老僧穩坐更有道
派來相見時我盡辨了也何以如此祇為我
見處別外不取凡聖內不住根本見徹更不
疑謬 師示眾云道流佛法無用功處祇
是平常無事局屎送屎著衣喫飯困來即卧

愚人咲我智乃知馬古人云向外作工夫惣
是癡頑漢你且隨處作主立處皆真境來回
換不得縱有送來習氣五無間業自為解脫
大海今時學者惣不識法猶如觸鼻羊逢著
物安在口裏奴郎不辨賓主不分如是之流
邪心入道鬧處即入不得名為真出家人正

是真俗家人夫出家者須辨得平常真正見
解辨佛辨魔辨真辨偽辨凡辨聖若如是辨
得名真出家若魔佛不辨正是出一家入一
家喚作造業眾生未得名為真出家祇如今
有一箇佛魔同體不分如水乳合鵝王喫乳
如明眼道流魔佛俱打你若愛聖憎凡生死
海裏浮沉 第五 問如何是佛魔師云你一念
心疑處是佛魔你若達得萬法無生心如幻
化更無一塵一法處處清淨是佛然佛与魔
是染淨二境約山僧見處無佛無眾生無古
無今得者便得不歷時節無修無證無得無
失一切時中更無別法設有一法過此者我

說如夢如化山僧所說皆是道流即今目前
 孤明歷歷地聽者此人處處不滯通貫十方
 三界自在入一切境差別不能回換一刹那
 間透入法界逢佛說佛逢祖說祖逢羅漢說
 羅漢逢餓鬼說餓鬼向一切處游履因土裁
 化衆生未曾離一念隨處清淨光透十方万
 法一如道流大丈夫兒今日方知本來無事
 祇為你信不及念念馳求捨頭覓頭自不能
 歇如圓頓菩薩入法界現身向淨土中厭凡
 忻聖如此之流取捨未忘染淨心在如禪宗
 見解又且不然直是現今更無時節山僧說
 處皆是一期藥病相治物無寔法若如是見

得是真出家日消萬兩黃金道流莫取次被
 諸方老師印破面門道我解禪解道辯似懸
 河皆是造地獄業若是真正學道人不求世
 間過切急要求真正見解若達真正見解圓
 明方始了畢 問如何是真正見解師云
 你但一切入凡入聖入染入淨入諸佛國土
 入弥勒樓閣入毗盧遮那法界處處皆現國
 土成住壞空佛出于世轉大法輪却入涅槃
 不見有去來相貌求其生死了不可得便入
 無生法界處處游履國土入華藏世界見
 諸法空相皆無寔法唯有聽法無依道人是
 諸佛之母所以佛從無依生若悟無依佛亦

客五

七

無得若如是見得者是真正見解學人不了
為執名句被他凡聖名碍所以障其道眼不
得分明種如十二分教皆是表顯之說學者
不會便向表顯名句上生解皆是依倚落在
因果未免三界生死你若欲得生死去住脫
著自由即今識取聽法底人無形無相無根
無本無住處活撥撥地應是萬種施設用處
祇是無處所以覓著轉遠求之轉乖号之為
秘密道沅你莫認著箇夢幻伴子遲晚中間
便歸無常你向此世界中覓箇什麼物作解
脫覓取一口飯喫補龜過時且要訪尋知識
莫目循逐樂光陰可惜念念無常處則被地

水火風細則被生住異滅四相所逼道沅今
時且要識取四種無相境界免被境擺撲
問如何是四種無相境界云你一念心疑被
地來碍你一念心愛被水來溺你一念心嗔
被火來燒你一念心喜被風來飄若能如是
辨得不被境轉處處用境東涌西沒南涌北
沒中涌邊沒邊涌中沒履水如地履地如水
緣何如此為達四大如夢如幻故道沅你祇
今聽法者不是你四大能用你四大若能如
是見得便乃去住自由約山僧見處勿嫌底
法你若愛聖聖者聖之名有一般學人向五
臺山裏求文殊早錯了也五臺山無文殊你

欲識文殊麼祇你目前用處始終不異處處不疑此箇是活文殊你一念心無差別光處處德是真普賢你一念心自能解縛隨處解脫此是觀音三昧法互為主伴出則一時出一即三三即一如是解得始好看教師示眾云如今學道人且要自信莫向外覓

密五 惣上他閑塵境都不辨邪正祇如有祖有佛皆是教迹中事有人拈起一句子語或隱顯中出便即疑生照天照地傍家尋問也大茫然大丈夫兒莫祇麼論主論賊論是論非論色論財論說閑話過日山僧此間不論僧俗但有來者只識得伊任伊向甚處出來但有

聲名文句皆是夢幻却見乘境底人是諸佛之玄旨佛境不能自稱我是佛境還是這箇無依道人乘境出來若有人出來問我求佛我即應清淨境出有人問我菩薩我即應慈悲境出有人問我菩提我即應淨妙境出有人問我涅槃我即應寂靜境出境即万般差別人即不別所以應物現形如水中月道流你若欲得如法直須是大丈夫兒始得若葦委隨隨地則不得也夫如斲噉之器不堪貯醍醐如大器者直要不受人惑隨處作主立處皆真但有來者皆不得受你一念疑即魔入心如菩薩疑時生死魔得便但能息念更

莫外求物來即照你但信現今用底一箇事也無你一念心生三界隨緣被境分為六座你如今應用處欠少什麼一剎那間便入淨入穢入彌勒樓閣入三眼國土處處游履唯見空名 問如何是三眼國土師云我共你入淨妙國土中著清淨衣說法身佛又入

齊五

九

無差別國土中著無差別衣說報身佛又入解脫國土中著光明衣說法身佛此三眼國土皆是依變約經論家取法身為根本報化二身為用山僧見處法身即不解說法所以古人云身依義立土據體論法性身法性土明知是建立之法依通國土空拳黃葉用誑

小兒蕪蕪麥刺枯骨上覓什麼汁心外無法內亦不可得求什麼物你諸方言道有修有證莫錯設有修得者皆是生死業你言六度萬行齊修我見皆是造業求佛求法即是造地獄業求菩薩亦是造業者經者教亦是造業佛而祖師是無事人所以有漏有為無漏無為為清淨業有一般瞎禿子飽喫飯了便坐禪觀行把捉念漏不令放起厭喧求靜是外道法祖師云你若住心看靜奉心外照攝心內澄凝心入定如是之流皆是造作是你如今尚麼聽法底人作麼生擬修他證他莊嚴他渠且不是修底物不是在巖得底物若

教他莊嚴一切佛即莊嚴得你且莫錯道流
你取這一般老師口裏語為是真是善知
識不思議我是凡夫心不敢測度他老宿瞎
屢生你一生祇作這個見解辜負這一双眼
冷噤噤地如凍凌上駢駒相侶我不敢毀善
知識怕生口業道流夫大善知識始敢毀佛
毀祖是非天下排斥三歲教罵辱諸小兒向
逆順中覓人所以我於十二年中求一个業
性如芥子許不可得若侶新婦子禪師便即
怕趁出院不与飯喫不安不樂自古先輩到
處人不信被逐出始知是貴若到處人尽肯
堪作什麼所以師子一吼野干腦裂道流諸

方說有道可修有法可證你說證何法修何
道你今用處欠少什麼物修補何處後生小
阿師不會便即信這般野狐精魅許他說事
繫縛他人言道理行相應護惜三業始得成
佛如此說者如春細雨古人云路逢遶道人
第一莫向道所以言若人修道道不行万般
邪境競頭生智劍出來無一物明頭未顯暗
頭明所以古人云平常心是道大德覓什麼
物現今目前聽法無依道人厯厯地分明未
曾欠少你若欲得与祖佛不別但如是見不
用疑誤你心心不異名之活祖心若有異則
性相別心不異故即性相不別問如何是心

密五

十

心不異處師云你擬問早異了也性相各分
道流莫錯世出世諸法皆無自性亦無生性
但有空名名字亦空你祇麼認他閑名為寔
大錯了也設有皆是依變之境有箇菩提依
涅槃依解脫依三身依境智依菩薩依佛依
你向依變國中覓什麼物乃至三乘十二

分教是拭不淨故紙佛是幻化身祖是老比丘
丘你還是娘生已否你若求佛即被佛魔攝
你若求祖即被祖魔縛你若有求皆苦不如
無事有一般禿比丘向學人道佛是究竟於
三大阿僧祇劫修行果滿始成道道流你若
道佛是究竟緣什麼八十年後向拘尸羅城

雙林樹間側卧而死去佛今何在明知與我
生死不別你言三十二相八十種好是佛轉
輪聖王應是如來明知是幻化古人云如來
拳身相為順世間情恐人生斷見權且立虛
名假言三十二八十也空聲有身非覺體無
相乃真形你道佛有六通是不可思議一切

諸天神仙齊方何脩羅大力鬼亦有神通應是佛
不道流莫錯枉如阿脩羅與天帝釋戰戰敗
領八萬四千眷屬入藕絲孔中歲莫是聖否
如山僧所拳皆是業通依通夫如佛六通者
不然入色界不被色惑入聲界不被聲惑入
香界不被香惑入味界不被味惑入觸界不

被觸惑入法界不被法惑所以達六種色声
香味觸法皆是空相不能繫縛此無依道人
雖是五蘊漏質便是地行神通道流真佛無
形真法無相你祇麼幻化上頭作模作樣設
求得者皆是野狐精魅並不是真佛是外道
見解夫如真孝道人並不取佛不取菩薩羅
漢不取三界殊勝迥然獨脫不与物拘軋坤
倒覆我更不疑十方諸佛現前無一念心喜
三塗地獄頓現無一念心怖緣何如此我見
諸法空相變即有不变即無三界唯心万法
唯識所以夢幻空蒼何勞把捉唯有道流目
前現今聽法底人入火不燒入水不溺入三

塗地獄如遊園觀入餓鬼畜生而不受報緣
何如此無嫌底法你若愛聖憎凡生死海裏
沉浮煩惱由心故有無心煩惱何拘不勞兮
別取相自然得道須臾你擬傷家波波地李
得於三祇劫中終歸生死不如無事向叢林
中林角頭交脚坐道流如諸方有孝人來主
客相見了便有一句子語辨前頭善知識披
學人拈出个機權語路向善知識口角頭攢
過看你識不識你若識得是境把得便拋向
坑子裏孝人便即尋常然後便索善知識語
依前奪之學人云上智我是大善知識即云
你大不識好惡如善知識把出箇境塊子向

學人面前弄前人辨得了不作主不受境惑
善知識便即現半身學人便唱善知識又入
一切差別語路中擺撲學人云不識好惡老
秃奴善知識歎曰真正道流如諸方善知識
不辨邪正學人來問菩提涅槃三身境智暗
老師便与他解說被他學人罵著便把棒打
他言無禮度自是你善知識無眼不得嗔他
有一般不識好惡秃奴即指東劃西好晴好
兩好燈籠露柱你看眉毛有幾莖這箇具樣
綠李人不會便即心狂如是之流惣是野狐
精魅魍魎被他好學人嗑嗑微笑言暗老秃
奴惑乱他天下人道派出家兒且要李道秭

每五

十二

如山僧往日曾向毗丘中留心亦曾於經論
尋討後方知是濟世藥表顯之說遂乃一時
拋却即訪道叅禪後遇大善知識方乃道眼
分明始識得天下老和尚知其邪正不是娘
生下便會還是体究練磨一朝自省道流你
欲得如法見解但莫受人惑向裏向外逢著
便殺逢佛殺佛逢祖殺祖逢羅漢殺羅漢逢
父母殺父母逢親眷殺親眷始得解脫不與
物拘透脫自在如諸方學道流未有不依物
出末底山僧向此間沒頭打手上出來手上
打口裏出來口裏打眼裏出來眼裏打未有
一箇獨脫出來底皆是上他古人開機境山

僧無一法与人。祇是治病解縛。你諸方道流。試不依物出來。我要共你商量。十年五歲。並無一人。皆是依草附葉。竹木精靈。野狐精魅。向一切糞塊上。亂咬瞎漢。枉消他十方信施。道我是出家兒。作如是見。鮮向你道。無佛無法。無修無證。祇與麼傍家。擬求什麼物。瞎漢頭上安頭。是你欠少什麼道流。是你目前用底。與祖佛不別。祇麼不信。便向外求。莫錯向外。無法內。亦不可得。你取山僧口裏語。不如休歇無事去。已起者莫續。未起者不要放起。便賺你十年行脚。約山僧見處。無如許多般。祇是平常著衣吃飯。無事過時。你諸方來者。

第五

十三

皆是有心求佛求法。求解脫。求出離。三界癡人。你要出三界。什麼處去。佛祖是賞繫底。名句。你欲識三界麼。不離你今聽法。在心地。你一念心貪。是欲界。你一念心嗔。是色界。你一念心癡。是無色界。是你屋裏家具。子三界不自道。我是三界。還是道流。目前靈靈地。照燭萬般。酌度世界。底人与三界安名。大德四大色身。是無常。乃至脾胃肝膽。鬚毛爪齒。唯見諸法空相。你一念心歇。得處。喚作菩提樹。你一念心不能歇。得處。喚作無明樹。無明無住。處。無明無始終。你若念念心歇。不得便上他。無明樹。便入六道。四生披毛戴角。你若歇得。

便是清淨身界你一念不生便是上菩提樹
三界神通变化意生化身法喜禪悅身光自
照思衣羅綺千重思食百味具足更無橫病
菩提無住處是故無得者道流大丈夫漢更
疑箇什麼目前用處更是阿誰把得便用莫
著名字号为玄旨與麼見得勿嫌在法古人
云心隨萬境轉轉處實能留隨流認得性無
喜亦無憂道流如禪宗見解死活循然參著
之人大須子細如主客相見便有言論往來
或應物現形或全体作用或把機權喜怒或
現半身或乘脚子或乘象王如有真正孝人
便唱先拈出一个膠盆子善知識不辨是境

便上他境上作模作樣孝人便唱前人不肖
放此是膏肓之病不堪醫喚作客者主或是
善知識不拈出物隨孝人問處即奪孝人被
奪抵死不放此是主看客或有孝人應一箇
清淨境出善知識前善知識辨得是境把得
拋向坑裏學人言大好善知識即云咄哉不
識好惡學人便禮拜此喚作主者主或有孝
人披枷帶鎖出善知識前善知識更與安一
重枷鎖學人歡喜彼此不辨呼為客看客大
德山僧如是所舉皆是辨魔揀異知其邪正
道流寔情大難佛法箇玄解得可地山僧
竟日与他說破孝者惣不在意千編萬編脚

寄五

十四

底踏過黑沒焮地無一箇形段歷歷孤明
 人信不及便向名句上生鮮年登半百
 傍家負死屍行擔却擔子天下走索草鞋錢
 有日在大德山僧說向外無法孝人不會便
 即向裏作解便即倚壁坐舌柱上齧湛然不
 動取此為是祖門佛法也大錯是你若取不
 動清淨境為是你即認他無明為郎主古人
 云湛湛黑暗深坑寔可怖畏此之是也你若
 認他動者是一切草木皆解動應可是道也
 所以動者是風大不動者是地大動與不動
 俱無自性你若向動處投他地向不動處立
 你若向不動處投他地向動處立譬如潛泉

魚鼓波而自躍大德動與不動是二種境還
 是無依道人用動用不動如諸方人來山
 僧此間作三種根器斷如中下根器來我便
 牽其境而不除其法或中上根器來我便境
 法俱奪如上报器來我便境法人俱不奪
 如有出格見解人來山僧此間便全体作用
 不歷根器大德到這裏人著力處不通風
 石火電光即過了也人若眼定動即沒交
 涉擬心即差動念即乖有人解者不離目前
 大德你擔鉢囊來擔子傍家走求佛法即
 今与麼馳求底你還識渠麼活撥撥地祇是
 勿根株擁不聚撥不散求著即轉遠不求還

六十五

十五

在目前靈音屬耳若人不信徒勞百年道流
一刹那間便入華嚴世界入毗盧遮那國土
入解脫國土入神通國土入清淨國土入法
界入穢入淨入凡入聖入餓鬼畜生處處計
覓尋皆不見有生有死唯有空名幻化空巷
不勞把捉得失是非一時放却道沅山僧佛
法的的相承送麻谷和尚丹霞和尚道一和尚
廬山拽石頭和尚一路行徧天下無人信得
盡皆起謗如道一和尚用屢純一無雜孝人
三百五百冬皆不見恁意如廬山和尚自在
真正順遂用屢孝人不測涯際悉皆茫然如
丹霞和尚翫珠隱顯孝人來者皆悉被罵如

麻谷用屢苦如黃蘗近皆不得如石鞏用屢
向箭頭上覓人來者皆惧如山僧今日用屢
真正成壞翫弄神變入一切境隨處無事境
不能換但有來求者我即便出看渠渠不識
我我便著數般衣孝人生解一向入我言句
苦哉瞎禿子無眼人把我著底衣認青黃赤
白我脫却入清淨境中孝人一見便生忻欲
我又脫却學人失心茫然狂走言我無衣也
即向渠道你識我著衣底人否忽尔回頭認
我了也大德你莫認衣衣不能動人能著衣
有箇清淨衣有个無生衣菩提衣涅槃衣有
祖衣有佛衣大德但有聲名文句皆悉是衣

變沒臍輪氣海中鼓激牙齒敲磕成其句義
明知是幻化大德外發聲語業內表心所法
以思有念皆悉是水你祇麼認他著底衣為
寔解緞經塵刮祇是衣通三界循還輪回生
死不如無事相逢不相識共語不知名今時
學人不得蓋為認名字為解大冊子上抄死

壹

十六

老漢語三重五重複子裏不教人見道是玄
旨以為保重大錯暗屢生你向枯骨上覓什
麼汁有一般不識好惡向教中取意度商量
成於句義如把屎塊子向口裏含了吐過與
別人猶如俗人打傳口令相侶一生虛過也
道我出家被佗問着佛法便即杜口無詞眼

似漆突口如桶檐如此之類達彌勃出世移
置佗方世界寄地獄受苦大德你波波地往
諸方覓什麼物踏你脚板闊無佛可求無道
可成無法可得外求有相佛與汝不相似欲
識汝本心非合亦非離道流真佛無形真道
無体真法無相三法混融和合一處辨既不
得喚作忙忙業識衆生問如何是真佛真法
真道乞垂開示師云佛者心清淨是法者心
光明是道者處處無碍淨光是三即一皆是
空名而無寔有如真正作道人念念心不間
斷自達磨大師從西土來祇是覓箇不受人
惑底人後遇二祖一言便了始知徒前虛用

功夫山僧今日見處與祖佛不別若第一句中得與祖佛為師若第二句中得與人天為師若第三句中得自救不了問如何是西來意師云若有意自救不了云既無意云何二祖得法師云得者是不得云既若不得云何是不得底意師云為你向一切處馳求

第五

十七

道是莊嚴門佛事門非是佛法乃至持齋持戒擊鉢不潤道眼不明盡須抵債索飯錢有日在何故如此入道不通理復身還信施長者八十一其樹不生耳乃至孤峯獨宿一食卯齋長坐不卧六時行道皆是造業底人乃至頭目髓腦國城妻子象馬七珍盡皆捨施如是等見皆是苦身心故還招苦果不如無事純一無雜乃至十地滿心菩薩皆求此道流踪跡了不可得所以諸天歡喜地神捧足十方諸佛無不稱嘆緣何如此為今聽法道人用處無踪跡問大通智勝佛十劫坐道場佛法不現前不得成佛道未審此意如

何乞師指示師云大通者是自己於處處達其萬法無性無相名為大通智勝者於一切處不疑不得一法名為智勝佛者心清淨光明透徹法界得名為佛十劫坐道場者十波羅密是佛法不現前者佛本不生法本不滅云何更有現前不得成佛道者佛不應更作佛古人云佛常在世間而不染世間法道沉你欲得作佛莫隨万物心生種種法生心滅種種法滅一心不生萬法無咎世與出世無佛無法亦不現前亦不魯失設有者皆是名官章句接引小兒施設藥病表顯名句且名句不自名句還是你目前昭昭靈靈鑒竟聞

知照炷底安一切名句大德造五無間業方得解脫 問如何是五無間業師云殺父害母出佛身血破和合僧焚燒經像等此是五無間業云如何是父師云無明是父你一念心求起滅處不得如響應空隨處無事名為殺父云如何是母師云貪愛為母你一念心入欲界中求其貪愛唯見諸法空相處處無著名為害母云如何是出佛身血師云你向清淨法界中無一念心生解便處處黑暗是出佛身血云如何是破和合僧師云你一念心正達煩惱結使如空無所依是破和合僧云如何是焚燒經像師云見因緣空心空

第五

十八

法空一念決定斷迦然無事便是焚燒經像
大德若如是達得免被佗凡聖名碍你一念
心私向空拳指上生寔解根境法中虛捏怪
自輕而退屈言我是凡夫佗是聖人充屢生
有甚死龜披佗脚子皮却作野干嗎大丈夫
漢不作丈夫氣忽自家屋裏物不肯信私麼
向外覓上佗古人開名句倚陰博陽不能特
達達境便緣達塵便執觸處或起自無准定
道流莫取山僧說屢何故說無憑據一期間
圖畫虛空如剝畫像等喻道流真將佛為空
竟我見猶如剝孔菩薩羅漢尽是枷鎖縛人
庄物所以文殊仗劍殺於瞿曇拈持刀害

於釋氏道流無佛可得乃至三乘五性圓頓
教迹皆是一期藥病相治並無實法設有皆
是相似表顯路布文字差排且如是說道流
有一般秃子便向裏許著功擬求出世之法
錯了也若人求佛是人失佛若人求道是人
失道若人求祖是人失祖大德莫錯我且不
取你解經論我亦不取你國王大臣我亦不
取你辯侶懸河我亦不取你聰明智慧唯要
你真真正見解道流設解得百本經論不如一
箇無事底阿師你解得即輕憐他人勝負脩
羅人我無明長地獄業如善星比丘解十二
分教生身陷地獄大地不容不如無事休歇

密五

十九

去飢來吃飯睡來合眼愚人笑我智乃知馬
道流莫向文字中求心動疲勞吸冷氣无益
不如一念緣起無生超出三乘權拏菩薩大
德莫曰循過日山僧徃日未有見處時黑湯
漫地光陰不可空過腹熱心忙奔波訪道後
還得力始到今日共道流如是話度勸諸道
流莫為衣食看世界易過善知識難遇如優
曇花時一現耳你諸方聞道有箇臨濟老漢
出來便擬問難教語不得被山僧全体作用
拏人空開得眼口惣動不得懽然不知以何
答我我向伊道龍象蹴踏非馭所堪你諸處
祇指腦點肋道我解禪解道三个两个到這

裏不奈何咄哉你将這箇身心到處鞞两片
皮誑諱間間吃鉄棒有日在非出家兒尽向
阿脩羅界攝夫如至理之道非諍論而求激
揚鏗鏘以摧外道至於佛祖相承更無別意
設有言教落在化儀三乘五性人天因果如
圓頓之教又且不然童子善財皆不求過大
德莫錯用心如大海不停死屍祇麼擔却擬
天下走自起見障以碍於心日上無雲麗天
普照眼中無翳空裏無荅道流你欲得如法
但莫生疑展則弥綸法界收則絲髮不立歷
歷孤明未曾欠少眼不見耳不聞喚作什麼
物古人云說偈一物則不中你但自家看更

有什麼說亦無各各自著力珍重

勘辨

黃檗因入厨次問飯頭作什麼飯

頭云揀眾僧米黃檗云一日喫多少飯頭云

二石五黃檗云莫太多麼飯頭云猶恐少在

黃檗便打飯頭却幸侶師師云我為汝勘這

老漢纔到侍立次黃檗幸前話師云飯頭不

五

二十

會請和尚代一轉語師便問莫太多麼黃檗

云何不道來日更吃一頓師云說什麼來日

即今便喫道了便掌黃檗云這風顛漢又來

這裡料虎鬚師便喝出去後為山問仰山此

二尊宿意作麼生仰山云和尚作麼生為山

云養子方知父慈仰山云不然為山云子又

作麼生仰山云大侶勾賊破家

師問僧什麼處來僧便喝師便揖坐僧擬議

師便打師見僧來便豎起拂子僧禮拜師便

打又見僧來亦豎起拂子僧不顧師亦打

師一日同普化赴施主家齋次師問毛吞巨

海芥納須彌為是神通妙用本体如然普化

踏到飯苴師云太蘆生普化云這裡是什麼

所在說蘆說細師來日又同普化赴齋問今

日供養何似昨日普化依前踏倒飯林師云

得即得太蘆生普化云瞎漢佛法說什麼蘆

細師乃吐舌 師一日与河陽木塔長老

同在僧堂地炉内坐日說普化每日在街市

掣風掣顏知佗是凡是聖言猶未了普化入
 來師便問汝是凡是聖普化云汝且道我是
 凡是聖師便喝普化以手指云河陽新婦子
 木塔老婆禪臨濟小厮兒却具一隻眼師云
 這賊普化云賊賊便出去 一日普化在
 僧堂前吃生菜師見云大似一頭驢普化便

密五

共二

作驢鳴師云這賊普化云賊賊便出去
 目普化常於街市搖鈴云明頭來明頭打暗
 頭來暗頭打四方八面來旋風打虛空來連
 架打師令侍者去縫見如是道便把住云惣
 不与麼未時如何普化托開云未日大悲院
 裡有齋侍者回幸似師師云我從來疑著這

漢 有一老宿叅師未曾人事便問禮拜
 即是不禮拜即是師便喝老宿便禮拜師云
 好箇草賊老宿云賊賊便出去師云莫道無
 事好首座侍立次師云還有過也無首座云
 有師云賓家有過主家有過首座云二俱有
 過師云過在什麼處首座便出去師云莫道
 無事好後有僧幸似南泉南泉云官馬相踏
 師目入軍營赴齋門首見負僚師指露柱問
 是凡是聖負僚無語師打露柱云直饒道得
 也祇是箇木椶便入去 師問院主什麼
 屢來主云州中難黃米去來師云難得盡麼
 主云難得盡師以杖面前畫一畫云還難得

這箇麼主便喝師便打典座至師奉前語典座云院主不會和尚意師云你作麼生典座便禮拜師亦打有座主來相看次師問座主講何經論主云某甲荒虛粗習百法論師云有一人於三乘十二分教明得有一人於三乘十二分教明不得是同是別主云明得即

也三十棒待伊打汝接住棒送一送看佗作麼生普到彼如教而問德山便打普接住送一送德山便歸方丈普回奉似師師云我從來疑著這漢雖然如是汝還見德山麼普擬議師便打王常侍一日訪師同師於僧堂前看乃問這一堂僧還看經麼師云不看經侍云還看禪麼師云不看禪侍云經又不看禪又不看畢竟作箇什麼師云懃教伊成佛作祖去侍云金屑雖貴落眼成翳又作麼生師云將為你是箇俗漢師問杏山如何是露地白牛山云叫叫師云啞那山云長老作麼生師云這畜生師問樂普云送

二十二末

上來一人行捧一人行喝阿那箇親普云懃
不親師云親處作麼生普便喝師乃打
師見僧來展開兩手僧無語師云會麼云不
會師云渾崙擘不開与你兩文錢
趙州行脚時衆師遇師洗脚次州便問如何
是祖師西來意師云恰值老僧洗脚州近前
作聽勢師云更要第二杓惡水潑在州便下
去 有定上座到衆問如何是佛法大意
師下繩牀擒住与一掌便托開定佇立傍僧
云定上座何不礼拜定方禮拜忽然大悟

古尊宿語錄卷第五

密

密五

古尊宿語錄卷第六

密六

臨濟禪師語錄之餘
與化禪師大燈下五世詞以際

臨濟慧照禪師餘錄 師問洛浦云淺上來
一人行捧一人行喝阿那箇親洛浦云捻不

密六

親師曰親處作麼生洛浦便喝師便打一
大覺到叅師舉起拂子大覺敷坐具師擲下
拂子大覺收坐具入僧堂衆僧云這僧莫是
和尚親故不禮拜又不喫捧師聞令喚覺覺
出師云大衆道汝未叅長老覺云不審便自
歸衆 麻谷到叅敷坐具問十二面觀音

永樂北藏

古尊宿語錄

阿那面正師下繩林一手收坐具一手搗麻
谷云十二面觀音向什麼處去也麻谷轉身
撥坐繩林師拈拄杖打麻谷接却相投入方
丈 師問僧有時一喝如金剛王寶劍有
時一喝如踞地金毛獅子有時一喝如探竿
影草有時一喝不作一喝用汝作麼生會僧
擬議師便喝 師問一尼善來惡來尼便
喝師拈棒云更道更道尼又喝師便打
龍牙問如何是祖師西來意師云与我過
板來牙便過禪板與師師接得便打牙云打
即任打要且無祖師意牙後到翠微問如何
是祖師西來意微云与我過蒲團來牙便過

第一九七册

蒲團與翠微翠微接得便打牙云打即任打
要且無祖師意牙住院後有僧入室請益云
和尚行脚時叅二尊宿因緣還肯他也無牙
云肯即深肯要且無祖師意 徑山有五
百衆少人叅請黃檗令師到徑山乃謂師曰
汝到彼作麼生師云某甲到彼自有方便師
到徑山裝腰上法堂見徑山徑山方舉頭師
便喝徑山擬開口師拂袖便行尋有僧問徑
山這僧遠來有什麼言句便喝和尚徑山云
這僧淺黃檗會裡來你要知麼自問取他徑
山五百衆太半分散 普化一日於街市
中就人乞直掇人皆與之普化俱不要師令

院主買棺一具普化歸來師云我與汝做得
箇直掇了也普化便自擔去繞街市叫云臨
濟與我做直掇了也我往東門遷化去市人
競隨看之普化云我今日未來日往南門遷
化去如是三日人皆不信至第四日無人隨
看獨出城外自入棺內倩路行人釘之即時
傳布市人競往開棺乃見全身脫去熱開空
中鈴響隱隱而去
師裁松次黃檗問深山裡裁許多作什麼師
云一與山門作境致二與後人作標榜道了
將鑿頭打地三下黃檗云雖然如是子已喫
吾三十棒了也師又以鑿頭打地三下作噓

噓聲黃檗云吾宗到汝大興於世後為山峯
此語問仰山黃檗當時祇囑臨濟一人更有
人在仰山云有祇是年代深遠不欲奉似和
尚為山云雖然如是吾亦要知汝但奉看仰
山云一人指南吳越令行遇大風即止
師侍立德山次山云今日困師云這老漢寐

語作什麼山便打師掀倒繩牀山便休
師魯請鉏地次見黃檗來拄鑿而立黃檗云
這漢因那師云鑿也未奉困箇什麼黃檗便
打師接住捧一送送倒黃檗喚維那維那扶
起我維那近前扶云和尚爭容得這風顛漢
無禮黃檗絕起便打維那師鑿地云諸方火

葬我這裡一時活埋後為山問仰山黃檗打
維那意作麼生仰山云正賊走却邏眾人喫
棒師一日在僧堂前坐見黃檗未便閉
却目黃檗乃作怖勢便歸方丈師隨至方丈
禮謝首座在黃檗處侍立黃檗云此僧雖是
後生却知有此事首座云老和尚脚跟不點
地却證據箇後生黃檗自於口上打一擗首
座云知即得密六
師見普化乃云我在南方馳書到為山時知
你先在此住待我來及我來得汝佐贊我今
欲建立黃檗宗自汝切須為我成禱普化珎
重下去克符後至師亦如是道符亦珎重下

去三日後普化却上問訊云和尚前日道甚麼師拈棒便打下又三日克符亦上問訊乃問和尚前日打普化作甚麼師亦拈棒打下師會下有同李二人相問離却中下二機請兄道一句子一人云擬問即失一人云恁麼則禮拜差兄去也前人云賊師聞得陞堂云要會臨濟賓主句問取堂中二禪客便下座有僧來問禮拜則是不禮拜則是師便喝僧作禮拜云這賊僧亦云這賊便出去師云莫道無事好首座侍立師回顧云還有過也無座云有師云賓家有過主家有過座云二俱有過師云過在甚麼處座便出去師云莫道

無事好 師問僧什麼處來僧便喝師便揖坐僧擬議師便打 師見僧來便豎起拂子僧禮拜師便打又見僧來亦豎起拂子僧不顧師亦打 示衆云衆學之人大須子細如賓主相見便有言論注來或應物現形或全体作用或把機權喜怒或現半身或垂師子或垂象王如有真正學人便喝先拈出一箇膠盆子善知識不辨是境便上他境上作模作樣便被學人又喝前人不肯放下此是膏肓之病不堪醫治喚作賓者主或是善知識不拈出物祇隨學人問處即奪學人被奪拒死不肯放此是主看賓或有客人應

一箇清淨境出善知識前知識辨得是境把
得拋向坑裏學人言大好善知識知識即云
咄哉不識好惡學人便禮拜此喚作主看主
或有學人披枷帶鎖出善知識前知識更與
安一重枷鎖學人歡喜彼此不辨喚作賓看
賓大德山僧所舉皆是辨魔揀具知其邪正
到明化化問來來去去作什麼師云祇徒踏
破草鞋化云畢竟作麼生師云老漢話頭也
不識 往鳳林路逢一婆婆問甚處去師
云鳳林去婆云恰值鳳林不在師云甚處去
婆便行師乃喚婆婆回頭師便打
師陞堂有僧出師便喝僧亦喝便禮拜師便

第六

四

打問僧甚處來曰定州來師拈棒僧擬議師
便打僧不肖師曰已後遇明眼人去在僧後
衆三聖總舉前話三聖便打僧擬議聖又打
師應檢多用喝會下衆徒亦學師喝師曰汝
等搵學我喝我今問汝有一人從東堂出一
人從西堂出兩人齊喝一聲這裏分得賓主
麼汝且作麼生分若分不得已後不得學老
僧喝 示衆我有時先照後用有時先用
後照有時照用同時有時照用不同時先照
後用有人在先用後照有法在照用同時駁
耕夫之牛奪飢人之食敲骨取髓痛下針錐
照用不同時有問有答立賓立主合水和泥

應機接物若是過量人向未舉已前撩起便
 行猶較些子師見僧未舉起拂子僧禮拜師
 便打又有僧來師亦舉拂子僧不顧師亦打
 又有僧來參師舉拂子僧曰謝和尚指示師
 亦打師在堂中睡黃檗下來見以拄杖
 打板頭一下師舉頭見是黃檗却睡黃檗又
 打板頭一下實六却往上間見首座坐禪乃云下
 間後生却坐禪汝這裡妄想作什麼首座云
 這老漢作什麼黃檗打板頭一下便出去後
 為山問仰山黃檗入僧堂意作麼生仰山云
 兩彩一賽一日普請次師在後行黃檗
 回頭見師空手乃問鑿頭在什麼處師云有

一人將去了也黃檗云近前來共汝商量箇
 事師便近前黃檗豎起鑿頭云祇這箇天下
 人拈掇不起師就手掣得豎起云為什麼却
 在某甲手裡黃檗云今日大有人普請便歸
 院後為山問仰山鑿頭在黃檗手裡為什麼
 却被臨濟奪却仰山云賊是小人智過君子
 師為黃檗馳書去為山時仰山作知客接得
 書便問這箇是黃檗底那箇是專使底師便
 掌仰山約住云老兄知是般事便休同去見
 為山為山便問黃檗師兄多少衆師云七伯
 衆為山云什麼人為導首師云適來已達書
 了也師却問為山和尚此間多少衆為山云

一千五百衆師云太多生為山云黃檗師兄亦不少師辭為山仰山送出云汝向後北去有箇住處師云豈有與麼事仰山云但去已後有一人佐輔老兄在此人祇是有頭無尾有始無終師後到鎮州普化已在彼師出世普化佐贊於師師住未久普化全身脫去

師曰半夏上黃檗見和尚看經師云我將謂是箇人元來是措黑豆老和尚住數日乃辭去黃檗云汝破夏來不終夏去師云某甲暫來禮拜和尚黃檗遂打迹令去師行數里疑此事却回終夏師一日辭黃檗問什麼處去師云不是河南便歸河北黃檗便打師約

住與一掌黃檗大笑乃喚侍者將百丈先師禪板机案來師云侍者將火來黃檗云雖然如是汝但將去已後坐却天下人舌頭去在後為山問仰山臨濟莫辜負佗黃檗也無仰山云不然為山云子又作麼生仰山云知息方解報息為山云沒上古人還有相似底也密六
無仰山云有祇是年代深遠不欲率佢和尚大為山云雖然如是吾亦要知子但舉看仰山云祇如楞嚴會上阿難讚佛云將此深心奉塵刹是則名為報佛息豈不是報息之事為山云如是如是見與師齊減師半德見過於師方堪傳授 師到達磨塔頭塔主云長

老先禮佛先禮祖師云佛祖俱不禮塔主云
佛祖與長老是什麼冤家師便拂袖而出

師行脚時到龍光光上堂師出問不展鋒鋷

如何得勝光據坐師云大善知識豈無方便

光瞪目云嗔師以手指云道老漢今日敗闕

也 到三峯平和尚問什麼處來師云黃

檠來平云黃檠有何言句師云金牛昨夜遭

塗炭直至如今不見蹤平云金風吹玉管那

箇是知音師云直透萬重關不住清霄內平

云子這一問太高生師云龍生金鳳子衝破

碧琉璃平云且望喫茶又問近離甚處師云

龍光平云龍光近日如何師便出去

到大慈慈在方丈內坐師問端居丈室時如

何慈云寒松一色千峯別野老拈菴萬國春

師云今古永超圓智躰三山鑿斷萬重關慈

便唱師亦唱慈云作麼師拂袖便出

到襄州華嚴嚴倚拄杖作睡勢師云老和尚

瞌睡作麼嚴云作家禪客宛爾不同師云侍

者點茶來與和尚喫嚴乃喚維那第三位安

排這上座 到翠峯峯問甚處來師云黃

檠來峯云黃檠有何言句指示於人師云黃

檠無言句峯云為什麼無師云設有亦無舉

處峯云但舉者師云一箭過西天 到象

田師問不凡不聖請師速道田云老僧祇与

麼師便喝云許多禿子在這裡覓什麼按
到鳳林林間有事相借問得麼師云何得剋
肉作瘡林云海月澄無影游魚獨自迷師云
海月既無影游魚何得迷鳳林云觀風知浪
起既水對帆飄師云孤輪獨照江山靜自咲
一聲天地驚林云任將三寸輝天地一句臨
機試道看師云路逢劍客須呈劍不是詩人
莫獻詩鳳林便休師乃有頌大道絕同任向
西東石火莫及電光罔通瀉山同仰山石火
莫及電光罔通送上諸聖將什麼為人仰山
云和尚意作麼生瀉山云但有言說都無寔
義仰山云不然瀉山云子又作麼生仰山云

官不容針私通車馬 到金牛牛見師來
橫按拄杖當門踞坐師以手敲拄杖三下却
歸堂中第一位坐牛下來見乃問夫賓主相
見各具威儀上座沒何而來太無禮生師云
老和尚道什麼牛擬開口師便打牛作倒勢
師又打牛云今日不著便瀉山問仰山此二
尊宿還有勝負也無仰山云勝即惣勝負即
惣負 師臨遷化時據坐云吾滅沒不得
滅却吾正法眼藏三聖出云爭敢滅却和尚
正法眼藏師云已沒有人問你向他道什麼
三聖便喝師云誰知吾正法眼藏向這瞎驢
邊滅却言訖端然示寂

興化禪師諱存獎初謁臨濟濟令師充侍者
濟問新到甚處來云盩城濟云有事相借問
得麼云新戒不會濟云打破大唐國覓個不
會人難得叅堂去師問遠來新到是成禪伊
耶濟云我誰管你成禪不成禪師云和尚只
會將死雀就地彈不解將一轉語蓋覆却濟

密六

云你又作麼生師云請和尚作新到濟遠云
新戒不會師云却是老僧罪過濟云你語截
鋒師擬議濟便打至晚濟謂師云我今日問
新到是將死雀就地彈就窠裡打及你出得
語又喝起向青雲裡打師云草賊大敗濟又
打師開堂日示衆云此一炷香本爲三

聖師凡三聖爲我太孤便合承嗣大覺大覺
爲我太賒我於三聖處會得賓主句若不遇
大覺師兄泊乎誤却我平生我於大覺處吃
棒見得臨濟先師在黃檗處喫棒底道理此
一炷香供養我臨濟先師示衆云今日
不問如何若何便請單刀直入興化与你證

明時有旻德長老出作礼起便喝師亦喝德
又喝師又喝德作禮歸衆師云遠來若是別
人三十棒一棒也不較何故爲他旻德長老
會一喝不作一喝用師入堂見首座乃
云我見你了也座便喝師打露柱一下便出
去首座隨後上方丈云遠來觸忤和尚便作

禮師就地打一棒座無語 師見同衆來
總上法堂師便喝僧亦喝行三兩步師又喝
僧亦喝須臾近前師拈棒僧又喝師云你看
這瞎漢猶作主在僧擬議師便打直打下法
堂時有僧問這僧有甚觸忤和尚處師云是
伊遠來也有權也有寔也有照也有用及乎
我將手向伊面前橫兩遭便去不得似這般
瞎漢不打更待何時 僧問四方八面來
時如何師云打中間底僧作禮師云興化今
日赴個村齊中路遇一陣卒風暴雨却去古
廟裡避得過 僧問多子塔前共談何事
師云一人傳虛萬人傳寔 師奉三聖僧

客六

九

問如何是祖師西來意三聖云臭肉來蠅師
云興化即不然破脊驢上之蒼蠅 上堂
云我聞三聖道我逢人即出出即不為人興
化即不然我逢人即不出出即便為人下座
上堂今日不用如何若何直須單刀直入興
化與你證據時有閩德長老出禮拜起便喝
師亦喝閩德又喝師又喝閩德禮拜便歸衆
師云遠來若是別人三十棒一棒也較不得
為他閩德會一喝不作一喝用便下座
師入僧堂見首座坐禪師云我見你了也首
座便喝師打露柱一下便出去首座隨後上
去云莫怪遠來觸忤和尚師又打地一下

師巡堂次垂語云我有一隻聖箭遇作家即
 分付至下間有一道者云便請師云你喚什
 麼作聖箭道者把衲衣便拂師接住云祇者
 箇別更有在道者擬議師便打 師到雲
 居問權借一問以為影草時如何雲居道不
 得師三度奉語頭雲居無語師云情知和尚
 道不得且礼三拜雲居一日上堂云我二十
 年前與化問我當時機思遲鈍道不得為他
 致得問頭奇特不敢辜他如今祇消一个何
 必後有僧舉似師師云二十年祇道得箇何
 必與化即不然不消一箇不必後三聖拈云
 二十年道得底是雲居如今商量猶較興化

半月程 師見僧來云你未恁麼來山僧
 早行了也僧便喝師云據令而行僧又喝師
 云作家僧又喝師便打 問王程有限時
 如何師云日馳五百 同光帝駕幸河北
 回至魏府行宮帝坐朝僧錄名負來朝後帝
 遂問左右此間莫有德人否近臣奏曰遠來
 僧錄名負皆是德人帝曰此是名利之德莫
 有道德之人否近臣奏曰此間有興化長老
 甚是德人帝乃召之師來朝見帝賜坐茶湯
 畢帝遂問朕收下中原獲得一室未曾有人
 酬價師云如何是陛下中原之寶帝以手舒
 幪頭脚師云君王之寶誰敢酬價聖顏大悅

賜紫衣師號師皆不受宣馬一疋與師乘騎
馬忽驚隊師遂傷足帝聞宣藥救療師喚院
主院主至侍立次師云與我作箇木楞子院
主做了將來師接得遶院行問僧云汝等還
識老僧麼僧云和尚爭得不識師云藕脚法
師說得行不得又至法堂上令維那聲鍾上
堂師如前垂示衆皆無對師擲下楞子端然
而逝勅謚廣濟大師塔曰通寂

古尊宿語錄卷第六

第

密六



永樂北藏

古尊宿語錄

第一九七册

古尊宿語錄卷第七

卷七

睦州禪師大鑑下口世詞業

睦州陳尊宿諱道蹤得旨斷際初居筠州米山遷住睦州觀音常百餘衆後君開元寺開房織蒲鞋養母凡應接來者機辯峭絕無容

密七

矜思指臨濟參黃蘗接雲門嗣雪峰皆師力也 上堂云你諸人還得箇入頭處也未若未得箇入頭須得箇入頭若得箇入頭不得辜負老僧又云明明向你道尚自不會豈况蓋覆將來問如何是學人自己師云觀世音菩薩進云學人不會師云大慈悲菩薩問

永樂北藏

古尊宿語錄

如何是祖師西來意師云一隊衲僧來一隊師僧去問如何是向上一路師云你問將來我與你道進云便請道師云抖擻多年穿破衲襟襖一半逐雲飛問請師講經師云買帽相頭進云謝師慈悲師云拈頭作尾拈尾作頭還我第三段來問如何是徑截一路師云大衆久立速禮三拜進云請師道師云有頭無尾漢又云來來還我徑截一路來僧無語有座主問某甲雖講得經蕪行脚不會教意時如何師云灼然實語當懺悔進云乞師指示師云你若不問老僧緘口無言你既問老僧不可緘口去也進云便請道師云心不負

第一九七册

人面無慚色問知時者是大沙門如何是大沙門師云我向真孔裏問你進云作麼生問師云自領出去又云来来我共你葛藤你却問我問如何是大沙門師云觀世音菩薩會麼進云不會師云大慈悲菩薩上堂大衆雲集師云章表將來時有僧應諾師云據狀領過問佛法大意請師舉唱云我者裏不曾泥裏洗土塊你諸方作麼生道無語有大德曾講法華經來問和尚某甲雖講不會教家大意極則處師云不得錯舉問如何是向上事師指一僧云那箇師僧何不問無語有僧舉雪峯語乞師指示峰云是什麼學云乞師指

示峯云因什麼到與麼地舉了僧遂問祇如雪峰和尚意作麼生師便打師看經次僧問看什麼經師云金剛經僧云六朝翻譯次當第幾師云一切有為法如夢幻泡影問如何是教意師云我不答你進云和尚為什麼不答師云為你念來問如何是西來意師云那箇師僧何不近前來僧便近前師云我喚浙東人干浙西人什麼事時有座主問三乘十二分教某甲粗知未審宗門事乞師提綱師云問着宗門事有什麼難道恰問着老僧鼻孔你頭上漫漫脚下漫漫教家喚作什麼主云教家無這箇意旨師以拄杖趁上堂

第七

二

云汝等快與快與老僧七十九也看看脫去也僧便問師百年後向什麼處去師云三十年後有人舉在問迦葉上行衣誰人合得披師云抖擻多年穿破納襪毯一半逐雲飛會麼僧云不會師云有時掛向有頭上也勝時人著錦衣問終日著衣喫飯如何免得著衣喫飯師云著衣喫飯進云不會師云不會即著衣喫飯有座主問三乘十二分教即不問如何是宗門中事師云老僧入你鉢囊裏主云和尚為什麼在學人鉢囊裏師云有什麼檳榔荳蔻速將來主云和尚欠少箇什麼師云這賊今日敗也進云學人乍入叢林乞師

指示師云量才補職進云學人咨和尚師咄云這扶籬摸壁漢三家村裏保頭也不能作得師因赴齋迴有僧就師乞覓錢師云赴齋得三十文僧云便請師云施者雖無厭受者應知足問佛法大意請師提綱師云檢將來與你提綱進云便請和尚道師云折東密七離補西障有僧名宗闍宗闍咨和尚師云住僧便住師咄云名也不識又云有闍即判快道快道無對有俗官問一氣還轉得一歲經麼師云有什麼純紬快將來問古人有言究竟一路如何是究竟一路師云咩咩你這勝子我這裏難過筆墨兩狀一時領過進云某

甲有什麼過師便打迹問從上已來老宿作
 家還有差別異路難會底道理麼師云有進
 云如何是差別異路難會底道理云待你三
 生六十劫信去始得問十方園土中唯有一
 乘法如何是一乘法師云你若不問我即不
 知你若問我我即知進云為什麼如此師云
 吽吽什麼處得這箇問來僧無語問說即振
 動乾坤不說即絲毫不掛說即是不說即是
 師云道什麼僧再舉即云這脫空謾語漢進
 云某甲話在師云說即振動乾坤是你恁麼
 道僧云是師拈拂子便打云吽吽這裏嚇我
 來問學人有問未審師還許也無師云灼然

賊來須打客來須看進云未審和尚作麼生
 道師云這賊不能打得你問三乘十二分教
 從何而得師云對機故得問請和尚答一轉
 語得麼師云得進云請便道師拽拄杖下
 上堂云不受謾底人出來有僧出應諾師云
 被我挑一塊屎擗喉嚨塞却擗眼打也爭不
 受謾師因看金剛般若經僧問和尚看甚經
 師云無二無二分無別無斷故會麼僧云不
 會師云我念經也不得有俗官問和尚依教
 不依教師云光剃頭淨洗鉢作麼生不依教
 師因齋次有俗官問請師施食師云三德六
 味施佛及僧吽吽快將來老僧要喫俗官云

請和尚施財師云弟子施財和尚施法先到
老僧後到佛又俗官問弟子今日開藏經乞
師一句提綱藏經師云此問難得官云便請
提綱師云對牛彈琴師因看經次僧問和尚
看什麼經師云涅槃經茶毘品眾在後問如
何是超佛越祖之談師驀拈拄杖示眾云我
喚作拄杖你喚作什麼無語師再將拄杖示
之云超佛越祖之談是你問麼無語師舉黃
蘗和尚語云天下老和尚一氣道在我者裏
要放你也在我這裏要不放你也在我這裏
僧便問如何是一氣道師云量才補職僧云
如何是不放一氣道師云伏惟尚饗問如何

是禪師云猛火著油煎問不擇一切請師提
綱佛法師云山河大地畜生驢馬進云為什
麼不會師云你若被我把握住直須百雜碎僧
云和尚不可一向師云不信道百雜碎問近
入叢林乞師方便師云你近入叢林進云是
師云心不負人面無慚色進云某甲不會師
云近前來與你注解僧近前師云去
上堂大眾侍立師喝出去大眾不出去師又
再喝大眾茫然師與拄杖一時趨下去師因
看華嚴經僧問是什麼經師云大光明雲青
色光明雲紫色光明雲那邊是什麼雲僧云
南邊是黑雲師云今日應有雨又云將為是

箇師子兒元來是箇老鼠兒 上堂云還
 有踏倒禪牀底出來有僧出來應喏師云比
 來拋鉤釣鯨鯢下場頭却釣得箇蝦蟆出來
 問如何是禪師云還我第二段來進云不會
 師云三段不同萬里崖州問如何是佛師云
 裂轉鼻孔問如何是葛藤一句師云山河大
 地是你問進云如何提綱拈撮師云到我問
 問大衆雲臻合談何事師云作麼問華葦海
 即不問如何是向上一路云好來好來師舉
 古人語次問大衆云三乘十二分教成得箇
 什麼邊事有僧云今日大衆普請不易師云
 不要將出來僧云打鼓喫藥石師云莫捨出

僧云和尚得恁麼忉忉生師云我也祇要你
 恁麼道僧打門問已事不明乞師指示師繞
 開門僧擬開口問師便擗口擗問如何是學
 人入頭處師云一不得了進云某甲不會師
 云這箇語話三十年後大行問如何是禪師
 云摩訶般若波羅蜜進云不會師云抖擻多
 年穿破衲檻毯一半逐雲飛睦州僧正并諸
 大德衆請師上堂師問僧正僧正應喏師云
 監寺亦正云不在師云都監闍黎亦正云不
 在師云上座亦正云不在師云三段不同今
 當第一向下文長赴在來日不詞謹退便起
 諸大德因措師舉古人語云捏聚也在我裂

破也在我僧問如何是裂開師云菩提涅槃
真如解脫三九二十七還我第一籌來又云
即心是佛我且恁麼道你作麼生僧云某甲
不恁麼道師云蓋子落地楪子成七片僧云
如何捏聚師乃歛手而坐一日睦州刺史問
如何是禪宗事師云近前來近前來史近前
師云得恁麼脫空妄語史無語師遂問曾見
什麼人來史云曾見恁麼老宿來師云更作
麼生史云看經來師募打牀一下云教中喚
遠箇作什麼史云教中不說師云教中道治
生產業與正理不相違背又作麼生史無對
師又打牀一下云大凡喚遠箇作什麼史云

喚作牀師云這喫飯粘漢睦州陳操尚書因
齋次尚書自行餅餃與僧僧遂引手接尚書
却縮手僧無語尚書與諸官在鎮樓上坐忽
見有數僧來官人云有幾箇衲僧來尚書云
不是官人云爭知不足書云待來到這裏與
你勘其僧遂至尚書幕喚云上座上座僧迴
首無語書云不信道 上堂衆集師云忽
然忽然有僧出來云却請大衆歸堂去師拍
繩牀一下云苦殺人僧遂回頭師與拄杖一
時趁下問如何是佛法徑截師云三人兩人
不問進云便請和尚道師云三人一狀領過
問一言道盡時如何師云吽吽策著老僧堂

門齒進云蒙和尚指示師云有頭無尾漢錢
 塘去國三千里僧無語問一句淨盡時如何
 師云摘却你眉毛換却你眼睫僧無語師云
 吽吽脫空謾語漢問如何是向上一路師云
 朝看東南暮看西北問不涉廉纖請師道師
 云三段不同今當第一向下文長赴在來日

問如何是教意師云還我一問來進云未審
 和尚作麼生道師云吽吽不敢望你分外話
 也不領問如何是量才補職師云不要補進
 云為什麼不要補師云蝦蟇之類別有一僧
 出來請和尚道師云不要撓撓百姓養子方
 知父慈會麼僧云如何是養子方知父慈師

云心不負人面無慚色問如何是禪師云歸
 依佛法僧進云不會師云咄這蝦蟇得與麼
 惡業問學人有疑請師一決師云獨掌不浪
 鳴進云不會師云笑絲不成束自領出去問
 徑截處乞師指示師云早朝有人問了也進
 云早朝有人問了且致請師道師云三門頭

市合金剛脚下小兒子^七寐錢問如何是教意
 師云一問不再舉問如何是一代時教師云
 上大人丘乙巳問如何是急師云通你一問
 進云如何是急中急師云朝向西衢耶尼暮
 向北鬱單越俗官問弟子廣陳供養師有何
 方便師云祇怕你不問官云便請和尚道師

云心不負人面無慚色問以八不成是何章
句師彈指一下云會麼進云不會師云上來
講讚無限勝因蝦蟆躡跳上天蚯蚓蒿過東
海問如何是鷗子師云這死雀兒進云如何
是鷗子機師云昨日有師僧趣出去你今日
又來這裏進云過在什麼處師云勅貶朝官
問如何是機前一句師云老僧一問教你摸
進云莫便是麼師云對牛彈琴問正當說時
時如何師云你為什麼話墮進云什麼處是
話墮處師云擔枷過狀萬里崖州自領出去
問大衆雲集合談何事師云那箇師僧置將
一問來學人舉頭師便打云老僧却不恁麼

進云未審和尚作麼問師云佛殿裏裝香三
門頭合掌又云你不解問進云未審作麼生
問師云速禮三拜放你三十棒又云後園生
菜熟水淘飯問如何是向上事師云向下文
長又云慚愧解問進云請和尚道師云心不
負人面無慚色問如何是教眼師云十方國
土中唯有一乘法進云此是經文師云驢年
會麼進云如何是教眼師云量才補職問如
何是衲僧眼師云朝看東南暮看西北
上堂云觀自在菩薩行深般若波羅蜜多時
信受奉行問僧我適來念什麼僧云和尚念
經師便打云此老古錐心不負人面無慚色

問如何是諸佛師師云釘釘東東骨低骨董
 進云乞師慈悲師云我問你第二句作麼生
 道進云不會師云灼然灼然師坐次有僧慕
 然問請師道師云蘇嚕蘇嚕娑婆訶問如何
 是向上關挨子師云新羅國裏坐朝大唐國
 裏打鼓

案七

八

上堂云爍電之機罕遇且向摸
 窠村裏作活計僧問如何是摸窠村裏作活
 計師云歸依佛法僧進云如何是爍電之機
 罕遇師云灼然問三界唯心萬法唯識時如
 何師云牙齒敲磕更置將一問來僧無語師
 云舌頭無骨又捻拄杖一劃會麼僧云不會
 師云鵝鵝鳥問不落玄機便請道云老僧三

十年來行脚未曾置此一問進云請師答話
 師云這箇阿師什麼處得此一箇問頭來問
 高揖釋迦不拜彌勒時如何師云到老僧這
 裏覓箇什麼速禮三拜又云近前來早是教
 七教八進云也知和尚恐某甲不實師云拄
 杖不在掃帚柄打三十下問古人點土成金
 意旨如何師云老僧不與麼道進云和尚作
 麼生道師云金變為土問學人乍入叢林乞
 師指示師云飽喫飯了顛言倒語作什麼進
 云與麼即一切法不可得也師云你道我語
 作麼生進云一切法不可得也師便打問學
 人近入叢林乞師指示師云不得埋沒老僧

進云乞師慈悲師云一箭過西天一不成兩
不是有長講法華經座主來問某甲雖講經
不明教意乞師方便師云悟即實初三十一
中九下七面前背後相去多少主云某甲不
會乞師指示師云捨起著主再問師云摩訶
般若波羅蜜進云某甲不會師云入鄉隨俗

七

九

進云如何是教意師云妙法緊那羅王大法
緊那羅王主云某甲不會師云真箇是無孔
鐵槌近前來主便近前師以手空勞一轉却云
會麼主云不會師云在這裏上堂云
識賤即貴僧便問祇如長街裏還有貴也無
師云有進云如何長街裏貴師云陳蓋陳蓋

進云恁麼則學人買得也師云一兩二兩還
我三文錢來僧無語師云咩咩這脫空妄語
漢師問僧什麼處來僧云天台來師云見說
石橋作兩段是否僧云和尚什麼處得這箇
消息師云將為是華頂峯前客元來是平田
莊裏人因見新到師云老僧不曾向第二句

裏勸人近前來僧遠近前師云近離什麼處
僧云請和尚辨師云今日雲色稍高問僧什
麼處來僧云和尚合知師云我即知僧云且
道某甲從什麼處來師云猪跳圍不出問僧
你是行脚僧是否僧云喏師云禁著便蝦蟇
叫僧云某甲未曾有語在師云來來作麼生

道僧云還曾遇得住也無師便打問僧近誰
 什麼處僧喝師云老僧今日被你喝一喝僧
 又喝師云三喝四喝後作麼生僧無語師便
 打云這掠虛漢問僧什麼處來僧便喝師云你
 以古人作得主僧又喝師云話破也僧云某
 甲什麼處是話破處師便捧問僧什麼處來
 僧云請和尚鑒師拈拄杖云你喚作箇什麼
 僧云請和尚鑒看師便打問僧什麼處來僧
 云知道和尚有此一問師云一破兩破三破
 作麼生僧云和尚什麼處得許多破來師云
 吽吽這箇阿師好與三十棒問僧夏在什麼
 處僧叉手退後師云鉢盂裏失却起筋草鞋

根下失却一文古老錢僧云某甲不與麼師
 云共你葛藤尚自不會來來實道夏在什麼
 處僧云江西師云念你遠來放你三十棒問
 僧什麼處來僧云徑山來師云何得五戒不
 持僧云過在什麼處師云我這裏不着沙彌
 師見新到來叅云剋尤巨耐僧問恻一邊立
 師云什麼處得這一隊打野狸漢出去問僧
 什麼處來其僧瞪目視師云驢前馬後漢問
 僧甚麼處來僧云適來有人問了也師云因什
 麼敗關僧云莫錯師云自領出去問僧什麼
 處來僧云識得即知來處師喝云這蝦蟆保
 老和尚作活計僧云莫錯師云放你三十棒

自領出去問僧莫是從河北來麼僧云某甲
近離江西師云大展坐具禮三拜著其僧禮
拜了便出去師云不空不空僧迴首師云來
來近前來皓是黑正好辯僧無語問僧幾人
新到僧云五人師云无解冰消僧云和尚未
曾有問師云賊把賊為驗問僧近離什麼處
僧云也知和尚有此一問師云脫空妄語漢
僧云什麼處是妄語師云三十棒教阿誰喫
問僧什麼處來僧云靈山來師云涅槃是第
幾座僧無語師又問迦葉什麼處去僧云不
知師云脫空妄語漢問僧什麼處來僧云須
知有不涉程途者師乃咄開口便作屎臭氣

有僧叅師師乃拈起針云一時穿過鼻孔僧
云莫錯師云吽吽近前來你適來道什麼僧
云和尚莫錯師云西天斬頭截臂這裏自領
出去師有時見新到云何得五戒不持僧云
某甲未曾人事師云這沙彌問僧什麼處來
僧云婺州來師云還見傅大士麼僧云某甲
不見師云在雙林寺裏問僧什麼處來僧云
婺州來師云鄉中偏出此人問僧什麼處來
僧云適來途中早有人問了也師云這裏為
什麼无解冰消僧云某甲過在什麼處師云
擔枷過狀漢問僧什麼處來僧云那處來師
云老僧為僧云和尚知便得師云擔枷過狀

密七

十一

便打問僧什麼處來僧云莫錯伸此一問師
云嘎江西來僧云莫錯師云三十棒教阿誰
喫問僧什麼處來僧便喝師拍手大笑僧罔
措師便打問僧甚處來僧云深知和尚有此
一問師云七縱八橫老僧鼻孔在什麼處僧
云和尚鼻孔為什麼却問某甲師云吽吽放
你三十棒問僧什麼處來僧云靈泉來師云
吽吽放你三十棒又云你適來恁麼道吽僧
云是師云三門頭金剛為什麼倒地僧無語
師云將為是箇僧元來抵是蝦蟇問僧什麼
處來僧云請和尚弁師云向你脚下弁僧無
語師云吽吽什麼處並無主宰問僧什麼處

來僧云洎錯祇對和尚師咄云將一條繩縛
保老師著僧云某甲有什麼過師云去問僧
什麼處來僧云靈山來師云近日打殺一門
僧是否僧無語師云這箇蝦蟇問僧什麼處
來僧叉手近前師云太狼藉生僧無語師云
這掠虛漢問僧什麼處來僧云江西來師云
江西米貴賤僧云不曾入鄆師云念你遠來
放你三十棒問僧什麼處來僧云江西來師
云江西此去多少僧云不曾量度師云文彩
已彰問僧什麼處來僧云江西來師云夏在
什麼處僧云雲居師云有何言教僧云即今
作麼師云這箇師僧親從高處來僧云和尚

為什麼與麼道師云本色打米餅保老師問
 僧什麼處來僧云江西來師作打勢云踏破
 多少草鞋僧無語師云來來你曾過梅嶺麼
 僧云過師云今日好秋涼問僧什麼處來僧
 云江西來師云還有不喫飯底麼僧云有師
 云這箇是噎飯底問僧你頭上一問為什麼
 不道僧云什麼處不道師云且喜得你出頭
 來問僧什麼處來僧云雙林來師云途中事
 借問得麼僧云和尚問什麼處師云你上大
 人也未曾夢見出去 問僧看什麼經僧
 云般若經師云鼻孔裏藏身鉢盂裏藏却匙
 筯眼睛裏換却髑髏剛在什麼經裏僧云某

密七

十二

甲不知剛在什麼經裏師云來來祇如大規
 若經一切智智清淨是麼僧云是師捻起拄
 杖云見這箇麼僧云此是色法師云忽有人
 供養看經僧你也隨隊喫飯問僧曾看經是
 麼僧云是師云是又云不得謾我僧云和尚
 為什麼不領話師云果然謾我問僧什麼處
 來僧云雙林寺來師云傅大士道什麼僧云
 他不問和尚和尚又問他作什麼師云什麼
 處得這老婆說話來問僧什麼處來僧云雙
 林寺來師云還見傅大士麼僧云不錯祇對
 和尚師云吽吽牢裏作活計問僧什麼處來
 僧云雙林寺裏來師云在彼看經麼僧云和

尚什麼處得這箇消息師云兩俱失有同學
 師兄來相看喫茶次師兄問行脚事作麼生
 師恰遇沙彌過茶次便與一擱咄這沙彌師
 兄云是即是你道我作麼生師云蝦跳不出
 斗問一僧今日施主開經麼僧云是師云好
 生著莫教錯僧云某甲不教錯師云入地獄

密七

十三

如箭射問僧曾講經麼僧云不會師云去問
 僧看什麼經僧云涅槃經師云茶毘品最在
 後曾看麼僧云曾看師云大喻三千小喻八
 百問僧什麼處來僧云齋來師云將觀錢來
 僧云和尚欠少什麼師云蝦蟇叫問僧什麼
 處來僧云齋來師云猴搥繫露柱問僧什麼

處來僧云齋來師云打草蛇驚問僧什麼處
 去來僧云齋來師云施主還具眼麼僧云某
 甲罪過師云你為什麼隨我僧無語問僧什
 麼處來僧云齋來師云將什麼報答施主僧
 云不用更言師云斤不當兩僧云此是和尚
 分上事師云咩咩且放你三十棒問僧什麼
 處來僧云和尚莫錯伸一問師云爭奈頭上
 一條繩何僧云莫錯師云枷上更著粗問僧
 什麼處來僧云齋來師云施主眼瞎師見
 僧瞻視云你大有年幾也僧云請和尚道師
 云四十六也未僧云莫錯師云這死蝦蟇問
 僧今日喫得多少鹽醋僧拈起鉢孟師云可

惜許益醋牛欄裏作活計問一上座何不覓
 箇住處座云盡大地覓箇住處不可得師云
 繩子為什麼在我手裏座云和尚恁麼道即
 得師云非但觸髅鼻孔也穿過問一覺上座
 見說在叢林裏多口把不住是閻黎麼覺云
 和尚什麼處得這箇消息師云一任踣跳覺
 云不可語不得師云叫叫轉見敗闕又云老
 僧若置一問教你喪身失命覺云和尚不可
 壓良為賤師云蘇魯蘇魯娑訶又云來來是
 你曾看教麼教中道謗斯經故獲罪如是作
 麼生是教意覺云教中不說有意師云入地
 獄又拈起拄杖云這箇是什麼覺云拄杖師

云這粘錢湯漢問河北僧彼中有趙州和尚
 你曾到麼僧云某甲近離彼中師云有何言
 教示後徒僧云尋常問新到什麼處來僧云
 南方來州云喫茶去師乃呵呵大笑云慚愧
 又問抵如趙州意作麼生僧云此亦是方便
 師云趙州被你一杓屎潑僧無語師見僧辭
 去問什麼處去僧云往徑山去師云忽然有
 人問你作麼生道得一句語塞得伊口僧云
 某甲有語師云去問僧什麼處去僧云禮拜
 徑山去師云這老漢好打破觸髅着師見一
 僧云恰似箇律師一般驀然悟去一箭穿過
 觸髅三千里僧擬作問勢師云蘇魯蘇魯娑

訶師問僧正正應喏師云講唯識論麼正云不敢小年曾讀文字來師拈起糖餅擘破作两片你作麼生正無語師問僧正喚作糖餅是不喚作糖餅是云不可不喚作糖餅師却喚沙彌來來你喚作什麼沙彌云糖餅師云你也講得唯識論問座主講什麼經主云法華經師云與老僧講來主云某甲依章疏師云你不會講主云某甲實不會講却請和尚講師云你不是聽經人主云昨日蒙和尚慈悲為某甲今日講師云三段不同今當第一主云此是古人章疏師云你見箇什麼道理主無語師云這喫夜飯漢不能打得你去有

座主善解二十四家書師問你解二十四家書是否主云不敢師遂於空中作書勢云是什麼字主云不會師云吽吽這箇阿師脫空妄語道我解二十四家書永字八法也不識主無語師云來來曾講華嚴經否主云不敢師云不恠伸一問得麼主云和尚問什麼師咄云講得椀裏又云你問我主云請和尚講師云心不負人主云不會師云對牛彈琴問座主講什麼經主云涅槃經師云開口便作屎臭氣主云爭奈古教何師云奴見婢慙不肯休主無語師云近前來主便近前師云祇這也無主罕便打一日有座主來師問見

家七

十五

說座主講得經是否主云不敢師云吽吽這
喫夜飯保老師云來來講得什麼經論主云
唯識法華經師云拈起鼻孔將兩耳來主云
鼻孔作麼生拈得師云這念言語漢又云法
華經云十方國土中唯有一乘法是否主云
是師云佛殿裏即不問你三門頭鷓鴣上道
將一句來主云此是玄機師云玄你屋裏老
爺脫空妄語漢有講論座主來叅師師云你
為什麼義墮主云和尚未曾問某甲師云西
天則斬頭截臂我這裏與你口喫飯有一座
主講得七本經論來叅師師云你是講得七
本經論是否主云不敢師拈起拄杖驀頭打

一下主云某不因和尚泊廬過一生師云道
什麼主擬開口師便打主云謝和尚重重相
為師云依稀近佛莽鹵為僧有一座主講得
六本經論來叅師師云見經中有問論中有
主主云某甲依章疏講不會玄機師云你講
得梳裏主云某甲也未曾分外師云出去有
座主來叅師師問莫便是講唯識論是麼主
云不敢師云朝夫西天暮歸唐土會麼主云
不會師云吽吽五戒不持問座主講什麼經
主云講華嚴經師云更有箇漢子即不問你
文殊普賢又作麼生主云不會師云近前來
主便近前師便打一棒云會麼主云不會師

云飢逢王膳不能食病遇醫王爭得瘥與你
 註解了問僧講什麼經主云金剛經師云曾
 講辨正論麼主云不敢師云五戒不持又問
 講金剛經是否主云是師捻拄杖云是什麼
 主云此是色法師云講得枕裏又云經中道
 凡所有相皆是虛妄若見諸相非相即見如
 來密七是否主云是師云這脫空妄語漢啗夜飯
 保老師問座主蘊何業主云唯識論師云教
 中言作麼生主云某甲祇是尋行數墨却是
 禪門中不知師云實語當懺悔問講金剛經
 座主荷擔如來即不問你寺門前金剛為什
 麼入你鼻孔裏去主云和尚什麼語話師云

你講得夢裏問講楞嚴經座主經中有八選
 四義是否主云是師以拄杖點一童子頂上
 一下云是什麼義主無語師云此義文長卦
 在來日問如何是自己事師云老僧不解相
 怪速禮三拜又云觀世音菩薩進云不會師
 云大慈悲菩薩西峰長老來置茶果次師問
 今夏在甚麼處安居峯云蘭溪師云多少衆
 云七十餘人師云時中將何示徒峰拈起柑
 子師云著甚死急師問僧近離甚處云瀏陽
 師云彼中老宿祇對佛法大意道甚麼云徧
 地無行路師云老宿實有此語那云實有歸
 拈拄杖打云這念言語漢師見僧行胡餅乃

問行甚麼云胡餅師云這俗漢雲門來敲門
 師云阿誰門云文偃師開門攔宵扭住云道
 道門擬議師便推出云秦時較鞦韆師問秀
 才先輩治甚麼才曰治易師曰易中道百姓
 日用而不知且道不知箇甚麼才曰不知其
 道師曰作麼生是道才無對僧問一氣還轉
 得一大藏教也無師曰有甚餠餠子快下
 將來問如何是禪師曰猛火著油煎師看華
 嚴經次僧問看甚麼經師曰大光明雲青色
 光明雲紫色光明雲却指面前曰那邊是甚
 麼雲曰南邊是黑雲師臨終召門人曰此處
 緣息吾當逝矣乃跏趺而寂郡人以香薪焚

十七末

永樂北藏

古尊宿語錄

之舍利如雨乃收靈骨塑像于寺壽九十八
 臘七十六

古尊宿語錄卷第七

密七

永樂北藏

古尊宿語錄

第一九七冊

古尊宿語錄卷第八

密八

寶應南院禪師 大鑑下六世嗣南院

風穴禪師 大鑑下七世嗣南院

寶應南院禪師諱慧顯河北人也

上堂云赤肉團上壁立千仞有僧問赤肉團

密八

上壁立千仞豈不是和尚語師云是僧便掀
倒禪林師云你看這瞎漢亂做僧擬議師便
打趂出院問大用不逢人時如何師云鷄鵝舞
道引入千峯問十方通暢時如何師云八極
連門禍問龍躍江湖時如何師云警噐警喜
問傾湫倒岳時如何師云老鷄無背問從上

永樂北藏

古尊宿語錄

古人見不盡處師還見也無師云握髮吐食
人不顧滿朝盡道好周公僧向口上打師云
道者大煞瞎僧云有恁麼瞎老漢恁麼道師
便打問從上諸聖向什麼處去也師云不上
天堂即入地獄僧云和尚作麼生師云你還
知寶應老落處也無僧擬議師便打一拂云
你還知契拂子底麼僧云不會師云正令却
是你行又打一拂子問如何是第一句師云
你試道看僧便喝師拍手云大眾好喝僧又
喝師便打問回旋空中時如何師云四面連
架打問龍獸相交時如何師云狗脊坡頭問
丹霄獨步時如何師云日馳五百問金榜題

第一九七册

名請師印可師云日下拽脚問大震虹霓諸
 師引驗師云日下三刻問黃巢過後何處回
 避師云六纛旗下問忽遇捉着時如何師云
 賊首頭犯問寶劍未出匣時如何師云泥鳅
 跌宕僧云出匣後如何師云天魔唱快問揚
 朱泣岐時如何師云白狗臨刑莫怨天問人
 逢碧眼時如何師云鬼爭漆桶問獨步青霄
 時如何師云四眾圍遶僧云四眾圍遶時如
 何師云梵音絕處行問寂寂無聲時如何師
 云打了掩声勢問鳳栖不到處時如何師云
 忽聞庭前撲煞老鷓鴣問如何是歸宗理事
 絕師云納孺處錯問如何是日輪正當午師

云理事甚分明便打問如何是獨步四山頂
 師云深深海底行問如何是自在如師子師
 云金鎚勒咽索白棒擁將行問久在貧中如
 何得濟師云滿掬摩尼親自捧學云教人眼
 瞎師云眼裏無筋一世貧學云挑筋了瞎師
 便打問奔流度刃疾焰過風時如何師云住
 學云住即瞎師打禪林僧便喝師拈棒僧云
 老和尚莫掣捺奪棒打老和尚去在師云今
 日被這瞎漢鈍置煞我僧云陣敗不禁茗蒂
 掃問疋馬單鏘來時如何師云且待我斫棒
 問如何是佛法大意師云無量大病源僧云
 請師醫師云世醫拱手問師唱誰家曲宗風嗣

阿誰師云掌塔戴鵬冠口中更河海問如何
是無相涅槃師云前三點後三點僧云無相
涅槃請師證照師云三點前三點後問万里
無雲時如何師云飢虎投崖問古殿重興時
如何師云明堂瓦挿簷僧云與麼則莊嚴畢
備也師云斬草蛇頭落問二王相見時如何
師云十字街頭吹尺八問如何是無相道場
師云斫破鬼神村 上堂云是你諸人盡
曾向諸方去來不是不知不見還知老僧這
裏有諱麼僧便問請和尚諱師云推筭决疑
問如何是簷蔔林師云鬼厭箭問如何是不
動尊師云邂逅到崖州問擬驀要津時如何

師云灰糞堆問百了千當時如何師云未是
好手問大義爭權時如何支擬師云光滌交
社僧云將何奉獻師云切以生菊祭惟馱糞
問如何是乾坤主師云周人遺刀心剗九竅
問麟閣圖形請師憐念師云纓拂面塵問如
何是解脫漿師云苞苴滲血盞物不多問如
何是金剛不壞身師云老僧在你脚底僧便
喝師云未在不是僧又喝師便打問南宗北
祖如何顯示師云大庾嶺頭雲太行山下賊
僧云如何明會師云幽燕經劫殺吳越笑呵
呵僧云畢竟如何師云莫言無法說最苦是
新羅問薄地天龍如何弁識師云有什麼難

弁僧云便請弁師云瘦眼生盲並毛毳索僧
 云如何醫治師云氣針抉舌上雷電震雲間
 僧云忽遇葉公時如何師云見假不知驚著
 否至今猶是眼翳天間日出扶桑時如何師
 云閻浮樹下過問凡聖同居時如何師云兩
 个猫兒一个獐問旃檀栴密時如何師云獨
 柳樹下坐問近不得時如何師云冤家難解
 脫問萬仞龍門今朝透過時如何師云全存
 霹靂聲僧云恁麼則全承布雨去也師云泥
 人眼赤問如何是道師云鷹過長空無一物
 問獨遊滄海時如何師云雷震青空畜生燒
 尾問運足不知路時如何師云鳥道盲人過

問中間不會時如何師云靜處蹀了打問投
 猴不遇時如何師云是下全身去問金鑊斷
 時如何師云失僧云金鑊既斷為什麼却失
 師云崖州路上問行人問然燈前即不問然
 燈後二不問如何是正燃燈師云滅僧從東
 過西邊立師云野狐精問不施寸刃便登九
 五時如何師云單杖控天街太白過後望問
 如何是無縫塔師云八花九裂問如何是塔
 中人師云頭不梳面不洗問萬里無雲時如
 何師云寸步不可過問剪鐵鑊猶恨鈍齧
 鏃當鋒事如何師云剪即死僧便喝師拍膝
 一下僧又喝師拈棒僧云老和尚莫盲枷瞎

棒奪却棒來打老和尚去莫言不道師云今日無端黃面浙子鈍置一場僧云老和尚莫掣揉好問如何是佛師云如何不是佛問惜宗風護三乘如何是道師云更夢見什麼上堂云過去祖佛盡皆恁麼道時有僧問道个什麼師云大我問上上根器人來師還接也無師云接僧云便請和尚接師云且喜共你平交問如何是佛師云我不曾知僧禮拜師便打 上堂云有解問話者出來時有僧出禮拜師云是者老漢罪過便下座問如何是和尚家風師云秋收冬藏問如何是實應正主師云杓大椀小問如何是實應水師

云了云飲者如何師云了問牛頭未見四祖時如何師云今日不答話問擬伸一問師意如何師云是何公案僧應喏師云放你三十棒問如何是祖師西來意師云五男二女問如何是實應劍師云天下老和尚答話了也將此語別處問去僧云用者如何師便打問祖意教意是同是別師云黃尚書李僕射僧云不會師云牛頭南馬頭比問萬代留名時如何師云光漆郊社問如何是佛法大意師便唱僧云老和尚莫探頭好師又唱僧便禮拜師云放過即不可便打問如何是佛法大意師便唱僧便禮拜師云今夜兩個俱是作家

永樂北藏

古尊宿語錄

第一九七册

禪客與寶應老稱提臨際正法眼藏若要一
 喝下弁賓主問取二禪客問學人有一問在
 和尚處時如何師云你問道什麼僧便唱師
 便休至明日上堂眾集師云昨日問話師僧
 在什麼處僧才出師拈棒便打問如何是佛
 師云待有即向你道僧云与麼則和尚無佛
 也師云正當好處僧云如何是好處云今日
 是三十日 上堂云諸方盡是把蛇頭求
 歇終不敢向第二頭答賓家話若是本色衲
 僧便莫共語作麼生是本色衲僧良久云有
 翰有贏有防禦使問長老還具見聞覺知也
 無師与一踏踏倒勘辯問園頭瓠子開花也

未僧云開花已案久師云還着子也無僧云昨
 日遭霜了也師云大眾喫个什麼僧擬議師
 便打問風穴南方一棒作麼商量穴云作奇
 特商量穴却問和尚此間一棒作麼商量師
 拈拄杖云棒下無生忍臨機不見師問僧近離
 什麼處僧云龍興師云發足莫離葉縣否僧
 唱師云好好問你又惡發作什麼云喚作惡發
 即不得師便喝云你既惡發我也惡發近前
 來僧近前師云我也沒量大罪過暗漢叅堂
 去師有時把住一僧云作麼作麼僧無對師
 云三十年來弄馬騎有時把住一僧云會麼
 僧云不會師云牛頭南馬頭北問僧夏在什

麼處僧云五臺師云文殊還說着老僧也無
 僧云不說着師云今日遇作家有時見僧來
 參便把住參頭云是什麼僧無語師云三十
 年弄馬騎今日被馱撲又自云大衆莫道間
 處語問僧離甚處云襄州師云什麼物恁麼
 來云和尚試道看師云適來禮拜底僧云錯
 師云錯個什麼僧云再犯不容師云三十年
 弄馬騎今日被馱子撲瞎漢參堂去問大德
 講什麼經僧云維摩經師拍云會麼僧云不
 會師云侍者點茶來問僧夏在什麼處云湖
 南師云喚維那來上板頭安排着問僧名什
 麼云普參師云忽遇屎撮作麼生僧不審師

便打

風穴禪師諱延沼餘杭劉氏子也 上堂舉
 寒山詩曰梵志死去來魂識見問老讀盡百
 王書未免受捶拷一稱南無佛皆以成佛道
 問滿目荒郊翠瑞草却滋榮時如何師曰新
 出紅爐金彈子參八 道破閻黎鐵面皮六 問如何是
 互換之機師曰和盲熱想瞎問真性不隨緣
 如何得證悟師曰猪肉案上滴乳香問如何
 是清淨法身師曰金沙灘頭馬郎婦問一色
 難分請師顯示師曰滿爐添炭猶嫌冷路上
 行人祇守寒問如何是學人立身處師曰井
 底泥牛吼林間玉兔驚問如何是道師曰五

鳳樓前曰如何是道中人師曰問取皇城使
問不傷物義請師便道師曰劈腹開心猶未
性燥問未定渾濁如何得照師曰下坡不走
快便難逢問如何是衲僧行履處師曰頭上
突棒口裏喃喃問靈山話月曹谿指月去此
二途請師直指師曰無言不當瘞曰請師定
當師曰先度汨羅江問任性浮沉時如何師
曰牽牛不入欄問忽然便會時如何師曰截
耳卧街問狼煙永息時如何師曰兩脚捎空
問祖令當行時如何師曰點問不施寸刃便
登九五時如何師曰鞭屍屈項 上堂舉
古云我有一隻箭曾經久磨煉射時徧十方

浴處無人見師云山僧即不然我有一隻箭
未嘗經磨煉射不遍十方要且無人見僧便
問如何是和尚箭師作彎弓勢僧禮拜師曰
拖出這死漢問牛頭未見四祖時如何師曰
披席把盃曰見後如何師曰披席把盃問未
達其源時如何師曰鶴冷移巢易龍寒出洞
難問不露鋒銚句如何辯主賓師曰口銜羊
角鰓膠粘問將身御險時如何師曰布露長
書寫罪原問學人解問請訛句請師舉起訝
人機師曰心裏分明眼睛黑問生死到來時
如何師曰青布裁衫招大吹曰如何得不失
去師曰自宜躡避寂無聲問如何是真道人

密八

七

師曰竹竿頭上禮西方問魚隱深潭時如何
 師曰湯盪火燒問如何是諸佛行履處師曰
 青松綠竹下問如何是大善知識師曰殺人
 不眨眼曰既是大善知識為甚麼殺人不眨眼
 眼師曰塵埃影裏不拂袖盡戟門前磨寸金
 問一即六六即一一六俱亡時如何師曰一
 箭落雙鷗曰意旨如何師曰身亡跡謝問摘
 葉尋枝即不問直截根源事若何師曰赴供
 凌晨去開塘帶雨歸問問盡是捏怪請師
 直指根源師曰罕逢穿耳客多遇刻舟人問
 正當恁麼時如何師曰盲龜值木雖優穩枯
 木生花物外春 上堂大衆集定師曰不

是無言各須英鑒問大衆雲集師意如何師
 曰景謝祁寒骨肉踈冷 師在南院作園
 頭一日南院到園問云南方一棒作麼生商
 量師曰作奇特商量良久師却問和尚此間
 作麼生商量南院拈棒云棒下無生忍臨機
 不讓師師於是豁然大悟南院云汝乘願力
 采荷大法非偶然也汝聞臨濟將終時語不
 曰聞之南院云臨濟道誰知吾正法眼藏向
 這瞎驢邊滅却渠平生如師子逢人即殺及
 其將死何故屈膝委尾如此對曰密付將終
 全主即滅又問三聖如何亦無語乎對曰親
 承入室之真子不同門外之遊人南院領之

又問汝道四種料簡語料簡何法對曰九語
 不滯九情即墮聖解學者大病先聖哀之為
 施方便如楔出楔云如何是奪人不奪境曰
 新出紅炉金彈子蓬破闌梨鐵面門又問如
 何是奪境不奪人曰葛草乍分頭腦裂乱雲
 初綻影猶存又問如何是人境俱奪曰躡足
 進前須急急促鞭當鞅莫遲遲又問如何是
 人境俱不奪曰常憶江南三月裏鷓鴣啼處
 百花香又問臨濟有三句當日有問如何是
 第一句臨濟云三要印開朱點窄未容擬議
 主賓分師隨聲便喝又問如何是第二句臨
 濟云妙解豈容無着問漚和爭赴截流機師

曰未問已前錯又問如何是第三句臨濟云
 但看棚頭弄傀儡抽牽全藉裏頭人師曰明
 破即不堪於是南院以為可以支臨濟不辜
 負興化先師所以付託之意師依止六年而
 南院歿後唐長興二年雲遊至汝水見草屋
 數椽依山如逃亡人家問田父此何所田父
 云古風穴寺世以律居僧物故又歲飢衆棄
 之而去餘佛像鼓鍾耳師曰我居之可乎田
 父云可師乃入留止晝乞村落夜燃松脂單
 丁者七年檀信為新之成叢林晉天福二年
 州牧聞其風盡禮致之上元日開法嗣南院
 漢乾祐二年牧移守郢州師又避寇往依之

牧館于郡齋陞座曰祖師心印狀似鐵牛之
機去即印住住即印破只如不去不住印即
是不印即是時有蘆陂長老出問某甲有鐵
牛之機請師不搭印師曰慣釣鯨鯢澄巨浸
却嗟蛙步驟泥沙蘆陂佇思師喝曰長老何
不進語蘆陂擬議師打一拂子曰還記得話

密八

九

頭麼試舉看蘆陂擬開口師又打一拂子牧
主云信知佛法与王法一般師問曰太守見
何道理牧主云當斷不斷反受其乱師便下
座寇平汝州有宋太師者施弟為寶坊
彌新寺迎師居焉法席冠天下學者自遠而
至周廣順元年賜寺名廣惠師九住二

十有二年以皇宋開寶六年癸酉八月旦日
登座說偈曰道在乘時須濟物遠方來慕自
騰騰他年有叟情相似日日香烟夜夜燈至
十五日跏趺而化前一日手書別檀越閱世
七十有八坐五十有九夏得法上首汝州首
山念禪師

重刊古尊宿語序

過去如是如是見在如是如是未來如是如
是幸自可憐生無端黃面老漢拈花瞬目金
色頭陞忍俊脫頤不覺漏泄一人傳虛萬人
傳實何時而已哉人根有利鈍故機語有開
歛鍼砭藥餌膏盲頰起縱橫展拓太虛不痕

雖古人用過時無古今死路活行死恭活著
 觀照激發如龍得水故曰言語載道之器雖
 佛祖不得而盡也七佛偈及西天此土三十
 三傳枝出派列莫知其幾授受證據泊夫抑
 揚示誨見于傳燈而多有載不盡者徃徃散
 落異時有噴戾主者旁蒐廣採僅得南泉而
 下二十二家示衆機語厥後又得雲門真淨
 佛眼佛照等數家總曰古尊宿語非止乎此
 也據其所搜採而言爾夫古人得親故用親
 行到故說到其所說者如國家兵器不得已
 而用之從上為人只貴眼正是豈末流刻楮
 畫花雕蚶鏤蛤瞎學者眼所可同日語覺心

居士出善女倫秉烈丈夫志操不為富貴所
 障世相所縻著淨名衣坐空生室安住正受
 動靜提撕是執使之然哉謂曠所編古尊宿
 語刊于閩中而板亦漫矣兩浙叢林得之惟
 艱勇捐已資鋟梓流通命俾衲精校重楷不
 鄙索序噫亦異矣昔月上女抗舍利弗發明
 大涅槃菴提遮對曼殊室利不生不死死
 義達磨來履旦以後其間善女等倫橫機諸
 大老發明向上者多矣近世秦國計氏與夫
 空室道人皆以鍾鼎家世而為般若眷屬今
 覺心則發揮古宿機語以遺佛種無二無二
 分無別無斷故覺心魏氏紹興丞相文節公

密八

十

孫余文昌之室先瑩住林庵虛席命慈林解
無言者攝解催請主庵人覺心著語云菴主
只在菴中為甚麼不見道有又無道無却有
又不近又不遠舉頭鷄子過新羅參得著喫
盃麪餘偈語多有皆不計較而得則日用中
無非禪悅法喜之樂矣併見于此皆

聖宋咸淳丁卯春清明日江浙等處明州府
阿育王山廣利禪寺住持沙門物初大觀序
唐宋諸碩師傳佛心宗道大德備室中垂示
勘辨學者徵拈代別皆有機語流布寰中久
矣惟傳燈一書嘗賜入藏諸師之語傳燈不
能備載者有曠公藏主別集南泉趙州黃蘗

臨濟雲門真淨佛眼東山二十餘家總若干
卷題之曰古尊宿語實有補於宗門

十一末

古尊宿語錄卷第八

永樂北藏

古尊宿語錄

第一九七冊

古尊宿語錄卷第九

密九

首山禪師大鑑下八世風穴法嗣

首山禪師諱省念萊州狄氏子僧問師唱誰家
曲宗風嗣阿誰師云少室岩前親掌示僧云
更請洪音和一声師云如今也要大家知問

密九

如何是和尚家風師云一言截斷千江口萬
仞峯前始得玄問如何是首山境師云一任
衆人看僧云如何是境中人師云喫捧得也
未僧禮拜師云喫捧且待別時問如何是佛
法大意師云楚王城畔汝水東流僧云如何
是學人親切處師云五九盡日又逢春僧云

永樂北藏

古尊宿語錄

畢竟事如何師云冬到寒食一百五問司徒
郎中臨座側祖胤西來願舉揚師云王臣三
請今朝赴萬民樂業普皆安僧云與麼則慈
雲普潤處處皆通也師云野老謳歌時人皆
唱復云諸上座佛法無多子只是你諸人自
信不及若也自信得去千聖出頭來你面前
亦無下口處何故只為你自信得及不向外
馳求所以奈何不得直饒釋迦老子到這裏
也與三十棒然則如此初心後學憑个什麼
道理且問你諸人還得恁麼也未良久云若
得恁麼直須恁麼無事珍重 上堂僧問
如何是首山師云東山高西山低僧云如何

第一九七册

是山中人師云恰遇捧不在僧禮拜師便打問如何是道師云爐中有火無心撥處無蹤任意遊僧云如何是道中人師云坐看煙霞秀不與白雲齊問學人身心聚散時如何師云不聞天樂響僧云如何收攝師云莫逐四時移問菩薩未成佛時如何師云衆生僧云成佛後如何師云衆生衆生問覺花未發時如何辨真贋師云冬不寒臘後看僧云莫便是也無師云錯問六國未寧時如何師云什麼處去來僧云寧後如何師云大地火起問寶劍未出匣時如何師云怨阿誰僧云出匣後如何師云不斬無罪之人僧禮拜師云

斬問寶劍未出匣時如何師云你不惜猶可僧云出後如何師云伏惟尚享僧云忽遇師子吼時如何師云一任野干鳴僧便喝師云果然僧又喝師云放你三十棒僧禮拜師云這瞎漢復云諸上座不得盲喝亂喝者裏尋常向你道賓則始終賓主則始終主賓無二密九賓主無二主若有二賓二主即是两个瞎漢二所以我若立時你須坐我若坐時你須立坐則共你坐立則共你立雖然如是到這裏急看眼始得若是眼孔定動即千里萬里何故如此如隔窻看馬騎相似擬議即沒交涉諸上座既然於此留心直須子細不要掠虛好

他日異時賺着你在諸人若也有事近前無事玆重上堂僧問蓮花未出水時如何師云徧天徧地問出水後如何師云特地一場愁問殺父殺母佛前懺悔殺佛殺祖向什麼處懺悔師云水深一丈問離凡離聖請師一句師云不可錯怪老僧也僧云謝師指示師便打問魚鼓未鳴時如何師云望天不見天僧云鳴後如何師云覩地不見地問和尚是大善知識為甚麼却首山師云不坐孤峯頂常伴白雲閑問作何行業報得四恩三有師云殺人放火僧云與麼則大作業底人也師云苦痛深僧云如何是世尊不說說

師云任從滄海變終不為君通僧云如何是迦葉不聞聞師云贖人徒側耳問伏鏤錫劍來取師頭時如何師噓一声僧云苦痛深師便打問得舡便渡時如何師云猶是鈍漢問權借一問以為影草時如何師云放你三十棒問人在貧中請師賑接師云不接僧云為第九什麼不接師云喫棒得也未隨聲便打問龍宮海藏當有何物請師一別師云不掛三寸舌僧云為什麼不掛三寸舌師云誰知句後親問不落僧祇如何修證師云近前來與你道僧近前師便打問丹霞掩耳黃蘗拄杖意旨如何師云坐參都不問暢殺子平生僧云

稀逢難遇請師指示師云莫枕鳴問諸佛未見時如何師云拈匙不把筋僧云見後如何師云喫飯忘却匙問佛未出世時如何師云不可錯怪老僧也僧云出後如何師云舉似天下人問如何是超毘盧之句稱釋迦之談師云妙語無多子親言舉似誰僧云湛然時如何師云未明心地諦難過首山閑僧擬進語師便打問大悲千手眼那个是正眼師云即便歡瞻僧云歡瞻後如何師云撈天摸地問如何是和尚說法底口師云掛在壁上僧云忽有人來問時如何師云待我取回來即向你道問學人此處不薦擬向南方時如何

師云速僧云却不恁麼去時如何師云後會難逢僧云如何是和尚家風師云無絲傀儡有人牽僧云牽後如何師云妙有無言不較多僧云如何是妙有無言不較多師云有言須得句僧云如何是無絲傀儡有人牽師云當明提祖道方得後人棲問學人求出世間時如何師云借水獻花先供養莫教落後索香錢僧云死生事大乞師一薦師云透漏遺蹤無走路僧云恁麼則被他捉着也師云今日到長安問如來演說三乘教未審是什麼教師云千言無一中僧云為什麼千言無一中師云不是上鉤人問一切法皆空如何悟

得真空理師云南地先抽笋塞北着皮裘僧
云莫落是非也無師云自家看取問青青翠
竹還有佛性也無師云南天北地僧云恁麼
則推窮佛理也師云北地南天問鍾鼓未鳴
時如何師云問前不鳴問後打僧擬議師便
喝問如何是迦葉門前一盞燈師云孤峯朗
月連天照性似寒泉徹底清僧云勞而無功
時如何師云日輪當午無私照自是時人見
有移問寶劍未出匣時如何師云大洋海底
澄心鏡僧云出匣後如何師云天外吐沙獨
擺梢師乃云第一句薦得堪與祖佛為師第
二句薦得堪與人天為師第三句薦得自救

不了時有僧問如何是第一句師云大用不
揚眉棒下須見血僧云慈悲何在師云送出
三門外問如何是第二句師云不打恁麼驢
漢僧云將接何人師云如斯爭奈何問如何
是第三句師云解問無人答僧云即今祇對
者是誰師云莫使外人知僧云和尚是第幾
句薦得師云月落三更穿市過問維摩一默
文殊讚善未審此意如何師云當時聽眾必
不如是僧云既不如是維摩默然又且如何
師云知息者少負恩者多乃云若論此事實
不掛一个元字脚便下座
師住廣教上堂僧問如何是真如體師云徧

乳坤僧云如何是真如用師云動天地問如何
 何是大海師云出頭天外看僧云恁麼則包
 含不盡也師云不見本來身問如何是學人
 自己師云是你自己問黑豈未生芽時如何
 師云萬里崖州君自去臨行惆悵怨他誰僧
 云有何罪過師云昨夜貶文殊僧云未審什
 麼時回師云專候天恩僧云天恩到時如何
 師云齊賀太平年問牛頭未見四祖時如何
 師云不啣留僧云見後如何師云不啣留問
 久負沒絃琴請師彈一曲師云正值嚴凝久
 披蓑帶雨歸問觀身無相觀法亦然時如何
 師云晴天開水路僧云恁麼則掃地而盡去

密九

五

也師云孤月照高岑問萬機喪盡時如何師
 云死水不截龍僧云轉動後如何師云碧眼
 胡僧笑點頭問如何是正修行路師云貧兒
 不雜食僧云撒手歸家去也師云香臭不曾
 聞僧云三春無二月十五正團圓師云不是
 闍黎用心處僧云如何是學人用心處問十
 二時中作何行業即免生死師云你喚什麼作
 生死僧云喚麼則無生死可免師云大衆盡
 皺眉問如何是超佛越祖之談師云塞北風
 霜緊江南雪不寒問承古有言自從一見桃
 花後直至而今更不疑意旨如何師云三尺
 杖子兩人昇僧云還許學人昇也無師云放

下着 師問僧恁麼來者是甚麼人云問
者是誰師云老僧僧便喝師云向你道是老
僧又惡發作麼僧又喝師云恰遇棒不在手
僧云草賊大敗師云今日又似得便宜又似
落便宜問如何是道師云脚下深三尺問蓮
花未出水時如何師云水深一丈進云出水
後如何師云從地高三尺其時有化主問學
人與麼去時將何稟受師云义手奉賓德舉
似莫沉吟僧云恁麼還當也無師云物逐人
興僧云今日點茶當為何人師云去此無消
息無心永莫回問如何是真如體師云敲磚
打瓦僧云此意如何師云切忌踏着僧云有

一人不會唐言梵語來時師還接也無師云
舉意便知有何勞則耳聽問學人不識文墨
拾得个字來未審喚作什麼字師云久為雲
水客休作問禪賓問如何是現前三昧師云
三更不閉戶僧云還許學人商量也無師云
切忌五更初問若能轉物即同如來三門佛
殿請師轉師云長安道上無私曲縱遇知音
到者稀問學人親到寶山空手回時如何師
云家家門前火把子問靈丹一粒點鐵成金
至理一言轉凡成聖如何是至理一言師云
更舉一徧僧云與麼則退身三步師云笑破
大衆口問如何是學人自己師云放參三下

鼓契粥五更鍾問久輔不逢時如何師云閣
 黎有問老僧有答僧云如何得逢師云閣黎
 不問老僧不答問維摩方丈不以日月為明
 未審和尚方丈以何為明師云穿破天下人
 翻騰問久負無弦琴請師彈一曲師云無言
 顯大道僧云還許學人和也無師云更莫逞
 疑問十方薄伽梵一路涅槃門如何是一路
 涅槃門師云龍蟠鳳舞子時前日出崑崙照
 大千問塵塵見佛刹刹聞經如何是塵塵見
 佛師云好个燈籠僧云學人不會意旨如何
 師云還我話頭來問無邊身菩薩為什麼不
 見如來頂相師良久云即今還見也無僧疑

議師便打問如何是學人本來身師云牽牛
 不入市僧云如何是有相身中無相身師云
 泊合錯對闍黎問萬仞峯前如何卓立師云
 眾僧云意旨如何師云苦問巧說不得只要
 心傳如何是心傳底法師云有疑須假問僧
 云恁麼則巧說不得也師云無言正好聽問
 如何是佛法的的大意師云不將小意對闍
 黎僧云如何領會師云逢人莫錯舉問德山
 棒臨濟喝未審明得什麼邊事師云你試道
 看僧便喝師云瞎僧又喝師云這瞎漢只管
 亂喝作什麼僧欲禮拜師擬拈棒僧約住云
 莫亂打人好師擲下拄杖云明眼人難瞞僧

卷九

七

云草賊大敗問如何是生滅法師云新羅喫
冷淘問久處沉迷請師一接師云老僧無恁
麼閑工夫僧云和尚豈無方便師云要行即
行要坐即坐僧云臨機一句截斷衆流請師
垂示師云捧下迸流星僧云恁麼則萬象顯
然師云遣人拽出問世尊說法如雷吼未審
誰是不聞者師云無人敢定當僧云爲什麼
無人敢定當師云果然不聞問亡僧遷化向
什麼處去師云散闋正望三泉路厚朴花開
始覺春問古人道東山西嶺青意旨如何師
云一回舉着一回新僧云謝師指示師云勿
不浪施問如何是佛師云苦問如何是然燈

前師云諸佛在我前僧云如何是然燈後云
諸佛在我後僧云如何是正然燈師云青山
無異路問有問有答盡在魔界無問無答事
如何師云庭前罷舞休思曲僧云大衆證明
也師云野老謳詞正好音問如何是和尚截
人之機師云三門前點燈僧云未審意旨如
何師云佛殿後燒香問如何是佛師云新婦
騎驢阿家牽僧云未審此語什麼句中收師
云三玄收不得四句豈能該僧云此意如何
師云天長地久日月齊明問如何是佛師良
久云會麼僧云不會師云何不高聲問僧再
問師云瞎漢顛言倒語作什麼問如何是寐

齊惺惺底人師云莫向白雲深處坐切忌寒
灰煨殺人師復舉興化示衆云今日放諸人
一線道不用如何若何便請單刀直入興化
爲你證明有旻德長老出衆禮拜起來便唱
興化亦唱旻德只唱興化又唱德禮拜興化
却云適來若是別人三十棒一棒也不較何
故爲他旻德會一喝不作一喝用師云看他
興化與麼作用爲什麼放得伊過諸上座且
道什麼處是一喝不作一喝用是前一喝是
後一喝那一个是賓那一个是主雖然如此也須
子細始得良久云二俱有過二俱無過珍重
師住寶應入院上堂有僧問盡大地人來各

各置一問問問各別未審寶應如何祇對師
云好僧禮拜師云見何道理僧云謝師答話
師云賊是小人智過君子刘司徒問龍庭金
口問如何對玉機師云一輪迥脫三界外當
軒照破萬家門司徒云臨行一句請師指示
師云莫錯認定盤星座主問云如從飢國來
忽遇王饑未敢便飡飡即是不飡即是師云
名利已斡天下播手中如意有誰知主云與
麼則珍重去也師云真師子兒一撥便轉問
既是清淨伽藍爲什麼打魚鼓喫飯師云知
恩者少負恩者多問承師有言金沙灘頭馬
郎婦意旨如何師云高梳雲鬢恐人怪笑問

得力處乞師一言師云山高無異路僧云畢
竟如何師云莫守白雲閑問向上一路請師
指示師云對面不相識僧云為什麼不相識
師云問處分明答處親問如何是觀音門入
者師云超然一境無異路僧云如何是普賢
門入者師云野雲不向目前飛問有問有答
皆落唇吻無問無答請師道看師云不可錯
怪老僧也僧云猶落唇吻師云落在什麼處
僧無語師便打問萬法歸於一體時如何師
云三斗喫不足僧云畢竟歸於何處師云二
斗却有餘問文殊贊維摩不二法門意旨如
何師云問前不明問後暗僧云未審此意畢

密九

九

竟如何師云暗問離聲離色如何舉唱師云
一點青霄異僧云如何是異師云透過萬重
關僧云只這如何透師便打云言前薦得辜
負平生句後投機殊乖道體離此二途請師
方便師豎拂云爭奈這箇何僧云與麼則太
保證明師云你莫帶累太保問如何是佛師
云朝看東南暮看西北問德山捧臨濟喝意
旨如何師云寶應今日不用僧擬進語師云
暗漢便打問疑則兩賊為伴不疑則野塚為
冢時如何師云北邙山下千丘萬丘未審那
个是你家僧以坐具搥一搥師云泊不問過
問如何是古佛心師云三个婆婆排班拜問

永樂北藏

古尊宿語錄

第一九七册

如何是清淨法身師云新羅人不裹頭僧云
向上還有事也無師云有僧云如何是向上
事師云新羅人不裹頭安負外問弟子不會
請師垂示師云水急浪開漁父見錦鱗透過
碧波中負外云承教有言是法住法位世間
相常住如何是常住底法師豎起拄杖召負
外云且道這箇是住底法不是住底法負外
云未曉之徒如何賑濟師云板稀似曲纔堪
聽又被風吹別調中負外云一物不將來時
如何師云何得對衆妄語負外擬議師便喝
問如何是祖師西來意師云風吹日炙問只
如龍牙問德山山乃引頸此意如何師云德

山引頸寶應即偃身縮項問祇如和尚道新
婦騎驢阿家牽意旨如何師云百歲翁翁失
却父僧云百歲翁翁豈有父師云汝會也師
復云諸上座不見興化老人道直饒汝喝得
興化向虛空裏撲下來一點氣也無忽然甦
息却向汝道未在何故我未向紫羅帳裏撒
真珠與你諸人胡喝亂喝作麼師云實為如
斯今時兄弟只管橫喝豎喝及至窮著並無
言說看他臨濟會下有僧出來禮拜臨濟便
喝僧云老漢莫探頭好際云汝道落在什麼
處僧便喝又有僧問如何是佛法大意際便
喝僧禮拜際乃召衆云你道適來這一喝好

喝也無僧云草賊大敗際云過在什麼處僧
云再犯不容際云要識臨際賓主話問取堂
中二禪客師云諸兄弟學般若菩薩直須諱
當去始得雖然如是曉者還稀珍重 師

如何答云龍袖拂開全體現進云未審師意
如何答云象王行處絕狐蹤昭於是言下大
悟遂提起坐具碩視大眾云萬古碧潭空界
月再三撈漉始應知禮拜歸衆時葉縣省和
尚作首座纔退便問昭兄你適來見箇什麼
道理便與麼道云正是我放身捨命處省便
休 小叅示衆云老僧擬欲歸鄉什麼人

永樂北藏

古尊宿語錄

隨得去時有僧問未審和尚什麼時去師云
待有伴即向汝道僧云無伴底事作麼生師
云盡日不逢人明明不知處僧云忽遇一人
又作麼生師云迷子不歸家失却來時路僧
云請師指箇歸鄉路師云枯木藏龍不存依
倚僧云和尚什麼時節却回師云一去不知

密九

十一

音六國無消息僧云正當歸鄉底事又作麼
生師云獨唱胡家曲無人和得齊僧云忽遇
知音在時如何師云上石人齊拍掌溪邊
野老笑呵呵僧云歸鄉回來底事又作麼生
師云八國奉朝衣四相無遷改僧云未審居
何位次師云文殊不坐金臺殿自有逍遙竹

第一九七册

拂枝問如何是梵音師云驢鳴狗吠問如何是截徑一路師云或在山間或在樹下問如何是和尚不欺人底眼師云看看冬到來僧云畢竟如何師云即便春風至問遠聞和尚無絲可挂及至到來爲什麼有山可守師云道什麼僧便喝師亦喝僧禮拜師云放你三十棒久立衆慈快惟珍重 師出鏡清十

商量岩云向你道什麼處辨明師代云不問他別人又云明眼人笑你又云用辨即非問無神通菩薩爲什麼蹤跡難尋清云波斯眼黑岩云莫鬼語師代云不是用心處又云被他捉著又云不勞舉步問辨得親踈底人爲什麼却被親踈不肯清云不平按劍岩云嘗得也無師代云莫守閑又云大有人不解恁麼問又云不可辨親踈問明知生是不生之相爲什麼却被生之所流清云明知無力岩云不關老兄事師代云自領過又云喚什麼作生死又云爭得不知有問人人具眼達訪道人道即是不道即是清云頭上仙陀岩云莫

道乞辨明師代云分明舉似他又云莫道乞
答話又云若不是寶應洎合遭他毒手問體
本無瑕翳為什麼坐施良藥清云却正道著
岩云且放老僧過師代云知過人難得又云
更教誰喫棒又云今日草賊大敗問達者同
遊一路行為什麼不行清云已到平頭岩云
老兄還達也客九未師云不爭先又云到了不知
又云但請先行問盡令提綱為什麼不塞時
人口清云自還得岩云老兄還知明州米價
麼師代云還曾失麼又云須知老兄又云爭
知今日問無形本寂寥為什麼有物先天地
清云寶公曲尺誌公剪刀岩云領過得也未

十二

師代云欺他作什麼又云阿誰與麼道又云
不是闍黎置問問十方薄伽梵為什麼一路
涅槃門清云家無二主岩云怪得人麼師代
云到者方知又云一尚不可得又云常防此
問問同氣連枝為什麼却根莖有異清云邵
案逆彩岩云阿誰道有異師代云紹得麼又
云見有前後又云今朝二十五師出風穴四
賓主語僧云如何是賓中賓穴云攢眉看白
雲師別云去來長自在不與白雲齊問如何
是賓中主穴云入市雙瞳瞽師別云高聲唱
叫遶街行問如何是主中賓穴云回鑿兩耀
新師別云定國安邦賀太平問如何是主中

主穴云磨礮三尺劍待斬不平人師別云收
 番猛將寸草不留師出四種照用語問如何
 是先照後用師云南岳嶺頭雲太行山下賊
 問如何是先照後用師云太行山下賊南岳
 嶺頭雲問如何是照用同時師云收下南岳
 嶺頭雲捉得太行山下賊問如何是照用不

寄九

十三

同時師云昨日有雨今日晴師出四賓主語
 問如何是賓中賓師云青山綠水分問如何
 是賓中主師云棒下取分明問如何主中賓
 師云退已讓人問如何是主中主師云斬盡
 不留身師出四料簡語問如何是奪人不奪
 境師云人前把出遠送千峯問如何是奪境

不奪人師云打了不魯嗔冤家難解免問如
 何是人境兩俱奪師云萬人作一塚時人盡
 帶悲問如何是人境俱不奪師云問處分明
 峯處親師出德山三轉語於一句中各下三
 轉問如何是函蓋乾坤句師云大地雪漫漫
 又云普天匝地又云海底紅塵起如何是截
 斷衆流句師云不通凡聖又云泊合放過又
 云橫身三界外問如何是隨波逐浪句師云
 要道便道又云有問有答又云此去西天十
 萬八千師舉僧問禾山如何是道山云耕人
 田不種僧云如何是道中人云禾熟不臨場
 因僧問師出語云耕人田不種意旨如何師

云大勛不豎賞僧云禾熟不臨場意旨如何
師云任從風雨爛師出盤龍和尚問行者接
待不易行者云開心挽子盛將來無縫合兒
合將去師云橫擔拄杖登霄漢使煞農夫煮
粥人師出僧問如何是祖師西來意荅云風
火日炎師又云多年塵土無人拂一身常在

鎮天涯

勘辯語

師在風穴會中密

常勤誦蓮經衆咸謂念法華也偶知客退即
就請師一日風穴見師侍立次乃垂涕告之
曰不幸臨際之道至吾將墜于地矣師曰觀
此一衆豈無人邪穴曰雖敏者多見性者少
師曰如某者如何穴曰吾雖望子之父猶恐

耽著此經不能放下師曰此亦可事願聞其
要於是風穴上堂舉世尊以青蓮目顧視大
衆迦葉正當與麼時且道說箇什麼若道不
說而說又是埋沒先聖且道說箇什麼師乃
拂袖而退穴擲下拄杖便歸方丈侍者隨後
入室請益念法華為什麼不祇對和尚穴云
念法華會也步九次日師與真園頭同上問訊次
穴又問真曰作麼生是世尊不說說真曰鶴
鳩樹頭鳴穴云你作許多癡福作什麼何不
躡窵言句又問師曰汝作麼生師曰動容揚
古路不墮悄然撲穴云你何看法華下語
師受風穴印可之後浪迹韜光人莫知其所

以因楚和尚初至汝州宣化安下風穴令師
 傳語纔相見展坐具次便問展即是不展即
 是楚云自家看取師便喝楚云我曾親近知
 識來未嘗輒敢恁麼造次師云草賊大敗楚
 云來日若見風穴和尚待一一舉似師云一
 任一任不得忘却師先回舉似風穴云今
 日又被你收下一負草賊師云好手不張名
 楚次日纔到相見便舉前話穴云非但昨日
 今日連賊捉敗於是師乃名振四方遠近學
 者承風而湊初住汝州首山為第一世也石
 門遣使馳開堂書至師乃集眾於法堂上使
 纔近前人事師約住云是洞上宗乘足雪嶺

家風使云書中已載師云一不成二不是使
 無語師云且坐喫茶一日師問僧近離甚處
 僧云襄州師云路上曾逢達磨也無僧近前
 不審師云這箇是驢前馬後底僧云和尚又
 如何師云非公境界且坐喫茶僧纔坐師又
 問在什麼處過夏僧云石門師云水牯牛安
 樂麼僧云及時水草師云為什麼傷人苗稼
 僧云對和尚不敢造次師云放過即不可便
 打師一日問僧是凡是聖僧云非凡非聖師
 云太不定生僧云離此二途請師速道師云
 首山今日燒香供養你去也僧云某甲特來
 禮拜師云滴水難消一日問僧近離什麼處

寧九

十五

僧云廣慧師云穿雲不渡水渡水不穿雲
此二途速道速道僧云某甲昨夜宿長橋師
云你恁麼合喫首山棒僧云某甲未曾參堂
師云兩重公案僧云恰是師云郝郝又一日
師見僧參次乃問近離甚處僧云襄州師云
夏在甚處僧云洞山師云還我洞山鼻孔來
僧云不會師云却是老僧罪過又一日問僧
上人近離甚處僧云南方師云遠來不易且
坐喫茶又一日問僧近離甚處僧云襄州師
云有事相借問得麼僧云便請師云且喜沒
交涉又云鷄子過新羅又問僧近離甚處僧
云西京師云路上還逢達磨也無僧云適來

已參見和尚了也師云為什麼築著鼻孔僧
云已知痛痒師云打破大唐國裏瓦箇知痛
痒底人了不可得且坐喫茶有僧來參師乃
問近離甚處僧云龍門師拽傍僧相一相喝
出去一日有僧侍次師乃喚僧名僧應諾師
云且去別時來為你說僧云而今尚自不說
別時決定不說師云我也罪過你也罪過僧
一日入室師云且去別時來僧應諾師便打
師每見僧來便云恁麼來者是誰僧云問者
是誰師云是老僧僧便喝師云向道是老僧
又惡發作什麼僧又喝師云恰遇棒不在僧
云草賊大敗師云得便宜是落便宜有僧入

室師便喝僧亦喝師又喝僧禮拜師便打云
 伏惟尚享一日因僧入室師喚僧名僧應諾
 師云錯僧云某甲有什麼處來僧云芭蕉來師
 新到相見師問從什麼處來僧云芭蕉來師
 云芭蕉有何言教僧云曾見有僧問牛頭未
 見四祖時如何蕉云知僧云見後如何不知
 後有僧舉問襄陽石門徹禪師只如二尊宿
 意旨如何徹云先行不到末後為初僧一日
 入室師云恁麼來者是誰僧云某甲師云莫
 道是別人僧禮拜師云適來見箇什麼道理
 即禮拜僧云今日大似因齋慶讚師云我適
 來一期向你恁麼道速須吐却僧云也知和

密九

十六

尚曲為某甲師云後有人問你向他道什麼
 僧拂袖便出去師召僧名僧回首師便喝僧云
 這老賊師乃以頌示之曰四門通一要一要
 具三玄在賓全正令立主要須園又一夜師
 行道次見暗裏有僧師乃問是誰僧不對師
 云我也識得你僧大笑師云你不得道是別
 人復作一頌示之輕輕踏步恐人知語笑分
 明更莫疑智者只此猛提起莫待天明失却
 鷄師次住寶安山廣教禪院亦為第一世
 後徇衆請入城下寶應禪院禪院三處法席
 海衆常臻淳化三年十二月初四日午時上
 堂示衆曰今年六十七老病隨緣且遣日今

年記却來年事來年記著今朝日果至四年
十二月日與時無爽前記上堂辭衆仍作偈
曰白銀世界金色身情與無情共一真明暗
盡時俱不照日輪午後是全身言訖安坐日
將跌而逝壽年六十八茶毘收舍利 偈頌
示衆諸子謾波波過却幾恒河觀音指彌勒
文殊不柰何 密九 靈雲見桃花 十七 分明歷世
三十春因悟桃花色轉新人人盡得靈雲意
不識靈雲是何人 玄沙云諦當甚諦當
玄沙道處少人知密密相逢更莫疑今古
相傳親的旨少年多是白頭兒 四家主
頌 悟了却從迷裏悟迷悟從來無差牙始

永樂北藏

古尊宿語錄

知本末至于今今古相承無別路無別路莫
問人說今古問來事元是主從他人問賓主
識得賓全是主主中賓賓中主更互用無差
互賓中賓主中主兩家用莫讓主把定乾坤
大作主不容擬議斬全身始得名為主中主
偶作三頌 我有一機不做修持若人
問著便喚沙彌我有一著不自棲泊若人更
問劈口便著我有一宗勿示西東若人擬議
別喚王公 造化主四頌 報你叅禪賓
人中有見親若求端的旨騰月望陽春
臨行少語足人怜莫辱家風汗舊賢保護盡
從今日去靜坐寒窓月那邊 幾多真子向

第一九七册

永樂北藏

古尊宿語錄

第一九七册

西東物外縱橫英用功隨處化緣皆是道臨
 行一句盡流通 廓然無事少人聞任意縱
 橫勿計程步步登高看前路莫教失脚墮深
 坑 示衆三首 背陰山子向陽多南來
 北往意如何若人問我西來意東海東面有
 新羅 咄哉巧女兒攬梭不解織貪看聞鷄
 兒水牛也不識 咄哉拙郎君巧妙無人識
 打破鳳林關穿靴水上立 問不落三寸諸
 師速道師云老僧到這裏却道不得關梨道
 看僧云猶落三寸請師別道師云首山今日
 失利問如何是首山境師云千花迥秀一葉
 長芳僧云如何是境中人師云好事不如無

問因緣未熟時如何師云進僧云熟後如何
 師云退問二龍爭珠誰是得者師云得者失
 僧云不得者又如何師云珠在什麼處僧擬
 議師便打問維摩默然未審意旨如何師云
 罕逢穿耳客多遇刻舟人問如何是首山出
 身路師云誰人障閔得僧云與麼則自在去
 也師云去即打折你髻 師乃云要得親切
 第一莫將問來問還會麼問在荅處荅在問
 處你若將問來問老僧在你脚底你若擬議
 則没交涉時有僧出禮拜師便打僧問挂錫
 幽岩時如何師云錯僧云錯師便打
 古尊宿語錄卷第九

密九

古尊宿語錄卷第十

密十

石門禪師大德下九世嗣首山

石門山慈照禪師諱慈聰師開堂拈香云西天二十八祖唐土六祖過去聖人盡得傳衣付法至唐代六祖之後得道者如稻麻竹葦

不傳其衣只傳其法皆以香為信今日一辦香為什麼人通信某甲雖不言大衆已委悉燕此一炷香也僧問師唱誰家曲宗風嗣阿誰師云山連嵩嶺地近洛川問和尚開堂於此日先將何法報君恩師云撐天拄地云君思如此祖意如何師云分明領話問如何是

永樂北藏

古尊宿語錄

佛師云邛州多出九節杖云謝師指示師云莫作荅佛話會却問如何是祖師西來意師云九里江上望船舡云意肯如何師云市船亭前人不識問寶劍未出匣時如何師云在匣裏云出匣後如何師云放汝一線道僧礼拜師便打 上堂云上上之機人法俱遣

中下之機但除其間猶有法在天下之機據問而行若是出格道人全躰作用諸上座盡是出格道人老僧爭敢作用問如何是一善子師云明明似日連天照暗暗昏昏人自迷云如何得不迷師云千里萬里 早參示眾云且道昨日與今朝是同是別古人道昨

第一九七册

日今朝事恰同又道昨日今朝事不同同與
 不同即且止且道即今一句作麼生波隨月
 照影逐日移師入州看官路逢延慶長老問
 中路相逢一句作麼生道師云某甲礼拜和
 尚有分明日到院茶話次昨日間學士說新
 石門和尚和尚又在石門為什麼說新去師
 云腦後合掌問未時無物去時空二路都迷
 如何得不迷去師云秤頭半斤秤尾八兩
 上堂云十五日已前諸佛生十五日已後諸
 佛滅十五日已前諸佛生你不得離我這裏
 若離我這裏我有鈎子鈎你十五日已後諸
 佛滅你不得住我這裏若住我這裏我有錐

子錐你且道正當十五日用鈎即是用錐即
 是遂有頌云正當十五日鈎錐一時息更擬
 問如何回頭日又出問如何是無縫塔師云
 直下看云如何是塔中人師云退後退後問
 如何是古佛心師云踏著秤槌硬似鐵云意
 旨如何師云明日向你道問青山綠水即不
 問急切一句作麼生道師云垂手過膝兩耳
 垂肩汝州先師忌問先師還來也無師云三
 巡茶罷一炷香云齋後向什麼處去師云風
 搖樹響人不顧葉落歸根始知音 上堂
 云鳳凰巖下鐘鼓喧轟石門家風朝朝舉唱
 問荅賓主甚是分明棒喝臨機誰人同道若

是同道者對眾證據良久云霜天冷徹骨雪
 路少人行問如何是石門境師云一任眾人
 看云如何是境中人師云明日來喫棒問嵩
 少地近汝海波深石門玄機請師指示師云
 幾時到汝海來僧無語師便打問如何是和
 尚家風師云一句每當機逢人直是道問如
 何是賓中賓師云禮拜甚分明云如何是賓
 中主師云觀地無回顧云如何是主中賓師
 云往復問前程云如何是主中主師云萬里
 絕同侶問如何是奪人不奪境師云山河大
 地云如何是奪境不奪人師云番人失氈帳
 云如何是人境俱奪師云有何佛祖云如何

是人境俱不奪師云問答甚分明問如何是
 先照後用師云突兀峰頭點巨火長安城裏
 不通風如云如何是照用同時師云突兀峯頭無
 巨火長安城裏絕人行云如何是照用不同
 時師云昨日十五日十六日張茂崇本
 保十問問摩騰入漢已涉繁嗣達磨單傳請
 師指示師云冬不寒臍後看問五目不覩其
 容二聽不聞其響落聲色即是不落聲色即
 是師云問從何來問問瞻之在前忽然在
 後復是何物師云築著鼻孔問若能轉物即
 同如來萬象是物如何轉得師云喫了飯無
 些子意智問拈拄豎拂皆是止啼之說揚眉

瞬目未為作者之機如何是見前受用師云
 早衙放過晚後出來問寸絲不挂法網無邊
 為什麼却分迷悟師云兩桶一擔問心隨境
 轉境逐心生心境兩忘甚處即是師云待你
 悟始得問有情有用無情無用如何是無情
 應用師云獨扇門子晝夜開問法尚應捨何
 況非法如何是非法師云喫粥喫飯問愛河
 浮更沒苦海出還沉如何出得師云錯
 早叅示教云月未沒日已出萬象凝然什麼
 處不分明既然分明分明一句作麼生道良
 久云日月照臨無影樹不勞把住遠街行
 示教問答須教起倒全龍頭蛇尾自欺瞞如

王秉劔由王意似鏡當臺要絕觀開口早經
 千萬里低頭思慮万重閑指人若也無正眼
 何啻前程作野干 上堂云朝朝鼓響夜
 夜鐘鳴聚集衆流復有何事過去諸聖成就
 此門諸上座各各不欠少某甲已是不識好
 惡諸上座更要喫辛受苦 上堂云無事
 不要生事歸堂 上堂云鐘鼓才罷賓主
 已分大衆齊來照用俱了若恁麼會得繼紹
 古人若會不得寔為罔措莫有會者麼出來
 對衆證據 上堂云切忌蹉過歸堂喫茶
 上堂云第一句道得石裏迸出第二句道得
 挨拶將來第三句道得自救不了歸堂

上堂云但得本莫愁末如何是諸上座本莫
是上來下去禮佛禮塔入室振衣歡娛笑樂
麼若認得這個是四大五蘊莫是趣寂息念
不出不入不聚不散麼會得認得個精魂如
何是上座本良久云歸堂 上堂云春景
溫和萬物蘇舒山青水綠真堪養道遊方禪
子甚是及時密十祖佛家風且喜沒交涉僧侍立
次師云是撒沙著諸人眼裏也如今更不敢
不識好惡歸堂問寒時又寒熱時又熱寒底
是熱底是師云杖頭傀儡人長弄問逐日開
單展鉢以何報答施主之恩師云被這一問
和我愁殺云恁麼則謝供養也師云得什麼

人氣力僧禮拜師云明日更喫一頓
上堂云春景溫和春雨普潤萬物生芽什麼
處不沾思且道承恩力一句作麼生道良久
云春雨一滴滑如油問如何是學人自己法
身師云每日搬柴不易此是大衆底如何是
學人自己底師云三生六十劫問大悲千手
眼為什麼在此師云見個什麼云恁麼則千
百億化身師云且領前話乃云上來下去為
什麼事若有所得埋沒諸兄弟若無所得畱
個什麼得與不得且止如何是見前妙用底
事良久云雲覆千山不露頂兩滴街前漸漸
深歸堂問請師指示個修行路師云殺人放

火云彼此修行為什麼却如此師云果然不
 修行問親切處請師的旨師云莫忘却云莫
 忘却時如何師云一年三百六十日云恁麼
 則不忘却也師云你見个什麼道理云適來
 謝茶師云未在云請師別道師云兩社一寒
 食第十早叅示眾月未沒日又出日月往來

無間隔奉勸禪流莫追尋五特地生疑惑
 上堂云鳳凰山下鐘鼓喧轟石門家風朝朝
 舉唱大眾上來賓主已分開口動舌照用俱
 了若恁麼薦得甚處有佛祖若未薦得憑何
 過日薦得薦不得即且致作麼生是無佛祖
 底句良久敲禪床下座 小參早朝擊鼓

法堂上聚會晚後鐘聲方丈裏相見法堂上
 聚會即不問作麼生是方丈裏相見底句自
 代云不通風問還有不報四恩三有者麼師
 云有云如何是不報四恩三有者師云撒手
 卧長街光音非旨趣問牛頭未見四祖時為
 什麼百鳥嚙花猷師云果熟馨香鴉鳥啄云
 見後為什麼不嚙花師云万象頓息鬼神愁
 云見與不見是同是別師云山河不碍青霄
 路妙用縱橫處處通問親到寶山求寶時如
 何師云求得即不中云求得後如何師云不
 中不中乃云擬心即老動念即乖不擬不動
 正在死水裏作活計作麼生是衲僧轉動一

句良久云朝聞鼓動暮聽鐘聲 上堂云

三春景裏日暖風和水畔經行林間宴坐觀

茲時景實主已分開口動舌照用俱了若能

如是解去會得賓中主作麼生是主中主良

久云一條濟水透過新羅一日問直歲清涼

堰從你堰若遇洪水滔天時堰得麼云在裏

頭師云與誰同伴歲無語却請和尚代云透

過新羅問和尚若遇洪水滔天時堰得麼師

云上挂天下挂地云若遇劫火洞然時作麼

生師云橫出豎沒 上堂云四山霧起大地

點黑日月收光正當與麼時如何并主良久

拍禪床下座師浴出僧問三身中那身澡洗

師云因送亡僧歸喫茶次問亡僧遷化向什

麼處去師云風搖樹響葉落歸根學人良久

師云會麼云不會師乃澆茶三滴問如何得

人身去師云我常欲作驢身 上堂云上

來下去參請不無作麼生是依時及節底句

良久云朝聞鼓響夜聽鐘聲歸堂問門外三

密

車學人欲上牛車時如何師云未是極則處

云如何是極則處師云犬吠虛聲切癡人望

太陽問三义路頭未審教學人往何路師云

莫錯 上堂云鐘聲才罷鼓聲喧鐘鼓相

交會人天臨機妙用無別法開口動舌顯三

玄臨機照用須子細毋換賓主疾如煙進前

六

更欲求佛祖擬議早是隔西天 上堂云

五白猫兒爪距俸養來堂上絕虫行分明上

樹安身法切忌遺言許外甥作麼生是許外

甥底句莫錯舉 上堂舉普化語僧便問

大悲院裏有齋意首如何師云日暖隈陽坐

天寒不舉頭 上堂云聞鍾聲即尋鍾聲

來無鍾聲向什麼處來若不來叢林何在既

來是何面目直饒不來不去正在死水裏作

活計作麼生是衲僧出氣一句良久云珍重

問十二時中如何用心師云喫粥喫飯云與

麼則打軟去也師云打軟去也問昨夜轉一

位今朝轉一位兩頭俱轉時如何師云未是

衲僧極則云如何是衲僧極則師云春未臨

朱夏云畢竟了如何師云九九八十一

上堂云各各英雄丈夫兒堂堂物我更何疑

見前歷歷明如日展縮當人示疾時超然不

得長空路獨脫禪光得自知多聞方便談今

古濟物須彰閃電機良久云去去西天路迢

迢十萬餘 密十 上堂云天地與我同根萬物

與我一躰諸上座維那打鍾還覺心痛也無

若不覺痛與古人相違若覺痛為什麼含笑

上來直須子細僧入室問正當與麼時還有

師也無師云燈明連夜照甚處不分明云畢

竟事如何師云來日是寒食問古人急水灘

頭毛毳子意旨如何師云雲開月朗問急水
灘頭連底石意旨如何師云屋破見青天云
屋破見青天意旨如何云通上徹下○小參
示衆云學般若菩薩湏具般若若眼不具般若
眼即被般若謾却你去作麼生是上座般若
眼出來對衆道看良久云沉却也珍重問如
何是佛法大意師云出你口入你耳云莫抵
這便是也無師云分明聞分明聽問為什麼
朝朝風起雨點全無師云只是龍王不動頭
云畢竟事如何師云待雨下了向你道云雨
下了和尚為什麼不說師云老僧罪過問如
何是人境兩俱奪師展兩手云不會師彈指

三下問十二時中如何弁主師云著衣喫飯
量家第云弁得後如何師云作麼生是主僧
無語 上堂云擬心即老動念即乖不擬
不動正在死水裏作活計作麼生是衲僧轉
身處只如古人與麼道還有為人處也無若
言為人依言縛殺你若言不為人意在什麼
處所以道涅槃心易曉差別智難明又云知
見立知即無明本知見無見斯即涅槃若向
這裏明得去未具衲僧眼直湏子細
上堂云三春景謝朱夏將臨是禪子罷游之
際幽窓掛錫之辰林下相逢合談何事良久
云擬指千峯路四光百萬程問牛頭未見四

祖時如何師云雲散見青天云見後如何師
 云澄潭月現問如何是道師云車碾馬踏云
 如何是道中人師云豎坐橫眠 上堂云
 香煙才起是處皆知大衆雲臻從上宗乘只
 可如是若能如是解掣鼓奪旗牙換主賓照
 用同時捧喝齊彰直饒你如是解只是个賓
 中主作麼生是主中主便有僧問香煙才起
 是處皆知未審主山後如何師云向你道還
 信麼云特伸讚益師便喝云和尚為什麼諱
 人道著師云瞎僧禮拜乃云一句語中須具
 三玄一女門中須具三要從上諸聖摠具三
 玄三要它若不具三玄三要摠屬盲用既能

如此留心直須子細良久云石門後輩諸事
 寡拙久立先參歸堂懋敬問佛未出世時如
 何師云平云出世後如何師云平云未審出
 世與未出世是一是二師云妙用當機顯回
 光只在人間大事未辦時如何師云切云辦
 後如何師云切問如何是玄談師云掉向墻
 南問如何是祖師西來意師云义手當曾云
 意旨如何師云打躬近前問一處火發任從
 你救八方齊發如何師云快云還求出也無
 師云若求出即燒殺你僧禮拜師云直饒你
 不求出也燒殺你 大雨上堂云朝陽雲
 掩夜月收光四山煙霧起大地絕纖埃正當

與麼時什麼人作主雖然如是爭奈千江競注萬派流源被大海一時包了也莫道摠包容了爭奈奔波濟水透過新羅 上堂云金烏西墜玉兔東升晝夜循環有何了日何不日南午處正位上看半夜子時長連床上偃息正當與麼時可謂千聖情盡影像全無

第十

九

雖然如是未是極則處直須轉動始得直饒轉動只是肯得洛浦灌溪未肯得它三聖興化開口動舌早成病棒喝臨機搆也難眨眼直須行正令 上堂云晚看千家戶不高時聽秋杵一聲聲途中多少未歸客却到家

中事怎生諸上座休向途中直須歸家若得歸家直得親於父母不得教生其恩愛直須殺却父母既殺却父母便須出家既然出家便能親於佛祖雖然如是須去却佛祖始得既殺却父母去却佛祖方可有纖粟袖僧見解猶未得袖僧全躰受用良久云作麼生是袖僧全躰作用殺父殺母去佛去祖未是袖僧極則處進前更擬問如何北邙山下有甚數 上堂云雲山聚會意為平生挈杖諸方擬逃生死何得空過遣日為什麼不進步商量若欲進步商量特地乖違便言只恁麼休去更辜負平生恁不如是又向什麼處留心良久云歸堂 上堂云龍騰滄海魚鼈

潛蹤虎嘯高岩野狐弄跡象王蹴踏寶岸皆
崩師子嘖呻百獸隱匿鳳凰展翅衆鳥迷巢
祖師寒風中下莫湊目連驚子運智運通金
色頭陀瞬眸釋主聲聞莫測十地寧知空生
才唱天早雨花豈况繁詞率尔乱說通一線
道直須滿口道將來道道直饒道得也是順

邈將來 上堂云參玄上士遊方高人直
須具衲僧眼良久云開口直教千聖情尽
萬緣無繫父母俱亡賓主不立若如是解者
猶是衲僧少許見解未是衲僧全躰受用作
麼生是全躰受用良久云歸堂喫茶
上堂云諸上座各各氣宇如王須具衲僧眼

目大地山河不碍眼光莫受人瞞且道于閻
國王作何面目時有僧問承和尚有言山河
大地不碍眼光未審于閻國王作何面目師
云不出户云未審與什麼人同道師云至切
是家親 上堂云朝朝擊鼓夜夜聲鐘聚
集禪流復有何事若言無事屈延諸德若言

有事埋沒從上宗乘開口動舌揔沒交涉雖
然如是初機後學須藉言語顯道作麼生是
顯道底良久云林中百鳥鳴柴門閉不扃
上堂問承古有言十五日已前用鈎十五日
已後用錐即今十五日和尚用什麼師云這
一條拄杖是清化主捨云和尚莫盲枷瞎棒

師云罪不重科乃云虛空有盡此道無窮如
拳作手如手作拳皆是自已展縮並不欠少
不由它人各各具足不肯承當勸請諸上座
承當埋沒諸上座直下承當去承當个什麼
歸堂喫茶董侍郎問文殊是七佛之師未審
文殊以何為師師云獨鎮五峰頭查學士與
師坐次弄鎗客參士便問弄鎗如何下手師
云逢場作戲問無情說法意旨如何師云朝
朝樹響夜夜風鳴云如何委悉師云晝有日
照夜有月明問德山棒臨濟喝如何是一喝
下事師云我不作這活計云意旨如何師云
非公境界問金鱗未出網時如何師云待汝

出網來向汝道云即今出也師意如何師云
西海裏事作麼生僧便喝師云瞎僧禮拜問
若能轉物即同如來未審三門佛殿如何轉
師云我向汝道汝還信麼云和尚誠言安
敢不信師云這添桶僧禮拜問如何是衲衣
下事師云露地不通風云與麼則一百五日
看也師云放你三十棒僧禮拜問不施寸刃
便登九五時如何師云七縱八橫云與麼則
簾卷扇開去也師云舌拄上齧僧禮拜問黑
莖未生芽時如何師云正與麼云生芽後如
何師云鬼門闕外今霄路九里崖州獨自行
問如何是吹毛劍師云鏗云用後如何師云

第十

十一

伏惟尚享僧侍立次師問什麼處坐云後架
裏坐師云你向什麼處舉話云與主人公舉
話師云主人公姓什麼云不得姓師云名什
麼云不得名師云與麼則不識主人公也僧
便喝師不對問如何是乎換之機師云東邊
立了西邊立云還相見也無師云相見事作
麼生僧便喝師云瞎僧禮拜問師唱誰家曲
宗風嗣阿誰師云汝水河邊曾對勝失却橈
棹至于今云汝原一曲師親唱向上宗乘事
若何師云當處不留人劃時送千里師勘僧
云孤輪獨照深山裏近離何方到此來云近
離白馬師云更不再勘僧無語師云且坐喫

茶師問僧韶陽境土君知好六祖家風試道
看僧無語師云却是石門罪過且坐喫茶舉
盃官和尚喚侍者將犀牛扇子來者云扇子
破也官云扇子既破還我犀牛兒來者無語
代云攔下舉僧問龍牙十二時中如何著力
牙云如無手人行拳始得師云道即殺道只
得一半云和尚作麼生師云如無古人欲唱
敬始得舉僧問石門徹和尚實際地如何
進步徹云鳥道無前僧進語云幽谷白雲巖
白雀擬心棲處隔山迷師別云栖心不住栖
心地物外縱橫任法閑舉徹和尚離谷隱有
僧問師住襄陽去盡襄陽男女各置一問同

問各別和尚如何支造微云一音剖出塵沙
句豁達虛空應萬機師別云頭頭上活物
上具師問僧昔日叢林親際會再登鳳嶺事
若何云奉別和尚經今一年師云本分行脚
僧無語師云坐喫茶次住谷隱山太平寺
語 陸座拈香云此一炷香供養十方諸佛
人天大眾先願國安民泰教法興隆此一炷
香十五年前已呈醜拙了也如今還有委悉
者麼對衆商量時有僧問不施寸刃便登九
五時如何師云罕逢此問云與麼則人天有
賴大眾沾恩師云是何言歟乃云問話且止
欲得親切莫將問來問你擬進前早沒交涉

永樂北藏

古尊宿語錄

了也豈况切切有何所益若論佛法不在問
處雖然如是早是多途况久立尊官珍重
上堂云襄陽蕩蕩廣闊而無際無涯漢水滔
滔深遠而有終有始峴山一帶橫貫乾坤楚
岫千峰豎該日月鳳林閣下直透荆南來往
遊人且無障礙諸上座盡是透閣底人作麼
生是透閣底句試道看擬議千差路回光万
里程問祖令未行時如何師云獨卧沙場云
未審其中事作麼生師云寒灰不再煇問終
日忙忙那事無妨如何是那事師云覓頭不
見云為什麼如此師云三日後看僧禮拜師
嗟問如何是沙門行師云三三兩兩各不相

第一九七册

知云畢竟如何師云截舌有分問一陽才啓
 天地咸知依時及節事如何師云午夜燈光
 連霄照云照後如何師云茶烟香篆一時清
 問逐境不入流時如何師云早入了也云入
 流不逐境時如何師云未是極則處云如何
 是極則處師云七棒對十三問如何是奪人

念十

十三

不奪境師云峴山亭邊好用功云如何是奪
 境不奪人師云雪消流水湧云如何是人境
 俱奪師云霜結滿亭寒云如何是人境俱不
 奪師云放你一線道問日往月來遷不覺年
 衰老還有不老者麼師云有云作麼生是不
 老者師云虬龍筋力高聲叫晚後精靈轉更

多問如何是學人深深處師云烏龜水底深
 藏六云未審其中事若何師云路上行人莫
 與知問如何是印空底句師云舌柱上齧云
 如何印是水底句師云說話對聾人云如何是
 印泥底句師云頭上喫棒口裏喃喃問一句
 當機請師說法師云莫妄想云不妄想後如
 何師云仙人礼枯骨餓鬼打死屍問浩浩之
 中如何弁主師云襄江競渡舡云未曉之人
 如何領會師云且領前話問學人擬歸鄉請
 師指路頭師云借人扶上馬云莫便是和尚
 為人處也無師云葛嶺那邊看問師子是獸
 中之王為什麼却被六塵吞師云須知六塵

好手僧礼拜師云得便宜是落便宜問不斷
廉纖句如何絕朕迹師云絕迹即不好云與
麼去如何師云瞎僧礼拜問只尺之間為什
麼不覩師顏師云折角泥牛無攔圈云與麼
則依而行之師云徧地閑田任意耕問承教
有言當觀法王法法王法如是如是如是法王
法師云如是云畢竟如何師云我知你與麼
道問王子未登九五時如何師云六宮深處
坐云登朝後如何師云當殿不稱尊問世尊
說法天雨四花和尚說法有何祥瑞師云莫
枕鳴問有問有答俱落魔境無問無答如何
辨道師云舌柱上齧云與麼則學人罪過師

云放你三十棒問如何是先照後用師云外
頭月明屋裏黑云如何是先照後用師云屋
裏月明外頭黑云如何是照用同時師云今
日好寒云如何是照用不同時師云喫棒了
呈款問如何是函蓋乾坤句師云好雪寒云
如何是截斷衆流句師云好怕你云如何是
隨波逐浪句師云今日立春問馬大師一喝
百丈直得三日耳聾如何師云萌芽未出土
枯葉已遭風僧擬議師便喝僧云喝即任喝
某甲不耳聾師云罪不重科問海晏河清為
什麼龍王不現師云待有即現云即今為什
麼不現師云踈田不貯水龍王不奈何問若

人有福曾供養佛未審佛曾供養什麼人來
 師云明月照臨山谷裏背岩陰樹不招風云
 恁麼則早晨燒香晚後禮拜師云苦痛蒼天
 伏惟尚享問承古有言只這如今誰動口意
 旨如何師云莫認驢鞍鞵作阿爺下頷問伯
 牙遇子期時如何師云夜靜更深彈一曲遇
 後如何琴破絲斷一時休問承教有言如我
 按拍海印發光汝暫舉心塵勞先起如何是
 海印發光師云青霄無異路問說通行不通
 時如何師云莫以己妨人云行通說通時如
 何師云未信你在問不施寸刃便登九五時
 如何師云南面事作麼生云才施小刃便獲

大功也師大好不施寸刃問如何是和尚不
 涉衆詞底句師云我向你道還信麼云與麼
 則鐵卵生兒樹上飛師云一任捏怪
 上堂云二年前葛藤今日再舉知有者已暢
 平生不知有者對面千里諸上座盡是知有
 者二年前事作麼生道良久云顏回不知何
 處去却教夫子淚漣漣第十 上堂云道安岩
 下朝朝鐘鼓聲喧傘蓋山前日日煙霞覆地
 猿啼嶺上魚躍淵中山高則九夏花開谷深
 則三冬積雪知有者暢快於平生不知有者
 空愛好山好水諸上座盡是知有者不喚作
 山不喚作水且道喚作什麼開口即邈擬議

即差 上堂次遇狂風起乃曰狂風忽起
 拔樹鳴條祖令正行誰人當抵善戰者不顧
 其首善鬪者必獲其功莫有善戰妙鬪者麼
 出來山僧為你證明良久云陣雲橫海上拔
 劍攬乾坤 上堂云寶花王座獨有慈尊
 旃檀林中別無異黨孤非師子類燈非日月
 明知有者已暢平生未知有者直湏子細
 上堂舉仰山三生話次僧問古人且致和尚
 即今第幾生中師云快活快活云與麼則隨
 流認得無碍去也師云縛繫不自在
 上堂云若擬對答如撒砂相似若約提綱宗
 乘舉唱佛法無一人半人雖然如是被箇袖

子出來請師舉唱佛法向伊道什麼即得若
 打它即龍頭蛇尾且道向伊道什麼良久云
 山僧與上座兩家不著便 偈頌
 歲旦示衆 一句為君宣今朝是大年挑
 符已入土徧地捨金錢俗情多失位山僧獨
 欣然直饒不恁麼塚上別鉏田 冬日示衆
 一句為君說諸法及時節冬月是冬寒夏熱
 是夏熱甚處不周旋何勞苦施設施設不施
 設言詞盡湏決更擬問如何船底用鑛鐵
 僧請益瀉山三生話師以頌答 昨夜三
 更得一夢清涼河裏泥牛鬪天明問取郭大
 翁識得南莊李胡子 拄杖 我有一

條拄杖亘日橫按膝上大小節目分明頭尾

無非一樣卓下大地豁開堅起擎搯萬象關

市若遇知音回頭劈脊便棒 照用

照時把断乾坤路驗破賢愚喪膽魂饒君解

佩蘇秦印也須歸欵候天恩 用便生擒

到命終却令蘇息尽殘軀歸欵已彰天下報

十六末

放汝殘年解也無 照用同時棒下玄不

容擬議聘愚賢輪劔直衝龍虎陣馬喪人亡

血滿田 照用不同時人人會者稀秋空

黃葉墜春尽落花飛 撼頌 一喝分

賓主照用一時行會得個中意日午打三更

三玄 報你諸方道三玄句不分欲明親

的旨騰月太陽春 三句 第一句點刻

分明莫莽鹵更擬進前問如何西天移來安

此土第二句妙用臨機無差互開口動舌勿

交涉棒下分明須薦取第三句問答分明有

言語諸方尽有好商量三歲孩兒皆怕苦

古尊宿語錄卷第十 密十

古尊宿語錄卷第十一

密十一

汾陽昭禪師南嶽下九世

唐明高禪師二人同嗣首山

太子院善昭禪師太原俞氏子剃髮受具杖策游方所至少留隨機叩發歷衆知識七十

密十一

一負後到首山問百丈卷席意旨如何山曰龍袖拂開全體現曰師意如何山曰象王行處絕狐蹤師於言下大悟拜起而曰萬古碧潭空界月再三勞擁始應知有問者曰見何道理便爾自肯師曰正是我放身命處後游衡湘及襄沔間每爲郡守以名利力致乃曰

我長行粥飯僧傳佛心宗非細事也前後八請堅卧不荅泊首山歿西河道俗遣僧契聰迎請住持師閉關高枕聽排闥而入謀之曰佛法大事靖退小節風穴懼應識憂宗旨墜滅幸而有先師先師已棄世汝有力荷擔如來大法者今何時而欲安眠哉師矍起握聰手曰非公不聞此語趣辦嚴吾行矣既至燕坐一榻足不越閫者三十年道俗同曰汾州而不敢名 住後上堂謂衆曰汾陽門下有西河師子當門踞坐但有來者即便齧殺有何方便入得汾陽門見得汾陽人若見汾陽人者堪與祖佛爲師不見汾陽人盡是立

地死漢如今還有人入得麼快湏入取免得
 孤負平生不是龍門客切忌遭點額那箇是
 龍門客一齊點下舉起拄杖曰速退速退珍
 重 上堂先聖云一句語須具三玄門一玄
 門須具三要阿那箇是三玄三要底句快會
 取好各自思量還得穩當也未古德已前行
 脚聞一箇因緣未明中間直下飲食無味睡
 卧不安火急决擇莫將爲小事所以大覺老
 人爲一大事因緣出現於世想計他從上來
 行脚不爲游山翫水看州府奢華片衣口食
 皆爲聖心未通所以驅馳行脚决擇深奧傳
 唱敷揚博問先知親近高德蓋為續佛心燈

紹隆祖代興崇聖種接引後機自利利他不
 忘先跡如今還有商量者麼有即出来大家
 商量 僧問如何是接初機底句師曰汝是
 行脚僧曰如何是辨衲僧底句師曰西方日
 出郊曰如何是正令行底句師曰千里持來
 呈舊面曰如何是立乾坤底句師曰北俱盧
 州長粳米食者無貪亦無嗔乃曰將此四轉
 語驗天下衲僧纔見你出来驗得了也問如
 何是學人着力處師曰嘉州打大像曰如何
 是學人轉身處師曰陝府灌鐵牛曰如何是
 學人親切處師曰西河弄師子乃曰若人會
 得此三句已辨三玄更有三要語在切須薦

密十一

二

取不是等閑與大眾頌出三玄三要事難分
得意忘言道易親一句明明該萬象重陽九
日菊花新 上堂汾陽有三訣袖僧難辨
別更擬問如何拄杖蘸頭楔時有僧問如何
是三訣師便打僧禮拜師曰爲汝一時頌出
第一訣接引無時節巧語不能詮雲紋青天

三月第二訣舒光辨賢哲問荅利生心拔却眼
中楔第三訣西國胡人說濟水過新羅北地
用鑛鐵復曰還有人會麼會底出來通箇消
息要知遠近莫祇恁麼記言記語以當平生
有甚利益不用久立珍重 問布鼓當軒
掛誰是知音者停鋤傾麥飯卧草不擡頭

問如何是道場師曰下脚不得問如何是祖
師西來意師曰徹骨徹髓曰此意如何師曰
徧天徧地問真正脩道人不見世間過未審
不見箇甚麼過師曰雪埋夜月深三尺陸地
行舟萬里程曰和尚是何心行師曰却是你
心行問大悲千手眼如何是正眼師曰瞎恁

密十一

三

麼則一條拄杖兩人舁師曰三家村裏唱巴
歌曰恁麼則和尚同在裏頭師曰謝汝殷懃
問如何是和尚家風師曰三玄開正道一句
破邪宗曰如何是和尚活計師曰尋常不掌
握供養五湖僧曰未審喫箇甚麼師曰天酥
酥飯非珍饈一味糧羹飽即休問牛頭未見

四祖時如何師曰新神更着師婆賽曰見後如何師曰古廟重遭措大題

僧問如何是大道之源師曰掘地覓青天云何得如此師曰識取幽玄 師舉三玄語曰汝還會三玄底時節麼直須會取古人意旨然後自心明去更得通變自在受用無窮喚

作自受用身佛不從他教便識得自家活計所以南泉云王老師十八上已解作活計僧便問古人十八上已解作活計未審作箇什麼活計荅曰兩隻水牯牛雙角無欄柵復曰若要於此明得去直須得三玄旨趣始得受用無礙自求慶快以暢平生大丈夫漢莫教

自辜觸事不通彼此無利濟與汝一切頌出曰第一玄法界廣無邊森羅及萬象摠在鏡中圓第二玄釋尊問阿難多聞隨事荅應器量方圓第三玄直出古皇前四句百非外問氏問豐干乃曰這箇是三玄底頌作麼生是三玄底旨趣直教决擇分明莫只與麼妄道我曾親近和尚來與我說了脫空謾語誑嚇他人喫鐵棒有日莫言不道又因採菊謂衆曰金花布地玉蕊承天杲日當空乾坤朗耀雲騰致雨露結爲霜不傷物義道將一句來還有道得底麼若道不得眼中有眉直湏出却始得所以風穴云若立一塵家國興感野

老嘖麼不立一塵家國喪亡野老安貼於此
明去闍黎無分全是老僧於此不明老僧即
是闍黎闍黎與老僧亦能悟却天下人亦能
暗却天下人要知闍黎與老僧麼拊其兩膝
曰這裏是闍黎這裏是老僧且問諸上座老
僧與闍黎是同是別若道是同去上座自上

客上

四

座老僧自老僧若道是別去又道老僧即是
闍黎若能於此明得去一句中有三玄三要
賓主歷然平生事辦衆事畢所以永嘉云
粉骨碎身未足酬一句了然超百億又曰臨
濟兩堂首座一日相見齊下喝僧問臨濟還
有賓主也無荅云賓主歷然師作偈曰兩堂

首座揔作家其中道理有紛拏賓主歷然明
似鏡宗師為點眼中花師舉揚宗乘渠渠性
以三玄三要為事臨濟宗真要訣也汾州在
河東地苦寒立者往往足指墮師因此罷夜
叅一日宴坐有異僧仗錫乘雲而至問曰和
尚何故罷夜叅師荅以苦寒之故異僧云和
尚會下有六人成大器願勿惜法施言訖乘
雲而去師明日陞座記以偈曰胡僧金錫光
為法到汾陽六人成大器勸請為宣揚自此
夜叅遂不復罷時楚圓守芝慧覺智圓谷泉
齊舉等俱在座下藜林知名

師初開堂有僧問靈山一會迦葉說聞今日

一會什麼人得聞師云大衆側聆進云恁麼則群生有賴師云不因陞寶座爭顯六師能問師唱誰家曲宗風嗣阿誰師云不歷僧祇劫直出古皇前進云恁麼則郡城有望師云五嶽峯巒秀四海盡歸朝 問虛空權譬喻隨處得彰名未審是箇什麼物師云居天人

密十一

五

不測入地更深埋進云恁麼則學人雖不識歷劫盡沾恩師云劒良胳膊徒他開劈腹開心始是明師小叅云莫有人問話麼有即出來 僧問水紋魚散時如何師云水清魚不現長波自往來進云龍王當居何位師云在處存金殿乾坤我獨尊進云恁麼則更無過

者師云按劒誰得妙當人不自傷 師乃云若是按劒手汾陽不柰何還識得劒麼與你註破寰中無當剋海內獨橫行珍重 問如何是祖師西來意師云多年松樹饒皴敲心間自有一條明問九有問荅實主各逞嘉竒少室無言將何委的 師云千人叢裏罕逢此問學云千山萬水來於此已奉慈悲事坦然師云坐斷日頭天地黑萬象森羅在目前 學云官不容針私通車馬學人禮拜師云不禮拜更待何時 問如何是一句前事師云不落言詮明的旨纖毫纔動即參差學云如何是一句後事師云兩陣相逢不迴

避學云恁麼則透皮徹骨去也師云橫拖倒拽任塵漫學云終不敢辜負和尚師云至孝是重華問如何是法眼師云已曾教瞎學云未審向上事如何師云撈天摸地問久嚮汾陽成勢全略展金毛示衆看師云三日後露學云恁麼則退身三步師云一月後再來

問祖師心印絕有言詮臨機一句事如何師云三千里外看途程學云恁麼即退後去也師云萬仞峰峦不離此處問問問不轉時如何師云龍馬加鞭急鑾鈴嚮洛川問久嚮西河師子及乎到來爲什麼不見師云汝識師子學云恁麼則大衆盡得隨喜師云腦裂

始知忙問正法門中如何是和尚得入處師云衆星攢夜月不落紫微宮學云恁麼則朗月獨當天也師云不昧夜行人

師上堂云一切衆生本源佛性譬如明月當空祇爲浮雲遮障不得顯現便有僧問明月當天却被片雲遮時如何師云老僧有過閣

第十一

六

黎湏知學云恁麼則分明辨的師云退後莫思量問舉步涉千谿尋源路轉迷箇中一句子請師爲提撕師云千年無影樹今日見枝柯學云若不申此問爭得見師機師云替人看畫壁上堂云夫說法者須及時節觀根逗機應病用藥不及時節總喚作非時語

所以校嚴會上云欲知佛性義當觀時節因緣若明君臣父子邪正觸淨顯然自分喚作野老謳歌皇道坦然佛法現前擒縱自在生殺臨機或明賓中主或明主中賓或明賓中賓或明主中主或兼帶或探竿影草或一句中有三玄三要還有問者麼出來對衆商量

時有僧問智慧門難解難入學人不會請師指示師云真正無私語句下要分明學云恁麼則謝師親開方便門也師云千萬年後不得忘却問靈龜未兆時如何師云海裏搖舩笑舉棹望程途問甘露水頻淋爲什麼百草不生芽師云田踈不貯水龍王爭奈何

問寒暑漸盛貧者何依師云不掛無私服終日樂哈哈學云恁麼則應不孤露也師云深岩隱不得露地不彰形 問不悟祖宗不信大道時如何師云打破琉璃外透出鳳凰兒學云今日親見和尚也師云三千里外筭途程問匹馬單槍離群獨戰時如何師云舉手不拈弓低頭失却箭學云和尚是大善知識爲什麼如此師云敗將不斬 問學人欲涉雲霄去到彼如何爲有情師云塞外將軍行正令不展紅旗得勝歸問面前無障礙爲什麼開口不得師云盡日無言說喃喃語更新學云恁麼則已能師子吼也師云不用野干

客上

七

嗚學人便喝師云恰是學人擬議師便喝學人禮拜師云敗將不斬問如何是衲衣下事師云赫赤窮漢學云乞師方便指妙捷句来看師云木女穿針山色秀石人牽線海雲生問涅槃無異路方便有多門作麼生是無異路底句師云鍾鼓分明在日月不曾昏學云

恁麼則狗子吠人声師云不齧破人衣

師上堂纔陞座便有僧問從上一人行棒一人行喝未審成得箇什麼邊事師云總不曾用學云堪嗟楚下鍾離昧師云庶子當機失戰場學人便喝師云你家學人禮拜師云却不作家以拄杖點便喝問殺父殺母佛前

懺悔殺佛殺祖向什麼處懺悔師云燈連挑夜月度盡幾多人學云恁麼則水精宮裏觀明月師云映輝明寶燭炎赫爍旌幢問日裏不點燈即不問如何是黑裏不揚眉師云牀底掃不出學云恁麼則和尚是用心人也師云天外豈能知

師上堂大眾方集便有僧問如何是沔陽境師云子夏峰高登者少西河水滿問津多學云如何是境中人師云坐久看風信燒香燭聖燈師因頌五位纔畢便有僧問如何是正中來師云旱地蓮花朵朵開學云開後如何師云金蕊銀絲承玉露高僧不坐鳳凰臺

問如何是正中偏師云玉兔就明初夜後金
 雞須報五更前問如何是偏中正師云毫末
 成大樹滴水作江河問如何是兼中至師云
 意氣不從天地得英雄豈藉四時推問如何
 是兼中到師云玉女拋梭機軋軋石人打鼓
 響辭辭師因僧請問逐位頌出云正中

密上

來金剛寶劍拂天開一片神光橫世界晶輝
 朗耀絕塵埃正中偏霹靂鋒機着眼看石火
 電光猶是鈍思量擬議隔千山偏中正看取
 輪王行正令七金千子總隨身途中猶自覓
 金鏡兼中至三歲金毛牙爪備千邪百怪出
 頭來哮吼一声皆伏地兼中到大顯無功休

作造木牛步步火中行真箇法王妙中妙
 六相頌 見是阿那律分明無一物大地
 及山河演出波羅密聞是跋難陀声通總莫
 過遠近一齊了更不念摩訶香是殊伽女慈
 悲心徧普淨穢盡能知即此我人母味是憍
 梵鉢甜苦尋常說入口辨辛酸恰似當天月
 觸是瞬若多善惡總能和屠割無嗔喜祇箇
 是弥陀意是大迦葉毘盧俱一法幽室顯然
 分枝派千花葉
 龍德府尹李侯與師有舊虛承天寺致之使
 者三反不赴使者受罰復至云必欲得師俱
 往不然有死而已師笑曰老僧業已不出院

借往當先後之何必俱耶使者云師諾則先
後惟所擇師乃令設饌具裝畢告衆曰老僧
去也誰人隨得一僧出云某甲隨得師曰汝
日行幾里僧云五十里師曰汝隨我不得又
一僧出云某甲隨得師曰汝日行幾里僧云
七十里師曰汝也隨我不得侍者出云某甲
隨得但和尚到處某甲即到師曰汝却隨得
老僧言訖謂使者曰吾先行矣怡然坐逝侍
者即立化師壽七十八坐六十五夏
唐明禪師諱智嵩師諱首山山以拄杖送師
師接得有偈云和尚拄杖照破龍象臨濟家
風落在我掌山云莫相帶累師打山一坐具

密上

九

山云果然帶累師云今日投敗這老漢山云
又似得便宜又似落便宜師問僧迎葉門
前客祇園會裏人云特來禮拜師云泊不問
過僧便唱師云錯僧又唱師云放你三十棒
僧云許和尚具一隻眼師云喫棒了聽款
問有相即不問如何是無相師云忻州齊和
尚云如何會得師云岱州廡門閑
問師唱誰家曲宗風嗣阿誰師云地連嵩嶽
水接伊川與麼則風穴一句親明旨未審家
風事若何師云汝原無異路寶應萬群機問
萬法還從一法生一法從甚處生師云湘州
起筇管陶綿問如何是學人的的用心處師

云著衣喫飯自家事云與麼則和尚慈悲也
 師云寒温冷暖大家知問如何是承天家風
 師云胡餅日日新鮮佛法年年依舊云只這
 便是為別更有師云更有則錯云與麼則笑
 殺衲僧口也師云不得不笑云泊合不問過
 師云苦痛蒼天問如何是不動尊師云鎮天
 涯云意旨如何師云或在中或在樹下問
 如何是佛師云金榜題名天下傳云與麼則
 承天鼓響天下咸聞師云紫羅帳裏感莫遣
 外人聞問臨濟推倒黃檗因甚維那喫棒云
 正狗不偷油雞狗燈盞走僧問和尚是大善
 知識不拘名利為什麼却著紫衣師云世尊

黃金相老僧紫磨身云與麼則前佛後佛同
 一字也師云過去梵王引見在釋迦欽問十
 二時中如何用心師云鷄寒上樹鴨寒下水
 云與麼則不假備證不尋佛祖師云省得山
 僧一半力問萬法歸一一歸何所師云梁王
 城畔趙官家云與麼則四海歸依也師云當
 今天子聖堯舜也不如師因開方丈門不得
 有僧問石壁山河無阻碍此門鎖為什麼開
 不得師云石壁山河即易就中此門難開云
 開後如何師云是什麼問如何是此經師云
 郭家剪子天下人聞問和尚能救世間苦還
 救得這箇也無師云喚什麼作這箇云與麼

寄十一

十

則漸漸地凍冬後數九師以手一劃云爭奈者箇何云和尚今日上堂師云只有牽船人不知有梢翁問如何是賓中主師云相逢不相識云如何是主中賓師云家貧未是貧路貧愁殺人云如何是主中主師云王言如絲其出如綸師因賀歲太保問今日新歲已臨

舊歲何在師云今日釘桃符保無語師云會麼云不會師云去年今日事保罔措乃有頌今日釘桃符摧邪道自如誰人相委悉除是碧眼胡問三乘教外別傳一句如何是別傳一句師云高麗元是新羅國云法海之中得其用也師云波斯鼻孔長三尺新羅走馬大唐知問到

此城幾里師云五里云往還不易師云賊打不防家問如何是吹毛劍師云好云用者如何師云棺木裏努眼問不在內不在外不在中間在什麼處師云露地白牛嘶瑞草云未審意旨如何師云滿目溪山一帶煙

上堂云第一單鎗甲馬第二甲馬單鎗第三密十一撒星排陣第四衣錦歸鄉有僧問如何是單鎗甲馬師云不是金牙你爭敢射尉遲云如何是甲馬單鎗師云金鑷馬前落婁樊喪膽十一寬云如何是撒星排陣師云陣雲橫海上未并聖明君云如何是衣錦歸鄉師云四海無消息回奉聖明君百法座主問百法千重鎖

因明閉不開師云且出千重鎖云出後如何
師云處處無障礙縱橫任意游鄭工部入院
見法座便問是什麼人位次師云老僧云自
家爭敢師云工部莫壓良爲賤部云真箇師
云不敢遂把手入方丈部云此室常出入未
嘗有難得之法長老還有也無師以袖拂工
部面云與麼則今日得清涼也師云且與後
人作榜樣有尼大德會四衆到院設齋乃脫
羅綺服布素問卸却珎御服著弊垢衣入塵
化尊是維摩分上事是弟子分上事師云維
摩會上誇天女今日闍黎決衆疑云今日不
昧於當時也師云真師子兒一撥便轉女弟

子問金剛經中六波羅蜜那箇第一師云長
城齊崩倒方見本來人云幸人不會請師直
指師云白骨如山嶽滴血驗真容問如何是
佛師云擬心即差用心即乖云畢竟如何師
云大尽三十日小盡二十九鄭工部至茶話
次云汾陽有箇昭禪師愛看讀某甲留一偈
師云略請見示部舉云黃紙休遮眼青雲自
有陰莫將閑學解埋沒祖師心師云工部慣
得其便部云者賊師云更不再勘知那張侍
郎與部署到見方丈割破問和尚有護法善
神爲什麼却被惡人窺算師云賊是小人智
過君子上堂辭親割愛拋離俗網來入寶所

禮拜金山為師作釋種眷屬既離苦海已達
彼岸長行般若之慈舟撈漉愛河之溺子脚
踏十方肩擔四海口說一乘之法眼識不二
之門內無所有外無所依身如虛空虛空難
比豈不號為無著邪既到此地黃河為酥酪
須彌為飯食大地為卧具帝釋梵王執侍巾

密十一

十一

瓶維摩為侍者文殊普賢掃床褶被等妙二
覺隨驢把馬所以經云一切眾魔及諸外道
皆吾侍者諸德不教你作鄉頭里正耆長大
戶一箇箇作師子兒去成佛你祖去入如來
藏去如來者諸法如義無所從來亦無所去
故號如來豈不快哉諸德三界無法何處求

心四大本空佛依何住莫袈裟下多藏毒藥
自傷其身乃有頌曰苦哉苦哉寔苦哉萬劫
千生金地來袈裟底下藏毒藥却教佛自受
沉埋問靈草未生芽時如何師云切忌動著
云生芽後如何師云昨夜遭霜了問師子未
出窟時如何師云眾獸潛藏云出窟後如何
師云眾獸腦裂問如何是先照後用師云打
動漢下鼓和起楚王歌云如何是先用後照
師云龍沮解布千般計韓信能施堰水功云
如何是照用同時師云長蛇偃月齊排韓
信張良唱大歌云如何是照用不同時師云
霸王已歸烏江去豎翅金鷄賀太平問不在

內不在外不在中間在什麼處師云西天白
 氍毹土然綿云未審此語如何師云南岳五
 臺問寶所化城相去多少師云舉足下足問
 六塵境上施就染方便門中為指歸師云懷
 州牛膝天下人聞云與麼則慈音一唱開玄
 路頓使歸程直到家師云鎮州蘿蔔可重三

案十一

十三

介問三句之中那句是極則師云徧地露形
 終不見云更有安身立命處也無師云一生
 長是鎮天涯 楊大年李駙馬與師問答問
 弥陀演化在西方達磨傳心來東土胡來漢
 現水到渠成五臺鎮靜以崢嶸百谷朝宗而
 浩渺一靈之性托境而現形三友之中憑何

而立命師云仙人無婦玉女無夫楊云尼剃
 頭不復生子師云陝府鐵牛能哮吼嘉州大
 像念摩訶李云側跳上山巔師云騎牛不著
 靴李問玄沙不出嶺保壽不渡河善財叅知
 識五十三員惠遠結黑白一十八士雪峯三
 度上投子智者九旬講法華這六箇漢為復
 野干鳴為復師子吼道道師云水急魚行澁
 峰高鳥不棲揚云泗州大聖師云土上加泥
 又一重李云舌上覆金錢師云半夜歌樂動
 誰人得知音又問風穴提印南院傳衣昭公
 演化於西河高師領徒於并壘南宗之旨北
 土大典且道二師承誰恩力師云不入蓮池

浴懶向雪山游楊云清涼山裏萬菩薩師云
維摩會中諸聖集李云背負乾薪遭野火師
云口是禍門問忉利透日月之上四禪免風
火之灾三交駕大牛之車臨汝握全提之印
獼猴有一面古鏡狸奴有萬里神光直下承
當是何人也師云朝看東南暮觀西北楊云
狸奴白牯却知有師云淹殺塚頭蒿李云月
裏煮油鑄師云石人腰帶又問一切諸佛尽
在裏許動即喪身失命覩着兩頭俱瞎擬議
之時千山萬水直下會得也是炭庫裏坐地
有不惜眉毛者通箇消息來師云百雜碎楊
云平生不妄語師云也要道過李云出穴免

遭胃師云東西無滯礙南北得自在復有頌
曰一言總出微龍庭攪動須彌帝釋驚三世
諸佛齊坐了杖頭傀儡弄霞晴楊荅云今年
桃李味甘香一顆千金買得嘗貯藥葫盧拖
尾尾尢門小窄轉難截師又荅千年桃核未
聞香幾度逢春難得嘗靈龜曳尾除蹤迹沙
中抱子更難截楊又荅五臺山裏有文殊羅
漢天台洞裏居為問紫胡一隻狗何如普化
一頭驢師又荅忽聞師子吼引出象王威把
定聖九路誰人敢揚眉擬議塵沙劫動念隔
千岐瞬目它方去早已着灰泥楊再荅蜘蛛
網中坐虫兒不敢逃昨夜三尺雪百鳥尽遭

餓果鞍樹低垂鵝肥饒篔破借問末山尼何
 如劉鐵磨師弄峇山高人難上海深不見底
 樵夫謾踏鞋漁父休誇水言却超百億收來
 維摩詰若覓同道人曠劫不相識師作宗本
 頌左顧右覩黃昏莽鹵展手回來早是彰露
 且道作麼生是彰露底句楊云正殺人時著
 出頭師云兩脚梢空手又曾李云左鬚右髮
 隱文章師云名利已彰天下去丫頭女子倒
 騎牛師復云維摩一默文殊贊善若遇老僧
 在彼各與三十棒且道這二老漢過在什麼
 處楊云頭破作七分如阿梨樹枝師云迦葉
 不擎拳阿難不合掌李云似犢牛兒未用角

時師云忙屈拳打令師復云教有明文佛身
 充滿於法界老僧今日充滿於法界侍郎即
 今在什麼處楊云布裙一截泥勞出膝蓋子
 師云寬口布袴三尺杖李云河水一擔直三
 文師云只見鼻頭津不見頂後濕鄭工部到
 汾陽昭和尚處茶話次部云某甲留一偈贈
 師偈曰黃紙休遮眼青雲自有陰莫將閉學
 解埋沒祖師心復云只將此偈驗天下長老
 汾陽云與麼則汾陽也在裏頭部云擔枷過
 狀昭云更不再勘部云兩重公案昭云知即
 得部良久昭嚔一聲部云文寶文寶昭云在
 甚所在部云不容某甲出氣爭得噴它道淹

密士

十五末

滯長老在此昭云是何言歟部云寔昭云也
不得放過部云請師一偈昭云不閉紙墨遂
上札荒草尋幽徑岩松迥布陰幾多玄學客
失却本來心

唐明嵩禪師語錄終

密十一

古尊宿語錄卷第十一

永樂北藏

古尊宿語錄

第一九七冊

古尊宿語錄卷第十二

密十

南嶽下第十世

汾陽昭禪師法嗣

慈明禪師諱楚圓族出全州清湘李氏少為書生年二十二依城南湘山隱靜寺得度其

密十二

母有賢行使之遊方師連眉秀目頎然豐碩然忽繩墨所至為老宿所呵以為少叢林師笑曰龍象蹴踏非驢所堪嘗橐骨董箱以竹杖荷之游襄沔間與守芝谷泉俱結伴入洛中聞汾陽昭禪師道望為天下第一决志親依時朝走方問罪河東澤潞皆屯重兵多勸

永樂北藏

古尊宿語錄

其無行師不願渡大河登太行易衣類廝養竄名火隊中露眠草宿至龍州遂造汾陽先是汾州預語首坐非久有異僧至傳持吾道一日忽率首座遊山首座云何往汾州云接待者去首座云和尚顛倒作什麼汾州云但去果逢師至即與同歸經二年未許入室師每詣方丈汾州揣其志必罵詈使今者或毀詆諸方及有所訛皆流俗鄙事一夕訴曰自至法席不蒙指示念歲月飄忽已事未明有失出家之利語未卒汾陽叱曰是惡知識敢禪販我舉杖逐之師擬伸救汾陽忽掩其口乃大悟曰是知臨濟道出常情乃服役七稔

第一九七册

去謁唐明審神昇諶洞山聰暨登揚大年李
 郡尉之門機語契投於是法道大振宜春守
 黃公宗旦請開法南源次遷道吾石霜福嚴
 興化都尉李俠遵昂奏賜命服徽號僧問如
 何是道曰踏著不嗔云如何是道中人曰曾
 馱背負問如何是祖師西來意曰渾家送上
 渡頭舡問如何是異類中人曰頭長脚短云
 謝師指示曰半幅全封云直恁麼去也曰開
 黎鼻孔為甚麼在山僧手裏僧無語師便打
 問蓮花未出水時如何曰水深蓋不得云出
 水後如何曰不礙往來看云花開後如何曰
 南北馨香云結子後如何餒魚餒鼈問如何

是禪曰鼻孔入地師同大愚數輩辭汾陽相
 讓不肯作叅頭汾陽云此行不可以戒臘推
 聽吾偈曰天無頭吉州城外起戈矛將軍足
 馬林下過貝州城裏鬧啾啾師遽出班云楚
 國何人敢受和尚如此記別即領眾作禮汾
 陽復祝之曰吾在先師處親證三昧汝今已
 得宜往南方大興吾道即造洞山寶禪師席
 終日面壁寶問達磨九年面壁意旨如何師
 云空腹高心寶翌日陞堂請師充第一座師
 住南源開堂曰白槌云法筵龍象眾當觀第
 一義師乃云大眾會麼宜陽秀水南嶽石橋
 若也不會謾你諸人去也所以道達磨西來

富十二

二

教外別傳一句且道別傳個什麼直指人心見性成佛祇如諸人及是祖師拍出底人還信得及麼若信得及與祖佛同參若信不及可謂自生退屈此日一會不是小緣將一瓣香為我無得禪師且道諸人還識無得禪師麼若也不識有疑請問僧問世尊出世梵王

何故彼彼出家彼彼行脚且問諸人作麼生是出家行脚底事莫是著衣喫飯行住坐卧廣學多聞無言無說麼若恁麼會大似掉棒打月既不許恁麼會又作麼生會衆中還有識好惡者麼有即出來對衆證明若也未能如是有疑請問僧問鼓声纔罷大衆雲臻祖

卷十二

三

前引帝釋後隨今日和尚出世請師說法師云好僧云恁麼則粉骨碎身去也師云三月野花鋪地錦九秋黃葉以為陰問如何是祖師西來意師云畝地三蛇九鼠上堂云若論此事絕有言詮侍者拈香早成多事所以釋迦掩室已涉繁詞居士默然却成多說

意西來請師舉唱師云汝從甚處來僧云汾陽一句師親唱南源今日事如何師云汝見南源問有言有說皆是世諦之談無言無說未是衲僧行履處幸對人天請師垂示師云放山僧一線道與閻黎葛藤僧云恁麼則專為流通師云一片白雲橫世界個中誰是出

頭人 師入州崇勝和尚請上堂云者裏崇勝法堂不可向者裏說佛說法去也然雖如是官不容針私通車馬恁麼大似擔水河頭賣衆中還有檢點得底麼試出來檢點看有麼有麼時有僧問諸法已聞今日響請師方便演真乘師云天不高地不遠僧云孤峰出羣嶽萬里百花新師云不是直鈎客徒勞到海墘問昔日靈山分半座二師相見意如何師云來風可鑿進云恁麼則大眾側聆學人禮拜師云剗利人難得問如何是古佛家風師云金蟾初出海何處不分明進云還許學人請益否師云大海無邊際不宿水雲人乃

云若向言中取則埋沒宗風直饒句下精通敢保此人未悟所以道山青水綠雀噪鷓鴣鳴馮沁同源海雲自異未來諸佛口似燈籠過去諸佛應病施方現在諸佛墮坑落壑墜不落凡聖一句作麼生道良久云矢上更加尖便下座 師至仰山請上堂云寶鏡富瑩森羅自顯太阿在手殺活臨時且道還有該不者者麼有即倒道將一句來如無後學初心有疑請問時有僧問知師久卧深潭裏大仰陞堂事若何師云雨來山裏暗雲出洞中明進云學人不會弄伸請益師云拈取幡竿別處春僧無語師云弄潮須是弄潮人問大通

智勝佛十劫坐道場佛法不現前不得成佛
道未審意旨如何師云一場懺懺進云祇如
大通智勝佛又如何師云八十翁翁若少年
進云學人耳順之年乞師再垂方便師云衆
人伏事問如何是佛師云蓮花捧足
上堂僧問油尽燈滅時如何師云養子不及

寄十二

父問海上雲游時如何師云若問如何是和
尚受用處師云因僧擬進語師便打問失前
忘後時如何師云不上堂豎起拄杖云過
去諸佛現在諸佛未來諸佛西天二十八祖
唐土六祖天下老和尚總變成南源拄杖子
去也汝諸人向什麼處安身立命看看拄杖

子穿過你諸人觸腰去也還有識痛痒者麼
有即出來對衆跣跣看若無南源今日失利
喝一喝卓拄杖一下下座示衆云無明實性
即佛性幻化空身即法身諸仁者若也信得
去不妨省力可謂善財入弥勒樓閣無邊法
門悉皆周徧得大無碍悟法無生是謂無生
法忍無邊刹境自他不隔於毫端十世古今
始終不離於當念且問諸人阿那個是當念
只如諸人無明之性即汝本覺妙明之性蓋
為不了生死根源執妄為寔隨妄所轉致墮
輪回受種種苦若能回光反照自悟本來真
性不生不滅故無明寔性即佛性幻化空身

即法身只如四大五蘊不淨之身即無實義
 如夢如幻如影如響從無量劫來流浪生死
 貪愛所使無暫休歇出此入彼積骨如毗富
 羅山飲乳如四大海水何故為無智慧不能
 了知五蘊本空都無所寔逐妄所生貪欲所
 拘不能自在所以世尊云諸苦所因貪欲為

客十二

五

本若滅貪欲無所依止汝等若能了知幻身
 虛假本來空寂諸見不生無我人衆生壽者
 法皆如故幻化空身即法身法身覺了無一
 物唯有聽法說法虛玄大道無着真宗故云
 本源自性天真佛又云五陰浮雲空去來三
 毒水泡虛出沒若如是者為度一切苦厄乃

至無量無邊煩惱知解悉皆清淨是為清淨
 法身若到這個田地便能出此入彼捨身受
 身地獄天堂此界他方縱橫自在任意浮沉
 應物舒光隨機逗教喚作千百億化身恁麼
 說話可謂無夢說夢和泥合水撒屎撒尿不
 識好惡乃呵呵大笑云若向衲僧門下十萬

八千未夢見他汗臭氣在雖然如是事無一
 向但以假名字引導於衆生喝一喝

示衆云馬大師即心即佛當人未悟盪山非
 心非佛只成戲論之談雪峯輕毬誑小兒
 之作雲門頤鑿咲殺傍觀少室自傷一場大
 錯德山入門便棒未遇奇人臨濟入門便喝

太殺輕薄黃梅呈頌人我未忘更言祖祖相傳迺相誹謗到這裏須是個人始得所以道鷹生鷹子鶻生鶻兒然雖如此也是鞏縣茶瓶乃彈指一下示衆云上來也步步登高下去也通身無碍所以道有時先敲後唱有時先唱後敲有時敲唱同時有時敲唱不同時所以王登寶殿野老謳歌如今還有謳誦者麼良久云木人雖舉手石女不搥頭唱一喝示衆云百千法門同歸方寸河沙妙義揔在心源無三界可出無菩提可求人與非人性相平等既然如是為甚麼那吒撲帝鍾良久云波斯鼻孔長又長

示衆說佛說祖和

泥合水向上向下衲僧破草鞋搥不與麼無繩自縛且獨脫一句作麼生道還有人道得麼試對衆倒道將一句來有麼有麼良久云塚上更加泥唱一喝師問僧名甚麼僧云海滿師云海無增減為甚麼却滿云和尚莫謾海滿師云南源罪過師問僧近離什麼處云雲過千山碧師云着忙作甚麼云鴈去水聲淒師便唱僧亦唱師便打僧亦打師云你這瞎漢本分打出三門外念汝是新到且坐喫茶師問僧行脚人須知有行脚事作麼生是行脚事云知師云知底事作麼生云山高水深師云念汝速來且坐喫茶僧云諾諾師問

密十二

六

顯英首座近離甚處云金鑿師云夏在甚處
 云金鑿云前後夏在甚處云金鑿師云先前
 夏甚處云和尚何不領話師云我也不能勘
 得你教庫下供過奴子來勘且點一椀茶與
 你濕口師問僧近離甚處僧以手面前一劃
 師云是何言欵僧便唱師云作甚麼僧撫掌

一下便打師云暗漢亂做作麼以坐具真打
 出法堂師道過瑯琊時覺禪師住焉先是舉
 道者到瑯琊造方丈覺問近離甚處云兩浙
 覺云舡來陸來云舡來覺云舡在甚處云步
 下覺云不涉程途一句作麼生道舉以坐具
 撼一城云杜撰長老如麻似粟拂袖便出覺

問侍者此是甚人云舉上座覺遠親下旦過
 堂問莫是舉上座麼勿怪適來相觸忤舉便
 喝云我在浙江早聞你名元來見解只如此
 何得名播寰宇覺遂作禮云慧覺罪過及師
 至瑯琊覺留之師為逗過數日因夜話及之
 師笑曰舉見處總能自了覺默然師為作牧

密十二

七

童歌曰牧牛童寔快活跣足披蓑雙角操橫
 眠牛上向天歌人問如何牛未渴回首看平
 田闊四方放去休攔過八面無拘任意遊要
 收只在索頭撥小牛兒順毛捋角力未充難
 提掇且從放在小平坡慮上高峯四蹄脫日
 已高休喫草担定鼻頭無少老一時牽向園

中眠和泥看伊東西倒咲呵呵好不好又將
橫笛順風吹震動五湖山海島倒騎牛脫布
襪知音休向途中討若問牧童何處居鞭指
東西無一竇覺默得其遊戲三昧
僧問如何是賓中賓師云禮拜更慇勤如何
是賓中主師云拄杖常在手如何是主中賓

師云拄杖掇乾坤如何是主中主師云劍握
旣人手問如何是佛師云瀟湘斑竹杖問祖
佛不立時如何師云上生茆問終見便回
時如何師云湖南鎮主進云末後慇勤請師
道師云多少分明進云大衆側聆師云未敢
相許問進前不得時如何師云截斷衆疑問

步步登高時如何師云雲生足下問如何是
南源狗師云備問如何是禪師云鼻孔入地
問如何是佛師云石打不入 上堂云諸佛
放光明助發寔相義乃豎起拄杖子云者個
是南源拄杖子何那個是寔相義你若見去
被見聞所轉也若不見行脚眼在什麼處喝

一喝下座 上堂云一塵終舉大地全收
一毛頭師子百億毛頭現百億毛頭師子一
毛頭現千頭萬頭但識取一頭乃豎起拄杖
子云者個是南源拄杖子那個是一頭喝一
喝卓拄杖一下下座問如何是佛師云人老
病生問如何是接初機底句師云一刀兩段

問如何是驗衲僧底句師云寒山拾得問如何是正令行底句師云來千去萬問如何是立乾坤句師云天高海闊問與師並坐時如何師云線穿黃葉 上堂云天地与我同根萬法与我一體乃竖起拄杖子云者個是南源拄杖子那個是體良久云渡河須用筏到岸不須舡唱一喝卓拄杖一下下座

上堂竖起拄杖云河沙諸佛河沙國土然被南源拄杖子一口吞却其中衆生不覺不知你衲僧鼻孔在什麼處若知去處橫擔拄杖目視雲霄若也不知長連林上有粥有飯唱一喝下座俗官問如何是南源境師云鑿池

秋待月種竹夏遮陽如何是境中人師云城中公子般般貴林下道人事事貧問久昧衣珠請師指示師云草賊大敗僧云透走無路師云脚踏不動座主問承教有言因緣自然即不問如何是因緣師云記來多少時也進云如何是自然師云速退速退妨他別人問師住道吾上堂僧問達磨西來曲為今時不屈宗乘請師舉唱師云雲雨灑長空花開徧地春進云澗松清冷澹晚月照長川師云一言既流通今古誰言異進云雲生嶺上花發岩前師云相逢盡道休官去林下何曾見一人進云今日遭逢和尚師便唱

上堂云佛以一音演說法衆生隨類各得解且道晝行夜卧一句作麼生道良久以拄杖早一下云德山證明下座問獬豸當軒學人擬議如何得入師云還覺頭痛麼 上堂云心隨萬境轉轉處實能幽隨派認得性無喜復無憂拈起拄杖子云者個是道吾拄杖

案十二

九

子那個是諸人心河沙因土河沙諸佛西天二十八祖唐土六祖盡在道吾拄杖子上轉大法輪諸人還見麼若見朝遊西天暮歸東土若也不見晨朝有粥齋時有飯卓拄杖一下下座 上堂云有物先天地無形本寂寥能為萬像主不逐四時凋拈拄杖云者個

是道吾拄杖那個是萬像主良久云若見諸相非相即見如來喝一喝卓拄杖一下下座上堂云有時先照後用有時先用後照有時照用同時有時照用不同時所以道有明有暗有起有倒乃喝一喝云且道是照是用緇素辨得麼試出來呈醜拙着若無道吾今日

失利喝一喝下座

上堂僧出禮拜起便

喝師云作麼生僧又喝師云陪僧禮拜師云三十棒且待別時來與你突問古人面壁意旨如何師云有年無德 師住石霜開堂日僧問維摩一默未稱師宗棒喝齊施中派罔措今日一會請師方便師云石笋逢春長

霜花向日開進云典廢則陽鳥喃喃語雨過
 百花新師云不日漁父引鳥知水淺深僧云
 峻水隨流急雲開照碧天師云我行荒草裏
 你又入深村僧應若云官不容針更借一問
 師意如何師云放你三十棒三十年後方始
 知痛痒僧舞袖而退師云夢見問方木調弦
 時如何師云惜竿一尺二進云恁麼則和尚
 手出今時也師云脚撥不動僧云莫道不知
 音師云三十年後悟去不定問古鏡未磨時
 如何師云新羅打鼓進云磨後如何師云西
 天作舞上堂云青蓮視瞬已多繁迦葉微微
 笑自謾少室坐羞痴截臂黃梅呈解頌多般

入門棒喝重重錯向上宗乘肉自剗公按見
 成誰憺憺鑿鑿啖啖啜啜旁觀一宿覺來知是
 誤不言師範更無端丈夫皆有衝天志北斗
 南星背面看 偈頌
 因僧請益三玄三要頌 第一玄三世諸
 佛擬何宣垂慈夢裏生輕薄端坐還成落斷
 邊 密十二 第二玄伶俐袖僧眼未明石火電光
 知是鈍揚眉瞬目涉關山 第三玄萬象
 森羅宇宙寬雲散洞空山嶽靜落花流水滿
 長川 第一要豈話聖凡妙擬議涉長途
 擡眸七顛倒 第二要峯頂敲鼓召神通
 自在來多聞門外叫 第三要起倒令人

笑掌內握乾坤千差都一照 報你通玄

士棒喝要臨時若明親的旨半夜太陽輝

因僧請益臨濟兩堂首座齊下喝頌

啐啄之機箭拄鋒瞥然賓主當時分宗師勉

物垂緇素北地黃河徹底渾 因人請益

慧超佛話有頌 僧問如何是佛師云汝

是慧超禮拜進前叉手思量十萬道

因僧請益雲門起佛越祖之談 起佛越

祖若何宣充齋餠恣情食湖南展鉢新羅

咬大石波斯索渡船 因僧請益乃述三

訣頌 第一訣大地山河泄維摩終默然

文殊便饒舌 第二訣展拓看時節語默

豈相干夜半秋天月 第三訣遠路難登

涉陸地弄舟舡眼中藏日月 三句頌

第一句天上他方皆罔措俱輪顛倒論多端

魏魏未到尼俱樹 第二句臨濟德山涉

路布未過新羅棒便揮遠者途中乱拍注

第三句維摩示疾文殊去對談一默震乾坤

直至如今作笑具 因僧請益五位有頌

正中偏半夜烏雞室裏鳴海底然燈光世界

石上栽花長枝靈 偏中正日落西山觀

異影分明影像顯宗乘休把眉頭窺月井

正中來木馬生兒徧九垓進退任行通鳥道

豈並巢居界內隈 燕中至彼彼丈夫全

永樂北藏

古尊宿語錄

第一九七册

意氣矛盾交互不傷鋒展拓縱橫不相離

薰中到黑白已前休作造須明露柱未生兒

莫認狂僻途路走 都一頌 偏中歸

正極幽玄正去偏來理事全須知正位非言

說朕非依倚屬有緣燕至去來與妙用到燕

何更逐言詮出沒豈能該世界蕩蕩無依鳥

道玄 因僧請益風穴佛話 杖林山下

竹筋鞭南北禪人万万千莫怪相逢不下馬

東西各自有前程 寄李駙馬 分身

千百億悲智難窮在俗還隨俗居官即順

宮頭頭皆巨護處處現神通珍重吾宗幸多

能立古風 又 仰觀天畔一輪日幾

度清光四上出大士蓬頭問志公摩訶般若

波羅密 注杜順和尚頌 懷州牛喫

禾 河沙益州馬腹脹 堪街天下召醫人 勢頭灸猪左

膊上 成鏡 冬不人事頌一首示眾云

東山林木高幾歲幾回雨南嶺松枝瘦石生

石畔土金色見瞿曇二三八五

僧請益古人十二時詩乃頌之 雞鳴丑夢

裏逢人恭恭鹵 平旦寅覺來路上弄精

覓 日出卯赫赫光明影裏坐 食時

辰食飽還知是病因 禺中已買賣論量

入市肆 日南午萬像分明作咲具

日昃未張公喫酒李公醉 晡時申省來

端坐醉醺醺 日入酉苑蓬竹户硬撐柱
 黄昏戌日落西山 狐魅出 人定亥老鼠
 林頭作隊隊 夜半子一輪明月蘇嚧哩
 慈明禪師偈頌語錄終

十二末

密計

古尊宿語錄卷第十二

永樂北藏

古尊宿語錄

第一九七冊

古尊宿語錄卷第十三 十三卷至十四卷 勿一

為祖大寂禪師法嗣

南泉禪師講普願鄭州王氏子也示眾云王
老師賣身去也還有人買麼時有僧出眾云
某甲買師云不作貴不作賤你作麼生買僧

互

無對 師同魯祖場宗杉山喫茶次祖提起
蓋子云世界未成時便有這箇師云今時只
識這箇且不識世界宗云是師云師兄莫同
此見麼宗提起蓋子云向世界未成時道得
麼師作掌勢宗以面作受掌勢 師與魯祖
杉山歸宗辭馬祖各謀住庵中路分袂次師

永樂北藏

古尊宿語錄

挿下拄杖云道得也被這箇礙道不得也被
這箇礙宗我拄杖便行云也只是這箇王老
師說甚麼礙不礙魯祖云只此一句大播天
下宗云還有不播底麼祖云有宗云作麼生
是不播底祖作掌勢 師寄書與茱萸云理
隨事變寬廓非外事得理融窅窅非內僧問
茱萸如何是寬廓非外茱萸云問一答百也
無妨云如何是窅窅非內萸云親對聲色不
是好手又問趙州州作喫飯勢僧進後語州
作拭口勢又問長沙峯峯瞪目視之僧進後
語峯閉目示之僧舉似師師云此三人不認
為吾弟子 趙州問和尚百年後向甚麼處

第一九七册

去師云山下作一頭水牯牛去州云謝師指
 示師云昨夜三更月到窓師刈茆次有僧
 問南泉路向甚麼處去師豎起鎌云我這鎌
 子是三十文買僧云我不問這箇南泉路向
 甚麼處去師云我用得景快師住庵時有
 一僧來師云某甲上山作務齋時上座做飯
 喫了却送一分來其僧齋時做飯喫了將家
 具一時打破就床而卧師伺不來遂歸見僧
 偃卧師亦去身邊卧僧便起去師云得恁麼
 靈利師住後云我往前往住庵時有箇靈利道
 者直至如今不見師問僧夜來好風云夜
 來好風師云吹折門前一株松僧云吹折門

前一株松又問一僧云夜來好風云是甚麼
 風師云吹折門前一株松云是甚麼松師云
 一得一失有一庵主人謂之曰南泉近日出
 世何不去禮拜主云非但南泉直饒千佛出
 興亦不去師聞令趙州往勘之州纔見庵主
 便作禮主不顧州從西過東從東過西而立
 主亦不顧州云草賊大敗掖下簾子便行舉
 似師師云我從來疑着這漢僧問牛頭未見
 四祖時為甚麼百鳥銜花獻師云為渠效
 踏佛階梯云見後為甚麼不銜花獻師云直
 饒不來猶較王老師一線道師問座主講
 甚麼經云彌勒下生經師云彌勒幾時下生

云現在天宮未來師云天上無彌勒地下無
 彌勒 上堂云諸子老僧十八上解作活
 計有解作活計者出來共你商量是住山人
 始得良久顧視大眾合掌曰珍重無事各自
 修行大眾不去師曰如聖果大可畏勿量大
 人尚不柰何我且不是渠渠且不是我渠爭
 柰我何他經論家說法身為極則喚作理盡
 三昧義盡三昧似老僧向前被人教返本還
 源去幾恁麼會禍事兄弟近日禪師太多香
 箇凝鈍人不可得不道全無於中還少若有
 出來共你商量如空劫時有修行人否有無
 作麼不道阿你尋常巧骨薄舌及手問著捉

皆不道何不出來莫論佛出世時事兄弟今
 時人擔佛著肩上行聞老僧言心不是佛智
 不是道便聚頭擬推老僧無你推處你若束
 得虛空作棒打得老僧著一任推時有僧問
 從上祖師至江西大師皆云即心是佛平常
 心是道今和尚云心不是佛智不是道學人
 悉生疑惑切請和尚慈悲指示師乃抗聲答曰
 你若是佛休更涉疑却問老僧何處有恁麼
 傍家疑佛來老僧且不是佛亦不曾見祖師
 你恁麼道自覓祖師去曰和尚恁麼道教學
 人如何扶持得師曰你急手托虛空著曰虛
 空無動相云何托師曰你言無動相早是動

也虛空何辭道我無動相此皆是你情見曰
虛空無動相尚是情見前遣某甲托何物師
曰你既知不應言托擬何處扶持他曰即心
是佛既不得是心作佛否師曰是心是佛是
心作佛情計所有斯皆想成佛是智人心是
采菓主皆對物持他便妙用大德莫認心認
佛設認得是境被他喚作所知愚故江西大
師云不是心不是佛不是物且教你役人恁
麼行履今時學人披箇衣服傍家疑恁麼閑
事還得否曰既不是心不是佛不是物和尚
今却云心不是佛智不是道未審如何師曰
你不認心是佛智不是道老僧勿得心來復

何處著曰恁既不得何異太虛師曰既不是
物比什麼太虛又教誰異不異曰不可無他
不是心不是佛不是物師曰你若認箇還
成心佛去也曰請和尚說師曰老僧自不知
曰何故不知師曰教我作麼生說曰可不許
學人會道師曰會什麼道又作麼生會曰某
甲不知師曰不知却好若取老僧語喚作依
通人設見彌勒出世還被他搆却頭毛曰使
後人如何師曰你且自看莫愛他後人曰前
不許某甲會道今復令某甲自看未審如何
師曰真會妙會許你作麼生會曰如何是妙
會師曰還欲學老僧語縱說是老僧說大德

如何曰某甲若自會即不煩和尚乞慈悲指
示師曰不可指東指西賺人你當哆哆和和
時作麼不來問老僧今時巧黠始道我不會
圖什麼你若此生出頭來道我出家作禪師
如未出家時曾作什麼來且說看共你商量
曰恁麼時某甲不知師曰既不知即今認得
可可是邪曰認得既不是不認是否師曰認
不認是什麼語話曰到遮裏某甲轉不會也
師曰你若不會我更不會曰某甲是學人即
不會和尚是善知識合會師曰遮漢向你道
不會誰論善知識莫巧黠着他江西老宿在
日有一學士問如水無筋骨能勝萬斛舟此

理如何老宿云遮裏無水亦無舟論什麼筋
骨他學士便休去可不省力所以數數向道
佛不會道我自修行用知作麼曰如何修行
師曰不可思量得向人道恁麼修恁麼行大
難曰還許學人修行否師曰老僧不可障得
你曰某甲如何修行師曰要行即行不可專
尋他輩曰若不因善知識指示無以得會如
和尚每言修行須解始得若不解即落他因
果無自由分未審如何修行即免落他因果
師曰更不要商量若論修行何處不去得曰
如何去得師曰你不可逐箇尋得曰和尚未
說教某甲作麼生尋師曰縱說何處覓去且

如你從旦至夜忽東行西行你尚不商量道去得不得別人不可知得你曰當東行西行搵不思量是否師曰恁麼時誰道是不是曰和尚每言我於一切處而無所行他拘我不得喚作徧行三昧普現色身莫是此理否師曰若論修行何處不去不說拘與不拘亦不說三昧如曰何異有法得菩提道師曰不論異不異曰和尚所說脩行迥然與大乘別未審如何師曰不管他別不別善不曾學來若論看教自有經論座主他教家實大可畏你且不如聽法好曰究竟令學人作麼生會師曰如汝所問元只在因緣邊看你且不柰何緣

是認得六門頭事你但會佛那邊却來我與你商量兄弟莫恁麼尋逐不住恁麼不取古人語行菩薩行唯一人行天魔波旬領諸眷屬常隨菩薩後覓心行起處便擬撲倒如是經無量劫覓一念異處不得方與眷屬禮辭讚歎供養猶是進脩位中下之人便不柰何況絕功用處如文殊普賢更不話他兄弟作麼生道行是無覓一日行底人不可得今時傍家從年至歲只是覓究竟作麼生空弄唇舌生解曰當恁麼時無佛名無衆生名使某甲作麼圖度師曰你言無佛名無衆生名早是圖度了也亦是記他言語曰若如是悉屈

佛出世時事了不可不言師曰你作麼生言
曰設使言言亦不及師曰若道言不及是及
語你虛恁麼尋逐誰與你為境曰既無為境
者誰是那邊人師曰你若不引教來即何與
論佛既不論佛老僧與誰論遮邊那邊曰果
雖不住道而道能為因如何師曰是他古人
如今不可不奉戒我不是渠渠不是我作得
伊如狸奴白牯行履却快活你若一念異即
難為修行曰云何一念異難為修行師曰才
一念異便有勝劣二根不是情見隨他因果
更有什麼自由分曰每聞和尚說報化非真
佛亦非說法者未審如何師曰緣生故非曰

報化既非真佛法身是真佛否師曰早是應
身也曰若恁麼即法身亦非真佛師曰法身
是真非真老僧無舌不辭道你教我道即得
曰離三身外何法是真佛師曰遮漢共八九
十老人相罵向你道了也更問什麼離不離
擬把楔釘他虛空曰伏承華嚴經是法身佛
說如何師曰你適來道什麼語其僧重問師
顧視歎曰若是法身說你向什麼處聽曰某
甲不會師曰大難大難汝看亮座主是蜀中
人詳講三十二本經論於江西講次來見開
元寺老宿宿問見說座主詳講經是否主云
不敢宿云將什麼講主云將心講宿云心如

工伎兒意如和伎者爭辭講得主云莫是虛
 空講得宿云却是虛空講得主拂袖便行宿
 召座主主回首宿云是什麼主便開悟兄弟
 看他快利麼僧云據和尚說即法身說法師
 云若如是會早應身了也僧云既是應身豈
 無說法者師云我不知僧云某不會師云不
 會却好免與他分疎問教中道法身大士會
 麤即見法身佛地位菩薩即見報身佛二乘
 唯見化身佛莫是此理否師云我眼不曾看
 教兼無耳孔不曾聽你自看取若如是憶持
 即已後始不柰何如似弄珠說珠光徧有金
 盤在即得忽被拈却金盤去何處弄珠向什

麼處尋他光徧與不徧學人禮拜和尚笑云
 大難大難古人罵你喚作田獵漁捕喚作搬
 糞人好去珍重 師示衆云真理一如潛行
 密用無人覺知呼為滲智亦云無滲不可思
 議等空不動性非生死流道是大道無碍涅
 槃妙用自足始與一切行處而得自在故云
 於諸行處無所而行亦云遍行三昧普現色
 身只為無人知他用處無蹤跡不屬見聞覺
 知真理自通妙用自足大道無形真理無對
 所以不屬見聞覺知無處細想如云不聞不
 聞是大涅槃道者箇物不是聞不聞僧問大
 道不屬見聞覺知未審如何契會師云湏會

冥契自通亦云了因非從見聞覺知有見知
屬緣對物始有若箇靈妙不可思議不是有
對故云妙用自通不依傍物所以道通不是
依通事湏假物方始得見所以道非明暗法
離有離無潛理幽通無人覺知亦云冥會真
理非見聞覺知故云息心達本源故号如如
佛必竟無依自在人亦云本果不從生因之
所生文殊云惟從了因之所了不從生因之
所生從上已來只教人會道更不別求若思
量作得道理盡屬句義三乘五性義理無不
喚作行獲處處受用具足即得若論道即不
是一向耽著被他識拘亦云世間智教云一

向耽著三藏學者為田獵漁捕為利養故然
害大乘亦云貪欲成性所以云佛不會道我
自脩行我自有妙用亦云正因了六波羅密
空即物拘我不得所以祖師西來恐你諸人
迷著因果地位故來傳法救迷情頓悟花情
已性是花種性亦云菩提花故江西老宿云
不是心不是佛不是物先祖雖說即心即佛
是一時問語空拳黃葉止啼之說如今多有
人喚心作佛喚智為道見聞覺知皆是道若
如是會者何如演若達多迷頭認影設使認
得亦不是汝本來頭故大士呵迦旃延以生
滅心說實相法皆是情見若言即心即佛者

如兔馬有角非心非佛牛羊無角汝心若是佛亦何用非他有無形相以何是道所以教中不許寧作心師不師於心心如工伎兒意如和伎者故云佛有道心不離見聞覺知皆屬因緣而有皆是炤物而有不可常炤所以心智俱不是道且大道非明暗法雖有無數勿一數不能及如空劫時無佛名無衆生名與麼時正是道只是無人覺知見他數不及他喚作無名大道早屬名句了也所以真理一如更無思想才有思想即被陰拘便有衆生名有佛名佛出世來喚作三界智人只如未出世時喚作什麼如云不得而得有無而與大

慈佛出世只令人會道躰非九聖喚作還源歸本躰鮮大道今日既如是會道即無量劫來六道四生皆有夫來是暫時行履處先聖本行集云我無所不行一切衆生雖在如是行處爲無了因故生貪欲名爲在纏不得自在暫時歧路雲駛月運舟行岸移衆生妄想物無不住豈况理能遷變今既如是會却向裏許行履不同前時爲了因會本果故了陰界空六波羅密空所以得其自在若不向裏許行履如何摧判得五種貪二種欲不守住聲聞隨於劫數所以諸佛菩薩具福智二嚴爲了因了六波羅密空體者箇受用所以不

存知見始得自在若有知見即屬地位便有
分劑心量被因果隔喚作酬因答果佛不得
自在所以大聖訶他內見外見情量不盡二
障二愚所以見河能漂香象真理無形如何
知見大道無形理絕思量今日行六波羅密
先用了因會本果故了此物是方便受用始
得自由去住自在無障礙亦云方便勲莊嚴
亦云微妙淨法身具相三十二只是不許分
劑心量若無如是心一切行處乃至彈指合
掌皆是正因萬善皆同無終始得自在所以
天魔外道求我不得喚作無住心亦云無滲
智不思議妙用自在菩提涅槃皆是脩行人

境界皆屬明句若會本來非凡物即水不能
洗水何以故本來無物故經云我王庫中寶
無如是乃又大功德天黑暗女有智主人二
俱不受所以道非明暗故云性海不是覺海
覺海涉緣即須對物他便妙用無人覺知喚
作極微細透金水色塵菩薩所因喚作受用
具若水不洗水即躰不是明暗亦云無滲智
又云無碍智若如是即一切處拘我不得如
今更別求建立義句覓勝負知辭語言言衆
生劣有佛聖救衆生求佛菩提皆屬貪欲亦
云破戒比丘與道懸隔大道無明未曾有暗
非三界攝非去來今如來藏實不覆藏師子

何曾在窟五陰本空何曾有處所且法身無
 為不隨諸數法無動搖不依六塵故經云佛
 性是常心是無常所以智不是道心不是佛
 如今且莫喚心作佛莫作見聞覺知會者箇
 物且本來無許多名字妙用自通數量管地
 不得是大解脫所以道人心無住處蹤跡不
 可尋故云無滲智不思議智看他池州崔使
 君問五祖大師云徒衆五百何以能大師獨
 受衣傳信餘人為什麼不得五祖云四百九
 十九人盡會佛法唯有能大師是過量人所
 以傳衣信崔云故知道非愚智便告大衆惹
 須記取師云記得屬第六識不堪無事珍重

示衆云空劫之時無一切名字佛才出世
 來便有名字所以取相師云只為今時執著
 文字限量不等大道一切實無凡聖若有名
 字皆屬限量所以江西老宿云不是心不是
 佛不是物且教後人與麼行履今時盡擬將
 心躰會大道道若與麼學直至彌勒佛出世
 還須發心始得有什麼自由勿分十只如五祖會
 下四百九十九人盡會佛法惟有盧行者一
 人不曾佛法只會道不會別事若認心是佛
 心是三界來受主若認智是道智是多矯詐
 若論佛出世時喚作三界智人說一切教義
 句理喚作暫時受用具若喚心是佛認智是

道皆是處所以道無心意而受行暫時披
 垢膩之衣來為人說破不是凡聖物他家早
 晚與人為因亦不曾與人為果若與人為因
 即不自在被因果所拘不得自由佛未出世
 時無人會得若出世邊論還許少分會但以
 冥理自通無師自尔本自無物由是見聞覺
 知即是報化所以三十二相異躰故若離彼
 即同如來報化佛摠打却何處存立不是不
 許只如彌勒又作凡夫他熾然行六波羅密
 他家觸處去得因什麼便不許他他不曾滯
 著凡聖所以那邊會了却來者邊行履始得
 自由分今時學人多分出家不肯入家好熟

即認惡處即不認爭得所以菩薩行於非道
 是為通達佛道他家去住得自由且如何若
 知即被知處所拘若不恁麼爭得不許他他
 者箇定不曾變動異若不定即屬造化也他那
 箇早晚曾變動所以十二分教決定不是我
 我即向十二分教中行履得若十二分教是
 我即受變也若論有滲果是二乘位若論無
 滲是大乘名所以得名為大乘若是者箇不
 是拘繫底物所以潛通密理無人覺知不是
 見聞覺知問以意會得否師云若以意
 會即思量得也他教中亦云種種生身我說
 為量那箇不可思議不是意會得底物如水

裏有水即有影若無水時喚什麼作影法身
由對報化得名若無報化法身向那邊認法
身亦云是影經論極則頭只到法身實入理
地那箇早晚同於經論經論不管伊如何排
遣他且不到者裏大難大難師示衆云佛出
世來只爲衆生不會道若不因善知識聞名
無師自尔若因善知識聞忽引經論作證若
自作得主不引經論最省心力若引經論將
他眼作自己眼不得自由大道一如無師自
尔若能如如不變故不曾迷報化非真佛莫
認法身九聖果報皆是影若認著即屬無常
生滅也麤細而論纖毫不立窮理盡性一切

全無如世界未成時洞然空廓無佛名無衆
生名始有少分相應直向那邊會了却來者
裏行履不證凡聖果位據本而論實無少法
可得豈况三乘五性差別名數但是有因有
果盡屬無常生滅也並是出世安立假名相
說非關本來事道不是明暗物一切莫認著
大道真通知莫能測故云相逢不相識共語
不知名好去無事珍重 師示衆云自夏已
來不安皆是罪過死者已死在者好自安排
如今學人直須會取佛法去出世時都無名
字密意潛通無人覺知喚作道人佛出世權
說三乘五性他不是三乘五性人從那邊行

履他是自由人會取今有本有不從佛聞與
他為緣如今直須截斷兩頭句透那邊不被
九聖拘繫心如枯木始有少許相應引經說
義皆是與他分疎向他屋裏作活計終無自
由分恰如水世得蝦為眼如何得自由佛是
受果報人如今學人極則只認得箇法身猶
如水月空花影象不中兄弟直須會取不從
佛聞無師自亦報化非真佛根本一如無變
異故法過眼耳鼻舌身意心以無心意而現
行如今知解不是嘍囉漢此物不是凡聖不
是愚智強喚作愚智本不是名字不得道著
道著則頭角生喚作如如早是變也兄弟直

十二

須向異類中行始得大難大難 師示衆云
佛出世來只教會道不為別事祖祖相傳直
至江西老宿亦只教人會者箇道佛法先到
此土五百年連磨西來此土恐尔滯着三乘
五性名相所以說法度汝諸人迷情且五祖
下五百人只虛行一人不會佛法不識文字
他家只會道如今學人直須明其道不論別
智決定不是物大道無形真理無對等空不
動非生死流三界不攝非去來今所以明暗
自去來虛空不動搖萬象自去來明暗實不
鑑如今有人持鑑覺知解者是道皆前境所
引隨他生死流何曾得自由若作此見解實

未有自由分所以智不是道可不難矣云是
 什麼智是什麼道若論世間福智只得喚作
 莊嚴具亦云福智二嚴亦云受用具皆是對
 治喚作什麼佛出世只得喚作三界智人未
 出世時喚作什麼物若論無滲本自具足妙
 用自通無人覺知潛行密用蹤跡難尋所以
 天魔波旬將諸眷屬久遠劫來覓菩薩一念
 起處不可得天魔讚歎云佛法至妙我實難
 測如今但會如如之理直下修行何不問如
 何修行但會取無量劫來性不變異即是修
 行妙用而不住便是菩薩行達諸法空妙用
 自在色身三昧熾然行六波羅蜜空處處無

勿一
 十三
 佛弟子持頌頌詞

碍游於地獄猶如變觀不可道伊不得作用
 衆生無量劫來迷於本性不自了寐雲塵暫
 翳著諸惡欲雲駛月運舟行岸移昏時岐路
 不得自在種種受苦不自覺知乃至今日會
 取從來性與今日不別若言即心即佛如兔
 馬有角若言非心非佛如牛羊無角所以如
 來藏實不覆藏五蘊本空師子何曾在窟亦
 云性水亦云法水法水如波性水如濕水不
 洗水佛不度佛演若達多迷頭認影便道失
 却頭傍家覓纒覓得又不是已頭功德天黑
 暗女有智主人二俱不受直道性無住處是
 築著物亦云聞聞是大涅槃道者箇物不是

聞不聞江西老宿只道不是心不是佛不是物直須躡會諸實修行莫道我是禪師知解傍家舌上取辦兩脚稍空莫將爲是共道不相應兄弟麤細想念分劑但是貪求皆屬境三乘五性麤細而論不出情量纖毫瞥起精魅所附他且不許見聞覺知自似箇癡鈍人

少神人百事不知最好普賢其時道我將心聞文殊云初心不能入云何獲圓通被一棒粉碎無事珍重 示衆云燃燈佛道了也若心相所思出生諸法虛假皆不實何以故心上無有云何出生諸法猶如形影分別虛空如人取聲安置篋中亦如吹網欲令氣滿故

老宿云不是心不是佛不是物且教你兄弟行履據說十地菩薩住首楞嚴三昧得諸佛秘密法藏自然得一切禪定解脫神通妙用至一切世界普現色身或示成菩薩正覺轉大法輪入涅槃使無量入毛孔演一句經無量劫其義不盡教化無量億千眾生得無生法忍尚喚作所知愚極微細所知愚與道全乖大難大難珍重

子湖山第一代神力禪師語錄 師示衆云諸法蕩蕩何絆何拘汝等於中自生難易心源一統綿亘十方上上根人自然明白不見南泉道如斯癡鈍世且還稀歷歷分明有無

不是只少箇丈夫之志致見如斯疲勞汝今
 欲得易麼自古及今未曾有一箇凡夫聖人
 出現汝前亦無有一箇善語惡語到汝分上
 爲什麼故爲善善無形爲惡惡無相既以無
 我把什麼爲善惡立那箇是凡聖汝信否還
 保任否有什麼回避處恰似日中逃影相似
 還逃得麼今之既爾古之亦然今古齊時汝
 還諱得麼佛法玄妙了得者自相策發無小
 爲緣妨於大事汝不見道寧可終身立法誰能
 一旦亡緣仁者要徑會禪麼各歸衣鉢下著
 僧問如何是一心三觀師云我尚不見有
 一心你喚什麼作三觀進云如何是三觀一

心法身還喫鉢也無師云鉢盂鑊子什麼人
 受持進云未會請師慈誨師云未會幾許法
 身師示衆云幸自可憐生苦死向人前討
 些子聲色屑吻作麼我且問你聲色兩字作
 麼生討得還會麼我道聲色如泡爲復爲你
 說破爲當爲你討聲色試商量看莫生容易
 志剛用心初一若了根源終非他物十五譬如圓鏡男
 未男現女來女彰乃至僧俗青黃山河萬物
 隨其色相一鏡傳輝不可是鏡有多般但能
 映物而露仁者還識得鏡未若不識鏡盡被
 男女青黃山河類等礙汝光明有什麼出氣
 處若識鏡去乃至青黃男女大地山河有想

無想四足多是胎卵情生天堂地獄咸於一
鏡中悉得其分割長短劫數若色若空並能
了之更非他物汝豈不聞諸法如義光陰箭
速莫謾悠悠大事曰緣決湏了取僧問如何
是大圓鏡師云一切物著不得進云爲什麼
一切物著不得師云汝是一切物還著得汝
否僧問如何是南泉不變句師云道什麼進
云如何領會師云道什麼僧問一塵之內大
千世界如何是一塵師云即汝是進云如何
是大千師云但識取一塵師復云說得千
般美食不如一頓鹿飡能奇能異省徑省心
還假如是疲勞馳求趨逸也無本自非有誰

強言無與麼道可誣虛空之心合虛空之理
只少箇承受底漢子變弄接續得去能有利
人之分也根劣之徒自益未圓焉能益彼著
些子骨氣乘些子丈夫作麼生門風如何圖
度湏作難遭之想可憐負荷之心歷歷明明
有什麼一錢事到汝意恨下與汝爲於彼此
生滅仁者如世良醫隨方與藥先識彼病然
後施方法法如斯心心若此湏要作箇無繩
自縛漢作麼莫立去師示衆云于湖一隻狗
上取人頭中取人心下取人足僧便問如何
是于湖一隻狗師乃吠三聲進云如何領覽
師云縱饒領覽也只箇吠聲僧問如何是祖

師西來意師云你道祖師西來有意麼進云
 既無意用西來作麼師乃云祖師西來也
 只箇冬寒夏熱夜暗日明只為你徒無意立
 意無事生事無內外強作內外無東西謾說
 東西所以奢摩不能明了以至根境不能自
 由僧問如何得不被諸境惑去師云你試點
 惑你境出看進云某甲不見師云你既不見
 惑境何來僧禮拜師云又見妄想去也師
 云心源朗朗無物莫疑直下承當不勞功用
 只少箇信之一字然實不易信莫非夙習之
 徒聞者便能承受若是螢學之輩將三寸脣
 舌惑亂於人后進初機把他古聖言談向意

根下測度直至頭白齒黃並無纖毫得力處
 仁者須打疊及時莫待臨終揮權佛法因緣
 浩浩快湏徹了無疑可中向這箇皮袋子內
 辨得者箇去坐却天下人咽喉性命盡被汝
 蓋覆乾坤盡被汝自由自在皎皎明白何勞
 汝上來下去仁者本性具足本自周備直教
 無纖塵法礙你眼光始得若有微塵底不盡
 不是一生半劫賺汝皮囊汝性命根境法中
 造諸妖怪山精鬼魅附汝行持得少為是鼓
 弄片皮於佛法却為毒害識禮塔廟毀彼持
 經師子身中虫自食師子身中肉仁者恰莫
 向心田中認些子妄想將為極則他上祖是

什麼榜樣下去莫立問未了根源請師提獎
師云還會麼僧云未會師云更問千則刀則
也無益僧問機不曉如何得心地無疑去師
云心地有多少疑僧云如何是心地師云多
少分明 師示衆云據仁者分上何得一生
一滅一斷一常與汝為於拘繫作其取舍是
非及諸顛倒汝還知道諸聖門風無結縛麼
只欲仁者承當還承當得麼可惜光陰莫令
孤負却仁者豈不見目前太虛還有纖毫欠
少麼若也於中體得者箇消息不妨出得
凡聖境界了得世間出世間之智一法既爾
万法亦然仁者還樂也無 僧問如何是佛

勿

十七

師云不重道僧云如何是法師云難什麼
師示衆云天上人間輪回六道乃至蠢動含
靈未曾於此一分真如中有些子相違處還
信麼還領受得麼大凡行脚也須具大信根
作箇丈夫始得何處得與麼難信他古人只
見道箇卽心是佛卽心是法便承信去隨處
茅茨石室長養聖胎只待道果成熟汝今何
不効他行取仁者可箇分明並無叅雜治生
產業與諸實相不相違背 僧問如何是千
聖不傳底事師云阿誰向你說進云與麼則
信受奉行去也師云信得及者即行之信不
及恰莫強為不是口頭說信便信得去如人

說食終不得飽縱然口頭說飽爭奈肚內飢
 何仁者直須飽去莫謾悠悠 僧問如何是
 古聖心師云汝是凡夫心僧云如何是信得
 師云信亦不由汝不信亦不由汝僧云信不
 信且置作麼生師云是你心 師云仁者還
 知子湖親切相為麼行時但行坐時但坐乃
 至喫茶喫餅種種施為有甚麼相隱顯仁者
 信取無別強為只是如今無疑作疑無事生
 事於自心源却生顛倒譬如百千澄清大海
 葉之為認些子浮漚目為全潮亦認些子螢
 光作於日焰還生慙恥麼諸聖得道得果教
 如恒沙汝今却作箇凡劣凡夫著恰莫因循

僧問如何是無礙底心師云恰是師云莫道
 千聖同風便當得本參事好且問仁者什麼
 處是千聖同你處行時坐時起時卧時試說
 看還有法處麼仁者大道無邊誰前誰後真
 空絕際是正是邪乃至眩目青黃作何形段
 到汝分上喚作百工居肆各逐營生多少分
 明何煩造作一切普備無法不彰了了現前
 還諦得麼 道卻問如何是人人具足底事
 師云汝豈不是道卻勝光因在子湖鑿地次
 勝光鑿斷一條蚯蚓問云某甲今日鑿斷一
 條蚯蚓兩頭俱動未審性命在那頭師提起
 鑿頭向蚯蚓左頭打一下右頭打一下中心

空處打一下擲却饅頭便歸 子湖又饅地
次亞饅頭回視勝光云事即不無擬心即差
勝光便問如何是事被師攔臂踏倒從此省
悟 師別時有頌 從來事非物方便名爲
佛中下競是非上流始知屈 臨行示頌三
首 我聞過去佛縱橫盡丈夫示汝真歸處

千江月影孤 觀音與文殊示我常飛動吾
今已歸真觸處皆無用 佛性本來無阻障
衆生不識難歸向若見如來成佛時莫向世
間求取相 僧問招慶云勝光被子湖一踏
意作麼生招慶云古人叅玄不消一踏 師
於門前下滂云子湖一隻狗上取人頭中取

人心下取人足往來好看臨濟下有二僧聞
得遂遠來尋訪纔到果見其勝遂入門以手
搗籬欲起未起被師喝云看脚下犬僧近前
禮拜便問承師有言子湖有一隻狗上取人
頭中取人心下取人足如何是子湖狗師云
嗚嗚僧無語師便歸方丈後章州羅漢展和
尚聞舉云者箇是喫屎狗僧便問如何是子
湖狗展云擎喋却僧擬議展云早被人咬殺
了也明招和尚在羅山開舉逐云泊鱸數緇
草鞋我本欲遊章南如今不用去也休休僧
便問如何是子湖狗招以手按膝放身近前
云噓噓子湖山下有陶家爲無子夫妻每日

勿

九本

焚香發願求一男子師遂往其家乞竹先問
 是汝夫妻每日起心發願擬作箇什事云切
 緣家內無于願求一男師云我就汝乞一種
 物還得否云和尚要甚物但乞指揮師云不
 要別物欲乞一擔竹與汝一箇男子其家忻
 喜云此是小事一任斫去師斫大竹近一千
 竿陶公云和尚只討一擔何斫許多師云只
 此一擔尚未足在遂將大竹長者捻數竿破
 相接作一束將歸其家當夜感夢生得男子
 因此遂号神力子湖禪師諱利蹤澶州周
 氏子一日於半夜時在後架叫云賊賊衆皆
 驚起有一僧被師捉住云捉得也捉得也僧

云不是某甲師云是即是只是你不肯承當

古尊宿語錄卷第十三



勿一

古尊宿語錄卷第十四

勿二

趙州論禪師來南泉上堂師問明頭合暗頭
合泉便歸方丈師便下堂云道老和尚被我
一問直得無言可對首座云莫道和尚無語
自是上座不會師便打又云這捧合是堂頭

老漢喫師在南泉井樓上打水次見南泉過
便抱拄懸却脚云相救相救南泉上糊梯云
三三四五師少時間却去禮謝云適來謝和
尚相救南泉東西兩堂爭猫兒泉來堂內提
起猫兒云道得即不斬道不得即斬却大泉
下語皆不契泉意當時即斬却猫兒了至晚

永樂北藏

古尊宿語錄

問師從外歸來問訊次泉舉前話了云你作
麼生救得猫兒師遂將一隻鞋戴在頭上出
去泉云子若在救得猫兒師問南泉異即不
問如何是類泉以两手托地師便踏倒却歸
涅槃堂內叫悔悔泉聞乃令人去問悔箇什
麼師云悔不利兩脚踏南泉從浴室裏過見
浴頭燒火問云作什麼云燒浴泉云記取來
喚水牯牛浴浴頭應喏至晚間浴頭入方丈
泉問作什麼云請水牯牛去浴泉云將得繩
索來不浴頭無對師來問訊泉舉似師師
云某甲有語泉便云還將得繩索來麼師便
近前壽鼻便拽泉云是即是太麤生師問南

第一九七册

泉離四句絕百非外請師道泉便歸方丈師云這老和尚每常口吧吧地及其問着一言不措侍者云莫道和尚無語好師便打一掌南泉便掩却方丈門便把灰圍却問僧云道得即開門多有人下語並不契泉意師云蒼天蒼天泉便開門師問南泉云心不是佛智不是道還有過也無泉云有師云過在什麼處請師道泉遂舉師便出去 上堂謂眾曰此事的的沒量大人出這裏不得老僧到馮山僧問如何是祖師西來意馮山云與我將床子來若是宗師須以本分事接人始得時有僧問如何是祖師西來意師云庭前栢

樹子學云和尚莫將境示人師云我不將境示人云如何是祖師西來意師云庭前栢樹子師又云老僧九十年前見馬祖大師下八十餘負善知識箇箇俱是作家不似如今知識枝蔓上生枝蔓大都是去聖遙遠一代不如一代只如南泉尋常道須向異類中行且作麼生會如今黃口小兒向十字街頭說舊藤博飯噎覓禮拜聚三五百眾云我是善知識你是學人僧問如何是清淨伽藍師云了角女子如何是伽藍中人師云了角女子有孕問承聞和尚親見南泉是否師云鎮州出大蘿蔔頭問和尚生緣什麼處師以手指云

西邊更向西問法無別法如何是法師云外
空內空內外空間如何是佛真法身師云更
嫌什麼問如何是心地法門師云古今榜樣
問如何是賓中生師云山僧不問婦如何主
中賓師云老僧無丈人問如何是一切法常
住師云老僧不諱祖其僧再問師云今日不
答話 上堂云兄弟莫久立有事商量無
事向衣鉢下坐窮理好老僧行脚時除二時
齋粥是襟用心力處餘外更無別用心處也
若不如如此出家大遠在問万物中何物最堅
師云相罵饒你接背相唾饒你潑水問曉夜
不停時如何師云僧中無與麼兩稅百姓問

如何是一句云若守着一句老却你師又云
若一生不離叢林不語十年五載無人喚你
你啞漢已後佛也不奈你何你若不信截取
老僧頭去 上堂云兄弟你正在第三寃
裏所以道但改舊時行履處莫改舊時人共
你各自家出家比來無事更問禪問道三十
二十人聚頭來問恰似欠伊禪道相似你喚
作善知識我是同受拷老僧不是戲好恐帶
累他古人所以東道西說問十二時中如何
用心師云你被十二時使老僧使得十二時
你問那箇時問如何是趙州主人公師咄云
這籬桶漢學人應喏師云如法籬桶看問如

勿二

三

何是學人本分事師云樹搖鳥散魚驚水渾
問如何是少神底人師云老僧不如你學云
不占勝師云你因什麼少神問至道無難唯
嫌揀擇是時人窠窟師云曾有問我直得五
年分疎不得有官人問丹霞燒木佛院主為
什麼眉鬚墮落師云官人宅中變生作熟是
什麼人云所使師云却是他好手問毘目仙
人執善財手見微塵佛時如何師遂執僧手
云你見箇什麼有尺問如何是沙門行師云
莫生兒尼云和尚勿交涉師云我若共你打
交涉堪作什麼問如何是趙州主人公師云
日羶奴問如何是王索仙陀婆師云你道老

僧要箇什麼問如何是玄中玄師云說什麼
玄中玄七中七八中八問如何是仙陀婆師
云靜處薩婆訶問如何是法非法師云東西
南北學云如何會去師云上下四維問如何
是玄中玄師云這僧若在合年七十四五問
王索仙陀婆時如何師驚起打躬叉手問如
何是道師云不敢不敢問如何是法師云勅
勅攝攝問趙州去鎮府多少師云三百學云
鎮府來趙州多少師云不隔問如何是學人
自己師云還見庭前栢樹子麼 上堂云
若是久叅底人莫非真實莫非亘古亘今若
是新入衆底也須究理始得莫趣者遠三百

五百一千傍邊二衆叢林稱道好箇住持泊
乎道著佛法恰似炊砂作飯相似無可施為
無可下口却言他非我是面赫赤地良由世
間出非法語真實欲明者意莫辜負老僧問
在塵為諸聖說法認屬披搭未審和尚如何
示人師云什麼處見老僧學云請和尚說師
云一堂師僧摠不會這僧語話別有一僧問
請和尚說師云你說我聽問真化無跡無師
弟子時如何師云誰教你來問學云更不是
別人師便打之問此事如何辨師云我恠你
學云如何辨得師云我恠你不辨學云還保
任否師云保任不保任自看問如何是無知

鮮底人師云說什麼事問佛法久遠如何用
心師云你見前漢後漢把攬天下臨終時半
錢也無分問時人以珍寶為貴沙門以何為
貴云急合取口云合口還得也無師云口若
不合爭能辨得問如何得不被諸境惑師垂
一足僧便出鞋師收起足僧無語有俗官問
佛在日一切衆生皈依佛滅度後一切衆
生皈依什麼處師云未有衆生學云現問叻
師云更覓什麼佛問還有不報四恩三有者
無師云有學云如何是師云這殺父漢筭你
只少此一問問如何是和尚意師云無施設
處上堂云兄弟但改往修來若不改大

有着你處在老僧在此間三十餘年未曾有
 一箇禪師到此間設有來一宿一食急走過
 且趁軟煖處去也問忽遇禪師到來向伊道
 什麼師云千鈞之弩不為鼯鼠而發機師云
 兄弟若從南方來者即与下載若從北方來
 即為裝載所以近上人問道即失道近下人

問道者即得道兄弟正人說邪法和法亦隨
 正邪人說正法正法亦隨邪諸方難見易識
 我者裏易見難識問善惡惑不得底人還獨
 脫也無云不獨脫云為什麼不獨脫云正在
 善惡裏厓問離却上來說處請和尚指示師
 咄云爛破鉄瓶屋將鉄瓶添水來請和尚答

詰師咲之問世界變為黑穴未審此箇落在何
 路云不占云不占是什麼人師云田庫奴問
 無言無意始稱得句既是無言喚什麼作句
 師云高而不危滿而不溢學云即本和尚是
 滿是溢師云爭奈你問我問如何是靈者師
 云淨地上屑一堆屎學云請和尚的旨師云
 莫惱亂老僧問法身無為不墮諸教還許道
 也無師云作麼生道學云与麼即不道也師
 笑之問如何是佛如何是衆生師云衆生即
 是佛佛即是衆生學云未審兩箇那箇是衆
 生師云問問大造無相如何接唱師云休便
 又作麼生師云既是無根什麼處繫縛你問

正修行底人莫被鬼神測得也無師云測得云過在什麼處師云過在覓處云烏麼即不修行也師云修行問孤月當空光從何生師云月從何生問承和尚有言道不屬修但豈染污如何是不染汚師云檢校內外云還自檢校也無師云檢校云自己有什麼過自檢校師云你有什么事示衆云老僧此間即以本分事接人若教老僧隨伊根機接人自有三乘十二分教接他了也若是不會是誰過歎已後遇著作家漢也道老僧不辜他但有人問以本分事接人問從上至今即心是佛不即心還許學人商量也無師云即心

且置商量箇什麼問古鏡不磨還照也無師云前生是因今生是果問三刀未落時如何師云森森地云落後如何云迥迥地問如何是出三界底人師云籠罩不得問牛頭未見四祖百鳥銜花供養見後為什麼百鳥不銜花供養師云應世不應世問白雲自在時如何師云爭似春風處處閑問如何是露地白牛師云月下不用色云食噉何物師云古今嚼不著云請師答話師云老僧答與麼師示衆云擬心即差僧便問不擬心時如何師打三下云莫是老僧辜負閑梨麼問凡有問答落在意根不落實根師如何對師云問學

云便請師道師云莫向者裏是非問龍女親
獻佛未審將什麼獻師以兩手作獻勢

示衆云此間佛法道難即易道易即難別處
難見易識者僧者裏即易見難識若能會得
天下橫行忽有人問什麼處來若向伊道從
趙州來又謗趙州若道不從趙州來又埋沒

自己諸人且什麼生對他僧問觸目是謗和
尚如何得不謗去師云若道不謗早是謗了
也問如何是正修行路師云解修行即得若
不解修行即差差落他因果裏又云我教你
道若有問時但向伊道趙州來忽問趙州說
什麼法但向伊道寒即言寒熱即言熱若更

問道不問者箇事但云問什麼事若再問趙
州說什麼法便向伊道和尚來時不交傳語
上座若要知道趙州事但自去問取問不顧前
後時如何師云不顧前後且置你問阿誰○
示衆云迦葉傳與阿難且道達磨傳與什麼
人問且如二祖得髓又作麼生師云莫謗二

祖師又云達磨也有語在外者得皮在裏者
得骨且道更在裏者得什麼問如何是得髓
底道理師云但識取皮老僧者裏髓也不立
云如何是髓師云與麼皮也摸未著問與麼
堂堂豈不是和尚正位師云還知有不肯者
麼學云與麼即別有位師云誰是別者學云

誰是不別者師云一任叫問上上人一撥便轉下下人來時如何師云汝是上上下下云請和尚答話師云話未有主在云某甲七千里來莫作心行師云據你者一問心行莫不得麼此僧一宿便去問不紹傍來者如何師云誰學云惠延師云問什麼學云不紹傍來者師以手撫之問如何是衲衣下事師云莫自瞞問真如凡聖皆是夢言如何是真言師云更不道者兩箇學云兩箇且置如何是直言師云噯啞啞問如何是趙州師云東門西門南門北門問如何是定師云不定學云爲什麼不定師云活物活物問不隨諸有時

如何云合與麼學云莫便是學人本分事師云隨也隨也問古人三十年一張弓兩下箭只射得半箇聖人今日請師全射師便起去○師示衆云至道無難唯嫌揀擇才有言語是揀擇是明白不在明白裏是你還護惜也無老僧却問和尚既不在明白裏又護什麼處惜箇什麼處師云我亦不知學云和尚既不知爲什麼道不在明白裏師云問事即得禮拜退了示衆云法本不生今則無滅更不要道才語是生不語是滅諸人且作麼生是不生不滅底道理問早是不生不滅麼師云者漢只認得箇死語問至道無難唯嫌揀擇才有言語

是揀擇和尚如何示人師云何不盡引古人語學云某甲只道得到這裏師云只這至道無難唯嫌揀擇 上堂云看經也在生死裏不看經也在生死裏諸人且作麼生出得去僧便問只如俱不留時如何師云實即得若不實爭能出得生死問利劔鋒頭快時如何師云老僧是利劍快在什麼處問大難到來如何迴避師云恰好 上堂良久大衆揔來也未對云揔來也師云更待一人來即說話僧云候無人來即說似和尚師云大難得人 示衆云心生即種種法生心滅即種種法滅你諸人作麼生僧乃問只如不生

不滅時如何師云我許你者一周師因叅次未明又未明道昏欲曉你在阿那頭僧云不在兩頭師云與麼即在中間也云若在中間即在兩頭師云這僧多少時在老僧者裏作與麼語話不出得三句裏然直饒出得也在三句裏你作麼生僧云某甲使得三句師云何不早與麼道問如何是通方師云離却金剛禪 示衆云衲僧家直須坐斷報化佛頭始得問坐斷報化佛頭是什麼人師云非你境界 示衆云大道只在目前要且難覩僧乃問目前有何形段令學人覩師云任你江南江北學云和尚豈無方便為人師云

適來問什麼問入法界來還知有也無師云
誰入法界學云為麼即入法界不知去也
師云不是寒灰死木花錦成現百種有學云
莫是入法界處用也無師云有什麼交涉問
若是實際地什麼處得來師云更請閉梨
宜一遍問万境俱起還有惑不得者也無師
云有學云如何是惑不得者云你還信有佛
法否學云信有佛法古人道了如何是惑不
得者云為甚不問老僧學云問了也師云惑
也問未審古人尚令人還相近也無師云相
近即相近不同一躰學云為什麼不同師云
法身不說法學云法身不說法和尚為人也

無師云我向惠裏吞話學云爭道法身不說
法師云我向惠裏救你何爺他終不出頭問
學人道不相見時還回牙也無師云測得迴
牙學云測他不得迴牙箇什麼師云不與麼
是你自己學云和尚還受測也無師云人即
轉近道即轉遠也學云和尚為什麼自隱去
師云我今見共你語話學云爭道不轉師云
合與麼著 示衆云教化得底人是今生
事教化不得底人是第三生冤若不教化恐
墮却一切衆生教化亦是冤是你還教化也
無僧云教化師云一切衆生還見你也無學
云不見師云為什麼不見學云無相師云即

今還見老僧否學云和尚不是衆生師云自知罪過即得示衆云龍女心親獻盡是自然事問既是自然獻時為什麼師云若不獻爭知自然
示衆云八百个作佛漢覓一箇道人難得問只如無佛無人處還有修行也無師云除却者兩箇有百千萬億學云道人來時在什麼處師云你向處即不修行也其僧禮拜師云大有處著你在問白雲不落時如何云老僧不會上象學云豈無賓主師云老僧是主闍梨是賓白雲在什麼處問大巧若拙時如何師云喪却棟梁材示衆云佛之一字吾不喜聞問和尚還為人也無

師云為人學云如何為人師云不識玄旨徒勞念靜學云既是玄作麼生是旨師云我不把本學云者箇是玄如何是旨師云答你是旨示衆云各自有禪各自有道忽有人問你作麼生是禪是道作麼生祇對他僧乃問既各有禪道從上至今語話為什麼師云
為你遊竟學云未審如何為人師乃退身不語
示僧云不得開過念佛念法僧乃問如何是學人自己念師云念者是誰學云無伴師叱者驢上堂示衆云若是第一句與祖佛為師第二句與人天為師第三句自救無療有僧問如何是第一句師云與祖佛為師

師又云大好便頭起學人再問師云又却人天去也
 示衆云是他不是不將來老僧不是不抵對僧云和尚將什麼祇對師長吁一聲云和尚將這個祇對莫辜負學人也無師云你適來肯我我即辜負你若不肯我我即不辜負你
 示衆云老僧今夜吞活去

也解問者出來有僧才出禮拜師云比來拋磚引玉只得个墜子問狗子還有佛性也無師云無學云上至諸佛下至螻子皆有佛性狗子為什麼無師云為伊有業識性在問如何是法身師云應身云學人不問應身師云你但管應身問胡月當空時如何云開梨名

什麼學云某甲師云朗月當空在什麼處問正當二八時如何師云東東西西學云如何是東東西西師云覓不着問學人全不會時如何師云我更不會云和尚還知有也無師云我不是木頭作麼不知去大好不會師拍掌笑之問如何是道人師云我向道是佛人

問凡有言句舉手動足盡落在學人網中離此外請師道師云老僧齋了未喫茶馬大夫問和尚還修行也無師云老僧若修行即禍事云和尚既不修行教什麼人修行師云大夫是修行底人云某甲何名修行師云若不修行爭得摸在人王位中饒得來赤凍紅地

無有辭出期大夫乃下淚拜謝示衆云聞梨不是不將來老僧不是不板對又云聞梨莫擎拳合掌老僧不將律床拂子對問思憶不及處如何師云過者遠來云過者遠來即是及處如何是思不及處師豎起手云你喚作什麼云喚作手和尚喚作什麼師云百種名字我亦道云不及和尚百種名字且喚什麼師云未處即你思憶不及處僧禮拜師云教你思憶得及者云如何是師云釋迦教祖師教是你師云祖未佛古人道了也如何是思憶不及處師舉指云喚作什麼僧良久師云何不當頭道著更疑什麼問如何是和尚家

風云老僧耳背高聲問僧再問師云你問我家風我却識你家風問万境俱起時如何師云万境俱起云一問一答是起如何是不起師云禪床是不起底僧才禮拜次師云記得問答云記得師云試舉看僧擬舉師問如何是日前佛師殿裏底云者個是相克佛如何是佛師云即心是云即心猶是限量如何是佛師云無心是學云有心無心還許學人揀也無師云有心無心惣被你揀了也更教老僧道什麼即得問遠遠投師未審家風如何師云不說似人學云為什麼不說似人師云是我家風學云和尚既不說似人爭奈四

海來技師你是海我不是海學云未審海內
事如何云老僧釣得一箇問祖佛近不得底
是什麼人師云不是祖佛學云爭奈近不得
何師云向你道不是祖佛不是衆生不是物
得麼學云是什麼師云若有名字即是祖佛
衆生也學云不可只烏麼去也師云卒未去
你去在問如何是平常心師云狐狼野干是
問作何方便即得聞於未聞師云未聞且致
你曾聞箇什麼來問承教有言隨色摩尼珠
如何是本色師召僧名僧應喏師云過者邊
來僧便過又問如何是本色師云且隨色去
問平常心底人還受教化也無師云我不墮

他門戶學云烏麼則莫沉却那邊人麼師云
大好平常心問如何是學臥任底物師盡未
來際揀不出問如何是大修行底人云寺裏
網維是問學人才到惹不知門戶頭事如何
師云上座名什麼學云惠南師云大好不知
問學人欲學又誇於和尚如何得不謗去師
云你名什麼學云道皎師云靜處去者米用
子問如何是和尚大意師云無大無小學云
莫便是和尚大意麼師云若有纖毫万劫不
如問万法本闕而人自闕是什麼人語師云
出來便死問不是佛不是物不是衆生這箇
是斷語如何是不斷語師云天上天下唯我

獨尊問佛祖在日佛祖相傳佛祖滅後什麼人傳師云古今惣是老僧分上學云未審傳箇什麼師云箇箇惣屬生死云不可埋沒却祖師也師云傳箇什麼問凡聖俱盡時如何師云頭你作大德老僧是障佛祖漢問遠聞趙州到來為什麼不見師云老僧罪過問朗

勿二

十三

月當空未審室中事如何師云老僧自出家不會作活計學云與麼和尚不為今時也師云自疾不能救焉能救諸疾學云爭奈學人無依何師云依即踏著地不依即一任東西問在心心不測時如何師云測阿誰學云測自己師云無兩箇問不見遠表時如何師

指淨瓶云是什麼學云淨瓶師云大好不見遠表問如何是歸根師云投即老問不離言句如何得獨脫師云離言句是獨脫學云適來無人教某甲來師云因什麼到此學云和尚何不揀出師云我早箇揀了也問非心不即智請和尚一句師云老僧落你後問如何是畢竟師云畢竟學云那箇畢竟是師云老僧是畢竟你不解問者話學云不是不問師云畢竟在什麼處問不挂寸絲時如何師云不挂什麼學云不挂寸絲云大好不挂寸絲問如救頭然底人如何云便學學云什麼處云莫占他位次問空劫中阿誰為主云老僧

在裏許也學云說什麼法云說你問底問承
古有言虛明自照如何是自照云不稱他照
學云照不著處如何云你話墮也問如是的
師云一念未起時問如何是法王師云州裏大
王是云和尚不是師云你擬造返去都來一
箇王不認問如何是佛心師云你是心我是
佛奉不奉自看學云師即不無還奉得也無
師云你教化我看問三身中那箇是本來身
師云闕一不可問未審此土誰為祖師師云
達磨來這邊想是學云和尚是第幾祖師云
我不落位次學云在什麼處云在你耳裏問
不棄本不還末如何是正道云大好出家兒

學云學人從來不曾出家云歸依佛歸依法
學云未審有家可出也無云直須出家學云
向甚處安排他云直向家裏坐問明眼人見
一切還見色也無云打却著學云如何打得
云莫用力學云不用力如何打得云若用力
即乖問祖佛大意合為什麼人云只為今時
學云爭奈不得何云誰之過學云如何承當
云如今無人承當得學云向麼即無依倚也師
云又不可無却老僧問了事底人如何云正
大備行學云未審和尚還備行也無云著衣
喫飯學云著衣喫飯尋常事未審備行也無
云你且道我每日作什麼問毫釐有差時如

何云天地懸騰云毫釐無差時如何云天地
 懸隔問如何是不睡底眼云凡眼肉眼又云
 雖未得天眼肉眼力如是學云如何是睡底
 眼云佛眼法眼是睡底眼問大庾嶺頭趁得
 及為什麼提不起師拈起衲衣云你甚處得
 者箇來學不問者箇師云与麼即提不起問
 不合不散如何辨師云你有一箇我有一箇
 云者箇是合如何是散師云你便各問如何
 是不錯路師云識心見性是不錯路問明珠
 在掌還照也無師云照即不無喚什麼作珠
 問靈苗無根時如何師云你從什麼處來云
 太原來師云大好無根問學人豈作佛時如

何師云大熱費力生云不費力時如何師云
 与麼即作佛去也問學人昏鈍在一浮沉如
 何得出師只據坐云某甲實問和尚師云你
 甚處作一浮一沉問不在几不在聖如何免
 得兩頭路師云去却兩頭來答你僧不審師
 云不審從什麼處起在者裏後老僧起在市
 裏時從什麼處起云和尚為什麼不定師云
 我教你何不道今日好風問如何是大闍提
 底人師云老僧答你還信否云和尚重言那
 敢不信師云覓箇闍提人難得問大無慚愧
 底人什麼處着得師云此間着不得云忽然
 出頭爭向師云持取去問用處不現時如何

師云用即不無現是誰問不指一法如何是和尚法師云老僧不說菴山法云既不說菴山法如何是和尚法師云向你道不說菴山法云莫者箇便是也無師云老僧未曾將者箇示人問如何是目前獨脫一路師云無二亦無三云目前有路還許學人進前也無師云與麼即千里萬里問如何是毘盧向上事師云老僧在你脚底云和尚為什麼在學人脚底師云你元來不知有向上事問如何是合頭師云是你不合頭云如何是不合頭師云前句辯取問如何和尚的的意師云止止不須說我法妙難思問澄澄絕點時如何師

云墮坑落壑云有什麼過師云你屈着与麼人問未審出家誓求無上菩提時如何師云未出家被菩提使既出家使得菩提有秀才見師手中拄杖乃云佛不奪衆生頭是否師云是秀才云某甲就和尚乞取手中拄杖得否師云君子不奪人所好秀才云某甲不是君子師云老僧亦不是佛師因出外見婆子拈田云忽遇猛虎作麼生婆云無一法可當情師云除漢子云除師云猶有者箇在有秀才辭去云某甲在此括撓和尚多時無可報答和尚待他日作一頭驢來報答和尚師云教老僧爭得鞍師到道吾處熟入僧堂吾云

南泉一隻箭來師云看箭吾云過也師云中
 也問百骸俱潰散一物鎮長靈時如何師云
 今朝又風起問三乘十二分教即不問如何
 是祖師西來意師云水牯牛生兒也好看取
 云未審此意如何師云我亦不知問万國來
 朝時如何師云逢人不得喚問十二時中如
 何淘汰師云奈河水濁西水流急云還得見
 文殊也無師云者矇瞳漠什麼處去未問如
 何是道場師云你從道場來你從道場去脫
 躰是道場何處更不是問萌芽未發時如何
 師云熟着即腦裂云不熟時如何師云無者
 閑工夫問如何數量師云一二三四五云數

勿二

十六

量不拘底事如何師云一二三四五問什麼
 世界即無晝夜師云即今是晝是夜云不問
 即今師云爭奈老僧何問迦葉上行衣不踏
 曹溪路什麼人得披師云虚空不出世道人
 都不知問如何是混而不雜師云老僧菜食
 長齋云還得超然也無師云破齋也問如何
 是古人之言云辨諦聽諦聽問如何是學人本
 分事師云与麼嫌什麼問如何是出家見師
 云不朝天子父母返拜問覲面事如何師云
 你是覲面漢

古尊宿語錄卷第十四

十六末

勿二

古尊宿語錄卷第十五

勿三

趙州論禪師語錄

師上堂云金佛不度爐木佛不度火泥佛不度水真佛內裏坐菩提涅槃真如佛性盡是貼躰衣服亦名煩惱不問即無煩惱實際理

勿三

地什麼處著一心不生方法無咎但究理而坐二三十年若不會截取老僧頭去夢幻空花徒勞把捉心若不異方法亦然既不從外得更拘什麼如羊相似更乱捨物安口中作麼老僧見藥山和尚道有人問着但教合取狗口老僧亦道合取狗口取我是垢不取我

是淨一似獵狗相似專欲得物莫佛法向什麼處著一千人萬人盡是覓佛漢子覓一箇道人無若兩空王為弟子莫教心病最難醫未有世界早有此性世界壞時此性不壞從一見老僧後更不是別人只是箇主人公者箇更向外覓作麼兩麼時莫轉頭換面即夫却問如何是佛向上人師云只者牽耕牛底是問如何是急師云老僧兩麼道你作麼生云不會師云向你道急急著靴水上立走馬到長安靴頭猶未濕問四山相逼時如何師云無路是趙州問古殿無王時如何師云嗽一聲云兩麼即且啓陛下師云賊身已露

問和尚年多少師云一串數珠數不盡問和尚承嗣什麼人師云從諗問外方忽有人問趙州說什麼法如何柅對師云蓋賣米賤問如何是佛云你是佛麼問如何是出家師云爭得見老僧問佛祖不斷處如何師云無漏問本源請師指示師云本源無病云了盡如何師云了人知云與麼時如何師云與我安名字著問純一無雜時如何師云大煞好

一問問無為寂靜底人莫落在沈空也無師云落在沈空云究竟如何師云作驢作馬問如何是祖師西來意師云床脚是云莫便是也無師云是即脫取去問澄澄絕點時如何

師云老僧者裏不著客作漢問鳳飛不到時如何師云起自何來問實際理地不受一塵時如何師云一切惣在裏許問如何是一句師應喏僧再問師云我不惠擊問初生孩子還具六識也無師云急流水上打毬子問頭到來時如何師云猶較老僧百步問如何

定和尚家風師云老僧自小出家抖擻破活計問請和尚離四句道師云老僧常在裏許問扁鵲醫王為什麼有病師云扁鵲醫王不離床枕又云一滴甘露普潤大千問如何是露地白牛師云者畜生問如何是大人相師側目視之僧猶是隔階趁附在師云老僧無

工夫趁得者閑漢問緣有心念落在人天直無心念落在眷屬時如何師云非但老僧作家亦答你不得問凡有施為盡落糟粕請師不施為答師叱尼云將水來添鼎子沸問如何是般若波羅密師云摩訶般若波羅密問如何是咬人師子師云故依佛故依法故依僧莫咬老僧問離却言句請師道師咳嗽問如何得不謗古人不負恩去師云闍梨作麼生問如何是一句師云道什麼問如何是一句師云兩句問唯佛一人是善知識如何師云魔語問如何是善提師云者箇是闍提問如何是大人相師云好箇鬼孫問寒森無依

時如何師云老僧在你背後問如何是伽藍師云別更有什麼云如何是伽藍中人師云老僧為闍梨問二龍爭珠誰是得者師云老僧只管看問如何是離日果底人師云不因闍梨問老僧實不知問衆盲摸象各說異端如何是真象師云無假自是不知問如何是三第一句師咳嗽云莫便是否師云老僧咳嗽也不得問大海還納衆流也無師云大海道不知云因什麼不知師云終不道我納衆流問如何是毘盧師師云毘盧毘盧問諸佛還有師也無師云有云如何是諸佛師師云阿彌陀佛阿彌陀佛問如何是學人師師云雲

有出山勢水無投澗聲云不問者箇師云是你師不認問諸方盡向口裏道和尚如何示人師脚跟打火爐示之云莫便是也無師云恰認得老僧脚跟問不行大道時如何師云者販私鹽漢云却行大道時如何師云還我公驗來問如是本來身師自從識得老僧後只這漢更不別云為麼即為和尚隔生去也師云非但今生千生萬生亦不識老僧問如何是祖師西來意師云東壁上挂葫蘆多少時也問方圓不就時如何師云不方不圓云為麼時如何師云是方是圓問道人相見時如何師云呈漆器問諦為什麼觀不得師云

諦即不無觀即不得云畢竟如何師云失諦問行又不到問文不到時如何師云到以不到道人看如涕唾云其中事如何師唾地問如何是祖師西來意師云如你不喚作祖師意猶未在本來底如何師云四目相覩更無第二主宰問不具形儀還會也無師云即今還會麼問如何是大無慚愧底人師云皆具不可思議問學人擬向南方學此子佛法去如何師云你去南方見有佛處急走過無佛處不得住云為麼即學人無依也師云柳絮林絮問如何是急切處師云一問一答問不籍三寸還假令時也無師云我隨你道你

作麼生會問如何是和尚家風師云空在宇宙
人無數云請和尚不吞話師老僧合為麼問
二龍爭珠誰是得者師云失者無虧得者無
用問如何是大人相師云是什麼有俗士獻
袈裟問披為麼衣服莫辜負古人也無師拋
下拂子云是古是今問如何是沙門行師云
勿三
展手不展脚問牛頭未見四祖時如何師云
飽柴飽水云見後如何師云飽柴飽水問如
何是學人自己師云喫粥了也未云喫粥也
師云洗鉢盂去問如何是毘盧師師云白駝
來也未云來也師云牽去餵草問如何是無
師智師云老僧不曾教闍梨問如何是親切

一句師云話墮也問不借口還許商量也無
師云正是時云便請師商量師云老僧不曾
出問二祖斷臂當為何事師云粉骨碎身云
供養什麼人師云來者供養問無邊身菩薩
為什麼不見如來頂相師云你是闍梨問豈
是日光夜是火光如何是神光師云日光火
光問如何是恰問處師云錯云如何是問處
師云向前一白裏辯取問如何是大人相師
以手摸面又手斂容問如何是無為師云者
個是有為問如何是祖師西來意師云欄中
失却牛問學人遠來請和尚指示師云才入
門便好蕎面唾問如何是直截一路師云准

南缸子到也未云學人不曾師云且喜到來
 問栢樹子還有佛性也無師云有去幾時成
 佛師云待虛空落地云虛空幾時落地師云
 待栢樹子成佛問如何是西來意師因什麼
 向院裏罵老僧云學人有何過師云老僧不
 能就院裏罵得聞梨問如何是西來意云板

初三

五

齒生毛問貧子來將什麼過而師云不貧云
 爭奈覓和尚何師云只是守貧問無邊身苦
 薩為什麼不見如來頂相師云如隔羅敷問
 諸天甘露什麼人得喚師云謝你將來問超
 過乾坤底人如何師云待有而度人即乘來
 問如何是伽藍師云三門佛殿問如何是不

生不滅師云本自不生今亦無滅問如何是
 趙州主師云大王是問急切處請師道師尿
 是小事須是老僧自去始得問如何是丈六
 金身師云腋下打領云學人不曾師云不會
 請人裁問學人有疑時如何師云大宜小宜
 學人大疑師云大宜東北角小宜僧堂後問
 如何是佛向上人師下岸床上下觀瞻相云
 者漢如許長大截作三椽也得問什麼向上
 向下厝問如何是密密意師以手恰之云和
 尚猶有者個在師云是你有者個 師示衆
 云老僧三十年前在南方火爐頭有個無宿
 主話直至如今無人舉着問和尚受大王如

是供養將什麼報答師云念佛云貧子也解
念佛師云喚侍者將一錢向伊問如何是和
尚家風師云屏風雖破骨格猶存問如何是
不遷之義師云你道者野鴨子飛往東去西
去問如何是西來意師云什麼處得者消息
來問如何是臺中人師云布袍茶盞錢米問
大耳三藏第三度覓國師不見未審國師在
什麼處師云在三藏鼻孔裏問盲龜值浮木
孔時如何師云不是偶然事問久居崑谷時如
何師云何不隱去問如何是佛法大意師云
禮拜著僧擬進話次師喚沙彌文遠文遠到
師叱云適來去什麼處來問如何是自家本

意師云老僧不用牛刀問和尚姓什麼師云
常州有云甲子多少師云蘇州有 上堂
云才有是非紛然失心還有答話分也無有
僧出撫侍者一下云何不祇對和尚師便歸
方丈後侍者請益適來僧是會不會師云坐
底見立底立底見坐底問如何是道師云塙
外底云不問者個師云問什麼道云大道師
云大道通長安問撥塵見佛時如何師云撥
塵即不無見佛即不得問如何是無疾之身
師云四大五陰問如何是闍提師云何不問
菩提云如何是菩提師云只者便是闍提師
有時屈指云老僧喚你拳你諸人喚作什麼

僧云和尚何得將境示人師云我不將境示人若將境示閻梨即埋沒閻梨去也云爭奈者個何師便珍重問一問一答揔落天魔外道設使無言又犯他匡綱如何是趙州家風師云你不解問云請和尚答話師云若據你合喫二十棒師示眾云才有是非紛然失心還有答話分也無有僧出將沙彌打一堂便出去師便歸方丈至來日問侍者昨日者師僧在什麼處侍者云當時便去也師云三十年弄馬騎被驢子撲鎮府大王問師尊年有幾箇齒在師云只有一箇牙大王云爭喫得物師云雖然一箇下下咬著問如何是學

人珠師云高聲問僧禮拜師云不解問何才道高下即不問如何是學人珠何不與麼問僧便再問師云洎合放過者漢問二邊窳窳師如何開揚師云今年無風波問大衆雲集合談何事師云今日拽木頭豎僧堂云莫只者箇便是接學人也無師云老僧不解雙陸加三不解長行問如何是真實人七林師云春夏秋冬云與麼即學人難會師云你問我真實人林問如何是佛法大意師云你名什麼云某甲師云舍元錢裏金谷園中問如何是七佛師師云要眠即眠要起即起問道非物外物外非道如何是物外道師便打云和尚莫打

某甲已後錯打人去在師云龍地易辨衲子
難誦師見大王入院不起以手自拍膝云會
麼大王云不會師云自小出家今已老見人
無力下禪床問如何是忠言師云你娘醜陋
問從上至今不忘底人如何師云不可得聲
心常思念十方一切佛問如何是忠言師云
喫鉢捧問如何是佛向上事師便撫掌大笑
問一燈燃百千燈一燈未審從什麼處發師
便超出一隻履又云作家即不與麼問問歸
根得旨隨照失宗時如何師云老僧不答者
話云請和尚答話師云合與麼問如何是不
思處師云快道快道問非思量處如何師云

連道連道問如何是衣中寶師云者一問媼
什麼云者箇是問如何是寶師云與麼即衣
也失却問万里無店時如何師云禪院裏宿
問狗子還有佛性也無師云家家門前通長
安問觀面相呈還盡大意也無師云低口云
收不得處如何師云向你道低口問如何是
目前一句師云老僧不如你問出來底是什
麼人師云佛菩薩問靈草未生時如何聖觀
著即腦裂云不觀時如何師云如同立死漠
云還許學人和合否師云人來莫向伊道問
祖意與教意同別師云才出家未受戒到處
問人問如何是聖師云不凡云如何是凡師

云不聖云不凡不聖時如何師云好箇禪僧
 問兩鏡相向那箇家明師云關梨服皮蓋須
 彌山問學人近入叢林乞師指示師云蒼天
 蒼天問前句已往後句難明時如何師云喚
 作即不可云請師分師云問問問高峻難上
 時如何師云老僧不向高峯頂問不與方法
 為侶者是什麼人師云非人問請師宗乘中
 道一句子師云今日無錢與長官問學人不
 別問請師不別答師云奇怪問三乘教外如
 何接人師云有此世界來日月不曾換問三
 處不通如何離識師云識是分外問衆機來
 湊未審其中事如何師云我眼本正不說其

中事問淨地不止是什麼人師云你未是其
 中人在云如何是其中人師云止也問如何
 是萬法之源師云棟梁椽柱云學人不會師
 云拱斗叉手不會問一物不將來時如何師
 云放下著問路達達道人不得語默對未審
 將什麼對師云人從陳州來不得許州信問
 開口是有為如何是無為師以手示之云者
 箇是無為云者箇是有為如何是無為師云
 無為云者箇是有為師云是有為 師示衆
 云佛之一字吾不喜聞問和尚還為人也無
 師云佛佛問盡却今時如何是的的處師云
 盡却今時莫問那箇云如何是的師云向你

道莫問云如何得見師云大無外小無內問
 離四句絕百非時如何師云老僧不認得死
 云者箇是和尚分上事評恰是云請和尚指
 示師云離四句絕百非把什麼指示問如何
 是和尚家風師云內無一物外無所求問如
 何是歸根得旨師云答你即乖問如何是九疑
 心師云答你即乖也問出家底人還作俗否
 師云出家即是屋主出焉不出老僧不管云
 為什麼不管師云焉麼即出家也問無師弟
 子時如何師云無漏智性本自具足又云此
 是無師弟子問不見遺表時如何師云因什
 麼焉麼問澄而不清渾而不濁時如何師云

不清不濁云是什麼師云也可怜生云如何
 是通方師云離却金剛禪問如何是祖師的
 的意師啼唾云其中事如何師又唾地問如
 何是沙門行師云離行問真休之處請師指
 師云指即不休問無問時如何師云乖常語
 問四山相逼時如何師云無出跡問到者裏
 道不得時如何師云不得道云如何道師云
 道不得處問但有言句盡不出頂如何是頂
 外事師喚沙弥文遠文遠應喏師云今日早
 晚也問如何是毘盧師云莫惡口問至道
 無難唯嫌揀擇如何得不揀擇師云天上天
 下唯我獨尊云此猶是揀擇師云田庫奴什

麼處是揀擇問如何是三界外人師云爭奈
 老僧在三界內問知有不有底人如何師云
 你若更問即故問老僧 師示衆云向南方
 趨叢林去莫在者裏僧便問和尚者裏是甚
 處師云我者裏是柴林問如何是毘盧師師
 云性是弟子尚歸浪得旨時如何師云太慌
 忙生云不審師云不審從甚處起問利劍出
 匣時如何師云黑云正問之時如何辨白師
 云無者開工夫云又手向人前爭奈何師云
 早晚見你又手云不又手時如何師云誰是
 不又手者問如何是沙門得力處師云你什
 麼處不得力問如何是和尚示學人處師云

目前無學人云与麼即不出世也師便珍重
 問祖意与教意同別師作拳安頭上云和尚
 猶有者箇在師卸下帽子云你道老僧有箇
 什麼問心又不^{勿三}停不住時如何師云是活物
 是者箇正被心識使在云如何得不被心識
 使師便低頭問道從何生師云者箇即生也
 道不^十屬生滅云莫是天然也無師云者箇是
 天然道即不与麼問祖意与教意同別師云
 會得祖意便會教意問如何是異類中行師
 云唵啞唵啞唵啞問高峻難上時如何師云
 老僧自住峯頂云爭奈曹溪路側何師云曹
 溪是惡云今時為什麼不到師云是乘高峻

問如何是寶月當空師云塞却老僧耳問毫
 釐有差時如何師云窺云應機時如何師云
 屈問如何是沙門行師展手拂衣問祖佛命
 不斷處如何師云無人知問未審權機喚作
 什麼師云喚作權機問學人近入叢林不會
 乞師指示師云未入叢林更是不會問徒上
 古德將何示人師云不因你問老僧也不知
 有古德云請師指示師云老僧不是古德問
 佛花未發如何辯得真實師云是真是實云
 是齟人分上事師云老僧有分關梨有分問
 如何是佛師云你是什么人問葛直路時如
 何師云葛直路問如何是玄中不斷玄師云

你問我是不斷玄問還有不報四恩三有者
 也無師云有云如何是師云者辜恩負德漢
 問貧子來將什麼物与他師云不欠少問如
 何是趙州正主師云老僧是從論有婆子問
 婆是五障之身如何免得師云願一切人生
 天願婆婆永沉苦海問胡月當空時如何師
 云猶是塔下漢云請師接上塔師云月落了
 來相見師有時示衆云老僧初到藥山
 時得一句子直至如今鈎鈎地飽師因問周
 貧外你還見臨濟也無貧外豎起拳師云那
 邊見外云者邊見師云什麼處見臨濟貧外
 無對師問周貧外什麼處來云非來非去師

云不是老鷄飛來飛去師因看金剛經次僧便問一切諸佛及諸佛阿耨菩提皆從此經出如何是此經師云金剛般若波羅密經如是我聞一時佛在舍衛國僧云不是師云我自理經也不得因僧辭去師云聞梨出外忽有人問還見趙州否你作麼生祇對云只可道見師云老僧是一頭駟你作麼生見僧無語示衆我此間有出窟師子亦有在窟師子只是難得師子兒時有僧彈指對之師云是什麼云師子兒師云我喚作師子兒早是罪過你更行趨踏師新到離什麼處云離雪峯師云雪峯有什麼言句示人云和尚尋常道

盡十方世界是沙門一隻眼你等諸人向什麼處肩師云聞梨若迴寄箇鐵子去師因捨衣袂大衆次僧便問和尚捨却了用箇什麼去師召云湖州子僧應喏師云用箇什麼示衆云未有世界早有此性世界壞時此性不壞僧問如何是此性師云五蘊四大云此猶是壞如何此性師云四大五蘊定州有一座主到師問習何業云經律論不聽便講師舉手示之還講得者箇麼座主忙然不知師云直饒你不聽便講得也只是箇講經論漢若是佛法未在云和尚即今語話莫便是佛法否師云直饒你問得答得惹屬經論佛法

未在主無語師問一行者從什麼處來云北
院來師云那院何似者院行者無對有僧在
邊立師令代行者語僧代云從那院來師笑
之師又令文遠代之文遠云行者還是不取
師語話師問座主所習何業云講維摩經師
云維摩經步步是道場座主在什麼處無對
師令全益代座主語全益云只者一問可識
道場麼師云你身在道場裏心在什麼處速
道取云尚不是覓學人心師云是云只者
一問一答是什麼師云老僧不在心所裏法
過眼耳鼻舌身意而知解云既不在心數裏
和尚為什麼覓師云為你道不得云法過眼

耳鼻舌身意而不解作麼生道不得師云與
我涕唾師問僧你曾看法華經麼云曾看師
云經中道衲衣在空閑假名阿練若誑惑世
間人你作麼生會僧擬禮拜師云你披衲衣
來否云披來師云莫惑我云如何得不惑去
師云自作活計莫取老僧語師問座主所習
何業云講維摩經師云那箇是維摩祖父云
某甲是師云為什麼却為兒孫傳語無對
師一日上堂僧總出禮拜師乃合掌珍重又
一日僧禮拜師云好好問云如何是禪師云
今日天陰不答話問新到從何方來云無方
面來師乃轉背僧將坐具隨師轉師云大好

無方面問新到從什麼處來云南方來師云
 三千里外逢莫戲云不曾師云摘楊花摘楊
 花豐干到五臺山下見一老人干云莫是文
 殊也無老人云不可有二文殊也干便禮拜
 老人不見有僧舉似師師云豐干只具一隻
 眼師乃令文遠作老人我作豐干師云莫是

勿三

十三

文殊也無豈有二文殊也師云文殊文殊師
 問二新到上座曾到此間否云不曾到師云
 喫茶去又問那一人曾到此間否云曾到師
 云喫茶去院主問和尚不曾到教伊喫茶去
 即且致曾到為什麼教伊喫茶去師云院主
 院主應喏師云喫茶去師到雲居雲居云老

老大大何不覓箇住處師云什麼處住得雲
 居云前面有古寺基師云向麼即和尚自住
 取師又到茱萸菜萸云老大大何不覓箇
 住處去師云什麼處住得茱萸云老大大
 住處也不識師云三十年弄馬騎今日却被
 駢撲師又到茱萸方丈上下觀瞻茱萸云平
 地喫交作什麼師云只為心寵師一日將拄
 杖上茱萸法堂上東西來去萸云作什麼師
 云探水萸云我者裏一滴也無探箇什麼師
 將杖子倚壁便下去師見僧來挾火示之云
 會麼僧云不會師云你不得喚作火老僧道
 了也師挾起火云會麼云不會師却云此去

舒州有投子山和尚你去礼拜問取因緣相契不用更來不相契却來共僧便去才到投子和尚處投子乃問近離什麼處云離趙州特來礼拜和尚投子云趙州老人有何言句僧乃具舉前話投子乃下禪床行三五步却坐云會麼僧云不會投子云你歸舉似趙州其僧却歸舉似師師云還會麼云未會師云也不較多也洞山問僧什麼處來云掌鞋來山云自解依他云依他山云他還指闍梨也無無對師代云若允即不違普化喫生菜臨濟見云普化大似一頭驢普化便作驢鳴臨濟便休去普化云臨濟小厮兒只具一隻眼

師代云但尚本分草料保壽問胡釘鉸莫便是胡釘鉸否云不敢保云還釘得虛空麼云請打破虛空來保壽便打却云他後有多口阿師与你點破在胡釘鉸後舉似師師云你因什麼被他打云不知過在什麼處師云只者一縫上不奈何更教他打破釘鉸便會而代云且釘者一縫師問新到離什麼處云雪峯來師云雪峯有什麼言句示人云雪峯尋常道盡十方世界都來是沙門一隻眼你諸人向什麼處局師云你若回寄闍梨一箇鉢子去有俗行者到院燒香師問僧伊在那裏燒香礼拜我又共你在者裏語話正與麼時

生在那頭僧云和尚是什麼師云與麼即在那頭也云向麼已是先也師笑之師與小師文遠論義不得占勝占勝者輸餉餅師云我是一頭馱遠云我是馱胃師云我是馱蓋遠云我是冀中虫師云你在彼中作麼遠云我在彼中過夏師云把將餉餅來師坐次一僧才出禮拜師云珍重僧仲問次師云又是也師因在簷前立見鷲子語師云者鷲子喃喃地招人言語僧問未審他還甘也無云依佛似曲才堪聽又被風吹別調中有僧辭去師云什麼處去云閩中去師云閩中大有兵馬你須迴避云向什麼處迴避師云恰好有僧

上叅次見師衲衣蓋頭坐次偕便退師云聞梨莫道老僧不祇對師問僧從什麼處來云南方來師云共什麼人為伴云水牯牛師云好箇師僧因什麼為畜生為伴云不異故師云好箇畜生云爭肯師云不肯且徒還我伴來師問僧堂中還有祖師也無云有師云喚十三來與老僧洗脚堂中有二僧相推不肯作第一座主事白和尚師云惣教他作第二座云教誰作第一座師云裝香著云裝香了也師云戒香定香師問僧離什麼處云離京中師云你還從渣闕過麼云不應師云今日捉得者十五取私蓋漢因送亡僧師云只是一箇死人得

無量人送又云許多死漢送一箇生漢時有僧問是心生是身生師云身心俱不生云者箇作麼生師云死漢有僧見貓兒問云某甲喚作貓兒未審和尚喚作什麼師云是你喚作貓兒因鎮州大王來訪師侍者來報師云大王來師云大王万福侍者云未在方到三門下師云又道大王來也因上東司召文遠文遠應喏師云東司上不可高你說佛法也因在殿上過乃喚侍者侍者應喏師云好一殿功德侍者無對師因到臨濟方始洗脚臨濟便問如何是祖師西來意師云正值洗脚臨濟乃近前側聆師云若會便會若不會更

莫唱咏作麼臨濟拂袖去師二三十年行脚今日為人錯下注脚師因到天台國清寺見寒山拾得師云久響寒山拾得到來只見兩頭水牯牛寒山拾得便作牛闘師云叱叱寒山拾得咬齒相看師便歸堂二人來堂內問師適來因緣作麼生師乃呵呵大笑一日二人問師什麼處去來師云禮拜五百尊者來二人云五百頭水牯牛犛尊者師云為什麼作五百頭水牯牛去山云蒼天蒼天師呵呵大笑師行脚時見二庵主一人作丫角童師問訊二人殊不顧來日早晨丫角童持一鐺飯來放地上分作三分庵主持席子近前坐

了角童亦將席近前相對坐亦不喚師師乃
 亦將席子近前坐了童目顧於師庵主云莫
 言侵早起更有夜行人師云何不教詔這行
 者庵主云他是人家男女師云泊合放過了
 童便起顧視庵主云多口作麼了童從此入
 山不見師因看經次沙弥文遠入來師將經
 側示之沙弥三出師隨後把住云速道速道文
 遠云阿弥陀佛阿弥陀佛師便歸方丈因沙
 弥童行叅師向侍者道教伊去侍者向行者
 道和尚教去師云沙弥童行得入門侍者在
 門外師行脚時到一尊宿院才相見便云有
 麼有麼尊宿豎起拳頭師云水淺缸難泊便

出又到一院見尊宿便云有麼有麼尊宿豎
 起拳頭師云能縱能奪能取能掠礼拜使出
 師一日拈數珠問新羅長老彼中還有者箇
 也無云有師云何似者箇云不似者箇師云
 既有為什麼不似無語師代云不見道新羅
 大唐問新到什麼處來云南方來師豎起指
 云會麼云不會師云動止萬福不會師行脚
 時問大慈般若以何為躡慈云般若以何為
 躡師便呵呵大笑而出大慈來日見師掃地
 次問般若以何為躡師放下掃帚呵呵大笑
 而去大慈便歸方丈師到百丈百丈問從什
 麼處來云南泉來犬云南泉有何言句示人

師云有時道未得之人亦須峭然去百丈叱
之師容愕然百丈云大好峭然師便作舞而
出師到投子處對坐齋投子將蒸餅向師喫
師云不喫不久下糊餅投子教沙弥度向師
師接得餅却礼沙弥三拜投子默然師曰向
文速行次乃以手指一片地云這裏好造一
箇廵鋪子文速便去彼中立云把將公驗來
師便打一捆遠云公驗分明過師問新到近
離甚處云臺山師云遠見文殊也無僧展手
師云展手頗多文殊誰覩云只守氣急殺人
師云不覩雲中鴈焉知沙塞寒問遠遠投師
請師一接師云孫臏門下因什麼鑽龜僧拂

三

七

袖出去師云將為當業折他雙足師向首座
看石槁乃問首座是什麼人造云李膺造師
云造時向什麼處下手無對師云尋常說石
槁問著下手處也不知有新羅院主請師齋
師到門首問此是什麼院云新羅院師云我
向你隔海問僧什麼處來云雲居來師云雲
居有什麼言句云有僧問靈羊掛角時如何
雲居云六六三十六師云雲居師兄由在僧
却問未審和尚尊意如何師云九九八十一
有一婆子日晚入院來師云作什麼婆云寄
宿師云者裏是什麼所在婆呵呵大笑而去
師出外逢見一箇婆子提一箇籃子師便問

什麼處去云偷趙州筭去師云忽見趙州又
 作麼生婆子近前打一掌師問僧什麼處來
 云江西來師云趙州着在什麼處僧無對師
 從殿上過見一僧禮拜師打一棒云禮拜也
 是好事師云好事不如無師因叅潼闕潼闕
 問師云你還知有潼闕麼師云知有童闕云
 有公驗者即得過無公驗者不得過師云忽
 遇饕駕來時如何闕云也須檢點過云你要
 造返師在南泉時泉牽一頭水牯牛入僧堂
 內巡堂而轉首座乃向牛背上三拍泉便休
 去師後將一束草安首座面前首座無對有
 秀才見師乃讚嘆師云和尚是古佛師云秀

才是新如來有僧問如何是涅槃師云我耳
 重僧再問師云我不害耳聾乃有頰膝膝大
 道者對面涅槃門但坐念無際來年春又春
 有僧問生死二路是同是別師乃有頌道人
 問生生死死若為論雙林一池水胡月耀乾
 坤喚他句上識此是弄精魂欲會箇生死顛
 人說夢春有僧問諸佛有難火燄裏藏身和
 尚有難向什麼處藏身師乃有頌渠說佛有
 難我說渠有灾但看我避難何處有相隨有
 無不是說去來非去來為你說難法對面識
 得來十二時歌難鳴丑愁見起來還漏逗裙
 子福衫箇也無袈裟形相些些有棍無腰袴

無口頭上青灰三五斗比望備行利濟人誰
知變作不啣潘平旦寅荒村破院實難論解
齋粥未全無粒空對開窗與隙塵唯催噪勿
人親獨坐時聞落葉頗誰道出家憎愛斷思
量不覺波沾中日出卯清淨却翻為煩惱有
為功德被塵謾無限田地未曾掃攢百多稱
心少耐耐棟黑黃老供利不曾將得來放驢
哭我堂前草食時辰煙火徒勞望四隣餓頭
餓子前年別今日思量空嚙津持念少嗟嘆
頻一百家中無善人來者祇道覓茶喫不得
余噎去又嘆禹中已削髮誰知到如此無端
被請作村僧屈辱飢博受欲死胡張三黑李

永樂北藏

古尊宿語錄

四茶敬不曾生此子適來忽爾到門頭唯道
借茶兼借紙日南午茶飯輪還無定度行却
南家到北家果至北家不推註苦沙鹽大麥
醋蜀黍米飯盞蒿苣唯稱供養不尋閑和尚
道心須堅固日映未者回不踐光陰地曾聞
一飽忘百飢今日老僧身便是不習禪不論
望義鋪箇破蓆日裏睡想料上方梵率天也無
如此日炙背晡時申也有燒香禮拜人五箇
老婆三箇瘦一雙面手黑皺皺油麻茶實是
玆金剛不用苦張筋頭我來年鷲麥熟羅睺
羅兒與一文日入百除却荒涼更何守雲水
高流定妻無厯寺沙彌頭長有出格言不到

第一九七册

口在續牟尼子孫後一條拄杖震樹葉不但
 登山兼打狗黃昏戌獨坐一間空暗室陽燄
 燈光永不逢眼前純是金州漆鑿不聞虛度
 日唯聞老鼠鬧啾啾憑何更得有心情思量
 念箇波羅蜜人史支門前明月誰人愛向裏
 唯愁卧去時勿箇衣裳著甚蓋劉維那趙五
 戒口頭說善甚奇怪任佻山僧囊罄空問著
 部緣恕不會半夜子心境何曾得暫止思量
 天下出家人似我住持能有幾土榻林破蘆
 廢老捨木枕全無被尊像不燒安息香灰裏
 唯聞牛糞氣 見起塔乃有頌 本自圓成
 何勞疊石名遊雕鐫与吾懸隔若人借問終

不拍畫 因見諸方見解異途乃有頌可
 趙州南石橋北觀音院裏有弥勒祖師遺下
 一隻履直至如今覓不得 因魚鼓有頌
 四大猶來造化功有聲全貴裏頭空莫怪不
 与凡夫說只為宮商調不同 因蓮花有頌
 哥異根苗帶雪畔 不知何代別西天淤泥深
 淺人不識出水方知是白蓮 趙王与師作
 真讚 碧溪之月清鏡中頭我師我化天下
 趙州 哭趙州和尚二首 師難澆水動王
 侯心印光潛塵尾收碧落霧靈松嶺月滄溟
 浪覆濟人舟一燈乍滅波旬喜雙眼重昏道
 侶愁縱是了然雲外客每瞻瓶机淚還流

其二 佛日西傾祖印隳珠沉丹沼月沉輝
影敷丈室爐烟慘風起禪堂松韻微隻履乍
來留化跡五天何處又逢歸解空弟子絕悲
喜猶自清然對雲幃

二十末

古尊宿語錄卷第十五

五二

勿三
廿

永樂北藏

古尊宿語錄

第一九七冊

古尊宿語錄卷第十六

勿四

雪峯禪師法嗣

雲門匡真禪師浙西嘉興張氏子依空王寺志澄律師出家稟具窮律部初叅睦州踐禪師州繞見師來便閉却門師乃扣門州云誰

如

師云^如州云作什麼師云已事未明乞師指示州開門一見便閉却師如是連三日去扣門至第三日州始開門師乃撥入州便擡住云道道師擬議州托開云秦時轆轤鑽師從此悟入師到雪峯莊見一僧師問上座今日上山去那僧云是師云寄一則因緣問堂頭

和尚祇是不得道是別人語僧云得師云上座到山中見和尚上堂眾纔集便出捩腕立地云這老漢項上鐵枷何不脫却其僧一依師教雪峯見這僧與庶道便下座攔臂把住其僧云速道速道僧無對雪峯托開云不是汝語僧云是^如語雪峯云侍者將繩棒來僧云不是某語是莊上一浙中上座教^如未道雪峯云大眾去莊上迎取五百人善知識來師次日上山雪峯繞見便云因什麼得到與庶地師乃低頭從茲契合師在雪峯時有僧問雪峯如何是觸目不會道運足焉知路峰云蒼天蒼天僧不明遂問^如天意旨如何師

云三斤麻一疋布僧云不會師云更奉三尺竹後雪峰問喜云我常疑箇布衲師行脚時見一座主舉在天台國清寺齋時雪峰拈鉢孟問某道得即與你鉢孟某云此是化佛邊事峰云你作座主奴也未得某云不會峰云你問我與你道某始禮拜峰便蹋倒某得七年方見師云是你得七年方見主云是師云更與七年始得師在浙中蘊和尚會裏一日回喫茶次舉蘊和尚乘語云見聞覺知是法法離見聞覺知作麼生有傍僧云見定如今目前一切見聞覺知是法法亦不可得師拍手一下蘊乃舉頭師云猶欠一著在蘊云我

到這裏却不會師到共相共相問什麼處來云雪嶺來相云要急言句舉一則來云前日典座來和尚何不問他相云典座且置師云箭過新羅師在嶺中時問卧龍和尚明已底人還見有已麼龍云不見有已始明得已又問長連牀上學得底是第幾機龍云第二機師云作麼生是第一機云緊帽草鞋師在嶺中時有僧問如何是法身上事云向上與你道即不難汝喚什麼作法身僧云請和尚鑒云鑒即且置作麼生說法身僧云與麼與麼師云此是長連牀上學得底我且問你法身還解喫飯麼僧無語後有僧舉似梁家春

主主云雲門直得入泥入水資福云欠一粒
也不得剩一粒也不得師在雪峯與長慶西
院商量雪峯上堂云盡大地撮來如粟米大
拋向面前漆桶不會打鼓普請看西院問師
雪峯與麼道還有出頭不得處麼師云有院
云作麼生是出頭不得處師云不可恁作野
狐精見解也又云狼藉不少又云七曜覆天
又云南閻浮提北鬱單越師一日與長慶舉
趙州無賓主話雪峯當時與一踊作麼生師
云某甲不與麼慶云你作麼生師云石橋在
向北師與長慶舉石鞞三平話師云作麼生
道兌得石鞞喚作半箇聖人慶云若不還曾

爭辨真偽師云入水見長人師到洞巖巖問
作什麼來師云親近來巖云亂走作什麼師
云暫時不在巖云知過即得師云和尚亂走
作什麼師到踈山踈山問得力處道將一句
來師云請和尚高聲問山便高聲問師云和
尚早朝喫粥麼山云作麼生不喫粥師云亂
叫喚作麼又因踈山示衆云老僧咸通年已
前會得法身邊事咸通年已後會得法身向
上事師問承聞和尚咸通年已前會得法身
邊事咸通年已後會得法身向上事是不山
云是師云如何是法身邊事山云枯椿師云
如何是法身向上事山云非枯椿師云還許

學人說道理也無山云許你說師云枯椿豈不是明法身邊事非枯椿豈不是明法身向上事山云是師云法身還該一切不山云作麼生不該師指淨瓶云法身還該這箇麼山云閣梨莫向淨瓶邊會師便禮拜師到曹山山示衆云諸方盡把格則何不與他道一轉語教伊莫疑去師便問密密處為什麼不知有山云祇為密密所以不知有師云此人作麼生親近山云不向密密處師云不向密密處還得親近也無山云始得親近師應諾師問曹山如何是沙門行云喫常住苗稼者師云便與麼去時如何云你還畜得麼師云

學人畜得山云你作麼生畜師云著衣喫飯有什麼難山云何不道披毛戴角師便禮拜因瑠長老舉菩薩手中執赤幡問師作麼生師云你是無禮漢瑠云作麼生無禮師云是你外道奴也作不得師到天童童云你還定當得麼師云和尚道什麼童云不會即目前包裏師云會即目前包裏因見信州鵝湖上堂云莫道未了底人長時浮逼逼地設使了得底人明得知有去處尚乃浮逼逼地師下來舉此語問首座適來和尚示衆云未了底人浮逼逼地了得底人浮逼逼地意作麼生首座云浮逼逼地師云首座在此久住頭白

菴黃作這箇語話首座云未審上座又作麼
生師云要道即得見即便見若不見莫亂道
首座云祇如堂頭道浮逼逼地又作麼生師
云頭上著枷脚下著杻座云與麼則無佛法
也師云此是文殊普賢大人境界師行脚時
有官人問還有定乾坤底句麼師云蘇嚕蘇
嚕悉哩薩訶師到江州有陳尚書請師齋相
見便問儒書中即不問三乘十二分教自有
座主作麼生是衲僧行脚事師云會問幾人
來書云即今問上座師云即今且置作麼生
是教意書云黃卷赤軸師云這箇是文字語
言作麼生是教意書云口欲談而辞喪心欲

緣而慮忘師云口欲談而辞喪為對有言心
欲緣而慮忘為對妄想作麼生是教意尚書
無語師云見說尚書看法華經是否書云是
師云經中道治生產業皆與實相不相違背
且道非非想天有幾人退位書無語師云尚
書且莫草草十經五論師僧拋却特入叢林
十年二十年尚不奈何尚書又爭得會尚書
禮拜云某甲罪過師到歸宗僧問大衆雲集
合談何事宗云兩兩三三僧云不會宗云三
三兩兩師却問其僧歸宗意旨如何僧云全
體與麼來師云上座曾到潭州龍牙麼僧云
曾到來師云打野樵漢師因乾峯上堂云法

身有三種病二種光須是一一透得更須知
有照用臨時向上一竅在峰乃良久師便出
問庵內人爲什麼不見庵外事峰呵呵大笑
師云猶是學人疑處在峰云子是什麼心行
師云也要和尚相委峰云直須與麼始解穩
坐地師應喏喏乾峰示衆云舉一不得舉二
放過一著落在第二師出衆云昨日有人從
天台來却往徑山去峰云典座來日不得普
請便下座師問乾峰請師答話峰云到老僧
也未師云與麼則學人在遲也峰云與麼那
與麼那師云將謂猴白更有猴黑師到灌溪
時有僧舉崔巽語云十方無壁落四面亦無

勿四

五

佛弟子持觀世音

門淨裸裸赤灑灑沒可把問師作麼生師云
與麼道卽易也大難出僧云上座不肯和尚
與麼道那師云你適來與麼舉那僧云是師
云你驢年夢見灌溪麼僧云某甲話在師云
我問你十方無壁落四面亦無門淨裸裸赤
灑灑沒可把你道大梵天王與帝釋商量箇
什麼事僧云豈干他事師喝云逐隊喫飯漢
陳尚書問雲居供養主云雲居高低於弟子
王無語尚書問師師云尚書莫教話墮師在
頌中時問一老宿一切時中如何辨明老宿
云喚什麼作一切時中師云釋迦老子道了
也彌勒猶自不知又見一老宿上堂云若是

商量舉覺如當門利劔相似一句下須有殺活始得師出眾云和尚上堂多時大眾歸堂老宿云道什麼云日月易流師在嶺中願維那處起彼時問古人豎起拂子放下拂子意旨如何維那云拂前見拂後見師云如是如是又云是諾伊是不諾伊又云可知禮也師

聞洛浦勘僧云近離甚處僧云荆南浦云有一人與麼去還逢麼僧云不逢浦云爲什麼不逢僧云若逢卽頭粉碎浦云閣梨三寸甚密師後於江西見其僧問云還有此語不僧云有云洛浦倒退三千里師在靈樹知聖大師會中爲首座時僧問知聖如何是祖師西

來意聖云老僧無語却問僧忽然上碑合著得什麼語時有數僧下語皆不契聖云汝去請首座來洎師至聖乃舉前話問師師云也不難聖云著得什麼語師云有人問如何是祖師西來意但云師知聖深肯問學人有疑請師不責從上宗乘事作麼師云三拜不虛

勿四

六

師上堂良久云夫唱道之機固難措若也一言相契猶是多途况復切切有何所益然且教乘之中各有殊分律爲戒學經爲定學論爲慧學三藏五乘五時八教各有所歸然一乘圓頓也大難明直下明得與衲僧天地懸殊若向衲僧門下句裏呈機徒勞佇思門

庭敲磬千差萬別擬欲進步向前過在尋作
 舌頭路布從上來事合作麼生向者裏道圓
 道頓得麼者邊那邊得麼莫錯會好莫見與
 麼道便向不圓不頓處卜度者裏也須是箇
 人始得莫將依師語相似語測度語到處早
 中將爲自己見解莫錯會祇如今有什麼事
 對衆決擇看時有州主何公禮拜問曰弟子
 請益師云目前無異草有官問佛法如水中
 月是不師云清波無透路進云和尚從何得
 師云再問復何來進云正與麼時如何師云
 重疊關山路有官問千子圍繞何者爲的師
 云化下住持已奉來問問今日開筵將何指

教師云來風深辨進云莫祇者便是麼師云
 錯問從上古德以心傳心今日請師將何施
 設師云有問有答進云與麼則不虛施設也
 師云不問不答問凡有言句皆是錯如何是
 不錯師云當風一句起自何來進云莫祇者
 便是也無云莫錯問如何是啐啄之機師云
 響進云還應也無師云且緩緩問如何是學
 人的的事師云痛領一問問如何是祖師西
 來意師云日裏看山問如何是和尚家風師
 云久雨不晴進云如何是久雨不晴師云
 眼著問如何是不帶跌師云天台普請南嶽
 遊山問如何是向上一路師云九九八十一

問如何是教主師云太無禮生問如何是一代時教師云對一說問如何是正法眼師云普問如何是端坐念實相師云河裏失錢河裏擺問如何是沙門行師云會不得進云為什麼會不得師云抵守會不得問如何是尋常之用師云且那裏葛藤去問如何是教意師云你看什麼經僧云般若經師云一切智智清淨還夢見未僧云一切智智清淨且置如何是教意師云心不負人面無慙色放你三十棒問如何是報得四恩三有去師云抱頭哭蒼天問如何是正法眼師云粥飯氣問如何是三昧師云到老僧一問還我一句來

問如何是諸佛出身處師云東山水上行問乞師指箇入路師云喫粥喫飯時有僧問如何是一句師云舉問如何是說時默師云清機歷掌進云如何是默時說師云嘎進云不默不說時如何師將棒趁問如何是雲門劍師云阻問如何是諸佛出身處師云更請一問問如何是露地白牛師云覲機無改路進云放着什麼處師云再舉不逾塵問如何是塵塵三昧師云桶裏水鉢裏飯問如何是一如體玄師云欠你一問問如何是玄中的師云契進云如何即是師云速退速退妨他別人問問如何是非思量處師云識情難測問

鑿壁偷光時如何師云恰問一言道盡時如何師云裂破進云和尚作麼生下手拈撥師云拈取糞箕掃帚來問如何舉唱即得不負來機師云道什麼進云還可來意也無師云且緩緩問如何是透法身句師云北斗裏藏身問如何是本來宗師云不問不答問如何是三界唯心萬法唯識師云我今日不答話進云為什麼不答話師云驢年會麼問如何是吹毛劍師云豁又云齒問如何是內外光師云向什麼處問學云如何明達師云忽然有人問你作麼生道進云明達後如何師明即且置還我達來問如何是切急一句師吃

問如何是本來心師云舉起分明問如何是衲僧孔竅師云放過一着進云請師道師云對牛彈琴問如何是大乘修行師云一棹在手問如何是一切智智清淨師云僧堂入佛殿問如何是不掛脣吻一句師云合取狗口問如何是海印三昧師云你但禮拜問著待我東行西行問如何轉動即得不落階級師云南斗七北斗八問如何是當今施設師云道即不難鑿從何來問如何是不睡底眼云不省問如何是不犯之令云那箇師僧還見麼問如何是大人相師乃擎拳問如何是佛法大意云一佛二菩薩問如何是兄弟添十

字師云我共汝說葛藤問如何是和尚為人
一句師云心不負人面無慙色速禮三拜問
如何是天然之事師云跣步向前作什麼問
如何是教意師云吃嚙舌頭更將一問來問
如何是七縱八橫師云放汝一着
上堂云舉一則語教汝直下承當早是撒屎

著你頭上也直饒拈一毛頭盡大地一時明
得也是剜肉作瘡雖然如此也須是實到者
箇田地始得若未且不得掠虛却須退步向
自己根脚下推尋看是什麼道理實無絲髮
許與汝作解會與汝作疑惑況汝等且各各
當入有一段事大用現前更不煩汝一毫頭

氣力便與祖佛無別自是汝諸人信根淺薄
惡業濃厚突然起得如許多頭角擔鉢囊千
鄉萬里受屈作麼且汝諸人有什麼不足處
大丈夫漢阿誰無分獨自承當尚猶不著便
吓受人欺瞞取人麩分纔見老和尚開口便
好把特石葛口塞便是屎上青蠅相似闕啞
將去三箇五箇聚頭商量苦屈兄弟古人一
期為汝諸人不奈何所以垂一言半句通你
入路知是般事拈放一邊自着些子筋骨豈
不是有少許相親處快與快與時不待人出
息不保入息更有什麼身心閑別處用切須
在意珍重
上堂良久云觸目不會道運

足焉知路僧問如何是觸目菩提師云與我
 拈却佛殿問如何是最初一句師云九九八
 十一僧便禮拜師云近前來僧便近前師便
 打問如何是實學底事師云大好消息進云
 畢竟是誰家之子師云臘月二十五問承教
 有言一切智智清淨時如何師便唾之進云
 古人方便又作麼生師云來來截却汝脚跟
 換却汝觸體鉢盂裏拈却是筋拈却鼻孔來
 進云甚處有許多般師云者掠虛漢便打問
 如何是禪師云是進云如何是道師云得問
 如何是一切法皆是佛法師云三家村裏老
 婆盈衢溢路會麼學云不會師云非但汝不

會大有人不會在問學人簇簇地商量箇什
 麼師云大衆久立問如何是諸佛出身處師
 云佛前裝香佛後合掌問十二時中如何得
 不被諸境惑去師云三門頭合掌問四面森
 森如何是靈樹師云風鳴雨息進云如何是
 靈樹枝條師云曬眼皮草問如何是觸目菩
 提云拈却露柱學云豈干他事云驢年會麼
 問醍醐上味為什麼翻成毒藥師云望問如
 何是活師云心不負人學云如何是殺師云
 三日後不得唱衣學云不殺不活時如何師
 以拄杖趁出問學人與麼來請師實說師云
 知問金剛為什麼倒地師云不著力問殺父

殺母佛前懺悔殺佛殺祖向什麼處懺悔師
云露問不起一念還有過也無師云須彌山
問如來唯一說無二說如何是如來說師云
那箇師僧何不問問闍中如何辨主師云務
原是什麼人坐問學人實問請師實答師云
你作麼主辨進云正當與麼時如何師云的
問從上古德以何為的師云看取舌頭
上堂云諸和尚子莫妄想天是天地是地山
是山水是水僧是僧俗是俗良久云與我拈
案山來看便有僧問學人見山是山見水是
水時如何師云三門為什麼從這裏過進云
與麼則不妄想去也師云還我話頭來

上堂良久云還有人道得麼道得底出來衆
無語師拈拄杖云適來是箇小屎坑如今是
箇大屎坑下座問萬法歸一一即不問如何
是萬法師云你來這裏說葛藤瞞我問聖僧
為什麼被大蟲咬師云與天下人作榜樣問
十二時中如何用心即得不負於上來師云
省力進云省力事如何師云省取前話問萬
機不到處如何知有師云該得麼進云日用
事如何師云一箭到新羅大漢國裏說葛藤
問學人擬伸一問還許也無師云佛不奪衆
生所願問如何舉唱即得不負來機師云痛
領一問問千聖功圓冥然時如何擊琢師云

句裏明人問三界中何物勝於佛師云通你
一問問摘葉尋枝即不問如何是直截根源
云速禮三拜問己事未明如何指示云不避
采機還當得麼問盡其機來師還接也無師
云一問不錯學云一問且置師還接不師云
細看前話問毘盧向上即不問虛空請師留
些子師云把却汝咽喉你作麼生道問如何
是學人自己師云一叔一割進云莫便是不
師云蘇嚕蘇嚕 上堂云今日與諸人舉
一則語大衆聳聽良久有僧出禮拜擬伸問
次師以拄杖趁云似這般戒胡種長連床上
納飯阿師堪什麼共語處這般打野捩漢以

拄杖一時趁下問大衆雲集合談何事師云
向下文長付在來日進云便與麼去時如何
師云墮進云什麼處是墮師云長連床上飽
喫飯了脫空妄語問靈山一會何似今日師
云言中有響學云當今事住麼生師云不煩
再問問以字不成入字下是未審是什麼字
師云九九八十一進云學人不會請師指示
云我又辜你什麼處問從上古德得箇什麼
便稱尊貴師云愛問不愛答進云與麼則不
假和尚舌頭嚼去也師云熨斗煎茶銚不同
問和尚為人語話還有未道著底句也無師
云說不及進云為什麼如此師云祇為如此

問大拍盲底人來師還接也無師攸身倒問
如何是雲門山師云庚峯定穴問牙齒敲破
皆落名言如何得不落古人蹤師云通機自
辯問如何是和尚家風師云皮枯骨瘦問如
何是道師云七顛八倒進云為什麼如此師
云一不得向二不得開問暗室得明時如何
師云朗州此去多少 上堂云一言纒舉
千差同轍該括微塵猶是化門之說若是衲
僧合作麼生若將祖意佛意這裏商量曹溪
一路平沉還有人道得麼道得底出來時有
僧問如何是起佛越祖之談師云餽餅進云
這箇有什麼交涉師云酌然有什麼交涉問

當今一句請師道師云攸你一線道還我一
句來問不涉廉纖請師道師云一怕汝不問
二怕汝不舉三到老僧教跳四到你退後速
道速道僧便禮拜師便打問目前蕩盡時如
何師云熱發作麼其僧禮拜而退師云且來
且來僧近前師便捧云這捺虛漢說我問如
何是法王主師云义手著問盲龜值浮木孔
時如何師云老僧义手去也問學人正在迷
途請師一接師云道什麼問如何是教意師
云答猶未了進云和尚什麼處答師云將謂
汝靈利問如何是衲僧正服師云那箇師僧
近前來其僧近前師吐云去問教中即不問

如何是宗門中事師云既有來問速禮三拜
 問絕消息如何履踐師云三十年後進云
 祇令如何師云莫乱統問性源還有語也無
 師云莫問問佛病祖病將何醫云審即諧進
 云將何醫師云幸有力問百步穿楊請師指
 的師云答這話去也問言詮不及處如何體
 會師云對衆快禮拜問鈴鐺之子如何進步
 師云目前不辨進云豈無尊貴師云不較多
 進云作麼生師云作麼生問九有言說皆是
 葛藤如何是不葛藤師云大有人見汝問問
 急急相投請師指教師云作麼生道進云不
 會請師道師云作麼
 上堂云大衆汝等

還有鄆州針麼若有試將來看有麼有麼衆
 無對師云若無散披衣裳去也便下座問盡
 大地人來師如何接師云提綱有路進云莫
 祇這便是指示不師云合取狗口問時中不
 明如何得不落綠塵去師云閉門哭蒼天問
 十二時中如何體悉師云不難辨進云還有
 學人入頭處也無云細看前語問靈山一會
 迦葉親聞未審聞箇什麼句師云不避來鋒
 速道速道進云是什麼句師云掣電之機徒
 勞佇思問千聖不傳古今不歷如何是和尚
 接人一句師云觸忤老兄得麼進云如何是
 接人一句師云作麼問有何運要令學人心

息師云放你三十棒問目前坦然時如何師云海水在汝頭上進云還著得也無師云向這裏脫空妄語問施主設齋將何報答師云量才補職進云不會師云不會即喫飯問如何是向上事師云截却汝肚腸換却起筋拈將鉢盂來看僧無對師云這掠虛漢問如何是佛法大意師云來鋒有路問如何是學子人轉身處師云利上堂良久云狄這箇帶累殺人便下座上堂云道即道了也時有僧出禮拜歌伸問次師拈拄杖便打云識什麼好惡這一般打野捩漢恁似這箇僧爭消得施主信施惡業衆生恁在這裏覓什麼

乾屎橛咬以拄杖一時赴下問如何是禪師云拈却一字得麼問扶來柯畔日輪未出時如何師云知問背楚投吳時如何師云而南看北斗問六國未寧時如何師云千里何明進云爭奈不明何師云賴遇適來道了問如何是本源師云受什麼人供養問如何是直十四哉一路師云主山後進云謝師指示師云合取皮袋問曹溪的旨請師垂示師云三十年後問密室玄宮時如何師云倒進云宮中事作麼生師云重問萬機吐不出時如何師云大衆不匿進云猶是學人疑處在師云語覆前撥去問要急相應唯言不二時如何師云

對衆舉大衆可不知進云如何承當師云
 年問一生積惡不知善一生積善者不知惡
 此意如何師云燭問遠遠投師師意如何師
 云七九六十三進云學人近離衡州師喝云
 是你草鞋跟斷僧云珍重師喝云靜處薩婆
 訶問如何是學人自己師云一佛二菩薩問
 六國未寧時如何師云雲掌雨色問上無攀
 仰下無己躬時如何師云藏身一句作麼生
 道僧便禮拜師云放過一著置將一問來僧
 無語師云這死蝦蟆問如何是色即是空師
 云拄杖敲汝鼻孔問如何是和尚非時為人
 一句師云早朝牽犁晚間拽把問三乘五性

即不問如何是衲僧門下事師云日勢稍曉
 速禮三拜問久值為什麼不識師云測問如何
 是心師云心進云不會師云不會進云究竟
 如何師咄云靜處東行西行問三界唯心萬
 法唯識時如何師云舌根裏藏身進云藏身
 後如何師云蘇嚕蘇嚕問如何是途中受用
 師云七九六十三進云如何是世諦流布云
 江西湖南新羅激海問密室不通風時如何
 師云響露鳴風進云如何是密室中人師云
 再陳難辨問直與麼來時如何師云照從何
 立進云不去不來時如何師云前語道什麼
 問進向無門時如何師云三千八百

上堂云放你撲說豎說徒朝至暮無人塞你口不放你說又作麼生 上堂大衆集良久驀拈拄杖云看着北鬱丹越人見汝般柴不易在中庭裏相撲供養你更為你念般若經云一切智智清淨無二無二分無別無斷故僧便問如何是一切智智清淨師云西天斬頭截臂這裏自領出去問掛錫幽巖時如何師云在什麼處問如何是深中淺師云山河大地進云如何是淺中深師云大地山河進云如何是深師云朝到西天暮歸唐土問迦葉入定時如何師云匿得麼進云還見十方不師云好手透不出問真如湛寂妙絕無

門時如何師云自撥起照進云祇這裏如何師云莫錯問千般方便誘引歸源未審源中事如何師云有問有答速道將來僧應喏師云迢遙也問如何是雲門劍師云揭進云用者如何師云蘇嚕蘇嚕問如何是祖師西來意師云沒即道進云不會師云壯一問問能詮表裏時如何師云風不入進云表裏事如何師云錯問萬機俱罷時如何師云塚上生芝草問觀身無己觀外亦然時如何師云熟發作麼進云與麼則水消瓦解去也師便打問龍門有意進水無能時如何師云來撥即易再舉還難進云正與麼時如何師云快問

古人面壁意旨如何師云念七又云定問百
 不會底人來師如何接師云話頭也進云什
 麼處是話頭師云七棒對十三問承古有言
 了即業障本來空未了還須償宿債未審二
 祖是了未了師云確問從上古德相傳何事
 師云連禮三拜問如何是雲門一路師云親

初四

十六

進云如何即是師云顛言倒語作麼問承古
 有言撥心即差如何得不差師云洪機歷掌
 進云後人再問作麼生師云遲風難改問三
 身中阿那身說法師云要問如何是釋迦身
 師云乾屎橛問請師提綱宗門師云南有雲
 峯北有趙州問大徹底人見一切法是空不

師云蘇魯蘇魯問終日切切不得箇入路乞
 師指箇入路師云當機有路問如何是超佛
 越祖之談師云蒲州麻黃益州附子問如何
 是教意師云撩起來作麼生道進云便請師
 道師云對牛彈琴問玄機一路如何體會師
 云三十年後問柳示雙趺當表何事師云言
 進云未審師意如何師云緊悄草鞋問不是
 玄機亦非目擊時如何師云倒一說問劫火
 洞然時如何師云更夢見什麼 上堂云
 我共汝平展遇人識人與麼老婆說話尚自
 不會每日飽飯喫了上來下去覓什麼梳這
 野狐隊仗向這裏作什麼以拄杖一時趁下

問初秋夏末前程忽有人問如何祇對師云
大衆退後進云過在什麼處師云還我九十
日飯錢來問學人近到法席未審家風事如
何師云不歷一問作麼生道問十方國土中
唯一乘法如何是一乘法師云何不別問
進云謝師指示師便喝問承古有言一塵徧

勿四

十七

舍一切塵如何是一塵師云吃嚙舌頭更將
一問來問學人不問師還答也無師云將汝
口掛壁上不得問一切尋常時如何師云雖
然屎臭氣熏我且問你晝行三千夜行八
百你鉢盂裏什麼處著僧無對師云脫空妄語
漢問如何是教眼師云速禮三拜問承古有

言牛頭橫說豎說不知有向上開揆子如何
是向上開揆子師云東山西嶺青問如何是
露地白牛云歸依佛歸依法歸依僧進云白
牛何在師咄之問樹凋葉落時如何師云體
露金風問如何是布袋裏珍珠師云說得麼
問如何是祖宗的子師云言中有響

上堂云夫學般若菩薩須識得衆生病即識
得學般若菩薩病還有人揀得麼出來對衆
揀看衆無語乃云若揀不得莫妙我東行西
行 上堂云我今日共汝說葛藤屎及屎
大泥猪疥狗不識好惡屎坑裏作活計所以
道盡乾坤大地三乘十二分教三世諸佛天

下老師言教一時向汝眼睫上會取去饒汝
 便向這裏一時明得亦是不著便漢無端跳
 入屎坑可中於我被僧門下過打脚折時有
 三僧出一時禮拜師云一狀領過問如何得
 速超三界去師云如何得速超三界去進云
 是師云是即休問終日忙忙時如何師云覲
 機無響路進云作麼生師云說不得問一擺
 淨盞時如何師云爭柰老僧何進云此是和
 尚分上師云這掠虛漢問如何是道師云透
 出一字進云透出後如何師云千里同風問
 古人道知有極則事如何是極則事師云爭
 柰在老僧手裏何進云某甲問極則事師便

捧云咩咩正當撥破便道請益這般底到處
 但知亂統近前來我問你尋常在長連床上
 商量向上向下起佛越祖你道水拈牛還有
 起佛越祖底道理麼僧云適來已有人問了
 也師云這箇是長連牀上學得底不要有便
 言有無便言無僧云若有更披毛戴角作麼
 師云將知你祇是學語之派又云來來我更
 問你諸人橫擔拄杖道我參禪學道便覓箇
 起佛越祖底道理我且問你十二時中行在
 坐卧肩屎送屎至於茆坑裏蟲子市肆賣買
 羊肉案頭還有起佛越祖道理麼道得底出
 來若無莫妨我東行西行便下座師見僧入

來便云瓦解冰消僧云學人有什麼過師云
七棒對十三問如何是西來意師云長連床
上有粥有鉢問承古有言道無橫徑立者皆
危如何是道聖普請看問如何是三乘教外
一句師云闍黎一問老僧躑跳三千里進云
謝師指示師云住住你道老僧話作麼生無

對師云三十年後來與汝三十棒問大衆雲
集合談何事師云譚汝屋裏老爺問曹溪一
句闍黎知聞未審雲門一句什麼人得聞師
云闍黎不聞進云學人親近得不師云子細
知躑看 上堂云如來明星現時成道有
僧問如何是明星現時成道師云近前來近

前來僧近前師以拄杖打越 上堂有僧
出禮拜云請師答話師召大衆大衆舉頭師
便下座 上堂良久有僧出禮拜師云太
遲生僧應喏師云這漆桶 上堂有解問
話者置將一問來僧出禮拜云請師鑒師云
拋釣釣鯤鯨釣得箇蝦蟇云和尚莫錯師云
朝走三千暮走八百作麼勿四無語十九師便打
上堂僧問如何是本源師拈起拄杖云若是
提起即向上去也僧又問如何是本源師云
南瞻部洲北鬱單越問普賢為什麼騎象文
殊為什麼騎獅子師云我無象也無獅子且
騎佛殿出三門去也問如何是教意師云山

河大地又云正好辨猶是曲說教意若約提網即未在一問一切智通無障礙時如何師云掃地潑水相公來問隨流認得性時如何師云東堂月朗西堂閣問如何是三乘教外別傳底事師云你若不問我即不答你若問我即朝到西天暮歸唐土僧云乞師指示師云一不成二不是問如何是祖師西來意師云青天白日竊語作麼問如何是佛法大意師云日裏麒麟看北斗問學人到這裏為什麼道不得師云野苾芻裏坐問不落古今是何曲調師拽拄杖便下座問如何是佛法大意師云面南看北斗問古人斬蛇意旨如何師

便打問如何是和尚家風師云閣黎受戒太早問如何是賓中主師云騎一問進云如何是主中主師云义手著進云賓主相去多少師云如眼如目進云合談何事師云三九二十七問自到和尚法席不會乞師指示師云截却你頭得麼問乞師指示令學人頓息感迷師云襄州米作麼價問二尊相見時如何師云不是偶然上堂天帝釋與釋迦老子在中庭裏相爭佛法甚鬧便下座問如何是曹溪的的意師云老僧愛瞋不愛喜進云為什麼如此云路途劒客須呈劒不是詩人不敵詩問二尊相見共談何事師云不決即道

問人天交接其意如何師云對衆呈機 上
堂和尚子且須明取衲僧鼻孔且作麼生是
衲僧鼻孔乃云摩訶般若波羅密今日大普
請便下座問如何是西來意師云山河大地
進云向上更有事也無師云有進云如何是
向上事云釋迦老子在西天文殊菩薩居東
土問父母俱喪時如何云俱喪且置那個是
你父母僧云苦痛深師云酌然酌然問如何是
大施主師云對機不辨問徹底冥濛底人來
師如何拯濟師云兩重公案一狀領過問說教
當為何人云近前來高聲問僧近前問師便
打問和尚年多少師云七九六十八進云為

什麼七九六十八師云我為你減却五年問
十方薄伽梵一路涅槃門如何是一路涅槃
門師云我道不得進云和尚為什麼道不得
師云是你舉話即得問如何是法說師云大
衆久立速禮三拜如何是隨意說師云晨時
有粥齋時有飯如何是隨宜說師云三德六
味施佛及僧如何是方便說師云是汝鼻孔
重三斤半如何是大悲說師云皈依佛法僧
問生死根源即不問如何是目前三昧師云
吃嚙舌頭三千里進云今日得遇和尚也師
云放你三十棒問乞師指示師云上大人丘
乙已進云學人不會師云化三千七十七士問

不離三德六味還有佛法也無師云祇怕你不問進云請師道師云三德六味施佛及僧上堂云眼睫橫亘十方眉毛上透乾坤下透黃泉須彌山塞却汝咽喉還有會處麼若會得拽取占波國共新羅國關額 上堂云江西即說君臣父子湖南即說他不與麼我

此間即不如此良久云汝還見壁麼勿謂上堂云去去逾相鈍置有什麼了時却問衆云我與麼道還有過麼問如何是祖師西來意師云一不得問進云喏師咄云話也不領問今日供養羅漢羅漢還來也無師云汝若不問我即不道進云請師道師云三門頭合

掌佛殿裏裝香問如何是衲僧本分事師云南有雪峯北有趙州進云請和尚不繁辭師云不得失却問學云喏師便打問承古有言會即事同一家不會即離牙擘齒如何得事同一家師云乱走作麼 上堂云從上來且是箇什麼事如今抑不得已且向汝諸人道盡大地有什麼物與汝為對為緣若有針鋒與汝為隔為礙與我拈將來喚什麼作佛作祖喚什麼作山河大地日月星辰將什麼為四六五蘊我與麼道喚作三家村裏老婆說話忽然遇著本色行脚漢問與麼道把脚拽向階下有什麼罪過雖然如此揅箇什麼

道理便與麼莫越口快向這裏乱道須是箇
漢始得忽然被老漢脚跟下尋著勿去處打
脚折有什麼罪過既與麼如今還有問宗乘
中話麼待老漢荅一轉了東行西行有僧擬
問次師以拄杖劈口打便下座問師子頻呻
時如何師云嗶呻且置試啐吼看僧應啐
云這箇是老鼠啼 上堂云我有一句語
不敢望你會還有人舉得麼良久云將謂胡
貳赤更有赤貳胡便下座 上堂云不得
已且作死馬醫向汝道是箇什麼是東是西
是南是北是有是無是見是聞是向上是向
下是與麼是不與麼這箇喚作三家村裏老

婆說話是你有幾箇到此境界相當即相當
不相當靜處薩婆訶便下座 上堂三諸
方老和尚道須知有聲色外一段事似這箇
語話誑詭人家男女三間法堂裏獨自妄想
未曾夢見我本師宗旨在作麼生消得他信
施臘月三十日箇箇須償他始得任汝教跳
去是你諸人各自努力珍重問目前無一法
還免得生死不師云你驢年未免得在問如
何是道師云去進云學人不曾乞師道師云
閻黎公驗分明何在重判問維摩一默還同
說也無師云痛領一問進云與麼則同說也
師云適來道什麼問如何是清淨法身師云

花藥欄進云便與麼會時如何師云金毛師
 子 上堂因聞鐘鳴乃云世界與麼廣闊
 為什麼鍾聲披七條 上堂云不可雪上
 加霜去也珍重便下座 上堂云諸方老
 秃奴曲木禪牀上坐地求名求利問佛答佛
 問祖答祖何采送尿也三家村裏老婆傳口
 今相似識箇什麼好惡揔似這般底水也難
 消 上堂云人人自有光明在看時不見
 暗昏昏便下座師入京在受春殿聖上問如
 何是禪師云皇帝有勅臣僧對師在文德殿
 赴齋有勅常侍問靈樹果子熟也未師云什
 麼年中得信道生 上堂云你諸人無端

走來這裏覓什麼老僧祇解喫飯屙屎別解
 作什麼你諸方行脚參禪問道我且問你諸
 方參得底事作麼生試舉看又云中間諱汝
 屋裏老爺得麼向老漢脰臂後覓得些子啼
 唾嚼將為自己便道我解禪解道饒你念得
 一大藏教擬作麼生去古人事不得已見你
 乱走向汝道菩提涅槃是埋没你是釘橛繫
 却你又見你不曾向汝道非菩提涅槃知是
 般事早是不著便也又更覓他注解這般底
 滅胡種族從上來揔似這般何處到今日我
 向前行脚時有一般人與我注解他是不惡
 心被我一見見是一場笑具是我三五年

不死這般滅胡種底一斧打脚折如今諸方
大有出世紐捏你何不去彼中在這裏覓什
麼乾屎橛師便下地以拄杖一時打趁下去
問如何是萬法一決師云莫教失却問問死
中得活時如何師云朝行三千夜行八百問
大衆雲集合談何事師云今日放下令行去
也僧禮拜師便打問如何是透法身句師云
海晏河清道士問視聽無聲無形老君說了
也雲門一句請師指示師云迢然西天路士
無語師擬下座士云再請師舉揚宗旨師云
道得底出來衆無對師云與麼則辜負請主
去也便下座 上堂大衆集定師乃拈起

拄杖云不得已且向這裏會取看看三門在
露柱上便下座 十二時歌 夜半子
愚夫說相似 雞鳴丑癡人捧應首 平旦
寅曉何人 日出卯韓情枯骨咬 食時辰
歷歷明機是悞真 禺中已去來南北子
日南午認向途中苦 日昃未夏逢說寒氣
晡時申張三李四會言真 日入酉恒機何
得守 黃昏戌看見時光誰受屈 人定亥
直得分明沉苦海 偈頌 雲門聳剔
白雲低水急遊魚不敢棲入戶已知來見解
何勞更舉轆中泥 藥病相治學路醫扶籬
摸壁小兒戲幽谷不語誰人測管解師承孰

不知 康氏圓形滯不明 魔深虛喪擊寒冰
 鳳羽展時起碧漢 晉鋒八博擬何憑 是機
 是對對機迷 闕機機遠遠 機捷夕日日 中誰
 有挂因底底事 隔情迷 太陽溢目極玄微
 誰人說道我渠非 句中有路人皆響觀而難
 遭第一機 卅歲依山人 事稀松下相逢話

道奇鋒前一句 起調御擬問如何歷劫違
 既古松高雲不齊 鴻鶴抱幾年棲 割齋同
 時殊有異羽張騰漢 碧霄低 萬像森羅極
 細微素話當人 却道非相逢相見呵 呵笑顧
 佇停機復是誰 話盡途中事言多何省機
 貴人言是妙上士 見知虧 大道何曾討無

端入荒草卷來復卷去 不覺虛生老 上才
 見天下不見地 塞却咽喉何處出 氣笑我者
 多 晒我者少 喪時光 藤林荒畝人 意滯肌
 毛 舉不顧即差互 擬思量何劫悟 咄咄
 咄力 韋希禪子 訝中眉 垂
 抽顧頌 嗟嘆

古尊宿語錄卷第十六

勿四

古尊宿語錄卷第十七

勿五

雲門巨真禪師語錄

室中語要一百八十五則垂示代語二百九

十則 室中語要

示衆云盡十方世界乾坤大地以拄杖一盡

勿五

百雜碎三乘十二分教達磨西來放過即不

可若不放過不消一喝 示衆云西天二十

八祖唐土六祖天下老和尚抱在拄杖頭上

直饒會得個儻分明祇在半途若不放過盡

是野狐精師一日云古來老宿皆為慈悲之

故有落草之談隨語識人若是出草之談即

不與麼若與麼便有重話會語不見仰山和

尚問僧近離甚處僧云廬山仰山云曾遊五

老峯麼僧云不曾遊仰山云聞梨不曾遊山

師云此語皆為慈悲之故有落草之談有時

云若言即心即佛權且認奴作郎生死涅槃

恰似斬頭覓活若說佛說祖佛意祖意大似

將木棄子換却你眼睛相似 舉古云聞

聲悟道見色明心師云作麼生是聞聲悟道

見色明心乃云觀世音菩薩將錢來買餅

放下手云元來祇是饅頭有時云燈籠是你

自己把鉢盂噎飯飯不是你自己有僧便問

飯是自己時如何師云者野狐精三家村裏

漢復云来来不是你道飯是自己僧云是阿
 云驢年夢見三家村集漢有時云真空不壞
 有真空不異色僧便問作麼生是真空師云
 還聞鐘聲麼僧云此是鐘聲師云驢年夢見
 麼 舉疎山和尚問僧什麼處來僧云嶺
 中來山云曾到雪峯麼僧云曾到山云我已
 前到時是事不足如今作麼生僧云如今足
 也山云粥足飯足僧無語師云粥足飯足
 舉乎上座參雪峯峯聞乃集眾乎到法堂上
 顧視雪峯便下看知事明日却上禮拜云某
 甲昨日觸忤和尚峯云知是般事便休時有
 僧問師作麼生是觸忤和尚處師便打

舉僧問資福古人拈槌豎拂意旨如何福云
 古人與麼那僧云拈槌豎拂又作麼生福便
 唱出師云古人是什麼眼目僧云和尚作麼
 生師云驢年會麼僧無對師復召僧來來僧
 近前師以拂子蓋口打 舉三平頌云即
 此見聞非見聞師云喚什麼作見聞無餘聲
 色可呈君師云有什麼口頭聲色箇中若了
 全無事師云有什麼事體用無妨分不分師
 云語是體體是語復拈起拄杖云拄杖是體
 燈籠是用是分不分不見道一切智智清淨
 舉一宿覺云幻化空身即法身師拈起拄杖
 云盡大地不是法身 舉僧問趙州某甲

乍入叢林乞師指示州云喫粥了也未僧云喫粥了也州云洗鉢盂去師云且道有指示無指示若道有指示向他道什麼若道無指示者僧何得悟去 舉僧問雪峯乞師指示峰云是什麼其僧於言下大悟師云雪峰向伊道什麼有時云平地上死人無數過得

荆棘林是好手僧云與麼則堂中第一座有長處也師云蘇嚕蘇嚕 舉無情說法忽聞鐘聲云釋迦老子說法也蓋拈起拄杖問僧者箇是什麼僧云拄杖子師云驢年夢見一日云三家村裏賣卜東卜西卜忽然卜著也不定僧更問忽然卜著時如何師云伏惟

師云大用現前不存軌則僧便問如何是大用現前師乃拈拄杖高聲唱云釋迦老子來也有時以拄杖打火鑪一下大眾眼目定動師乃云火鑪教跳上三十三天見麼見麼衆無語師云無智人前莫說打你頭破百裂師云看看法身變作燈籠超佛越祖之談三五

從你脚跟下過也僧云脚跟下認得時如何師云鈍置殺我僧云與麼則迥然不在者裏也師云十萬八千 舉槃山語云光境俱忘復是何物師云直饒與麼道猶在半途未是透脫一路僧便問如何是透脫一路師云天台華頂趙州石橋 舉仰山云如來禪

即許師兄會僧便問如何是如來禪師云上
 大人又拈起扇子云我喚作扇子你喚作什
 麼僧無語師云扇子上說法燈籠裏藏身作
 麼生僧却問如何是和尚禪師叱云元來抵
 在者裏 舉雪峰喚僧近前來僧近前峰
 云去師舉了問僧你作麼生道得又手句你

弟子圖象傳文刑片

若道得又手句即見雪峰 舉三祖云一
 心不生萬法無咎師云祇者裏悟了乃拈起
 拄杖云乾坤大地有什麼過 舉一宿覺
 云一切數句非數句與吾靈覺何交涉師云
 行住坐卧不是靈覺喚什麼作數句
 舉繁山云光境俱忘復是何物師云東海裏

藏身須彌山上走馬復以拄杖打牀一下大
 衆眼目定動乃拈拄杖趨散云將謂靈利者
 漆桶 舉僧問乾峰十方薄伽梵一路涅
 槃門未審路頭在什麼處峰以拄杖劃云在
 者裏師拈起扇子云扇子教跳上三十三天
 築著帝釋鼻孔東海鯉魚打一棒雨似盆傾
 相似會麼有時云諸方拈槌豎拂云會麼但
 云莫壓良為賤却云是是待伊擬議便打
 舉教云心生種種法生心滅種種法滅乃拈
 起拄杖云重多少僧云半斤師云驢年夢見
 舉夾山語云百草頭上薦取老僧師合掌云
 不審不審又以拄杖指露柱云夾山變作露

柱也看看 舉仰山問僧近離甚處僧云
向南山拈起拄杖云彼中還說者箇麼僧云
不說山云不說者箇還說那箇麼僧云不說
山召大德叅堂去其僧便去山復召其僧僧
應喏山云近前來僧近前山便打師云仰山
若無後語爭識得人 舉雪峰喚僧近前

勿五

四

來僧近前峰云甚處去僧云昔請去峰云去
師云此是隨語識人 舉叅同契云回互
不回互師云作麼生是不回互乃以手指板
頭云者箇是板頭作麼生是回互師云喚什
麼作板頭 舉見聞覺知無障礙聲香味
觸常三昧師云一切處不是三昧行時不是

三昧有處云聲香味觸體在一邊聲香味觸
在一邊見解偏枯 舉夾山坐次洞山到
來云作麼生夾山云祇與麼師代洞山云不
放過又作麼生代夾山便喝師又拈夾山云
祇與麼元來祇在蝦蟆窟裏又云祇與麼也
難得 舉祖師偈云法法本來法師云行

弟子其完保父張通春律氏刊正

住坐卧不是本來法一切處不是本來法祇
如山河大地與你日夕著衣喫飯有什麼過
又云法本法無法師拈起拄杖云不是本無
法 舉傳大士頌云空手把鋤頭步行騎
水牛師云是你從向北騎一頭水牯牛到這
裏乃拈起拄杖云不見道千頭萬頭到這裏

但議取一頭 舉寶公云如我身空諸法
 空千品萬類悉皆同師云你立不見立行不
 見行四大五蘊不可得何處見有山河大地
 來是你每日把鉢盂噉飯喚什麼作飯何處
 更有一粒米來 舉一切聲是佛聲一切
 色是佛色師拈起拂子云是什麼若道是拂

勿五

五

子三家村集老婆禪也不會 舉南方禪
 客問國師此間佛法如何國師云身心一如
 身外無餘師云山河大地何處有也有時云
 要識祖師麼以拄杖指云祖師在你頭上教
 跳要識祖師眼睛麼在你脚跟下又云這箇
 是祭鬼神茶飯然雖如此鬼神也無厭足有

時云若說菩提涅槃真如解脫是燒椒香供
 養你若說佛說祖是燒黃熟香供養你若說
 超佛越祖之談是燒餅香供養你婦依佛法
 僧下去一日拈起拄杖舉教云凡夫實謂之
 有二乘折謂之無緣覺謂之幻有菩薩當體
 即空乃云衲僧見拄杖但喚作拄杖行但行
 坐但坐拗不得動著 舉夾山詔云百草
 頭上薦取老僧鬧市集識取天子又云一塵
 纔起大地全收 舉雪峰云三世諸佛向
 火燄上轉大法輪師云火燄為三世諸佛說
 法三世諸佛立地聽師因喫茶了拈起盞子
 云三世諸佛聽法了盡鑽從盞子底下去也

見麼見麼若不會且向多年曆日集會取
 舉槃山語云光非照境境亦非存光境俱忘
 復是何物師云盡大地是光喚什麼作自己
 你若識得光去境亦不可得有什麼屎光培
 光境既不可得復是何物又云此是古人惹
 惹之故重話會語者集個儻分明去放過即
 不可若不放過復舉手云蘇盧蘇盧
 舉傳大士云禪河隨浪靜定水逐波清師拈
 拄杖指燈籠云還見麼若言見是破凡夫若
 言不見有一隻眼在你作麼生會良久復拈
 拄杖云盡大地不是浪師有時拈拄杖打牀
 一下云一切聲是佛聲一切色是佛色尔肥

鉢盂噶飯時有箇鉢盂見行時有箇行見坐
 時有箇坐見者般底作與麼去就把棒一時
 趁散有時拈起拂子云者集得箇入處去捏
 怪也日本國集說禪三十三天有箇人出來
 喚云叫叫特厚兜擔枷過狀 舉古人道
 一處不通兩處失功兩處不通觸途成滯拈
 起拄杖云山河大地三世諸佛盡在拄杖頭
 上有甚滯礙如今明也暗向什麼處去祇者
 明便是暗一切衆生祇被色空明暗隔礙便
 見有生滅之法 舉一宿覺云六般神用
 空不空一顆圓光色非色師拈起拂子云者
 箇是圓光是色非色喚什麼作色與手拈將

勿五

六

來看

舉夾山云百草頭上薦取老僧鬧

市裏識取天子師云蝦蟆入你耳朵裏毒蛇

穿你眼睛中且向葛藤處會取 舉十方

薄伽梵一路涅槃門師云你若不識大食國

裏人在你眼裏裏賣香藥 舉般若經云

無二無二分無別無斷故師乃指露柱云與

般若經相去多少 舉經云經書呪術一

切文字語言皆與實相不相違背師拈拄杖

云者箇是什麼若道是拄杖入地獄不是拄

杖是什麼一日拈拂子撼一下云日月星辰

撲落地上見麼良久起身云近後突著你眼

睛 舉十方薄伽梵一路涅槃門師云者

箇是屋上頭是天手裏是拄杖作麼生是涅

槃門有時云彈指聲欬揚眉瞬目拈槌豎拂

或即圓相盡是撩鉤搭索佛法兩字未曾道

著道著即撒屎撒屎 舉瓦官參德山瓦

官為侍者同入山斫木德山將一椀水與瓦

官官接得便喫却山云會麼官云不會山又

將一椀水與瓦官官接得又喫却山云會麼

官云不會山云何不成梳取那不會官云

不會又成梳箇什麼山云子大似箇鐵椀瓦

官住院後雪峯去訪茶話次峰云當時在德

山會集斫木因緣作麼生官云先師當時肯

我峰云和尚離先師太早其時面前有一椀

水峰云將水未官便過與雪峰峯接得便澄
却師代云莫歷良為賤因齋次將餠餅一咬
云咬著帝釋鼻孔帝釋害痛復以拄杖拍云
在你諸人脚跟下變作釋迦老子見麼見麼
閻羅王聞說呵呵大笑云者箇師僧相當去
不奈你何若不相當揔在我手裏有時以拄
杖打赫一下云你若箇漢忽然者裏聞聲
悟了一切山河大地日月星辰有什麼過
舉洛浦云一塵纒起大地全收師云鳥窠拈
布毛便有人悟去因喫茶次舉一宿覺云三
身四智體中圓八解六通心地印師云喫茶
時不是心地印乃拈拄杖云且向者裏會取

舉僧問雪峯如何是觸目菩提峰云好箇露
柱有處云還見露柱麼師拈起拄杖云有底
體上會事見露柱祇喚作露柱有處道不見
有露柱見解偏枯見露柱但喚作露柱見拄
杖但喚作拄杖有什麼過 舉僧問靈雲
佛未出世時如何靈雲豎起拂子僧云出世
後如何雲亦豎拂子師云前頭却實後底打
不著又云不說出不出何處有一問時節秋
如雪峰夏末於僧堂前坐衆纒集峰拈起拄
杖云者箇為中下根人便有僧問忽遇上上
人來時如何峯拈起拄杖師云我不似雪峯
打破狼藉僧便問未審和尚如何師便打

舉僧問玄沙如何是學人自己沙云是你自己師云沒量大人被語脉裏轉却有僧問如何是學人自己師云忽然路上有人喚衲僧齋你也隨例得飯喫因齋次拈起餠餅云我教供養江西兩浙人不供養向北人僧云為什麼祇供養江西兩浙人不供養向北人師

勿五

八

云天寒日短兩人共一椀 舉國師云南方佛法半生半滅比間身心一如身外無餘師云喚什麼作身心一如又云汝等要識國師底麼自代云不可辜負國師去也 舉肅宗帝請國師看戲國師云有什麼身心看戲帝再請國師云幸自好戲師云龍頭蛇

尾 舉國師三喚侍者侍者三應國師云將謂吾辜負你誰知你辜負吾師云作麼生是吾辜負你汝若會得也是無端又云作麼生是侍者辜負國師處師云粉骨碎身未報得 舉藥山問僧什麼處來僧云湖南來山云洞庭湖水滿也未僧云未滿山云許多時雨水為什麼未滿雲巖代云湛湛地洞山代云什麼劫中曾欠少師云祇在這裏舉雪峰云飯籬邊坐已死人臨河渴死漢玄沙云飯籬裏坐餓死漢水裏沒頭浸渴死漢師云通身是飯通身是水 舉僧問資福古人拈提豎拂意旨如何福云噯師云靈上

加霜 舉僧問資福如何是一塵入正受
 福作入定勢僧云如何是諸塵三昧起福云
 你問阿誰師云這阿師話墮也不知又云前
 頭早是葛藤又道你問阿誰 舉茱萸上
 堂云你諸人莫向虛空裏釘橛時有靈虛上
 座出衆云虛空是橛茱萸便打虛云和尚莫
 錯打某甲勿五便歸方丈師云矢上加尖僧云
 和尚適來與麼道那師云槌鐘謝響得箇蝦
 蟆出來 舉僧問投子密巖意旨如何子云
 須是與麼人始得趙州云何不與他本分草
 料師問僧作麼生是本分草料僧擬議師便
 打 舉古云寂寂空形影師展兩手云山

河大地何處得也又云一切智通無障礙師
 云拄杖走到西天却歸新羅國裏乃敲牀云
 這箇是你鼻孔 舉僧問夾山如何是道
 山云太陽溢目萬里不挂片雲師云不喚作
 一句不喚作法身是什麼僧問如何是學人
 自己師云老僧入泥入水僧云某甲粉骨碎
 身去也師喝云大海水在你頭上速道速道
 僧無語師代云也知和尚恐某甲不實有時
 云直得乾坤大地無纖毫過患猶是轉句不
 見一色始是半提直得如此更須知有全提
 時節有時云泡幻同無礙一切處不是幻一
 切處不是無礙有時云橫說豎說菩提涅槃

真如佛性掘是向下商量直得拈槌豎拂時
 節亦是橫說豎說對前頭猶較些子僧問請
 師向上道師云大眾久立速禮三拜
 舉崇壽問僧還是燈籠麼僧無語師代云推
 倒燈籠 舉趙州問僧什麼處去僧云摘
 茶去師云閉口 舉法身說法青青翠竹
 盡是法身未是提綱拈掇時節 舉有為
 無三世無為有三世有為是斷滅法何處得
 三世無為有三世不是守寂處法 舉寶
 學是葛藤言句拈槌豎拂時節於寶學猶在
 半途 舉三種人一人因說得悟一人回
 喚得悟第三人見舉便迴去你道便迴去意

作麼生復云也好與三十棒 舉法身喫
 飯早是剗肉作瘡將謂合有與麼說話
 舉僧問雲居湛然時如何居云不流師云不
 流說什麼湛然又云此是截鐵之言 舉藥
 病相治盡大地是藥那箇是你自己師云遇
 賤即貴僧云乞師指示師拍手一下拈起拄
 杖云接取^{勿五}拄杖子僧接得拗作兩截師云直
 饒與麼也好與三十棒 舉翠巖夏末上
 堂云我一夏已來與師僧說話看翠巖眉毛
 在麼保福云作賊人心虛長慶云生也師云
 閑靜時云不敢望你有逆水之波且有順水
 之意也難得乃舉良遂初叅麻谷谷見來便

去鋤草良遂到鋤草處谷都不顧便歸方丈
 閉却門良遂連三日去敲門至第三日纔敲
 門麻谷問阿誰良遂云和尚莫瞞良遂若不
 來禮拜和尚洎被經論賺過一生師云便有
 逆水之波如今得入是順水之意亦喚作雙
 放時節又云麻谷問阿誰良遂道莫瞞良遂
 不是識破麻谷相見時節若來禮拜和尚
 洎被經論賺過一生亦知有賺人處自後良
 遂歸京辭皇帝及左右街大師大德再三相
 留茶筵次良遂云諸人知處良遂恁知良遂
 知處諸人不知師云作麼生是良遂知處
 舉心經云無眼耳鼻舌身意師云為你有首

眼見所以言無不可如今見時不可說無也
 然雖如此見一切有什麼過一切不可得有
 什麼聲香味觸法 舉光明寂照徧河沙
 問僧豈不是張拙秀才語僧云是師云話墮
 也 舉僧辭石霜霜問松去陸去僧云遇
 松即松過陸即陸霜云我道半途稍難僧無
 語師代云三十年後此話大行又云臨行一
 句末劫不忘 舉生法師云敲空作響擊
 木無聲師以拄杖空中敲云阿耶耶又敲板
 頭云作聲麼僧云作聲師云這俗漢又敲板
 頭云喚什麼作聲 舉僧問石霜教中還
 有祖師意麼霜云有僧云如何是教中祖師

勿五

十一

意霜云莫向卷中求師代云不得辜負老僧
 却向屎坑裏坐地作什麼 舉石霜云須
 知有教外別傳一句僧問如何是教外別傳
 一句霜云非句師云非句始是句 舉洞山
 云須知有佛向上事僧問如何是佛向上事
 山云非佛師云名不得狀不得所以言非
 舉洞山云塵中不染丈夫兒師云拄杖但喚
 作拄杖一切但喚作一切 舉法身清淨
 一切聲色盡是麻織語話不涉麻織作麼生
 是清淨又云作麼生是法身師云六不收又
 云三十三天二十八宿 舉古云如我身
 空諸法空千品萬類悉皆同師云身不可得

一切諸法豈是有也所以古人道無情有佛
 性又云無情不喚作法身說法有時云光不
 透脫有兩般病一切處不明面前有物是一
 又透得一切法空隱隱地似有箇物相似亦
 是光不透脫又法身亦有兩般病得到法身
 為法執不忘己見猶存坐在法身邊是一直
 既透得法身去放過即不可子細點檢采有
 什麼氣息亦是病 舉僧問國師如何是
 本身盧舍那國師云與老僧過淨瓶來僧取
 淨瓶至國師云却安舊處著僧送安舊處又
 來問如何是本身盧舍那國師云古佛過去
 久矣師云無跡 舉僧問灌溪久縉灌

溪到來祇見箇漚麻池溪云你祇見漚麻池
且不識灌溪僧云如何是灌溪溪云劈箭急
師云何不與第一機抵對 舉韋監軍見
帳子畫牛抵樹問僧牛抵樹樹抵牛無對師
代云歸依佛法僧 舉老宿問僧聞說雪
峯有箇子話是不僧云不見說著宿云聞說
有僧云秋是師僧亂舉宿云不亂舉底事作
麼生無對師代云某甲新到未曾參堂
舉佛問外道汝義以何為宗師代外道云者
老和尚我識得你也外道云以一切不受為
宗代佛云放過一著佛云汝以一切不受為
宗耶代外道云者瞿曇莫教失却問 舉雪

峰云盡大地是你將謂別更有師云不見楞
嚴經云衆生顛倒迷已逐物若能轉物即同
如來 舉教云諸法寂滅相不可以言宣
師云見定如今說話何處有說不說不見道
去不到去來不到來 舉一切真如舍一
切師云喚什麼作山河大地又云是諸法空
相不生不滅不垢不淨或拈拄杖示衆云拄
杖子化為龍吞却乾坤了也山河大地甚處
得來或畫圓相云還有人出得麼 舉教云
是法住法位世間相常住師云釋迦老子甚
處去也 舉僧問投子如何是此經子云
維摩法華又問塵中不染丈夫見時如何子

云不著師云不喚作法身不喚作第一義亦
 為說法亦為說真空師齋次拈起筋云我
 不供養南僧祇供養北僧時有僧問為什麼
 不供養南僧師云我要鈍置伊僧云為什麼
 祇供養北僧師云一箭兩塚有僧拈問祇如
 前意作麼生師云好即同榮或時以拄杖打

勿五

十三

露柱一下云三乘十二分教說得著麼自云
 說不著復云咄者野狐精僧問祇如師意作
 麼生師云張公喫酒李公醉 舉古云有
 驚人之句僧問如何是驚人之句師云響
 舉國師云語漸也返常合道論頓也不留朕
 跡師云拈起豎拂彈指時節若檢點來也未

是無朕跡有時拈拄杖云乾坤大地殺活
 在這裏僧便問如何是殺師云七顛八倒僧
 云如何是活師云要作飯頭僧云不殺不活
 時如何師便起云摩訶般若波羅密有時云
 過人即途中受用乃拈起拄杖云拄杖不是
 途說話不是途 舉法身喫飯幻化空身

即法身師云乾坤大地何處有也物物不可
 得以空噎空若約點檢來將謂合有與麼說
 話 舉應化非真佛亦非說法者師曰應
 化之身說即是法身說亦喚作觀體全真以
 法身喫法身又云飯不是法身拄杖不是法
 身有時云宗門七縱八橫殺活臨時僧便問

如何是殺師云冬去春來僧云冬去春來時如何師云橫擔拄杖東西南北一任打野裡示衆云任你橫說豎說未是宗門苗裔若據宗門苗裔是甚熱椀鳴三乘十二分教說落達磨西來說夢若有老宿開堂為人說法將利刀殺却百千萬箇有什麼過又云符謂合有與麼說話底道理一日云拈拄杖豎拂彈指揚眉一問一答並不當向上宗乘僧便問如何是向上宗乘師云地下闊淨大家認道得祇如關市裏坐朝時猶肉案頭茹坑裏蟲子還有超佛越祖之談麼僧云有底不肯師云有底不肯不可商量時便有不商量時便無

也若約那箇語話體上會事直言未到見解偏枯有時云我尋常道一切聲是佛聲一切色是佛色盡大地是法身在作箇佛法中見如今見拄杖但喚作拄杖見屋但喚作屋有時云作而無作用而無用乃拈起拄杖云不是用而無用喚什麼作拄杖十四舉丹霞云百骸俱潰散一物鎮長靈師云拄杖不可不靈也喚什麼作百骸甚處得來十五舉一切賢聖皆以無為法而有差別師云拄杖不是無為法一切不是無為法十六舉誌公云雞鳴丑一顆圓光明已久師云腦後即不問你三千里外道將一句來十七舉睦州喚僧趙

州喫茶入水之義雪峰棍毬歸宗拽石經頭
 以字國師水枕羅漢書字諸佛出身處東山
 水上行總是向上時節示衆云直得觸目無
 滯達得名身句身一切法空山河大地是名
 名亦不可得喚作三昧性海俱備猶是無風
 匝匝之波直得忘知於覺覺即佛性矣喚作
 無事人更須知有向上一竅在有時云一切
 處無不是說法打鐘打鼓時不可不是若與
 麼一切處亦不是有一切處亦不是無又云
 不可說時即有不說時便無也若約提唱即
 未在人門中即得 舉生死涅槃合成
 一塊乃拈起扇子云是什麼不是合成一塊

得與麼不靈利直饒與麼也是鬼窟裏作法
 計 舉僧問南泉牛頭未見四祖時為什
 麼百鳥銜花獻泉云步步蹋佛階梯僧云且
 後為什麼不銜花獻泉云直饒不來猶較王
 老師一線道師云南泉祇解步步登高不解
 從空放下僧云如何是步步登高師云香積
 世界僧云如何是從空放下師云填溝塞壑
 有時云若問佛法兩字東西南北七縱八橫
 朝到西天暮歸唐土雖然如此向後不得錯
 舉 舉祖師偈云心隨萬境轉轉處實能
 禹僧問如何是轉處實能幽師云吃嚙舌頭
 老僧倒走三千里只問如何是隨流記得性

師云餒頭餓子摩訶般若波羅密 舉玄沙
與韋監軍茶話次軍云占波國人語話稍難
辨何況五天梵語還有人辨得麼玄沙提起
托子云識得這箇即辨得師云玄沙何用繁
辭又云適來道什麼又云有什麼難辨
舉古人云以空名召空色師云拄杖不是空
名召得不是空色喚什麼作拄杖不是空名
因南泉示眾云自小養一頭水牯牛擬向溪
東放不免食他國王水草擬向溪西放不免
食他國王水草不如隨處納些些他認不見
後有僧舉似師師云南泉水牯牛隨處納些
些你道在牛內納牛外納直饒你向這裏說

得納處分明我更問你索牛在後長慶云你
道古人前頭為人後頭為人 舉王大王
向雪峯道擬蓋一所佛殿去如何峯云大王
何不蓋取一所空王殿大王云請師樣子峯
展兩手師云一舉四十九 舉報慈讚龍
牙偈云日出連山月圓當戶不是無身不欲
全露有僧問請師全露龍牙撥開帳子云還
見麼僧云不見牙云將眼來後報慈聞舉云
龍牙祇道得一半師令僧舉我與你道共僧
便舉師云我不妨與你道有時云諸方盡向
繩墨裏脫出我者某即不然僧問永審和尚
如何師云草鞋三十文買 舉攬真成立

色相宛然一切法不遷僧便問作麼生是不
 遷師云還見燈籠麼僧云見師云靜處薩婆
 訶示衆云作等諸人每日上來下去問訊即
 不無若過水時將什麼過有久住僧對云步
 師深喜之 舉僧辭大隨隨問什麼處去
 僧云峨嵋禮拜普賢去隨拈起拂子云文殊

勿五

十六

普賢揔在者裏其僧畫一圓相拋向背後却
 辰兩手隨云侍者將一貼茶來與者僧師舉
 了云我即不與麼有僧云和尚又如何師云
 西天斬頭截臂者裏自領出去 舉黃蘗
 一日舉手作捏勢云天下老和尚揔在者裏
 我若放一線道從汝七縱八橫若不放過不

消一捏僧問放一線道時如何藥云七縱八
 橫又問不放過不消一捏時如何藥云普復
 有僧問師如何是七縱八橫師云念老僧年
 老僧云如何是普師云天光迴照僧云如何
 是天光迴照師云骼背少人知有時云一顆
 圓光明已久還有人問麼僧便問如何是一
 顆圓光明已久師云西天斬頭截臂人云除
 却須彌山拈却佛殿脊一日披袈裟云我抖
 擻法身也揔無對師云汝問我僧便問和尚
 抖擻法身意旨如何師云我也知你親
 舉玄沙示衆云諸方老宿盡道接物利生忽
 遇三種病人來作麼生接患盲者拈拄豎拂

他又不見患聾者語言三昧他又聞患瘧者教伊說又說不得且作麼生接若接此人不得佛法無靈驗有僧請益師師云你禮拜者僧禮拜起師以拄杖便拄僧退後師云你不是患盲復喚近前僧近前師云你不是患聾乃豎起拄杖云還會麼僧云不會師云你不是患瘧其僧於此有省 舉古云一言纔舉大地全收師云且道是什麼言自云着鳥啼時西嶺上遂令僧你問我僧便問是什麼言師云噫 舉馬大師云一切語言是提婆宗以此箇為主師云好語祇是無人問僧便問如何是提婆宗師云西天九十六種

你是最下種 舉肇法師云諸法不異者不可續鳧截鶴夷嶽盈壑然後為無異者哉師云長者天然長短者天然短又云是法住法位世間相常住乃拈起拄杖云拄杖不是常住法 舉古云一念劫收一切智師拈起拄杖云乾坤大地揔在上頭若透得去拄杖也不見有直饒與麼也是不著便 舉須菩提說法帝釋雨華尊者問曰此華從天得耶帝曰弗也從地得耶帝曰弗也從人得耶帝曰弗也從何得耶帝釋舉手尊者云如是如是師云帝釋舉手處作麼生與你四大五蘊釋迦老子同刊 舉世尊初生下一手

指天一手拍地周行七步目顧四方云天上
 天下唯我獨尊師云我當時若見一棒打殺
 與狗子喫却貴箇天下太平 舉禾山示
 衆云有作家戰將麼出來時有僧出云未審
 彼中還有也無師云格 舉僧問靈峰佛
 未出世時如何峯橫按拄杖而坐師云常
 舉德山問維那有幾人新到那云八人山云
 喚典座來一時生按過師拈云更說什麼生
 按過 舉靈峯勘僧什麼處去僧云識得
 即知去處峰云你是了事人亂走作什麼僧
 云莫塗汗人好峰云我即塗汗你古人吹布
 毛作麼生與我說來看僧云殘羹餽飯已有

人喫了也師別前語云築著便作屎臭氣代
 後語云將謂是鑽天鷄子元來是死水裏蝦
 蟆 舉韶山勘僧云莫便是多口白頭因
 麼因云不敢山云有多少口因云徧身是山
 云大小二事向甚處肩因云向韶山口集肩
 山云有韶山如五以即向韶山口復肩無韶山口
 向甚處肩如五因無語山便打師代云這話隨阿
 師放你三十棒又代云將謂是師子兒又云
 韶山今日瓦解冰消 舉僧到曹溪有守
 衣鉢上座提起衣云此是大庾嶺頭提不起
 底僧云為什麼在上座手裏座無語師云彼
 彼不了師代云遠智不如親到又云將謂是

師子兒

舉睦州問僧莫便是清華嚴廢

僧云不敢州云莫見華嚴廢僧無語師云門

前大狼藉生

舉湖南報慈垂語云我有

一句子徧大地僧便問如何是徧大地底句

慈云無空缺師云不合與廢道別云何不廢

外問 舉南泉示衆云昨夜三更文殊普

賢相打各與二十棒取向二鐵圍山趙州出

衆云和尚棒教誰喫泉云王老師有什麼過

州便禮拜師代云深領和尚慈悲某甲歸衣

鉢下得箇安樂 舉崇壽見僧做餠餅次

隔窓問云你還見我麼僧云不見壽云還我

餠餅錢來借無語師代云和尚禮拜餅盃好

舉僧問趙州如何是妙峯頂州云不答你者

話僧云為什麼不答州云我若答落在平地

師代云俱胝和尚

舉長慶見僧來云何

得無禮師代云某甲罪過又云甲辰乙巳

舉長慶問秀才云佛教云衆生日用而不知

儒書亦云日用而不知不知箇什麼秀才云

勿五

不知大道師云灼然不知

舉僧問睦州

靈山還有蛇不州云者蚯蚓師代云白骨連

山 舉長慶拈拄杖云識得這箇一生參

學事畢師云識得這箇為什麼不住 舉雲

巖掃地次道吾云何得太區區生巖云須知

有不區區者吾云與麼則第二月也巖堅起

掃帚云這箇是第幾月吾拂袖出去師云奴
 見婢殷勤 舉仰山問俗官云官君何位
 官云推官山乃豎起拂子云還推得這箇麼
 官無語師代云久嚮和尚 舉僧到翠巖
 值巖不在乃下看主事主事云參見和尚也
 未僧云未主事却指狗子云要見和尚但
 拜者狗子僧無語後翠巖歸聞此語云作麼
 生道免得與麼無語師代云欲觀其師先觀
 弟子 舉座主就華嚴講請翠巖齋巖云
 山僧有箇問座主若道得即齋巖便拈起
 餅云還具法身麼主云具法身巖云與麼則
 契法身也主無語本講座主代云有什麼過

巖不肯東使云喏喏師代云特謝和尚降重
 空筵 舉雪峯示眾云世界闊一丈古鏡
 闊一丈世界闊一尺古鏡闊一尺玄沙拍面
 前火鑪云火鑪闊多少峯云似古鏡闊沙云
 這老漢脚跟未點地在後東使拈問僧為復
 古鏡致火鑪與麼大火鑪致古鏡與麼大西
 院云與麼問人也未可在師云餓飯泥茶鑪
 舉僧問雲居山河大地從何而有居云從安
 想有僧云與其甲想出一銚金得麼居便休
 去僧不肯師聞得云已是葛藤不能折合得
 待伊道想出一銚金得麼拈拄杖便打
 舉閩中韋監軍尋常見僧云某甲待官滿出

江西湖南置一問問殺江西湖南老宿僧云
監軍作麼生問軍云不勞手脚僧無語師代
云話隨也又云伏惟尚饗 舉王太傅問
北院云古人道普現色身徧行三昧佛法為
什麼不到北俱盧州院云秋為徧行所以不
到師云如法置一問來 舉王太尉入佛
殿拍鉢孟問僧這箇是什麼鉢僧云藥師鉢
尉云祇聞有降龍鉢僧云持有龍即降尉云
忽遇拏雲撲浪來又作麼生僧云他亦不顧
尉云話隨也玄沙云盡你神力走向什麼處
去保福云歸依佛法僧百文作覆鉢勢師云
他日生天莫辜負老僧 舉地藏問崇壽

女五

母末

你久後將什麼利濟於人壽云無不利濟藏
云無一法得利濟師云直饒與麼也子
又云當時但喚近前來已後教伊無錫味處
舉泉州王太傅問僧上座住甚處僧云半月
山傳云忽遇月頭月尾又作麼生僧無語師
代云將謂與麼更有與麼 舉龍牙尋常
道雲君師兄得第二句我得第一句西院云
祇如龍牙與麼道還扶得也無師云須禮拜
雲居始得西院云傍觀者哂 舉崇壽問
僧還見燈籠麼僧云見壽云兩箇師代云三
頭兩面又云七箇八箇

勿五

永樂北藏

古尊宿語錄

第一九七冊

古尊宿語錄卷第十八

勿六

雲門禪師語錄

師因不安云打草鞋行脚去無對師云汝問我與汝道僧便問和尚什麼處去師云四維上下對機設教去代前語云和尚宜喫薑附

勿六

湯 上堂云劄久雨不晴代云一箭兩槩或云遇賤即貴遇明即暗代云一起一倒 一曰云咬齒一句作廢生道代云合或云初秋夏末責情三十棒代云某甲如是問僧新羅國與大唐國是同是別代云僧堂佛殿廚庫三門 上堂云教意提不起過在什麼處代

云為你蝦蟆活 上堂云你道古佛與露柱相交是第幾機無對師云汝問我與汝道僧便問師云一條條三十文代前語云南山起雲北山下雨僧又問作廢生是一條條三十文師云打典。一日云商量舉覺箇什麼代云盞貴米賤或云佛法兩字拈却成得箇什麼代云死蝦蟆或云佛法不用學燈籠露柱欺你去作廢生得不欺你去代云趙州南石橋北 一日云古人面壁閉却門還透得這裏麼代云這裏是什麼乾屎橛又云一或云般柴來去行住坐卧四威儀中還出得釋迦老子鼻孔麼代云和尚也是量才補職師或

舉手云古佛為什麼不到這裏代云不可降
 尊就卑因僧設報慈和尚齋師問僧汝道報
 慈和尚有幾身代云今日齋飯如法問僧般
 柴來去普賢菩薩在什麼處代云般柴早是
 辛苦 上堂大衆集定云是大過患子細點
 檢代云不用別人問僧世間是什麼人罪最
 重代云平出 一日云古人道一句合頭語
 萬劫繫馱極作麼生明得免此過代云趙州
 石橋嘉州大像或云虛空還有長短也無代
 云這箇師僧得與麼肥這箇師僧得與麼瘦
 一日云常徒之見過在什麼處代云泊作過
 中會 上堂大衆集定云有理不伸死而不

弔有理能伸罕遇奇人置將一問來代云過
 師有時問僧作麼生代云少喫或云是你諸
 人繞天下行脚不知有祖師意露柱却知有
 祖師意你作麼生明得露柱知有祖師意代
 云九九八十一示衆云一舉不再說作麼生
 是一舉又云你若不相當且覓箇入頭路微
 塵諸佛盡在你舌頭上三藏聖教在你脚跟
 下不如悟去好還有人悟得麼出來道看代
 云養子之緣代前語云長安雖樂 上堂大
 衆集定云風不來樹不動便下座代云樹折
 船沉或云第一句作麼生道若道不得作麼
 生得心息代云和尚莫要草鞋拄杖麼 一

日云從上古人作麼生辨人代云城地因君
置師因摘茶云摘茶辛苦置將一問來無對
又云你若道不得且念上大人更不相當且
順朱代云功不浪施代前語云勞而無功或
云今日二十七拈向什麼處代云壁上挂問
僧三乘十二分教什麼人承當得代云沙彌
童行 一日云汝作麼生辨得無礙法代云
開家具或云還有句內藏身麼代云領 一
日云京華還有棟梁也無代云家家觀世音
或云不相當且順朱識取好代云因學人置
得 示衆云剎即難七九六十三作麼生道
代云不可搵無人去也又云洎合向後道師

或云日裏來往日裏辨人忽然中夜教取箇
物來未曾到處作麼生取代云瞞却多少人
示衆云看看佛殿入僧堂裏去也代云羅浮
打鼓韶州舞 上堂拈起拄杖云看看三千
大千世界一時搖動便下座代云拽 一日
云作麼生是雙明一句代云一箭兩梁或云
作麼生是不瞞人底句代云莫道這箇是瞞
人底 一日云泥水不分過在什麼處代云
昨日莫徑人設齋或云日裏來往 搵識你作
麼生是影身一句代云某甲亦見日頭從東
邊上 一日云盡力作麼生道代云五箇餬
餅三椀茶或云作麼生是平伸一問代云便

擱傍僧 一日云空不異色作麼生道代云
園頭甚要或云作麼生是不沉影底句代云
現 上堂大衆集師良久云久雨不晴代云
一棹兩當蓋覆將來 一日云教中有言謗
斯經故獲罪如是拈却當門齒將經來代云
不空買索或云你多年在叢林裏乃舉手便
放下云向後不得與麼代云若與麼便成辜
負和尚 一日云昨日有一句語不敢望你
會還有人舉得麼代云驀又云走殺多少人
上堂大衆集定云搥上來也各自東行西行
便下座代云不少或云古人一言悟道觸緣
見性拈起作麼生商量代云雲居鼓上藍鐘

一日云日裏來往上下下一問一答住汝
當荷夾差一問來作麼生當荷代云謂言侵
早起更有夜行人又云一起一倒又云生在
翼州 上堂云乾坤側日月星辰一時黑作
麼生道代云好事不如無師因說事了起立
以拄杖打禪牀一下云適來如許多葛藤貶
向什麼處去靈利底即見不靈利底著我熱
瞞代云雪上加霜 示衆云日月傍照三天
下正照四天下我與你注破了也一句道將
來代云東弗于代西瞿耶尼或云佛法不用
道著世間什麼物最貴代云莫道這箇是賤
底又云乾屎橛 一日云今日十五入夏也

寒山子作麼生代云和尚問寒山學人對捨
得或云你諸人傍家行脚還識西天二十八
祖麼代云坐底坐卧底卧又云少喫因齋次
指白菟器云這箇知有超佛越祖之談代云
五九四十五又云和尚自喫飯一日云是
你傍家行脚作麼生是不落賓主底句道將
來代云便出去或云是你師僧在江西湖南
所在過夏衣鉢分付什麼人了來代云不是
瞞却一人來又云不作大人相一日云非
貴賤據什麼代云鰕跳不出斗示衆云看
看殺了也便作倒勢云會麼若不會且向拄
杖頭上會取代云龍頭蛇尾蛇尾龍頭又代

作倒勢一日云我每日共你葛藤不能到
夜如今在這裏置將一問來代云祇恐和尚
不答或云作麼生是脚跟下一句代云有麼
師或問僧你為什麼帶累我代云某甲帶累
和尚或云作麼生出得這裏代云朝遊羅浮
暮歸檀特一日云明已底人還見有已麼
代云把將來又代展兩手或云作麼生是麼
舌一句代云和尚祇待某甲道一日云你
師僧繞天下行脚見老和尚開口便上來東
聽西聽何不向洗鉢盂處置將一問來代云
也知和尚為物之故因見火頭云你辛苦我
賞你這箇拄杖子吞却祖師也無對代云功

不浪施又云禍不單行因披衲衣云古人道披衣蓋乾坤乃拈起衲衣抖擻云北斗一時黑作麼生代云也知和尚出身早又云不道與麼去或云佛法還有變易也無代云鉢盂鞋履拄杖針筒一日云佛法拈却我不問你還有識世諦法麼代云某甲若道有被和尚領過初六或云摩菟顯正過在什麼處代云有什麼過示衆云天衆函蓋乾坤目機鉢兩不涉春緣作麼生承當代云一鉢破三關師或云南來北往飛禽走獸為什麼却有異代云辨却多少人或云你諸人擔鉢囊行脚不知有佛法佛殿上豈吻却知有佛法代云

佛殿裏裝香三門外合掌師或以拄杖一劃云微塵諸佛盡在這裏還辨得盡麼代云日出東方夜落西一日云作麼生是扣門一句代云打或云迷本底人觸途俱滯悟本底人為什麼有四大見代云益州附子建州薑師或云你諸方愛答話還有透不得底句麼代云來或云達磨西來為什麼難得兒孫代云放師因說事了起立云你諸人忽然今夜惚悟去早起將刀截却我頭我說了也乃拈衲衣抖擻云作麼生代云學人不得辜負和尚或云口祇堪喫飯你道古人拈拄豎拂揚眉動目作麼生辨代云為山笠子江西別又

云龍頭蛇尾或云佛法中菩提涅槃真如解脫並為增語汝道世諦以何為增語代云開市裏一箇兩箇又云菩提涅槃師或云古人道觸目是道拈却醬甕阿那箇是道無對師云蒼天蒼天代前語云是什麼心行或云見即不可子細看代云長安雞樂 示眾云十五日已前不問你十五日已後道將一句來代云日日是好日 上堂良久云鈍置殺人便下座代云不獨因看誌公頌問僧半夜子心住無生即生死古人意作麼生代云不可總作野狐精見解也或云古人道人人盡有光明在看時不見暗昏昏作麼生是光明代

云廚庫三門又云好事不如無 一日云佛法大殺有祇是舌頭短代云長也又云大斧斫了手摩抄師齊次問僧應是從前叢林學得底言語揔拈却你道我飯作麼生滋味代云菜裏少鹽醋或云是你諸人行脚須知有隔身句作麼生是隔身句代云初三十一或云大智非明真空絕跡還有人明得這箇道理麼若有人明得出來道看代云捏問僧常徒底人過在什麼處你與我拈出來代云不可平地生堆阜又云和尚佛法身心何在或云一言纔舉千差同轍是什麼言代云如是我聞又云要道有什麼難因見狗子乃打一

勿六

六

下云你為什麼咬這露柱代但以脚趂狗子
 便云 舉華嚴經云金色光明雲青色光明
 雲你道我尋常還有這箇時節麼代云亦不
 得屈著和尚因開法堂門云作麼生是入門
 一句有僧云喏師云漆桶無對代云掩面出
 去代後語云道著 一日衆集定云莫錯認

一著便下座代云謝和尚重重相為或云是
 你諸人行脚須知有入頭路還有人道得麼
 出來道看代云也不得辜負和尚 示衆云
 中有一寶秘在形山拈燈籠向佛殿裏將三
 門來燈籠上作麼生代云逐物意移又云雷
 起雲興 一日云宗門作麼生舉令代云吽

師或云阿耶耶新羅國裏打鐵火星燒著我
 指頭自代云非但指頭師或云從上祖師三
 世諸佛說法山河大地草木為什麼不省去
 代云新到行人事又云和尚京中喫麵多師
 或云萬法紘紘三世諸佛天下老和尚一時
 出頭過在什麼處代云著什麼來由 一日

云忽然有一箇老宿把弓刀按劍入地獄如
 箭射還有人會得這箇時節麼代云鑰匙在
 和尚手裏或云古人道難得不錯怪人句作
 麼生是不错怪人句代云爭塞得人口 一
 日云眼睫橫亘十方眉毛上透乾坤下透黃
 泉須彌塞却你咽喉還有人會得麼若有人

曾得拽取占波共新羅闕額代云晒或云古
人道聲香味觸常三昧我與你葛藤乃拈拄
杖云這箇拄杖子是三昧你若識得拄杖子
即識得天下老宿又云你若識得拄杖子未
夢見天下老宿脚跟下一莖毛代云和尚不
使別人 一日云一箭兩梁作麼生代云長
安雖樂或云日謝樹無影這箇是佛殿那箇
是無影代云泊分南北 一日云作麼生道
得不落第二問代云洪州鞋履 一日拈起
拄杖云解脫深坑敦跳代云出或云一語明
得不要分外代云將謂是天地師或云塵無
自性攬真成立作麼生是成立底事代云五

尺拄杖三尺竹 一日云說即天地懸殊不
說即眼睫裏藏身眉毛上敦跳代云三三或
云古人道一語無二語作麼生是一語代云
早朝粥齋後茶師或拈起拄杖云是你諸人
作麼生辨雲門雲門作麼生辨你諸人代云
平問僧佛法還有青黃赤白也無代云東方
甲乙木西方庚辛金 一日云作麼生是塵
中辨主代云道州去江華不遠師或云有一
人問著口似木楔有一人問著口似懸河你
道二人過在甚處代云有即拈出 示衆云
叢林言語即不要作麼生是宗門自己代但
展兩手或云迷身一句作麼生道代云何處

有也或云目前不溺作麼生道代云下不舉
 上示衆云江西即說君臣父子湖南即說
 他不與麼我此間揔不如是你還識壁麼代
 云何異一日云作麼生是不續再問代云
 秋風過去春風至因齋時聞鼓聲師云釋迦
 老子叫喚也時有僧問未審釋迦老子叫喚
 作麼師云你與麼驢年夢見麼代云今日喫
 飯甚是遲或云我今年老七十八也所作事
 難也良久問僧你道淨瓶年多少無對代云
 甲子會一日云靈利底人難得作麼生是
 靈利底人代云不妨或云問一荅十問十荅
 百底人從什麼處來代云西京來一日云

會佛法底人共什麼人語話代云行者問僧
 云三藏聖教天下老和尚言語揔拈却蝦蟆
 口裏道將一句來代云昨日新雷起師舉古
 人道讀經千徧紙上見經不識忽然國師問
 你作麼生又云忽然國師拈起作麼生代前
 語云噫代後語云朝看華嚴夜讀般若或云
 凡有請問不得離於袂對作麼生道代云路
 逢劔客須呈劔一日云作麼生是一句通
 褒貶代云雖是善因而招惡果或云行住坐
 卧著衣喫飯是法身那箇是你四大代云和
 尚今年年尊一日云你若辨我我辨你是
 尋常更有一條作麼生辨代云識或云節角

語須是箇人始得作麼生是節角語代云摩
斯吒落水 一日云繞天下行脚辨人底人
你道具什麼眼代云聽水 上堂云遇人即
鼻孔遼天便下座代云識好惡師或云鬧市
裏道將一句來代便唱聲云人家莫點燈火
上堂云為衆竭力禍出私門代云衆禍已除
或云照盡一句作麼生道代云某甲不欲開
蝦蟆口師在餠餅寮喫茶云不向汝道罪過
無對復云第一須忌火便起去代云大衆不
得辜負和尚師或云佛法大殺有祇是灸瘡
痛代云灸瘡痛猶可 一日云臨坑不換人
代云也是又云某甲識好惡或云古人道舉

即易作麼生代云以貌取人 一日云蒼點
是什麼時節代云不可道是蝦蟆蛤跛或云
不是雲門罪過便起去代云事不孤起師或
云己事若明始消他供養作麼生是你明底
事又云舉一明三萬里崖州代云一切由和
尚代前語云飽師或拈起拄杖問僧這箇汝
不得道著作麼生是衲僧孔竅無對又云你
若道不得向鼻孔裏道將一句來代云新羅
火鐵鄴州針又云死上不足因僧來叅師拈
起袈裟云你若道得落我袈裟綵纈裏你若
道不得又在鬼窟裏坐作麼生代云某甲無
氣力或云不明 底人過在什麼處代云大

人不合如此 一日云放下一句無不盡代
 云養子之緣或云不用指東劃西什麼人會
 佛法代云三家村裏老翁婆 一日云你若
 衣鉢下坐縛殺你你若走上來走殺你作麼
 生是不停之句代云速或云新羅國裏置將
 一問來代云便請 一日云舊法從甚處起
 代云糞堆頭師或云第一句作麼生道你若
 明得陝府鐵牛吞却乾坤代云謝和尚重重
 相為 一日云作麼生是問中具眼代云瞽
 示衆云舉一不得舉二你若舉二放你舉三
 代云開師或云天堂地獄鑊湯鑪炭蓋却你
 頭三世諸佛揔在你脚跟下三十年後鼻孔

遼天代云不可更作野狐精見解也 一日
 云五音六律是有是無代云不可蝦蟆窟裏
 作活計師或云一句該通五千餘首蘇嚕薩
 訶代云三門頭打鼓佛殿裏行香師或云如
 今半夏也敲磬處道將一句來師復云密怛
 哩孤密怛哩智又云密怛哩孤密怛哩智作
 麼生代云啍啍又云磬 一日云三十年後
 會去在代云點兒落節或云頭上霹靂即不
 問你脚下龍過道將一句來代云朝起雲夜
 降雨師問僧德山便棒你道學人還有長處
 也無代云無端 一日云一切智智清淨中
 還有生滅麼代云夜又說半偈或云若知去

處什麼劫中無祖佛代云發 示衆云作麼
生是不露鋒骨句代云今時人湏是明明向
道始得師乃有頌不露鋒骨句未語先分付
進步口喃喃知君大因措或云十方國土中
唯有一乘法你道自己在一乘法裏一乘法
外代云入又云是 一日云紐半破三針筒
鼻孔裏道將一句來代云海裏使風山上船
或云折半列三針筒鼻孔在什麼處與我箇
筒拈出來看代云上中下或云分疆列土作
麼生道代云文殊自文殊解脫自解脫師或
云衲僧湏得巴鼻即識得天下人作麼生是
衲僧巴鼻代云德山棒 示衆云淺聞即深

悟深聞即不悟代云迷達達麼或云衲僧湏
識古人眼作麼生是古人眼代云蝦蟆跳上
天 一日云處處道將一句來代云鬧市裏
天子百草頭上老僧或云暗道將一句來代
云藏頭露尾 一日云將南作北將北作南
作麼生道代云由阿誰或云未打板已前道
將一句來代云著什麼來由 一日云以有
為有作麼生免得去代云患師或云解患非
患明得了作麼生是眼代云晝見日夜見星
一日云明暗爲什麼不相管代云難爲怪笑
或云過在什麼處得與麼難代云辨 一日
云渺漫不分是什麼人分上事代云不可作

沙彌行者見解也師或拈起拄杖云莫道老和尚瞞你貴之與賤縱橫十字一時這裏會得了莫辜負老僧代云百鳥爲子屈又云抑與之與師或云見麼自云見又云見什麼代云花師舉古人云至道無難唯嫌揀擇這箇是僧堂這箇是佛殿那箇是不揀擇代云何必如此師或云全抽半抽作麼生道復云作麼生是半抽代云跳出死蝦蟆又云作麼生是全抽代云案山雷主山雨師或云你自鈍置第一不得錯舉代云事不孤起一日云識得道得出來道看話端道什麼代云識罪或云作麼生是不再問底句代云今年春氣

早夜來陽鳥啼又云佛殿裏裝香三門前合掌一日云入夏來十一日也還得入頭麼作麼生道代云來日十二師因喫茶拈起茶盞云一口吞盡作麼生代云茶又喫却示衆云西天二十八祖唐土六祖天下老和尚揀出頭來過在什麼處又云你在此間三冬兩夏忽然出外有人問雲門老和尚道什麼你向他道什麼代云驀而唾這野狐精代前語云他不是顛或云古人道從門入者非實作麼生是門代云道得也無用處因聞鼓聲云鼓聲咬破七條又指僧云抱取貓兒來代云不用別人師問僧行脚事即不問汝三

十二相八十種好道將一句來還有人道得
 麼代云但薩阿竭二千年師或云不問汝叢
 林言教這箇是天這箇是地以手指身云這
 箇是我又指露柱云這箇是露柱那箇是佛
 法代云也大難師在僧堂中喫茶拈起托子
 云蒸餅饅頭一任汝喫你道這箇是什麼代
 云乾狗屎又云茶又喫了也師或云你還識
 德山麼莫道我壓良為賤代云也知和尚因
 某甲置得師聞齋鼓聲云你道鼓因什麼置
 得代云因皮置得師聞齋鼓聲云你還識得
 老婆禪麼代云鼓聲喚喫飯去一日云古
 人道巧拙具生殺作麼生是生殺代云天上

勿六

十二

不足死下有餘 上堂大衆集已師云大衆
 齋去却問僧你道我教伊去還有過也無代
 云也不是和尚特地如此師行次以拄杖打
 露柱一下云新羅天子教跳上梵天代云無
 端師或云世諦不要道佛法道將一句來代
 云父子之情 一日云通明底人什麼物與
 麼來代云莫教屈著人又云釋迦老子須彌
 山或云古人道朝朝抱佛眠起時還共起你
 道見解朦朧底人作麼生代云未到問僧云
 眼中無色識識中無色眼色眼二俱無何能
 今見色去却古人道將一句來代云把將饅
 頭蒸餅來又云靈上更加籊文去有什麼師

或云幡竿頭倒卓是第幾機代云打一日
 云學佛法底人如恒河沙百草頭上道得一
 句來代云俱師因出門云古人道從門入者
 非寶汝道從門出者作麼生代云一師入堂
 齊次指聖僧供鉢問僧云你若喫盡又在解
 脫深坑裏你若喫不盡又不啣啣作麼生代
 云大衆喫飯次契上堂云劃斷即不可復云
 你若不會三十年後莫道不見老僧代云和
 尚恐人埋沒代前語云今日上堂大衆著便
 師或以拄杖打露柱一下云你作麼生不說
 禪復云埋沒人家男女無對自云擔枷過狀
 自代前語云爭怪得別人師或云湖裏魚變

成龍即不問你作麼生是針眼魚代云點師
 聞打槌聲云妙喜世界百雜碎擎鉢孟向湖
 南城裏喫粥代云浴後喫一日云什麼語
 中無世諦什麼語中無地獄代云天晴日出
 雨下雷與或云平常心是道你平常道將一
 向來代云五箇餠餅三箇髓一日云一句
 辨邪正忽有人問作麼生是辨邪正底句你
 作麼生道代云西天與此土不同或云今日
 已前不要今日已後不要正當今日道將一
 句來代云正好師或云病過因即瘥你道過
 什麼因道得底道看代云尚或云鉢孟匙筋
 與露柱相去多少代云分開好又云尋常得

此便 一日云當鋒一句作麼生道代云領
 或云作麼生是辨慈風一句代云識取好
 一日云迷身一句作麼生道代云昨日雷聲
 起今朝陽鳥啼師或云不用教跳道將一句
 來代云死蛤跛也無用處 一日云作麼生
 是提婆宗代云西天今嚴此土還較或云汝
 道何物具四德代云死貓兒又云把不具底
 來 一日云荆棘不彫擇道將一句來代云
 拈放一邊或云有一切見底人是什麼人代
 云三家村裏納稅漢 一日云不占田地
 將一句來代云摠屬和尚或云倒道將一句
 來看代云訶薩 一日云息節一句作麼生

道代云知時好師或云天下亂走將什麼過
 水代云且曬着師或時拈拄杖作射勢云官
 家進器械來也看看代云和尚不得放過又
 云僧堂前師或云一夜展脚睡天明道將一
 句來代云何不快起或云作麼生是赤脫一
 句代云也大無端 一日云以有為有此人
 過在什麼處代云苦或云還有不識祖師底
 人麼代云仁義道中又云不患 一日云識
 過無過不識過過也不知代云熱或云曹溪
 路上還有俗談也無代云二事一時 一日
 云佛法外置將一問來代云一箇便多或云
 既知來處什麼劫中無祖師代云某甲今年

勿六

十四

不着便或云寸草不生不學禪不學道代云
 走什麼閑或云還有吞不盡句麼代云蛇師
 行次以拄杖打露柱一下云什麼麼來自云
 西天來復云來這裏作什麼自云說佛法乃
 喝云欺我唐土人又以拄杖打一下便行却
 拈問僧汝道我意作麼生僧便問祇如師意
 作麼生代云不用行主又云師子咬人復問
 僧祇如當機合下得什麼語代云叢又云百
 歲老兒作歌舞 一日云慕劄一句作麼生
 道代云因一事長一智或云大藏教將什麼
 辨代云點 一日云佛殿為什麼不見僧堂
 代云痛或云衲僧鼻孔不問汝泥裏洗土

塊道將一句來代但彈指又云衲僧鼻孔又
 作麼生道代云沆山沆水師或問僧作麼生
 是不寐句無對師云汝問我與汝道僧便問
 作麼生是不寐句師云啀代前語云不可向
 鬼窟裏作活計又云作麼生是啀代云會此
 意又云文殊五字或云作麼生是入鄉隨俗
 底句代云君子可八 一日云作麼生是提
 綱一句代云雪峰南趙州北 一日云靈苗
 不動根過在什麼處代云悞却多少人或云
 一顆圓光明已久作麼生是一顆圓光代云
 謝和尚重重相為師或云作麼生是對明一
 句代云露師或云非色非聲體上明得是第

幾機代云不可向野狐窟裏作活計 一日云布幔天網打龍布絲網撈鯪摠規你道螺蚌落在什麼處代云具眼師因卸却七條語僧云汝道來生莫不會佛法麼僧無語代云和尚幸是大人又云某甲不敢道復云為什麼不敢道又云自有和尚在師歲夜問僧餅餠是羅漢藥石還將得鐔鐔飽子來麼無對代云今日東風起師或云你若不相當且向古人達化門中道將一句來若道不得向異處道將一句來作麼生道代云前來猶是可能一日云遠即照近即明作麼生道代云入水始見長人又云更不要也師或拈拄杖云且

向這裏會也有利益也無利益總不會顛預佛性儻侷真如代云足上不足足下有餘一日云萬法從什麼處起代云不可向和尚道蝦蟆口裏也因齋時聞鼓聲云古人道一切聲是佛聲喚作佛聲喚作鼓聲代云和尚道了也又云和尚不宜突麵因見僧來參師打露柱一下云來這裏瞞我代云但打露柱一摑云為人自安 一日云至道無難唯難揀擇作麼生是不揀擇又云如來妙色身羅羅李代云不出代前語云古人道了也因齋時打帳座一下云這箇喫又打飯鉢一下云這箇不喫代云一匙兩當因搬米問僧人擔

米米擔人代云揔得又云搬米辛苦猶是可
 又問僧大橋有多少米僧云七十碩師拈起
 拄杖云七十碩米一時在拄杖頭上擔將來
 即得若擔不得餓殺你代云不可為小小
 一日云有所說野干鳴無所說師子吼我與
 麼是野干鳴作麼生是師子吼代云九九八
 十一師或云埋沒兩字不用道著代云深領
 和尚慈悲又云因某甲所置師或云善財入
 門也作麼生道得出去代云朝遊羅浮師或
 云餠餅從你橫咬豎咬不離這裏道將一句
 來代云今日新麵 一日云有賞有罰道將
 一句來代云遇賤即貴天晴日出或云龍潛

師弱起自何來作麼生是不活底句代云有
 什麼難辨 一日云敲磕一句作麼生道代
 云驢生駝馬生驢或云作麼生得道斷商
 量代云來年更有新條在惱亂春風卒未休
 一日云辨得親疎為什麼被親疎所使代云
 阿誰置得或云古人道會即途中受用不會
 即世諦流布完國道將一句來代云一錢兩
 箇二錢三箇 一日云一句道將來代云足
 上不足因夏末問僧初秋夏末不觸平常道
 將一句來代云初三十一中九下七師問僧
 通身是水阿誰喫代云泊與和尚作笑具
 古尊宿語錄卷第十八 勿六

古尊宿語錄卷第十九

勿七

雲門匡真禪師語錄

勘辨

師見新到云雪峯和尚道開却路

達磨來也我問你作麼生僧云築著和尚鼻
孔師云地神惡哉把須弥山一摑教跳上梵

勿七

天投破帝釋鼻孔你為什麼向日本國裏藏
身僧云和尚莫瞞人好師云築著老僧鼻孔
又作麼舊無對師云將知你祇是學語之流
代無語處云和尚祇恐某甲不實又云邏邏
哩問新到你是甚麼人僧云新羅人師云將
什麼過海僧云草賊大敗師云你為什麼在

我手裏僧云恰是師云教跳無對代前語云
常得此便又云一任教跳問新到你在南岳
山借我二百錢為什麼不還無對代云今日
小出大過又云今日不著便問僧心法變忘
是第幾座僧云第二座師云作麼生是第一
座僧云不敢虧於和尚師不肯代云韶州茶
未問僧什麼處來僧云摘茶來師云人摘茶
茶摘人無對代云和尚道了某甲不可更道
師問僧你是修造那云是師云盡乾坤是個
屋作麼生是屋主無對師云你問我與汝道
僧便問師云薨代前語云端却多少人來
師問僧汝是湖南出家那僧云是師云識三

門下金剛麼僧云不可更識也師云野狐窠裏出頭無對代云若不出頭代初問處云祇是個泥人又云識得者泥人有甚用處又云念某甲新入衆師問僧甚處來僧云禮塔來師云祖師道什麼僧云和尚道什麼師云終謂是個靈利漢無對代云抵為仁義道中

師問僧甚處來僧提起袖衣師云我問你甚處來僧云和尚為什麼不領話師便打代云且喜代前語云和尚休得也未僧辭師師云你辭去那云是師云前頭江難過僧云一切臨時師云蘇盧薩訶代前語云臨行不可無札去也代後語云太麤心又云近日世界不

好師問僧甚處過夏僧云和尚合知師云我即知僧云且道某甲甚處過夏師云老鼠孔裏出頭無對代云道著代前語云便出去僧辭師師云莫教敗關僧云和尚有什麼事但問師云草賊大敗無對代云敗也代前語云不少因普請般米了坐次云近日不啣啣^{勿七}糍擔得一斗米不如快脫去僧云和尚脫向甚處去師云噯僧疑弄問師云釘釘了代云酌然代前語云今日般未困又云尚近師問僧還見燈籠麼僧云不可更見也師云翽蝶繫露柱代云深領和尚佛法深心代前語云好事不如無問僧近離甚處僧云查渡師云蹋

破多少草鞋無對代云可惜草鞋又云不虛
蹋破草鞋師見飯頭云汝是飯頭麼云是師
云顆裏有幾米米裏有幾顆無對代云某甲
瞻星望月又云福利門中不得不作師因齋
次問僧你是甚處人云淮南人又問一僧你
是甚處人云京兆師拈起蒸餅云我也無可
到你淮南人也無可到你京兆人二僧無對
師遂拈蒸餅捩轉云我惜你作麼生又無對
代云不是和尚惜代前語云普同供養又云
且留供養和尚問僧看什麼經云已有人問
了師云你為什麼在我脚下僧云恰是師云
伏惟尚饗代云蒼天蒼天又云將謂韶州無

問僧看什麼經云般若燈論師云西天金剛
座上甚人說佛法僧云和尚合知師云你夢
見麼無語代云不獨某甲代前語云跳出死
蝦蟇又云將謂西天無又云隨因齋次問僧
喫得幾箇餠僧云喫得四個師云你為什
麼鼻孔裏祇有一莖毛無對師云脫空妄語
代前語云直須慎初又復護末因齋次問僧
羹受飯裏飯受羹裏過在什麼處道得別有
商量無對代云好羹好飯又云不可道和尚
蝦蟇裏因僧辭師師下座把僧手云著幾
錢無對師云你問我僧便問師云都不直半
分錢代云有什麼信物送路將來又云臨行

因見龍藏字問僧龍藏出得個什麼無對師云你問我與你道僧便問師云出個死蝦蟆代云屎臭氣又云饅頭蒸餅因般米次師以拄杖打僧一下云這個師僧不去般米是不僧云般米入倉了也師云般米入倉了且置阿誰喫飯僧便出去師云脫空妄語漢又拈問僧作麼生免得不被主家道得脫空妄語代云為什麼歷良為賤又云因一事長一智代是不處云和尚著甚來由師在僧堂前問僧這個鐘子是什麼物作無對師云你問我僧便問師云柁僧作代但打鍾一下云摩訶般若波羅蜜又云衆僧堂前師問修造

僧甚處來僧云山上斫木來師云還所得合盤麼僧云和尚放某甲過即道師云放你過作麼生道僧便禮拜師便打代云某甲也謂麼又云可惜成功不毀又云斫問僧甚處來僧云般柴來師云維那打鼓不般柴作麼生無對代云錯領又云可惜般柴工夫又云和尚位處當人某甲參學又云纔施少許功勞師問僧甚處來云山下來師云有幾人僧云四人師豎起拄杖云揔在者裏無對代云却已而已又云悞却多少人問僧喫得幾個餠餅云三個師拈起餠餅云這個是第幾個無對師云你問我僧便問師云不出代云欺敵

者亡問僧甚處來僧云湖南來師云夏在甚處僧云湖南師云開通寺在甚處僧云不會師云叅堂去無對代云喏代初語云和尚遠問學人近對又云纔始新到師齋次問僧你道鉢盂裏多少飯無對代云野又云飽便休又云一杓兩杓師見僧齋次問鉢盂匙筋拈向一邊把將餽飽米無對代云好羹好飯又云休問僧看什麼經僧拈起經師云鬼窟裏出頭僧云和尚見個什麼師云賊物見在無對代云仁義道中不合如此問僧看什麼經僧云般若經師云經中道一切智智清淨是麼僧云是師云你眼為什麼穿過石榴樹僧

云古人何在師云古人即知是你不知無對代云大有人不識勢師問僧甚處來云嶺中來師云夏在甚處僧云招慶師云招慶有何言句僧近前應喏師云一不成二不是無對師云酌然代云抵守是師因齋次拈起餛飩謂僧云撥分一半與你又却不分僧云為什麼不分師云為你打野裡代云將食與人也不惡又云謝和尚供養又云和尚無端作麼師因喫茶次云茶作麼生滋味僧云請和尚鑒師云鉢盂無底尋常事面上無鼻笑殺人無對師云趁隊噎飯漢代云抵守是又代以茶便澣又云且待某甲點一椀茶師問僧甚

處過夏僧云和尚合知師云我即知僧云且道其中甚處過夏師云不消一割代云更不消也問僧看什麼經僧應喏師云因什失却僧云某甲甚處失却師云自領出去代云同路又云和尚大人不合自作問僧完圖餅角子即不要你半截底把將來僧應喏師云這個是完圖底把將來代云齋與不齋當來無礙又云檀越所修福師問新到什麼處來僧云郴州師云夏在甚處僧云荆南分金師云分得多少僧展兩手師云這個是老礫僧云和尚莫別有麼師云乾屎撮一任咬代云若不言瑕爭得玉轉問僧看什麼經僧云瑜伽

論師云為甚義墮僧云什麼處墮師云自領出去代云悔不先下手問僧曾講百法論是不僧云是師云為什麼脫空妄語代云事不孤起又云著因為亡僧唱衣次問僧如今唱衣亡僧還向這裏麼代云勞煩大眾不能等候打徧槌去也問僧甚處來僧云般柴來師云般得多少轉一宿竟僧云二十轉師云你為什麼打落當門齒無對師便打云李語之流代云也知和尚佛法身心又代前語云搬柴早是辛苦問僧看什麼經其僧却指傍僧云和尚問何不祇對師云露柱為什麼倒退三千里僧云豈干他事師云李語之流代

云泊合不識勢又代玠重便出又云著者非
一師在西京時問僧你是甚處人僧云于闐
國人師云還到西天麼僧云到師拈起拄杖
云掣電之機不問你還到這裏麼僧云不會
師呵呵大笑代云深領和尚降尊就卑又云
將謂此土無又云勲問新到甚處來僧云南
嶽來師云觀音為什麼入洞庭湖裏去僧云
某甲初心不會師云叅堂去代云喏又云或
著多少人來又云和尚問觀音某甲對弥勒
師齋次問僧半夜般柴即不問你齋時將什
麼喫飯僧拈起鉢盂師以拄杖打落僧無語
代云引又云兩片皮又云匙筴鉢盂手中單

子因喫茶次問僧你是柴頭不僧云是師云
更勸一甌茶代云辛苦受盡又云功不浪施
又云和尚念某甲辛苦問僧你是園頭不僧
云是師云蘿蔔為什麼不生根無對代云兩
水多又云不解悅豫使人問僧你是甚人僧
云知客師云客來將何祇待僧云隨家豐儉
師云這個是^{第七}先梳竹筴客來將何祇待僧云
謝和尚慈悲師云跛跳不出斗無對師云你
問我僧便問將何祇待師便打代初問處便
打又云一盤飯兩碗茶又云貪觀天上月師
問僧你是甚處出家僧云趙州孫師云師翁
是甚處人代云喫飯老和尚師因見水磨題

梁云未為不朽後即破換師問僧既是未為不朽為什麼却被水推無對代云不因一事難長一智又云堯舜之君猶稽於化師問僧不惹泥水作麼生道代云南山打鼓北山舞因齋次問僧者裏還有超佛越祖之談麼僧云有師云什麼處去也無對代云新羅國裏又云和尚恐某甲不實代前語云喫飯時不合與麼道師問柴頭你為什麼拽折大梁鋸僧云無師云無即休代云彼此又云平地又云也知和尚為頭首辛苦師問僧什麼處來僧云南岳來師云我此間不曾與人葛藤近前來僧乃近前師云去代云念學人遠來又

云今日無彩因僧在師前立以拄杖打一下其僧回首師展手云把錢來無對代云若不轉頭爭知後事又云但薰面唾因入厨問菜頭云鍋裏多少茄子無對師云你問我與你道僧便問師云消不得代云一桶又代後語云是因普請^{勿七}歸三門下問僧因作什麼面目僧云和尚合知師云我即不知僧却問因作什麼面目師拈拄杖云遇長即長遇短即短僧云未審困與麼道和尚與麼道師云我也知你親無對代云爭知又代前語云老少黃白師問飯頭佛是千百億化身你每日作飯一杓幾個釋迦老子無對代云一僧一升米

又云今日齋飯較細問僧甚處來僧云南華塔頭來師云祖師有什麼言句僧云有師云不得錯幸僧云請和尚領話師云我道你不成二不是代云和尚大殺教令問磨頭人打羅羅打人無對代云近來喫麩多又云客來須看賊來須打問僧什麼處來僧云南華塔頭來師云還見祖師麼僧云用見作什麼師云你又去那裏作什麼僧云有什麼過師云既去無過見有什麼過無對代云若不如是爭知慈悲問僧甚處來僧云赴齋來師云將覲錢來僧云和尚欠少個什麼師云你又欠少個什麼僧云不欠少師云不欠少又赴

齋作什麼無對代云何妨又云赴塊問僧你是向北人僧云是師以一摑無對師云你問我僧却問和尚甚處人師又以一摑無對代前問處打一摑又代後云仁義道中有僧粥後來見師師云喫粥了也未僧云了也云咬著露柱麼僧云咬著師云看硬著你無對代云也知和尚恐人不實又云硬阿誰師因開門有僧便入師驀背擒住云有什麼事僧云有什麼事師以一摑無對代云退己進於人為存賓主札代擒住處云驀面唾這野狐精又代云因學人置得師指露柱問東京僧你鄉中還有這個麼僧云有師云喚作什麼僧

云喚作露柱師云三家村裏老翁也解與麼道無對代云本色師見僧來乃牽起拳作打勢僧近前作受勢師與一掴無對代云便出去又云一彩兩賽又代云行因招禍又云謝重重相為問僧甚處來僧云大普請般柴來師云小普請為什麼不到無對代云依前又是大普請又云辛苦受盡問新到甚處來僧云不敢師云放你三十棒無對代云某甲也溜麼又云可惜許七閒法堂問僧甚處來云荆南來師云夏在什麼處僧云分金師云有事相借問得麼僧云便請師云鷓子過新羅僧無對代云是於借問處代云鷓子過新羅

師在僧堂內喫茶問設茶僧云什麼處安排僧指板頭云在這裏師云你更設一堂茶始得無對代云近日錢難得又云小財不去大財不來又云上閒下板頭問僧甚處來僧云郴州師云夏在什麼處僧云西禪師云說什麼法僧展兩手垂兩邊師便打僧云某甲話在師却展兩手無對師打趂出代云便出去問僧甚處來僧云南華礼塔來師云莫脫空僧云實去來師云五戒不持無對代云彼此不出因齋次問僧盂裏幾餅餅裏幾盂僧拈起餅師云問著個老婆無對代云不消又於問處云大衆喫飯次師因普請入柴寮云老

底不用去還有老底麼僧云有師云在什麼
處僧乃推出一僧師云這個猶是後生無對
代云若與麼却普請去始得師因喫茶次云
什麼人接盞子有僧便接師云村裏老翁拜
冬至無對代云我為行仁義却招禍及身
有僧來叅師問曾聽講來麼僧云是師云見
說有唯識論是不僧云是師云非非想天說
個什麼僧云不會師云且念文書代云禪師
愛欺座主又云吽噉又云維摩頭法華尾
有僧辭師師云甚處去僧云湖南去師云前
頭津鋪難過僧云某甲有隨身公驗師云這
個是念上大人無對代云小小村鎮不足可

勿七

九

言又云和尚大殺代前語云便亦重出去
師問新到云把將公驗來僧云有人問了也
師云由是念上大人僧云莫錯師云草賊大
敗無對代前語云且存仁義代後語云大似
村鎮頭又云久嚮問僧一切聲是佛聲一切
色是佛色拈却了也與我道僧云拈却了也
師云與麼說驢年會麼無對代云君子一言
代初語云狂又云不存少許佛法身心問僧
甚處來僧云摘茶來師云摘得幾個達磨代
云新茶宜少喫又云因摘春茶不廢功力
因僧辭師師云甚處去僧云虔上去師云打
野裡漢代云珍重又云臨行因晒麥問僧晒

了也未僧云了也師云饅頭從你橫咬豎咬
不離這裏道將一句來代云新麥麩少喫又
云三事蒸作餠餅糖餅問僧看什麼經云顯
揚聖教論師云適來一問為什麼照不著僧
云什麼處照不著師云夢見顯揚聖教歷代
云若不如是爭見當人又云照不著

師問看經僧表首是什麼字僧拈起經師云
我也看僧云和尚既有為什麼却問師云爭
奈與麼何僧云有什麼過師云自屎不齋臭
代云今日方知又云德山拄杖紫胡狗又云
和尚此問大殺靈利鼓山有小師久在崇壽
却歸嶺中到保福處相看福知來却入帳子

內衲衣蓋頭坐僧云和尚出汗那不對有僧
奉似師師云見成公案不能折合代云鈍置
殺人又云草賊大敗師問僧看什麼經僧云
咒師云與麼語話未有主在僧云和尚莫錯
師云自領出去代云便出去問僧我有個
不露鋒骨底句作麼生有長老云收師云與
麼道得一半代云深領和尚慈悲又云句咏
又云泊不別處因修藏問僧作麼生是藏僧
應喏師云這個是藏脚還我藏米無對代云
爭得不修藏又云王問新到甚處過夏云雲
蓋師云多少人僧云七十人師云你為什麼
不在數代云新到分上未受與麼又云恐久

住曠問僧甚處來僧云郴州師云你為什麼
失脚代云魯般門下弄大斧又云客是主人
相師問僧甚處來云查渡師云你為什麼蓋
不著僧云和尚莫塗糊某口師云鏝趾不出
斗代云新到便蒙和尚重重嚴飾又云見面
問僧古人道無邊刹境自他不隔於毫端新
羅日本與這裏作麼生僧云不別師云入地
獄代云不可作地獄見解又云爭得玉婦
問僧你不得鈍置我僧云和尚因什麼到與
麼地師云我鈍置你猶可你鈍置我更殺代
云事不孤起又云和尚也大無端又云某甲
甚處不下馬問僧你諸人行脚道我知有與

我拈三千大千世界來眼睫上著僧云喏師
云錢塘為什麼去國三千里僧云豈干他事
師云者掠虛漢代云和尚倚勢欺人又云常
得此便問僧甚處來僧云南華橋折師云南嶽石橋
還見祖師麼僧云南華橋折師云南嶽石橋
又作麼生無對云學語之流代云便出去又
云上也問僧甚處來僧云涅槃堂裏來師云
亡僧還喫飯麼僧云不喫師云活人還喫飯
麼無對代云一杓兩杓又云欠他一個餠餅
也不得又云也能抵對師問僧講律來是麼
僧云是師云律鈔中說大小乘無分別作麼
生是無分別無對代云靈樹看將一句來

師問僧法身還喫飯麼僧云諸方老宿不肯法身無形無相作麼生喫師云與麼道夢見法身麼僧云有不肯處作麼生師云自不知乃云法身喫飯又代云將謂有衲僧孔竅猶是潑屎潑屎復云灼然百千人中未有一人到此境界自云和尚作麼生代云咄這有頭無尾漢師問僧三藏聖教古今老和尚憑個什麼照僧云高也著低也著師云你與麼不得代云得與麼狼藉生因鑄鍾婦山齋了請師打鍾師打了大眾打師問僧打鍾盪什麼僧云喚和尚喫飯師不肯代云譬如閑又云息苦停酸師入京朝覲婦至大橋山門煎

茶迎師師喫茶果次僧侍立師語二叅隨僧云是你京中無可喫乃拈一椽果子與一僧其僧接得便去又語一僧云我不與你僧無對師云那裏也有也其僧又無對別有僧出云某甲今日也隨和尚來請一分得麼師云噯僧云某甲罪過觸忤和尚師云我不能唾得你無對代前語云也知果子少兩人共一椽又云未到山便蒙和尚管顧代後語云某甲更是師婦山受大眾叅了乃云我離山得六十七日問你六十七日事作麼生衆無對代云和尚京中婦無信物又云和尚京中喫麵多因數僧來叅師問作什麼來云般菜來

師云婦向北去不得辜負老僧無對復云來
來三愚共成一智作麼生代云一亩地代前
語云不因一事不長一智因齊次云今日喫
飯不得遷化去也排比唱衣無對復云你問
我僧便問將什麼唱師云馱年摸著麼又云
我與你三家村裏葛藤更問僧又問師擎起
碗云這個是定州碗子一唱三十文代前語
云錢是足陌因齊次問僧你道人喫飯飯喫
人無對師云你問我與你道僧乃問師云謝
你答話代前語云不因喫飯難得此言
因僧隨師出三門師問古人道大用現前不
存軌則作麼生是不存軌則無對復云你問

我與你道僧便問師引聲云釋迦老子來也
僧又無對師遂行數步以拄杖打松樹一下
云嘎嘎會麼僧云不會師云你與麼馱年會
麼代前語云多華樹嘲無半子代後語云由
是師因見僧量米乃問籬裏多少達磨無對
師云你問我僧便問師云斗量不盡代云因
一事長一智又代趨却米籬便行因園頭請
師喫茶師云你若煎茶我有個報答你處無
對師云汝問我與汝道園頭云請師報答師
云多著水少著末代云得人一半送人一馬
又云金字茶六百錢一斤師因齊次拈起
蒸餅云我這個祇供養向北人是你諸人認

不得時有僧問某甲為什麼不得師云鉢置殺人代云某甲猶可代前語云兩彩一賽

問僧古人道直須一句下悟去作麼生僧云

直須一句下悟去師云你為什麼鼻孔裏祇

對我僧云某甲什麼處是鼻孔裏祇對師云

夢見代云某甲慎初和尚護末又云南柯又

云少喫又云戒文一切摠不犯十一師問侍者

客來將什麼接待者無對代云和尚要拄杖

即道因歲日在堂中點茶師問僧設羅漢齋

得生天福你得飯喫無對師云你問我與你

道僧便問為什麼與麼道師云先來不著便

如今著屎壞代前語云非唯施主某甲也蒙

因聞鼓聲問僧打鼓為什麼人無對師云你

問我僧便問師云打鼓為三軍不為你代云

柴不辨十二師坐次有僧非時上來師云作什

麼僧云請益師云你有什么麼疑僧云某甲曾

問和尚一宿竟般柴般一宿竟師乃敲荷

子三下云你作麼生會僧云一切臨時師乃

拉拳云我共你相撲一交得麼無對次日其

僧再上值師漱盥次師乃將水挽過與僧云

送去厨下著其僧送去了却來師見來乃後

後門出去其僧云比來請益却得一口椀

問僧作麼生是打靜一句僧云誰敢出頭師

云你問我僧便問師以拄杖剗地一下問僧

將什麼轉大藏教僧云莫越於此師云拈却
菩提換却涅槃又作麼生僧云今日七明日
八師云依佈似佛莽鹵如僧因僧請喫湯次
師云作麼生無對師云你問我僧便問師以
湯滴云一滴落地萬神俱醉會麼僧云不會
師云不會即禮拜著因見僧商量次師打牀
一下僧默然師云作麼生是打靜一句僧云
出頭即偈經師云三十年後不得錯幸
因供養羅漢問僧今夜供養羅漢你道羅漢
還來也無無對師云你問我與你道僧便問
師云換水添香僧云與麼即來也師云有什
麼餛飩子速下來師拈拄杖問僧這個是

什麼僧云拄杖子師云入地獄師見僧乃召
來來僧便來師云蒼天蒼天僧無語師云蒼
天本是你哭為什麼却我哭因入菜園見查
堆上牌子問僧道什麼僧無對師云你問我
僧便問師云恐人無信問修造庵主云佛殿
拆了也忽然施主來將何瞻敬庵主合掌師
云奴見婢加七殷勤因聞蚊子叫問僧蚊子吞却
祖師也僧云非蚊子吞祖師祖師亦吞蚊子
師不肯乃云你問我僧便問師云何恠香林
云為渠有分師問僧近離甚處僧云查渡師
云夏在甚處僧云湖南報慈師云甚時離彼
僧云去年八月師云放你三頓捧僧至來日

却上問訊云昨日蒙和尚放三頓棒不知過
 在什麼處師云飯袋子江西湖南便溜麼去
 僧於言下大悟遂云某甲自今已後向無人
 煙處卓個草庵不畜一粒米不種一莖菜接
 待十方往來知識與他出却釘去却楔除却
 臟腑帽子脫却椀臭布衫教伊洒洒地作個
 衲僧豈不俊哉師云飯袋子身如椰兒大開
 與麼大口問僧佛法還有長短也無僧云這
 簾子長五尺師云這個是簾子那個是佛法
 僧云喚什麼作簾子師云脫空妄語漢
 因一日齋晚僧看厨庫而立師見乃打一棒
 僧回首師云文殊普賢香積世界去也

問僧者什麼經僧云般若經師云作麼生是
 淨淨僧云共和尚商量了師云駢年夢見又
 云来来更共你葛藤蚊蠅裏藏身東海鯉魚
 致跳上三十三天作麼生僧云和尚與麼道
 即得師云這虛頭漢問僧看什麼經僧云般
 若經師云作麼生是清淨僧云什麼處不清
 淨師云繩床勿七入把樹裏去也見麼僧云和
 尚莫瞞人師云瞞人且置你道我作麼生無
 對師云這掠虛漢師因見僧在殿角立次乃
 拍手一下云佛殿露柱走入厨庫去也僧回
 首看師云見你不會却來袂候佛殿因僧侍
 立次師云不問有言不問無言你作麼生道

僧無語師云你問我僧便問師喚小師某口
小師應喏師云你又得箇師弟也師問僧人
日般柴那僧云是師云古人道不見一法是
你眼睛乃於般柴處拋下一片柴云一大截
教祇說這個師於普請處謂衆云今日因
有解問話底置將一問來若不問向後鼻孔
透天莫道我瞞你師問僧轉金剛經那云是
師云一切法即非一切法是名一切法乃拈
扇子云喚作扇子是名拈了也在什麼處從
朝至暮顛倒妄想作麼因喫茶次問僧色香
味觸具四塵你道茶具幾塵僧無語師云不
得辜負我師因見僧看經乃云看經須具看

經眼燈籠露柱一大截教無欠少拈起拄杖
云一大截教摠在拄杖頭上何處見有一點
來展開去也如是我聞十方國土廓周沙界
師問僧從苗辨地因語識人作麼生僧云不
錯師云不敢因僧設齋師云你是甚處人僧
云某處人師云報典座與阿師設齋
師因喫茶次問僧曹溪路上還有俗談也無
僧云請和尚喫茶師云靜處薩婆訶師問僧
餠餅是什麼人做僧拈起餠餅師云這個且
放一邊長連牀上學得來餠餅是甚人做僧
云和尚莫瞞某甲好師云這虛頭漢師行次
一僧隨後行師豎起拳云如許大菓子喫得

幾個僧云和尚莫錯師云是你錯僧云莫壓
 是為賤師云靜處薩婆訶師問直歲今日作
 甚來歲云刈茹來師云刈得幾個祖師歲云
 三百個師云朝打三千暮行八百東家杓柄
 長西家杓柄短作麼生歲無語師以拄杖打
 趁因僧齋歸師問齋主有什麼供養僧豎起

奉師云我這裏問你即恁麼僧堂前有人問
 你作麼生道僧云一切臨時師云學語之流
 師問僧你作什麼僧云涅槃頭師云還有不
 病者麼僧云不會師云恁麼不會不恁麼不
 會僧無語師云汝問我僧便問作麼生是不
 病者師指傍僧有南雄僧上白氈一段師云

汝道我向什麼處著僧無語師代云拄杖頭
 上師却問傍僧你在南雄時識此僧麼僧云
 識師云喚去茶堂內喫茶 師問僧不占田
 地句作麼生道僧云不會師云不會且作韶
 州客師問僧喫得幾個餬餅僧云忘却師云
 喫了忘却未喫忘却僧云忘却說什麼喫與

未喫師云是你忘却甚處得來 師問僧你
 從向此來還曾遊臺麼僧云是師云關西湖
 南還曾見長嘴鳥說禪麼僧云不見師拈起
 拄杖以口作吹勢引聲云禪禪師問僧甚處
 過夏僧云和尚實問即道師云作賊人心虛
 舉臨濟三句語問塔主抵如塔中和尚得第

幾句主無語師云你問我主便問師云不快
 即道主云作麼生是不快即道師云一不成
 二不是師一日從方丈出有僧過拄杖與師
 師接得却過與僧僧無語師云我今日著便
 僧云和尚為什麼著便師云我拾得口喫飯
 師問僧甚處來僧云崇壽來師云崇壽有何
 言句僧云崇壽指筇子謂眾云識得筇子周
 巾有餘師云我即不與麼僧云和尚又如何
 師云識得筇子天地懸殊師問堂中首座云
 你道乾坤大地與汝自己同別首座云同師
 云一切物命蛾蟻子與你自己同別首座
 云同師云你為什麼于戈相待因在醋窰內

初七

十七

指云這一甕醋得與麼滿那一甕醋得與麼
 淺僧云人貧智短馬瘦毛長師大笑而
 問座主講什麼經主云涅槃經師云涅槃具
 四德是不主云是師拈起椀子云這個具幾
 德主云一德也無師云古人因其與麼道主
 云古人與麼道如何師敲椀子云會麼主云
 不會師云且講經著因齋次有僧侍立師云
 你還飽也未僧無語師拈拄杖云拄杖却飽
 大師遺表 伏聞有限色身詎免榮枯之
 歎無形實相孰云遷變之期既風燈炬焰難
 留在水月空花何適罔避典弄之欲將陳委
 蛻之詞臣中謝伏念臣跡本寒微生從草莽

爰自鬚亂切慕空門潔誠誓屏於他緣銳志
 唯探於內典其或忘餐待問立雪求知困風
 霜於十七年間涉南北於數千里外始見心
 後罷跳意馬休馳身隈韶石之雲頭交楚山
 之雪以至榮逢景蓮屢沐天波詰道談空誓
 苔乾坤之德開蒙叢滯星馳雲水之徒獲揚
 利益之因迥自聖明之澤加以聯叨鳳詔累
 對龍庭繼奉頒宣重疊慶賜撫躬惆悵殞命
 何酬不謂臣駑馬年衰難勝睿渥遽縈淪於
 疲瘵唯待盡於朝昏星漢程遙遐眄而纒瞻
 北極波濤去速迴眸而已逐東流伏願鳳曆
 長春扇皇風於拂石之劫龍圖永固齊壽考

於芥子之城臣限餘景無時微躬將謝不獲
 奔辭丹闕祝別彤庭臣無任瞻天戀聖激切
 屏營之至謹奉表以聞
 遺誠 夫先德順化未有不留遺誠至若
 世尊將般涅槃亦遺教勅吾雖無先聖人之
 德既忝育眾一方殆盡不可默而無示吾自
 居靈樹及徙當山凡三十餘載每以祖道實
 夕激勵汝等或有言句布在耳目具眼者知
 切須保任吾今已衰邁大數將絕那遷易
 頃息待盡然淪溺生死幾經如是非獨于今
 矣吾自住持已來甚煩汝等輔贊之勞但自
 知媿耳吾滅後置吾於方丈中上或賜塔額

初七

十末

祇懸於方丈勿別營作不得哭泣孝服廣備
祭祀等是吾切意蓋出家者本務超越毋得
同俗其住持等事皆仍舊貫接諸來者無失
常則諸徒弟等仰從長行訓誨凡係山門莊
業什物等並盡充本院支用勿互移屬他寺
教有明旨東西廊物尚不應以互用汝當知
矣或能遵行吾誠則可使佛法流通天神攝
衛不負四恩有益於世或違此者非吾眷屬
勉旃勉旃大期將迫臨行略示遺誡努力努
力好住還會麼若不會佛有明教依而行之

古尊宿語錄卷第十九

勿七

永樂北藏

古尊宿語錄

第一九七册

永樂北藏

古尊宿語錄

第一九七册

古尊宿語卷第二十

勿八

僧錄司右開教兼鍾山靈谷禪寺住持 淨戒 重校

南嶽下十一世

楊岐會禪師

道吾真禪師

慈明禪師法嗣

勿八

楊岐會禪師袁州之宜春冷氏子也諱方會
佐慈明甚久九峰道俗請住揚岐

入院上堂僧問如何是揚岐境師云獨松崑

畔秀獺向下山帝進云如何是境中人師云

貧家女子携籃去牧童橫笛望源歸

上堂云百丈把火開田說大義是何言歟揚



岐兩日種禾上有個奇特語乃云達磨大師
無當門齒

上堂揚岐一言隨方就圓若也擬議十萬八

千下座

上堂揚岐一語阿佛叱祖明眼人前不得錯

舉下座

上堂不見一法是大過患拈起拄杖云穿却釋

迦老子鼻孔作麼生道得脫身一句向水不洗

水慶道將一句來良久云向道莫行山下路果

聞猿叫斷腸聲 上堂坐斷乾坤天地點

黑放過一着雨順風調然雖如是俗氣未除

在僧問欲免心中關應須看古教如何是古

教師云乳坤月明碧海波澄進云未審作麼
 生看師云脚跟下進云忽遇洪波浩渺時如
 何師云放過一着十字縱橫又作麼生僧便
 喝撫掌一下師云看者一負戰將進云打草
 蛇驚師云也要大家知 上堂秋雨洗秋林
 秋林成翠色傷嗟傳大士何處尋弥勒

上堂凡聖不存佛祖何立大衆清平世界不
 許人撓奪行市

師於興化寺開堂府主龍圖度疏與師師緣
 接得乃提起云大衆府主龍圖駕部諸官盡
 為你諸人說第一義諦了也諸人還知麼若
 知家國安寧事同一家若不知曲勞僧正度

與表白宣讀且要天下人知表白宣疏了乃
 云今之日賢侯霧擁海衆臨筵最上乘請
 師敷演師云若是最上乘千聖側立佛祖
 潛蹤何故如此為諸人盡同古佛還信得及
 麼若信得及大家散去若不散去山僧謾你
 諸人去也遂陞座拈香云此一瓣香祝延

今上皇帝聖壽無窮又拈香云此一瓣香奉
 為知府龍圖駕部諸官伏願常居祿位復拈
 香云大衆還知落慶麼若也不知却為注破
 奉酌石霜山慈明禪師法乳之恩山僧不免
 薰天灸地去也便燒淨行大師白槌云法筵
 龍象衆當觀第一義師云大衆早是落二落

三了也諸人何不負丈夫之氣若不然者有
疑請問住問昔日梵王請佛天雨四花府主
臨筵有何祥瑞師云片雲收岳面浪自靜瀟
湘進云大衆露息學人禮謝師云斷頭舡子
下揚州僧問埋兵掉鬪即不問今日當場事
若何師云揚岐入界未未曾逢見者作家僧
以手劃一劃師云分身兩處看 師乃云更
有問話者請出來諸供養中法供養最勝若
據祖宗令下祖佛潛蹤天下點黑豈容諸人
在者裏立地更待山僧開兩片皮雖然如是
且向第二機中說些葛藤繁典大用舉步全
真既立名真非離真而立立處即真者裏須

會當處發生隨處解脫此喚作鬧市裏上竿
子是人恁見你道金不博金一句作麼生道
還有人道得麼試出來踏跳看如無山僧今
日失利但某此際祭幸伏遇知府龍圖通判
駕部洎諸官僚請住雲蓋道場可謂諸官願
弘深廣為國忠臣建立法幢上嚴帝祚然願
諸官壽齊山岳永佐明君作大股肱為佛施
主諸院尊宿在會信心世世生生共營大事
久立珍重 上堂春兩普潤一滴滴不落別
處拈拄杖卓一下云會麼九年空面辟年老
轉心孤 歲早上堂僧問舊歲已隨殘臘去
今日新春事若何師云鉢盂裏滿盛進云與

麼則三年逢一閏九月是重陽師云野火燒不盡春風吹又生進云專為舉似諸方去也師云你道雲蓋末後一句作麼道進云七九六十三師云念言語漢

上堂寅朝清旦古今揔見更問如何也是癡漢 上堂一塵繞舉大地全收拈起拄杖云

如今舉也卓禪林一下云山河大地塞却諸人眼睛有不受人謾底出衆道看良久云玉笛橫吹動天地未曾逢着個知音叅

上堂三春捋杪四海廓清風恬浪靜是人知有且道將長就短一句作麼生道良久云笑度黑風翻大海未曾聞道釣舟傾叅

上堂拈拄杖卓一下云大眾達磨縱有真消息也落諸人第二機叅

上堂有句無句如藤倚樹文殊維摩撒手歸去雲蓋與麼道也是看錮錮更有後語不得錯舉下座

上堂阿呵呵是什麼僧堂裏喫茶去下座

叅駕部歸寺上堂釋迦老子為先鋒弥勒大士為殿後衆中還有着力者麼出衆來與雲蓋着力看如無雲蓋自逞神通也三五日出入相看首座大眾你且道耑裏還有隔礙底道理麼上座僧堂裏展鉢時與上座同展時與上座同睡立地時與上座同立地長者

長法身短者短法身弥勒運用與去來何處
有間隔雖然如是且道雲蓋在缸頭在缸尾
衆中還有靈利底衲僧覩得見麼良久云人
人盡道平地險登樓方覺遠山青叅

上堂雲蓋不會禪只是愛瞋眠打動震天雷
不直半分錢 上堂拍禪牀一下云休戀江

湖五六月收取然輪歸去來

勿八 楊岐詮老來

師上堂拈花付囑有屈當人面壁九年胡言
漢語當人分上把斷乾坤且道作麼生是把
斷乾坤底句還有人道得麼如無雲蓋失利
揚旼提刑山下過師出接提刑乃問和尚法
詞何人云慈明大師揚云見個什麼道理便

法詞他云共鉢孟契鉢楊云與麼則不見也
師捺膝云什麼處是不見楊大笑師云須是
提刑始得師云請入院燒香楊云却待回來
師乃敲茶信楊云者個却不消得有甚乾嚙
嚙底禪希見示些子師指茶信云者個尚自
不要豈况乾嚙嚙底禪揚擬議師乃有頌示
作王臣佛祖罔措為指迷源殺人無數楊云
和尚為什麼就身打劫師云元來却是我家
裏人楊大笑師云山僧罪過萬壽先馳馳書
至師問萬壽峰前師子吼當人返擲事如何
僧云踣跳上三十三天師云與麼則雲蓋直
下覩也僧云草賊大敗師云更不弄勘且坐

喫茶

慈明遷化僧馳書至師集眾掛真舉哀師至
 具前提起坐具云大眾會麼遂指真云我昔
 日行脚時被者老和尚將一百二十斤擔子
 放在我身上如今且得天下太平却顧視大
 眾云會麼眾無語師捉臂云嗚呼哀哉伏惟
 尚饗送武泉常老出門乃問出門便作還鄉
 計到家一句作麼生道泉云和尚善為住持
 師云與麼則身隨寒影去脚大草鞋寬泉云
 和尚善為開田師云兔子何曾離得窟
 一日七人新到師問陣勢既圓作家戰將何
 不出陣與揚岐相見僧以坐具便打師云作

家僧又打師云一坐具兩坐具又作麼生佛
 擬議師背面立僧又打師云你道揚岐話頭
 落在什麼處僧指面前云在這裏師云三十
 年後遇明眼人不得錯舉且坐喫茶
 一日道吾供養主馳書至師問春兩霖霖無
 暫息不觸波瀾試道看主云適來已通信了
 師云者個是道吾底那個是化主底主指云
 春兩霖霖師撫掌大笑云不直半分錢主便
 喝師云者暗漢向道不直半分錢又惡發作
 什麼主撫掌一下師云且坐喫茶
 一日石霜供養主至師問征行戰將假道經
 過劄案圓何不與揚岐草戰主云昔時謬

向途中覓今日親逢老作家師云楊岐且輪
小捷去也主便喝師云乱做作什麼主持坐
具劃一劃師云齋後鍾主云嗟師云只者個
別更有在主無語師云敗將不斬且坐喫茶
師問僧揚岐路僻高步何來僧云和尚幸是
大人師云喫僧云和尚幸是大人師云揚岐
近日耳聾且坐喫茶 師問僧秋色依依
朝離何處僧云去夏在上籃師云不涉程途
一句作麼生道僧云兩重公案師云謝上座
荅話僧便喝師云那裏學得者虛頭來僧云
明眼尊宿難謾師云與麼則揚岐隨上座去
也僧擬議師云念你鄉人在此放你三十棒

師問僧雲深路僻高步何來僧云天無四辟
師云踏破多少草鞋僧便喝師云一喝兩喝又
作麼生僧云你看者老和尚師云拄杖不在
且坐喫茶 一日八人新到師問一字陣圓
作家戰將何不出陣與揚岐相見僧云和尚
照顧話頭師云揚岐今日抱馬拖旗去也僧
云新戒打退鼓師云道僧擬議師云道僧撫
掌一下師云謝上座荅話僧無語師云將頭
不猛累及三軍且坐喫茶
漳州道吾禪師諱悟真開堂日表白宣既罷
乃云請和尚不勞謙讓為衆舉揚師云直饒
與麼道也落第三卷便陸座上首白捩了師

乃云便與麼覩得一時着便若論玄微見與
 不見一時覩暗時有僧問承師有言明暗兩
 字截斷衆流請師便道師云作麼生道僧云
 作家師便喝僧撫掌師云恰是問三千劍客
 無施用便卷朱簾賀太平時如何師云逼塞
 虛空內開張日月前進云恁麼則千花岩畔
 澄孤月五鳳樓前舞纛旗去師云白雲千里
 万里僧拂袖歸衆師云暗問疋馬單鐙請師
 布陣師云分為兩段僧撫掌師云你又作麼
 生僧無語師喝云暗漢乃云一問一答未有
 休期直饒你問到未來際我也答到未來際
 所以古人喚作無盡法藏亦喚作無碍辯門

且道如今喚作無盡法藏是無碍辯門是還
 有道得底麼試出來道看如無拄杖子為你
 諸人道去也以拄杖劃一劃云一時領過下
 座師在北禪上堂云青山峭峻白日如梭
 龍門無客鬧市人多諸人且道即今下菜行
 頭有笑人納稅百姓時有僧出禮拜師云北
 禪寺裏却有一個僧問不落二三請師遠道
 師云前三點後三點僧便喝師亦喝僧禮拜
 師云有恁麼暗漢上堂云拗折秤衡將什
 麼定斤兩拈却鉢盂匙筋將什麼喫粥飯不
 如向三家村裏東卜西卜忽然卜着脫却鼻
 孔上堂拈拄杖卓一卓喝一喝云你還肯

麼你若肯心肝五臟頭目髓腦一時屬老僧
你若不肯心肝五臟頭目髓腦一時分付擲
下拄杖便下座上堂一切智智清淨無二
無二分又道無法可說是名說法且道龍宮
海藏甚處得來良久云三要點開天地眼一
曲無私豁古今上堂直上直下如何指南
十字縱橫作麼生提綱良久云風散亂雲長
空靜夜深明月照窓前上堂乃喚維那令
昨日四人新到人事新到纔出師云雖是小
過令人大怒新到纔展坐具師云當為空王
如來作禮便歸方丈上堂云遍界元正又
逢今節問諸禪人是生是滅紅日長輝玉輪

圓缺疾焰過鋒眼中電掣鬪腰常吟是決不
決汝等諸人還拜父母墳塋也無良久云人
行荒草裏鬼哭密林間問王老夜燒錢意
旨如何云白日看星月僧擬議云會麼僧云
不會師乃云王老夜燒錢白日看星月磕額
禮慈尊手把冥香爇上堂拈拄杖卓一卓
喝一喝乃云一喝一卓眼生八角鼻孔吐沙
眉毛卓朔若也會得西山月落若也不會胡
餅鉢飢下座上堂僧問如何是第一句師
云直下衝雲際東山絕往來問如何是第二
句師云面前渠不見背後禪究苦問如何是
第三句師云頭上一堆塵脚下三尺土問始

道來時不將絲頭來去時不將絲頭去意旨
 如何師云三生六十劫未是長期僧無語師
 云會麼僧云不會師云洞庭八百里未是關
 問如何是透出乾坤句師云捧下最分明僧
 無語師乃云透出乾坤句未語先剖陳屈躬
 來更問捧下取分明 上堂眾集師以拄杖
 擲下來切八隨後跳下眾擬散師乃召大眾眾回
 首師乃云為老僧收取拄杖便歸方丈上堂
 云開心椀子盛將來無縫合盃合取去擬思
 量何劫悟看取眉毛有幾許去 上堂云夜
 來雷声震地今朝細雨霏霏乾枯滋潤万物
 萌芽且道嘉州大象疑驢長得多少還有道

得者麼若也道得陝府鐵牛是常不輕菩薩
 若道不得土宿拽脫你鼻孔 上堂若據祖
 今到這裏捩須茫然放老僧一線且向眉睫
 裏東覷西覷 問如何是先照後用師云語
 路分明說投針不回避如何是先照後用師
 云金剛親面親分付話道分明好好陳如何
 是照用同時師云祖佛道中行路異森羅影
 裏不留身如何是照用不同時師云清涼金
 色光先照峨嵋銀界一時鋪乃云叅須實叅
 學須實學又須要明古人血脉且道作麼生
 是古人血脉良久云智不到處切忌道着
 上堂云寒風浩浩無時節浪打懸崖石頭裂

洞庭湖裏釣舡傾雪路行人山路絕清風月
 白透幽閑畢荒以何為妙訣下座上堂向
 上一路千聖不傳學者勞形如猿捉影你等
 諸人還明得這時節麼若明得去天上人間
 堪受供養若明不得問羅老子眼目分明
 上堂汝等諸人盡學佛法非即便言非是即
 便言是直須緇素分明不得錯認定盤星好
 珠重上堂云如天普蓋似地普擎三世諸
 佛捻在你鼻孔裏三十年後不得辜負老僧
 上堂舉僧問大隋劫火洞然大千俱壞未審
 這個壞不壞隋云壞僧云與麼則隨他去隋
 云隨他去又問龍濟劫火洞然大千俱壞未

勿八

九

審這個壞不壞濟云不壞僧云為什麼不壞
 濟云為同大千此二老宿一人道壞一人道
 不壞且道壞底是不壞底是會麼壞與不壞
 俱非內外不隔纖毫尋常面對上堂問如
 何是奪人不奪境師云菴中閑打坐白雲起
 峯頂如何是奪境不奪人師云閃爍紅霞散
 天童指路親如何是人境兩俱奪師云剛骨
 尽隨紅影沒荇苗恁逐白雲消如何是人境
 俱不奪師云久旱逢初雨他鄉遇舊知問如
 何是賓中賓師云誰說有疎親如何是賓中
 主師云磕額無回互對面與誰陳如何是主
 中賓師云瑞雲空裏布霹靂震乾坤如何是

主中主師云古皇今高舉巧辨徒申吐問如
 何是正中來曰皎潔乾坤震地雷如何是正
 中偏曰諸子投來見大仙如何是偏中正曰
 万水千山明似鏡如何是燕中至曰施設縱
 橫無所畏如何是燕中到曰黑白未分已前
 過師乃云古人道主賓元不異問答理俱全
 同安又云賓主睦時全是妾君臣合處正中
 邪一等是出世尊宿接物利生言教有異為
 復見處偏拈為復利生不普明眼底人通個
 消息 上堂云有物先天地無形本寂寥能
 為万象主不逐四時凋且道是什麼物還識
 得麼若識得乾坤大地森羅洞明若也不識

被物撥着轉身不得 上堂云鋒刃上踣跳
 微塵裏走馬勞勞去復來個是知音者
 上堂云昨日三人新到出來人事僧才出槽
 拜師云不落平常卦筮直述來情僧云和尚
 休得也師云此由是落平常僧云恰是歸泉
 師云龍蛇易辨柶子難瞞下座 勘辯
 師問僧先行不到末後太過僧擬提起坐具
 師指云離却坐具作麼生道僧云和尚那裏
 得這消息來師便打僧擬提坐具師又打云
 暗漢僧擬議師又打云且坐喫茶僧便坐師
 云什麼處來僧云石霜師云怪得 師問僧
 有一事借問上座只是不得打老僧僧云若

甚末由師提起生具云爭奈這個何僧云草
 乱做師便打僧云莫乱做莫乱做師又打云
 且坐喫茶僧云適来道着甚末由和尚為什
 麼却打某甲師云你適来去什麼處末僧無
 語師乃施肩一下 師問僧昨日在上已相
 見了也今日人事又作麼生僧云合取狗口
 師云也是僧便打師云老僧過在什麼處僧
 云再犯不容師却云將謂是個漢師便打云
 參堂去 數人新到禮拜師云捻是浙裏師
 僧云云糊孫向火師云踏跳作麼僧云今日
 得見和尚師云伏惟尚饗僧無語師便打
 師在慈明會裏一日提螺師一籃遊院云賣

螺師今衆下語皆不契有一老宿揭簾見以
 目顧視師放身便卧師放籃子便行
 師問僧甚處來僧云殿寮裏來師云釋迦老
 子作何面孔僧便喝師云作麼僧又喝師云恰
 是僧云一任踏跳師便打 一日新到
 人事乃云請和尚相看師云不易道得且坐
 喫茶泐潭尊使禮拜乃云德華禮拜師云是
 箇浙裏師僧云不消如是師云由是舊時氣
 息僧云若師云若即且致別作麼僧良久云
 一任踏跳師撫掌一下 王提刑問建三生
 云某甲四十年為官作麼脫得此塵去生為
 對師代云一任踏跳又看上峯路建云這个

勿八

十二末

是上峯路提刑云寺在上頭那瓊云是提刑
 云恁麼則不去也璉無語師代云今日勘破
 偈頌 滿山水牯牛 水牯滿山峭峻機分
 明人類頭幽竒兩途語出分明慶夜鳥投林
 曉復飛

杖林山下竹筴鞭 杖林山下竹筴鞭搭索

拏鈎火裏牽拽近不能推放後回旋却到使

君前 北斗藏身 雲門透法身從此

覓疎親 道和風暖三春寒更新

百丈野狐 語路分明在憑君子細看和

兩西風急近火轉加寒 麻三斤

同袍叅學問通津來扣宗師正佛因為說三

斤麻最好三斤天下說尖新幾多匠者頻拈
 撥柰綠縑侶有疎親余今更為重秤過那吒
 太子析全身 興化問雲居何必話
 何必不必一七二七龍樹馬鳴燭光透出

古尊宿語錄卷第二十

勿八

古尊宿語錄卷第二十一

勿九

白雲端禪師南嶽下十二世對揚岐

佛照光禪師南嶽下十六世嗣大慧

北礪簡禪師嗣佛照下五人附錄

舒州白雲禪師諱守端衡陽周氏子示衆云

善言言者言所不能言善跡跡者跡所不能
跡每日開口動舌無非是言作麼生說箇言
所不能言喚作言即便是跡作麼生說箇跡
所不能跡到這裏一大藏教一字用不着到
這裏一大藏教字字用得着為甚麼先用不
着又却用得着且道誦說在甚麼處不見道
勿九

千峯勢到嶽邊止萬派聲歸海上消自古自
今向其間鑽仰者如稻麻竹葦端的透徹者
百千中無一二若果然透得十二時中不妨
慶快應機接物利樂有情盡乾坤星辰日月
盡大地草木叢林都作一箇出入游戲之場
古者道玉轉珠回祖佛言精通猶是汚心田

老盧只解長春米何得黃梅萬古傳山僧在
庵中亦有示衆云直下雖然沒許般透如未
盡活還難海門昨夜狂風起無限波濤一掃
乾恁麼地先與人開却路然後兩手撮向人
前靈利底不用絲毫氣力便提得去還有麼
若提不去敢問諸人十二時中應用施為分

別賢愚是是非非是箇甚麼。示衆云古者道上士聞道勤而行之中士聞道如存若忘下士聞道大笑之大衆若約衲僧門下却許他大笑者有些些骨氣何謂如此衆眼難瞞示衆舉玄沙因誤服藥徧身紅爛僧問如何是堅固法身沙云曠滴地後來懷和尚頌云滴滴通身是爛膿釣魚船上顯家風時人只看絲綸上不見蘆花對蓼紅亦有人問法華如何是清淨法身只荅他道屎臭薰天又云蓮華葉上化生兒且道與古人是同是別法華亦有一頌云 屎臭薰天亦偶然法華爭敢為君宣鼻中若有通天竅一任橫

行不着穿 一日示衆云未透者須教伊識已透者須共伊行盡大地是沙門一隻眼教阿誰識實際地不受一塵向甚麼處行所以道他人住處我不住他人行處我不行不是為人難共住大都緇素要分明少處減些子多處添些子為甚麼少處更減多處更添勿九神仙秘訣父子不傳 示衆云明明知道只是這箇為甚麼透不過只謂見人開口時便喚作言句見人閉口時便喚作良久默然又道動轉施為開言吐氣盡十方世界內無不是自己所以隨在途中隱隱猶懷舊日嫌不見雲門道開聲悟道見色明心舉手云觀

世音菩薩將錢買胡餅放下手原未却是饅頭不見山僧住法華時道無業禪師云一毫頭凡聖情念未盡未免入驢胎馬腹裏去直饒一毫頭凡聖情念頓盡亦未免入驢胎馬腹裏去瞎漢但恁麼參 僧問智不到處切忌道着道着時如何師云風吹日炙云恁麼則無處容身云也師云碓搗磨磨云官不容針私通車馬師云可貴可賤僧彈指一下師云恰是僧吐舌師云家貧猶自可路貧愁殺人僧呵呵大笑師云放過一着 僧問龍門未透時如何師云不是這箇調云透後如何師云不是這箇調僧擬議師云買賣不當買

示衆云如我按指海印發光拈起拄杖云山河大地水鳥樹林情與無情盡向拄杖頭上作大師子吼演說摩訶大般若且道天台南岳說個甚麼法門南岳說洞上五位修行君臣父子各得其宜莫守寒岩異草青坐着白雲宗不妙天台說臨濟三玄三要四料簡一喝分賓主照用一時行要會個中意日子打三更廬山出來道你兩個漢正在葛藤窠裏不見道欲得不招無間業莫謗如來正法輪此三個見解若上衲僧秤子秤一箇重八兩一箇重半斤一個不直半分錢但願春風齊著力一時吹入我門來 上堂豎起拄杖

勿力

曰鋒刃上踣跳橫按曰微塵裏走馬勞勞去
 後來箇是惺惺者擲拄杖下座 上堂不曾
 迷莫求悟為甚麼從上來却有師承祖嗣若
 也會得入鄉隨俗若也不會餓死首陽山然
 雖如是入水見長人 上堂今日至即一陽
 生於此日拈起拄杖召大眾曰且道這箇作
 麼生若也見得且恁麼應時納祐若數至大
 年朝前頭大有事在所以承天尋常十度發
 言九度休何謂如此當門不用栽荆棘後代
 兒孫惹着衣然雖如是三十年後太公釣魚
 參 上堂今日也是這箇明日也是這箇作
 麼生是那箇漆桶參堂去淨空居士郭功甫

訪師上堂夜來枕上作得箇山頌謝功甫大
 儒直要與天下有鼻孔衲僧脫却着肉汗衫
 莫言不道遂曰上大人丘乙己化三千七十
 士尔小生八九子佳作仁可知禮也 示衆
 云有時碓戴生花有時佛面百醜千拙醉倒
 街頭自是張公喫酒燈籠斫斷眉頭露柱呵

呵拍手 白雲禪師語終

東山五祖演禪師語三卷在士字函中
 圓悟佛果禪師語一十七卷具列別函
 大慧普覺祖師語三十卷在說或亥不錄
 佛照禪師諱德光臨江軍新喻縣彭氏子隸
 業光化歷衆目菴應菴萬菴典牛十餘負尊

宿晚見育王大慧舉僧問趙州如何是趙州
州云東門西門南門北門你作麼生會答云
大小趙州坐在屎窖裏慧云你甚處見趙州
答云莫瞋睡慧打一竹篋答云莫掩彩慧喚
侍者問這僧名甚麼答云不得名慧云你看
這漆桶亂做答云未為分外又入室次慧舉
竹篋問云喚作竹篋則觸不喚作篋則背如
何答云請和尚放下竹篋與學人相見慧擲
下竹篋云如何相見答云伎倆已盡慧云你
看這漢杜撰禮拜便出又一日入室次慧問
喚作竹篋則觸不喚作竹篋則背不得下語
不得無語不得向意根下卜度不得向舉起

勿九

四

處承當速道速道答云杜撰長老如麻似粟
慧云你是第幾箇答云今日捉敗這老賊慧
付頂相書贊印證云有德必有光其光無間
隔名實要相稱非青黃赤白自是聲譽大彰
應刺史李浩之命出世台之鴻福繼升天寧
光孝自謂平生多得拙力遂號拙菴淳熙三
年春孝宗皇帝詔居靈隱復居育王徑山慶
元間優詔順老育王東菴云
上堂從來共住不知名這漢桶任運相將只
麼行擡脚不起自古上賢猶不識賊身已露
這次九流豈可明少賣弄拍禪床下座
上堂若說佛法供養大眾雪上加霜若說世

法供養大眾擔水河頭賣搥不與麼刺腦入
 膠盃別有機關也是胡孫伎倆畢竟如何氣
 似藉袋令人可愛 浴佛上堂指天指地逞
 囉囉凌辱宗風罪過多惡水齋頭澆一杓免
 教平地起干戈 上堂一月普現一切水一
 切水月一月攝諸佛法身入我性我性同共

勿九

五

如來合喝一喝大小永嘉和屎合屎 上堂
 牛頭橫說豎說不知有向上關梭子便是德
 山臨濟何曾踏著汝等諸人皮下還有血麼
 直饒踏著關棧也未夢見育玉脚跟下汗臭
 氣在 佛照禪師徑山育王語終
 北澗禪師諱居簡字敬叟西蜀潼川龍氏依

邑之廣福院圓澄得度徧叅荆楚見別峯塗
 毒於徑山晚叅佛照於育王經十五寒暑遂
 大發明及訪瑩仲温與語知師奇偉温得大
 慧居洋嶼時竹篔付師後出世台之報恩湖
 之觀音大覺思溪圓覺宣之彰教常之顯慶
 碧雲蘇州慧日天興道場杭之淨慈云

升座法不弛起伏境方生法隨法行法幢隨
 慶建立所以永嘉道建法幢立宗旨明明佛
 勅曹溪是豈獨曹溪三千大千世界無有如
 芥子許不是菩薩降生出家修道轉法輪般
 涅槃慶只今欲建揚岐白雲宗旨豎最勝幢
 直得鴉飛不度與湖海毀佛謗法不入衆數

大闢提人同一手作發吾花木瓜樹下垃圾
 堆頭明月夜光照天照地去也忽有箇忍俊
 不禁出來道是則是爭奈千兵易得一將難
 求良久云心不負人面無慚色 上堂教
 中道衲衣在空開假名阿練若誰感世間人
 自謂行真道汝等諸人總被誰感了也便好
 拽轉痛與一頓若無報恩今日失利
 上堂識得一萬事畢了事衲僧一字不識直
 饒恁麼未稱全提禹力不到處河聲流向西
 上堂一大藏教總是魔說日可冷月可熱是
 假易除是真難滅 上堂伶俐衲僧十成
 峭措箇裏守株那邊待兔昨夜文殊普賢起

佛見法見貶向錢園王老師吟自領出去
 上堂舉石林問龐居士有箇借問居士不惜
 言句否士云便請舉來林云元來惜言句士
 云者箇問訊不覺落佗便宜林掩耳而去士
 云作家作家師拈云纔生便剗不得一半失
 之東隅桑榆已晚只如居士道作家作家且
 道石林還甘麼 上堂汲井花水煮薔薇
 露清淨法身遭點污良久云活戾世界一年
 一度 上堂我見燈明佛本光瑞如此至
 若山河大地明暗色空萬象森羅燈籠露柱
 皆護本光瑞是汝諸人因甚脚跟下黑漫漫
 地 上堂行亦禪坐亦禪飢噉飯困墮眠

三到投子九上洞山無端掘地覓青天

上堂懸崖撒手自肯承當絕後再甦欺君不

得所以道我立地待汝搆去擲主丈云討什

麼益 上堂那吒太子折肉還母析骨還

父正當與麼時太子在什麼處師拈云肉還

母骨還父日西沉水東注良久云露

上堂敗闕在雙林都無跡可尋海枯終見底

人死不知心 上堂舉孝宗皇帝問佛照

禪師釋迦入山六年所成者何事佛照對云

持謂陛下忘却師頌云借婆衫子拜婆年監

本匙挑不上禪扶起玉龍轟霹靂明星猶在

九重天 上堂人棄我取人取我與寺

識團無本可據毀於佛謗於法不入衆數分

明有眼難縮素 上堂舉安禪師破句讀

楞嚴經師頌云未到忘筌地勢籃等跳蝦錯

行樵子徑却到葛洪家 上堂簷頭滴滴

分明歷歷明眼衲僧卓主丈云切忌從這裏

入 移佛上堂東邊移了復西移不動尊

還有動時弗打併他蹲坐屐安知四十九年

非 上堂諸方今日書符底書符採藥症

採藥碧雲窮厮煎餓厮吵只者一著盡情拈

却良久云開眼也着合眼也着 上堂舉

密師伯與洞山在餅店密於地上畫一圓相

謂洞山云把將去山云拈將來後來保寧專

和尚云非但二人提不起盡大地人亦提不起北碕敢道保寧計窮力盡 上堂去年梅今歲柳天地有全功物物還依舊衲子生涯也如舊頭上青灰三五斗臘雪後春風前真教蹉過鑊頭邊 上堂今朝三月初五大色半晴半雨園林過了清明無限落花飛絮釋迦慳彌勒富絕憐杜宇不知時啼得血淚無用處 上堂諸佛不出世四十九年說說箇什麼祖師不西來少林有妙訣也好藏拙是假易除是真難滅 上堂世事悠悠不如山丘避喧求靜騎牛覓牛黃河合眼跳特地一場愁 上堂色不是色菜花黃

梨花白聲不是聲燕語黃鶯鳴觀音菩薩將錢買胡餅放下手却是饅頭洞裏春光潭不惜一時流入武陵谿 上堂舉趙州入僧堂云有賊有賊見一僧便云賊在者裏僧云不是某甲趙州托開云是即是不肯承當師云趙州收處太寬放去太急淨慈則不然冢賊難防家財必喪卓拄杖云只可錯捉不可錯放 上堂仲夏初吉有好消息露柱燈籠叅學事畢證據則任汝證據鞭逼則任汝鞭逼以拂子擊禪床云當機覲面提覲面當機疾 上堂牛頭橫說豎說不曾動舌曾祖見僧面壁自納敗闕淨慈敗闕釘板向空

熨斗煎茶銚不同 上堂舉常不輕菩薩我
 不敢輕於汝等汝等皆當作佛師云已所不
 欲勿施於人 小叅一陽來復小人道消消
 剝群陰君子道長大似依文解義取笑傍觀
 須知有物先天地無形本寂寥能為萬象主
 不逐四時凋又誰管你晷運推移日南長至
 孟夏漸熱仲秋漸涼主丈子忍俊不禁出來
 道我則不然寒時向火熱即乘涼為復是世
 諦流布為復是佛法商量贏得莊周蝶夢長
 物初觀禪師南岳十八世嗣北磻禪師
 晦機熙禪師南岳十九世嗣物初禪師
 廣智全悟笑隱訢禪師二十世嗣晦機

仲方倫禪師南岳二十世嗣晦機禪師
 覺源雲禪師南岳廿一世嗣廣智和尚
 右附錄五人
 物初禪師諱大觀四明鄞縣陸氏子遊方徧
 叅吳楚諸知識咸以法器重之欲致已席下
 而師曾中礙膺終未釋晚依北磻禪師於南
 屏一衲蕭然寒暑不易潛衆十年人無知者
 一日入室次機語契合遂大發明後出世屢
 遷名利至坐育王道場妙喜宗風為之特振
 上堂一冬二冬你儂我儂暗中偷笑當面脫
 空雖是尋常茶飯 誰知米裏有虫夜來好風
 吹折門前一株松 上堂用黑豆法換人眼

睛如恒河沙會火爐頭話能有幾箇九九九
三世諸佛不知有翻身踢倒五須彌何用法
身藏北斗藏北斗分明向外揚家醜

百題賸語僧默集師平居應酬藁請題云

與世同波於世無涉泠然其間亦聊以自適
萬象爲賓朋萬籟爲鼓吹斯亦足矣攔際仿

勿九

九

徉白間虛明興弗容遏竺冊魯典遮眼爲樂
或便謂予從事乎討論矣職提唱外酬應或
需韻句事功或需記錄或求於予性不善拒
然法不孤起理不它隔言在此而意在彼或
便謂予長乎文言矣纔一脫藁掃不見蹤跡
如是者有年吾徒嘿予潛會粹成編薛於予

前恍然永師後身見破甕中物前身知藏僧
忽省書未了經也翻揭增報自訟斐淺輕出
欲敘而秉畀之嘿捍護堅甚則訓之曰吾宗
素不尚此毋重吾過嘿曰目連之集異爲子
之法蘊泊夫華竺諸賢率多論著雜華取淵
才雅思又何如予因自笑曰治亂不關寵辱
不聞山林自踰窳默自業予世之賸人也謬
當弘宗亦有本末瑣瑣筆墨臺臺酬應又吾
之賸事也說而無說文而非文又吾之賸語
也人賸事賸語賸惡足識其中有無欠賸句
亦或有所取
上堂塵劫來事只在今時當斷不斷斗換星

移拈主丈卓一下云花須連夜發莫待眠風

吹 上堂智不到處切忌道着道着則頭

角生古人恁麼告報育王則不然智不到處

滿口道着道得着有名不用鑄頑石

因臘茶示衆午窓夢緒慣逢迎杵臼驚聞隔

竹聲未啜睡魔先辟易策勳不戰屈人兵

見桂花示衆一出湖山即擅芳更何龍麝敢

言香掩關憑几無言說時見零金點石床

上堂舉龐居士問馬大師不與萬法爲侶是

甚麼人大師云待汝一口吸盡西江水即向

汝道師云大小祖師只知開口易不覺舌頭

長當時若問育王但云若要向汝道直待虛

空落地自然出他一頭何故車不橫推理無

曲斷 閑猿示衆秋徑無人葉亂飛攀翻

寒影掛危枝恍然曾是當年見日落香林靜

立時 上堂八月秋何處熱露冷風高重

重漏泄何必三登投子掘地覓天九上洞山

捫空釘橛良久云踏着秤鎚硬似鐵

勿九

十

焙經上堂祖佛之言汗牛衝棟時人所得偃

鼠飲河曾聽火燄上說法來終不向語脉裏

轉一嗅便識猶是鈍根展卷方知白雲萬里

以字不是八字不成從頭盡掃白底是紙黑

底是字此話難明 上堂今朝正月半拈出

舊公案水上挂燈毬大家普請看卓杖下座

佛智晦機禪師諱元熙豫章唐氏子登進士
 棄從西山明覺院明公祝髮焉參寧退耕衍
 石帆郢東叟編謁吳楚諸師晚依育王物初
 觀禪師座下十年人無知者一日清默書記
 同入室機語峻捷眾咸驚異觀乃字以晦機
 囑令毋早應世一衲二十年囊無長物元貞
 二年出世百丈遷淨慈徑山妙喜宗風大振
 江右緇白敬慕遂迎歸大仰終老焉
 上堂雲門道箇普字盡大地人不柰他何殊
 不知雲門開口早已四稜塌地當時若與震
 威一喝待此老惡殺徐徐打箇問訊道莫恠
 觸忤好非圖救取此老亦能振起雲門綱宗

雖然口是禍門 上堂獨坐大雄峰寒灰
 撥不紅一星爇火出孤鶴過遼東 結制
 上堂以手作結布袋勢云南山今日結布袋
 口了也汝等諸人各各於中身心安居平等
 性智忽有箇衝開碧落撞倒須彌的莫道結
 子不堅密須知揚天網子百千重 上堂
十一 亦無住亦無事亦無氏列
 三界無法何處求心何處有法何處無心白
 雲為蓋流水作琴古今無間誰是知音擊拂
 子云一曲兩曲無人會兩過夜塘春水深
 師因開先遣訴侍者來參次問云黃龍向泐
 潭得旨領徒遊方及見慈明氣索汗下過在
 甚麼處訴曰千年桃核裏覓甚舊時人又一

日以百丈野狐話詰之且道不落因果便墮野狐身不昧因果便脫野狐身利害在什麼處訴擬答師遠喝一喝訴後出世為龍翔開山云

晦機禪師語錄

廣智全悟大禪師諱大訴字笑隱龍興南昌陳氏子依郡之水陸院彰上人祝髮首參一

山萬禪師於廬山開先久之遺叅百丈晦機熙公公示以本色鉗鎚成大法器熙公遷淨慈師隨至掌外記一時名公卿士樂聞道妙聲震東南出世吳興烏回繼遷錢塘鳳山報國天竺永神天曆己巳文宗皇帝以金陵潛宮為大龍翔集慶寺詔師開山為第一代焉

上堂驅耕夫牛奪飢人食啐啄同時箭鋒相直一拳還一拳一踢還一踢牛頭南馬頭北結夏上堂栢巖開粥過夏西院商量兩錯嘉州大像腳踏地陝府鐵牛頭戴角喝一喝切忌無繩自縛 上堂黃龍南和尚云說妙說玄乃太平之奸賊行棒行喝為亂世之英

雄所以佛法二字烏回未嘗道着雖然也要大家知有拈拄杖云鎮州出大蘿蔔頭青原白家三盞酒客來隨分納些些相逢不用揚家醜卓主杖下座 上堂長連牀上拈得鼻孔十字街頭打失眼睛汝諸人還曾檢點也未明如日黑似漆萬仞崖頭撒手行無位

真人赤骨律

上堂拈麈豎拂捏日生花

舉古論今虛空釘檝楊岐和尚道須彌山可透金剛圈不可透大海水可吞栗棘蓬不可吞直饒吞得透得未是衲僧分上事如何是衲僧分上事歸堂喫茶去

上堂言發非

聲色前不物著甚來由聲色裏睡眠聲色裏

坐卧却較些子所以道卽此見聞非見聞無

勿九

十三

餘聲色可呈君箇中若了元無事體用無妨分不分藉拈拄杖云水流黃葉來何處牛帶

寒鴉過別村卓拄杖下座

上堂圓悟禪

師住東京天寧口舉僧問雲門如何是諸佛出身處門云東山水上行若是天寧則不然

有問如何是諸佛出身處只向他道薰風自

南來殿閣生微涼其時大慧祖師於言下大悟諸禪德不妨奇特者箇是論實不論虛底事如人歸京必須親到見京裏人說京裏話一點外來也着不得雖然雲門道東山水上行因甚不悟圓悟道薰風自南來因甚便悟

去報國不惜眉毛爲諸人下箇注腳諸佛出身處東山水上行薰風自南來殿閣生微涼衆中有全身擔荷者出來與山僧相見

上堂安養國中水鳥樹林悉皆念佛知足天上樹相撐觸演說苦空豎起拂子云山僧拂子穿汝諸人鼻孔諸人向甚處出氣

上堂選佛場開牛欄馬廐心空及第活陷泥
 犁畢竟如何仰面不見天低頭不見地月明
 幽室寒星分拱辰異 上堂今朝又是五
 月一大盡小盡數不出八臂那叱沒奈何夜
 叉屈膝眼睛黑 上堂金佛不度爐木佛
 不度火泥佛不度水真佛屋裏坐嗎一喝云
 文殊普賢因甚在尔脚跟下過勿九 師舉青
 州布衫重七斤古人道了也畢竟萬法歸一
 一歸何處時有僧出云東廊頭西廊下師云
 什麼處見趙州僧擬對師云捧土不成龍
 元文宗皇帝詔師開山大龍翔集慶寺上堂
 釋迦世尊捨金輪而登佛位今上皇帝從佛

位而御金輪收攝三千刹海於一印中具足
 八萬法門於一毫上如華嚴會上菩薩得無
 盡福德藏解脫門於一器中出生種種美味
 飲食又於衆會仰觀空中而雨種種珍寶隨
 衆生心悉令滿足然後得其實者盡證法門
 食其味者咸成妙道無一塵而不具足佛事
 無一法而不圓滿正宗卽今崇建寶坊闡揚
 法施諸天音樂不鼓自鳴梵唄詠歌自然敷
 奏十方菩薩咸集道場八部天龍同伸慶讚
 還有不歷化城徑登寶所者麼擊拂子云四
 海已歸皇化裏時清休唱太平歌復舉世尊
 與衆行次以手指地云此處宜建梵刹時天

帝釋將一竿竹插地上云建梵利竟世尊微
笑師云帝釋爲三十三天之主雖則一期施
設其柰理事未備今上皇帝以興龍潛邸改
創梵宮復命禪宗發揚向上宗旨與天帝釋
所成功德何啻百千萬億倍縱使虛空爲口
讚嘆莫窮臣僧借水獻華輒成一頌丈六金
身一莖草瑠樓玉殿恰相當交羅帝網山河
影旋繞須彌日月光華雨晝飄龍座暖天風
時送御爐香大千共仰恩光近五色祥雲擁
帝傍 上堂舉臨濟示衆云赤肉團上有
一無位真人常在汝諸人面門出入未證據
者看看時有僧出問云如何是無位真人濟

下禪牀搦住其僧擬議濟以手托開云無位
真人是什麼乾屎橛便歸方丈師云兩鋒相
直者不虛發由基之箭斲堊而不變者始可
運郢人之斤臨濟尋常氣宇如王却作小廝
兒戲幾乎法道遇大風而止龍翔今日作死
馬醫無位真人築著磕著證據將來依然是
錯且道是臨濟錯龍翔錯從教天下人卜度
上堂龍翔孟八郎惡辣難近傍佛祖也潛踪
從教人起謗雲門扇子跳上天趙州葫蘆掛
壁上寒山掃地接豐干却是南嶽讓和尚
文宗皇帝聖忌滿散藏經上堂尊而無上高
超象帝之先貴不可名坐斷毘盧之頂其體

之大則容攝十虛其用之廣則包括萬類如
月涵衆水無分淨穢之殊春在百華不見正
偏之相妙有不有真空不空所以道無邊刹
境自他不隔於毫端十世古今始終不離於
當念擲大千於方外納須彌於芥中於斯見
得便見文宗皇帝昔從佛地示現王宮撫治
邦家又安宗社化導已周復歸佛位寂然不
動智普應於十方廓爾無私化已周於沙界
龍翔與麼贊揚且道還契聖意也無良久云
優鉢天香吹不斷又從兜率下閻浮
仲方禪師諱天倫四明象山張氏子依廣德
天寧竺源祝髮遊方參晦機熙公公曰湖山

藹藹湖水洋洋浸爛你鼻孔塞破你眼睛因
甚不知師云通身無影象步步絕行踪公云
未在更道師拂袖便出依座下屢以此事扣
問公終不說乃往吳興桃花塢結茆一日聞
雷有省徹見熙公用處後出世東泉佛岩保
寧上堂云獨樹不成林人人總知有梵刹一
纔興大家出隻手昆明池裏失却劔曲江江
內撈得鋸上堂諸佛不出世亦無有涅槃
這裏悟去山河大地日月星辰運行四時有
什麼過上堂見見之時見非是見見猶離
見見不能及須彌山上走馬大洋海底翻身
前三三後三三一聲無孔笛吹過汨羅灣

上堂入荒田不棟信手拈来草懷州牛喫禾
益州馬腹脹天下老和尚口掛壁上便下座
臘八上堂昨夜見明星悟道後園風打籬笆
倒曉来無迹可追尋雪山依舊生青草上
堂涅槃自性無繫属故言語道断心行處滅拈
拄杖云扶過新橋水伴歸明月村卓拄杖下座
上堂舉僧問雲門云久雨不晴時如何門云
剗雲門一剗猿啼巴峽熊耳峯高石頭路滑
上堂舜若多觸處逢渠阿那律通身是眼不
信問取鐙籠便見袖僧擔板上堂知幻即
離不作方便離幻即覺亦無漸次拈拄杖云
穿却釋迦老子鼻孔天下老和尚無出氣處卓

拄杖下座上堂初三十一中九下七七九
六十三九九八十一朝往西天暮歸唐土一
馬生三寶石牛攔古路叅上堂修多羅教
如標月指昨日有人從西州来接得東州信
報道大食國裏人在眼睫上賣香藥喝一喝
仲芳和尚語錄終

天界演梵善世利國崇教大禪師覺源曇和
尚天台揚氏子出家於紹興之法果寺禮大
均為師得法於咲隱訢禪師出世金陵牛頭
之祖山石城之清涼繼遷蔣山勅改龍翔為
天界詔師住持統領天下教門
上堂行不動塵語不動唇見成行貨黃金白

銀君不見洞山老問佛只答麻三斤

上堂恢揚岐宗風坐南泉鉢位佛祖命根柄

僧巴鼻卓拄杖云東頭買賤西頭賣貴

上堂一句子黑漆黑無霜柄有準則良久云

會麼確搗東南磨推西北示衆文遠當

年侍趙州東司說法未輕酌回光一念分明

勿九

處午夜霜清月滿樓上堂少室峯前曹溪

十六

門下燈燈相繼的的相傳自古自今絲毫

易且以何為驗樓臺上下火照火車馬往來

人看人上堂朝到西天暮歸唐土鑑在

機先未敢相許保寧八字打開了也莫有控

勒不住者麼便下座上堂長者長法身

短者短法身即今現前一衆坐立儼然有長

有短諸人盡知盡見畢竟阿那箇是法身若

也會得捧鉢盂向香積世界喫飯若也不會

長連床且喫粥喫餅上堂擁之不聚撥

之不散類之不齊混之不濫絕照忘緣十方

坐斷隔江招手見諸訊盡力承當得一半蔣

山與麼提持馭年也未夢見上堂六月

一日前萬象森羅替說禪六月一日後八角

磨盤空裏走今朝正當六月一無位真人赤

骨律金毛師子解翻身無角鐵牛眠少室十

聖三賢不知咲倒寒山并拾得上堂

經有經師論有論師龍河放一線道分科列

段去也拈杖卓一下云且道是何章句

佛成道上堂雪山六載翳盧都忽見明星雙
眼枯證得烏龜成白鷲至今陪口為分疎

上堂只個見成公案衆中領解者極多錯會
者不少所以金鑰不辨玉石不分龍河者裏
直要分辨去也張上座李上座一箇手臂長

一箇眼睛大捻似今日達磨一宗教甚麼人

擔荷噓一声下座 上堂咸音王已前弥

勒佛已後有個現成公案未敢與汝說破何

故心不負人面無慚色

天界覺源曇公大禪師藏水塔銘

勤林學士承旨嘉議大夫知制誥兼權同史金蓮堂直學

浮圖之為禪學者自隋唐以來初無定止惟

借律院以居百丈大智禪師方建叢林規矩

至宗樞閣竄威然猶不分等第惟推在京鉅

刹為之首南渡後始定江南為五山十刹俾

其拾級而升黃梅曹溪諸道場反不預其間

則其去古也遠矣元氏有國文宗潛邸在金

陵及至臨御詔建大龍翔集慶寺獨冠五山

蓋矯其弊也國朝曰之錫以新額就寺建官

揔轄天下僧尼當是時覺源禪師實奉詔蒞

其職夫當與王之運親受聖皇崇敬以統擇

教事誠千載之奇逢也其順拜也法當勸勸

行以貽示後世師諱慧曇字覺源天台大族

揚氏母賈夢吞明珠而有娠及生容貌嶷然
 幼不與羣童狎長依越之法果寺苾芻大均
 恣修出世法及冠薙染尋受具足戒學律於
 明慶景公習華嚴於高麗教公聽止觀於上
 竺澄公無不貫練時廣智禪師訢公弘揚達
 唐正宗於中天竺師往造焉智問曰何處來
 師對曰遊山來智曰笠子下拶破洛浦遍叅
 底作麼生師曰未入門時呈似了也智曰即
 今日甚不拈出師擬議智便喝師當下恍然
 有省他日智展兩手示師曰八字打開了也
 目甚不肯承當師曰休來鈍置智曰近前來
 為汝說師即掩耳而出智領之乃留侍香天

唐己巳龍翔新勅文宗特詔廣智開山師隨
 至掌藏鑰繼分座相與激揚祖佛機緣釋普
 法門綱紀識見出群聲譽彰著至順辛未奉
 行臺檄出世牛首山之祖堂師力行古道躬
 役起廢殿堂廊廡凡輦林宜有者悉新脩之
 至正癸未陞居清涼作新一如牛首道行聞
 于帝師大寶法王授以淨覺妙行禪師之號
 乙未遷保寧丙申王師定建業師謁
 皇上於棘門上見師氣貌魁偉傑特歎曰真
 福慧僧也命主蔣山太平興國禪寺時丁歎
 歲師化食以給其衆丁酉賜改龍翔為天界
 寺詔師住持上親撫睿畫書天下第一禪林

六大字揭於門以旌宗極遠迹學徒聞風奔
 赴堂庭至無所容凡祖庭規矩師備行之濟
 濟繩繩粲然攸叙觀者喑喑曰三代禮樂無
 以加焉吳元年丁未大內新成特登寶位詔
 師引千二百衆披閱大藏真經用巖清淨聲
 地師升師子座舉揚大法上親帥群臣幸臨
 瞻聽師法音洪暢妙契
 皇情為之大悅出內帑帛三十匹以施自是
 妄設廣薦法會師必升座說法車駕幸臨恩
 數優洽洪武元年戊申春開善世院詔師領
 院事服紫衣及金欄方袍御製誥章其畧曰
 自予肇業命汝庄宗德風振起於法門景運

賈襄於家國特授演梵善世利國宗教大禪
 師住持大天界禪寺統諸宗釋教事當是時
 遴選有序銓衡至公宗社有志之派山林抱
 道之士聯鑣而迭出咸居名山大剎焉自古
 崇尚法門於斯為盛章縫之士以釋子為世
 查奏請除之上以章疏示師師對曰孔子以
 佛為西方大聖人以此知真儒必不非釋非
 釋必非真儒矣上亦以佛之教陰翊王度却
 不聽已酉冬師疾作不署院事庚戌春疾良
 已燕處東軒誘接來學庄弘祖道孜孜無少
 懈夏六月廷議西域未臣伏上以彼域敦尚
 佛乘特命師往詔尚書趙某為之副師承命

即日登途自浙閩而之洋凡歷國邑布室
天子威德莫不聞而來歸辛亥秋道憇僧伽
羅國其王奉師於佛山精舍執弟子禮宵夜
參承王令閩國臣民悉得瞻禮師隨機開導
咸蒙法益九月二十一日庚午示微恙王命
醫進藥餌師從容謝却之王與群臣惶惶惕
惕若失所恃乙亥沐浴更衣亟命尚書至謂
曰某幻緣終此不能復命矣既而屹然端坐
夜過半問云天明也未對曰未也少頃復問
對曰日出矣遂恬然而逝實是月丙子日也
其王斲香為龕以奉之師世壽六十有八僧
臘五十有三留七日顏貌如生王加歎異乃

聚香代薪特築壇而茶毘之王及百僚哀慕
壇下勅闍國比丘旋繞梵唄時有白煙一道
上燭于天薪盡火滅舍利無筭舌根牙齒不
壞迺拾舍利靈骨及不壞者拊葬其國辟支
佛塔先是彼佛曾亦懸記今之開拊適符其
言非偶然也甲寅冬尚書趙某還朝奏陳其
事 皇上聞而嗟悼勅天界蔣山二寺住持
宗泐等以師之遺衣藏於兩華臺之左云師
廣頴豐頤平頂大耳兩臉紅玉色耳白如珂
雪目光爛爛射人學者見之不威而懾及即
之也盎然春溫嘗示衆曰春風浩浩春日遲
遲黃鸝啼在百華枝箇中無限意消息許誰

知語未既還有僧問曰心意識過捺不住時如何師厲聲曰是誰過捺師室中謂僧曰二六時無你啗啄分無你趣向分會麼僧曰措師曰未明三八九難免自沉吟每遇禪徒隨扣而應未嘗務為奇巧聞見自然有所悟入師五會說法門人輯錄成書欲傳後學師則十九毅然斥去之師為人寡言咲喜怒任真不以二十賈賤異其顏色鴻儒碩學世子勳臣問道無虛日遭際昌辰寵養優渥凡位居臣列被召必以名惟師詔勅咸以大禪師為稱前所未有也雖位隆望重師處之恒若寒素然而荷負大法無一息敢忘廣廈細楫之間從容召

對據經持論每罄竭其蘊畜故君子稱重而宗教有所賴焉其嗣法弟子蔣山法印天界行椿育王常在中天竺淨戒等若干人皆有聞於時翰林李證親預入室狀師遺事授同參淨戒謁瀟為塔上之銘瀟嘗從師遊知師頗詳而與證戒交尤洽不敢以不敏辭龍翔禪林實甲天下初建之初非名德之重莫當斯任是故廣智握真知印柄道明宗嘗使輝光照燭於幽隱矣及今六合載清真人撫運尊崇大法錫額建官以統御其衆非師乘宿願力亦孰能當其始乎嗚呼何其規重矩疊而一唱一新也在昔馬駒蹴踏機用森嚴出

其門者無非龍象有是學者曰有是師先德
 固亦然矣方之廣智之傳實由正宗師之所
 契親得法髓固非常情之可擬然稱人之善
 必本其父師之故厚之至也瀛敢竊取茲義
 序其事而為之銘銘曰

金陵有寶刹

昔為潛龍居

飛翔起中天

樓閣重重現

聖皇握金輪

重御四大海

易為大天界

以表正法故

惟師乘願力

示現優曇華

帝命作捻持

欲符於前烈

弘護法王法

如寶雙眼目

祇恐昏翳蝕

光明不遍照

統率諸僧伽

無不從化者

佛法遍天下

根本中印土

命師宣仁德

以彼高佛乘

道憇僧伽羅

辟羗如見佛

膜拜稽首禮

懇請為說法

四大本假合

去住兩無礙

咲指空中雲

聚散不留跡

築壇以衆香

付之大火聚

闔國諸沙門

圍繞作梵唄

拾舍利靈骨

拊葬辟支迦

異域王臣衆

瞻禮祈永鎮

曉此行道所

何以慰追慕

四衆諸弟子

假物以顯理

遺衣在故篋

見衣如見師

瘞之雨華臺

當與靈骨同

我知此衣中

何啻千萬纒

絲絲具煖性

性圓即菩提

師性千古存

是有無邊身

辟之虛空相

普現於一切

寧假有漏形

方歸於真實

實際本真空

永離於言說

我持不壞筆

太虛以為紙

銘此無縫塔

了不見一字

若以兩耳觀

始造不二義

紹隆藏主火

紹隆聖種斷生死根以火炬

打圓相云烈燄堆中轉法輪

高僧梵琦贊師頂相云

祖梅洲父蒲室大床座妙挑拂發揮震旦二
三騰煥竺軋四七依萬乘之清光近九天之
紅日携錘子斷魔外之根株握金鍤碎衲僧
之窠窟公卿羅拜於法筵龍象相忘於道術
是所謂冠天下禪林現寰中之古佛者也
古尊宿語錄卷第二十一

永樂北藏

古尊宿語錄

新藏經板初

賜天禧九禪宗古尊宿語頌古雪竇明教

圓悟大慧等語多有損失永樂二年敬

捐衣資命工刊補今奉

欽依取僧就靈谷寺校正以永樂十一年春

二月為始至冬十一月乃畢供需之費

皆本寺備給計校出差訛字樣十五萬

餘刊修改補今已幸完庶得不遺

佛意不誤後人所冀永遠流通祝延

聖壽萬安者

永樂十二年歲在甲午仲冬僧錄司右

闍教兼鍾山靈谷禪寺住持臣淨戒謹識

永樂北藏

古尊宿語錄

第一九七册

古尊宿語錄卷第二十二

勿十

黃梅東山和尚語上

五祖禪師名法演蜀人也初住四面山開堂日拈疏示衆云兵隨印轉將逐符行請對蘇官分明剖露宣疏了指法座云此大寶華王

勿十

座從朝至暮與諸人同起同坐諸人還見麼若見更不在升若不見莫道今日謾你便升座拈香云此一瓣香先為

今上皇帝伏願常居鳳宸永鎮龍樓次拈香云此一瓣香奉為州縣官僚伏願乃忠乃孝惟清惟白永作生民父母長為外護紀

永樂北藏

古尊宿語錄

綱又拈香云此一瓣香得來久矣十有餘年海上雲遊討一箇寃雖未曾遭遇一到龍舒果遇其人方契憤憤之心今日對大眾雪屈須至焚却為我見住白雲端和尚從教熏天炙地一任穿過蔡州有鼻孔底辨取龍門和尚白槌云法進龍象衆當觀第一義師云若論第一義西天二十八祖唐土六祖立在下風一大藏教白雲萬里摩竭掩室毗耶杜口正在夢中千佛出世寐語未了文殊普賢勸曲作直所以道設使言前薦得猶是滯殺迷封縱饒句下精通未免觸途狂見若也把定封疆說什麼法堂前草深一丈直得凡

第一九七册

聖路絕鳥飛不度天下衲僧出氣處衆中豈
 有不甘底麼出來相見時有僧問優曇花現
 方便門開朝宰臨遊如何舉唱師云今日好
 晴學云杲日當空清風匝地師云省得我多
 少問如何是人中境師云寶閣凌空金鐸響
 匡松隈險野猿啼半云如何是境中人師云
 鼻直眼橫乃云更有問話者麼若無雙泉今
 日向第二義門放一線道與諸人相見和泥
 合水一上且要釋迦彌勒動地雨花文殊普
 賢觀音勢至各踞一方助佛揚化皆務本事
 器量堪任雙泉不免也入一分共說東家杓
 柄長西家杓柄短任從春草青青炎光燦燦

秋樹葉零冬冰片薄何故如是且要諸人順
 時保愛乃拈起拄杖云古人道拈起也天回
 地轉放下也草偃風行四面即不然拈起也
 七穿八穴放下也錦上鋪花且道還有為人
 處也無良久云來年更有新條在惱乱春風
 卒未休勿十師在白雲投帖拈起示衆云大
 衆只恁麼會得埋沒宗風過犯不小幸有見
 成公案請維那對衆宣讀宣帖了授法衣提
 起云既是大庾嶺頭提不起為什麼却在著
 裏且道者裏底是那裏底是乃云勢錘自汲
 清涼水却著袈裟作主人便拈指法座前云
 象王回師子步儂家看著雙眉聚然雖如是

事到如斯難為辭讓但有路可上更高人也
行便升座僧問禪非意想道絕功勳轉身一
句作麼生道師云大眾見你學云也知和尚
有此機鋒云獨出闍梨學云今日却成造次
師云捧上不成龍問沙場久戰名遠今朝不
涉功勳作麼生道師云長蛇猶自可偃月怎
生當學云金鏃慣調曾百戰鐵鞭多力恨無
雙師云知君不是金牙作爭解彎弓射尉遲
學云眼親不如手親師云新長老敗關學云
口是禍門師云乃云秋風颯颯玉露垂
珠水碧山青蛩吟蟬噪圓通門大啓文殊普
賢穿過汝諸人莫孔自是汝諸人當面諱却

復云諸佛不出世四十九年說未審說箇什
麼少林有妙訣殃及子孫至今分疎不下更
說什麼妙訣若人識祖佛常處便超越與未
超越則且置你道祖佛即今在什麼處若無
人道得山僧不惜眉毛與汝諸人拈出拍禪
床一下
上堂幸古人道若有一人發真
歸源十方虛空悉皆消殞雙泉則不然若有
一人發真歸源十方虛空築著磬著
到興化上堂僧問和尚未離四面時如何師
云在屋裏坐學云離後如何師云走殺閻梨
乃幸法眼頌云山水君居好城隍我亦論靜
聞鐘角響閑對白雲屯大眾法眼雖不辜雲

攬霧爭奈徧地清風四面今日試與法眼把手共行靜聞鐘角響且不是声閑對白雲也且不是色既非声色作麼生商量乃云洞裏無雲別有天桃花似錦柳如煙仙家不解論冬夏石爛松枯不記年 上堂云天上無彌勒地下無彌勒十字街頭立杖人喚作賊便下座 歲旦上堂云元正啓祚萬物咸新揚尽大千沙界都未只在一塵乃展手云是新是舊有人出來道看若無四面且世諦流布去也遂叉手云孟春猶寒伏惟首座大眾洎諸知事尊體起居萬福 上堂僧問千峯寒色即不問雨滴蕊花事若何師云今

日也相似學云一句迴超千聖外千山鎖斷萬重關師云一滴落在什麼處學云錯師云錯學云錯錯師便打 白衆出隊上堂云明日疋馬單鎗為國出戰得勝回戈之日滿路歌謠大衆作麼生是歌謠一曲乃云囉邏哩囉邏哩還有人和得麼良久云鴛鴦繡了從君看莫把金針度與人 寒食夜小叅僧問群迷久渴冒雨登山向上之機請師方便師云不免入山一回學云恁麼則步步踏實去也師云空手却回去學云若是那邊還的當也無云罕遇知音學云謝師證明師云知音底事作麼生僧劃一劃師云又鼓風吹

別調中學云往往隨他口頭走師云更是阿誰乃云李白推紅山青水綠雲橫洞口月皎長空若只向者裏薦得法眼道月明幽室寒星分拱辰異便須瓦解冰消韶國師道通玄峯頂不是人間心外無法滿目青山亦須百雜碎何也盡軋坤大地不消一捏然雖如是

初十

事無一向今夜且放過一著 上堂舉梁武帝問達磨如何是聖諦第一義磨云廓然無聖帝云對朕者誰磨云不識又僧問六祖黃梅意旨什麼人得祖云會佛法底人得僧云和尚還得麼祖云不得僧云和尚爲什麼不得祖云我不會佛法師云大小大祖師問著

底便是不識不會爲什麼却見孫徧地乃云一人傳虛萬人傳實小叅僧問施主遠趨於丈室請師一句利於人師云教天下人成佛去學云悠悠塵內客不謾入山來師云中間猶有衆生在僧便唱師云且道是佛是衆生學云四面眼難設師云你向什麼處見四面僧拂袖歸衆師云作家乃云滿口道得底却不知有知有底又道不得且道遇在什麼處將成九初之山莫惜一筐之土 上堂舉雲門垂語云古佛與露柱相交是第幾數自代云南山起雲北山下雨師云大小大雲門大師元來小膽四面道古佛與露柱相交是

第四機良久却云者箇說話面皮厚三寸出語成不遜好將臨濟禪一日打三頓什麼人

下得手雖然罪過彌天新赦威放 上堂

云於三七日中思惟如是事釋迦老子半夜逾城直往雪山早是漏逗不少更思惟箇什麼便下座 上堂舉藥山久不上堂主事

勿十

五

報云大眾久思和尚示誨山云打鼓著大眾方集山便歸方丈主事云和尚許為衆說法何故一言不措山云經有經師論有論師爭怪得老僧師云雖然以己妨人爭奈賊身已露諸人要識藥山麼開拈經卷倚松立笑問客從何處來 上堂舉僧問洞山如何是

善知識眼山云紙然無油師云洞山老漢不是無只是大儉忽有人問四面如何是善知識眼只向伊道瞎何故且要相稱乃云紙然無油也大奇不堪拈擲有誰知回身却憶來時路月下騰騰信脚歸 上堂舉教中道

若謂如來有所說法即為謗佛只如一大藏教甚處得來若言無說五千四十八卷什麼處消遣到者裏須是箇人始得還會麼其謗四面好 上堂舉僧問投子如何是十身調御投子下禪床立或有人問四面如何是十身調御老僧亦下禪床立為什麼却依樣畫貓兒待我計校成即說向你 上堂舉

樂山問石頭三乘十二分教某甲粗知承聞
 南方直指人心見性成佛其實未明乞師指
 示石頭云恁麼也不得不恁麼也不得恁麼
 不恁麼物不得山僧在衆日聞兄弟商量道
 即心即佛亦不得不即心即佛亦不得若恁
 麼說話敢請憚客何故殊不知石頭老人文
 武兼備豁略雙全若是四面見處也要諸人
 共知只見波濤涌不見海龍宮 上堂云
 仲冬嚴寒伏惟首座大衆尊體起居萬福兩
 彩一賽便下座 上堂云有一則語舉似
 諸人第一不得錯舉便下座 上堂云昨
 宵年暮夜今朝是歲旦都大尋常日世人生

異見不辭逐根元只管尋枝蔓新舊只如今
 子細分明看若也更商量秦時鐸鏘鑿諸院
 長老入山師上堂云臨濟入門便喝是甚益
 鳴声德山入門便捧拗曲作直雲門三句曹
 洞五位大開眼了作夢何故如此國清才子
 貴家富小兒嬌 到龍門上堂云有舌胡
 利無口非啞七出八沒風流儒雅便下座
 到海會上堂云白雲山裏白雲人把定疆封
 無縫罅無縫罅知幾價莫有知價底麼乃云
 一二三四五 到興化上堂云世事冗如
 麻空門路轉除青松林下客幾箇得歸家共
 唱胡笳曲分開五葉花幸逢諸道友同上白

牛車大衆車在者裏牛在什麼處芳草渡頭
尋不見夜來依舊宿蘆花下座甘露資長老
把師住云舒州管界元來有箇草賊師云和
尚也須隄防資擬議師便拓開 上堂云
祖師道葉落歸根來時無口祖師恁麼道猶
欠悟在便下座 上堂云祖師說不著佛

眼看不見四面老婆心為君通一線便下座
上堂云春氣乍寒乍暖春雲或卷或舒引得
韶陽老子放出針眼裏魚乃云錯 謝主
事上堂僧問王索仙陀婆時如何師云七孔
八竅學云如何是王索仙陀婆師云鸞駕未
排齊孰令學云如何是仙陀婆師云眼瞶耳

熱僧禮拜師云點乃云文殊張帆普賢把棹
勢至觀音共相唱和贏得雙泉關中打坐打
坐即不無且道下水缸一曲作麼生唱囉邏
哩囉邏哩俗氣不除 上堂云今宵正月
半乾坤都一片普賢門大開相逢不相見乃
云過在阿誰 上堂云默默無上菩提

從此得賺殺人便下座 上堂舉鏡清問
玄沙學人乍入叢林乞師指箇入路沙云還
聞偃溪水敲麼清云聞沙云從者裏入師云
果是得入一任四方八面若也未然輒不得
離却者裏謝典座 上堂云小繩錢貫大繩
井索日急要用拈籬木杓雖然破家具應用

有處著著錯南北東西水洒不著 冬至上堂云少年天子此日拜郊林泉之士遠望歌謠萬歲萬歲便下座 有一道姑入山禮拜請上堂云道可道非常道真可笑姮娥一夜繡鴛鴦解把金針呈巧妙將並老黃梅兒孫一何拙如今箇箇口吒呀問著烏龜喚作鼈

四面今日與君決列怎生靈寃家寃家莫向背地裏吐舌 住太平錄 師入院日僧問遠別雙泉來臨禪殺入門一句願師舉揚師云也待一一覷過學云恁麼則清涼山遠人休去只此焚香便見師師喝云話也不領學云今朝親見面端的勝聞名師云猶自喃喃

問如何是太平境師云教層寶塔侵天起萬本喬松市地寒學云如何是境中人師云閑持經卷倚松立笑問客從何處來學云人境已蒙師指示向上宗乘事若何師云須信下方城郭近果然鐘磬接笙歌乃云我本無心有所希求今此寶藏自然而至世間之寶能變窮為富此之一寶能轉凡成聖且道如今是凡是聖太平道惣不是何故若緣連根苦甜瓜微蒂甜 上堂云達磨無端少林而壁二祖斷臂一生受屈黃蘗樹頭討甚木蜜太平今日两眼如漆李廣神箭是誰中的 上堂僧問如何是賓中賓師云少喜多瞋學

云如何是賓中主師云傳言送語學云如何是主中賓師云鍾馗小妹學云如何是主中主師云一言縱出口地上繡網開乃云近日太平院禪和多聚叢叅底老婆禪喫底糝米飯知事失照額主人少方便雖然沒滋味要且緩緩嚙謝莊主上堂云一不做二不休不風流處也風流若要公私濟辦好看露地白牛上堂云西天二十八祖也恁麼道唐土六祖也恁麼道天下老和尚也恁麼道獨有太平不恁麼道向故寡不敵衆且道畢竟如何妙舞更須知徧拍三臺頂是大家催上堂云上天下是地南北東西依舊位擇

迦老子弄精魂遠磨西未多忌諱忽有箇漢出來道和尚低聲但向伊道祇要拋磚引玉上堂云山僧今日將山河大地盡作黃金尺該有情無情惣令成佛去然後太平不入者保社何故爭之不足讓之有餘上堂云太平不會禪一向外邊走臘月三十日贏得一張口且道那箇是太平口自云兩片皮也不識上堂舉寶壽作街坊時見兩人相諍一人以手打一拳云你打得恁無面目寶壽因而洋入若人於此知落處可謂公辦私辦大眾聽取一頌甚妙也甚妙於此知性命辨鼻與一拳當時便打正上堂舉教中道假使滿

世間皆如舍利弗盡思共度量亦復不能知
尋常衲僧家高揖釋迦不拜弥勒是會佛智
不會佛智衆中有則有只是截牙伏爪太平
有箇見處不惜眉毛舉向諸人待有人問隨
口便答 上堂云數日已未連綿大水所到
之處皆有損傷曹溪一滴淋漓人間衲僧一
吸鼻孔勿十遼天且道名字既同為什麼損益有
異誰知遠煙浪別有好思量 上堂云一葉
落天下秋一塵起大地收收即不無何人親
手月中仙桂和根拔海底驪龍把角牽
上堂云撮土為金猶容易變金為土却還難
轉凡成聖猶容易轉聖成凡却甚難何故誰

肯屈尊就卑且道不凡不聖一句作麼生道
乃云不得教壞人家男女 上堂舉二祖見
二祖禮拜問曰請師懺罪二祖云將罪未與
汝懺三祖云求罪不可得二祖云與汝懺罪
竟因成一頌舉似大眾無孔笛子毬拍板五
音六律皆普徧時人不識黃幡綽笑道儂家
登寶殿上堂云淺聞深悟深聞不悟爭奈何
爭奈何獻佛不在香多 上堂云開眼為畫
合眼為夜坐斷舌頭誰談般若金色頭陀不
入保社 上堂舉風穴云若立一塵家國與
咸野老頌盛不立一塵家國喪亡野老誦
太平即不然若立一塵法堂前草深一丈不

立一塵錦上鋪花何也不見道九九八十一
 窮漢受罪畢纔擬展脚眠蚊蟲猶發出
 上堂因雪舉僧問雲門不起一念還有過也
 無門云須弥山師云有時間著師僧或豎一
 指或進一步或下一喝或拂袖便去上座未
 在何故太平未曾向二三月間下一陣雪向
 汝諸人在如今有箇漢出來道老和尚莫七
 顛八倒見今下也不是乃展手云了 上堂
 僧問蓮花未出水時如何師云在泥裏學云
 出水後如何師云在水上問王子未登九五
 時如何師云逢人多問路學云正登九五時
 如何師云天下太平學云登九五後如何師

云誰論好醜乃云末後最愁懃儂家隨處新
 大千沙界裏不免箇中人且道那箇是箇中
 人平蕪盡處是青山行人更在青山外
 上堂舉雲門道平地上死人無數出得荆棘
 林者是好手時有僧云恁麼則堂中第一座
 有長處雲門云蘇蘆蘇蘆太平即不然平地
 上箇箇丈夫荆棘林裏坐得底是好手何故
 乃云拈 上堂云將四大海水為一枚硯須
 弥山作一管筆有人向虚空裏寫祖師西來
 意五字太平下座大展坐具禮拜為師若寫
 不得佛法無靈驗有麼有麼便下座大衆散
 師高声云侍者侍者應喏師云收取坐具復

問侍者云還收得坐具麼侍者提起坐具師云我早知你恁麼也 上堂云入荒田不揀信手拈来草不認大哥妻元来是嫂嫂鄭州出鵝梨青州出大棗無事巾單下箇箇從頭咬 上堂云有蓋曰誠無蓋曰澹太平聞說口似匾擔便下座 上堂云神通妙用不欠絲毫通人今上何用切切泥多佛大水長船高 上堂云一月普現一切水一切水一月攝誠哉是言也可謂塑不成畫不就昨夜三更白如晝謝典座上堂云變生作熟雖然易衆口調和轉見難鹹澹若知真箇味自然飢飽不相干 上堂拈起拄杖云昨夜三更

夢見拄杖子教我一片禪向我道和尚明日早起上堂舉似大衆昨日錦上鋪花今日脚蹋實地但看今日明朝說甚祖師来意翻思黃面老人謾道靈山授記直饒大地山河借我鼻孔出氣不如放下身心自然仁義禮智為亡僧下火舉起火把云火風四大互相遺切十背當此時節隨緣自在次日又為一僧舉起火把云昨日也恁麼今日也恁麼且道昨日是今日是說甚是不是你看是甚火色 上堂云今朝正月半與諸人相見嫩麥長新苗粒粒皆成麩薦不薦全藉春風扇 次住海會師入院開堂日宣疏了乃云疏牒一時

讀了若是具全剛眼睛底何必重說偈言譬
按如是事無一向便外座拈香罷四面白提
云法筵龍象衆當觀第一義師云金鍬慣將
平袒道鐵鞭多力恨無繇莫有不顧危亡底
初僧麼出来相見僧問白雲山下祖令當行
如何是祖令師云一二三四五學云恁麼則
昨日太平今朝海會師云高著眼僧問昔日
為霖去今朝領衆来朝賢臨座下願震一殼
雷師云你還聞麼學云風送好雲歸碧洞水
朝滄海助波濤師云知心有幾人學云寒山
常撫掌拾得每慙慙師云將謂無人學云也
不得歷良為賤師云且禮拜著乃云問話且

止夫第一義適来若於四面拋下薦得千聖
不能近祖師言不到天下作者拱手歸降何
也況第一義本来清淨不受諸塵如何說得
同道方知今日放過一著向建化門中別作
箇解話會是以紹先聖之遺蹤稱提祖令為
後學之模範建立宗風若非當人曷能傳授
乃云陳謝既畢不可空然有一頌舉似大眾
日暖風和花正開七重山鎖白雲堆翻思城
市繁華處又出松門步一回師在太平受帖
拈起示衆云恁麼會去早是鈍漢何也若憑
說五千四十八卷豈不是說若不憑說又如
何辨白請維那分明拈出讀疏了遂外座乃

曰祖令當行十方坐斷其中莫有不惜性命者麼出來與老僧相見時有僧出云日月見好事難逢師云令人疑著問公幾已至師今受祖意西來願舉揚師云雲從龍風從虎學云人天既獲聞真諦更有尖新事也無師云有學云如何是尖新底事師云蹉過也不

第十

十一

知問白雲長老太平禪師於其中間未審如何辨的師云你試定當看學云莫是月無來去影現千江師云一任鑽龜打瓦遂云法不孤起仗境方生明鏡當臺好醜自現久叅上士言下知歸晚學初機當須子細是以古人道法無去來無動轉者輒成山頌舉似大眾

觸日光明處處新其中那箇辨疎親祇因技上千花秀一度芬芳一度春 上堂僧問如何是佛師云悉達多太子學云逾城時如何師云自有四天王在學云到雪山時如何師云蘆芽穿膝鵲巢頂上學云拿柰未是學人安身處師喝云禮拜了退乃云天地為烘爐烹煉強與弱大道本無元卷舒由橐籥凡聖路坦然各自看謀略 謝首座上堂云槌破蟠桃核得見其仁拈斷驪龍鬚得遇其寶雖然如是也未是好手黃帝失玄珠於赤水使智索之而不得使離朱索之而不得使契誼索之而不得乃使罔象直饒罔象得之亦未

是好手爭似今日與大眾同使一箇通事舍人雖然如是也只得一半 上堂云永嘉道取不得捨不得不可得中只麼得祖師道不是心不是佛不是物大眾且道是箇什麼乃云到江吳地盡隔岸越山多結夏上堂僧問如何是白雲境師云七重山鎖潺湲水學云

勿十

十三

如何是境中人師云未去萬學云人境已家師指示向上宗乘又若何師云面赤不如語直乃云此夏居白雲禪人偶聚會三月九旬中尊卑相倚賴粥飯與茶湯精麁隨忍耐逐意習經書任運行三昧彼此出家兒放教肚皮大 上堂云昨日有一則因緣擬舉似

大眾却為老僧忘事都大一時思量不出乃沉吟多時云忘却也忘却也復云教中有一道喜号聰明王有人念者忘耶記得遂云噯阿盧勒繼娑婆訶乃拍手大笑云記得也記得也覓佛不見佛討祖不見祖甜瓜徹蒂甜苦瓠連根苦下座解夏上堂云一塵起大地收一葉落天下秋金風動處警砒畔之蛩吟玉露零時引林間之蟬噪遠煙別浦行行之鷗鷺爭飛絕壁危巖處處之猿猴競嘯又見漁人舉權樵子謳歌數鼓羌笛牧童戲一片征帆孤客夢可以發揮祖道建立宗風九旬無虛弃之功百劫在今時之用如斯話會袖

子攢眉不見道一塵不立始歸家若有纖毫
非眷屬 上堂僧問見来不來時如何師云
各自守疆界進云見來却來時如何師云看
築着你鼻孔學云謝師荅話師云放乃云古
人道如何是不動尊朝到西天暮歸唐土大
眾莫是動而不動不動而動麼只者便是白
雲見處 郡中回上堂云舡上無散工時時
事不同昨朝城郭裏今日白雲中且道不動
尊在什麼處自云氣以韜袋令人可愛 自
出緣化回上堂云白雲海會院是水蕪柴炭
唯少麻與麥眾人皆盡見親去化檀那踈却
阿羅漢且望大慈悲一一看佛面大眾佛身

充滿於法界且作麼生看我道不隔一條線
上堂云我有一柄帚掃盡雪山雪我有一
張口臨事無可說我有一雙眼和盲悖詐瞎
任意過平生烏龜喚作鼈處世學為人喫水
須防噎仰山曾道底兩口一無舌四海五湖
人當陽瞥不瞥 上堂舉靈雲悟桃花頌云
三十年來尋劍客勿十幾經葉落又抽枝十葉自從一
見排花後直至今更不疑玄沙云諦當甚
諦當敢保老兄未徹在師云說什麼諦當更
參三十年始得 上堂僧問如何是佛師云
獨木橋子學云如何趣向師云緊悄悄草鞋乃
云幸然可憐生剛地學參問既然參得了未

免肚裏悶悶即自家悶因即自家因祖佛生
冤家好與搵一頓且道佛祖過在什麼處若
人會得許你具一隻眼桐樹郭宅請升座云
桐林郭評事家門幸食禄性靜好吾宗温良
如美玉封疏請諸山營齋殖洪福二人長老
共談玄正值陽和二月天渴鹿飲溪水作水
野猿啼樹霧成煙黃梅路上多知己今日同
乘般若船乘船即不無且道說個什麼事幸
遇三春明媚因行不妨掉臂羅邏哩羅邏哩
乃拍手大笑云是何曲調

古尊宿語錄卷第二十二

初十

古尊宿語錄卷第二十三

勿十一

黃梅東山五祖演和尚語中

上堂云二月春將半相呼同賞翫寒食近清明百花開爛熳或上白雲峯或遊赤水畔野外標墳人路傍酒醉漢半咲半悲啼真誠堪

勿十一

一

讚嘆人人謂我泄天機子細分明与批判看
看五湖禪客莫輕訓記取今朝者公案

上堂舉趙州問婆子什處去婆云偷趙州笋
去州云或遇趙州又作麼生婆連打兩掌州
便休去師云趙州休去不知衆中作麼生商
量白雲也要露个消息貴要衆人共知婆子

永樂北藏

古尊宿語錄

雖行正令一生不了趙州被打兩掌咬斷牙
關婆子可謂去路一身輕似葉趙州高名千
古重如山 上堂云僧問雲門如何是一
代時教門云對一說師云對一說卷盡五千
四十八風花雪月任流傳金剛腦後添生鐵
施主請上堂云道吾与漸源往山下弔懸源
拊棺問曰生耶死耶吾云生也不道死也不
道源云為什麼不道吾云不道不道回至中
路源云秘尚須与某甲道若不道即打和尚
去也吾云打即任打道即不道源便打至院
吾今潜去白雲今日忿氣不甘須要斷者公
案道吾第一不解与身作主第二不能隨機

第一九七册

入俗當初待伊問道生耶死耶但向伊道等
 歸院裏向你道當時若着得者語靈利漢一
 踊躍着大小大道吾和尚也又免得一頓拳
 頭有眼底子細看 解夏上堂云九旬三
 箇月彈指瞥然間忙者直然忙閑者直然閑
 事事無窮盡千古白雲山 上堂奉雲門
 一日普請般柴次乃抛下一片柴云一大歲
 教只說者箇師云大小雲門錯下註脚老僧
 當時若見向伊道普請處不得狼籍若點檢
 得出免你普請乃舉僧問首山如何是佛首
 山云新婦騎驢阿家牽大衆莫問新婦阿家
 免煩路上波吒遇飯即飯遇茶即茶同門出

入宿世冤家乃云會即事同一家不會萬別
 千差一半喫泥喫土一半食麥食麻或即降
 龍伏虎或即搥蜆撈蝦禾山唯解打鼓秘魔
 一向薺扱者箇一場戲咲皆因微咲拈花白
 雲隨隊骨董順風撒土撒沙若無者箇腸肚
 如何衣錦還家且道還家一句作麼生道本
 日榮華人不識十年前是一書生 上堂云
 但知喫果子莫管樹曲录不識曲录樹爭解
 喫果子不過祖師開爭會敵生死如何是祖
 師開拈却大案山 上堂舉法眼道識得
 橙于周而有餘雲門道識得橙于天地懸殊
 師云這兩人一人過缸一人渡水若點捨得

出許你具正法眼 上堂云望天祈好雪
 祥瑞寔難加鶴噪青松上變成白老鷄紫
 牽出薄寒馬金鏗粧成銀鏤花苦苦箇什
 麼忽然變成雨乃云昔日先師頌臨濟三預
 棒云一拳拳倒黃鶴樓一踢踢翻鸚鵡洲有
 意氣時添意氣不風流處也風流大衆若到白
 雲門下須要衆人助拳 上堂舉起拳頭云
 若喚作拳頭一似不曾行脚若不喚作拳頭
 對面相謾除此之外也少一拳不得出隊婦
 上堂云出隊半箇月眼不見鼻孔忘却祖師
 揮拾得箇骨董且道向什麼處着一分奉釋
 迦牟尼佛一分奉多寶佛塔 謝首座上堂

云弥勒看不見釋迦說不得恁麼尊貴生日
 用無差或得不得識不識三德六味味逾多
 千古萬古為規則 上堂僧問如何是然
 燈前師云令人疑著李云如何是正然燈師
 云錯認定盤呈李云如何是然燈後師云一
 場儻儻乃云每月有箇十五無始劫來盡數
 數到弥勒下生未免有甜有苦且道畢竟如
 何南山白額大蟲元是西山猛虎 上堂
 云日可冷月可熱衆魔不能壞真說大衆作
 麼生是真說澄狼澄賴若信不及白雲為你
 道一要衆人會二要龍神知乃拈起法衣云
 者箇真紅色剛然道是緋 上堂云風和

勿十一

三

日暖古佛家風柳綠桃紅袒師巴鼻眼親手
 辦未是惺惺口辨舌端与道轉遠從門入者
 不是家珍且道畢竟如何相見事下来還
 憶君乃云四海五湖奇士園逸無扶村夫只
 解拖犁拽杷水草無底鉢孟高懸羊頭賣狗
 肉時中那辨精与鹿恁麼續佛壽命誠哉天
 地懸殊誰有拔山之力橫身擔荷也無有麼
 有麼有即家門富貴無那辜負老盧
 上堂舉僧問巴陵鑒和尚相意教意是同是
 別鑒云雞寒上樹鴨寒下水師云大小大巴
 陵只道得一半白雲即不然掬水月在手弄
 花香滿衣
 上堂云春風別有巧工夫吹

綻百花品類殊唯有牡丹并芍藥時人一見
 便歡娛且道衲僧分上成得什麼邊事拈来
 喫罷婦何處透骨馨香付老盧
 乃奉達
 磨問二祖作什麼二祖云請師安心白雲當
 時若見好与二十棒何故他人覩見將謂兩
 箇說安心法畢竟如何菩薩龍王行兩潤透
 身上上數重雲
 上堂云昨日開關今
 朝靜悄悄子規枝上啼蝦蟆鑽入草好個寒
 食天辜負白雲老
 為亡僧下火提起火
 把云大衆三世諸佛向火焰裏轉大法輪聞
 名不如見面今日智悟上座見面不如聞名
 上堂舉龐居士問馬大師不与萬法為侶是

什麼人大師云待汝一口吸盡西江水即向汝道師云一口吸盡西江水洛陽牡丹新吐柔鞞土颺塵勿處尋擡頭撞着自家底結夏上堂云聖制已臨時當初夏幽邃之岩巖蒼翠畢鉢無恙潺湲之溪谷清泠曾溪髻髻稱衲子安居之地寔吾家禁足之方大故

十一

四

禪麼自云說不得既說不得白雲今日出自己意去也出自己意小兒子戲人天衆前討甚巴鼻 邑中外座云白雲相送出山來滿眼紅塵撥不開莫謂塵中無好事一塵一刹一樓臺 上堂舉馬大師不安院主問云和尚近日尊位如何大師云日面佛月面佛師云會麼如不會白雲与你頌出野鬘女子畫娥眉鸞鏡臺前語似癡自說玉顏難比並却來架上着羅衣 炙茄會上堂云六月三伏天火雲布郊野松間臨水坐解帶同歡釋髡侶弄荷花賓朋傾玉笋紅塵事繁華碧洞何蒲洒重會在明年相期莫相捨白雲

曾有約願結青蓮社

上堂云先入白雲

門次過白雲浪吞底栗蒲禪喫底糝米飯君

子如到來好好看方便 上堂僧問如何

是道師云治平郡學云如何是道中人師云

赤心為王學云未審道与道中人相去多少

師云名傳天下乃舉僧問南泉如何是道泉

勿土

五

云平常心是道又龐居士問馬大師不与萬

法為侶是什麼人大師云待你一口吸盡西

江水即向你道師云為復是同是別同則神

出鬼沒別則醉後添盃畢竟如何待你念得

熟向你道 上堂云釋迦弥勒猶是他奴

且道他是誰便下座 上堂云五千四十

八卷教理行果成見祖師門下商量須知一

貫一賤貴則珠玉難借賤則分文太速有人

於此辨得白雲与你三十忽有個漢出來道

大丈夫賞罰分明不知是那箇三十良久云

三十年後 上堂云三處移場定是非頑

心不改在家時呼兄喚弟長如此且作限窟

老古錘 陳助教入山煎茶上堂云戒定

慧相扶堂堂大夫吹毛光燦爛佛祖不同

途 謝典座上堂云白雲嵌枯老漢要喫

無皮酸餡典座取巧安排一任眾人師吸良

久云羊羹雖美眾口難調 上堂舉僧問

馬大師維四句絕百非請師直指西來意大

師云我今日勞倦不能為汝說去問取智藏
 僧問智藏云我今日頭痛不能為你說去
 問取海兄僧問海兄海云我到者裏却不會
 僧却舉似大師大師云藏頭白海頭黑師云
 馬大師無着慚惶處只道得箇藏頭白海頭
 黑者僧持一檐矇矓換得箇不會若也眼似
 流星多少人失錢連罪 上堂云庭開金
 菊宿根生來鴈新聞一兩声昨夜七峯牽老
 與千思萬想到天明 冬日上堂云達磨
 西來事久多變後代兒孫門風無限攬擾身
 心一團麻線白雲今日都通截斷大眾一百
 單五近清明上元定是正月半 次日上

堂云一陽生後正嚴寒皎潔蟾蜍挂碧水
 鎖瀑泉声細碎風搖危木影辜拳狂狼抱子
 藏深洞羸鶴將鴉逐老仙莫謂可師徒立雪
 方知古德用心堅上堂舉德山問龍潭又響
 龍潭及乎到來潭又不見龍又不現潭云子
 親到龍潭師云龍潭老人可謂騎賊馬趕賊
 便下座送諸郡化主上堂云荷舉諸禪流才
 能足揆劃逢人定有錢見面寧無麥已是吾
 家兒久為物外客溫柔一手撻剛硬雙拳搦
 牙木一時全勝南山白額 上堂云一代
 時教五千四十八卷空有頓漸豈不是有永
 壽道六無人六無佛大千沙界海中漚一切

勿十一

六

聖賢如電拂豈不是無大眾若道是有遠他
 永嘉若道是無又遺釋迦老子作麼生商量
 得恰好若知落處朝見釋迦暮參弥勒若也
 未明白雲為你點破道無不是無道有不足
 有東望西耶尼而南看北斗 上堂云白
 雲門前路往復行大步中間有一片方塊你
 諸人為什麼却蹋不著 王提刑入山上堂
 云祖師門下如箭中的手解眼覩無得無失
 僧問朝盖臨進清風巾座學人上來請師決
 破師云殘臘一雨即漸迎春學云天垂寶蓋
 地布金蓮去也師云未為多在學云多底事
 作麼生師云人天衆前不欲造次學云覺海

波瀾增浩渺釋天日月轉光輝師云也不消
 得乃舉阿難問迦葉世尊傳金襴外別傳何
 物迦葉召阿難阿難應喏迦葉云倒却門前
 刹竿著又永嘉道建法幢立宗旨明明佛勅
 曹溪是師云迦葉教倒却刹竿永嘉又教立
 宗旨且道到底是立底是到者裏須是具擇
 法眼始得畢竟如何倒也七縱八橫立也二
 三成六七峯閣上共談玄一句一言清耳目
 歸新僧堂上堂云十月今朝初一新構雲堂
 已畢聖衆已得安居雅麗全勝舊日於中受
 用之時凡百互相愛惜願存古佛家風三有
 四恩獲益慶懺別有上聞具位題名立石敢

勿十一

七

勸遠近諸檀越記取摩訶般若波羅蜜忽有箇出來道長老不妨好文章乃云咄白雲口裏道誰敢道不好 提刑入寺上堂云兵隨印轉將逐符行大權菩薩覆護衆生相願者善言誘諭凶頑者枷棒縱橫中間有箇沒量 大漢金鎖玄關留不住聖凡位裏莫能收若奈何不得佛法無靈驗白雲有箇消息試說看古人云無邊刹境自他不隔於毫端十世古今始終不離於當念納須彌於芥中擲大千於方外變大地爲黃金攪長河爲酥酪到者裏合作麼生國土動搖迎勢至寶花彌滿送觀音 端午上堂舉昔有秀才造無鬼

論論就纔放筆有鬼現身斫手謂秀才云你手奈我何白雲當時若見便以手作鵝鳩嘴向伊道谷谷呱 上堂舉肅宗帝問忠國師百年後所須何物國師云與老僧造箇無縫塔帝曰請師塔樣國師良久云會麼帝曰不會國師云吾有弟子耽源却諳此事請詔問之師云衆中盡道國師良久殊不知懸鼓待槌當時肅宗若是作家君王待伊道教詔耽源但向道國師國師何必肅宗後詔耽源源呈頌湘之南潭之北中有黃金克一國無影樹下合同舡瑠璃殿上無知識師代肅宗云閑言語雪竇頌道無縫塔見還難澄潭不

許蒼龍盤層落落影團團千古萬古與人看
 師云雪竇可使千古傳名老僧祇愛他道澄
 潭不許蒼龍盤首尾一時貫串祇如前來一
 絡索拈放一邊且道畢竟如何乃云姪女已
 歸霄漢去鼓郎猶自守空房 上堂舉僧
 問雲門如何是超佛越祖之談門云糊餅白

勿十一

八

雲卽不然忽有人問如何是超佛越祖之談
 只向伊道驢屎似馬糞又云破草鞋又云靈
 龜曳尾且道是同是別試辨看 上堂僧問
 如何是極則事師云何須特地乃舉僧請益
 瑯琊清淨本然云何忽生山河大地瑯琊云
 清淨本然云何忽生山河大地其僧有省師

云金屑雖貴落眼成翳 上堂云祖師遺
 下一隻履千古萬古播人耳空自肩擔跣足
 行何曾踏著自家底 上堂云行者不報來
 打鼓曲录木頭上不免將錯就錯叅
 上堂云子丑寅卯辰巳午未申酉戌亥終而
 復始有狀有愛畢竟如何但管熟念

上堂云遍周沙界幾曾移步深山白雲是何
 報土若是真道人家日洗鉢盂兩度
 新鞞法鼓上堂云多載頑皮擊不響新皮纒
 動震天雷無滯莫言隨勢去有聲誰謂不平
 來何也雙眼聽不聞雙耳覷不見一條平坦
 路是誰沒方便 上堂云本末須歸宗尊

卑用其語利劬擲虛空大棒打老鼠

上堂舉世尊滅後諸聖弟子於畢鉢岩中結
集法藏阿難既陞座形儀與佛無殊大衆遂
生三疑一疑阿難成佛二疑佛再現身三疑
他方佛化阿難唱云如是我聞衆疑皆息當
時若有個漢出衆云大衆依而行之各自散
去免見滿藏琅函攬人腸肚然雖如是猶未
剿絕在何也阿難道如是我聞白雲也道如
是我聞若道當時是重古輕今若道即今是
重今輕古要會麼優曇花不開跡絕無香氣
上堂云六祖能大師是個大癡漢後代兒孫
多展轉生惑亂子細好思量白雲不着便

勿上

九

乃舉雲門道聞聲悟道見色明心觀世音菩
薩持錢買糊餅放下手元來却是饅頭雲門
好則甚好奇則甚竒要且只說得老婆禪若
是白雲即不然作麼生是聞聲悟道見色明
心遂作打杖鼓勢云棚八囉扎 上堂云
四五百石麥二三千石稻好個休糧藥者毒
不得妙 上堂舉龍牙云天下名山到回
脚年深辛苦與韉著而今老大不能行手裏
把柄破木杓白雲即不然脚也不能著草鞋
手亦不能把木杓端坐受供養施主常安樂
上堂云達磨西來事今人謾揣量天河爭起
浪月桂不聞香何也見成公案安樂院主修

齋上堂云昨夜得一夢夢見臻公在天宮與帝釋對坐臻問帝釋曰天上有五衰相是否釋云此是佛之所說豈可妄言於是帝釋却問臻云我聞閻浮提有不持戒者是否臻云此是佛之所說豈可妄言良久臻云天宮雖樂不是久居遂下十八重地獄乃見閻王居正殿與地藏菩薩耳語臻便出門首見一青衣童鞠躬云東海龍王請伴諸羅漢齋臻遂往赴齋迴得數顆如意珠一時分付諸門人白雲被珠光一爍忽然夢覺以至今朝諸法乳為臻公設齋請白雲陞座大眾且道昨夜夢與適來說底是衆中盡是久叅先德禪道

之精若人辨得試出來露箇消息看有麼有麼若無白雲又有箇古話釋迦老子在跋提河側般涅槃了迦葉始至達金棺而哭於是世尊為現雙趺大眾且道般涅槃時是現雙趺時是乃云止止不須說我法妙難思諸增上慢者聞必不敬信 小叅云達磨西來不立文字直指人心見性成佛忽有箇出來道長老尋常室中愛問人如何是你心某甲即不會却問長老如何是和尚心老僧即向他道却來者裏捋虎鬚什麼心造次說向你他若又問栢樹子話長老作麼生會向伊道我有個方便有甚方便却須先問取首座又問

德山入門便棒作麼生會我聞便肉戰臨際
入門便喝作麼生會是什麼破草鞋直饒一
時透過也是七九六十八 中秋上堂云中
秋月中秋月古今盡謂尋常別別不別皎皎
清光遍大千任從天下紘紘說 學云也是
慣得其便師云許多時茶飯元來也有人知
滋味乃云祖師心印好消息處無消息無消
息古篆分明拈起也大千岷嶠放下也凡聖
同源有時印却諸人面門自是諸人甘伏不
肯承當帶累白雲受屈且道過在什麼處
上堂拈起拄杖子者個拄杖子不從天台南
岳得亦不在此上西天且道生在什麼處若

也知生處同得受用若也不知遂靠却下座
上堂舉妙湛揔持不動尊首楞嚴王世希有
銷我億劫顛倒想不歷僧祇獲法身大衆若
作禪會則謗經若作經會則謗禪若作一團
則儼侗有人跳得出銷萬兩黃金若跳不出
有處着你在 上堂云但知月圓月缺誰知
勿十一
月缺月圓忙忙乘舡過水不知過水乘舡百
年三萬六千日等閑老却朱顏各自照鏡看
是什麼面孔 上堂舉僧問洞山如何是善
知識眼山云紙撚無油若問白雲對道無油
不點燈雖然如是也較洞山三千里祇是其
間有個好處有甚好處諸人黑地裏撞着露

柱悟去也不定歲朝上堂云威音王已前也
恁麼威音王已後也恁麼三世諸佛也恁麼
西天四七唐土二三也恁麼前年去年也恁
麼明年後年更後年外後年也恁麼忽有個
出來道和尚和尚自云若不被他喚住
便一百年也只恁麼復云元正啓祚萬物咸
新去年乞火和煙得今日擔泉帶月歸畧運
推移日南長至當軒有直道無人肯駐脚孟
春猶寒伏惟首座大眾起居萬福蘇武牧羊
海畔累日忻然李陵望漢臺邊終朝哭發落
在甚處人義只從貧處斷世情偏向富門多
上堂僧問如何是本分事師云結舌無言乃

云每日起來拄却臨際棒吹雲門曲應趙州
拍擔仰山歛馱滿山牛耕白雲田七八年來
漸成家活更告諸公每人出一隻手共相扶
助唱歸田樂鹿菜淡飯且恁麼過何也但願
今年蚕麥熟羅睺羅兒與一文上堂舉南泉
云文殊普賢昨夜三更起佛見法見各與二
十棒貶向二鐵圍山白雲則具大慈悲遂拍
手云鼻殊室利普賢大士不審不審今後更
敢也無自云一度被蛇傷怕見斷井索
上堂云二十五年坐這曲录木頭上舉古舉
今則不無祇是未曾道着第一句衆中莫有
具大慈悲者試出來道看也要衆人共知兼

乃平生行脚有麼有麼莫道無忽有個出來
 却問如何是第一句白雲不免向他道放憨
 作麼 上堂云是法不可示言詞相寂滅這
 兩句猶較些子忽遇羚羊掛角時如何直上
 拍云天天久立 乃云今日上元之節處處
 燈光皎潔不知天意如何瑞雪翻為普雪貧
 窮變作勿十一殭蚕烏龜凍成白鱉唯有四海禪流
 個個眼中添屑何故不說不說下座 請化
 主上堂云造化之功祖宗門下作天地發生
 之氣春夏秋冬決含靈顛倒之心常樂我淨
 若據衲僧用處又且不然變大地為黃金攪
 長河為酥酪猶未稱白雲在忽有箇漢出來

道似恁說話只是個貪心不足漢自云道著
 叅 上堂舉達磨大師云誰得吾正宗出來
 與汝證明尼搵持云據某見處如慶喜見阿
 闍佛國一見更不再見達磨云汝得吾皮道
 育云據某見處寔無一法當情磨云汝得吾
 肉二祖禮三拜依位而立磨云汝得吾髓師
 云當時若見他三人恁麼道各人好與三十
 棒只如白雲今日也合喫二十九棒留一棒
 與汝諸人其間若有知痛痒者不辜負先聖
 亦乃得見白雲其或未知堂裏喫粥喫飯更
 須爛嚼多見是渾圈吞却 上堂舉釋迦如
 來往忉利天為母說法優填王思佛命匠人

雕梅檀像及至世尊下來像亦出迎諸人且
 道下來底是出迎底是又教中道如來者無
 所從來亦無所去莫是法身無來去化身有
 來去麼若人於此見得日消萬兩黃金其或
 未然草鞋錢教什麼人還 上堂云說禪被
 禪纏不說却成現若真個不說真個好方便
 如馬前相撲似霹靂閃電會即大富貴不十三會
 空對面 因齋上堂云不寒不暖喜春遊士
 女傾心結預修自覺一生如幻夢始知百歲
 類浮漚子規啼處真消息芍藥開時野興幽
 此個門風誰會得等閑白却少年頭 上堂
 云前迴底今日使不着今日底後次使不着

使不着說不着重遭撲自古至今誰錯誰
 不錯忽有個出來道白雲不是今日錯也自
 云錯錯下座 師一日持錫遶方丈行問僧
 還有屬牛人問命麼無對遂云孫臏今日開
 鋪並無一人垂顧可惜三尺龍鬚喚作尋常
 破布 上堂云有一則奇特因緣舉似諸人
 款說又被說礙不說又被不說礙款舉山河
 大地又被山河大地碍從教頭上且安頭直
 金不博鑰丈夫意如此快樂百無憂 上堂
 舉僧問曹山佛未出世時如何山云曹山不
 如出世後如何山云不如曹山師云若以世
 諦觀之曹山合喫二十棒若以祖道觀之白

雲合突二十棒然雖如是棒頭有眼兩人中
 一人全肯一人全不肯若人點檢得出許你
 具半隻眼 上堂云釋迦已滅彌勒未生森
 羅萬象推向一邊且作麼生是你諸人常住
 法身乃云有功無功莫使腹空 請供頭棒
 造上堂云白雲今日權將大宋世界作一面
 碁盤先將東嶽太山南嶽衡山西嶽華山北
 嶽恒山中嶽嵩山定却五方次將五臺峨嵋
 支提羅浮以為相助左畔則斜飛鴈陣右邊
 則虎口雙關遂舉手云且道這一着落在什
 麼處若知落處便為敵手若也未然白雲試
 通個消息十九條平地車功勢未休莫教一

着錯敗子卒難收 正旦上堂元正啓祚西
 天此土萬物咸新獬豸麒麟應時納祐誠言
 不謬孟春猶寒種種多般伏惟首座大眾普
 天齊用泊諸知事懷才抱義并諸化主如龍
 似虎尊體起居萬福直是如金如玉歲歲三
 百六十管取粥足飯足 因齋上堂云二月
 甲春物象鮮盡塵沙界一般天養毒雨洗去
 冬雪野火風飄昨夜煙危嶺乍聞猿嘯日長
 江時見客乘舟人生幾度逢斯景好是誠心
 種福田 端午上堂僧問今朝五月五權器
 好芸鼓雖是無事人亦請燒一炷師云急急
 如律令進云也待小鬼做箇伎倆師云鍾道

嚇你乃云今日端午節白雲有一道神符也
 有些小靈驗不敢隱藏舉似諸人一要今上
 皇帝太皇太后聖躬萬歲二要合朝卿相文
 武百官州縣寮察常居祿位三要萬民樂業
 兩順風調有個符使却來報白雲道諸慶盡
 去徧只為神通小不奈一件事何遂問他是

甚事使云禪和子鼻孔遶天白雲向伊說莫
 道你我尚不柰何然雖如是澤廣歲山理能
 伏豹畢竟如何一抽三二添四黃牛角向天
 八脚垂過鼻急急下座上堂舉尼問趙州
 如何是蜜意州於尼腕上掐一掐尼云和
 尚猶有這個在州云你僧有這個在師云此

尼若是個人但向他道也放和尚不得乃云
 日用事無別憑君為甄別若於言上會知君
 打不徹不於言上會心頭似火熱先過趙州
 關剪斷白雲古不負先聖恩歸堂且懋歇
 上堂云若要天下橫行見老和尚打鼓外堂
 七十三八十四捋拄杖蕃口便築然雖如是

初十一

十五

拈却門前上馬臺剪斷五色索方始得安奈
 小叅僧問德山不荅話千古把斷要津白雲
 今夜小叅未審如何施設師云我不可承嗣
 端和尚不得也學云作家宗師天然有在師
 云是何言歟進云只者個又為甚人施設師
 云你還信得及麼進云教某甲作麼生信師

云你是會來問不會來問進云某甲却是不
會來問師云昨日也恁答一僧來進云今日
為甚却干戈相待師云只為買賣不當價進
云壓良為賤則得爭奈有諸方在師云大衆
看取者一負禪客進云放過一着師云噫
上堂云平生百了千當底正好喫棒且道過
在什麼處打你百了千當 上堂云去聖時
遙人多懈怠逆則生真順則生愛且道作麼
生是不瞋不愛東海剪刀西番皮袋
上堂僧問承師有言山前一片閑田地祇如
威音王已前未審什麼人為主師云問取寫
契書人學云和尚為甚倩人來答師云秘為

你教別人問學云與和尚平出去也師云大
遠在乃云五日莫覩其容二聽絕聞其響有
功者爵無功者賞拈須弥山秤來二兩忽有
個道一方知識為什麼大秤秤人物事自云
官不容針私通車馬 謝街坊上堂云街坊
昨日將一把沙到方丈前一見老僧劈面便
撒賴遇老僧先見衫袖一遮並不妨事今朝
舉似大衆不敢隱蔽何故賞伊膽大下得者
個手脚恁有人問白雲為什麼只恁休去不
見道老不以筋力為能然雖如是賓主歷然
上堂僧問如何是佛師云許多時向什麼處
去來乃云達磨未來時冬寒夏熱達磨來後

夜暗晝明諸人若下得一轉平日語突聽聞
賊突醋聞酸若道不得迦葉門前底

上堂云若論此事如人博戲相似忽然贏得

身心歡喜家業昌盛霞陰兒孫不覺輸他自

然迷悶然雖有輸有贏此事還在白雲今日

有條攀條無條攀例不見陸亘大夫與南泉

看十一雙陸次大夫撮起骰子問南泉云恁麼不

恁麼便恁麼信彩去時如何南泉云鼻骨頭

十八大衆此去縣城不遠外人聞得便來捉

賭時又且如何乃云白雲自有道理記得龍

牙道學道先須有悟由還如曾關快龍舟雖

煞舊閣開田地一度贏來方始休 上堂云

目捷連雙足越坑大迦葉聆筆起舞昇陵迦

訶罵河神迦留陀夷埋身糞壤此事教中一

一有出處揔道是習氣秋如祖師門下達磨

九年面壁秘魔擎杖木山打鼓石鞞彎弓雪

峯輓毬國師水椀歸宗拽石德山入門便棒

臨濟入門便喝無業繞有人問便道莫妄想

且道是個什麼衆中還有久參先德天下橫

行具頂門上眼底衲僧麼出來為白雲證據

也要暢快平生有麼有麼若無三十年後此

話大行且道畢竟如何未夏火雲歸碧洞清

秋危露滴金盃 先師忌辰上堂云去年正

當恁麼時多前年三件事今年云當恁麼時

多去年七件事這十件事數不過者甚多何也去却七三存一事是去年說是今日急如箭黑似漆無言童子口吧吧無足仙人擗胃邏乃云交下座與能表白起喪云本是你送我今朝我送你生死是尋常推倒又扶起至墳所復謂衆云今朝正當三月八送殯之

勿十一

十七

人且聽說君看陌上桃花紅盡是離人眼中血 上堂云仲春漸暖牡丹生郊紫鷲攢身黃罵開眼共賞芳春三盃兩盞准有白雲一生擔板 偈頌 投爇
山前一片閑田地叉手叮嚀問祖翁幾度賣來還自買為憐松竹引清風 題東穎西湖

簡太守李秘監 脩竹喬松積翠陰綠楊紅藥徧園林到頭須讓西湖水淡靜還如君子心 悼浮渡圓鑑禪師 浮渡岩前青瘦栢叢林聳出標風格夜來寒影落西衢誰唱胡笳十八拍 聞角 幽幽寒角發孤城十里山頭漸杳冥一種是聲無限意有堪聽有不
堪聽 嘉隱堂 一松一竹一溪雲時有清風伴月輪窻外泉聲長似雨迥然居者不知春 賦 祖花次李提刑韻 此花迥與人間別結果開花當慶生要會祖師端的言未萌天地已先成 悼投子青禪師 寂住峯頭雲灑落曹溪水高張浮渡帆直入大江裏運

永樂北藏

古尊宿語錄

第一九七册

載既緣終昨夜狂風起丫角女子戴瓊花八
 十翁翁穿繡履 次韻訓斬倅李朝奉諦當
 之言不在多文殊不二問維摩趙州眼燦四天
 下賴有同叅凌行婆 寄高臺本禪師法兄
 春山望極幾千重獨凭危欄誰與同夜靜子
 規知我意一聲聲在翠微中 寄太平燈長
 老 白雲岩上月太平松下影深夜秋風生
 都成一片境 次韻訓甘露顯長老 本自
 居山不厭山水聲山色異人間知音若會儂
 家意任是危層亦共攀 送仁禪者 秋雲
 秋水兩依依塞鴈聲聲度翠微多向洞庭青
 草岸楚天空闊不知歸次韻訓高臺師兄每

覽嘉隱篇清風益可愛有時說向人時人都
 不會回首望衡岳岳山千里外獨步立斜陽
 颺颺聞秋籟徘徊兩澗齊瀉碧垂雙帶長沙
 波浪淙湍流轉霧霏 訓石秀才 昨夜西
 風激怒濤驚翻舊事沒絲毫凭欄笑罷思量
 看望斷長天月色高 送朱大卿 但得心
 閒到處閑莫拘城市與溪山是非名利渾如
 夢正眼觀時一瞬間 病起 病來又病皮
 黏骨抖擻起來無一物行不成步語声低鼻
 孔依前空突兀 寄李元中 寄盡千張紙
 徒煩心手勞人情如太華爭似道情高 山
 居 牀是柴棚蓆是茅枕頭葛担半中凹霜

天索冥人投宿睡到平明手脚交 東顏途
 中 一宿成家步孤雲萬里游吾門隨履靜
 世路幾時休舉首問明月憑心寄斗牛歸期
 何太晚猶尚往他州 擬雲送信禪者作丐
 春晴觸石歌高飛皖伯堊前度翠微本自無
 心為雨露何曾有意泄天機風雷倚勢聲光
 遠草木乘陰色澤肥莫謂功成空聚散岩房
 潛約筭時歸 寄諸郡丐者 坐一須走七
 古聖留蹤跡此土與西天個個明格尺點鐵
 化為金啣石變成璧大力那羅延是誰親中
 的 遷住白雲入院後示二三執事 登山
 須拄杖渡水要行船有客開顏笑無愁展脚

永樂北藏

古尊宿語錄

眠萬般存此道一味信前緣試比紅塵裏清
 虛直幾錢 寄舊 三首 木落高秋玉露垂窓
 前黃菊漸離披白雲片片迎新鴈不是知音
 說向誰 寄書未到他先望傳語不來我未
 知度日林泉無世慮歛眉偷看白猿兒 梅
 花欲謝不謝桃花欲開不開思君共聽猿啼
 處 片白雲天外來 送化主 三首 岩縫迸
 開雲片片半籠幽石半後龍為霖普潤焦枯
 後却入煙蘿第一重 莫論人情與道情大
 都物理自分明皖公山下長流水今古滔滔
 徹底清 庭無立雪人路有塵埃客傾盡此
 持心松間贈行色 示學徒 四首 學道之人

第一九七册

得者稀是非長短幾時虧若憑言語論高下
恰似從前未悟時 空門有路人皆到到者
方知滋味長心地不生閑草木自然身故白
毫光 一片秋光對草堂籬邊金菊預聞香
蟬聲未息涼風起勝似征人歸故鄉 終日
談玄第一宗枯河道裏覓魚踪直饒祖佛無
階級須向奇人捧下通 送已德二禪者之
長安綠幹 二人同心其義斷金古今有此
吾道堪任山之厚重海之淵深白雲留不住
袒佛莫能禁極目少林峭峙傍觀華岳峯岑
分得維摩按指法且彈一曲訪知音 山中
四威儀 山中行携藍採蕨稱幽情牧童唱

罷胡家曲子規枝上一聲聲 山中住萬疊
千重誰伴侶縱使知音特地來雲深必定無
尋處 山中坐月夜霜天寒鷹過炉灰撥盡
未成眠報曉靈禽清耳朵 上中卧一片清
光高鑑我但得身心到處閑多年布衲從教
破 次韻訓吳都曹 山家旨趣最幽微路
轉峯回到者稀一鉢黃菁消永日滿頭白髮
已玄機逸巖瀑布窓前落哭月狂猿嶺上飛
自得平生觀不足那知浮世是蕉非 自述
真贊二首以相取相都成幻妄以真求真轉
見不親見成公案無事不辦百年三萬六千
日翻覆元來是這漢 我真我贊唯已自知

面面相覷有甚了期

古尊宿語錄卷第二十三

末

勿十一

永樂北藏

古尊宿語錄

第一九七冊

永樂北藏

古尊宿語錄

第一九七册

古尊宿語卷第二十四

勿十二

黃梅東山五祖演和尚語下

師在海會受請拈香示眾云八十翁翁纒繡
毬遂付維那宣疏畢陸座云三處住持只這
滋味這回冤家難為回避白蓮峯鼻孔海會

勿十二

山出氣當晚小叅云一則三三則七牧

羊隄畔女貞荅拒馬河邊望夫石石擊尺赤

土盡鐵箕從教眼搭癢復云淮甸三十載

今作老黃梅好是明明說從教鴨聽雷

入院祖師塔燒香以手指云當時與麼全身

去今日重來記得無復云以何為驗以此為

驗逐禮拜開堂黃梅宰公度疏師拈起

示眾云見麼差珍異寶盡在其中若也不見

請表白對眾拈出宣疏畢乃云便與麼散去

早是多事了也若也不信遂指法座云少間

向上頭撒沙撒土去也便升座拈香祝

聖罷復拈香云此一炷香在舒郡二十七年

三處住院諸人憇知遂欲燒次復云不得也

須說破某十五年行脚初叅迂和尚得其毛

次於四海叅見尊宿得其皮又到浮山圍鑿

老處得其骨後在白雲端和尚處得其髓方

敢承受與人為師今日焚向爐中從教薰天

炙地有耳聾者辨取四祖和尚白槌云法筵

龍象衆當觀第一義 師云當觀第一義
 空劍霜鋒利掣電隔三千家勝無倫警眼辯
 手能親出來相比試 僧問旧店新開列宝
 珍一回拈著一回新師今已據盧能位端的
 如何拂鏡座師云朝到西天暮歸唐土進云
 已得軒轅辨端的靈光從此照恒沙師云家
 初一句作麼生進云不辭山路遠踏雪也須
 過師云你猶醉在問靈山一會迦葉親聞未
 審今日一會什麼人得聞師云與灵山無異
 進云古之今之盡是知音師云知音一句又
 作麼生進云點頭不吐舌師云無人孟浪過
 你進云忽遇拏雪燠霧來時又作麼生師云

老僧打退鼓 師乃云適來四祖師林白槌
 云當觀第一義只如第一義且作麼生觀要
 會麼三世諸佛若無第一義將什麼化度有
 情西天四七唐土二三乃至天下老和尚若
 無第一義將什麼建立宗風只如當今聖帝
 若無第一義將什麼統御天下知郡學士知
 縣宣德合座尊官若無第一義將什麼為民
 父母乃至在會施主若無第一義將什麼崇
 敬三寶然雖如是也須各自悟始得
 上堂舉古入道夫為善知識須是驅耕夫之
 牛奪飢人之食驅耕夫之牛令他苗稼滋盛
 奪飢人之食令他永絕飢虛衆中聞舉者多

是如風過耳相侶既驅其牛為什麼却得苗
稼滋盛既奪其食目什麼永絕飢虛到者裡
須是有驅耕夫之牛奪飢人之食底脚手便
與拶一拶逼一逼趕教走到結角處便好向
伊道福不重受禍不單行 上堂云二月
春中漸暖哈歌頻打拍板烏雞走入鵝群鴨

兒凍得嘴匾水上或浮或沉何時解成瑠瓊
子細好好思量天地去此不遠復云頻婆娑
羅王 上堂今朝二月初五行者先來打
鼓長老肚裏忙然思量說佛說祖大地雪深
三尺禽獸喫泥喫土今年必定豐熟自然五
風十雨者裡有個好處且道有什麼好處遠

永樂北藏

古尊宿語錄

作雷聲云是什麼復云雷乃發聲 上堂

云夫為禪客如出塞將軍你將得雲門半片
餠餅來我便與半個須彌山若不如是烏敢
稱禪客 上堂云夫為出家之人須有出家
之見具擇法眼方為出家如何是擇法眼破
燈盞畢竟如何擔板擔板 結夏日上堂

初十二

三

云益夏漸熱伏惟首座大眾尊候萬福却侶
夾竹桃蒼錦上鋪蒼福地蒼莫眼蒼每年事
例不用張查下座人事巡察喫茶 上堂
舉永嘉道亦無人亦無佛大千沙界海中漚
一切聖賢如電拂大眾這裡若不具金剛眼
睛便見彌縫福野如何即是劄閣路雖險夜

行人更多

上堂云立雪斷臂拍喻後人

人能弘道非道弘人這箇是什麼語江城子

上堂云時人住處我不住時人行處我

不行畢竟作麼生牛角長三寸兔角長八尺

四溟東海流般若波羅密 上堂云門外

有大路不有開口臘月三十日胡亂外邊

走好大哥

上堂云無法可說是名說法

夜月巖凝霜天凜冽池裡烏龜凍得成龜更

說兩句舌頭成鐵 聖節上堂云十二月

初八日今上皇帝降誕之辰不得說別事乃

高聲云皇帝萬歲皇帝萬歲 上堂云無

邊身菩薩拈竹杖量世尊頂丈六了又丈六

量到梵天不見世尊頂相乃擲下竹杖合掌

說偈云虛空無有邊佛功德亦然若有能量

者窮劫不可盡大衆無邊身菩薩說偈且止

諸人還解自量也無若教老僧自量直是無

下手處不見古人道斗充佛座功德難量饑

子燒香紫雲發韃何故如是別是一家春

上堂云一年只餘此月天道未嘗降雪奉告

三界龍神各自迺相報說普天普地鋪銀且

要應時應節更望大衆慈悲為念普賢菩薩

畢竟作麼生摩訶薩 郭朝奉 拜正請上

堂朝奉於法座前燒香云此一瓣香爇向爐

中為光明雲遍滿法界供養我堂頭師兄禪

師伏願於此雲中方廣座上擘開面門放出
 先師形相與諸人描貌何以如此白雲岩畔
 舊相逢往日今朝事不同夜靜水寒魚不食
 一爐香散白蓮風 師遂云曩謨薩怛多
 鉢囉野恁麼恁麼幾度白雲溪上望黃梅花
 向雪中開不恁麼不恁麼嫩柳條金線且要
 應時來不見龐居士問馬大師不與萬法為
 侶者是什麼人馬大師云待汝一口吸盡西
 江水即向你道大衆一口吸盡西江水萬丈
 深潭窮到底掠約不是趙州橋明月清風安
 可比 上堂云春雨洒無涯乾坤已具知
 東君行心令梅柳一枝枝祖師門下客相見

在今時相見即不無說什麼事便下座
 上堂舉肅宗帝問志國師云和尚百年沒所
 須何物國師云與老僧造箇無縫塔帝云請
 師塔樣國師良久云會麼帝云不會國師云
 吾有付法弟子耽源却諳此事請詰問之師
 云前面是真珠瑪瑙後面是瑪瑙真珠東邊
 是觀音勢至西邊是普賢文殊中間有一首
 幡被風吹著道胡盧胡盧 上堂願視禪
 床左右遂拈拄杖在手中云只長一尺下座
 上堂云世有一物亦不屬凡亦不屬聖亦
 不屬邪亦不屬正萬事臨時自然蹉令抵死
 要知換却性命 上堂云擔水河頭賣諸

人盡笑怪滯貨没人猜一侶欠他債昨夜三更半石人闌禮拜這箇說話莫道你理會不得我也理會不得 上堂云古人道無邊刹境自他不隔於毫端十世古今始終不離於當念師云是即是只是太舊雪峯示衆道盡大地撮來如粟米粒大拋何面前漆桶不五會打鼓普請看大衆雪峯對面熟瞞諸人不五少也然雖如是還有與雪峯同步底麼試出未與五祖相見有麼若無逐拈拄杖卓一下舉起云五祖今日與雪峯同乘槎泛四大海穿八大龍王觸醜經過百千箇須彌山却回來法座上坐又送雪峯峰雪峰山只是不曾

動着一步諸人還信得及麼若信不及逐舉拄杖云豈不見先師翁道放在卧床頭急要打老鼠 上堂云凡心聖意露堂堂念念無差即道場向去莫言今日事觀音自在放毫光良久云莫瞞老僧好 上堂云三月安居今已滿九旬禁足事如何西天蠟驗聞聲以此土鴉珠說者多季運二千年遠意混流水乳積成河林泉開士齊弘護莫使原類著衆魔 上堂云時候季秋霜冷皎潔銀河耿耿松窓一炷爐烟頗稱吾家好景 上堂舉僧問投子大藏教中還有奇特事也無投子云演出大藏教師云投子被人一問

直得料掉沒交涉若是五祖即不然茲有人
 問大藏教中還有奇特事也無老僧即向伊
 道作禮而去信受奉行然雖如是與他投子
 白雲萬里畢竟如何要你諸方眼作廢
 上堂云悟了同未悟歸家尋舊路一字是一
 字一句是一句自小不脫空兩歲學移步湛
 水生蓮花一年生一度 上堂云頻頻喚
 汝不歸家貪向門前弄土沙每到年年三月
 裡滿城開盡牡丹花 上堂云青蘿夤緣
 直上寒松之頂白雲淡泞出沒太虛之中自
 十九至二十三日萬餘人來此赴會開闢地
 如今只見老漢獨自吧吧地若道多人是

開一人是靜直是白雲萬里畢竟如何一人
 開浩浩多人靜悄悄不如歸堂喫茶好
 上堂云心隨萬境轉屢寔能結雲門道觀
 世音菩薩將錢買胡餅放下手云却是箇饅
 頭如此則隨他脚跟轉也五祖有箇隨流認
 得性快樂永無憂慮目録舉似大眾忽然於
 此省去也 不定良久喚侍者侍者應諾師云
 戒害癩 上堂云仲冬嚴寒普徧世間富
 貴即易貧窮即難唯我林泉之人無易無難
 為什麼如此良久云無人處向你說
 上堂舉普化道明頭來明頭打暗頭來暗頭
 打虛空裡來虛空裡打四方八面來連枷打

臨濟聞得遣僧問云恁麼來時如何化
 云明日大悲院裡有齋若是五祖即不然有
 人問恁不恁麼來時如何和聲便打是他頂
 道五祖盲枷瞎棒我只要你恁麼道何故一
 任舉似諸方 上堂云應接無方唯是此
 一毛端上廓心田生杖趁募魔家族點點舒
 光曜祖天 上堂云風和日暖高樹鶯啼
 桃李妍而爛錦成行芳草濃而鋪茵作陣
 落一片兩片浮碎玉以霧霏柳舞三四五
 曳長絲而冉冉當是時也古人道絲鳥語如
 黃柳垂金線長烟收山谷靜風送杏花香永
 日滿然坐澄心萬慮忘欲言言不及林下好

商量良久云你且商量看 上堂舉僧問
 雪峯云古澗寒泉時如何峯云瞪目不見底
 僧云飲者如何峯云不從口入趙州聞得云
 不可淺鼻孔裡入也僧却問趙州古澗寒泉
 時如何州云苦僧云飲者如何州云死師云
 若有人問五祖古澗寒泉時如何即向伊道
 勿十二
 水飲者如何但云當下止渴或有個人出來
 問道與曹溪水是一是二我即向伊道分枝
 列派縱橫自在低處澆田高處潑菜
 上堂云趙州道箇栢樹子廬陵隨後雪白來
 中間有箇白蓮峯一口吸盡西江水喜笑囉
 選哩囉選哩我自我你自你深村有箇白額

虫吒腮鬣領九條尾良久云噫好怕人

小象舉藥山初叅石頭問云三乘十二分教某甲粗知來處訪聞南方直指人心見性成佛寔未明了石頭云恁麼也不得不恁麼也不得恁麼不恁麼惣不得藥山問措一日坐次石頭遂問云汝在此作什麼山云一物也不為頭云恁麼則問坐也山云開坐則為也頭云子遠來道不為又不為箇什麼山云千聖亦不識石頭遂有頌云送來共住不知名任運相將只麼行自古上賢猶不識造次九流豈易明師云大衆須是過得祖師關會鳥道玄路始會此般說話石頭恁麼垂示便類

趙州庭前栢樹子洞山麻三斤雲門趙佛哉祖之談五祖亦有頌任運不知名輕輕著眼聽水上青青綠元來是浮萍 四面專使文詳持法嗣書到師於法座前受書拈起問專使云這箇是四面底閣梨底在什麼處使云驗在目前師云幾不問過遂陞座云好事難逢何不出興大家唱和時有僧出問云石頭馳書猶是鈍漢玄沙白紙謔說同風四面貴來有何祥瑞師云春氣發來無硬地進云與麼則衝開千頃浪透過祖師關師云真個也無進云可謂是黃梅後無人識獨許東山一老師師云更有人在進云和尚也不要

疑著師云也落在閻梨後進云只如四面無門老和尚向甚麼得這消息來師云你向甚麼處去來僧指東畔云這箇直歲得恁麼黑又指西畔云這箇知客得恁麼肥師云不得指東劃西僧以坐具一劃云者箇不可喚作東西也師云看你亂走進云和尚低聲恐人聞得師云你遠來也郎當不少僧以手摑口云是我招得勿十二師乃云大眾四面長老有書對大眾前須當說過四面大漆桶詳師分半桶白蓮峯下開薰却我真孔且道為什麼如此無你出氣處八太平專使至上堂云萬里無雲點太清祖天日月自分明太平不

許將軍見却許將軍建太平上堂云舉則公案事事成辦向外馳求癡漢癡漢上堂云有物先天地無形本寂寂能為萬象主不逐四時彫古人恁麼道可謂錦上鋪花不妨奇特諸人且作麼生會白蓮今日曲順後撥不惜眉毛亦為領出中有無中無細中細中龕中龕上堂云今朝三月初五老漢亦無所補無字指路堂堂枉見衲僧受苦畢竟如何如人學射上堂云媚景中春暖色暄盡塵沙界一般天林齋翁鬻爭蒼翠花柳芬芳鬪色鮮蝶弄牡丹飛勢緊蜂游芍藥謾遲迫人生幾度逢春景何不於中種福

田 上堂舉興化云我逢人則不出出則
便為人三聖道我逢人則出出則不為人師
云此二古德一人文章浩渺一人武藝全施
若道興化是文亦不得若道三聖是武亦不
得還於此辨得出麼若辨得出許你通身是
命若辨不出你自相度 上堂云如何是

勿十二

九

禪關浮樹在海南邊近則不離方寸遠則十
萬八千畢竟如何禪禪 上堂云賤賣擔
板漢貼秤麻三斤百千年滯貨何處著渾身
上堂云今朝八月二十佛法兩字難入深
村大小老翁達磨祖師不及 上堂云未
透祖師關莫問大雪山一步一萬里千難與

萬難

上堂舉僧問趙州狗子還有佛性
無趙州云無僧云一切衆生皆有佛性狗子
為什麼却無州云為伊有業識在師云大衆
你諸人尋常作麼生會老僧尋常只舉無字
便休你若透得這一箇字天下人不奈你何
你諸人作麼生透還有透得徹麼有則出
來道者我也不要你道有也不要你道無也
不要你道不有不無你作麼生道珍重
呂寶文 嘉問入山上堂僧問世尊拈花迦葉
微笑台旃光臨於法席領師方便為宣揚
師云六耳不同謀進云不於花上覓煇赫自
圓明師云好進云可謂獨露無私對揚有準

師云是進云覲面知機又作麼生師云不得與別人說進云和尚只知其一旦不知其二師云你作麼生進云祖師知道來也歸作藍梅正是時師云被你道着進云已得真人好消息人間天上更無疑 師乃云記得昔日僧問六祖黃梅衣鉢什麼人得祖云會佛法在入得僧云和尚還得也無祖云不得僧云為什麼和尚却不得祖云我不會佛法又舉僧問雪峯和尚見德山後得個什麼道理便休去峯云我當時空手去空手回師云大眾此二尊宿一人是祖師一人是禪師及乎問着便道我不會佛法又道我空手去空

手回你諸人還會伊恁麼說話也無若要會他恁麼說話須是透祖師開始得若不透祖師閑輒不得正眼觀者 唐提舉報到院上堂舉三聖問雪峯透網金鱗以何為食峯云待汝出網來即向汝道聖云一千五百人善知識話頭也不識峯云老僧住持事煩衆中或謂雪峯與三聖宗派不同故言不相契或謂三聖作家雪峯不能達其意如斯話會有何交涉忽有人問五祖透網金鱗以何為食老僧向伊道好個問頭復云大眾且道與雪峯是同是別不能為你說得聽取一頌
洞裏無雲別有天挑蒼似錦柳如烟仙家不

會論春夏石爛松枯是一年 資福專使持
 法嗣書至師於法堂上受書拈起問專使云
 本無名字什麼處得這箇來專使擬議師云
 曰誰致得遂陞座舉石頭問長髭什麼處來
 髭云嶺南來石頭云大庾嶺頭一鋪功德就
 也未髭云就來久矣只欠點眼在石頭云莫
 要點眼麼髭云便請石頭垂下一足髭便禮
 拜石頭云你見個什麼道理便禮拜髭云如
 紅爐上一點雪師云紅爐一點雪知音皆下
 瞥龜毛扇子扇泥牛一點血 偈頌 師室
 中常舉趙州狗子還有佛性也無州云無曰
 僧請問師為頌之 趙州露刃劍寒霜光皎

磔更擬問如何不身作兩段 和李提刑常
 和荅頌二首 造化之功品物情正當生處
 不言生尋枝摘葉空勞力一朵開時一佛成
 此土西天祖佛名雙峰頂上鐵荅生世間
 無限丹青手只恐吟成畫不成 自貽 白
 雲堆裡古家風萬里霜天月色同林下水澗
 人罕到方知吾道樂無窮 遣興 十一 冉冉白
 雲間拂拂微風起至哉造化功孰謂究終始
 究之既不能徒然自憂喜 寄舊知二首
 隔閩多時未是疎結交豈在頻相見送教山
 下路崎嶇萬里蟾光都一片 朔風掃盡千
 巖雪枝上紅梅包欲裂縹緲寒雲天外來吾

永樂北藏

古尊宿語錄

第一九七册

家此境憑誰說 次韵酬鼓運使留題七峯閣
 山腰營小閣聊可寄生平三四危峯頂
 啼猿分外清 次韵寄鼓運使吏部 縱使
 千回眼見爭如手親一徧透得此個重関乃
 走平生方便 聚遠亭 眼觀不足耳聽不
 盡水碧山青誰遠誰近 蒼馮希道 老病
 踈慵不記心應無狂夢到瑤林水聲山色長
 為伴利害泛教似海深 送白首座回鄉
 歸心休問路多端四海為家未足觀隻履清
 名思達磨諸侯九合咲齊桓 示禪者二首
 學道先須得指歸聞聲見色不思議長天夜
 夜家家月影落澄潭幾個知 祖道何殊世

路平時人行處不須驚擬心未到先移出直
 似玄沙問鏡清 讚白雲先師真 一月在
 天影含衆水師真之真非月非水青黃碧綠
 亂茶糊者未半嗔半偷喜 送文禪人寧親
 今生父母當親觀從本爺娘子細看動轉施
 為全得力一回舉着骨毛寒 送化七四首
 何事秋風入夜涼掐荅時復送餘香要知此
 箇真消息末後殷勤味家長 皖伯臺前送
 別時桃荅似錦柳如眉明年此日凭闌望依
 舊青青一两枝 透出龍門未是難幾人得
 過趙州關白雲片片青山外為雨為霖去復
 還 出自白雲山携筇步烟渚心中幾萬端

雄我能相許 重會郭功甫 淨空居士久
 相知三十年來只片時 今日白蓮華下見 羅
 摩元是舊容儀 送蜀僧 相聚淮南四十
 年而今歸去路三千有人若問西來意水在
 江湖月在天 寄信上人 一餅一鉢且隨
 緣此事時時強為宣知已不來春折光孤峰
 皎月對寒泉 送呂公輔 送客別金沙行
 行去路賒淡烟籠碧漢薄霧綴紅霞百舌吟
 新樹千株長嫩芽翻思不袂處舉首見桃峯
 送黃景純 徧遊五祖山語笑令人愛極目
 惜量寬禮貌多自在思鄉便欲回不慮他人
 怪再見是明年往來無罣碍 訪信和尚

永樂北藏

古尊宿語錄

維摩之後室長開立雪求心悟善財木老峯
 取弓白雲亂卷波澄霜夜弓皎月徘徊不二
 門高遠相訪又騎羸馬入塵埃 贊四祖演
 和尚 挂峯包裡老黃梅不向陰陽地上開
 蜂蝶豈知香遠拆難尋踪跡去還來 恒四
 祖演和尚 此病彼園窳吾門何得失生死
 若空老去來如鳥跡東涌忽西沒影挂寒堂
 壁三十三天撲帝鍾普念般若波羅密
 自贊 眼暗耳聾行步龍鍾人前強咲叉手
 當膏 與瓌禪化麦 水中撈得麦恐悚瓌
 禪客往復偃溪遙聞聲隔不隔 悼陳吉先
 子既卜遷居禪家第一謀有帆不挂樹無住

第一九七册

粗然途世態那堪戀恩情盡屬愚祖師門下
 客到此辨錙銖 偶作 多時欲駕天邊雁
 毛色觀來苦未全 踈叫不妨知 即令養成飛
 去有何難 鴈鴈增當初 占古蹤 禪禪入理
 深淵無形無狀 千難萬難後 生晚長心 堅石
 穿 吊崇勝大師 苦霧罩庭軒 悲雲鎖幕
 天師歸真淨 界影挂月 孤圓去不去 若若之
 夢來不來 若誰後先 誰後先 闊浮樹在海南
 邊

卷

十一

古尊宿語錄卷第二十四

第十一

古尊宿語錄卷第二十五

僧錄司有蘭教兼靈谷禪寺住持淨戒重校

南嶽下九世

葉縣省禪師

總

總

首山念禪師法嗣

師之參學小師智親編錄上堂偈頌等語

多一

葉縣歸省禪師冀州賈氏子弱冠依易州保壽院出家受具初參首山山舉竹篋問師云喚你竹篋即觸不喚你竹篋即肯合喚你甚麼即得師於言下大悟遂掣竹篋拗你兩截擲于階下却云是甚麼首山云瞎師便作禮師住汝州葉縣廣教開堂日纔昇法座大眾

雲集師捨香示衆云此一辨香不從他方得即汝州水土然願 皇帝萬歲重臣千秋文武百僚常居祿位但其道薄人微觸事荒瑣謝郎中巡檢司徒諸官負等光揚佛日野干說法釋迦和南梵王前引帝釋後隨重法不重人謝西州和尚遠發緘封曲糴卑能悚惕無盡兩院主首街市檀越堂內僧衆請某開堂說箇什麼即得若說三乘五性來又有經律論座主宜揚若說仁義禮智信又有夫子夫子是儒童善薩入鄆化俗若是闡揚宗旨又有諸方宿德和尚穿鑿了也更教甚甚處運鉞斧即得問昔日世尊說法梵王親躬此

日朝騎臨筵將何指教師云塞鴈過時聲咽
咽喜鵲喃喃悅殺人進云與麼即法雨洪傾
人天有賴也師云雲綻家家月春來處處花
問不落諸緣請便道師云落問如何是無縫
塔師云頭不梳面不洗問如何是出家人師
云緊裹頭進云與麼即在家出家師云鹿麻
鞋問契却施主食將何報答他師云老僧罪
過進云與麼即萬兩黃金亦消得師云家醜
不外揚問寶劍未出匣時如何師云不可錯
恠老僧進云出匣後如何師云換手提齊問
如何是禪師云文殊殿問如何是道師云法堂
是老僧蓋進云禪道相去多少師云汝問我

答進云向上還更有事也無師云有如何是
向上事師云七棒對十三學家禮拜師云教
休不肯休直待兩淋頭問臨機一句請師速
道師云速進云與麼即沙場無朕跡也師云
滴血驗身容師乃云達磨西來為傳東
土直指人心見性成佛獨標萬像物外宣揚
悟之者纖毫不隔迷之者背覺合塵中下之
機也須子細莫虛過時光各有各之况以西
來的意教外別傳道契一言縱橫自在打破
觸髅揭却腦蓋豈不是慶快僧問學人來日
擬入帝京帝王不顧時如何師尋時頌答云
一年春盡一年春觸目無私遍乾坤時人盡

唱無私曲罕遇知音對者稀進云與麼即處
處通身去也師云底事作麼生進云十方世
界盡是學人行履處師云真師子兒進云謝
師證明師云一翳在眼天花亂墜問如何是
佛法大意師云麥賤米貴問如何是當機一
句師云有你驢漢問進云與麼即打鼓弄琴
琶也師云擦鞞放屁下問如何是隨色摩尼
珠師云鬧市散本進云未審意旨如何師云
拍手唱歌行問如何是古佛心師云何不高
聲問進云莫者便是也無師云是即錯進云
如何得不錯師云千錯萬錯問如何是非非
法義師云十字路頭坐進云不會意旨如何

永樂北藏

古尊宿語錄

師云一任衆人看問如何是出家人師云草
深不露頂進云露頂後如何師云擄殺塚頭
蒿問無邊身菩薩來還起也無師云水牯牛
進云與麼即頭上安頭師云一頓五升料問
蓮花未出水時如何師云覓生頭角進云出
水後如何師云一場懣懣問承古有言未得
入頭多一直湏入頭既得入頭不得孤負老僧意
旨如何師云獨脚蝦蟆能上樹進云未審意
旨如何師云野鶻帶席帽問如何是道師云
萬緣俱頓息夜半繡鴛鴦問如何是祖師西
來意師以手劃一劃進云不會此意如何師
云合掌靈山問世尊問如何是和尚心師云

第一九七册

長三尺進云如何通信師云方圓二寸餘問
學人未到來時如何師云疑殺老僧進云到
來後如何師兩手揸背問慈雲起處雷聲大
廣教門下霹靂聲時如何師云今冬頻雨雪
來年麥大熟進云恁麼即大眾有依倚也師
云焰頭誇富貴今古化灰塵問起坐相隨爲
什麼不識師以手劃一劃進云恁麼即直截
根源也師云冥冥一去杳杳何知問忽遇大
闡提人來還相爲也無師云西天出白氎進
云未審此意如何師云東土波斯鼻孔大問
十方薄伽梵一路涅槃門如何是一路涅槃
門師云洞山見雲門進云未審意旨如何師

云山僧是莫州人問如何是真道人師云路
崖崖進云不會意旨如何師云莫遣外人聞
問心地法門與佛相去多少師云聞黎致問
老僧有荅進云未審意旨如何師云五九盡
日春問如何是道師云家家門前長安路問
如何是西來意師云齋後一椀茶問已事未
明以何爲驗師云關市裏打靜棍進云意旨
如何師云日午點金燈問如何是無縫塔師
云破皮厚三寸進云未審意旨如何師云金
榜題名天下傳問如何是清淨法身師云蝗
虫步蚰蟻人恐沒食苗稼盡傷心進云爲什
麼學人不識師云無心伏物賀太平問清淨

伽藍爲什麼打魚鼓喫飯師云打草蛇驚問
路絕煙塵時如何師云無手行者能打餅進
云怎麼即傀儡人抽牽也師云無目之人不
假燈師上堂云聞鐘聲即尋聲而來如無鐘
聲向甚處去即得若是上來下去是何面目
不來不去又濕地上坐了也作麼生是衲僧
出氣底鼻孔道得底出來道看直饒道得也
是勿交涉若是道不得也即墮坑落壑便下
座問然父然母佛前懺悔然佛然祖向甚麼
處懺悔師云長連城進云不會意旨如何師
云天靈蓋問承古有言良由取捨捨即是不
捨即是師云大洋海底鑽龜卜進云恁麼即

取捨俱忘也師云遇明眼人舉似問如何是
佛法大意師云杏鞵來年麥進云不會意旨
如何師云棗收當年禾學人禮拜師云彭祖
壽年八百歲莫忘却稀禾植麥問如何是衲
僧活計師云城東太山廟進云不會意旨如
何師云判官手裏筆問如何是露地白牛師
云破盆子進云未審意旨如何師云堪作麼
問不落言詮請師便道師云西方極樂世界
進云恁麼即滿口道不得也師云東土樹子
大問如何是和尚受用處師云長三尺問如
何是毘盧體師云寒時寒熱時熱然進云
不會意旨如何師云冬天著火向夏月取涼

行學人心病請師一服妙藥師云破皮厚三寸進云未審意旨如何師云杖頭挑取師上堂云廣教有驗人關截人機活人句還有人道得麼若是道不得辜負平生問和尚朝也說暮也說還接得幾人師云泊合疑殺老僧問靈山如話月曹溪如指月如何是真多一五

月師云昨日擊金鐘告報天下聞進云恁麼即山河大地也師云大眾齊合掌香煙滿乾坤問無目人來請師指路師云坐食都不問莫作問禪實進云不會此理如何師云紫羅袋裏盛官誥金榜題名天下傳問大施門開請師垂示師云腦後抽簪進云便恁麼會時

如何師云孤峯無宿客進云嗟嗟師便打問如何是世尊不說說師云涅槃山側畔香煙滿乾坤進云如何是迦葉不聞聞師云觀音勢至引到西方問如何是學人親切處師云昨日十九今日二十師上堂云諸禪德若是說禪說道說佛說法來又匝匝地遍天遍地也更教廣教說箇什麼即得若約至理論似此之輩且去涅槃堂內粥飯裏將養始得謂何如此當言不避截舌若是說禪禪是病若是說道道亦非真說佛被佛謾說法被法障也錯恠廣教雖是善因而招惡果何不離此之外試與廣教相見看方有從學分始

得不被諸境惑亦不落於惡道還委悉得麼
直饒委得入地獄如箭射無人替代渠莫道
不道玃重問遍歷寰中未曾逢一人時如何
師云梳進云恁麼則碧霄雲外無依倚也師
云未曾解開謝僧云錯師云尋時打二十棒
趁出院問如何是密密處用心師云鬧市裏
輓毬進云未審意旨如何師云一任衆人看
問如何是涅槃門師云三更無忌諱進云未
審此意如何師云却忌五更時問西州和尚
迂化向什麼處去師云寶塔元無縫靈骨鎖
天涯問如何是涅槃路師云玄沙不出嶺寶
壽不渡河問如何是正令一句師云古墓裏

點燈猶作恠樹上叫喚闍黎意如何問六國
來朝時如何師云南有雪峯北有趙州進云
恁麼即萬里絕煙塵也師云目前無一物不
換太陽春問遠遠相投請師一接師拈起火
示云會麼云不會師云滿爐添炭猶嫌冷路
上行人只守寒問維摩默然文殊讚善此意
如何師云莫埋沒維摩進云恁麼即清淨道
場師云莫錯認定盤星問春來萬物秀石頭
爲什麼不生芽師云爲報遐方叅禪子只爲
鹿心致令廣教打二十進云又太不慈悲生
師云禍福無門唯人自召 師上堂云說
底法即便是也十二時中行住坐卧喫粥喫

飯合掌頂禮。麈言細語。闢打相爭。揮拳掉臂。是也不是。若道不是。即法有二。見若道是。爲什麼不休去。不歇去。若約至理論。須是待廣教。與你打破。觸髓揭却。腦蓋廓然。山河無礙。豈不慶快。還委悉得麼。直饒委悉得入地獄。如箭射無人。替代渠莫言不道。玆重問彼自無瘡勿傷之也。道合隨機。請師應用。師云。今年頻雨水。何人不傷心。進云。恁麼即雲散青天。出山高衆岫。歸師云。日出天然異。森羅觸目真。問如何是第一句。師云。失如何。是第二句。師云。毘肉來。蠅如何。是第三句。師云。今日好晴云。三句不分時。如何。師云。來日到崖州。

問寶龜才出匣時如何。師云。擗口着云。出匣後如何。師云。拈却牙齒問如何。是論頓不留朕跡。師云。日午打三更。石人側耳聽云。如何是語。漸返常而合道。師云。問處分明。覲面相呈。問三災竟起如何。救之師云。廣教不問你來日。喫鈴想云。不會師意如何。師云。涅槃山多一側念。弥陀問如何。是百骸俱潰散。一物鎮長靈。師云。晴乾開水道。無事設曹司。云。未審此理如何。師云。雨下街頭濕。晴乾便無泥。問禁足九旬。須藉無虫之地。甚處是無虫之地。師云。趁發人民亂。縱橫五月麥。發盡息心云。不知甚麼處立身。師云。夏月多毒熱。行人盡休。

歇問雪山童子捨身爲求諸行此行如何師云掉臂街頭走仰面看青天云恁麼即迷人尋著向城路也師云此人入地獄萬劫出應難問如何是賓中賓師云慙惶沒心情如何是賓中主師云相手觀前程如何是主中賓師云起坐甚分明如何是主中主師云大祭不留身問古人一言便悟和尚種種說學人爲什麼不悟師云草鞋無底云畢竟如何師云皮襪無根師上堂良久云惣被須彌山塞却你諸人眼也還覺麼莫不識痛痒若是去却須彌山方有叅學分作麼生是去却須彌山底句若是道得底試對衆道看若是

道不得也且莫亂磕便下座問師子吼時全意氣文殊仗劍意如何師云飛砂走石人驚恠決定彎弓射尉遲問如何是佛師云白馬馳經云如何是道師云善信扼喉問本來無一物以何法示於人師云無法示於人問不施寸刃便登九五時如何師云不封不樹云未審此意如何師云今古不同且應時問承古有言藏身不吞炭意旨如何師云莫遣外人聞云山雉枉遭傷此意如何師云天網恢恢疎而不漏問夏終此日師意如何師云今年夏末去年秋東京西洛任意游問大用現前不存軌則時如何師云虛空無筋骨金槌

打不入進云恁麼即百雜碎也師云弥陀佛
 前親聞玉偈問承教中有言三人同坐解脫
 床如何是解脫床師云有言須得句進云未
 審此意如何師云不用更遲疑問萬法歸一
 一歸何處師云北印山下進云未審意旨如
 何師云千年中一遇問世尊為一大事因緣

故出現於世如何是一大事因緣師云梁園
 城裏丹鳳門進云不會意旨如何師云襄州
 出大悲問行住坐卧如何用心得不落於惡
 道師云莫用心問如何是文殊活人底草師
 云須弥頂上雨霖霖進云如何是文殊然人
 底草師云錯問如何是功用智師云舉目千

山秀大海徹底清問疑情未息如何除遣師
 云確搗東南磨推西北問學人迷路請師直
 指師云三更不閉戶進云未審此意如何師
 云日午不點燈問一物不將來時如何師云
 放下著進云恁麼即纖毫不隔也師云且擗
 著 師上堂云諸苦所因貪欲為本若滅

貪欲無所依止若是無貪欲心在處滂滂隨
 所碌碌山河大地不礙眼光不礙眼光則且
 止你道雪山童子眉毛長多少衆中還有道
 得者麼試對衆道看為你證據若道不得辜
 負平生便下座問學人不曉三玄義請師方
 便第一玄師云截舌三分進云如何是第二

玄師云沒蹬驢子夜三更進云如何是第三
 玄師云晴乾開水道無事設曹司問羨玉貴
 金門何異荆山體師云錯進云恁麼即鳳飛
 在處祥雲聚龍行何慮少風雷師云驕驢不
 把鞭一世勿模樣問如何是第一要師云全
 令提綱行正令却須當道與人看進云如何
 是第二要師云坐食都不問莫作問禪賓進
 云如何是第三要師云包含大地人皆喜滿
 路謠謔賀太平問如何是西來意師云骨崙
 背象牙問色身病法身病師云江山無阻滯
 日月鎮長明問承聞一子出家九族生天某
 甲兩人出家合作甚道理師云截舌三分進

云未審意旨如何師云鬧市裏卧街問擬過
 青山時如何師云金州出好漆問文殊云前
 三三後三三未審意旨如何師云昨夜風寒
 緊今日又溫和問如何是百尺竿頭進步底
 句師云南瞻部洲北鬱單越問如何是西來
 意師云冬無積雪夏無餘糧問得船便渡時
 如何師云鈍根阿師進云恁麼即直截根源
 也師云下坡不走快便難逢問如何是奪人
 不奪境師云鼻肉來蠅進云如何是奪境不
 奪人師云沒蹬驢子夜三更進云如何是人
 境兩俱奪師云光漆無人識進云如何是人
 境俱不奪師云須弥頂上雨霖霖問如何是

一印印空師云今年夏末膺人冰進云如何
 是一印印水師云未逢秋草死爭忍下堦行
 進云如何是一印印泥師云兩重公案就萬
 里江山應不迴問寂寂無依時如何師云觀
 身實相進云與麼即謝師指示師云廓然無
 邊問龍女獻珠得成佛學人無珠可獻還得
 成佛也無師云好日多同贈土不贈金進云
 恁麼即謝師指示師云恐魔逐我後鎮塵在
 廳塔問古路重開時如何師云無目之人不
 假燈進云恁麼即七縱八橫沒去處也師云
 拍手唱歌行問師子吼時無意氣文殊仗劍
 意如何師云一送荒郊裏千峯永不迴進云

恁麼即大衆齊合掌一時念弥陀師云不日
 寒食節餘日且難來問香煙起處大衆側聆
 當爲何事師云專聽三下鼓喫粥五更時進
 云此理如何師云朝霞不出門暮霞行千里
 問國師禮倒鐵天王意旨如何師云驚動十
 方刹進云此理如何師云當言不避截舌
 師上堂云僧堂入佛殿裏過佛殿入僧堂裏
 行須弥山騎牛說話木人打鼓唱歌露柱每
 日搯箏撻推拍手笑他若遇大乘根器不在
 於言下若是中下之機也須子細玆重問未
 遇衆緣時如何師云虛空無瑕翳到者盡息
 心進云遇衆緣後如何師云任你大海變桑

廣教誰能管得你問抱璞投師請師雕琢
 師云把將來看進云恁麼即得遇和尚師云
 元來是箇糞毬問古人有不了之句請師為
 學人說師云破皮厚三寸問自己面目終日
 不見時如何師云拈却牙齒著進云見面後
 如何師云大眾盡玻眉問黑雲遮日時如何
 師云道士戴簪冠進云見日後如何師云金
 剛眼睛大如拳 問生死事大如何免得攀
 緣去師云喚什麼你生死進云與麼即是佛
 性也師云又是七顛八倒問看經即是不看
 即是師云青山無異路東西任意遊進云太
 不定生師云自是盲者過非日月外胡萬里

無雲時如何師云今年大旱問古鏡未磨時
 如何師云磨他作什麼進云磨後如何師云
 堪作什麼問古佛舍利為什麼點不上來師
 云家藏利器盜者息心問路逢達道人將
 語默對未審將什麼對師云將拄杖對問驪
 龍頷下有珠如何取得師云用這糞毬作什
 麼師有時上堂大眾集師良久以手捉曾
 三兩下喚侍者侍者應諾師云老僧今日頭
 痛瓊重 問聞鐘聲只有這個聲為復別有
 師云腦後三片問真性不隨緣如何得正悟
 師云大洋海底紅塵起須彌頂上浪滔天問
 如何是大作業底人師云城外斬屠兒進云

不會此意如何師云一介秤不住問大乘以
心能荷萬善時如何師云上天無路入地無
門進云不會此理如何師云沙門島裏望家
鄉因汝州寶應馳開堂法嗣書來上堂有僧
問花開五葉法遍乾坤時如何師云九月重
陽節菊花撲鼻香進云恁麼即慈雲普潤也
師云廓然無一物光明照十方問如何是第
一玄師云平常道在語必幽玄問如何是第
二玄師云有問有答日月長明如何是第三
玄師云何勞龜卜問行年問鐘聲纒罷大眾
臨筵向上宗乘請師舉唱師云僧排夏膺俗
列耆年進云恁麼即一兩普潤於大千也師

云日出天然異光明照十方問善法堂中伸
一問未審師還接也無師云蜀地錦觀陶綿
進云恁麼即承和尚慈悲也師云廓然無障
礙縱橫任意游 師上堂云諸禪德衲僧
是通變道人若遇鑊湯爐炭諸般厄難又如
何免得若是免得何名通變道人作麼生
是透脫諸般厄難底句還有透脫得者麼試
對衆道看為你證據若是透脫不得即是萬
人作塚無人替代渠便下座問師登師子座
祖意事若何師云行為佛事坐是道場進云
恁麼即橫身三界外也師云三界外底事又
你麼生僧便喝師云疑殺老僧這瞎驢問向

上一路千聖不傳如何是不傳底事師云爐
 中添火猶嫌冷路上行人只守寒進云未審
 此理如何師云冬無積雪夏無餘糧進云恁
 麼即謝師指示師云杖擲高聲唱捧頭頂見
 血學家禮拜師云教休不肯休直待雨霖頭
 問承古有言盡日忙忙那事無妨如何是那
 事師云大衆一時聞進云此理如何師云行
 人盡帶悲問百文昔時參馬祖豁然蕩盡更
 無疑學人今日專請益乞師方便為全提師
 云黃河有九曲陝府出鐵牛進云大盡三十
 日小盡二十九已蒙師指示向上機鋒又如
 何師云深領這一問擔枷過狀有辱先宗進

云恁麼即學人禮拜有分也師云兩重公案
 統萬里江山應不迴問衆手淘金誰是得者
 師云杖頭著眼看進云請師盡令師云灼然
 落深坑問疋馬單鎗離君獨戰時如何師云
 腦後抽簪進云恁麼即陣敗將軍馬空迴也
 師云受領銀錢莫久停

勘辯語并行錄



師勘一僧曰近離什麼處僧云東京師曰你
 因甚口上破僧云和尚也須子細師云七率
 對十三庫下喫茶去師問僧曰暮投林朝離
 何處僧云新戒不曾學禪師云生身入地獄
 下去後有僧攀到隨州智門明教大師大師

云何不道鑠鑰在和尚手裏因僧人事一箇
 書筒師問曰是箇什麼僧云和尚識取好師
 云元來是箇漆桶僧云請和尚收師云棺木
 裏努眼因聞童子念經声乃問僧曰聞念經
 声麼僧云今日勤破師云作家僧云草賊大
 敗師云老僧今日失利師勤五人新到云物
 是雲居供養主那僧云是師云是即一齊坐
 師與僧行路次因見死人僧便問車在這裏
 牛在什麼處師云你蹙躡行僧云牛又無行
 箇什麼師云你既無牛因甚踏破脚僧云恁
 麼即親從葉縣來也師云莫亂走師因與僧
 摘藤花次有僧問此日摘藤花他時還有果

報也無師云有即錯僧云恁麼即無果報也
 師云你却是个作家師後到襄州廣德廣德
 垂示云禪德直須是箇師子兒始得諸人恁
 具箇師子兒師便出問承和尚有言諸人恁
 具箇師子兒如何是和尚師子廣德便作師
 子吼師云這箇猶是野干鳴還我師子來隨
 後便喝撫一掌德云真師子兒師云是何語
 話德云好好問兄弟師云也不得放過師到
 洞山問洞山廓然無依法歸何處山云三翻
 羯磨師云恁麼即知音不和也山云知音不
 和底事作麼生師云龜毛拂子長三尺山云
 你因什麼眉鬚墮落師便禮拜問僧近離甚

麼處僧云襄州師找童子打一捆便喝出

偈頌

埽庵

廣教埽庵廓然無邊隨綠度日任
性癡憨森羅萬像九聖共傳有人到此雪山

西畔

送僧 攀送老兄入梁園杲日當軒不計

年為報我師林下偈無心照破萬重關

上監務祠部三首 祠部見處少人知棲心

歇地更無疑有人借問平生事日出東方月

落西 祠部見處處處通山河大地是家風

任他前面花錦樹無心仗物演真宗 祠部

見處廓然安森羅萬像在目前任他前面歡

與樂隨綠度日化人天 釋先師頌 背陰

山子日陽多音然南來北往意如何云小墮

有無邊有人借問西來意云從來無問斷東

海東頭有新羅云大地不奈何因不安

我今有病無見無聞清虛之理日月長明

我今有病罕遇知音直饒明得袞却平生

老年頌多一幻身七十三真性不隨綠廓然無

障礙清虛獨湛然 僧不問話乃頌五首

是你不問話山僧不答禪曰頭恰正午笑破

土地口 是你不問話山僧沒合殺曰午打

三更露柱夜說法 是你不問話山僧寶驚

訝冬後一百五廣南出象牙 是你不問話

永樂北藏

古尊宿語錄

第一九七册

山僧沒可把鼻孔在這裏拈來蓋頭打 是
 你不問話山僧沒可誇蕩蕩隨緣去湖南出
 苧麻 木魚詩 木魚歌木魚歌橫身三界
 即擺頭掉尾瞬金鱗九聖縱橫不柰何老胡
 間聳耳聽聲聲振動古佛心逍遙自在無私
 曲蕩蕩行時任騰騰指日月太山崩踴踴躍
 躍魔軍驚哮吼吟時雲隊隊大洋海底霹靂
 聲 共施主送羅漢供到南岳 夙生慶幸
 共結良緣羅漢遺踪日月青天松蘿鬱茂取
 性巖邊道人行處滿目江山露地白牛廓然
 無伴森羅萬象只在目前若人不會何處相
 見有人問着直下看箭 邀僧游山 游山

自促路嶮巖結束行裝莫駐疑來日遍看山
 有色擬心樓閣隔山迷 供養主經過覓頌
 諸方化主往來多青山綠水意如何演若達
 多應認影不知鷄子過新羅 讚 師真師
 真兒古稜層言直訣烈去住分明森羅萬象
 普濟群生往來禪子太岳石崩 我師之真
 何用丹青形如滿月徧布乾坤 送僧 攀
 送高僧入梁園春去秋來不計年蕩蕩行時
 無邪路江山無滯笑西天雪山童子言下喝
 擬議中間萬萬年 燈籠 一盞金燈號玲瓏
 瓏四方八面不施工照破乾坤黑暗處山河
 大地是家風 送供養主 化主別仙邑南

此無西東超然威音外縱橫處處通明暗皆
自尔寂然天地空萬緣俱頓息唵振乾坤
先師三周忌 師真似日三周已畢徧布乾
坤翹足七日大展壇風孤魁屏跡香茶供養
光滌誰識 與僧看榘子 榘子黑柳檔無
心是道場高僧食一頓果齋自馨香

送種供養主 前程化道莫辭辛隨緣兀兀
任浮沉雲去水來為伴侶時時唵振乾坤
雪下頌四首 此日好雪誰言冰潔粟米白
銀新羅日月 此日好雪萬民樂業大展長
空九聖路絕 此日好雪何勞言說萬物無
心江山日月 此日好雪廓然敗賊逼塞乾

坤誰人分別 夏末送僧 高僧相伴過九
旬誰人言說話宗乘離九離聖縱橫妙何人
擬議落千峯 僧云不知和尚門風 廣教
無門風縱橫處處通大地紅塵起失却主人
翁 雨下 此日好雨乾坤無路日月長明
西方淨土 送手巾與史諫議述十頌

廣教手巾無功無能觸目受用青山白雲廣
教手巾亘古亘今寂寥虛廓打破乾坤廣教
手巾不協衆情有人借問太岳石崩廣教手
巾何勞心神明暗自尔青山白雲廣教手巾
瞬目相呈露地白牛非凡非聖廣教手巾誰
見誰聞直下便會袞却平生廣教手巾日月

長明縱橫自在新羅國人廣教手中非功織
 成隨緣度日任性浮沉廣教手中逼塞乾坤
 賢愚意解笑殺胡僧廣教手中不用持論言
 前薦得翳却眼睛和峇西禪深和尚請齋
 二首 莫推延莫推延後來此事只如然膈
 雪雰雰兩度降不由人主不由天 不推延

不推延多一森羅萬象在目前臘雪雰雰天地黑
 露地白牛遍大千 游草菴 忽覩菴園任
 性瘦慙有人到此如隔闕山 茶筵送化主
 師後逐句識 有鹽無醋云如賊入空屋
 有菜無油云無和可隔隨緣兀兀云任性洋
 泥百味弥羞云胡類有洋 僧言話次乃有

頌 一到仙州四十秋隨緣兀兀到此休幸
 遇高僧相伴後縱橫不意到峰頭 僧寫真
 呈師師遠成頌自識之 誰人寫真動用乾
 坤妙筆丹青口吐蘇華明暗自尔乾濕四方
 何勞心神任性浮沉吾真非假觸頭有洋圖
 畫非真疑心印差容貌陋質天不能蓋遍布

乾坤應物現形 年邁有頌 廣教六十八
 凡聖俱歇滅有人相借問九月重陽節 廣
 教六十八誰人相體察直下便會得腦後三
 斤鏡 送供養主 一年春盡一年春相煩
 化道任浮沉森羅萬象無私曲一聲纜動斬
 乾坤 扇子 廣教一柄扇本來無背面有

時在手中要且無人見 拄杖 山僧一條
杖縱橫無比量有時在手中應用遍十方
筇竹杖 筇竹九節縱橫無邪大展長空九
聖路絕 兩堂上座下喝頌 兩堂上座齊
下喝瞽目之人無分別凡言實主句下分何
勞龜卜問前程 示徒 廣教一言凡聖共
傳直下便會萬里江山 僧請益 兀兀隨
緣任浮沉不拘春夏及秋冬闍黎請益平生
事問取寒山始知音 衲僧衲僧不用持論
言前薦得腦後三斤 李都尉問和尚生日
述成十頌 山僧生日 處處真隨緣兀兀任
浮沉森羅萬象無私曲日出天然照乾坤

多一

十七末

山僧生處廓然寧不拘九聖自在行任他前
面歡與樂無心伏物賀太平 山僧生處碧
雲中情與非情共一真明暗盡時無邪路明
明不墮聖凡前 山僧生處少知音任性隨
緣過幾春有人借問平生事石人打鼓木人
聽 山僧生處據令行十方禪子盡皆驚若
人解接無根樹海裏能挑水底燈 山僧生
處正令行野老謳歌盡傳名若人不識金剛
用涅槃山側井中人 山僧生處亘古今誰
人言說話宗乘離九離聖縱橫妙腦後抽簪
祭鬼神 山僧生處在林中碧澗虎聲騁英
雄喝迴驚動十方刹萬里江山入千峰 山

僧生處峰頂上迦葉聞鐘出洞門粉骨碎身
千萬劫思量難報我師恩 山僧生處碧潭
中不拘春夏及秋冬一刀兩段湏休去何人
擬議落千峰 僧親近乃有頌 廣教一言
直下人嫌若人借問萬里江山
古尊宿語錄卷第二十五 多一

古尊宿語錄卷第二十六

多二

首山念禪師法嗣南岳下九世

僧錄司右闡教兼鍾山靈谷禪寺住持 淨戒重校

神鼎禪師名洪諶襄水扈氏子自遊方一朶以度寒暑嘗與數耆宿至襄沔間一僧舉論宗乘頗敏捷會野飯店中供辦而僧論說

多二

不已師曰三界唯心萬法唯識唯識唯心眼聲耳色是甚麼人語僧曰法眼語師曰其義如何曰唯心故根境不相到唯識故聲色擬然師曰舌味是根境否曰是師以筋笑菜置口中含胡而語曰何謂相入邪坐者駭然僧不能答師曰途路之樂終未到家見解入微

永樂北藏

古尊宿語錄

不名見道參須實參悟須實悟閻羅大王不怕多語僧拱而退後返長沙隱于衡嶽三生藏有湘陰張貴來遊福嚴即師之室見其氣貌閑靜一鉢挂壁餘無長物傾爰之遂拜跪請曰神鼎乃我家植福之地久乏宗匠願師俱往何如師笑而諾之即以己馬負師至十年始成叢席一朽牀為說法座開堂日指法座云未登此座化緣已畢諸人還委悉麼若委悉散去得也若不散去不免登於此座入方便品第二去也且不得怪山僧便升座拈香此一炷香奉為今上皇帝聖母無疆第二炷香為府主學士合郡尊官伏

第一九七册

頌長光佛日未佐明君第三炷此香不是戒
 定慧香亦非旃檀沉水只是汝州土宜便燒
 云供養首山和尚以酬法乳師遂敷座顧視
 大衆云摩竭陀國親行此令大衆還知落處
 麼一句子該天括地迥超格外在衆聖之前
 所以五天和不齊梵夾不特來釋迦掩室於
 摩竭淨名杜口於毗耶三乘教外一句別傳
 敢問大衆作麼生是別傳底試對衆道看迺
 相證明良久云直饒道得亦未稱祖師意且
 道如何稱得祖師意諸兄弟直須打辦精神
 究徹根源到這裏不可說菩提涅槃真如解
 脫向上向下坐禪入定造橋梁開義井得麼

然則如是不可無言也山僧初行脚時跋足
 亦無正意參禪學道只欲東京聽一兩本經
 論以資平生不期行來行去到汝州襄城縣
 恰遇汝州風鼓上首山就中見一老和尚
 彼時蒙它劈頭一錘直得浹背汗流當時不
 覺禮拜了悔之不及大衆且道悔个什麼悔
 不拽下禪牀痛与一頓雖然如是官不容針
 私通車馬下座 舉資福三句語第一句
 祖師不知有師云無人解會第二句尚祖佛
 為師師云鼻孔在山僧手裏第三句稱提祖
 佛師云分明向你道 舉僧問首山如何
 是和尚家風山云一言截斷千江口萬仞峰

前始得玄師云首山只解說家風不解用家風僧問如何是用家風師云壑乃云首山老漢若在聞神鼻恁麼道必然大笑一場且道肯神鼻不肯神鼻試商量看諸上座夫參學須具叅學眼始得若只愛它人語句記在意識下自不能截斷俗士尚云男兒不用分時

財衲僧家合作麼生著精彩始得珍重

舉僧問靈泉和尚如何是靈泉印泉云不傳不受曰交代時如何泉云淮南舡子看洛陽師云古人与麼道意在如何要會麼不傳不愛珍重 舉僧問靈泉如何是靈泉曲泉云無絃琴有韻絲竹動搖天曰還有知音也

無泉云有曰如何是知音者泉云山上石人齊梅掌溪邊野老始知音師云神鼻即不然僧便問如何是神鼻曲師云要唱便唱曰還有知音也無師云有曰未審是什麼人師云無心意識者師云神鼻向麼道向靈泉如何試商量看須知各各家風事不同珍重

三

三

小叅舉古金峰頌云學道如鑽火逢煙未可休直待金星現燭家始到頭師云神鼻即不然學道如鑽火逢煙即便休莫待金星現燒脚又燒頭且道神鼻恁麼道為當違古人順古人別有道理汝道入麼去底人好入麼來底人好到這裏須具衲僧眼始得莫受人瞞

珍重 小叅良久舉鏡清上堂良久有僧問祖歌如何唱清云拖送醉人酒曰入麼則辜負和尚也清云猛虎不食伏肉師云古人恁麼道句前明句後明會麼未問已前會取好 小叅舉僧問趙州黑豆未生芽時如何州云好合督師云神昇即不然若問黑豆未生芽時如何向伊道堪作什麼乃有頌曰黑豆未生芽誰道好合醬本色衲僧聞堪是甚模樣華岳頭倒卓須彌脚直上莫言無法用看取者相狀乃云古人向麼道神昇向麼頌且道違古人順古人還會麼合醬也不中是什麼道理了取始得珍重 舉僧問香

嚴如何是道嚴云枯木裏龍吟曰如何是道中人嚴云觸髅裏眼睛後有僧舉問石霜枯木裏龍吟時如何霜云猶有喜在曰觸髅裏眼睛時如何霜云猶有識在師云石霜一向打疊去空界裏作活計後有僧舉似曹山山云這石霜老声聞作這見解曹山有頌曰枯木龍吟真見道觸髅無識眼初明意識尽時消息尽當人那辨濁中清師云恁麼會取好小叅舉烏窠和尚有小師辭窠問向什麼處去曰學佛法去窠云若是佛法我這裏也有些子小師便問如何是和尚佛法窠於身上拈起布毛示之隨後便吹小師忽然大悟師

遂於身上拈起布毛呈大衆隨後與一吹云
會麼久後不得辜負老僧珍重 小叅舉
今初上座領衆上石門門曰萬仞峰前石牛
吼穿雲渡水意如何初無對門云山僧住持
事大叅堂去石門後舉令僧下語曰久縞和
尚又云訪道尋師明的旨覺了根源顯異機
門曰當時令初上座若下得遮語不將它作
參學人師云不喚它作參學人喚作什麼人
會麼把手共行無間路 舉古人曰游江
海涉山川尋師訪道為叅禪自從認得曹溪
路了知生死不相關作麼生是曹溪路有僧
對云得者飲水之義向阿誰說之師曰知云

某甲即如是師意又如何師云出僧堂入佛
殿便下座 小叅舉紫胡有狗上取人頭
中取人骨下取人脚你若擬議即喪身失命
師云古人提唱一段因緣你道恁麼時下得
什麼語神鼻當時若在他會裏便出云者畜
生又云死亦作退身勢白兆和尚亦云白兆
有狗上不取人頭中不取人腰下不取人脚
也不擬議咬得他死便得僧問如何是白兆
狗兆作狗聲僧云猶是喋屎狗兆云作麼
是咬人狗僧把衲衣角便拂兆便打師云白
兆道也不擬議咬得死便休且道其僧便拂
兆便打誰得誰失白兆大似喪車後掉藥袋

亦有僧問如何是神鼻狗向伊道誰敢倚門
 傍戶僧禮拜向伊道神鼻也大嶮有僧便請
 益此語師云我當時要个不惜身命底人直
 至如今無人稱得老僧意你两个吐露个消
 息看僧擬議師云死 小叅舉滿山示衆
 老僧百年後於山下作一頭水牯牛左肋下

多二

五

書滿山僧某甲正當向麼時喚作滿山僧又
 是水牯牛喚作水牯牛又是滿山僧且作麼
 生商量師乃有頌不道滿山不道牛認著何
 處有来由分明裂破應須會會得還同不繫
 舟 舉石門示衆云家山好家山好家山
 內有無根草澄源異草競芬芳春雷一震金

仙道師云作麼生是春雷与大衆說破得麼
 啣一喝下座 小叅舉南泉上堂僧問摩
 尼珠人不識如來藏稟親收得珠即不問如
 何是藏泉云与你往来者是僧云不往不来
 者又如何泉云亦是藏僧云如何是珠泉喚
 僧僧應喏泉云你不曾我意師乃有頌曰渠
 問摩尼珠摩尼在何許呼名應答聲諸方莫
 錯舉 一小叅舉僧問風穴如何是第一句
 穴云三要印開朱點窄未容擬議主賓分師
 隨後一喝如何是第二句穴云妙解豈容無
 著問漚和爭赴截流機師著語云未問已前
 錯如何是第三句穴云但看搨頭弄傀儡牽

抽都在裏頭人師著語云明破即不堪所以
首山和尚道第一句薦得與祖佛為師第二
句薦得與人天為師第三句薦得自救即不
可又云自救也不了師云神鼎亦有人問如
何是第一句云蒼天蒼天如何是第二句云
有什麼駢漢如何是第三句云近前來向你
道才近前便打若恁麼會得也不辜負祖師
西來若是從頭一一問過幾時得休佛法不
是磨校合縫底道理似這一脈說話須是久
在它門風來始得直是嫌佛不作嫌法不說
方可如是子細珍重 小參舉古人云是
日已過命亦隨滅如少水魚斯有何樂師云

古人恁麼道非有利益非無利益神鼎即不
然是日已過命亦隨滅如少水魚有何不樂
且道違古人順古人試檢點看珍重 舉古
僧問首山一毫未發時如何山云路逢穿耳
客曰發後如何山云不用更遲疑曾有僧問
神鼎一毫未發時如何 神鼎只向伊道白
雲嶺上云發後如何師云澗下水流師乃云
若是前來兩轉語有可咬嚼東看西看若是
神鼎者語如喫木札瓦片相似實無滋味直
是自見自悟始得會麼天高東南地傾西北
肅宗帝問忠國師百年後所須何物國云與
老僧作个無縫塔帝云請師塔樣國師良久

云會麼帝云不會師云吾有付法弟子耽源却請此事已後但問此人國師遷化後帝詔問耽源源亦良久云會麼帝云不會源有頌相之南潭之北中有黃金充一國無影樹下合同舡琉璃殿上無知識曰前來國師如此作用不能明了次問耽源源恁麼頌且道尽善不尽善雖成方便須躰解始得會麼神鼎為你諸人下四轉語湘之南潭之北師云君且有路中有黃金充一國師云淨妙體常無影樹下合同舡師云千聖同轍琉璃殿上無知識師云凡聖路絕師云若是恁麼會去必不相賺神鼎恁麼注解只是辜負國師

子為又問芸田翁翁亦云枯樹子為云這田翁他後亦匡五百眾師云為復意在芸田翁處為在仰山處為復惣不恁麼諸上座一切諸法縱然更不用生事它是父子說話同道者方知珍重 僧問先德遠遠投師請師一接德云兩股金銀鳴歷歷如來寶杖親蹤跡要會麼有問有答罕遇知音又問一先德云遠遠投師請師一接德云地湧無源水石人駕慈舟師云此語為復與前來語同耶別耶雖然一个門風也須是知它尊宿發語處始得作麼生是地湧無源水石人駕慈舟會麼海闊無舟往來不隔瑯重 南泉云我

十八上便會作活計趙州云我十八上便會
破家散宅你道破家散宅好解作活計好初
機底人且紹前語久叅底人直須破家散宅
更有一言萬里崖州僧問石門如何是和尚
家風門云解接無根樹能挑海底灯後其僧
入室問學人不解挑燈意請師方便接無根

門云賈島筆頭挑古韻下筆之處阿誰分又
云難遇知音神鼻當初問如何是知音門云
逢迎直言三歲子唱起巴歌異路行又頌無
形無相大威神為接群生展手頻為道不遮
圓鑑躡金烏常出海東門師云石門恁麼道
恁麼頌還會石門家風麼良久云金烏常出

海東門珍重 梁山觀和尚悟道頌云昔
時珍寶被塵埋何事今朝出故懷叅道喜明
無說句通玄不是意中猜一炷定光輝法界
萬重塵鏢豁然開超今異古終難况幸感西
胡特地來師云諸上座古人恁麼道意在於
何且問諸人作麼生是昔時珍寶試對衆道

看道得神鼻与你酬个價數若道不得猶如
糞土久立 小叅風不鳴條雨不破塊即
且止作麼生打得个翻車筋斗到梵天去若
有出來作个伎倆有麼莫教帝釋惡叢後有
僧入室某甲當時出來左轉一轉便歸衆師
云莫教帝釋惡叢又作麼生僧云知恩者少

負息者多師云築著鼻孔

應機揀辨

問如何是賓中賓師云瞻如何是賓中主師

云一似陪問如何是主中賓師云放你三十

棒問如何是主中主師云耶了 問如何

是接初機句師云山河大地問如何是辨衲

僧句師云七棒對十三問如何是正令行句

師云不通取眼云如何是立軋坤句師云你

擬作麼會 問古人有言靈山話月曹溪指

月如何是真月師云照問六國未寧時如何

師云道什麼云寧後如何師云誨殺人

問內外追尋一物無時如何師云月似彎弓

少雨多風 問家家門前火把子意旨如

何師云四時八節 問不轉時如何師云即

今是轉不轉云謝和尚點破師云通身覺路

玄 問輪回六道底人畢竟如何師云不

願成佛曰為什麼不願成佛師云佛亦不究

竟云請一言師云昨日猶記得今朝話無門

問不施寸刃便登九五時如何師云海

晏河清曰治化事如何師云萬戶無門鑰鼓

腹和太平 問路逢達道人時如何師云勤

破 問學人擬入海時如何師云海生海曰

恁麼則全承此恩力也師云黑風吹羅刹回

光却得妙 問曉夜不停時如何師云是誰

不傳 問倒戈卸甲時如何師云大勲不豎

賞曰請師原賜師云退問及馬單鎗時如何
 師云神鼎打退鼓曰畢竟事如何師云想你
 不是者手脚 問菩提涅槃即不問戴角
 披毛事若何師云不是上座分上事如何是
 學人分上事師云待你到這田地始向你道
 曰便恁麼時如何師云退身三步 問二王
 相見時如何師云膝行肘步曰恁麼則全歸
 一主也師云天下浩浩 問丹霄獨步時如
 何師云老僧只管看破也曰照破後如何師
 云還我話頭來 問古人道午前來者木
 人喚得回頭午後來者木人喚不回頭正當
 午時喚即是不喚即是師云臘月二十五問

然燈前即不問然燈後亦不問如何是正然
 燈師云一輪光灼灼今古無晦暝
 問蓮花未出水時如何師云千山萬水云出
 水後如何師云萬水千山 問古帆未掛
 時如何師云到岸也云到岸後如何師云猶
 是鈍漢 問師子未出窟時如何師云吼
 曰出窟後如何師云悄 問達磨未來時
 如何師云西天此土云來後如何師云此土
 西天 問寶劍未出匣時如何師云狼奎
 競起云出後如何師云天下太平 問牛
 頭未見四祖時如何師云天知地知云見後
 如何師云猶較些子 問和尚未見先德

多二

十

時如何師云山河大地云見後如何師云日

月星辰 問覺花未幾時如何辨其真實

師云冬寒夏熱又云天寒打撼戰 問戴

角披毛即不問寶劍出匣事如何師云問處

甚分明曰恁麼則盡法無民師云知時別儀

堪作闍黎 問三車引不出時如何師云好

曰意旨如何師云宜應自忻慶 問如何是

接人之機師云齋後來向你道曰即今為什

麼不道僧隨聲一喝師云好僧禮拜云放你

三十棒 問如何是和尚為人句師云拈

柴擇菜曰莫只者便是也無師云更須子細

問如何是和尚辨衲僧句師豎起拳曰

多二 上

未達意旨如何師云你不妨辯得好

師在衆日僧問上座久後唱誰家曲調師云

手執無絃琴騎牛脚踏鼓問如何是道人活

計師云山僧自小不曾入學堂問濟物利生

事如何師云闍梨有問山僧有答問如何是

和尚深深處師云柴門不掩任聽往來曰還

許人就近也無師云且領前話問古人道解

接無根樹能挑海底燈如何是無根樹師云

日用不知如何是海底燈師云徹髓問殺父

殺母佛前懺悔殺佛殺祖什麼處懺悔師云

水長缸高問如何是真如師云如如不動

云如何是真如用師云斬問隔牆見角早知

知

是牛隔山見煙便知是火隔牆不見角是什
 麼師云不應問山僧問布以七淨花浴此無
 垢人既是無垢人為什麼却浴師云清淨亦
 不立僧問首山如何是佛山云新婦騎馱阿
 家牽因僧請益師乃有頌新婦騎馱阿家牽
 誰後復誰先張三與李四拱手賀堯年又頌
 從上諸聖惣皆然起坐恁懣沒兩般有問又
 須向伊道新婦騎馱阿家牽師復云然雖如
 此未盡首山大意在僧云如何是首山大意
 師云天長地久日月齊明
 偈頌 靈雲桃花
 傷嗟尋劍客桃花過春開靈雲一見處令我

永樂北藏

古尊宿語錄

笑哈哈 偶述三偈 長安甚樂到人
 稀十聖到者須知不是歸存整直道迥超凡聖
 外亦有由是曹溪第二捷存自在神鼎
 寺少益燕無醋外雲水若到來撒手空回
 云無一法與人直下無一物休言無著處天本空禪
 派聞此說不用更重注解歲旦云眾不
 下山 今年六十九學四大持衰朽知
 自此不下山休白雲且相守在僧見
 師奉話略有揀辨乃問如何得似和尚去師
 云聞梨受屈作麼 一自學參玄諸方不
 問禪水聲流自響舉目看青天 有宰官
 問師坐禪如何師頌云 寂寂無一事醒

第一九七册

醒亦復然森羅及萬象法法尽皆禪

冬節頌 冬節年年事世俗多般異祖師

門下客長舒兩脚睡食後三巡茶以表山僧

意鼓聲若動時敢望同來至師不赴王莽山

請僧問佛不違衆生之願和尚為什麼有請

不赴師云莫錯怪老僧好頌曰 一月普

現一切水一切水月一月攝若人解了如斯

意大地衆生無不徹師在衆時与汾陽昭和

尚共作拄杖頌 昭頌 一條拄杖標

揭徑直螺文爆節有時橫擔肩上大地乾坤

批拈 師頌 得處不在高峯亦非深

溪澗整如今幸得扶持老病是為依托一朝

早在孤峯一任諸方拈掇 頌上玉泉和尚

一種輪回又一迴入鄆垂手化群迷智大豈

留生死界悲深不住涅槃堦毗盧經卷塵中

現優鉢羅花火裏開非但我今難比况千佛

習首歎奇哉 示初機 一步一登臨

無非般若心逢人只麼道終不悞他人珍重

何方去家山一道光箇中若不會塵劫受忙

忙 送清首座 神峯寒露別知音此

後同誰話此心出匣大聲驚宇宙甚時終得

會衣襟 此日登途去煙雲氣色全我無相

憶語更在蘊於言 偶述八偈 淡薄且

隨時家風誰得知有人來請益推頭未許伊

神鼎有一機不用更遲疑日午打三更白淨
崑崙兒神鼎有一言絕慮不忌緣日頭恰正
午曉夜過西天神鼎有一約不用更斟酌分
明向你道文殊問無著神鼎家風水泄不通
禪客上來換手槌宵神鼎一言督尔三千禪
客上來急急前行神鼎一說不用分別禪客
上來清風明月生綠裏水度歲華偶携餅錫
看天涯路逢一人穿耳客咄我回頭得到家
自此端然無一事今居神鼎卧雲霞有人若
問西來意遙指南山一段畚 門人寫直
求贊 神鼎真誰人寫吾之相一如也直
相既尔秋天月夜瞻之寫之摩訶般若

古尊宿語錄卷第二十六

多二

永樂北藏

古尊宿語錄

第一九七册

古尊宿語錄卷第二十七

多三

僧錄司右闡教兼鍾山靈谷禪寺住持 淨戒重校

南嶽十一世 法華得度

大愚芝禪師

汾陽昭禪師法嗣

第

注

翠巖禪師語錄

多三

大愚守芝禪師太原王氏子師陞座僧問如何是和尚家風師云一言已出駟馬難追問如何是城裏佛師云十字街頭石幢子問如何是為人一句師云四角六張進云意旨如何師云八凹九凸問不落三寸時如何師云乾三長坤六短進云意旨如何師云切忌地

永樂北藏

古尊宿語錄

盈虛問昔日靈山分半座二師相見事如何師云記得麼僧良久師打禪床一下云多年忘却也師云且住且住若向言中取則句裏明機也似迷頭認影若也舉唱宗乘大似一場寐語雖然如是官不容針私通車馬放一線道有箇葛藤處師遂打禪床一下云三世諸佛盡皆頭痛且道大衆還有免得底麼若一人免得無有是處若免不得海印發光師乃豎起拂子云者个是印那个是光者个是光那个是印掣電之機徒勞佇思會麼老僧說夢且道夢見个什麼南柯十更若不會聽取一頌北斗挂須彌杖頭挑日月林泉好商

第一九七册

量夏末秋風切 開堂升座僧正宣疏白槌
罷有僧問大用現前不存軌則請師揮劔師
云點眼知人意看取令行時進云腦後穿師
云齋後鐘問如何是佛法大意師云推天磕
地問心法無形如何彫琢師云一丁兩丁進
云未曉者如何領會師云透七透八問如何
是大愚境師云四面峯巒秀泐江一帶清進
云如何是境中人師云滿城公子貴林下道
人接問拈槌豎拂即不問當機一句事如何
師云焦頭燎面進云雷音已徹青雲外向上
極則又如何師云且領帶話乃云問話且住
淨名杜口猶涉繁詞達磨西來平欺漢地放

一線道去也放下葛藤處所以李長者云有
情之本同智海以還源抱識含流總法身而
為體諸仁者既是總法身而為體還知道須
彌吞却法身法身吞却須彌麼諸仁者朝夕
與古佛同參與諸方老和尚同參山僧今日
與大眾同參且道參个什麼如是定當得且
認得个著衣喫飯猶去衲僧半月程在若定
當不得來年更有新條在惱乱春風卒未休
上堂僧問如何是道師云八斛四斗進云如
何是道中人師云煮粥煨飯問寶劍未出匣
時如何師云切忌道著進云出匣後如何師
云天魔腦裂乃云舉一步須彌業峇海水騰

波不舉一步於微塵國土助一切諸佛出與
 於世轉大法輪還信得麼若信得西瞿耶尼
 喫飯去 上堂僧問如何是祖師西來意
 師云白日燒地眠夜間炙地卧問既是清淨
 法身為什麼却澡浴師云頭出頭沒進云為
 什麼如此師云只為如此問古鏡未磨時如
 何師云照破天下人觸體進云磨後如何師
 云黑似漆 上堂僧問洪鍾繞擊大眾雲
 臻祖意西來乞師垂示師云六丁六甲進云
 未曉者如何領會師云會即錯問馬師未見
 誤師時如何師云緊進云見後如何師云切
 問如何是佛師云錮解秤鎚師云德山入門

便捧臨濟入門便喝一棒一喝若雙峯而互
 出賓主未辨恹恹而萬里鄉關照用雙行擬
 擬而千差塞路諸上座到者裏如何話會乃
 云棒喝齊施早已賒古今皆贊出周遮二途
 不涉憑何說南海波斯進象牙 上堂僧問
 特特上來伸三拜乞師分付拄杖子師云科
 進云^{多三}恁麼則功不虛施也師云^三重因請首座
 開堂僧問承和尚有言一人悟道三界平沈
 首座悟道三界還沈也無師云不淹不抑進
 云一言繞出大地全收師云落三落四師乃
 云為衆竭力蓋為袈裟同肩一處喫飯莫是
 人各披一條同鍋喫餅麼此是分見還知道

三世諸佛共披一條所以擇迦身長丈六留
 下袈裟與彌勒彌勒身長千尺披得恰好何
 故如此蓋為長者長法身短者短法身要得
 易會麼古佛與露柱相交佛殿與天王鬪額
 若也不會單重交拆 上堂云有時一喝
 只作一喝用有時一喝作探竿影草有時一

喝如踞地師子有時一喝如金剛王寶劍若
 是金剛王寶劍不敢正眼覩著覩著即喪身
 失命乃有頌云不是干將鑄那關四氣吹匣
 內青蛇孔達妖任便揮若得全提者當機豈
 失時昆盧驚得走大衆盡橫眉 上堂云大
 惡相接大雄孫五湖雲水競頭奔競頭奔有

何門擊箭寧知枯木存枯木存一年還曾兩
 度春兩度春悵裏真珠撒與人撒與人思量
 也是慕西秦 舉僧問汾州和尚如何是接
 初機句州云汝是行脚僧如何是辨衲僧句
 西方日出卯如何是正令行句千里持來呈
 偈面如何是立乾坤句北俱盧洲長庚米食

者無貪亦無嗔師云將此四句語以驗天下
 衲僧子細思量將此四句語被天下衲僧一
 時勘破 筠州府主李密諫請就上藍開
 堂乃拈香云恭為
 今上皇帝萬歲太后千秋又拈香云此一瓣
 香奉為府主密諫洎閩郡官僚常居祿位此

一辦香奉為施主檀那在筵龍象師乃云還有人委得落慶麼若委得隨換利物應化無方天上人間出沒卷舒縱橫自在若也未委落慶釋迦老子三世諸佛二十八祖天下老和尚一時拋在爐中徒聽老僧葛藤時有僧問如何是佛師云還記得麼僧云若不請益爭知如是師擊禪床一下云早是忘却了僧云放和尚一線道師云一任踈跳問如何是洪州境吞云膝王閣下千峯秀孺子亭前薄霧生僧云如何是境中人吞云出入敲金鏡衲衣對錦屏問如何是翠巖境師云洪井滔滔急山高勢近人間如何是境中人師云朝

去暮歸師復云問話且止山僧道薄人微素無德行叨承密諫諸官僚同伸堅請升於此座上吞皇恩因祚永安法輪常轉且道法輪作麼生轉欲得會麼須彌山上倒翻身却來堂中疊足坐阿呵呵是什麼飯籬裏坐却受餓和泥合水與麼過上士聞之嚙齏下士聞之肯可子細思量却成口過要會麼一六三四二直言曲七一桃李火中開黃昏候日出久立尊官伏惟珍重上堂云翠巖路滑徒勞竝思又云翠岩路巖巖舉步涉千谿更有洪源水滔滔在嶺西擊禪床下座上堂云懃

婦擔柴醫王辨價藥多病甚便下座

上堂舉雪竇和尚云一問一答忽未有事在

假饒盡大地乾坤草木叢林盡為衲僧異口

同音致百千問難不消老僧彈指一下並乃

高低普應前後無差師云翠岩即不然盡乾

坤大地微塵化為衲僧各致一問問問各別

多三

五

却向伊道你許多衲僧皮下還有血麼

上堂云為衆竭力搨出私門便下座

上堂云槌鍾擊鼓聚集諸上座上來下去子

承父業賺殺多少人 上堂舉盤山頌云

光非照境境亦非存光境俱忘復是何物師

乃豎起拂子云微塵諸佛光明摠在這裏照

破你諸人心肝五臟脾胃肝膽衲僧面前不
得道着切宜忌口擊禪床下座 小叅示

衆云一擊響玲瓏喧滿宇宙通知音繞側耳

項羽過江東與麼會恰認得驢鞍轡作阿爺

下頷 小叅示衆云僧中有奇人俗士中

亦有奇人聖朝揚億侍郎有頌云八角磨盤

空裏走金毛師子變作狗擬欲藏身北斗中

應須合掌南辰後師云要會麼一偈描諸方

塞斷衲僧口下座 上堂云有句無句如

藤倚樹樹倒藤枯恰認得个倒根處

上堂云霧卷雲收江山迥秀不傷物義波斯

去帽 上堂云籠言及細語皆歸第一義

諸上座每日上來老僧說夢誑嚇諸人雖然如是子承父業賺殺多少人下座 上堂云十地驚心二乘罔測銅頭鐵額擊禪床下座 上堂云端然據坐度脚買靴左視右顧不准一錢 上堂舉先翠崑云我一夏與師僧東說西話你看我眉毛在麼保橋云作賊人心虛師云何故如是得人一牛還人一馬下座 上堂云大洋海底排班位從頭第二鬚毛班為什麼不道第一鬚毛班要會麼金葉銀絲成玉露高僧不坐鳳凰堂下座 上堂云豎窮三際橫徧十方拈起也帝釋心驚放下也地神膽戰不拈不放喚作

什麼自云蝦蟆下座 上堂云若有仙陀者更不待毫光下座 上堂云三世諸佛不知有狸奴白牯却知有乃拈起拂子云狸奴白牯忽在這裏放光動地何謂如此兩段不同下座 上堂云德山入門便棒臨濟入門便喝翠崑這裏即不然三門前好與三
多三
 十棒何謂如此棒喝齊施早已賒六古今皆費絕周遮二途不涉憑何說南海波斯獻象牙下座 上堂云大眾集定現成公案也是打揲不辦下座 上堂拈起香匣云明頭暗合道得天下橫行若道不得且合却下座上堂云砂裏無油事可哀翠崑嚼飯餒嬰孩

他時好惡知端的始覺從前滿面灰擊禪床
 下座 因筠川張一郎到上堂云久思張處
 士相別十餘月今日上山來鐵鉢煮山蕨歸
 去到筠陽但請與麼說 上堂僧問一切
 有為法如夢幻泡影真實事請師舉師云兩
 段不同向下文長問滿身是眼口在什麼處
 師云三趾僧云學人不會特伸請益師云章
 底詞秋罷歌韻向春生師乃云雲收霧卷江
 山白依日凝波又多途下座
 拈古 舉外道問佛不問有言不問無言
 世尊據坐外道云世尊大慈大悲開我迷雲
 令我得入師云大小世尊被外道當面塗糊

只如外道云令我得入要且不曾夢見既不
 曾夢見為什麼悟去 阿難問迦葉佛傳
 金欄外別傳个什麼迦葉召阿難難應諾迦
 葉云倒却門前刹竿着師云千年無影樹今
 時沒底靴 五通仙人問佛云佛有六通
 我有五通如何是那一通佛召五通仙人仙
 人應諾佛云那一通你問我師云五通仙人
 如是問佛如是答要且不會那一通
 祖師問童子云汝從何來子云我心非往祖
 云你住何所子云我心非止祖云汝無定也
 子云諸佛亦然祖云你非諸佛子云諸佛亦
 非師云祖師一問童子一答恁大會在今

諸人作麼生會 蜀賓同三伏劔問師子
尊者云師得蘊空否者云已得蘊空王云還
離生死否者云已離生死王云既離生死當
施吾頭者云身非我豈況於頭王斬之白
乳高數尺王臂自落師云當時尊者引頸王
便舉刃當恁麼時有人出來諫得住麼至今

無人斷此公案如今衲僧作麼生斷
傅大士云夜夜抱佛眠朝朝還共起起坐鎮
相隨如身影相似欲識佛去處只這語聲是
玄沙云大小傅大士只認得个昭昭靈靈師
云認典不認來年更有新條在惱乱春風卒
未休 寶公令人傳語思大和尚云何不

下山來教化衆生一向目視雲漢作什麼思
云三世諸佛被戒一口吞盡何處更有衆生
可度師云思大只見錐頭利不見鑿頭方
臨濟見僧來堅起拂子僧便禮拜濟便打師
云這僧有理不伸死而不吊如今且作麼生
與這僧出氣 思和尚問神會從什麼處

來會云曹溪來思云你在曹溪得何意旨會
根身而立思云猶帶尾磔在會云和尚這裏
莫有真金與人麼思云設有向什麼處着師
云真金无磔錯下名言如今喚作什麼思和
尚令石頭送書與讓和尚回來與你一箇錐
芥子住山石頭才到便問不求諸聖不重己

靈時如何諱云子問太高生何不向下問頭
 云乍可未却受沈淪不從諸聖求解脫便歸
 去思云書達否頭云書亦不達信亦不通去
 日蒙和尚許个鋤芥子便請思垂下一足頭
 便禮拜師云思和尚無足石頭禮拜出去要
 且不得他鋤芥子且道後來石頭用个什麼
 五洩到石頭便問一言相契即住一言不契
 即去石頭據坐洩云與麼則不相契也便出
 石頭召云闍梨洩回首頭云從生至死只是
 這個回頭作麼洩忽然大悟便拗折拄杖洞
 山云當時若不是五洩先師也大難承當雖
 然如是猶涉途在師云石頭據坐五洩便去

石頭召他却成多事 有尼叅臨濟要開
 堂談空勘云你有五障不得開堂尼云龍女
 成佛有幾障空云龍女現十八變你試變看
 尼云不是野狐精變个什麼空便打數下師
 云且道尼具眼麼只擔得个斷貫索且作麼
 生會 僧問藥山學人有疑請師決山云
 晚間上來為闍梨決疑至晚上堂大眾集空
 山云今日決疑僧在麼其僧便出來山下座
 把住云大眾這僧有疑與一推便歸方丈師
 云藥山決疑土上加泥然雖如是這僧也不
 得孤負藥山 藥山尋常不為師僧說話
 院主白云堂中師僧久思和尚示誨山云枯

鐘着大衆集之便歸方丈院主隨後問云和尚許為大衆說話為什麼一言不措山云經有經師論有論師爭恠得老僧師云藥山歸方丈當初院主恠藥山不為他說話可謂誤他三軍 藥山示衆云智不到處切忌道着道着則頭角生道吾便出去雲嵩問藥山智師兄為什麼不祇對和尚山云却是智頭陀會得你去問取雲岩却去問師兄適來為什麼不祇對和尚吾云我今日頭痛你問取和尚雲巖迂化了吾去雲嵩不知有悔不當初向伊道雖然如是要且不違藥山之子師云雲岩不知有悔不當初向伊道只知道吾

又三

九

與麼道還有也無 大慈和尚去老僧一生不會答話只解識病時有僧出來大慈便歸方丈師云這僧出來大慈便歸方丈並無个道理什麼處是識病處如今也須于細僧叅汝州南院纔到面前僧云敗也院引拄杖向僧面前僧無語院便打師云這僧只知道頂上生光不知脚下有刺 觀和尚見新到來作麵引次以引示之其僧便去觀至晚間問首座新到在什麼處座云當時便去觀云是即是祇得一楸師云觀和尚道他得一楸大似壓良為賤何故為他彼此是出家兒南泉拈起蕨菜問杉山这个大好供養山云

非但者个百味。盖他亦不顧泉云雖然如
 走惣須嘗過師云杉山與麼道還免得麼若
 免得去未具眼在若免不得又遠前言
 魯祖見僧來便面壁師云魯祖何勞如此不
 用面壁若有僧來云見什麼知時好
 鄧隱峯在襄州破威儀堂只著襯衣拈静槌
 云道得即不打道不得即打象皆默然峯便
 打師云此語有勘破處且道勘破阿誰
 臨濟上堂有僧出立濟便喝僧禮拜濟便打
 師云臨濟也大正如今作麼生會 僧問
 洞山時時勤拂拭莫使有塵埃為什麼不得
 他衣鉢山云直道本來無一物也未得他衣

鉢在師云惣不得他衣鉢與佛同參且道參
 得阿誰 同光帝問興化朕收得中原之
 寶只是無人酬價化云如何是陛下中原之
 寶帝引手展幞頭脚化云君王之寶誰敢酬
 價師云興化下一着語可謂醅酌如今作麼
 生斷 靈雲悟桃花頌三十年来尋劍客
 幾回落葉又抽枝自從一見桃花後直至如
 今更不疑遂舉似為山山云從緣得入永無
 退失汝善護持又舉似玄沙沙云諦當甚諦
 當敢保老兄未徹在師云有人如今問玄沙
 意作麼生且道這個人還徹也未 臨濟
 上堂有僧出夾濟便喝僧亦喝便禮拜濟便

打僧無語師云臨濟也太心麓好彩是這僧
若是今時柶僧且作麼生出氣 地蔵問
僧什麼處來僧云南方來蔵云南方有何言
教示徒僧云彼中金屑雖貴眼裏着不得蔵
云我道須弥山在你眼裏師云且道地蔵還
免得這僧眼麼 僧問趙州大耳三蔵第三
度覓國師不見未審在什麼處州云在大耳
三蔵鼻孔裏師云只如三蔵還免得國師鼻
孔麼 國師三喚侍者侍者三應國師云
將為吾辜負汝誰知汝辜負吾師云國師與
侍者抱欠會在如今作麼生會 欽山問
德山云天皇也與麼道龍潭也與麼道未審

德山如何道德山云你試舉天皇龍潭底欽
山擬議德山便打師云欽山只顧其前不顧
其後如今作麼生與欽山出氣 石鞏為
獵人趁一鹿從馬祖庵前過問云還見我鹿
麼祖云你是甚人鞏云我是獵人祖云你會
射麼鞏云解射祖云一箭射幾個鞏云一箭
射一个祖云你不解射鞏云和尚莫解射否
祖云我解射鞏云一箭射幾個祖云一箭射
一羣鞏云彼此生命何用射他祖云你既如
是何不射鞏云若教某甲自射直是無下
手處祖云這漢無明煩惱頓歇鞏云是以刀
斷髮在庵中執侍師云馬祖一箭射一羣措

未會射山僧一箭射盡動舍靈無不中者雖
然如是只道一半留一半與後人道
大禪佛象仰山翹一足云釋迦老子亦如是
西天二十八祖亦如是和尚亦如是某甲亦
如是仰山打四藤條師云此不得作賞不得
作罰如今作麼生會 香巖示衆云如人

上樹口銜對枝脚不踏樹手不攀枝忽有個
人問西來意擬款訓他又喪身失命不對他
又遠他所問師云問者答者俱不免喪身失命
如今衲僧作麼生會 玄沙示衆云諸方
老宿盡道接物利生忽遇三種病人作麼生
接患盲者拈提豎拂他又不見忌聾者語言

三昧他又不聞患瘖者教伊說又說不得且
道作麼生接若接此人不得佛法無靈驗師
云早知燈是火飯熟也多時 玄沙上堂
衆集定以拄杖一時趺下向侍者道我今日
噲入地獄若箭射者云且喜和尚再復人身
師云大小玄沙前不至村後不至店且作麼
生道得出身路 龍牙問翠微如何是祖師
西來意微云與我過禪板來牙取禪板微接
得便打牙云打即任打要且無祖師意又問
臨濟如何是祖師西來意濟云與我過蒲團
采牙取蒲團濟接得便打牙云打即任打要
且無祖師意後住龍牙僧問和尚那時問二

尊宿祖師意此二尊宿遺明也未牙云明即
明矣只是無祖師意師云當初如是如今枯
僧皮下還有血麼 南泉歸宗麻谷禮拜
國師到半路南泉於地上畫一圓相云道得
即去歸宗入內坐麻谷作女人拜泉云與麼
則不去也宗云是什麼心行師云當初若見
每人打一棒且得天下太平 法燈和尚
示衆云某甲本欲居山截拙養道過時奈緣
先師有不了底公案出來了却時有僧問如
何是先師不了公案燈打一拄杖云祖桶不
了殃及兒孫僧云某甲有什麼過燈云過在
我殃及你師云為衆竭力桶出私門

多三

十二

龍牙問德山學人收得鎮錫劍擬取師頭時
如何山云你向什麼處下手牙指地後到洞
山縫人事了便舉前話洞山拽拄杖云還我
德山頭來牙無語洞山便打師云當斷不斷
如今作麼生斷 雲居齊和尚問僧徒什
麼處來僧云堂中來居云何得自護師云若
不如是爭知如是 豈干欲遊五臺謂寒
山拾得云你若共我遊臺便是我同流你若
不共我遊臺不是我同流寒山云你去遊臺
作什麼干云禮拜文殊山云你不是我同流
師云豈干大似辨才遇蕭翼 滿山問仰
山甚處來仰山云田中來滿山云田中多少

人仰山插鋏义手而立為山云南山大有人
 刈笋仰山拔鋏便行師云只得一概諸人別
 有會處麼 南泉一日兩堂爭猫兒泉遂
 提起云道得即不斬泉無語泉便斬後舉似
 趙州州將草鞋戴頭上出去泉云子若在故
 得猫兒師云大小趙州只可自救僧問六祖

多三

十三

黃梅意旨什麼人得祖云會佛法人得僧云
 和尚還得否祖云不得僧云和尚為什麼不
 得祖云我不會佛法師云會得二頭不會三
 首作麼生道得出身路 僧問趙州狗子還
 有佛性也無州云無僧云一切衆生皆有佛
 性為什麼狗子無佛性州云他有業識性在

師云說有說無也好兩彩一賽如今作麼生
 道 雲蓋問石霜万户俱閉即不問万户
 俱開時如何霜云堂中事作麼生蓋云無人
 接得渠霜云道也然道只道得八九成蓋云
 却請師道霜云無人識得渠師云先行不到
 末後太過叫 紫湖和尚夜於僧堂前叫
 捉賊大衆皆驚有一僧堂中出紫湖攔臂把
 住云捉得也捉得也僧云某甲不是湖云是
 即是只是你不肯承當師云紫湖買帽相頭
 趙州一日雪裏卧叫云相救相救有一僧亦
 采邊卧州便起去師云這僧在趙州圈裏還
 有人出得麼 洞山普請次定寮見一僧

不出山云你何不出普請僧云某甲不安山
云你尋常安時又幾曾去師云且道此僧幾
曾不去 龐居士問大梅和尚久響大梅
未審梅子熟也未梅云你向什麼處下口士
云百雜碎梅云還我核來師云此二人前不
至村後不至店 魯祖見僧來便面壁南

泉云我尋常不欲向師僧道未具胞胎已前
會取尚不得一箇半個魯祖與麼驢年去師
云大愚這裏即不然未具胞胎已前會得打
折你脣 中邑和尚見僧來乃拍口作和和
聲仰山來邑亦拍口山從東過西邑又拍口
山從西過東邑又拍口山當面而立邑云你

從何得山云從嵩山得山却問邑師從何得
邑云我從章敬得師云看两个老和尚可煞
漏逗對面相謾瑯云愁人莫向愁人說
達磨臨順世時謂二祖云你在吾身邊得个
什麼祖禮拜依位立磨云汝得吾髓師云二
祖被達磨塗糊道得髓皮也未夢見因什麼

紹嗣祖師位

多三

十四 秘魔常持一义具僧來乃

云道得也义下死道不得也义下死後大禪
佛來跳向秘巖懷裏岩便撫大禪背三下大
禪起來斫手云三千里外賺我來師云還有
賺處也無非但賺他大禪佛大愚今日也賺
大眾上來瑯云雷聲浩大雨點全無

仰山有僧來薛山以手劃一劃其僧不去山
 又劃一劃其僧乃去師云前為什麼不去後
 為什麼却去要會麼特為注破前一劃與後
 一劃都成兩劃 佛在日有一女子旋遠世
 尊三匝乃入定世尊勅文殊出此女子定文
 殊盡其神力不能出得女子定世尊云下方
 去四十二恒河沙國有罔明菩薩能出此女
 子定于時罔明至女前彈指三下女子從定
 而出師云文殊是七佛之師為什麼出女子
 定不得罔明具什麼神力却出得要會麼僧
 投寺裏宿賊入不良家 文殊問無着近
 離什麼處着云南方殊云南方佛法如何住

持着去末法比丘少奉戒律殊云多少衆若
 云或三百或五百着却問此間佛法如何住
 持殊云龍蛇混雜凡聖同居着云多少衆殊
 云前三三與後三三師云文殊道前三三與
 後三三作麼生會要會麼千年無影樹今時
 沒底靴 古人道我有一句子待犢牛生
 見即向汝道師云我即不然犢牛生兒也不
 向你道何故如是若向你道何處更有王老
 師 道吾聞趙州來吾取豹皮棍着將吉
 寮杖共三門下翹一足州繞到吾便唱若州
 云小心伏事着吾又唱若師云有人見得此
 二人落處不妨具眼若不見落處未具眼在

多三

十五末

乃擊禪床一下云若也不會打與三百
 德山小叅示衆云今夜不荅話有問話者三
 十棒有僧出禮拜德山便打僧云某甲話也
 未問和尚為什麼打某甲德山云你是甚麼
 人僧云新羅人山云未踏船舷好與三十搥
 師云時人盡道德山作家用得好若與麼還
 曾夢見麼大愚道德山被這僧一推直得瓦
 解冰消雖然如是今日見一个尊宿也大難
 得 普眼菩薩入定遍觀三千大千世界
 見普賢菩薩不見未審普賢在什麼處佛言
 汝但於靜三昧中起一念必見普賢在空中
 乘六牙白象師云諸仁者且作麼會普眼推

倒世尊世尊推倒普眼你且道普賢在什麼
 處 劔頌 釋日流光勢還曾結衆疑
 吹毛橫宇宙擬把却施為瞥起和根去擡眸
 早已遲投機須得妙何處覓牟尼

古尊宿語錄卷第二十七

多三

永樂北藏

古尊宿語錄

第一九七册

古尊宿語錄卷第二十八

多四

僧錄司右副教兼鍾山靈隱寺住持淨戒重校

汾陽昭禪師法嗣

法華禪師名全舉南岳下十世

師入院上

堂示衆云夫第一義諦非智辯所詮心機所測教外別傳不立文字既到這裏復且如何

多四

一

直須坐斷毗盧不存凡聖還能如是麼若也未能山僧重說偈言去也不結毗盧印那引古佛心明月照幽谷寒濤助夜砧諸人委悉麼各希發問問昔日靈山分半座師今登陟意如何師云你承當得麼問如何是法華境界師云後不構前如何是境中人師云三日後

看問祖意西來事請師直指陳師云截耳卧街僧云見者盡攢眉師云非公境界問不落今時請師道師云落問如何是佛師云蘆芽穿膝僧云如何是道師云七縱八橫僧云如何是道中人師云緊裹頭僧云如何是和尚家風師云廣額旃陀羅問如何是祖師西來意師云朱唇皓齒僧云學人不會師云斜墜搔首問牛頭未見四祖時為什麼百鳥銜花師云果熟猿猱重僧云見後為什麼不銜花師云踈林鳥不過問雪覆千山時如何師云熊人迷古路漁父鏢孤舟問可來白雲裏教你紫芝歌如何是紫芝歌師云不是具音切

須漢語問數日不聞師誨語今朝陞座意如何師云一年春盡一年春師乃云夫然學須具擇法眼不得顛預若得正眼精明一切無滯不見古人道一句語中須具三玄一玄中須具三要古人恁麼道意在於何鴉王擇乳素非鴨類 上堂云即心即佛黃葉止啼

非心非佛驗病施方你道到這裏作麼生上堂云擬著即染生招箭不擬著即三千里外 上堂云白眉不展手長安路坦然歸堂喫茶去 上堂云釋迦不出世連磨不西來佛法遍天下談玄口不開 上堂云若開口又成增語不開口去又成刺語乃云

金輪天子勅草店家風別 上堂云菩提離言說從來無得人雖然如是不免口過上堂云心不是佛智不是道且道是什麼刻舟求劍膠柱調絃 上堂云三乘十二分教只是箇藥方且道治什麼病乃云父母緣生口 上堂云鐘鳴鼓響鷄鳴鵲噪為你

諸人說般若講涅槃了也諸人還信得及麼觀音勢至向諸人面前作大神通若信不及却往他方救苦利生去也 上堂云三世諸佛口掛壁上天下老和尚作麼生措手你諸人到諸方作麼生舉山僧恁麼道也是久日樺來唇喝一喝 上堂云古人有一轉

不了底因緣舉似大眾分明記取 上堂
 云諸高德叢林規矩朝晚二時上來相見一
 回即不可若約佛法事塵劫來未曾昧雖然
 如是敗種且不發芽 上堂云大眾會麼
 師子一滴乳能破万斛駢乳記得僧問老宿
 如何是佛對云不封不樹大眾會麼若不
 重下注脚去也不封不樹以棘藥 上堂
 云古人道我若一向舉揚宗乘法堂裏草深
 一丈不可為閣梨鏢却僧堂門去也雖然如
 是也是烏龜陸地弄塵行 上堂舉古人
 道一塵起大地收師云一葉落天下秋 上
 堂舉南泉云道箇如如早是變也今時師僧

湏向異類中行始得且道作麼生是異類中
 行乃云石牛長卧三春霧木馬嘶時秋後泉
 上堂舉僧問曹山如何是一不老山云枯木
 僧云如何是一老山云不扶持有僧舉似九
 峯峯云三從六義諸上座會麼愛他年少婦
 湏是白頭兒 上堂云語漸也返常合道
 論頰也不留朕迹直饒論其頰返其常也是
 抑而為之 開爐示衆云一二三四五任
 君顛倒舉露柱與燈籠何曾成佛祖不惜眉
 毛者直下便道取僧問未審道箇什麼師云
 絮已輕裝外瓶盃共毳袍僧云正當與麼時
 如何師云夜禪孤月冷晨朝片雲高僧擬議

師云會麼僧云不會師遂作頌示之云三十
 五十何須更舉方圓變通去除佛祖他未彰
 名余不能取僧問如何是賓中賓師云開口
 雖無力吐氣却慚惶僧云如何是賓中主師
 云一條新竹杖三事舊麻衣僧云如何是主
 中賓師云峻岫何人顧坦然孰可聞僧云如
 何是主中主師云万仞齊開觀千峯露出顏
 僧問如何是奪人不奪境師云春生夏長秋
 收冬藏僧云如何是奪境不奪人師云一朝
 權在手看取令行時僧云如何是人境兩俱
 奪師云寰中天子貴塞外將軍雄僧云如何
 是人境俱不奪師云一等乾坤日月俱明問

如何是佛師云手不如脚僧云如何是諸佛
 家風師云荒田耕不罷又被別人爭問自古
 及今不從人得六祖黃梅傳箇什麼師云德
 山捧僧云傳後如何師云那用臨際喝問如
 何是佛師云紫雲常捧足黑霧擁身行問法
 身無形如何達玄云古廟香爐問牛頭未見
 四祖時如何師云新鞞鼓子皦皦響僧云見
 後如何舊鼓皮寬打不鳴問生死事大請師
 相教師云洞庭湖裏失却船問如何是本源
 師云山高峯峻問語不投機請師提唱師云
 山藏海納問久居岩谷一物全無時如何師
 云脚瘦草鞋寬問不犯一切請師提綱師云

聳人遠聽問自知當作佛未審什麼人證據
 師云志公剪刀問如何是親切一句師云六
 祖是新州人問如何是景初一句師云父母
 未生前問如何是不動尊師云今日遭逢問
 如何是透法身句師云三箇猫兒一箇獐僧
 云如何是法身師云無過於此問不動根源
 如何接物師云惡虎不如善猫兒問祖意教
 意是同是別師云赤水求珠孫賓打瓦僧入
 室次師垂語云重整釣竿橫海上拋釣未必
 雙魚吞僧云多年枯木今日重生師自代云
 紅絲曲裏無金磬碧旗歌外有文官僧云垂
 下綠絲重着餌必然釣得大金魚僧入室展

座具始收師云一展一收法法皆周擬欲更
 問著甚來由遂問會麼僧云不會師便打問
 既是善知識為什麼事養生殺生師云生者
 自生死者自死未雨先驚蟄只要小蛇知問
 師唱誰家曲宗風嗣阿誰師云戴頭白海頭
 黑僧云汾陽的于臨際兒孫去也師云莫亂
 針錐問法華專使伸三請祖意西來事若何
 師云天晴道路軋問德山棒臨際喝意旨如
 何師云戒古三分僧云四海傳揚去也師云
 苦痛深僧問如何是賓中賓師云冥然渡曉
 春僧云如何是賓中主師云莫謾窺門戶僧
 云如何是主中賓師云威喪濟滄倫僧云如

何是主中主師云光寒星斗怖問如何是奪
人不奪境師云白菊乍開重日暖百年公子
不逢春僧云如何是奪境不奪人師云大地
絕消息翛然獨任真問如何是人境兩俱奪
師云草荒人變色凡聖兩齊亡問如何是人
境俱不奪師云清風伴明月野老笑相親僧

多

五

問承古有言須彌為提虚空為鼓還許學人
打也無師云無你下手處僧云更不請鋌師
云我不能打得你遂頌云鹽官有鼓高低辨
於此南泉便整齊背面須來唐土擊當頭不
薦北番提入番急磨腰下劍出塞須用自家
才珍重老師不轉破我在江東君在西僧問

學人未遇大機請師一喝師云是什麼機僧
云大機師云若是大機爭受一喝僧便喝師
云一潭綠水兩處洪波僧有頌云高提祖印
思狂機坐卧應須鑑者知却被明師全打破
外求佛祖豈為奇問承師有言一物不將來
放下箇什麼意旨如何師云你是了因放下
箇什麼僧云佛法無多子師云欠我劈脊棒
你作麼生僧云元來無許多般如今却作摸
樣師以頌示云汝錫高飛我即休此生無喜
亦無憂雲開任待風吹散留取碧潭月正秋
僧問趙州東門西門南門北門意旨如何師
云有問有答僧云不問不答時如何師云却

被你道著以頌示之云四般俱已息六種豈能分倚南闍度日傍北別無門巧語徒教設玄鋒謾共論迥出威音外不到是非奔僧問如何是雲門一竅師云開張閉合遂以頌示之云雲門一竅坐閒心把斷游人更莫尋任是有誰居壁上也教無事訪知音僧問如何是本來宗師云密室不通風却問你作麼生會僧云春日櫻桃朶朶紅僧問如何是本來宗師云不問不答僧云豈無方便師云明明向你道僧云謝師方便師云汝莫受方便僧云官不容針私通車馬師云千山堆皓玉万木折寒梅遂以頌示之今古甚有方便是物

頭頭露現坦然萬樣千般突兀無過有焰悟且須保惜悟了便生厭賤中下急急著眼上士誰能顧盼因僧參有頌要接諸人向上坡左手提携右手過太陽焰裏分八字南海波斯不較多僧問要接諸人即不問如何是向上坡師云窻外月徹曉室中燈更明僧云左手提携即不問如何是右手過師云放開非在手却閉不從他僧云太陽影裏即不問如何是分八字師云船主能藏寶青巾蓋頂門僧問如何是西來的的意師云與我取拂子來僧過拂與師師便打僧於此有省遂以頌呈萊師一拂太多端打破從來滿肚愁別

處不能求妙解目前却覩自家顏僧問久在途中請師一接師云虚空烜赫無涯岸海月圓時別有天僧云不會師云却是真箇遂以頌示之學道如行路途途中未得休直到長安日方能見聖游嶺南懃和尙有頌示本禪人云林葉始經秋游雲出幽谷禪人錫乱飛往復不往復往復不往復六六三十六師因見乃問作麼生是往復不往復本云歷歷乾坤外的的宇宙中師云作麼生是六六三十六本云今日既然煩道用得師坦蕩至無為師游園見千葉蓮池乃問僧云池在這裏蓮在甚處僧云白浪起時應難見未覩波澄別却

逢師云明向上事僧却問師池在此蓮在甚處師云未至日蔽青箒外時來透向碧波心僧遂以頌呈四海應難見五湖易得存綠波還有月白浪忽成紋朵朵分千葉數株共一根久在池中長誰人折上盤問七星光彩天將曉不犯皇風試道看師云將軍馬蹄紅僧云錯師便打僧云灼然師云七捧對十三僧禮拜師噓噓問法華曾演汾陽旨白雲今日事如何師云誰知蓆帽下元是昔慈人問驪珠逐月即不問龍颯衝星事若何師云寒光急急問萬里無雲即不問一條霜刃事如何師云誰敢動著僧禮拜師云小慈妨大慈便

打問智識不到處時如何師云三門不曾開
僧云誰是知音者師云口似鼻孔問寶劍未
出匣時如何師云住僧云出匣後如何師云
點僧禮拜師云三三問如何是佛師云波斯
倚夜臺問古人道承言者喪滯句者迷學人
愁不恁麼時如何師云點檢古頭看僧云官
不容針私通車馬師云伶俐人難得問明月
海雲邊不得舒光直透水晶宮時如何師云
打破了來相見問佛身充滿於法界未審向
什麼處行履師云眉毛重多少僧云不離當
處常湛然師云滯慾迷封問不落言詮請師
端的師云鐵門路喚問驪龍含月即且置龍

劍衝天試用看師云山河發峇日月斗昏僧
禮拜師噓噓僧問如何是佛師云老僧當門
無齒僧云為什麼如此師云只為老僧諤佛
小叅示衆云諸上座禪僧家以寂住為本夫
行脚者不在觀州觀府看山門景致過時為
什麼事蓋為生死事大從上古人凡到所在
見一箇村院主也須問過如今晚學往往蹉
過不肯迎相博問記得龍牙問德山學人仗
鎮卸劍擬取師頭時如何德山便引頸牙云
師頭落也德山便休諸上座莫是德山無機
鋒麼為當別有道理乃云德山引頸龍牙劍
鏖 小叅示衆云諸上座佛法有什麼事

也莫見老和尚道無事便無事去法身無為
 不墮諸教古德道不信佛菩提是則解空第
 一所以道說佛說祖談玄談妙皆屬增減語
 既然如是諸人又向什麼處參須具行脚眼
 始得乃拈拄杖云有人道得麼出來相見有
 麼有麼衆無對師云老僧今日失利

多四

八

師因入縣看官岑負外問文殊騎師子普賢
 騎象王和尚為什麼不乘騎師云院中無外
 云達磨乘蘆渡龍慶江和尚打轎又且何妨
 師云山僧不捏怪 師訪郡主郎中云舍
 弟屯田不會祖師道師云屯田雖不會刑部
 又且標格不同中云雖然如是奈何心中未

達師云文彩已彰中云不敢師云爭敢埋沒
 中又云今時參學人好教他見德山師云見
 後如何中大笑師云對觀不施 天使牛
 太保入寺舉李都尉法身頌請師指示師云
 天使甚愛人事使云東京城裏人東京城裏
 說話西京城裏應喏使云不會乞師指示師
 云張公喫酒李公醉鍾馗解舞十拍子使云
 弟子夙生多幸作禮而去戚殿丞入寺游山
 行次見栗種遂問黃底是白底是師云栗戚
 公令人搥破師云今日遭皮剥戚云也須點
 檢師云今日失利戚到清泉又問泉為什麼
 太混師云昨日山中大會戚云今日事作麼

生師云開從何處來王學士同運使到院師
 云請學士祇應運使說話山僧只知林下事
 學云未審林下事如何師云苦益菜羹粟米
 飯又云偏打不防家師至荆南分金善
 和尚處問回互不回互師云怒不恁麼金云
 為什麼喫福昌捧師云一家有事百家忙金
 云為什麼脫空謾語師云事不孤起金云入
 水見長人師云調琴澄太古琢句體全真遂
 呈頌云回互不讓前當頭戶底閑罕逢臨際
 喝蹉過老德山丑事後他到烏道絕人攀個
 儻天然竅坐斷趙州閑到公安遠和尚
 處問作麼生是伽藍師云深山巖獨虎凌草

露群蛇遠云作麼生是伽藍中人師云青松
 蓋不得黃葉豈能遶遠云道什麼師云少年
 翫盡天邊月潦倒扶桑勿日頭遠云一句兩
 句雲開月露作麼生師云照破佛祖
 師到荆南延壽賢和尚問海竭人亡作麼生
 師云毒蛇不咬人賢云為什麼如此師云風
 引溪雲斷泉衝石徑斜師到夾山入真首座
 室云還見麼云萬事全無真云還不見麼師
 云千般皆在手師遂問首座未見澄散聖時
 如何座云湖南江西師云見後如何座云江
 西湖南師云却共首座一炷座云打草要蛇
 驚師云某甲終不捏恠偶述頌呈同往韶陽

路行來迫且殊南蓋猶不顧北嶽豈能拘有
 語深藏却無言淺露珠雖然名得免聲已振
 西瞿師到神鼎鼎問一朶峯峦上獨樹
 不成林作麼生師云水分紅樹淺澗遮碧泉
 深鼎云作麼生是回互之機師云盲人却無
 眼頌云天曉不明海亂珠情無換出背擎書
 劣形馳步愁長路絕念還同上太虛
 師到福嚴承和尚問作麼生是圓容相師云
 木人嶺上休相覩石女溪邊更莫逢師遂問
 如何是和尚圓容相嚴云老病尋常發躡踵
 無較時師云容即不問如何是圓嚴云法界
 廣無邊師云圓即不問如何是容嚴云消却

了也嚴遂問不容不圓時如何師云虛空無
 背面鳥道絕東西遂呈頌云溢月流波灌紫
 微交羅紅滄海心飛圓容妙相權施設個儻
 無門說向誰師在福嚴入惠照室問承
 古有言狸奴白牯却知有三世諸佛為什麼
 不知有照云只為太惺惺師云狸奴白牯為
 什麼却知有照云爭怪得伊師却問如何是
 福嚴境照云漱泉秋鶴至蟬樹夜猿過照却
 問作麼生是南岳境師云風休林自直雲靜
 月弥新照云作麼生是境中人師云草色青
 隨步藍光碧照衣師到石霜入慈明室
 明云作麼生是向上一竅師云二竅俱明霜

云還見七十二峯麼師云有甚掩麴霜云道
什麼師云今日觸忤和尚霜便打師云作麼
生霜云將謂收番猛將元來是小小長行師
云雅淡呈秋色馨香噴月華遂呈頌云收番
猛師彼方奇勢劣翻思握劍歸塞外從教誇
勇健寰中爭敢鬪龍威放開急著金牙竅更
閉那吒擁節旗蘇武英雄能透出張良喪却
目前機 到大愚芝和尚處問古人見批
花意作麼生師云曲不截直愚云那箇且從
者箇作麼生師云大街拾得金四隣爭得知
愚云上座還知麼師云路逢劍客須呈劍不
是詩人莫獻詩愚云作家詩客師云一條紅

線兩人牽愚云玄沙道諦當甚諦當又作麼
生師云海枯終見底人死不知心愚云却是
師云樓閣凌雲勢峯巒疊翠層遂呈頌云鳳
返自騰霄漢去靈雲拖樹老鴉栖古今休頌
拖花意天上人間不可陪 師到廬山羅
漢祖印大師處即舉頌云北斗藏身事已彰
法身從此露堂堂雲門賺殺他家子直至如
今亂度量乃云老僧當時作此頌直得天下
老和尚不肯上座作麼生師云爭敢印云作
麼生師云凌晨昇寶座應不讓南能遂呈頌
云北斗藏身事坦然法身無狀透何邊後人
不曉前人意水底撐船捉月天 師到栖

賢入室問如何是佛賢云張三李四師云意旨如何賢云餠餅討甚汁遂呈頌云去短求長本不移他人與汝未為奇雖然構得些些飽終久何曾免得饑 師到祖峯戒和尚處入室戒問作麼生是絕羈絆底人師云畚手把馬籠戒云却是作家師云背邊打不着戒云為什麼却上來下去師云和尚向甚處見上來下去戒便打師云一言無別路千古不來人遂呈頌云直上猶難到回來轉更遲若言禪與理特地隔須彌 師到蘇州翠峯素和尚處入室舉僧問風穴如何是佛穴云嘶風木馬緣無絆背角泥牛痛下鞭峯間

背鞭一句作麼生道師云翻身師子威雄大爭敢當頭露爪牙峯云放你一線道師云七頭八倒峯云收師云了 到翠峯頭和尚處問牛喫草草喫牛師云回頭一就尾宛轉萬重關峯云應知不背面須教在目前師云驗在目前峯云自領出去 師到杭州興教入室舉僧問一和尚如何是佛一云陳橘皮師遂問意旨如何教云猫兒頭上雀兒窠師遂呈頌云問佛師言答橘皮更無一法可相遠眉毛翻起應難見背向終教是與非復頌云寸草密藏師子多猫兒頭上雀兒窠擬欲傾窠不夜命直隨鷄子過新羅 到抗

州西菴菴主曾見明招舉一頌云絕頂西峯
 上峻機誰敢當超然凡聖外瞥起兩重光師
 問如何是兩重光主云月從東出日向西沒
 師云菴主未見明招時如何主云端傾油難
 盡見後如何多心易得乾師到瑯琊問上座
 近離甚處師云兩浙瑯琊云船來陸來師云船
 多四
 采瑯云船在甚處處師云步下瑯云不涉程
 途一句作麼生道師云杜撰長老如麻似粟
 便拂袖而去瑯遂問侍者此是什麼人者云
 舉上座瑯云莫是舉師叔麼當時先師教我
 尋見伊遂親下且過堂問上座莫是舉師叔
 麼莫怪某甲適來相觸忤師便喝復問長老

何時到汾陽瑯云恁時到師云我在浙江早
 聞你名元來見解只如此何得名播寰宇耶
 遂作禮頌首山西來意 風吹日炙
 少人知頂仰先賢對此機饒君曠劫生前會
 穿耳胡僧也皺眉 透法身二頌
 人問透法身隨宜為指陳大地如膠漆長江
 波震聲湏弥起舞天帝不曠一人之力不如
 百人 網宗 兩及交鋒事嶮巖沙場
 六月雪花飛如今更擬圓真實白眉應教入
 素闌 十二時歌 夜半子伊余靜坐
 寒堂裏月圓日滿不曾虧方朔由來悞宮徵
 鷓鳴丹森羅万象歸元首一聲聲後九衢聞

年光任你侵蒲柳 平旦寅向龜穿破鬪

骸門山伯不知何處去扶桑天子笑竹竹

日出卯千門万户呈機巧織成蜀錦與具綾

到頭成壞行相挽 食符辰歲細將來不

厭忻寒則着衣飢喫飯途中往往問踈親

馮中已華藏已開見惹氏驚起毗盧頂上人

多四

十三

拍手呵呵開闢裏 正中午歸歸軋城猶

未許金輪天子下閻浮移却西天作東土

日映未石室老僧禪未起門前時有問津人

樓至擎拳先指示 曠時申柴門不掩去

來人石室卅霞謾費力歷歷分明真不真

日入酉時擊踈鐘滿林吼自他爽昧各方圓

剛被時人分好醜 黃昏戌才燭銀缸昏

暗失晦魄山童速報來金烏早向西方出

人定支抖擻壞衣線長在不羨羅紈錦繡袍

迦葉師兄相笑待

此

古尊宿語錄卷第二十八

多四

古尊宿語錄卷第二十九

多五

僧錄司有蘭教兼鍾靈谷禪寺住持 淨戒 重校

龍門佛眼禪師語錄之一

佛眼清遠禪師臨印李氏子師初住舒州天
寧開堂日提刑學士權郡承議燒香度疏與
師接得示大衆云天不能蓋地不能載漏泄

多名

一

天機言言堪愛且道如何是堪愛之言良久
云分明記取舉似作家遂度與表白宣罷師
指法座云古聖道為法未耶為床座來耶我
為法來非為床座師咄云是何言歟便陞座
拈香云此一辨香祝迺
今上皇帝陛下伏願龍圖永固鳳曆長新八

表稱臣四維歌化次拈香云此一辨香奉為
提刑學士權郡承議洎閩郡尊官伏願嘉聲
藹著善政日新頻承雨露之恩坐聽益梅之
詔次拈香云此一辨香遙知落屢麼欲隱弥
露在晦愈明本欲拋擲岩阿混于沙石苦為
諸人教逼不免細說來由奉為我先斲州黃
梅東山演禪師一爐焚却用陪法乳之恩聊
表化儀雖然恩大難酬未免拋三放二遂跌
坐山谷和尚白槌云法筵龍象衆當觀第一
義師云觀即不一一即不觀第一義門今在
何所釋師云太阿橫按截萬機於掌握之中
寶鑑當臺現羣象於無心之表有緣即應故

問答以縱橫不令而行乃言象而罕測影譬
 之士斯何足云所以佛付佛祖付祖更無絲
 髮之異豈有東西之殊不立階梯單傳是事
 若非靈根頓悟大用現前未免業惑海深妄
 塵自隔遂拈起拂子示衆云還見麼若見見
 箇什麼若見箇拂子正是凡夫若言不見此
 是拂子如何說不見底道理道人到此須是
 付量不可輕心取於流轉誠非小事實在悟
 明所以聖人得此事莫不統三界領四生号
 令聖凡扶顛拯物大衆從上諸聖入此門中
 各令啓悟勞生破諸塵妄記得靈山會上四
 十九年說不盡末後分付欽光少林九年之

間畢竟獨許二祖尔後光分震旦道滿寰中
 臨濟德山威行雷電皆為上祖不了致令殃
 及子孫遂舉拂子云大衆從上許多賢聖如
 今總在山僧拂子頭上各各坐大蓮華說微
 妙法交光相羅如寶絲網還信得及麼若信
 得及山僧出世一期之事已得周圓其或未
 然不免自通消息去也十字路頭吹玉笛淡
 雲輕日正清秋久立 多五 上堂世尊拈花迦
 葉微笑親切親切省要省要眼目定動料料
 掉掉為報先生莫打之遠何也文不加點下
 座 二 上堂云達磨未來此土時須信事原
 真實二祖禮三拜而立不得設有商量大衆

何故人到于今疑情不息良久曰早知燈是
 火飯熟已多時直饒恁麼信得及猶是錯承
 當自餘一切何足論之歸堂 上堂竒怪
 尋常道出門便作還鄉計直至如今計未成
 誠我言也豈不見僧問古德學人欲歸鄉
 時如何古德曰子父母徧身紅爛卧在荆棘
 林中子歸何處曰恁麼則不歸也古德曰却
 須歸去有箇絕糧方子與你僧曰便請古德
 曰二時上堂不得咬破一粒米大衆荆棘林
 中紅爛盡無路還鄉二時堂內絕糧方却須
 歸去所以山僧二十年披雲嘯月未始遊方
 十來年接物利生何嘗出世諸人皆把父母

契券論量祖業田園就赤水以求珠珠沈赤
 水向荆山而覓玉玉隱荆山說道赤水無珠
 荆山無玉是誑誑你說道赤水有珠荆山有
 玉亦是誑誑你山僧有時畫方成圓指南成
 北何故如此蓋為諸人唱還鄉曲子曲調不
 圓熟路難忘鄉談未改非指南之不妙也如
 何得曲調圓去豈不見道平窺紅爛處暢殺
 子平生下座 上堂良久云山僧今日與
 諸人同叅一箇真善知識便下座 上堂
 僧問德山入門便棒臨濟入門便喝未審師
 如何接人師云不虧不欠進云便恁麼去時
 如何師云第一不得招根師復云光陰倏忽

多五

三

變化密移始見望朝又已念日諸人還知先
陰不變化日月不遷流麼快須究取昔日六
祖大師作居士時隱於廣州法性寺印宗法
師席下過夜廊廡間有二僧風幡競辯未盡
厥理祖師躡步而謂曰可客俗士得預高論
否直以非風幡動仁者心動告之大衆抵如
夜來風起且道是風動不是風動若道不是
風動如此觸簾動戶簸土揚塵作麼生不是
風動還斷得出麼山僧道也不是風動也不
是幡動也不是心動有人識得麼青山無限
好猶道不如歸珍重 上堂兩岸蘆花一
葉舟涼風深夜月如鉤絲綸千尺慵拋放歸

到家山即便休 上堂舉僧問趙州萬法
歸一一歸何處州云我在青州作一領布衫
重七斤大衆至音絕韻妙曲非聲通身不挂
寸絲赤躰全無忌諱諸人切莫拈龜舐指直
須截斷舌頭放下身心自然快活眼若不睡
諸夢自除心若不異復名何物快活快活
堂喫茶下座 上堂若有一人發真歸源十
方虚空悉皆消殞從前先聖豈不發真歸源
如何十方虚空至今尚在又云漚滅空本無
况復諸三有幻漚既滅虚空殞無三有衆生
從茲殄悴四生九類如何得無又云清淨本
然云何忽生山河大地既生山河大地如何

得復清淨本然既復清淨本然云何却見山河大地大衆如何即是良久曰水自竹邊流去冷風從花裏過來香好大哥歸堂 結夏上堂揮戈佛日不西派照徹人間洞九幽從此安居無一事休將玄妙挂心頭 五祖演和尚遷化遺書至上堂昨朝六月二十六無

多五

一

及未從初至終盡善盡美真善知識清遠忝承提訓痛傷可量古人道將此深心奉塵刹是則名為報佛恩昔日大梅遷化時上堂聞鼯鼠聲乃云即此物非他物汝善護持吾當逝矣我先師上堂告衆云富嫌千口少貧恨一身多以本校古絲毫無差諸人還知大梅東山二老子去屢磨若知得則不辜負先師若也未知有寒暑兮促人壽有鬼神兮妬人福下座 上堂卓拄杖一下喝一喝云捧喝齊施古佛宗三玄三要絕孤蹤白雲消散青山在明月蘆花對蓼紅又卓拄杖一下喝一喝下座 解夏上堂以一粒芥子擊脩羅窟

於中宴坐九旬振六鐶錫杖登須弥盧直上
 安居三月倚長松而自誓臨綠水以經行周
 游井邑則動心蕭蕭依處叢林則威儀濟濟
 豈論城隍聚落寧分勝地寶坊心月孤圓神
 珠炳煥六門虛靜萬法咸如如此護生豈有
 生之可護如此持律豈有律而可持案內蠟

多五

五

人通身雪冷誠堪慶賀喜何如哉吳居士為
 師龍門創坦然庵請上堂淨名居士在家人
 不二門深入者親一鉢上方香積飯寥寥千
 古轉通津大衆維摩法力居士神通斷妙喜
 世界來于此中持香積佛飯悉飽衆會三萬
 二千師子座本亦莊嚴十方三世諸如來現

前證據看他作一場佛事真箇希奇皆不思
 議之功勳自心之神力者也公明居士希風
 摩詰接跡龐公大省幻身久超正覺願迨執
 錫脩建菴宇遂尔來此聚集禪徒記得昔日
 臨際栽松次黃蘗問云深山裏栽許多松作
 什麼際云一與山門作境致二與後人作標
 榜道了以鋤頭打地兩下蘗云吾宗到子大
 行于世大衆臨際所栽者松可謂根盤沙界
 葉覆彌盧三賢十聖為憇息之方諸佛祖師
 為作止之地故得後代子孫昌盛永茂宗枝
 自古及今綿綿不斷如今衆中若有一員禪
 客出來道深山裏用起菴作什麼山僧也穩

向伊道一與山門作境致二與後人作標榜
且道與他古人相去多少大衆一與山門作
境致見者須超無學地二與後人作標榜凡
聖悟迷皆一樣若是叢林向上關有人踏着
喜無量下座 上堂少室無言語曹溪有
消息可憐門大開而人不能入蒼龍得雲雨
猛虎生羽翼但解自承當何勞問知識上堂
云古人道我有時揚眉瞬目有時不揚眉瞬
目有時揚眉瞬目是有時揚眉瞬目不是如
今人不委得了便別作解會說道得底人道
是也得不是也得問伊作麼生是得底人便
道他分上不說得與不得得也好不得也好

乃長吁一聲曰有什麼共語處祇如古人道
恁麼也不得不恁麼也不得恁麼不恁麼恁
不得又作麼生他便道此是拂跡語拂你屋
裏老耶老娘又問伊此是拂跡語不拂跡語
如何便道恁麼也不得恁麼也得恁麼不恁
麼恁得此喚作實頭語實你屋裏老耶老娘
師復呀兩聲曰有什麼共語處夫為衲僧須
作衲僧說話你等合作麼生莫道龍門不肯
我埋沒我心行我歷良我龍門恁麼是要你
到不要你到也須子細看詳好玆重 上堂
云少大師示衆云諸方尋常盡道接物利生
忽遇三種病人如何接得愚盲者來拈槌豎

多五

六

拂他又_不見患_聲者來向他說他又_不聞患
 啞者來教伊說又說不得若接此三人不得
 佛法無靈驗師云好諸兄弟還知真實相為
 處麼山僧不惜眉毛為諸人說破_抵如諸人
 尋常有雙眼又何曾見來有雙耳又何曾聞
 來有片舌又何曾說來既無說無聞無見何
 處有色聲香味來雖然如是又能有幾人到
 者般田地所以道木伎機石女兒三冬陽氣
 盛六月降霜時有語非_午舌無言切要詞會
 我最後句出世少人知午齋晨粥無餘事蓋
 茗爐香話道_奇下座上堂普光明殿在人
 間凡聖交羅絕往還若向一塵親得見毫光

照處奉慈顏上堂僧問劫火洞然大千俱壞
 未審此個壞不壞師云黑漆桶裏黃金色
 云請師答話師云閉言語上堂摠記不得天
 花滿_械縱有千言不如一默下座上堂昔
 日石丈大智禪師再參馬祖侍立次祖舉拂
 子丈云即此用離此用祖掛却拂子問云你
 他後開兩片皮將何為人丈取拂子豎起祖
 云即此用離此用丈掛拂子於舊處祖便喝
 百丈直得三日耳聾大衆說甚三日耳聾直
 得龍門打鼓上堂大衆盡皆雲集僧堂橫吞
 佛殿露柱倒掛燈籠天高地厚月白風清兩
 順風調河清海晏飢則共君食苦菜渴則與

子飲寒泉直饒天外雨花飛爭似歸堂喫茶
去下座 上堂山僧適在寢堂中法堂上
無山僧寢堂上有山僧下至法堂法堂上有
山僧寢堂上無山僧有則心外有法無則心法
不周諸上座在衣鉢下聞打鼓便上法堂法
堂上添得上座衣鉢下減却上座添則成增
減則成滅滅故落斷增故落常行脚人如何
得離有離無離常離斷生死疑情大難透脫
此是如來清淨心要宜須決擇不可等閑光
景遷流動如飛箭浮世如此人生幾何彼此
出家三界逆旅竹戶茅堂孰為其主冷淡共
居寂寞司住何故何新何憂何慮下座

行者落髮上堂露柱多年出家燈籠久已落
髮佛殿堅持禁戒三門近得休歇大事本未
平等無著清涼滿月度盡草木叢林一似陽
和齊菽下座 元日上堂萬物咸新論故
鄉擡眸元是舊耶娘先春花叢馨香遠物外
山河日月長僧問昔日跋陀尊者問法照大
師未審與今日是同是別師云古之今之進
云我松人老難傳鉢盧老區區入嶺南師云
你試舉古人底者進云厨庫三門鍾樓佛殿
師云恁麼又爭得進云忽遇七手八脚底人
果又作麼生師云截斷脚根道將一句米進
云昨日有人從舒州去師云亦是悠悠者復

學僧問百丈如何是奇特事丈云獨坐大雄
 峯僧禮拜丈便打師云錯打人僧問德山如
 何是奇特事山云我宗無語句亦無一法與
 人師云猶較些子僧問羅山如何是奇特事
 羅山云道什麼師云成何道理大衆古人鈎
 頭着餌意在得魚如今洗脚上舡能有幾箇

多五

或若人問龍門如何是奇特事山僧向伊道
 此去太湖不遠恁麼說話有甚奇特又向伊
 道咫尺是棠梨大衆還會麼等閑如不會須
 作等閑看下座 上堂身中有生老病死
 念上有生住異滅國土有成住壞空此十二
 種事甚能奇特凡夫不識為之漂流如來出

世指出涅槃妙心常樂我淨譬如還丹一粒
 點鉄成金至理一言轉凡成聖此十二種抵
 是一法現定如今塵塵听法者是還信得及
 麼乃云月中丹桂偏禁冷雪裏梅花獨放香
 下座 上堂悟時此事元來易迷後斯門
 實大難處處綠楊堪繫馬家家門口透長安

上堂三月初三二月二不壞假名談大義衆
 生役役逐光陰道流所以無虛弃二月念九
 三月一摩訶般若波羅密假使多聞達古今
 歷劫何曾異今日今日事作麼生良久曰何
 更今日 上堂從上諸聖見人樂著塵勞
 不求出離遂生憐愍之心告之曰你隨聲逐

色名曰狂人大衆好言語慙愧諸聖恁麼道
 雖然如是已是打開布袋不能折合得龍門
 今日倒底傾出有人得者永息希求乃拈拄
 杖卓一下云豈不是聲你尋常作麼生隨又
 舉起拄杖曰豈不是色你尋常作麼生逐還
 會麼若能隨逐元無縛便是叢林了達人又
 立多五浴佛上堂如來妙色身真實難藏覆
 不掛本來衣豈著娘生袴無憂樹下降生時
 南北東西行七步行七步度盡衆生無所度
 今晨四月初八我佛如來降生之日天下精
 藍煎湯浴佛佛則從諸人浴且道如何是佛
 要知麼佛名如來常在不滅有人見得山僧

更不切切若無人見得山僧重說偈言昨日
 如來垂法雨今朝法雨洗如來了然一味無
 差別雲外青山采采開欲報如來深恩殿上
 重新浴過下座 結夏上堂龍門結夏勝
 諸方大地山河為奉揚若向九旬參得透更
 無佛法可商量 上堂萬古長空一朝風
 月古人恁麼告報大好言詮豈可以一朝風
 月昧却萬古長空豈可以萬古長空不明一
 朝風月此是廣大深法自在之宗若也明得
 何處更有一絲頭刺法來久立 上堂三
 日不相見莫作舊時看山僧近來非昔人也
 天是天地是地山是山水是水僧是僧俗是

俗別也非昔人也有人問未審已前如何山
 僧住時天是天地是地山是山水是水僧是
 僧俗是俗所以迷情擁蔽翳障心源如今別
 也或有人出來道某甲亦如和尚天是天地
 是地山是山水是水僧是僧俗是俗還得否
 不可直是未在還有揀辨得麼若揀得是上

座道眼圓明若揀不得絲竹喧天船上樂綺
 羅照水岸邊人珍重師復云親切中直是親
 切省要中直是省要還會得麼諸人盡是教
 志探玄意求出離山僧道裏終不拈今幸古
 取是捨非惑亂諸人你若不來山僧也無可
 得說你若上來山僧不免在你身上割一塊

子似與你還知痛痒麼忽然知得可謂親切
 也若不知來由便道者一塊子那裏得來得
 恁麼香得恁麼臭得恁麼生得恁麼熟還委
 得麼不離當處常湛然覓即知君不可見珍
 重 上堂了知一萬事畢釋迦弥勒欣今
 日但得心安是處安無灾無難無今昔要知

多五

佛法根源記取五月初一下座

端午上

堂今日端午世間人釘桃符書門闔使萬邪
 不窺其戶百鬼不入其門世間人又使針燒
 矢採藥登山使萬病不干其体疫癘不入其
 身遂失聲叫曰阿哪哪阿哪哪盡大地人燒
 破皮肉教山僧受無限苦痛昔楚大夫以忠

言不用沉于湘江後人哀之以竹筒盛飯繫五色絲祭之風俗至今流傳不斷遂嘔吐數聲曰世間人喫却米糝教老僧脹破肚皮大眾別人燒灸別人喫物為什麼龍門長老受痛受飽未能情忘緣慮事出見聞於此門中遂為戲論豈不見先聖有言曰懷州牛喫未

益州馬肚脹天下覓醫人灸猪左膊上何也遠走不如近匍匐久立 上堂入得龍門事事奇聞聲見色不思議山水綠綠何事盡是諸人力使之 上堂卓拄杖云還搆得麼莫道今日猶較些子直傾向無摸索處傾湫倒岳搆得始得山僧恁麼道可殺不識

好惡雖然如是直饒你搆得我更問你做前殺盜婬妄罪飲酒食肉罪教什麼人還又卓拄杖云金剛作醜佛受香油 東山和尚忌晨上堂先師當年末後句與人皮下挑出刺譬如六月中水銷鎔處處皆相似後來听響各流傳更加一二與三四箇中孰是無耳人明見去來不生死先師老和尚某奉侍日久多蒙苦口提撕追遠之誠何可忘也聊設小供諸人且道先師還來也無若道來入滅十餘年如何見得來底道理若道不來又用設齋作什麼道來也有設說道不來也有設訛若為得無設訛去還知得麼三箇渾崙

多

十

鉢餒餒一雙無縫木饅頭久立 上堂大
衆或有人喚上座上座便應設使不應心中
也須領覽今時孝人便道應底是也領覽底
是也若如此會便是入地獄漢子是即且置
且道面前是阿誰喚你是有人喚耶是無人
喚耶還裁斷得麼若是有人喚山精鬼魅喚
你時天魔外道喚你時如何辨白若道無人
喚你又不聲不駭如何得無人喚者箇是十
二時中生死路頭事諸人明得麼有人喚生
迷亂無人喚遭繫絆若能行生死斷萬兩金
終不換下座 解夏上堂叱目仙人執善
財手頓見過去微塵諸佛及其放手宛然依

舊龍門長老領諸大衆爰於此地結足安居
及其解夏宛然依舊善財依舊處微塵諸佛
含攝有歸大衆依舊處三月九旬歛收無迹
還會麼毛端藏刹海芥子納須弥不離見聞
緣超然登十地四生六道即心自性三塗八
難普現色身居華藏海之中住不思議之內
如斯之旨乃吾輩之常分耳還信得及麼
上堂今日七月二十解夏來又是五日也你
禪僧家盡道我會也且道今日是七月二十
不是七月二十或若當此一問於佛法中如
何抵對有底師僧道何不問本分事者箇是
世間日月大衆那箇是世間日月又豈有不

管底法又有師僧道不動世間一星子就上
使明取恁麼事今日七月二十也大衆那裏
是不動底一星子得安樂底人終不作者般
去就山僧問你今日是七月二十不是七月
二十有人明得麼古人云世間事明不得佛
法大遠在者裏若分疎不下一切處碍塞殺
人還知麼多五大火聚中難著手清涼池內易安
身久立上上堂舉僧問雲居如何是道中
人對云如死人手道中人相見時如何對云
如死人眼大衆作麼生是如死人手師拈拄
杖云不執捉怎生是如死人手師擘開眼云
不照燭你諸人好會取抵如前日七送僧山僧

道一隊死漢送箇活漢有人會恁麼說話麼
怎生是一隊死漢師云移身不移步怎生是
一箇活漢師云萬機俱不到後生兄弟初秋
夏末何不哮吼一聲壁立千仞令我知你
是箇人向活中明取死句死中明取活句若
不然者求生不得生求死不得死喫辛苦也
直須哮吼一聲下座上上堂僧問道在慵
開口詩成自點頭時如何師點頭數下僧云
今日得遇也師云莫亂開口師復云諸人每
日行千行萬不是不到何故却不分曉祇為
信之不及若信得及則不行而到也十方世
界事不待思量一時曉了得諸人每日說千

說萬不是說不到何故却不分曉亦是信之
不及若也信得及則實無所說也三世如來
所說之法不待思量一時曉了得大衆還到
恁麼田地也未我此宗門祇論正悟不論會
解若是為生死底人須求親正若是人我叅
學之人耻為不會須求覓解會到處覓相似

多五

十三

語句通相印正滅胡種族已後胡乱教壞人
家男女我此門中都無是事還知麼聾人也
唱胡笳曲好惡高低自不聞 上堂世人
盡道路行難本分真金入火看煉去煉來金
体淨一槌打作玉闌干 請化士上堂一
竿一笠一蓑衣急水灘頭下釣絲鉤上錦鱗

容易得蘆花深處月明歸舉古人問三尊宿
二龍爭珠誰是得者一云得即失一云老僧
祇管看一云誰是不得者師曰得即失著忙
作什麼老僧祇管看看濟什麼事末後一則
語誰是不得者若人會得祖師言句一大截
教自然不疑去還明得麼誰是不得者非取
亦非捨馬駝馱時便是歸來也下座
上堂打動龍門鼓喚起鉄餛飩請君一咬破
山僧豈相賺先師曾得力滋味今不減若也
不柰何好箇鉄餛飩 上堂舉長沙和尚
云我若一向李揚宗教法堂前草深一大誠
哉是言也玄沙和尚云因汝顛倒知見方有

往來誠哉是言也龍門尋常見汝諸人恁麼所以向汝道不恁麼你須是不恁麼始得諸人不恁麼龍門所以向汝道恁麼你須是恁麼始得諸人道恁麼不恁麼龍門所以道非恁麼非不恁麼你須是非恁麼非不恁麼始得諸人非恁麼非不恁麼龍門所以道恁麼不恁麼你須恁麼不恁麼始得大衆情亡智現病去藥除豈不是箇脫洒衲僧龍門尋常還有一句子到諸人分上麼不見僧問馬大師離四句絕百非請師直指西來意大師云我今日無心情汝去問取智藏僧問智藏藏云今日頭疼汝去問取海兄僧又去問海海

云我到這裏却不會僧拏似馬大師師云藏頭白海頭黑大衆說白道黑理甚分明諸人還見馬大師麼父立也太無端 上堂云若論此事如中秋夜望圓月相似淨無雲翳人皆見之南閻浮提無所不照諸人各在他鄉異井各有父母家山你道彼中還有麼山多五川溪谷迥絕無人到處彼中還有麼又爭得無來人各自謂得見是月然此滿月不此方來不被方去若此方來彼則無也若彼方去此何故見之四維上下亦復如是所以道並安千器千器皆圓一道澄江一月孤瑩昔有人指月問南泉和尚何時得恁麼去南泉曰

王老師二十年前亦曾恁麼來大眾向你道
 此事無你卜度處無你名邈處如今禪和家
 盡道我會得也什麼處是照不著且問你照
 得著底事上座前生自何處中來此身沒後
 復生何處作天耶人耶地獄耶餓鬼耶作畜
 生耶若不委知空然有此語要作何用馬大
 師一日翫月次二三弟子侍座大師曰正當
 恁麼時如何西堂曰大好供養百丈曰大好
 修行南泉拂袖而去大師曰經歸藏禪歸海
 唯有普願獨迢物外看他如斯論量也大奇
 恁大師致此一問諸大士直得息剎補剎望
 作全人塞壑移峯貴就平坦還契得馬大師

此一問麼委悉得麼良久曰幸無偏照處剛
 有不明時 上堂祖師云亦莫愛聖憎凡
 會得凡夫法便是聖人法識得聖人法即是
 凡夫法盡知道凡聖不二為什麼凡夫漂流
 諸聖解脫又道亦莫拋迷就悟如今悟底是
 向來迷底如今迷底是向來悟底盡知道迷
 悟不二十五為什麼迷者依前壅塞悟者依舊惺
 惺諸人還辨明得麼凡聖悟迷如透了洞然
 明見本來人敢問大眾如何是本來人尋常
 師僧家道什麼處不見本來人馭脣先生豈
 是泗州大聖又道渠無面目甚處逢渠遠水
 不救近火離此二途如何是本來人良久云

設使聞來悟爭如自得親下座 上堂昔
無着和尚游五臺禮拜文殊到山下投一寺
宿遇一老僧祇待次問無着曰上人自何而
來無着曰南方來老僧曰南方佛法近日如
何無着曰末法比丘少奉戒律僧曰多少衆
者曰或三百或五百着問和尚此間佛法如
何住持僧曰凡聖同居龍蛇混雜着曰多少
衆僧云前三三後三三着不省遂令童子以
琉璃盞點茶度與着遂問曰南方還有者箇
麼着云無曰既無將什麼喫茶着又不省復
令童子送出門外着觀寺無額乃問童子此
寺因何無額童子指背後金剛著回顧忽然

不見童子止見身在一林中大衆無著遠遠
遊五臺禮拜文殊及乎親見要且不識誠實
苦哉是故明昭和尚頌云廓周沙界聖伽藍
滿目文殊接話談言下不知開活眼回頭祇
見翠山岩雪竇和尚亦有頌云千峯盤屈色
如藍誰謂文殊是對談堪笑清涼多少衆前
三三與後三三大衆此二頌通古徹今美則
美矣要且不見文殊山僧今為諸人頌出乃
云青山門外白雲飛綠水溪邊引客歸莫恠
坐來頻勸酒自從別後見君稀下座
上堂靠拄杖肩上謂衆曰好笑好笑乃呵呵
而笑昨日有兩人共說一件事與山僧山僧

聞得一夜笑得腸肚痛又呵呵而笑大眾要
知麼有一人云今日是初三官曆上寫來村
裏人道是初四乃村下曆頭問老僧道是初
三麼山僧向道是初三是官曆麼山僧云是
官曆村裏謂之初四是村下曆頭麼山僧云
初四是村下曆頭其人點頭又有一人云今
日是初四官曆上寫來村裏人道是初三乃
村下曆頭長老如何山僧向伊道是初四初
三是村下曆頭其人點頭兩人相見具說其
事一人云長老向我道是初三一人云長老
向我道是初四兩人遂來見山僧云今日是
初三是初四山僧聞得笑殺兩人云長老不

多五

十六

要涵涌好好分明說山僧向道汝自不分明
何處是涵涌大眾會得此意麼山僧見伊不
曉也不柰何衆中禪僧道長老如何鳴鼓集
衆了也不說些佛法及祖師西來意却理會
世間閑日子此是世人情見山僧聞了問伊
道世間有什麼閑日子又那箇是情見把來
看伊元來不會見伊不會更作箇頌子李似
伊頌道言親事亦親無偽亦無真愚俗稱為
我邪徒喚作神是我何曾我言神豈是神人
生須特達乃提拄杖下禪床曰丈六紫金身
座前又謂衆曰也不屈著你 上堂僧問
大用現前不存軌則時如何師云誰信你僧

便喝師云更進一步看僧云幸有一弓三下
 箭當機要射不平人師云少曾年決龍蛇陣老
 倒還同推子歌僧又喝師云元來抵是野狐
 精僧礼拜師云何曾大用現前師復云古來
 有一人南泉和尚諸人還識否若識得一生
 不空過好南泉和尚莫教見而不識還識麼
 曾有一俗士多五問曰弟子家中有片石也十七曾坐
 也曾卧如今欲鑄作佛不知還得否南泉曰
 得莫不得麼不得有人明得此旨也無南泉
 道得龍門云好个佛南泉道不得龍門云好
 片石還見否是他道弟子家中作麼生說家
 家在什麼處諸仁者親從家裏來家中仰所

有持此一片石廣大堅且久靈山曾敲佛帝
 釋聊奉手中出何物安樂并長壽下座
 聖節上堂 皇帝以天下為家兆民為子父
 子一軀天下一家王愛於民民敬於王愛敬
 既同王道無外所以佛言如民得王又云如
 民之王且王外無民民外無王王在民外民
 不受賜民在王外王道不廣如何曰民無知
 曰民如何曰王聖神曰王今上皇帝至神至
 聖為民父母天寧降誕之節日月星辰連珠
 合璧江河淮濟激濁揚清乾坤造化草木虫
 魚呈祥瑞顯奇特皆 皇帝至德之所感致
 也伏願南山比壽北嶽齊齡永永萬年無窮

無盡遂下禪牀作舞曰會廢山僧舞蹈揚塵
 萬歲萬歲萬歲下座 上堂李昔有一
 秀才見長沙和尚看千佛名經問曰許多佛
 抵聞其名未審居何國土長沙曰黃鶴樓崔
 顛題後秀才還曾題否對曰不曾長沙曰無
 事題一篇好秀才因措大衆秀才問佛居何
 國土長沙為什麼却恁麼道秀才尋常朔風
 詠月為什麼長沙面前一餅不措若是黃鶴
 樓有什麼難題處听取山僧題破遂云容顏
 甚奇妙光明照十方我適曾供養今復還親
 近下座 上堂平旦寅狂撒內有道人身
 大衆二六時中折旋俯仰行來走去說是說

非分南說北運用施為開單展鉢喫粥喫飯
 盡是狂機且道那个是道人身良久云碧落
 有情空悵望瑤臺無路可追尋下座
 上堂適來山僧夢在寢堂上聞法鼓遂下堂
 階夢見諸人上來近前問訊便登法座侍者
 燒香了如今正作夢中之人施陳夢事你等
 諸人還夢見麼若真見得是為覺人不省夢
 卿宛尔沉沒還有一法與你為對麼不見古
 人道目前無法意在目前不是目前法非耳
 目之所到可不是奇特還夢見麼釋迦如來
 道如寤時人心縱精明欲何因緣取夢中物
 遂拈起拂子敲禪牀云是什麼還聞麼徒豎

多五

十六本

起拂子云還見麼良久云人間天上諸知識
爭似龍門夢得親下座

樂

樂

樂

古尊宿語錄卷第二十九

多五

永樂北藏

古尊宿語錄

第一九七冊

古尊宿語錄卷第三十

多六

龍門佛眼禪師語錄之二

僧錄司右開教兼鍾山靈巖禪寺住持 淨戒 重校

上堂僧問古者道諸佛不出世四十九年說諸佛既不出世為什麼四十九年說你疑來多少時也進云祖師不西來少林有妙訣祖師既不西來為什麼少林有妙訣師云知恩者少負恩者多進云恁麼則一人傳虛萬人傳實師云虛處作麼生傳來進云任從滄海變終不為君通師云禮拜着師復云始自隻履西歸卷衣南邁空間消息流落人間古往今來適相敬受大似一人傳虛萬人傳

實山僧病多諸藥性年老變成精不是刻剝古人免見互相埋沒諸人應是從前覺觸往日見知從人邊請益得來言語中幸時中的出入遊戲則不無究竟真實大事萬不可得但能情亡理喪計盡途窮無施設處用心正是作功夫處山僧尋常祇道喫茶去今日也道喫茶去會盡諸方五味禪何似山僧喫茶去上堂擬思量何劫悟不思量終莽鹵欲思不思踏破時萬里無雲常顯露常顯露妙用恒沙非旦暮諸禪伯正好休征罷戰永息干戈傍水依山成就大事沉是人生易老壽命幾何或若生死現前畢竟將何支準不見

古德道若不安禪靜慮到者裏捻須忙然久立
 上堂來來去去去來時去去來來離
 覺知了得去來無罣碍方知塵劫不思議所
 以道來無所來去無所去去來之際生死照
 然前念生是來後念滅是去求其來去了不
 可得乃至前生後生今年去年更無絲毫遷

爰之相如斯會得始絕去來但以衆生背背
 合塵去來輪轉苟能洞達復有何事昔石頭
 大師一日問龐居士子近日如何居士曰卒
 說不及乃呈一頌日用事無別唯吾自偶諧
 頭頭非取捨處處勿張乖朱紫誰為号丘山
 絕點埃神通并妙用運水及般柴 石頭默

然許之後造江西問馬大師不昧本來人請
 師高著眼大師直下覩士云一等沒絃琴唯
 師彈得妙大師直上覩大衆若不是馬大師
 被他一問百雜碎諸人喚什麼作本來人若
 無本來人作麼生眼見色耳聞聲種種施為
 運轉諸人還見本來人麼如今盡道本來人
 無形無相不曾着衣喫飯不生不死如此會
 得爭合本來人要知麼諸人捻是本來人一
 段生死变化煩惱無明又如何消遣听取一
 頌與子偕行今日路如君共看本來人同名
 同姓同形段無死無生無色塵畢竟如何切
 忌喚作本來人下座 上堂幸僧問洞山初

多六

二

和尚如何是佛對云麻三斤大眾有恁一件
事何故無人知得洞山見人不知了遂自頌
曰七寶畫牛頭黃金為點額春晴二三月農
人皆取則寒食好新正銖錢三四百諸人者
此一轉因緣盡謂龐言及細語皆婦第一義
又云臨機應用一切尋常如斯會解埋沒古
人要見洞山老子麼鴻鵠一卒千里飛鑽雲
鶴子與天齊鳳凰不是凡間物為瑞為祥自
有時久立 師到真乘請上堂真乘奉石
羅徧界不曾底語師云徧界不藏全躰露絲
毫有見事還差會中誰是仙陀客不動纖塵
便到家真實到家之者得意忘言伶俚在外

之人隨情起解情解既起名相是與言意兩
忘十方咸暢豈不見適來堂頭已普告大眾
如何更令山野稱提蓋為妙旨幽深人難洞
達何也既知咫尺之間為什麼却道不覩師
顏既言徧界徧空如何更云不曾藏覆還見
落節處麼若見得便見石霜老子雪峯大師
亦知龍門山僧與真乘長老又此一眾禪和
摠有分付處山僧未離本院不到此中時真
乘無一人龍門長老山僧離本院度荒山來
到真乘諸人一一相見此間有一人龍門長
老若有一人龍門長老於法成增若無一人
龍門長老於法成減故落斷增故落常既

墮斷常豈云正見一似上座未出家時無一人上座既出家後有一人上座你諸人如何裁斷得心地安樂去還裁辨得麼向此有个入處更有什麼事也或若未明良久曰不解作客久立 上堂獨自坐方信西來有達磨獨自不用紅蓮足下生獨自語分明向誰誰肯許獨自叅刹刹塵塵示指南相逢相問窮端的莫道山僧解放憨 端師翁忌辰上堂昔人已乘白雲去此地空餘綠水流綠水一去不復返白雲千載空悠悠湖南舊說老楊岐失却金毛師子兒江北江南無覓處龍門今日順風吹順風吹囉囉哩水急風

高下釣磯 上堂鳥從空裏飛人向心中住人死心宛然鳥沒空何預人生一過鳥此心實可擬但自了其心無勞問來去所以須菩提問世尊云何住世尊答曰如是住外生胎生濕生化生有色無色有想無想等皆令入無餘涅槃而滅度之而實無有一衆生實滅度者還會得麼三界万法實無絲毫生滅動靜之相祇由迷此決定或為色身之内所以質礙名色領納曰受思惟曰想迂流曰行分別曰識皆由自心之所成立為不知此名為五陰遂成色心二法不見道照見五蘊皆空度一切苦厄現前五陰之身為有耶為無耶

若能如是見得實無生死等事或未然者豈
無去來有一則無生死因緣幸似大衆昔漸
源同道吾弔慰乃拊棺問道吾曰生耶死耶
道吾曰生也不道死也不道漸源不省後聞
僧念蓮經應以比丘身得度者即現比丘身
而為說法忽然省得遂至石霜携鉢法堂上
從東過西從西過東石霜曰作什麼漸源曰
覓先師靈骨石霜曰洪波浩渺白浪滔天覓
什麼先師靈骨漸源曰先師靈骨猶在大衆
還見得麼拈起拄杖曰者个是拄杖那个是
靈骨者个是靈骨那个是拄杖子遂卓一下
云長安夜夜家家月影落寒潭數个知

多六

四

上堂若論此事如人買田地相似四至界畔
一時分明結契了也唯有中間樹子猶屬我
在大衆既是四至分明結契了也為什麼中
間樹子猶屬他不見道千年田八百主若識
得中間樹子耕鋤任你耕鋤布種任你布種
開花任你開花結子任你結子若無中間樹
子爭喚作常住良久云作麼生自云高處高
平低處低平 上堂云龍門別無奇妙
剛謂單傳心要豈惟淺水無魚撒別金無孔
竅二時展鉢開單逐日荷屎送尿万事與人
一般子細看來好笑既是万事與人一般為
什麼稱善知識良久曰我也理會不出

上堂今之叢林天下多有求一人會無情說法則無真道會得討一人幸此話亦難得何也須是曾親聞說法方可幸示如未曾親聞縱有幸示抵益塵勞於其慧命無所滋益大衆會既少幸尤難叢林雖有日凋殘若欲明斯旨應須離念看一人如領解大衆盡心

多六

五

安既是一人領解為什麼大衆盡心安若不如此爭称出離之門 上堂幸志公曰我見世間之人各執一般異見抵如傍鋸求餅不解返本觀麵餅則從來是麵造作由人百變大衆會廢狸奴白牯念摩訶猫兒狗子長相見諸禪客薦不薦若言自性本圓明大似

捫空追閃電知得麼含元殿上更覓長安慈氏宮中碩生內院 上堂僧問千尺絲輪直下垂一波纔動万波隨如何是一波師云你尋常如何吞吐僧云如何是眾波師云着衣喫飯有甚難僧云鉤頭一句請師道師云你自道取僧云雄雄江上垂輪者竿上時時有錦鱗師云沒交涉師接云諸人者無過此時也長恁麼亦有不恁麼時禪李人道無有不恁麼時說个恁麼已是不恁麼也恁麼時名為得念不恁麼時名為失念如今問諸人為常失念亦有不失念時禪學人道常名得念時說个得念已失念了也要知得恁麼

但了取不恁麼時要明得念但識取失念時故先德道恁麼恁麼又云不恁麼不恁麼好竒在諸高德是以釋迦如來又曰得念失念無非解脫成法破法俱名涅槃地獄天官皆為淨土你等還知得一段真實事否若知得求超終始之患十二時中自無安樂無事也

下座 上堂云不動龍門內行參古佛機親逢渠面自肯語自容儀凡聖心平等高低路坦夷丹霞燒木佛院主落鬚眉何故○下座 上堂奉六祖大師在大庾嶺頭示明上座曰不思善不思惡正當恁麼時阿那个是明上座本來面目明即大悟大衆還會者

話麼正當恁麼時歷劫不曾迷步步超三界歸家頓絕羖 上堂奉僧問忠國師如何是本身盧舍那師曰與我過淨錡來其僧過淨錡師曰却將舊處著其僧送去舊處再來問如何是本身盧舍那師曰古佛過去久矣此一則法門若非證入莫曉宗猷若縱心猿終成解會尋常盡道甚麼處不是盧舍那更不識了再問豈不是過去久矣又道國師自度用三昧再三若問盧舍那自是古佛過去久矣又云如何是本身盧舍那良久處好會取若不委知逐落草向你道與我過淨錡來如斯解會但縱心猿不見國師云得之於心

伊蘭作旃檀之樹失之於百甘露乃蒺藜之
 園要知麼大陽門下日日三秋明月堂前時
 時九夏大眾如何是盧舍那歸堂喫茶去下
 上堂昔趙州和尚訪庵主問曰有麼有麼庵
 主豎起拳頭趙州曰水淺不是泊船處拂袖
 而出又訪一庵主問曰有麼有麼庵主豎起
 拳頭趙州曰能縱能拳能殺能活礼三拜而
 去師曰庵主一般豎起拳頭趙州何故肯一
 个不肯一个且道得失在什麼處趙州自起
 自倒拗破多少阿師庵主坐断要津過了幾
 多寒暑要識趙州麼拍禪牀右角云識取趙
 州要識庵主麼拍禪牀左角云識取庵主還

有人點檢得失處出麼良久云易開終始口
 難保歲寒心下座 吳居士請上堂身是
 佛身須信六根清淨行名佛行故知三業圓
 明身淨則垢無所生行明則暗無所起垢生
 由乎迷淨淨作垢而莫竟莫知暗去必由得
 明明即暗而難信難解所以諸聖常加被群
 生自棄遺苟易慮於可作之七初華情向悞為
 之後親開智鑰仰扣慈關他心慧眼以洞知
 重罪宿冤皆可懺菩薩悲願遍界娑婆衆生
 哀投無不冥感是知明暗共躰垢淨同源凡
 夫有成佛之期大士有度生之分苟不如此
 万善徒吳公達居士與如道人洞明泡幻了

悟浮生共入山來究明斯事今晨請山僧陞座說法記得昔日裴休訪華林和尚問曰師還有侍者否林曰有一兩個休曰在什麼處林乃喚大空小空時二虎自庵後哮吼而出休覩之驚悸林語二虎曰有客且去二虎哮吼而去休問曰師作何行業感得如斯林乃良久曰會麼休曰不會林曰山僧常念觀音大衆會他此个意旨麼常念觀音力伏猛獸道眼通明萬緣何有良哉大士時時垂手念茲在茲安樂長壽下座 上堂永嘉一宿而悟遂曰幾回生幾回死生死悠悠無定止自從頓悟了無生於諸榮辱何憂喜大衆說

有生死亦是言詮說無生死亦是言詮既涉言詮則是事迹且事麤易顯理妙難彰故言近而旨遠如何以至近之言明其至遠之旨不其難哉先聖道得旨忘言遺事觀理後人不時便乃事外尋理言外求旨譬如以手撮摩虛空徒自疲勞終無所益要知得力用意麼須即事無事即言無言悟入方親解會不得若如是隱顯施為神用難測也不見僧問首山如何是佛法大意首山曰楚王城畔汝水東流便有人悟去埽堂 上堂五色燈光青所成但除其青莫除塵若言本眼何曾青乃是臨河渴死人

上堂秋瓦說一句有人會得去猶較些子或若無人會得山僧却成妄語思量了不如且休各自大家堂中喫茶自由自在免得他時異日被入覷破何也將軍自有公聲在不得封侯也是開喫茶去下座

上堂奉南泉和尚謂眾曰王老師賣身去也有人買麼時有一僧云某甲買師云好一負禪客南泉曰不作貴不作賤你作麼生買其

僧無對師云噫笑殺人有數尊宿為此僧著語趙州道明年與和尚作一領布衫一人道成何道理一人道和尚屬某甲後來雪竇道別處容和尚不得大衆許多尊宿爭頭競買也要運出自己家財王老師交關未成不敢胡乱分付者般行貨古今亦少見之龍門今

日亦賣身去也然則有貴有賤賤則分文不直貴則金玉難借你買也屬你你不買也屬你若識得龍門龍門與你作道伴有人處無人處起心動念惣知得你善則令汝行惡則令汝止縱經三塗歷八難一步不相捨離常與你作道伴你若不識龍門龍門與你作冤家教你出家使汝行脚令汝尋師遣汝躰究遂教你不會令汝忙然令汝求覓解會令汝巧作道理遂令淨妙國土而作土石山河常樂法身而作無明煩惱成不自在常生退失一步不放捨常與你作冤家大衆龍門屬你諸人來多時識得是道伴不識是冤家還有

人明得此百麼乃拈拄杖點一下曰一道伴
 二冤家通逆順徧河沙眼是空翳是花得龍
 門道無涯遂放下拄杖曰少賣弄歸堂去
 上堂臘月扇子功勳絕浩浩涼風動寥沈豈
 止炎蒸六月天暫時與君解煩熱下座
 五祖和尚到上堂曹溪大師傳衣歸嶺南後
 來讓和尚得法授與馬大師馬大師接得百
 丈百丈得黃蘗黃蘗得臨際臨際得吳化吳
 化得南院南院得風穴風穴得首山首山得
 汾陽汾陽得慈明大師慈明大師接得一人
 揚岐和尚如今奉他得底事看此老子云我
 者裏如闌市裏上竿子相似是人皆見瞞你

眼得麼揚岐老後來接得端和尚一人此老
 子曾住此山來有頌曰海底珠動時雲中月
 還現涼夜無狂風清光都一片端師翁後來
 接得先師一人先師有言曰祇從咬破一个
 鉄篋箇直得百味具足此老子所以一生口
 硬好說硬話伏自先師付囑之後大法傳持
 以來末後東山一時分付今五祖堂頭和尚
 此日幸對人天廣衆請不悋慈悲重為顯揚
 使先宗有據吾道益明莫不大幸 上堂
 諸人未到龍門山將道龍門在世間既到龍門心
 自在杉松拂拂水潺潺諸人還識龍門山麼
 若也不識未免山青水綠百年光陰能有幾

許未回光達本已前都成夢幻遂拈拄杖云
六道衆生造罪造業三世諸佛成佛作祖盡
在山僧拄杖頭上諸人還見麼卓一下云百
雜碎了也復展手云把將然毫許來又卓一
下云手執夜明符幾個知天曉下座
上堂解身同攔辨者嗤薰猶共處須芬郁諸

仁者得底人終不自異於人而從前千聖悉
所稱讚實有異於人處譬如二人同胞胎共
父母同舍同學同一師授至於飲食語言之
間悉無有異一日同入試院同一題目而一
人得第一人落第及第者永異民庶落第者
乃是常人是二人初無改易而貴賤高低有

異恰如得與不得初無有異而一人得之位
齊諸聖一人迷之遂作凡夫人雖不殊迷悟
遠遠大衆可不驚怖者哉所以香林和尚云
老僧二十年前見與我一般一輩人盡皆得
道我日夜思量他得個什麼便如此去我二
十年中常看後來也得恁麼你看他先德苦
切之言實可取信豈可守株徒喪日月各宜
躰悉已後也復得去不勞久立下座 上堂
龍門三月半大鼓聲喚喚得一時未特地
生迷乱大衆既是喚得一時來為什麼特地
生迷乱此段好因緣諸人怎生斷不解斷轉
迷乱若解斷較一半良久曰因緣一段無人

斷留與諸方共斷看 上堂收得本名度
 牒踏逾自己山川聞有龍門長老走來學道
 忝禪恁麼惺惺漢子如何立地瞋眠忽然睡
 醒眼開元來天生自然師乃失聲曰噫討殺
 我討殺我皇天皇天尋殺我雖然如是知是
 般事便休直須運出自己家財莫自拘於小
 節叅堂 上堂且道山僧即今還有為人
 處麼若有為人處即埋沒山僧若無為人處
 即埋沒上座彼此出家兒莫適相埋沒好要
 知麼山僧將你本分事奉似你諸人何不於
 你本分事上識取識得麼若道便是某甲本
 分事也如向眼睛上下一釘相似若道我雖

有本分事實未了知你又披什麼衣服大衆
 既是恁麼人識取恁麼事久立又奚為珍重
 上堂僧問納須弥於芥中擲大千於方外衲
 僧門下摠用不著學人欲使泥牛耕巨海復
 彌駕鉄船師還許也無師云十字縱橫一任
 行取僧云踏破澄潭月穿開碧落天師云猶
 未知衲僧分上事在僧云有意氣時添意氣
 不風流處也風流師云洪州腰帶師後云春
 光漸盡夏景將臨悠悠之徒貪生過日我今
 日問你諸人役早至夜念念不住是有思量
 是無思量人人必謂是有思量我且問你作
 麼生思量何不識取你諸人思量了隨而吳

作運為也我問你作麼生與作何不識取你
諸人於與作時起種種言說且作麼生言說
何不識取都緣是自家先迷了祇管隨處流
浪所以道道源不遠性海非遙但向己求莫
從外覓覓即不得得亦不真如在虛空退至
何所還肯麼你諸人在我者裏或轉經冬夏
或久涉炎涼若到別處人問龍門事不可指
東劃西亂有所說却成欺罔也各將為事各
將為事因成四偈思無思思萬邪一正不識
玄旨徒勞念靜作無作作貫色通聲水中盪
味不見其形言無言言不費唇舌未說之法
林中之葉龍門潦倒告報諸人既然如何

故因循 賢席頭納跣上堂一葉飄飄水
上端姑蘇春色照岩扉坐禪片石重來看却
笑山雲拂薜衣所以沉空滯寂之士名為會
著小乘混世同塵之人謂之圓通之侶不捨
道法而現凡夫事豈是植種於空現前日用
是大惣持門一一親得其力如斯之旨幸可
量哉昔日黃梅散席道在老盧坐折連床湖
南寂盛古今榜樣作者同知進止合儀動靜
可法沉龍門新興保社意在求人衆手淘金
誰是得者有麼有麼令人思百丈解踏馬駒
行叅 上堂杜順文殊事可知定光如來
老大隨張三李四何王趙問你渠今是阿誰

鄧市賣魚忘進趣案頭分肉露金機男兒鎖
子黃金骨苦痛無明墮汙泥 結夏上堂
登龍門下無凡客不做風雷自有奇三月進
修從此始經行宴坐可思議三月安居九旬
禁足稟如來之教旨乃釋子之清規橋約津
梁人間天上或垂手入廡者未嘗離於此座
多六
觀心入定者亦常遊乎十方此豈可以有心
知豈可以無心會苟能如是何生而不護何
足而不禁覆被萬靈廣益群品或不由斯道
者吾未如之何也下座 上堂今時學者
不究佛語祇究祖師語殊不知祖師語即是
佛語莫如此揀擇却成謗佛法去抵如雲門

大師示衆曰人人盡有光明在看時不見暗
昏昏作麼生是光明自代云三門佛殿厨庫
僧堂又云好事不如無者个是祖師語是他
道三門佛殿厨庫僧堂諸人尋常看時是看
是不看若看他道看時不見暗昏昏如何得
成光明既是光明了又道好事不如無作麼
生又不要去且如楞嚴會上說个晦昧為空
空晦暗中結暗為色色雜妄想相為身聚
緣內推趣外奔逸昏擾擾相以為心性一迷
為心決定或為色身之內不知色身外泊山
河虛空大地咸是妙明真精妙心中所現物
者个說話甚是子細且道與雲門道底事相

去多少莫抵明祖師語不究佛語有人曰我亦不用佛語不用祖師語祇用自語祖師語佛語尚不要更用自語又道我宗無語不用言語有語尚不是況無語耶莫作夢從朝至夜佛法作一邊祖師語作一邊有語作一邊無語作一邊妄想作一邊無妄想作一邊若

恁麼真可謂看時不見暗昏昏也久立

多六

十三

上堂十方世界龍門寺大地山河是學徒隨順衆緣成解脫筭來全不費功夫
上堂峯僧問趙州學人乍入叢林乞師指示趙州曰喫粥了也未僧云喫粥了也州曰洗鉢盂去其僧言下便悟大衆山僧今朝喫粥

也洗鉢盂祇是不悟既是為善知識為什麼却不悟還會麼豈可喚鍾作甕終不指鹿為馬善人難犯水銀無假冷地忽然覷破官取一時放下上堂龍門若為作端午打動衆人塗毒鼓觸髅破後遣誰聞鑿覺盡時敢言普是謂南山鼈鼻蛇好个大雄白額虎可伶開眼覓眼人赫日光中尋入路 上堂飄飄

飄飄楊柳花紅紅赤赤遠天霞屈屈曲曲龍門路僻僻靜靜野僧家尚不心頭懷勝解誰能劫外筭河沙休糧方子齋兼粥任運還鄉苦澀茶好大哥喫茶去 上堂七七四十九面南看北斗死去與生來泥牛大哮吼所

以釋迦老子未離兜率已降王宮未出母胎
度人已畢如此則毗盧境界止在人間涅槃
妙心更於何覓昔日那吒太子拚肉還母拚
骨還父然後現本身運大神通大衆肉既還
母骨既還父用什麼為身學道人到者裏若
見得去可謂廓清五蘊吞盡十方听取一頌

骨還父肉還母何者是身分明听取山河國
土現全軀十方世界在裏許万劫千生絕去
來山僧此說非言語下座 上堂撫掌
大笑良久曰大衆笑箇什麼山僧笑古往今
來一切人有瞥地有不瞥地不瞥地之人如
黑地數甕有甚分曉瞥地之人便自回頭轉

腦東問西問譬如衣錦夜遊問來問去問去
問來或然如晝見日便云譬如自有日日光明
照見種種色多少分明雖然如此更須知有
向上事末後句始得羅叅大衆始於瞥地終
於羅叅古往今來莫過如此山僧所以笑他
恰如春夢相似諸人還曾夢見麼莫道無事
法尔天真好豈不見大庾嶺頭曾趕上少室
岩前立到腰豈得不遇於人好大哥喫茶去
下座 行者剃髮上堂山僧因而度得小
師一人遂拈起拄杖示衆曰見麼法名崇木
俗姓葛良久云尔既投吾出家今為汝受三
皈五戒乃曰崇不皈依佛皈依法皈依僧已

為汝作三皈今為汝翻十邪受五戒汝當听
 受所謂身口意也身有三過謂殺盜婬意有
 三過謂貪恚癡口有四過妄言綺語兩舌惡
 口作此十者名為十惡無此十者名為十善
 汝今於三業門中稟受戒法所謂不殺不盜
 不妄不婬不飲酒是五戒相汝依吾教信受
 奉行復卓拄杖一下曰崇木聞吾教訓乃告
 吾曰和尚所說但崇木從來無身口意亦不
 知何以為持犯縱聞三皈我不知何者名佛
 法僧聞五戒相從何受持雖煩和尚如此崇
 木並無領覽處師放下主文曰此真吾弟子
 也是真皈依也真受得戒也所以昔人云和

尚何不畜一沙弥老宿曰有無眼耳者為吾
 尋一人來正是此意也好得力小師大眾會
 得否拈起主文曰扶過斷槁水伴婦明月村
 久立 上堂總別同異兼成壞祗是山僧
 與衆人高廣須弥入芥子無邊剌海在微塵
 晝復夜秋復春境寂心敲事事真七寶大車
 既如此去來語默莫因循禪和子聞說了呵
 呵大笑道我會也會也師乃呵呵笑曰你
 會也且道西天那蘭陀寺後孤峯頂上如今
 有什麼人在彼中修行見麼見麼下座上
 堂趙州道个洗鉢去其僧豁尔知歸鳥窠吹
 起布毛侍者當下得旨為復是就伊明破為

多六

十五

徒是吐露向伊亦不是就伊明破亦不是吐
露向伊大衆會麼本有之性為什麼不會
為四面隣和尚挂真虛空無相不拒諸相發
輝寶鏡無形豈礙群形頓現相與形而常偽
空與鏡而常真故即偽即真不生不滅大衆
或若虛空頓消殞寶鏡不臨臺光境俱亡復
是何物六十三年即且置且道即今四面老
子在什麼處遂拈起真云生涯何所有今古
與人傳 上堂夏已半山中早晚不甚熱
知事叱贊外無恙首座大衆康休西庵首座
旦暮流慈法樂無量山門內外雍肅表裏安
裕涅槃山法性海豈容取證造詣擬議於其

間我在夫山僧與諸人登高而履深不可坐
取安佚而無所得也各宜悉察昔有一禪客
親近一老宿甚勤老宿每見來即揮手曰未
在未在且去如是經久其僧中夜思惟曰並
不蒙一言開示祇管道我未在教我怎生奈
何思量來思量去忽然省得歡喜無量至明
日上去見老宿老宿則來便點頭曰是也且
也大衆者个便是達磨大師所傳宗旨且如
何便見得良久曰賊賊鳥守空池魚後脚下
過賊賊恣不知歸堂 上堂達磨大師入
中國至今幾千年得其道者甚衆領其旨者
實多大似一人傳虛萬人傳實大衆流言止

於智者諸人三十年後莫道見龍門來

上堂先聖道法性海中親認得豎起拂子云

還有認得底麼良久曰認得也在法性海中

認不得也在法性海中大眾既恁也在法性海

中何故却有認得認不得且道此理如何每

常兄弟道何處不是法性海山僧直是不肯

你道病在何處有人道病在有道理處山僧

問伊如何得無道理去作道玆重便出或道

今日七來日八大衆若恁恁會如何見得古

人道法性海中親認得去莫將閑學解埋沒

祖師心 解夏上堂尊者憍陳如九旬最

親切老少幸相依上下皆歡悅瞻聽離聞見

承覽亦超絕四海五湖人勿謂真穢泄

上堂昔仰山夏末禮拜瀉山瀉山問曰子今

夏作何所務山云開得一片田種得一籬粟

瀉山云子今夏也不空過仰山却問和尚今

夏作何所務瀉山曰晝日一飡早晨一粥仰

山云和尚今夏亦不空過言了退後吐舌瀉

山云子何得自持白刃斷其命根仰山拂神

便出大眾瀉山父子尋常相見遊戲神通不

同小小還有知得底麼若無山僧與諸人說

看開一片田密密綿綿兩頓粥飯其道自辨

山僧一夏與諸人相見自是諸人不薦若或

薦成一片是什麼一片看取當門箭

為亡僧下火幾度曾經恁麼來者回又是入
 天台一堂道侶同相送玃重峨帽下五莖遂
 下火云過棘棘上堂近日亡僧遷化此
 一則因緣有人會得麼大凡叅孝須見生死
 根源生死若有則不明道生死若無又作麼
 生無得多見時流錯會妄作主宰今日試幸
 先聖兩則語證驗今人錯處^{多六}抵如臨際和^{十七}尚
 示衆曰有一無位真人常在你等面門出入
 未證換者看如今一氣才斷便乃爛壞虫生
 面門出入無位真人此時作麼生主張既無
 可主張古人因緣又作麼生消殺古人又道
 你去父母未生時明取你本來面目諸人如

今盡是父母生後所有許多時行住坐卧施
 為運用却分付何人若無分付處古人語又
 作麼生消殺莫是不干此身之事任生任滅
 直明本性否莫錯會且如厭身如桎梏^智
 如雜毒出三界了尚^抵名羊鹿之人見身心
 無起滅無內外不住不去不取不捨平等趣
 入故名大乘根機者來亦^抵為明生死之道
 諸人未了生死疑情叅^幸有什麼是處要得
 省心力麼但明取若身若心若外世界種種
 變化悉由何^豈現^須是一得了始得迷情不
 現說得恒沙不了後^並無用^處達磨大師曰
 吾本未^茲土傳法救迷情一花開五葉結果

自然成可謂無承道人也歸堂喫茶去

上堂僧問德山如何是宗門奇特事山曰我宗無語句實無一法與人師曰漏逗了也僧問雪峯和尚見德山得个什麼便歸來峯曰我當時空手去空手回師曰漏逗了也睦州喚僧僧回頭州曰擔板漢師曰漏逗了也一漏逗二漏逗三漏逗用意撓前先在後莫於佛祖結冤親好看衣珠常離垢家中人闍頭走淮南笑殺龍門叟有人若會笑因由眼似銅鈴膽如斗阿呵呵歸堂去 郭公朝散施寶蓋上堂奉本和尚行脚時問洛浦一漚未發時如何浦曰移舟諸水脉奉棹別波瀾

木平不契遂問盤龍龍曰移舟不辨水奉棹即迷源木平遂於言下太悟後住木平李王詔至金殿問道於他法眼有偈曰木平山裏人兒古言後少相看陌路同論心秋月皎壤柘線非蚕助歌聲有鳥城郭今日來一漚曾已曉誠我是言也作麼生明他向盤龍言下

多六

十八末

悟底事若有人問龍門一漚未發時如何龍門實難吐露良久遂曰一漚未發時寶蓋向空垂瑞色飄飄起香風颭颭吹何勞輕率拂不假略揚眉五百曾親獻如來印可之昔日毗耶離城五百長者子各持七寶蓋來詣佛所佛之威神令諸寶蓋合成一蓋遍覆三千

大千世界諸人還信得及麼非但古人今諸人皆有此一蓋還曾窺覩得著麼若窺覩得著步步莫非玄路言言及轉法輪其或未然山僧雖老拙實蓋助宣揚久立

古尊宿語錄卷第三十

多六

古尊宿語錄卷第三十一

多七

龍門佛眼禪師語錄之三

僧錄司右闡教兼鍾山靈谷禪寺住持 淨戒重校

上堂龍門老自云作麼復問你畢竟是誰對
曰是你復云你夏中做得個什麼事對云難
說向你祇恐你落在見聞又曰但說無妨師

多七

乃提出拄杖曰有見有聞是凡夫無見無聞
是二乘有人識得否良久曰鴛鴦繡了從君
看不把金針度與人參 撥田劄子至上
堂謝恩畢舉百丈和尚謂衆曰你等為我開
田我與你說一段大義衆開田了請師說大
義百丈起來展手舒伸大衆古人得恁麼徑

永樂北藏

古尊宿語錄

截還會他恁麼方便屢麼百丈說大義辛艱
事可知龍門無道理大衆絕狐疑 帝力
軋坤重 君恩雨露垂有大相借問雲外
略揚眉為什麼揚眉良久曰万古長春
上堂鼓声繞動法義已周大衆上來尋光而
至山野高提祖印諸人共息狐疑直須倒岳
傾湫切莫尋枝摘葉所以道者裏聚集為你
僧堂裏底者裏聚集為你寮舍裏底會得麼
好於處處衆知識休用從前解會禪 上
堂云南閩淨提人就中多鬧亂無想四禪天
根性最遲緩遲速不同倫染淨難回換兩個
五伯文元來是一貫貫貫啞子拍手高聲喚

第一九八册

聾人聽得伴不管天明日出是夜半智者大
 師譚止觀大衆此理如何良久云看 極
 越請上堂舉端師翁住圓通日揚次公郭功
 甫每往叅問此道後來往復淮南常求法要
 一日功甫訪之白雲師翁遂上堂曰前來蒙
 次公大儒訪及爲上堂曾舉一遍今日功甫
 到來不可隱覆更爲舉一遍此語甚是奇特
 乃曰上大人丘乙巳化三千七士尔小生
 八九子佳作仁可知礼也遂下座大衆言雖
 籠淺理實甚深若不會上大人如何登孔聖
 門通曉六經子史百氏詩書縱使身名顯達
 不曉上大人如何佐國安邦使功成身退至

於百工伎藝負販庸人孩稚小童無上大人
 如何成就能事山林河海日月星辰上聖下
 凡無上大人不能安立大衆好上大人還會
 麼孔門弟子如能識折桂登科第一人下座
 上堂三平禪師道猷此見聞非見聞師云於
 土爲香更無声色可呈君師云人思舊念箇
 中若了無餘事師召大衆曰立處孤危體用
 無妨分不分師云巡堂看取下座衆巡堂了
 復謂衆曰有人會得麼又曰會得麼衆無對
 師曰癡漢癡漢 黃龍山死心和尚遺書
 至上堂死心心已死心死死由生拗折黃龍
 角翻身卧地行者老子從來翻着欄衫倒携

席帽口頭麤糙肚裏柔和點檢叢林呵叱學
者雖傳晦堂道愛用雲門禪以罵風罵雨為
訓徒以種菜種蔬為作務興災降禍少喜多
嗔愚人見即攢眉智者點頭相許要去便去
果然作家騰身元是莫徠人睡中失却死心
老嗚呼哀哉法門不幸 上堂虛名虛相

谷音鑑像弃而不修豈明幻妄少不努力老
矣惆悵靜以思之隨機稱量古德云譬如百
歲老兒作歌舞豈是小兒戲大眾會他恁麼
道麼百歲老兒作歌舞側首低眉聽節鼓心
中聽拍雖了然手脚來遲轉辛苦乃起身作
舞云會麼老作必難下座 上堂眉毛眼

永樂北藏

古尊宿語錄

曠景相親鼻孔唇皮作近隣至近因何不
見都緣一體是全身 上堂提拄杖卓一
下乃顧視曰拄杖子拄杖子你無住持干懷
又無病痛苦惱如此黑瘦何也拈拄杖呵
大笑曰是何言也若色見聲求是行邪道昔
臨濟德山由之發明見諦後來明眼尊宿由
之接物度人豈不見黃蘗普請次蘗謂臨濟
曰我最得者拄杖氣力臨濟近前奪下拄杖
推倒黃蘗黃蘗遂曰扶起我來扶起我來時
有一僧近前扶起曰和尚爭容得者風頭漢
恁地無禮蘗却打其僧教下臨濟乃曰蒼天
蒼天大眾當時拄杖子如今却在龍門手裏

第一九八冊

乃提起召大衆曰還有臨濟手段底麼出來
出來龍門却是放得下遊拋下拄杖放身便
倒曰有扶得者出來良久曰既無臨濟之人
又無扶起之者龍門自起自倒有甚用處歸
堂去下座 甘露和尚入山上堂達磨不
來唐土地久天長二祖不往西天山青水綠
龍吟霧起虎嘯風生秋雨垂空浮雲蔽日諸
人有眼還見麼有耳還聞麼既具見聞何者
是迷何者是悟何物爲緣何物爲對要知迷
悟昇沉理畢竟須還本分師先佛道身相屬
四大心性歸六塵四大體各離誰爲和合者
大衆身心既乃如此現今復是何物近來叅

學之人盡皆奔馳語句舉論古今於本分事
全不明了所以正宗淡薄道法澆漓幸遇和
尚到來伏望震潮音示真旨抉重膜顯衣珠
四衆傾誠不勝虔請 黃龍靈源和尚遺
書至上堂昔開正續銘今示真歸告一路涅槃
門行說皆親到明然林際燈妙唱黃龍道
空海久澄虛雲濤方浩浩橫吞巨海高駕鐵
船隱顯同源卷舒無際者其唯靈源乎禪師
居究竟地住本覺場雖曰示生實無生而可
示雖曰示滅實無滅而可示明明密密密密
明明真化不移何妨出沒所以遺言作訓真
告普聞能事始終一期云畢而某曩歲遊方

之始邂逅龍舒許以半面之交氣投分感雖
則荆山隱玉已遇良知爾後蚌腹剖珠登舟
獲甸歐峯再會素願尤諧歡洽妙期有同符
節自初及此三十年間理契同風至音無間
夫何遽別特示遺書感存念亡此情弥切雖
然如是佛佛不思議不許長住世大無審思
惟畢竟祇者多七是然則子期既没伯牙絕絃蓋
傷其無知音爾况此至道離見起情莫逆于
心夫何言也昔人問長沙南泉遷化向什麼
處去沙云石頭作沙弥時參見六祖云不問
石頭作沙弥時參見六祖南泉迂化向什麼
處去沙云教伊尋思去師乃呵呵笑曰會麼

會麼水長船高泥多佛大共至靈前不勞觀
聽 蔣山佛鑑和尚遺書至上堂惡惡師
兄師兄出在我前去復我先惡惡師兄師兄
出在我前許我並駕而齊肩去復我先使我
優翼而孤鶩豈不念茲苦海羣迷未度泥乃
五湖玄學負笈趨筵遽辭舟楫執濟長川然
佛法道理自有因緣此蓋衆生無祐薄福使
然求遠叢社法炬無傳我聞如來雙林示滅
又聞達磨隻履西遷佛佛祖祖其道綿綿况
我鍾山佛鑑法兄妙機無間出没應緣去來
生死吾何預焉而某於師門最爲深契在惡
序手足相連義交金石氣薄雲天聽遺音而

何忍念朽質以非堅同心共照夫復何言尚
記得如來滅度阿難問迦葉曰世尊傳金襴
外更傳何法迦葉曰阿難阿難應喏迦葉曰
倒却門前刹竿着大衆若無者個公案生死
熾然白雲師翁道金襴之外復何傳弟應兄
呼豈偶然倒却門前刹竿着免教依舊倚牆

邊大衆會得麼倚牆邊倚牆邊寂滅光中禮
白蓮五上堂達磨大師所傳心印看看掃

地盡也如今還有人見達磨大師麼若見得
方解承當若見未得切忌認着所以正宗淡
泊異道崢嶸昔日王常侍參睦州一日州問
曰今日何故入院遲侍曰爲看馬打毬所以

來遲州曰人打毬馬打毬侍曰人打毬州曰
人困麼侍曰困馬困麼侍曰困州曰露柱困
麼侍恹然無對歸至私第中夜間忽然省得
明日見州云某會得昨日事也州曰露柱困
麼侍曰困州遂許之此是達磨大師宗旨露
柱不解打毬如何却困還有明得者麼人困
馬困未是困露柱之困始是困好於言下證
無生莫向言中尋尺寸百丈若無雙耳聾臨
濟爭解領三頓盡將業識作流傳此道今人
棄如糞久立上堂昔有使頭使下二人
一時奉事觀音一日使下偷使頭錢走使頭
燒香禱告觀音願我捉得使下使下亦燒香

禱告觀音願使頭不見我當此之際觀音救誰即是祇救使頭又違使下祇救使下又違使頭若一時摠救事甚相違山南辯和尚道若要行大道三步作一跳大衆好語祇恐人鹿心子細究之又却分疎不出山僧爲你一分剖看若人耍會先須識取觀音要識觀音麼大慈悲心是更須知大慈悲心從甚處流出現今歷歷聽法者無心而流出萬宗若識得了使頭方解作得使頭非唯作得使頭亦乃識得使下此使下是使頭底使下離使頭外別無使下若識得觀音了使下方解作得使下非但作得使下亦乃識得使頭此使

頭是使下底使頭離使下外別無使頭若恁麼使頭使下但是空名使下使頭悉皆無寄大慈悲心熾然獨脫也既識得使頭又識得使下更須識得錢帛使頭見之是使頭錢帛使下見之是使下錢帛離使頭使下外別無有錢帛亦須知使頭錢帛自不干使下事使下錢帛亦不干使頭事各不相到雖不相到使頭錢帛即是使下錢帛使下錢帛即是使頭錢帛同一物耳若恁麼既同若恁麼既異皆大慈悲心之作用也即知得錢帛又須明取得失使頭失財時是使頭失使下得財時是使下得得失不在別人分上如此則使頭

多七

六

失時是使下得時使下得時是使頭失時得
 失雖殊而不異得失各異而常同豈別有一
 物作同作異也若使頭若使下若錢帛若得
 失一一明了方名觀自在菩薩古人云得失
 是非諸佛智一人無心眼耳聲 上堂云
 西瞿耶尼打鼓南瞻部洲上堂大眾十方齊

至等閑野客稱揚此声徧滿十方照破閻見
 色香堪笑釋迦老子等閑動地放光大眾歸
 堂 徐公大夫入山上堂何處求通達疑
 根自不凡頓明心即佛陡覺海非鹹善財樓
 閣路日進丹霄步凡夫云未然我道常披露
 大眾譬如自面豈辨鬚眉又如眼根不自見

眼面若有見即非本頭若見眼根眼即同境
 所以石鞏自射無下手處乃證全身龐公問
 心一口吸盡遂得真實此所謂大丈夫之事
 業也不見道大丈夫秉慧劍般若鋒兮金剛
 焰非但能摧外道心早曾落却天魔膽莫不
 是了見本來面目證得清淨法眼故得稱為

大丈夫也此日伏蒙 提宮大夫朝旃入
 山光臨泉石頃者山野輒効先德開法施塲
 佳持此山數年之間傍資修換為禪者遊心
 之地工役既畢輒以土木之功干于視聽願
 得雄偉之文以彰不朽為來者之益伏蒙惠
 示莫大之幸山僧雖不曉義理觀此嘉作近

世所稀豈此邦此山之幸亦天下叢林之幸甚也昔向居士木食澗飲以所悟布之文字求二祖大師印證曰影由形起響逐聲來弄影勞形不識形爲影本揚聲止響不知聲是響根除煩惱而趣涅槃喻去形而覓影離衆生而求佛果喻默聲而尋響當知得無所得失無所失未及造謁聊伸此意伏望荅之二祖大師荅曰備觀來意皆如實真幽之理竟不殊本迷摩尼謂无礫豁然自覺是真珠無明智慧等無異當知萬法悉皆如愍此二見之徒輩伸詞措筆作斯書觀身與佛不差別何須更覓披無余居士得偈欣然奉持諸人

者古人悟心布之文字實是希有還見二祖大師與居士所證所得之事麼良久云浩劫有窮斯文不泯久立 上堂不起踈慵不進修實無言說實無求奪飢人口中之食驅耕夫手裏之牛真快活百無憂自是不歸歸便得五湖風浪拍天流 陳與明還佛頂

心經願請上堂掩齒臨齒掩齒部臨齒部臨大眾此是甚麼言語義理如何還有人會得麼若道是言語又不成言語若道有道理又不成道理可謂言詮不到分別不及先聖呼爲密語又曰真言一切言音從是而生一切語教從是而出山僧適來看經中得七字

陀羅尼能滅千災成就萬德今對諸人舉此
七字陀羅尼一徧諸人諦聽遂默然屈第一
指至第七指曰諸人聞得麼恐諸人不聞更
舉一徧又默然屈一指至七指曰聞得麼大
眾唯佛與佛乃能知之自餘羣生悉皆罔措
有方便門名曰重說偈言今更再三分明說
此七字呪多七曰佛頂心經齋願了大眾曉得其
中旨趣麼待山僧奉為解釋一字字要知落
處若論佛祇是當人更無物若論頂晝夜舒
光照前境若論心看時無相用時深若論經
解語能言不是声若論齋所為所作盡和諧
若論願猶如身在龍門院若論了無慮無疑

心皎皎心皎皎增添福壽災殃少論量功德
廣難思須彌未大滄溟小山僧適來說者是
真言世人祇知有言不知有真若不知真所
言皆妄何者名為真言能出萬宗故曰真言
亦名三昧王亦名萬字頂亦名微妙章句亦
名祕密大摠持至心受持大有靈驗所謂山
僧七字呪也乃屈指曰一二三四五六七諷
誦受持皆祕密如人親入寶山中一切珍奇
從此出久立 上堂道可學耶實不可學
心可悟耶實不可悟不學不悟真機全露明
月娑婆浮生旦暮眼若不睡諸夢除古今出
入無門戶逆召大眾曰是什麼 上堂山僧

略陞此座大眾永息移疑各各金毛師子去
 來哮吼全威臨際高聲連喝德山拈捧痛槌
 縱有一言半句終不別作路岐大眾抖擻精
 神着瞌睡作麼是甚生次第事你自鈍置山
 僧恁麼道要人到不要人到試點檢看
 上堂舉洞山和尚示衆曰兄弟初秋夏末或
 東去西去直須向万里無寸草處去始得又
 曰秋如万里無寸草處作麼生去石霜聞之
 乃曰出門便是草僧舉似洞山洞山曰大唐
 國內能有幾人師曰出門便是草閑殺龍門
 老北去礼文殊南來登五老鬢髮已蒼浪言
 歸恨不早獨立秋風前相思望江島好好不

多七

九

用更尋討 上堂什麼物恁麼來休將明
 鏡挂高臺什麼物恁麼去分明不用當頭舉
 舉得分明得更難澄潭不許蒼龍盤便恁會
 太無端遂拍手呵呵大笑云華藏毗盧世界
 寬 上堂好一隊其中人還見其中事麼
 若是其中人必見其中事也良久呵呵大笑
 曰會麼苟不然者雖有其中事元來不是其
 中人縱是其中人元來不了其中事了得其
 中事作得其中人復何憂哉不見瀉山曰有
 句無句如藤倚樹時有人問樹倒藤枯時如
 何瀉山呵呵大笑又有乾峯示衆曰法身有
 三種病二種光一一透得始解穩坐雲門出

衆而問曰庵內人何故不見庵外事乾峯呵
呵大笑大衆有人或問道此二老宿意旨如
何龍門拍手呵呵而笑良久曰你諸人何不
與我放下布袋解開肚皮笑一声子上堂釋
迦世尊已成正覺弥勒大士當來下生老盧
拏過嶺南達磨携來東土各謂度生已畢我

願云周如何六道四生猶在土石諸山未殞
淨妙國土不逢爲是願力未充爲是業果難
盡爲復別有道理還有人斷得麼若不同床
睡焉知被底穿歸堂喫茶去 上堂空生
不解當中坐春暖桃花樹樹紅漏泄天機無
覓處都緣露柱挂燈籠燈籠燈籠却有古風

露柱露柱善解提舉一旦師姑是女兒大悟
堂中喫茶去 上堂心是根法是塵兩種
猶如鏡上浪痕垢盡時光始現心法雙亡性
即真根塵既謝鏡光現前心法雙亡如何則
是赤龍離身無妄想聞耳見離攀緣
上堂迎日出門去已覺披煙霧冒月望山歸

重露濕禪衣心悄悄步遲遲無孔笛再三吹
哩哩囉囉囉哩遊子乍聞征袖濕佳人猶唱
翠眉低君更聽莫疑疑是何曲歸堂去上堂
真實到家之士何暇論家決定證得之人寧
標所證論家論證乃閭閻負販之徒無證無
家誠飄露伶俜之子何不興決烈之志啓特

達之懷舉措看他上流勿謾隨於庸鄙一一
從自己胃中流出與我蓋天蓋地去始得恁
似你恁麼然學驢年去 上堂海門山長
安道茫茫煙水連芳草樓頭客馬上郎一聽
落梅悲故鄉春風過眼花飛盡蝴蝶翩翩過
短牆君更聽是何章會不得叅堂去

政和八年九月奉勅住和州褒禪上堂謝恩
畢僧問千里遠聞音信好不涉程途事若何
師云不挂三寸進云一輪明月當空照萬里
清風宇宙寬師云却有商量進云路上忽遇
禪人問時如何師云有甚難答進云雲離谷
口千山秀月到天心四海明師云誰是恁麼

人師復云大衆現前豈不是舒州龍門山適
來勅旨豈不是和州褒禪寺令山僧往彼傳
法住持且何者是傳底法要知佛法旨趣麼
不離龍門山要見褒禪寺不離褒禪寺要見
龍門山龍門山則易見褒禪寺即難見有人
見得褒禪寺麼若明得便有佛法旨趣若也
多七
未明良久曰帝力丘山重君恩宇宙寬不才
何以報處處得心安久立到褒禪入方丈師
據座云昔定明禪師燕坐此峯住大三昧悲
濟弘誓澤及一方山僧忝繼先蹤續明後焰
十方坐斷祖令當行鳴鼓墮堂各須諦聽
上堂聖皇帝賜與名山賢宰臣宣行睿旨俾

令貧道傳法住持報中還有荷擔重任者麼
試出衆道看僧問古人道權借一問以爲影
草未審此理如何師云子是何心行進云可
謂手執夜明符幾個知天曉師云曾問幾人
來進云到者裏多少人錯會師云關梨又作
麼生進云三十年後有人會去師云猶較些
子僧問一塵纒起大地全收時如何師云兩
塵也進云恁麼則無邊刹境自他不隔於毫
端十世古今始終不離於當念師云含山縣
裏事作麼生見得進云山河及大地全露法
王身師云者個關梨却好商量師復云龍蛇
易辨衲子難瞞辨別得否山僧未來此間時

是山法席久虛叢林不振當此之時還知定
明禪師是汝諸人善知識麼山僧既來此間
法席初開叢林復建亦定明禪師是汝諸人
善知識所以道有佛無佛性相常住若解恁
麼看得吾道有光矣昔日有一負尊宿報集
定起來作舞曰諸人會此意否諸人無對宿
曰山僧不捨道法而現凡夫事師乃呵呵笑
曰奇怪若是褒禪即不然乃起作舞告衆曰
諸人會我意否良久云清貧長樂下座
上堂褒禪尔住太乾枯月白風清入畫圖人
問縱有千般樂不及今朝事事無乃呵呵大
笑好大哥 上堂雲中石塔摩星斗定明

禪師大張口是你之言若解然不必看包天
 下走遂卓拄杖一下曰鳥對初陽自在啼夫
 逢生漢連聲吼又卓拄杖一下云歸堂
 上堂祇知今日明朝不覺今朝明日事事一
 似安排箭箭自然中的甜者甜於黃連苦者
 苦過白蜜喫得者般滋味乃以手作舞曰不
 妨遑遑哩哩下座多七 正月一日上堂以拄
 杖劃一劃云天得一斗牛女虛危室畢地得
 一草木山河井土石君得一上下四維無等
 匹召大衆曰万像森羅影現中一顆圓明光
 的歷有歡榮有愁戚或冤親或順逆富且貴
 窮且乞万樣千般誰運爲空谷之聲隨應出

鴛鴦繡了任君看不露金針太綿密褒禪奉
 勸各回頭莫待臨行却啾唧識取摩訶般若
 光萬古悠悠是今日久立 上堂如來無
 二種語諸人如何會如來語作麼生是二種
 語須明取始得一離間語二和合語無此二
 者是名如來語何名離間語能聽法者雖願
 樂聽受而所說法者不爲開示是名離間語
 能說法者雖樂開示而聽法者不樂聽受是
 名離間語雖說無有能說可說雖聽無有能
 聽可聽得如此者方名和合語當觀此離間
 語和合語一耶二耶同耶異耶如是證知捨
 離間語當得和合語而如來無此二語者不

說不聽而已然不說不聽亦有二事一凡夫
 二聖智正如凡夫無所開示無所聽受冥然
 莫覺故曰無明亦名爲無說無聽二聖智所
 到到其無說無聽亡賓主絕行解自居究竟
 實地亦名無說無聽學者當善分別勿生異
 見不可瞞預不分

上堂舉趙州和尚一

多七

十三

日趙王來不下禪床曰會麼王曰不會州曰
 自小持齋身已老見人無力下禪床騰騰和
 尚朝見則天仰視則天曰會麼天曰不會騰
 騰曰山僧持不語戒忠國師見肅宗帝以手
 指頭帽子曰會麼帝曰不會國師曰天寒莫
 怪不下帽子大衆明得三人意旨麼譬如寶

舟到岸獲大富而濟有餘玉戶抽關升于堂
 而入手室猶在門外無柰不入之何困守孤
 貧豈是珠寶之咎還會麼卞和刖足歸堂
 上堂面前過便知是張三李四背後過爲什
 麼却不見壁者邊便見是條臺倚子壁那下
 爲什麼分踈不得咫尺之間尚尔况十方世
 界耶叅學人若不明當知叅學事卒未光
 陰迅速入寺來早已九十日諸郡發心化士
 且寬懷打疊遂拈拄杖曰東西南北四方人
 地闊天遙最是親衡岳天台連魏闕乃彈指
 一下曰輕輕彈指不勞神復拈拄杖曰山河
 大地日月星辰草木叢林盡在拄杖頭上還

見麼良久曰腰纏十萬貫騎鶴上揚州久立
上堂趙州有喫粥因緣好一則因緣者僧當
下悟去會得麼你拈動鉢盂起筋時便不會
古人意了也祖師有風幡話你諸人十二時
中爲什麼一似大蟲看水磨相似國師有無
情說法據你諸人合明得爲什麼却不聞若
一一明得便是有地頭底禪和子歸堂
祈雨上堂定明妙應禪師說法如雲如雨不
是時人不聞又非不善其語如斯一味靈通
過了幾多寒暑縱逢敗種焦芽方便一時救
取知府曾公舍人入山祈雨上堂舉劉禹端
公問雲居雨從何來對云從端公問處來師

云雨從何來不須尋討徧滿虛空拔濟枯槁
定明妙應靈通知府舍人台造真個是爲雨
爲霖莫不爲忻爲好且問諸人是定明雨舍
人雨百姓雨定當得麼良久卓拄杖一下云
三下座 上堂卓拄杖一下云大衆你諸
人昨夜爲什麼一時在露柱裏藏身及乎天
既明喫粥了上來聽衆爲什麼却在欄干上
立地見麼直饒如此通神變更問起雲塔裏
師上堂抵死要行雲水脚剛然求悟本來心
爲蛇盡足勞筋骨辜負青山綠水深豈不見
德山老子向你道未踏船舷時好與三十棒
也諸人也着些子精彩着飯袋子也好與三

十棒遂卓拄杖一下下座 退褒禪上堂

一去一來松上鶴半開半合嶺頭雲捲筇獨

立千峯外唯把南山祝 聖君知府錢公

奏請再住褒禪上堂大衆君命重宣降薜蘿

不容靜處薩婆訶欄衫席帽寒酸甚又向人

前唱哩囉哩囉拍一拍哩囉又拍一拍云去

手梅今歲柳顏色馨香依舊人漸老水長流

無心道合頭下座 上堂舉蓮花峯庵主

拈拄杖示衆云古人到者裏爲甚麼不肯住

自云爲他途路不得力如是二十年無人會

得此語後有老宿聞舉云是即是少進語在

有僧問如何進語宿云但問畢竟如何僧持

此語問庵主主曰柳栗橫擔不顧人却入千

峯万峯去師橫按拄杖於肩上高聲喚云和

尚和尚又云闔國人追不再來千古萬古空

相憶 上堂舉嚴陽尊者問趙州一物不

將來時如何州云放下着尊者當下悟師

云好大衆還見得悟處麼盡力放不下着力

擔不起將謂一物無元是自家底見得自家

底心中大喜自茲家業只一舉九万里

臘月初一上堂僧問万法是心光諸緣唯性

晚尽大地是色那個是心師云不要瞞老僧

進云尽大地是心那個是色師云闍梨念來

多少時進云秋如色心二字如何透得師云

多

秘知渡水不竟腰深進云彼此沒便宜師云
一任啗啄師復云一年止有此三十日二陽
發生之月李般若者與汝道情相應否今有
二問問諸人一問問肯者一問問不肯者先
問肯者曰你恁麼來多少時也你須道多時
也問你既多時所對目前声色與你爲惱害
否若與你爲惱害上座未恁麼在若不與你
爲惱害是照見了然後不爲惱害不用照見
了不爲惱害若用照見了方見不爲惱害即
名照見心未名恁麼在若不用照見心如何
知得無惱害據作此見了我問頭不得第二
問不肯者云你不恁麼來得多少時也師大

笑云好一問你出家沙門作佛弟子舍齒戴
髮巍巍堂堂如何却不恁麼得向異俗人直
說你真個不恁麼也則因恁麼然後有不恁
麼在據此見亦了我問不得不見石頭大師
道恁麼也不得不恁麼也不得恁麼不恁麼
認不得尚有人搆不得被馬大師道我有時
揚眉瞬目有時不揚眉瞬目有時揚眉瞬目
者是有時揚眉瞬目者不是他便會去師良
久曰還知麼泥多佛大水長船高下座
上堂未達境惟心起種種分別達境唯心已
分別即不生分別既不生便捨外塵相乃拈
拄杖示衆云不可不喚作拄杖子也且作麼

生說捨底道理有人於此云喚什麼作拄杖
 子便違他古佛道不壞假名而談實相又道
 更有什麼拄杖子也則世間万法不成安立
 又道依舊喚作拄杖子則一切凡夫莫不幸
 甚也大衆到者裏如何即是須信道雲中石
 塔不是人間檻外雲山非由心變風摩兩掃

多

去

日照煙蒙妙用縱橫隱顯一際自可以幽栖
 馬道開豁曾懷妙契真規十方洞照直得如
 此更須知有衲僧孔竅始得如何是衲僧孔
 竅咄卓拄杖下座上堂舉瀉山和尚坐
 次見仰山從方丈前過瀉山云若是百丈先
 師子須喫痛杖始得仰山云今日事作麼生

瀉云合取兩片皮有分云此恩難報瀉云瀉
 山年邁非子不才仰云今日親見百丈師翁
 瀉云子向什麼句中見先師仰云不道見祇
 是無別瀉云始終作家師云從上來至百丈
 有不犯之令瀉山深得其肯能向劔刃上行
 仰山飲氣扶持且不犯鋒傷手有般漢祇管
 行棒下喝還明他不犯之令麼不見道始終
 作家諸人每日來去什麼處得見百丈上堂
 暫時歛念是處是慈氏門門有善財介尔有
 心土石山河瓦礫荆棘大衆作聖作凡能染
 能淨有如是威神具如是妙用直得恁麼曹
 溪門下客見時猶未是少林消息祇如少林

消息你曹溪門下客合作麼生下座
 上堂舉先師在白雲會中作磨頭一日端師
 翁下來曰你還知一件事麼先師曰不知師
 翁曰近有數禪客自廬山來問佗皆有悟入
 處教伊說亦說得有來由舉因緣向伊亦明
 得教下語亦下得端師翁良久謂先師曰磨
 頭多七祇是未在你道如何先師開了心下不安
 得七日七夜不成腸肚正中心下乃自思惟
 曰既悟了說亦說得明亦明得如何却未在
 忽然中夜方會得從前寶惜一時放下遂白
 端師翁師翁起來手舞足蹈某曾侍奉先師
 聞先師舉此因緣謂某曰參學須是一時放

下方得安樂大眾還見得否故得下好脫洒
 放不下牛拽把堪笑諸方老古錐打鼓說禪
 無尾掃無尾掃不驚怕不驚怕可嗟訝解踏
 毗盧頂上行不言亦自傳天下好大哥
 上堂舉百丈大智禪師謂眾曰併却咽喉唇
 吻道將一句來瀉山云却請和尚道五峯云
 和尚也須併却雲岵云和尚有也未師云此
 是叢林中流布底事雪竇禪師後來品評此
 三人語各有淺深却請和尚道虎頭生角出
 荒草和尚也併却龍蛇陣上看謀略和尚有
 也未金毛師子不踏地如今象中或去請益
 或去過話有人道此三句語未契得百丈喚

作抑而不揚却請和尚道百丈云不詳向汝道恐已後喪我兒孫此豈不是抑而不揚和尚也須併却百丈云無人處斫額望汝何處是有肯他也則是抑而不揚和尚有也未百丈云喪我兒孫更是不肯也祇如百丈道併却咽喉辱吻道將一句來甚生次第事既併却咽喉辱吻明箇什麼邊事也好扶持取下座

退院離褒禪辭衆上堂舉大祖大師示衆云汝等速理舟楫吾欲歸新州去弟子曰和尚去後早晚却回祖曰葉落歸根來時無口師云是什麼說話去了却更來做什麼不見東山先師道大小大祖師猶欠悟在呵

呵大笑云諸人還會得麼聽取一頌歸根得旨復何論洞口秦人半掩門花落已隨流水遠空留葉葉野雲也

到蔣山上堂玄沙白紙費封題一聽雷音万仞低慰釋私懷已無量那堪更唱邏羅哩乃呵呵大笑曰古人道笑須三十年誠哉此語某頃在白雲時與

多七

堂上佛果師兄道聚其樂無涯至今樂猶未已也又呵呵大笑云一手不獨拍兩手鳴擗擗擗意趣情念相着同路陌摩雲鍾阜高編界烏輪赫妙機連雷電神珠不在額珍重人天大漢師初僧一見喪魂魄何也誰敢正眼覷着下座

樂

古尊宿語錄卷第三十一

一

多七

永樂北藏

古尊宿語錄

第一九八冊

永樂北藏

古尊宿語錄

第一九八冊

古尊宿語錄卷第三十二

多八

僧錄司有闍教兼靈山靈谷禪寺住持 凍戒重禔

龍門佛眼禪師語錄之四

示道三偈并叙

宗乘一舉作

者埋冤古路縱橫若為指足苟非知方俊眼
出格上機舉一明三普同流浪其或循言執

滯病在見聞杜口藏形過歸傍認欲得決求

大寶莫作小商撒手懸崖當空便擲百千三

昧豈在外求若認語言即名邪解至於警物

垂務衡鑒將來百匝千重少諧手足或中途

病轍半路絕糧引諸子以伶俜蓋指南之不

妙良由澄潭月影隱隱迷蹤直須坐斷毗盧

優游大徑故作示道三偈以資唱道之万一
固非次第淺深數量名字之所得也冀達道
之士相期於茲矣 隨流 千聖靈蹤百草
頭卓然放去号隨流從教万古無人識笑殺
馮山水牯牛 合轍 水中月是天邊月南
北東西更無別新羅打鐵火星飛燒着指頭
名合轍 雙唱 坐斷千差古路頭解開空
岸濟人舟明明一句該羣像善唱非聲作廢
衆 標指六偈并叙 諸佛出世無法示人
祖師西來無道可指唯談自悟是謂頓門若
尚筌蹄必難話會然則忘其方便迷者難以
進途標指示人或可有可曉故循好言之士唱

偈六篇以舉一隅無勞三返後之冥合者或有可取焉 迷悟 迷者迷悟悟者悟迷迷悟同體悟者方知迷南為北實情取則北本是南悟無移忒返究迷緣莫得來處忽悟正方迷復何去其迷則迷妄自高低生死惡覺枉受膠擗達迷無妄歡喜無量殺無明賊祇在一餉一餉之間冥通大千直下了了三際虛玄無始時來摠由今日盡未來際更不尋覓當念無念靈光熠熠靈燄騰輝心知難掩靈源蕩碧森羅普入海印發明非閑動息根塵不偶心珠寧守返不我觀出分還有有無齊出無有蹤跡智用雖竒猶遭悟覓悟為法

障身招罔象狂狃無風徒勞展掌祖父書契本來家業舊日風光不妨要截哆哆和和依前疑着元無病痛何勞說藥足踏實地開眼瞋睡大地忙忙會我如是如是之法不因迦葉是誰兒孫喃喃亂說你解亂說智者便管此門廣大愚人自焚自謗自焚不干我事我是癡人汝能靈利 坐禪 心光虛映體絕偏圓金波匝匝動寂常禪念起念滅不用止絕任運滔滔何曾起滅起滅寂滅現大迦葉坐卧經行未曾間歇禪何不坐坐何不禪了得如是始号坐禪坐者何人禪是何物而欲坐之用佛覓佛佛不用覓覓之轉失坐不我

觀禪非外術初心鬧亂未免回換所以多方
 教渠靜觀端坐收神初則紛紜久久恬淡虛
 閑六門六門稍歇於中分別分別纔生似成
 起滅起滅轉變從自心現還用自心返觀一
 徧一返不再圓光頂戴靈焰騰輝心無礙
 橫該豎入生死未息一粒還丹點金成汁身
 心客塵透漏無門迷悟且說逆順休論細思
 昔日冷坐尋覓雖然不別也大狼藉剎那凡
 聖無人能信匝地忙忙大須謹慎如其不知
 端坐思惟一日築着伏惟伏惟 入道
 道本無瑕擬心已差纔生朕兆徧界空花若
 欲全舉除非直與不用增添現成規矩洞徹

根源法法周圓靈明法尔妙絕言詮言詮不
 得得亦差忒迥出根塵古今取則存不可見
 亡兮對面匪存匪亡森羅自現心外無法法
 外無心心法齊照境智甚深心忘照滅境智
 同敬一道通同十方俱攝生死涅槃元無兩
 般四生六道息苦停酸平等大道無有邪正
 胡漢不來欲何為鏡係虛鏡皎鏡係斯照像
 去鏡亡千聖非妙此門難入唯君自息若入
 此門半錢不直不直半錢萬國爭觀所以說
 云大道體寬 見聞 見極垂光聽圓含響
 若謂見聞法成塵想光流大千響傳沙界對
 現全彰無在不在聲不是聲色不是色非色

非聲山高水急眼不可見耳不可聞非見非聞宛爾見聞見色聞聲脫出根塵水月鏡像夢幻施陳文殊寶利觀音普門周羅法界唯子一人身土交映妙絕凡聖本有天真非病不病長歌且唱妙舞更誇東西南北示現空花生死去來去來生死若不如是多過多咎

茲言未諱此語皆宗標指若示古人同風

水月 水月指陳最跡最親若謂可見還帶重輪月皎於上水流於下彼此非干應緣何假聲回響轉塚成招箭指喻孰明標門誰辨凡夫見聞月皎水渾心波業識奔流苦門二乘聞見如鏡中面對像迷真渠還未薦水澄

月映孤光迥迥滅此化城更須前進一月耀天光吞大千森羅頓現亘爾無邊齊舍寶月交光廓徹非中非外一多融攝毗盧性海自他無礙迷悟迷相亡相在一塵百億百億一塵奔走塵刹不動本身光亡月落幾人摸索四十九年渾用不著丈夫壯志自有行市十字路頭看人失利不忻諸聖不厭凡夫拈箕奉帚跨馬騎驢若人笑我我亦笑渠更問如何我不識書 語默 至道非言言亦可傳可傳何也應物而宣言雖應物物自無物無物之言言音自沒絕言之語妙應還普道非晦明語默同取舉復誰唱物物虛曠咸通

大千徧乎塵想品類非一同言異出圓音落
落凡聖俱適千品萬類薰含種智故此一門
稱無量義山河宣演草木揚音長說無間所
謂甚深深兮甚淺不動情見最省工夫凡夫
不薦不薦最親妙義數陳歎言即笑志怒即
嗔嗔為金剛喜為迦葉華嚴毗盧心心相接
接兮可見莫看背面無字密言從茲出現
復誰論非用耳聞六根共戶妙偈星分森羅
經文不出一塵非舌非辯雷轉電奔展之在
手何法不有縱橫三界無一滲漏時人不信
執言說病依倚前塵以為決定決定是心決
定是塵心塵所使非自由人諸聖苦口隨愚

過咎巧說多詞強為分割法無言說汝須善
別捨離語言生死自絕凡夫聞此無說過咎
取彼無言冥然長久端坐暗獄以心相續昔
却語言猶如土木捨有之無落在邪途有無
俱病二病俱祛祛復何去不離當處當處不
生語默相取取兮不知是東是西說即不說
不疑即疑故稱佛子了事凡夫是何凡夫問
取李胡 彼我不二 諸人行李處非我君
不能我今憑子力還與汝同心彼我無毫忒
超然絕古今千差非止水生死自平沉對容
誰不妙拂袖省知音不墮機前路明明定淺
深其如未覺了彼我徒自侵 動靜常一

本自未嘗迷何勞今日悟守住寂寞城知君
 選錯悞從前諸聖人元是凡夫做豈有別路
 岐教人離憂苦祇者生死中即是佛去處有
 人忽踏著選甚淨穢土一向不回頭喚之亦
 不顧千聖不奈何可不省言語了却貪嗔癡
 即是諸佛母 妙語方知 佛與祖師言拈

花示癡子我今發此談何言顛倒尔當人自
 天真譬之秋潭水一物著不得豈用安名字
 切莫向其中認之還不是不見須菩提空空
 達彼彼了妄元真 問汝貪嗔癡家住在
 何處我今要與汝各各分頭去好好細思量
 免被他官府大者名為貪養得二舍第三郎

都一處日夜共活計令汝家戶大使汝善調
 制子今苦厭我我與子發誓一要子自知二
 要子依例三要當處生四要歡喜偈與汝善
 和同一無凡穢一覺一切了何須去煩駢
 我是諸佛母十方及三世 物我無差
 青山是我身流水為我命養之以四時蕭然

自條正覆育諸衆生六度自修省栽花種善
 提拂石要安靜不見楊柳飛自有蒲萄影玩
 之且不厭去亦無冤競一性一切性娑婆大
 圓鏡 同居善說 世人不知我求我以形
 容形容不相似徒觀紙上龍若要識得我問
 取主人翁主人好家業物物要安藏六兄誇

藝術三母足温良南廳善書筭北庫多財糧
 注來但覺又懶去問張王君若一識得與汝
 同屋梁 美容可觀 一別海山中十年春
 草綠相思在方寸顏容皎如玉音書杳不來
 桃李繁且熟唯有意中人使我眉頭蹙
 妙容非親 通身無影像脫體露堂堂不話
 非聲色何曾有短長河沙恒徧現故号法中
 王優曇花正開嗅着不聞香 延促自尔
 春日春山裏萬事盡皆春春光照春水春氣
 結春雲春客春情動春詩春更新唯有識春
 人萬劫元一春 體寂咸周 妙體無方具
 徧知近邦遠刹絕毫釐根塵應念周沙界坐

断毗盧發大機 應緣不錯 法法無差是
 正修見聞從此絕漂流窮心未到忘心處一
 聚根塵安得休 祖師地種花及揔頌四首
 地 性地本無生因生說有地流傳古至今
 非愚亦非智 種 從昔未曾迷於今何所
 悟祇緣種性深更亦無別路 花 有種有
 心地因緣多八花自開要知成果處却笑祖師來
 揔 五葉花開後山長水更深亂雲橫谷口
 游子謾追尋 六句偈六首并叙 六句偈
 者各盡自心功德藏無少間然也不離六句
 而超六句方曉此意 前念是凡 前念是
 凡短布裁衫長亭送客落日張帆 後念是

聖 後念是聖一拳打正干戈叢裏捨得性命
 前念非凡 前念非凡語正言譏天高
 海闊毛羽毵毵 後念非聖 後念非聖萬
 象明鏡不假薰修本來清淨 前念即凡
 前念即凡凡不能測若人要知道終不指劃
 後念即聖 後念即聖聖不能知鐵牛過海
 石女生兒 十憶偈并叙 余嘗謂先聖雖
 往其道則存苟或契同吾斯在矣百丈因言
 之瀉山曰如忘或憶所言憶者歷然神解如
 耳目所對更不差錯者也故作十憶偈十首
 以自發明先旨使千載之下咸令信受亦貴
 知余未始少忘也吾既知之矣尔等知之乎

憶少林 一從三拜後千古錯流通來日無
 人到蕭蕭檜栢風 憶曹溪 葉落歸根後
 曹溪一滴深山人少到真實好知音
 憶南泉 一歸方丈後何處覓南泉昨夜三
 更月寒光照座前 憶趙州 不下禪床後
 曾無善巧言平常安樂事今古謾流傳
 憶南陽 丹霞相訪後從此話南陽草作青
 青色春風任短長 憶雙林 一入雙林後
 天官事可猜賣魚人不厭何處見如來
 憶寒山 一住天台後身單布亦穿雖然筋
 骨露歌笑不堪傳 憶龐翁 石上栽花後
 生涯自是春若逢親切問端的不饒君

憶先師 一見先師後堪悲復堪笑爲問何
 以然八十重年少 憶伊余 憶着伊余後
 呵呵笑未休何人知此意有語不堪酬
 十可行十頌并叙 華嚴以十法界總攝多
 門示無盡之理禪門有十玄談以明唱道洞
 山有十不歸以表超證山僧述十可行以示
 後生庶資助道譬諸蓬生麻中不扶而直又
 如染香之人亦有香氣有少益者書之于后
 冥坐 清虛之理竟無身一念歸根方法平
 物我頓忘全體露個中殊不記功程 入室
 問道趨師印自心入門端的訪知音此二不
 踏曹溪路到老將何越古今 普請 拈柴

擇菜師先匠進業修身見古人若到諸方須
 審實龍門此法是通津 粥飯 三下板鳴
 生死斷十聲佛唱古今通開單展鉢親明取
 不可麤心味苦空 掃地 田地生塵便掃
 除房廊蕭洒共安居裝香掃地無餘事默耀
 翰光示智珠 洗衣 臨流洗浣莫踈慵入
 衆衣裳垢不中上下障肩薰炙久身心動念
 肯消鎔 經行 石上林間鳥道平齋餘無
 事略經行歸來試問同心侶今日如何作麼
 生 誦經 夜靜更深自誦經意中無惱睡
 魔惺雖然暗室無人見自有龍天側耳聽
 禮拜 禮佛爲除憍慢垢由來身業獲清涼

玄汝有語堪歸敬是汝非他事理長 道話
相逢話道莫虛頭大語高聲笑上流言下若
能窮本末肯將無義結朋儔 感興二首
空裏形骸夢乘身夢中身世莫追尋可恰一
膝崑前水流入人間古到今 夢幻空花秋
自知潜思二十九年非夕陽芳草曾行處誰
料紅蓮步多八隨 海會薛老和尚 來時無
有語去亦不知聞此曲誰能和轟轟出白雲
五祖老和尚寄鐵牛歌與師 昨夜三更前
鐵牛耕盡田喫着三春草吐氣在青天也無
欄也無園前山後山任方便不曾造次損田
苗愛惜皮毛不輕賤忽然大震一聲雷始覺

從前俱顯現 師和 混沌未分先剖判生
成不假陰陽煨頭角前來是好牛皮毛更不
重更換滿目平田無寸草飢凧渴飲無生老
威音王佛是如今有甚衆生可尋討唵吼一
聲天地動達人見處吾無用坐斷毗盧世界
寬自是袖僧眼皮重一遇知音和始齊自餘
揔是閑陪從 山中閑寂爐邊靜坐因思四
十年人間世外林泉之樂與夫區區世上者
何遼遠也諦思究極于至道遂成山偈聊以
自勉并示諸禪人使勿如老夫之回頭晚也
動境徧娑婆以之成逼迫安心一處坐從是
虛生白逼迫何逼迫膏火煎魂魄虛白何虛

白廣莫揚孤翮良哉靜者心四海猶爲羣匹
 彼在動士天地何遼隔故茲審觀究二者俱
 介僻棄彼而奔此安得有深益樂者自何至
 苦者自何適苦樂忘根緒由夫征路陌路陌
 苟不征孰孰本家宅昔未厭瓦礫今豈重金
 壁金壁有所重瓦礫未可擲瓦礫謂金壁殺
 盜應非逆金壁謂瓦礫聖賢失蹤迹金壁而
 金壁瓦礫而瓦礫苦樂各平等法法無假借
 大空離衆念真實無改易樂而無樂相苦亦
 無苦跡苦樂同十虛心門廣開闢龍吟而鳳
 鳴天淵發金液人不念諸道飢口枉求食一
 也及夫此曹溪稱上客因思賢聖人不寐微

永樂北藏

古尊宿語錄

殘夕時哉各勉旃并沉在咫尺 題四面法
 智禪師塔 玳重靈知者綿綿亘古今人居
 千聖外塔鎖亂雲深碧落杉松色卅崖虎豹
 音回光如到此必也見師心 與太平四面
 夜坐 城中應接同摩詰雲外無心似老盧
 月白風清深夜坐出家全不費工夫 示看
 經僧 句義縱橫那畔彰五千餘卷摠含藏
 如何不覓根頭意空看枝邊木葉黃 讀傳
 燈錄二首 虛名虛說傳來久真語真蹤示
 後人虛實灼然知下落清風千古見芳塵
 家家門前火把子半夜愚夫說相似碧天如
 水月如鈎古今流落閑名字 示我松僧

第一九八冊

一寸靈苗手自栽前崗後隴作良材敢將不朽傳他日唯把青青示後來 山中偶作三首 分明不了却成迷無限風光付與誰昔得家山田地穩自然處處不思議 舊事成空莫可追舊心將把再思惟古人不隔絲毫許會得如斯也大奇 休處言休便好休五湖蹤跡任遨遊莫嫌活計無多于此個牟尼用到頭 示衆 求心心未諦等人人不來 出花曉來雨寂寞爲誰開 三句頌 禹穴龍門寺探珠欲問龍驪珠吞在腹如何收得請續本後 句讀靈源十二時歌 一日日一時時龍門老心自知 師常以六隻骰子示禪人六面

皆六點復作三頌六隻骰子蒲盆紅不用安排祇麼通擬欲進前求解會大似西行却向東 六隻骰子蒲盆紅塵墨河沙用莫窮誰能解展金剛手袒佛親來亦掃蹤 六隻骰子蒲盆紅馬載驢馳一擲空赫赤窮來無可賽請君從此現神通僧問六隻骰子蒲盆紅云忽遇恁麼人來時如何師云平出云請君從此現神通什麼生現師云骰子在幾手裏 迷逢達磨 信步遊梁魏乘時別少林長安車馬客無限利名心 因法眼頌呪咀毒藥形聲之通眼耳若通本人何適師復頌之根問本人何所適塗割等平忘順逆有爲雖偽性常真法法無依稱善吉 無情說法

無情說法異音聲聽得之人眼耳通不但近
塵并遠刹十方度盡顯全功 寒食禮先師
真五首 雲水叅尋訪此宗十年磨刮太虛
空區區力盡空依舊方知萬法本來同一
悟吾師心便息信門入處還無入二十年中
事密如向人殊不勞心力 前人說法後人
聽由來兩箇揔無情祇緣口耳都相似所以
流通道自成 去人去矣叮嚀囑住者相承
無斷續若遇知音一和時乃知去住常充足
清明寒食與諸人共禮先師不動身萬法本
閑心亦爾將來誰是得吾真 和珪首座二
頌 祇論親切不論時回笑諸方陷虎機一

句未容開口對片帆先逐便風歸頭頭有路
堪行履物物無差莫棄遠不見黃梅足奇士
盧公却得祖師衣 媿尔相求識歲寒不嫌
危磴路千盤歸堂一劄曾親訪閉戶深山肯
自瞞月下篇章應獨和壺中天地共誰看臨
機大用全收放何必區區搥雪團 送郭大
夫知鉅野 多八 東歸半載漁樵樂北去 十一 三年父
母來金馬玉堂彈指入寶樓香閣一時開
題陳子美息陰堂 湛湛寒溪疊疊山息陰
投老得身閑武陵花好春長在漁棹歌清事
不閑眼底兒孫從富貴鑄前鬢髮任烟斑天
機日有真消息頻許禪僧共往還 題孫欽

之養素軒。善養不教，声色亂素，絲無染是。天真有時來，此軒中坐作，箇忘機混沌人。智海化士乞頌，乞食山城歸帝里，毗耶鉢飯香而美，莫念故園桃李春，更叅上國西來旨。示園爐僧，爐邊靜坐，默無言，勿論麈踈若市，鄧冷暖，此中看火色，祖師心印為親傳。

題徐四翁壁 徐翁活計，天真年老，無喜無嗔，叅取面前桑樹，乾坤不出一塵。

題祇園庵 祇園誰住，此謂是，鑿頭通物外，庵邊竹人間，耳畔風露畦，青戛戛，煙圍綠濛濛，祇箇潛心處，分明古者同。夏散輒病，既病且惱，因書山偈，示一二禪者。萬劫一瞬。

視塵沙不動，移若為論，過未併摠入無時海。閣波仍市心通佛，可齊床頭木枕子，推出恐人迷。題侍者寮香林閣，葛厨松枕午窓涼，卧看風雲草木香，彈指徧遊塵刹盡，故山歸路笑羊腸。送常侍者西歸省親，本從綿竹過南方，依前歸入綿竹去，井舍猶為舊日居。山川不改當時處，鄰人見之莫驚愕，親里歡迎，斷思慮，有問南方所得時，瘦藤為我聊輕據。小師崇堅乞偈，事辦須尋道方明。尔本來禪，閑無鎖鑰，祇要用心開。龍門偈作五首，明月何皎皎，永夜入我室，照出萬古心。念此百年質，隔牕風露泣，擁毳衣，余

密遲遲不能寐餘光在東壁 叨叨林鳥啼
披衣中夜坐撥火悟平生窮神歸破墮事皎
人自迷曲淡誰能和念之未不忘門開少來
過 嗚嗚鼯鼠啼時人皆不喜得意即相呼
意去當自止吉凶由之生吾未見其理此言
如未聞大梅有宗旨 初夜涼生早微雲卷
多八
太空燈懸松竹露簾捲薜蘿風可笑千年事
十二
能將一念通相逢禪客問細話吾宗
每念心中事頻開掌內珠欲憑天上鴈待寄
水中魚此意終難寫斯言不可書含毫竟寂
冥逸屋樹扶踈 題靈光臺壁 政和七年
院成別於南山下作靈光臺臺上立雙浮屠

永樂北藏

古尊宿語錄

西向見日沒處是謂歸根收藏之旨也一窳
堵波以奉前後宗師化盡報體一窳堵波用
安十方禪僧火後遺骨是二者爰彰寂滅之
道殊途而同歸万靈咸會者也吾之朽骨亦
藏于此世世宜遵守之長而且久與夫虛空
齊壽者斯雙塔之所以建也其年寒食日住
山清遠記并述二偈云 吾初欲作異常語
更恐異常暗流注不如不語人共知人欲知
之反勞慮崖頭浮屠示其相臺上野雲飛不
住周遊獨步或可退錦繡谷中歸舍去
百骸潰散此日言一物長靈異時語此日長
靈猶可知異時潰散憑誰舉可知所以有生

第一九八册

滅解舉方能忘取與光明寂照徧河沙慎勿
 於中論尔汝 花山 石龜不念歲月古舊
 記已滅名尚留道傍蒼木老霜雪澗畔野草
 隨春秋訛傳細讀華陽傳靈跡獨聞姚比丘
 可憑定力驗今昔人間万事徒悠悠 木魚
 無端擊此溝中断鐘鼓相參無雜亂能聞所

多八

十三

聞非二緣以此及此通回換凡夫何故作追
 攀達士若成智觀可憐流入薩婆若醉眠
 尚尔排魚貫 讀經 不染而染妄本虛染
 而不染悉無餘本虛自是能成事體淨何妨
 應万殊断妄證真心豈息非真非妄智還透
 了真了妄如無碍自在圓明始是珠 不寐

毗耶離城居士家環堵十笏容河沙八万四
 千高座衆咄嗟已辦薰天花迢迢不到迷是
 障念念常入心無差須弥盧山四大海我見
 如一粟與麻 早起 老來愈見心無事夜
 未偏知曉更涼淺淺地爐猶有火依依山月
 尚臨墻試將寂滅那伽定暗寫雕虫篆刻章
 剛被啼雞忽驚斷一時歸入正思量 起晚
 展脚縮脚飢鼠啼合眼開眼重露晞覺來始
 了夢時事夢處寧容覺後知瞬息黃梁猶未
 熟翻翻蝴蝶正狂飛披衣獨坐日正午試問
 何如半夜時 遊定明塔院作二頌 大士
 安禪地千峯塔院春門深松檜老事古歲時

新人礼香燈夜鳥啼花雨晨秋應禪石上去
住亦通神 白塔雲中路晴空鳥外簷好山
長入望終日坐無厭幾個竹生石數枝花映
簾長安曾未到神力動飛滯 因舉楞嚴經
七處微心成頌 善逝明知直不邪要窮忘
識是空花故今慶喜推心目勝扣初觀始出
家在內何綠味肝胃相知在外又成差琉璃
比眼還同境閉障開明未有涯合處隨生難
定體根塵兼帶轉蓬麻世間一切都無著水
陸空行作翳瑕七處無歸全失措從茲始得
徧河沙 述懷示學者 細思五十三年事
併入初中後夜心須信刹那通過未更無毫

髮作追尋隨消舊業根先斷末絕新殃道已
深此是安身立命處故吹一曲報知音
病中示光道者 我病無形不可見曼殊室
利得深知再三若欲通消息推出床頭木枕
兒 蔣山送無着道人歸舒州 已禮雲中
塔更瞻堂上師方思江水北共集定林西一
句無多子千差永不疑到家勤愛護此道少
人知 送禪人入京 千人叢與万人叢無
喜無嗔耳目通要識太原孚上座六街鍾鼓
開鑿鑿 再得 盲退襄山成三偈代達
和守錢公 住山久有煙霞疾得請放還藥
鹿羣厚意於公殊未報深禪印復對爐薰

公家忠靖有遺德乃與定明開道緣異世今
 時豈人意一麾千里是家傳 出岫油然亦
 乘興倦飛隨意即知還有心知到無心域鳥
 戀故林雲在山 真贊 釋迦如來出山像
 贊 妙色非身形容乃普閻浮未下雙林已
 觀曠濟功深六年行苦塵沙相好万億刹土
 衆生心淨佛日常午正念蒙光迷人外取雕
 檀寫毘像未孩乳今茲軌模傳從乃古象步
 出山智珠河吐水月頓澄豁開覺戶瞻之仰
 之豈敢自侮常在不滅此言手舞 觀音像
 贊二首 曠大劫來離衆苦心心永斷諸分
 別聞處真聞實不聞說時雖說常無說法身

普現凡聖等耳根采聽音聲絕娑婆最有大
 因緣一念清涼除惱熱 曠大劫來不虛妄
 言言故得皆真實應念蒙光迅電飛尋聲救
 苦奔風疾千章万句離文字異韻殊音垂祕
 密現相宣揚遇此時見聞穎脫欣今日
 天台三大士像贊 岩岩天台曠闕寰宇大
 士不我毫端莫取蜀客心狂緘塵一縷屈指
 拊掌松石猛虎生涯何有流傳今古靜對虛
 堂非謂無補 達磨大師贊 振搖梁魏斟
 酌皮髓孰云西來空柳而已素壁虛堂少林
 熊耳 百丈大師贊 慧燈續傳福庭宜啟
 常住世間水月鏡像是謂叢林大智百丈

楊岐和尚贊 開市竿頭呈戲衆眼曾驚粟
棘蒲上橫吞諸方盡畏宜陽秀水萍實楊岐
雨過雲橫天高地下 白雲端和尚贊
細紀著明不忘付授淨空無際如日處晝欲
究根源瞻之龍岫 五祖演和尚贊 遇寬
則親傳虛果當剛硬齒牙生鐵腸臍風清淮
楚道實宗匠不有智慧子孫安嚮 浮山圓
鑒和尚贊 井汾鐵騎老息荒丘雲施雨罷
花落水流 褒山定明禪師贊 四海稱唐
師出華陽不起燕坐翺翔帝鄉名與山俱道
逐時芳濟民助國能雨能暘貧者獲富熱者
得涼羣蒙所歸實在不亡 悟首座圓余幻

質復求爲贊 廓然無聖儼尔有容明明絕
朕密密垂蹤昔也憶寶枯木藏龍今其示人
巨嶽喬松龍吞萬類松茂三冬神而不改風
雲必從吾形既得尔道自鍾褒斜路險漢水
朝宗 珪首座求贊 如珪如璋惟子非我
且陋且拙在余是可子今傳余拙則成奇物
感神會形動心隨凝雲不飛寒月下映孰謂
之凡孰謂之聖余猶尔也奇拙同貫噫嘻斯
文大朴未散 順知藏求贊 色裏膠青不
見形影中所以邀吾真吾真定有非形礙爲
對凡夫顯幻塵塵既顯道弥新不貴西來彼
上人 淵禪人求贊 似余似余類我類我

我復謂誰如火與火描邈不就迎隨不果寫
 出龍門衲僧災禍 如大師求贊 比類則
 踈現形仍普得在一瞬照窮千古雲起吟龍
 風生彌虎贊之絕岸瞻焉奚觀 賢監院求
 贊 徧界不藏毫端獨妙縱未頻呻已先微
 笑吾子識也水月斯照纖塵不遺是為宗要
 肱維那求贊 第八 識余者誰請觀端的孰云丹
 青謾勞尋覓斷雲架嶽皎月在壁昭尔惺惺
 悟茲寂寂 勤禪人求贊 滄溟一滴鹹無
 際厚地纖塵廣有餘何事陋容人寫得秋緣
 蹤跡在龍舒 眈侍者求贊 吾行尔隨吾
 喚尔應唯隨與應不欠不剩因吾識尔此像

果親靜而瞻之道實絕倫 元侍者求贊
 道雖光明形則山野提折脚鑿住深蘭若拙
 韻無取陋容誰寫常在左右覺元侍者
 小師崇戒求贊 似即踈比仍失廓尔空皎
 然日顧丹青寫容質誰使之省尋覓 無著
 道人求贊 植杖望雲何處空山獨立凝情
 媿我蕭然無物謝伊裝點相成 馮濟川教
 授求贊 天地無物我無物隱顯空雲隨出
 沒此間誰是悟玄人霹靂光中轟一咄
 吳公明求贊 欲識坦然老乃是龍門人言
 名落四方坐卧今十春會見移庵去何妨邈
 形真平生香火緣對此即通神 張公壽求

贊 首到東山晚親龍岫歲經寒暑人非新
舊塗毒長鳴優曇勿嗅靜對終日弟子公壽
戴巨濟求贊 畫出人皆識相逢道更親起
雲峯後路記得徃來頻 龍門常住圖師真
知事求贊 寥廓無狀孰為龍門有指南路
絕刀斧痕因緣去住任物所論黃竹寒湫曉
而復昏

多八

十七本

古尊宿語錄卷第三十二

多八

永樂北藏

古尊宿語錄

第一九八冊

永樂北藏

古尊宿語錄

第一九八冊

古尊宿語錄卷第三十三

多九

龍門佛眼禪師語錄之五

僧錄司右開教兼鐘山靈巖禪寺住持淨戒重校

小叅云好一轉語還有人答得麼良久云問
答俱備所以古人道夫說法者當如法說且
如法又作麼生說諸人既無風起浪者裏不

多九

免將無作有所道其說法者無說無示其
聽法者無聽無聞諸人既無聽而聽我者裏
無說而說若得恁麼目前無一法可得何故
且聽外無一絲毫說底說外無一絲毫聽底
便能透過雙閑俱無異相不必說與不說聽
與不聽自然大地山河色空明暗更非別法

永樂北藏

古尊宿語錄

可謂透出塵勞頓居實地雖現在三界中熾
然出三界現在聲色裏熾然出聲色且如今
與諸人說聽同時作麼生說箇不說不聽底
道理須知端的明悟始得不見古人道非色
聲香味觸法者箇去處也大殺不易叅學之
士若非到此田地管取目前有法外既有法
內必有心內外緣生汨沒三界諸聖由茲而
出現達磨特地而西來還知諸聖用心處麼
祇是諸人心是更無別心亦無別法所以道
十方薄伽梵一路涅槃門誠實無差方知道
無迷無悟非聖非凡若實得恁麼便好韜光
晦跡履踐諸聖玄塗其或未然直須管帶始

第一九八册

得不見趙州和尚云十二時中許一時外學
 僧便問許一時外學未審學什麼州云學佛
 學法祇如佛法尚為外學其餘十二時中作
 箇什麼始得大難其人所以如今與諸人相
 會喚作非時言論既是非時言論如何得相
 親去違道之人若能鏤餅盤釵釧作一金攪
 酥酪醍醐為一味說什麼時與不時盡皆中
 的奉勸諸人快好究取二六時中去離塵緣
 莫起異念豈不聞昔日有人在高樓上見二
 比丘從樓前過有二鬼使掃併道路復有二
 鬼散花隨後及乎二比丘迴返二鬼復在前
 叱喝喫唾二鬼隨後掃除脚迹其人遂下樓

問二比丘所以其二人方悔感悟乃云我等
 去時共談佛理及至迴時却言雜語諸禪德
 此難處境界子細推來乃是學道之人大事
 何故祇為情念瞥起外境現前念若不生無
 境可得所以先聖道以無念為宗而今但無
 几聖異念種種^多心量亦無煩惱可斷亦無苦
 提可求於^多生無生於死無死不見昔日洞山
 和尚與密師伯游山次忽見白兔從草中突
 出密云大似^多衣拜相山云老老大大作者
 箇語話密云兄又作麼生山云積代替纒
 時落魄者箇公案如何消遣得去且道是何
 道理諸人若會得白衣拜相便乃獨步升霄

永出常流若會得積代替纓便解奪飢人之
 食祛耕夫之牛還委恣麼直饒一一委恣分
 明諸人分上搵使不着如何是諸人分上事
 試斷看良久云討甚兔子珍重師還東
 山省親衆請小叅云暫下蓮峯輕屈指光陰
 倏尔又三年雖然不隔然毫許爭似躬親到
 座前某伏自數日前陪從太平禪師象馭再
 登蓮嶠歸侍老師大和尚瞻禮慈容之間頃
 知有相見底事敢問大衆作麼生是相見底
 事不可是你見我我見你是相見若恁麼全
 無佛法得力處何故世間諸趣彼此見有常
 在生死之中未有脫離之地所以雪峯和尚

向人道望州亭與你相見了也烏石嶺與你
 相見了也僧堂前與你相見了也若據如斯
 指示豈待音容相接言氣相交始為相見諸
 高德夫為叅學之士須實有去處始得還知
 麼如今敢道千里同風相見却易會對面相
 見却難知何故難知夾山老子道目前無閣
 梨座上多九無老僧諸來大衆盡在于此如何見
 得目前無閣梨堂上老師大和尚在座與諸
 大衆證明作麼生見座上無老僧不可等閑
 過却將為閑事晝夜被見聞風所飄鼓根塵
 陰界諸入纏縛不得自由生死事大須得箇
 悟由入頭處始得雖然如是格外道人寔遭

怪笑何故須知有向上一著且待異日他時別為諸人點破因記得昔日南泉趙州二尊宿皆道超物外名播寰中時有一僧往山中見一禪伯在盤陀石上卓庵而坐僧遂問曰南泉出世浩浩地可往彼問訊空坐何為庵主曰莫道南泉出世佛出世我亦不去僧持此語見南泉南泉大驚遂令趙州往驗看州到庵主處從東過西庵主不顧州又從西過東庵主亦不顧州遂當門立曰庵主你敗也庵主亦不顧遂拽下簾子而行庵主亦不顧大衆者一則因緣諸人作麼生委悉莫是趙州南泉不到庵主田地返被庵主勘破落他

陷虎之機也無莫是庵主雖然並無受用臨機不解互換平地上死人也無諸人者素非此理大凡行脚人須是道眼分明始得若道眼不明祇被南泉趙州庵主三人換却眼睛了也實無少許相應處若也道眼分明趙州南泉庵主便是上座更無異見也還相肯諾也無不見道曾經大海休誇水除却須弥捨是塵久立 解夏夜小叅云一二三無言並子口喃喃三二一上下四維無等匹袖僧活計絕絲毫萬古微猷是今日大衆作麼生是今日事現定東西僧俗燈燭熒煌作麼生見得箇絕絲毫底事若於此見得歷劫孤明

未曾昏昧方信道達磨不來唐土二祖不往
西天如是之事蓋是諸人背覺合塵流浪日
久是以智光不得顯現所以遊方問道徧參
知識若於一句下見得分明方知無量劫來
事祇在今日然今日之事也大難委悉何故
蓋為諸人現分別者心本元真寔誤認分別
致背真源但無許多分別之心自然時常顯
露祇如此事還假方便也無山僧有箇方便
普施大衆乃豎起拂子云還見麼若道見拂
子翳卻兩眼了也若道不見拂子生盲卻兩
眼了也眼則且置且道者拂子是有是無拂
子若是有便心外有法拂子若是無壞卻世

諦學道之士到此如何理論如斯指注太甚
歷良為賤若是真正道人也無如許多事故
我釋迦如來在日建立個方便門庭亦無如
許多事每至結足安居不相往來各各求證
道果於九十日中或有所得或無所得或有
疑慮或無疑慮或有罪或無罪至休夏自恣
之日方詣佛所各呈己見求佛印可故謂之
自恣自大覺掩光已來人心鬧亂致有朝參
暮請種種見知所以不能得契本源也憶昔
佛在竹園精舍與大比丘結足安居至自恣
日時優波離尊者觀諸大衆如海清淨無有
缺犯唯有文殊師利菩薩不樂所止之處好

游聚落違犯禁戒時優波離具以白佛欲擯
 出文殊世尊謂曰若擯得但擯時優波離遂
 集衆鳴犍維左右上下皆是文殊徧虛空界
 一切之處悉是文殊世尊謂優波離曰汝欲
 擯那個文殊時優波離放下犍推禮拜懺悔
 云我小德小智不識大士境界大衆當時可
 惜放過多九甘為樂小法者若下得者五一推莫道
 文殊假使釋迦老子亦無容身之處諸人還
 知得者一推落處麼若知得盡大地一切衆
 生四生六道一時瓦解冰消無絲毫可見或
 有個衲僧出來道請和尚試下手看即向伊
 道動不如靜放過一着何故落霞與孤鶩齊

飛秋水共長天一色 小叅云古人道若
 是陶淵明攢眉卻回去如今敢問大衆攢眉
 去是具眼不具眼若是具眼何故回去若不
 具眼何故回去去底且從你道如今却來者
 裏圍繞者是具眼不具眼若是具眼何故圍
 繞還有人裁辨得麼若裁得出無絲毫遺漏
 五日一叅勞諸人訪及於此寔為希有然既
 勞諸人訪及為復世諦人情為復是佛法受
 用若是世諦人情我輩沙門釋子聚會不可
 作世諦流通也如此則有何利益若是佛法
 受用作麼生見個佛法受用底道理還有人
 會麼莫是諸人棧門前恁麼來問訊又手立

地是佛法麼莫是呼之無形應之有聲一切
 處受用無盡是佛法麼莫是渠不恁麼一切
 該不得眼不見耳不聞孔孔洞洞是佛法麼
 莫是阿師恁麼說諸人恁麼聽是佛法麼莫
 是本來無事何消得恁麼大個頭上安頭但
 隨時及節是佛法麼莫是佛法兩字不用道

看山是山水是冰僧是僧俗是俗如今且建
 立箇化門接引初機是佛法麼大眾素非此
 理莫錯好恁麼則佛法祇憑口裏意裏驅差
 將來若祇如此何處有佛法盡是無義語不
 實語虛誕語諄般若罪大不可當乍可不會
 却永劫無事切莫未得謂得起大我慢輕忽

先達若也實得箇安樂處便須識得些子好
 惡辨取些子邪正不可瞞瞞肝肝儻儻統統
 祇恁自欺自誑山僧直是不昧諸聖如今在
 者裏不惜口業與諸人如此論量喚作論實
 不論虛我祇要一箇見解明白徹底悟得底
 人不要你許多作用奇特機鋒玄絕捧喝齊

施如此者恁不消得拈出也何故你未入門
 來時脚跟下已與你三十棒了也更來者裏
 揚眉動目彈指拂袖便出去道我勿廉纖無
 話會拂袖出去則且從你者一段疑情如何
 得見諦去且問你拂袖出道是了也祇如你
 大小二事時何不拂袖喫粥喫飯時何不拂

袖相見問訊時何不拂袖須要說佛法時拂袖意在於何一處通千處百處一時通莫怪迎耳莫道絮無滋味我不圖你名聞利養祇要你悟得同報佛恩除此之外亦無別事你若真箇有箇入處方知山僧不分外已得者便好長養聖胎未得者正好疾速決擇你不見藥山久不上堂院主白曰大衆久思和尚示誨山曰但打鐘着院主打鐘衆已集山掩方丈門院主白曰和尚相許為大衆說法何故不出山曰院主經有經師論有論師律有律師又爭怪得老僧大衆你看他古人得恁麼奇特豈似而今教者两片皮喃喃地一似

教書相似有甚麼利濟各請散去珍重衆散師復云大衆三十年後不得錯舉小叅云今時人須是自尊自貴自成自立始得若能如此方有箇休歇處雖有箇休歇亦無休歇之量若不如此捏目生花見事便差但識山僧拂子便得多九祇如拂子且作麼生識乃豎起云還見麼若見且不識山僧拂子若不見亦不識山僧拂子且如何是自尊自貴底道理近來兄弟以遊山為訪道觀看名叅學禪為行脚還當行脚事麼要見五臺清涼京師兩浙廬山湖南天台鴈蕩江南江北好山好水好寺院拈起拂子云子細看取一生行脚

事畢或若劬勞跋涉真實自輕大衆切須自
尊自貴將知尊貴邈合着得箇什麼無事不
須久立師姑本是女人做阿嫂元是大哥妻
好大哥歸堂去 小叅終

普說

師云法身有三種病二種光一一透得始解

穩坐地又楞嚴會上如來說五十種禪病如
今向諸人道直是無病始得龍門道祇有二
種病一是騎驢覓驢二是騎印驢了不肯下
你道騎却驢了更覓驢可殺是大病山僧向
你道不要覓靈利人當下識得除却覓底病
狂心遂息既識得驢了騎了不肯下此一病

永樂北藏

古尊宿語錄

最難醫山僧向你道不要騎你便是驢盡大
地是箇驢你作麼生騎你若騎管取病不去
若不騎十方世界廓落地此二病一時去心
下無事名為道人復有什麼事所以趙州問
南泉和尚如何是道泉云平常心是道州從
此頓息馳求識得祖病佛病無不透得後來
遍到諸方無有出其右者蓋緣他識病不見
一日去訪茱萸策杖從東過西從西過東萸
云作麼州云探水萸云我者裏一滴也無探
个什麼州靠却杖而出看他露此風規甚能
奇特如今僧家例以病為法莫教心病好又
立 師云不與萬法為侶者豈不是出塵

第一九八册

勞耶心不知心眼不見眼既絕對待見色時
無色可見聞聲時無聲可聞豈不是出塵勞
耶無路徑處入得無縫罅處見得佛法亦無
東西南北不道你是弟子我是師若己躬分
明無有不是者叅師時不見有師叅自己時
不見有自己看經時不見有經喫飯時不見
有飯坐禪時不見有坐日用不羈求絲毫相
不可得恁麼見得豈不是自由自在久立
師云不問又不得纔問來又成自輕了不問
又焉知亦須解問始得我向頂上錐劄你要
你識痛痒如揭你灸瘡甲相似靈利人便知
始得莫自欺我不瞞你不見古人問如何是

祖師西來意尊宿大驚曰你問他西來意作
麼何不問你自己意如何是自己意曰當觀
密作用如何是密作用尊宿以目開合示之
古人多少苦口後來子孫又不恁麼也入門
來便喝更無如何若何生怕你明不得有恁
麼一件事何不識取諸方愛教人看公案我
者裏現成公案好看莫教看破大小大事諸
人十二時中祇是妄想塵勞心念智慧未能
發生所有流布皆從意思中來要作何用智
慧如日出無不開朗喚作無分別智現前須
得恁麼一回了此去有著脚手處有與你
語言分若是妄想塵勞山僧於你無著脚手

處好咲好咲說東入西說西入東不奈你何
若能轉頭來智慧開時便解道和尚元來與
我說了我也與和尚說了搖頭時便擺_受整
理也你諸人謾道十年五歲參禪何曾做者
般功夫來祇是越口快你方來我者裏_就
覷在也則功夫未成沒滋味在你在者裏十
年五歲^{多九}做得功夫熟也管取悟得去我_九也尋
常教人做功夫說底話皆與他古人合不差
一字你但會得了便知古人事也你莫道古
人恁麼道我恁麼會得不是了也祇如古人
說不是風動不是幡動仁者心動有多少言
語到你分上是耶不是耶道我是你你是我

無過此也又人問雲門學人自己雲門道山
河大地多少好是有是無山河大地若有去
怎生見得自己若無現今山河大地如何說
無來古人說與你了不悟不知龍門尋常向
你道本有之事你分上現行現用不着_詩不
着整理不着脩證祇要你一信信得甚是省
力難得如此人先師在白雲會裏端師翁常
曰此道者天真自得之妙蓋緣有生知底事
山僧見先師十年道不得祇為疑得深後來
徹底理會得如今恁不費力不是思量時有
不思量時又不是也佛法不如此袈裟下事
莫教埋沒山僧若不退思參究時一生也則

埋沒了豈有者箇消息也而今道眼不明出世者多罪過罪過如何敢為人高座上也豎起拂子示人惡嚇殺人如盲如聾相似不驚不怖祇趁目前不憂後世打鬼骨臂苦苦你諸人有福德因緣未悟心切不可作出世人禍事禍事若有真實事自然馨香你看多少

虛頭禪師久久一日不如一日如刻人糞作旃檀形到了祇是屎臭氣你諸人求出生死求出離打教成一片又不是你和融然後成一片若教成一片決定不成一片昔日有僧叅舉道者一日遊山問曰和尚香林道老僧三十年求成一片不可得此意如何舉道者

曰老僧也恁麼却問其僧會麼曰不會舉又與者僧一偈曰香林成一片老僧也恁麼不待此月終重為子決破至月末舉道者遂遷化去你道一片事作麼生好不好香林成一片龍門也恁麼為報諸禪和當面莫蹉過各自下去師云看見了不柰何者多既看見

如何却不柰何多九祇為不識所以不柰何若看見識得便柰何得也然發心叅禪便要會得誰不願樂祇為無箇入處又強會不得一切處不合一切處緣差用力取不得良久云你十二時中行住坐卧折旋俯仰種種事業一切處有超佛越祖底事祇是你纔要解會

時已無也真個是無也你擬湊泊已替了也所以道看見祇是不柰何莫是不擬心不起解會時得麼展轉更是不得也會尚不得豈况不會若是靈利底人纔聞山僧說向你便能大開眼見得豈不是沒量大人向道是法非思量分別之所能解又道智不到處若不如此爭稱佛法而今兄弟家祇是呈箇解會呈箇見處作道理何曾解恁麼來何曾得到恁麼田地來若是有道種性底人肯恁麼去覷須是深深地体究蜜地看詳忽然柰何得便無疑情也你等不明祇為十二時中被雜念奪將去也蓋為你要學事業見物便愛

見文字便愛尋逐時便緣將去也這業何由得辨凡學事業人各有時三十已上便不可學也學亦難成學得又何用若己事辦去學亦得在蓋已點化了也若己事辦又豈肯學也若二十上下猶可學若是靈利念生死之人亦不肯學也凡是參禪須是心地平直心口相應心言直故如是始終地位無委曲相莫道我會也我柰何得也若柰何得那裏更去問人也你纔說會禪也人覷你脚手看你說話所為底事因甚却道者个如何那个如何既是會禪又却是爭無明也祇如道默耀豁光是如何藏名晦迹又如何不異人心是

道又如何各自省緣莫說是非且如行住坐
卧進退俯仰一切處皆是起佛越祖山前水
牯牛有佛法你總尋究則已無也何不恁麼
識取久立珍重 師云龍門活計是千聖
之骨髓未有一念不與諸人說自是諸人不
肯承當所以却成山僧瞞你且什麼處不是
與諸人說處禪僧家說道山僧不教人思量
不教人會解不教人商量因緣不舉古舉今
祇恁麼空過我若在別處一夏須明得公案
三兩則須聽一件文字你若商量舉古舉
今却請別處去我者裏祇是一味禪所以喚
作千聖骨髓我且問你適來因什麼問訊聖

僧且問訊時還印證你麼還肯諾你麼若道
印證你他是土聖僧豈解印證你若道肯諾
你豈解肯諾你既不解肯諾印證又問訊作
麼莫是仁義道中麼莫是觀相生善麼若是
仁義道中衲僧家豈有仁義豈有睹相生善
莫是事不獲已隨衆問訊麼又成何道理到
者處須是一一明始得不見長沙大師一日
回頭見聖僧忽然知歸便云回頭忽見本來
身本身非見亦非真若將本體同真體歷劫
迢迢受苦辛諸人還會此个道理麼珍重
師云有時問著師僧捻言不知不會祇管道
飢來喫飯困來眠似此說話有什麼救處更

道不知月之大小不管歲之餘閏誰理會你
者般事我且問你作麼生說個不知底道理
你見人說了便恁麼道還曾會得那不知底
道理麼古人道不知者無所不知無所不到
喚作不知要你今時人到那不知底田地此
是諸聖境界豈比如今拍盲不會喚作不知
若恁如此盡道我不知不管忽有人問着如
何流通曹溪一路恐無人相續去也不得如
此須是懃懃決擇始得珍重師云古有
禪德問老宿云如何是出離之要宿云閻梨
足下煙生禪德頓於言下得旨諸人還知出
離事麼若起解會心則隔了也後來有尊宿

多九

十三

云不敢辜負和尚足下烟生又有北院通鋒
洞山山謂曰千何處去通曰入嶺去山曰飛
猿嶺峻好看通遲疑山曰通閣梨通應諾山
云何不入嶺去通頓於言下得旨古人為人
處甚徑直每見人來無不示他是伊道入嶺
去此意如何今人不明了須做箇會處以此
子會是自隔了秋許體究不許會解一體體
得了更不疑也然亦不易保任若入得是則
無退失所以會處明得不如不會處見得亦
有可保任分更無不照顧時不曉了時所以
古人道平常心是道還可趣向也無擬向即
乖看他_不許你趣向又作麼生保任不易不

易此豈不是出離事你若尋出離處所謂若
 屈玄妙道盡大地是地獄劫住若向者衣線
 下不明是大苦屈不可等閑久立 師云三
 祖大師道不用求真唯須息見又道纔有是
 非紛然失心者箇言語便是教你如今人作
 功夫處也你見他道不用求真便道更不須
 求也此便是見不息是非紛然終不到無求
 心秋成見解今時學道例皆如此看一轉語
 向語下通箇見處便將一切言句云無不是
 此事也恁麼記在心下用為己有殊不知道
 起見解失心了也執而不肯捨大小大癡人
 要得無所求心廢但莫生種種諸見非是冥

然百不會喚作無求尋常十二時中目前不
 了蓋是見心取捨你又豈得知無分別心所
 以先聖曰有為無為有異耶答曰無異也天
 地河海風雲草木鳥獸人物生死變化目前
 皆名有為之相無為之道寂然不動無狀無
 名謂之無為如何得無異去永嘉大師道無
 明實性即佛性幻化空身即法身此兩者各
 別且如何明得即底道理須是證得無求心
 也便和融得無事十地中第五難勝地謂真
 智俗智極難得等入地時二皆平等故名難
 勝地學道兄弟二六時中了取教等好還知
 是你無不別心所畫出麼如畫師畫出種種

好醜盡出五陰盡出人天正蓋時不借他力能盡所盡俱無分別以不了故而起諸見見我見人自生好醜所以道盡師盡地獄醜狀百千般放筆從頭看特地骨毛寒若知是畫出何所怖畏古人明得了一切處現成玄沙大師伐木次遇虎跳出侍者曰虎和尚沙叱

曰是你虎又有僧禮拜次沙云因我得禮你此個方便深符佛意法眼大師指面前狗子曰畫鏤出諸人看時莫就狗子身上明應須持表向自己分上看取始得方解他道纔有是非紛然失心識取好又立師云如今直下信道是也已名不啣溜者况更不能直下

信得又堪作什麼也直下信道是何名不啣溜者從前許多時什麼處去未須知己失一撇了也便見從前不了底却成外之見我觀從上古人有從迷得悟者所有流布皆是從迷得悟法門有悟了知迷者所有流布皆是悟了知迷法門有無迷無悟者所有流布多皆十四是無迷無悟法門其次來迷外得悟者亦甚多故不足道况不知悟亦不了迷此正是九夫也從上南泉歸宗諸人方喚作無迷無悟之見如今學者也越口說無迷無悟又何曾到來不得容易出言蓋為你有疑在我今問你一件事初入母胎時將得什麼物來你

来時並無一物祇有個心識又無形無免及
 至死時弃此五蘊捨子亦無一物祇有個心
 識如今行脚入衆中若個是主宰也如今問
 你受父母氣分精血執受名為我身始於出
 胎漸漸長成此身皆屬我也且道属你不屬
 你若道属你初入胎時豈不特一物来此個
 父母精血數時属你又祇合長在百年依舊
 拋却死屍又何曾属你若言不属見今一步
 也少不得罵時解嗔痛時能忍作麼生不属
 你得試定省看道是有是無管取不疎不下
 蓋為疑根不断道有来初生時漸長至三歲
 五歲乃至二十時決定不移到四十五十而

此身念念遷謝念念無常決定喚作有不得
 道無来種種運為皆解作得道無且不得昔
 有一人因行失路宿一空屋中夜有一鬼負
 一死屍至續有一鬼来云是我屍前鬼云我
 在彼處將來後鬼強力奪之前鬼曰此中有
 一客子可證二鬼近前云此屍是誰將來客
 子思惟道多九二鬼皆惡必有一損我我聞臨死
 不妄語者必生天上遂指前鬼曰是者鬼將
 來後鬼大怒拔去客子四肢前鬼愧謝曰你
 為我一言之證今尔肢體不全遂將死屍一
 一捕却頭首心腹又被後鬼所取前鬼復一
 一以屍捕之二鬼遂於地爭食其肉淨盡而

去於是客子眼前見父母身體已爲二鬼所
食却觀所易之身復是何物是我耶非我耶
有耶無耶於是心大狂亂奔走至一精舍見
一比丘具述前事比丘曰此人易可化度已
知此身非有也乃為畧說法要遂得道果汝
等諸人祇說叅禪舉因緣便喚作佛法此是
禪髓何不憊麼疑叅取會得麼你身不是
有不是無有是心有身則未嘗有無是心無
身則未嘗無你會得麼更說個心亦不有亦
不無畢竟不是你本有今無本無今有斷常
見解立

古尊宿語錄卷第三十三

多九

永樂北藏

古尊宿語錄

第一九八冊

古尊宿語錄卷第三十四

多十

僧錄司右開教兼總持山靈禪寺住持 淨戒 重校

龍門佛眼禪師語錄之六

師到禪床前立云山僧立地待你諸人搆去
還搆得麼良久遂坐曰看見了也不易作個
主宰不見古人喚僧云上坐僧回首古人云
擔板漢多十正當恁麼時如何作個主宰免他喚
作擔板漢此事也不易搆喚作業識忙忙不
見為山問仰山盡大地人業識忙忙子如何
辨仰山云某有個驗處瀉山云作麼生驗時
有僧從面過仰山云上座上座其僧回首
仰山曰秋者個便是業識忙忙師云正當恁

麼時如何作個主宰免被他道業識忙忙去
有般禪僧家強作主宰道待他喚時但莫應
他便去應他作什麼你又不是木頭有底不
然豎一拳下一咄喚作強作主宰且問你者
裏喚時且從你豎拳下咄秋如前廊後架照
顧不到忽然被人問著又如何秋對不可更
下一咄豎一拳却須是實始得此事直是平
等不論貴賤你看陳操尚書是個俗官一日
與僚屬在樓上見教僧打包過有一官人云
教真禪客操云未信在待與勘過僧行到樓
前操喚云上座僧皆舉頭操顧謂僚屬云不
信道當恁麼時如何作得主宰免被他勘破

古人道擔板漢則且置拈如後來人又道者
 僧喚既回頭因什麼却成擔板漢又作麼生
 會佛法到此信知有深遠處須久久淹浸不
 可強作主宰久立師云大凡脩行須是
 離念此个門中景是省力祇要離却情念明
 得三界無法方解脩行離此外脩較似辛苦
 不見古來有一持戒僧一生持戒忽因夜行
 踏著一物作聲謂是一蝦蟇腹中有子無數
 驚悔不已忽然睡著夢見數百蝦蟇來問索
 命其僧深懷怖懼及至天曉觀之乃一老茄
 耳其僧當下疑情頓息方知道三界無法始
 解履踐修行山僧問你諸人祇如夜間踏著

時為復是蝦蟇為復是老茄若是蝦蟇天曉
 看是老茄若是老茄天未曉時又有蝦蟇索
 命還斷得麼山僧試為諸人斷看蝦蟇情已
 脫茄解尚猶存要得無茄解日午打黄昏久
 立一日衆集師出來大眾前行兩匝長
 噓一敲云山僧在你諸人肚裏走兩遭了也
 還知麼非但多十今日如此當在你諸人肚裏走
 來走去還知得麼喚作無瞞人之心實是如
 此山僧盡知得你是好是惡所以道諸人知
 屨良遂恁知良遂知屨諸人不知良遂坐主
 是个解義阿師却明得者个事不見一日去
 見麻谷谷見來不管他自將鋤入菜園裏良

遜亦隨後去谷亦不顧便歸方丈閉却門他
 於是定省精神忽然明得便道和尚莫瞞良
 逐好你諸人如今還得恁麼也無也不易搆
 更有百丈會下古靈和尚得法歸來接他受
 茶師非但古人今人亦有不見四五十年前
 有茶陵郁和尚作山主時因廬山化士到言
 話間為舉僧問法燈百尺竿頭如何進步燈
 云惡由是每日叅詳至於喫粥喫飯時未嘗
 離念一日因赴外請騎驢子過橋橋損陷驢
 子脚倒不覺口中云噫忽然大悟乃有悟道
 頌云我有明珠一顆久被諸塵封裏今朝塵
 盡先生照破山河剎剎者个便是樣子喚作

實頭叅學今時人但恁麼學取若信言語解
 會要明者个事明不得也將合頭語合者个
 事合不得也須知有省悟之由若真實叅學
 但恁麼看據現定會些子言句便休也在諸
 人彼此行脚決擇生死大事不可據現定便
 休去也須是與他古人相似詩个省發處
三
 始有真實叅學分久立師云本有之性
 因什麼不會佛法無多子祇要省徑也不教
 滅除妄想追捺身心閉目合眼便道是此事
 不如斯也須看現定是何道理為什麼却迷
 去恁麼最是親切如老僧未說向你諸人
 未曾聽時還有往來底分塵正當恁麼時切

忌強作道理上至諸佛下至一切拈皆如是所以聖與凡等邪與正等生死與涅槃等且問諸人過去毘婆尸佛迦葉佛古今三世是什麼人分上事十方有漏刹土是什麼人分上事山僧道蕊是你三十年後悟去始知龍門老僧說來切不得道是若恁麼此名外道

見解久立 師云如今被人問着道不得過在什麼處蓋為於無色處見色無殼處聞殼無道理屢強作道理無主宰中強作主宰者裏消遣不下喚作翳眼猶存空花亂墜何故執為心存在便道不得佛法無多子祇要平白地道得一句子便了且道作麼生是平

白地一句子昔有人問山僧祇向伊道兩句了也還會麼古人道佛祖言外邊事一一分明說了也祇是到者裏多是錯亂昏醉不省此若不見便是立地瞌睡漢子也諸人常在光明中開眼見了而不知教山僧怎生奈何久立 師云恁麼與你東舉西舉便道與

你說禪繞轉脚時便作世諦流布將去你但念念在其中便有省發底分看來多祇在眼耳見聞覺觸處蹉過了須是不離分別心識取無分別心不離見聞識取無見聞底不是長連床上閉目合眼喚作無見須是即見處便有無見所以道居見聞之境而見聞不到

居思議之地而思議不及久立。師云諸人上來要个什麼事，須是當人自作活計，莫聽他人說。古人道我十八上便解作活計，你諸人須是解自作活計，始得。你道作个什麼活計？但莫別求。如今人多愛動脚動手者，個不解作活計了也。喚作拋家散宅漂流去，分明不會。我管尋討學些子，知解記些子言句。此喚作運糞入到者裏，須是行李正當。日久月深，淹浸得熟，便會去。古人道一切處是你東去也，是你西去也，是你你是阿誰？若云某甲者，个是情識，須是透得過，始得。昔日天親問無著兄，往內院見彌勒，說什麼法？著云說

者个法，且道者个是什麼法？須是揀得出，始得。不要認著者个，多是被者个一句子，瞞住了也。所以說病為法，是故名為可憐愍者。久立。師云：莫謂如今說底是未是在，若有個是便有个不是，所以道一切言句皆不與此事相應，直須相應去。此事不在別人，還得相契也。未且契契阿誰？若道契於古人，古人已往若道契他，善知識善知識，與你無交涉。所以諸聖慈悲告報教契自心源，且道那箇是自契底心源？若有心可契，決然契不得。須是以無心之心，則契矣。久立。師云：十二時中，須有个契合處，始得。你豈不見靈雲一

見挑花便契合此事香嚴擊竹便乃息心去
 人道若不契合此事則山河大地瞞你也燈
 籠露柱欺你也如今四生六道浩浩地祇為
 此事不明奉勸諸兄弟且先去却底緣你十
 二時中思衣食種種雜慮如燈燭相似未
 有一時停歇但除塵緣所有微細自然淨盡

日久歲深自然會去也不著參喚作息意忘
 緣不與諸塵作對所以西來妙旨意在自明
 龍門長老也無禪與人叅也無法與你商量
 祇要諸人自契參學門中唯以忘緣息慮為
 要者不是從上宗旨祖不云乎以無念為宗
 無相為體若祇一唱一拍有什麼了期久立

師云知道而心常淡泊順事而意識奔馳但
 頭道富身貧情踈德厚山僧者裏日日恁麼
 時時恁麼且道恁麼是什麼離却分別心識
 意度言句外道將一句來此事無你解會處
 如今但是心慮覺觀者皆有个解會得及乎
 返窳已眼返思思慮之心為什麼人到者裏

不知便說道從本已來非青黃赤白無相無
 狀我說向你道此喚作言語不是你本心本
 心如何思量已眼如何得見正當返觀時亦
 無能見之者有人去者裏一口吞盡慧眼豁
 開頓達本鄉也今時人若為到無見無聞處
 現定万法亘然見人見屋種種万象如湯滂

沸未有一時停住。秋如作嬰兒時也。聞聲也。見色秋是不解。分別。曉事未便。采聽分別。自那時前後。不披了也。到者裏。要人整理。不妨難為。他得道人。行時不見。行坐時不見。坐所以如來道眼。見色與盲等。耳聞聲與響等。作麼生說。如盲如響。聞聲時無聲。可聞見色時無色。可見所見。所聞皆如響等。又如夢時。見種種境界。覺來還有許多般也。無若有。床上秋是被與。執子若道無許多般。又心中歷歷地記得。說得如今。白日所見。所聞亦復如是。所以道眼見耳聞底事。經論可學。唯有靈臺作麼生學。久立。

師去捧迎老子在什

麼麼自去作麼作麼。復去達磨大師在什麼處。自云秋在作麼生說。秋在底道理也不妨。難明若於斯明。得始知正法。常住禪僧家。多分秋道那舉處。便是你若身壞命盡時。若病說不得時。又作麼生須是證入。始得不見僧問德山。從上諸聖向什麼處去。山去作麼作麼。莫是作麼多十便是。諸聖麼你諸人若不持言語。會便落他殼。響流布縱饒。不瞞他。殼響言句。便落他無言。無說處。此事實無你意解。卜度若存一絲毫。便成趣向。於己踈也。饒你將玄機妙義去合他。決定合不著。若恁不思量亦不可須是親證。始得明見無疑矣。久立。

師去今時人參學錯學不出二種病一北五
 蘊窟宅無言無說無形無段湛然不動處便
 道任他佛祖出來我也秋恁麼此是一病次
 認能言能語能聞運用施為行住坐臥者此
 亦是一病你還知道動是苦本風力所持麼
 若有人能離此二病解去體究者此人須有
 個省發時節若不如是亦無整頓處又有二
 種善知識為兩般學人方便苦口有一般學
 人自作道理自吐个消息進前退後豎拳合
 掌以為禪道善知識見他恁麼便苦口向伊
 道你錯會了也你無事硬認著作麼此是一
 種善知識又有一般學者去某甲不會不知

未審如何某甲並無個契入處是故善知識
 見伊恁麼了便向伊道你無事用求會求入
 作麼此亦是一種善知識前後兩般學者若
 聞善知識恁麼道善能回光體究必然明得
 若祇管道不會是自生退屈任是一千年也
 祇恁麼幸在其中更道不會求契合有什麼
 了日要會麼須是不立限量直下搆取始得
 又立第十 師去今夜與你諸人說个譬喻恰
 似諸人有个眼能照見一切長短方圓等象
 為什麼却不自見但識取長短方圓等象若
 要見眼則不可你心亦如是其光照賜通徹
 十方包容万有為什麼却不自知要會麼但

識取照臨等事若見心則不可也古人道刀不自割指不自觸心不自知眼不自見則真實矣久立 師云諸人許多時在此立地還見一人真善知識麼不可空立去也山僧祇喚作假長老先聖所以道但以假名字引導於衆生佛是西天老比丘不勞仁者分別取相何者是釋迦老人阿那个是達磨大師祖師未來此時還有佛法麼作麼道無得若道無祇成自瞞在少林面壁時還有許多言教公案麼恁麼覩得破多少省徑你不上來時山僧亦不見你上座亦不見山僧你不見我我不見你如何辨明若明得復有何事佛

未出世時也恁麼佛出世後也恁麼佛滅度後也恁麼若到恁麼田地實無一星事你諸人行住坐臥飢食渴飲怎生說個無事除非見到底人方解如是昔大迦葉在靈山會上禮佛見彼大衆儼然便有个見處道今此諸大衆如本未曾有你道此意如何諸人適來在下頭不見有許多人及乎上來分明見有許多入怎生說个如本未曾有老宿問僧近離什麼處云城中宿云如今在什麼處云山中宿云我有一間問你若道得即住若道不得即去上座離城中城中少上座上座到山中山中剎上座城中若無上座則心法不周

山中刺上座則心外有法僧無語諸人苟能
 於此處詳得所謂不落斷常二見六根怡然
 行住寐默一念不生万緣俱息如忽不然隨
 有隨無落斷落常譬如捨父逃走者裏實
 是不教你費一絲毫力便恁麼會取你若
 和合者事教無縫罅時早已離披了也山僧
 多十
 往日思惟此事將謂三生兩生始可得悟去
 後來祇聞什麼人打發什麼人有見處便覺
 今人也解悟得時寒省緣辨道明究己躬此
 是小事久立 師去若有人問你作麼生
 道還道得麼你等思量管帶道得一句子來
 有什麼用處三更半夜作麼生道天明起來

作麼生道前廊後架作麼生道還道得麼須
 是眼明始得久立師云適來侍者報道雨不
 住若衆時恐大衆不聞如今雨住諸人還聞
 麼山僧道雨不住時最親切何故却為諸人
 無來聽底心祇如諸方示人道雨教為你說
 法了也還端的也無山僧即不然雨教是你
 說法了也還會得麼直下明得更有什麼一
 絲毫頭子也今時打脚人須待將一句子契
 他善知識恁麼自苦自屈作什麼我更問你
 契那个善知識若要契他善知識意但識取
 你心我更問你那个是你心作麼生識向者
 裏強會不得須是一回省發乃可古人不待

已向無言詮處假立言詮無方便中巧施方便
便玄沙一日入山逢虎侍者報云和尚虎玄
沙云是你虎現今山河相對剎土縱橫分別
惡惟千差万別怎生說个是你底道理者裏
若不了一切處礙塞殺人祇為諸人麼劫循
塵為物所轉你試指出那個是物何者是你
所以有僧問玄沙學人乍入叢林乞師指箇
入路沙云還聞偃溪水敲麼云聞沙云從者
乘入今時人不明了祇管道心性周徧更是
誰聞如此言論有何交涉直須是通身赤條
條地不掛寸絲始得且問諸人還著衣來麼
良久云得恁麼不識羞耻久立 師云纔作

道理便難會去須是不作道理始得有般聞
恁麼說了便道我都無言說亦無道理却不
知正是道理了也如今與你斷約一件事以
明見自心為極則此一句便是龍門山裏佛
法也古人道心不自知心不自見諸人作麼
生明見去自心也難見從上諸聖皆是明見
自心底人先師便是明見自心底人祇如先
師會中有多少方來兄弟能有幾人明見自
心極是少也心不見心須是不見是心始得
此乃雜念境界如今若與諸人說便道貶剝
諸方若不說此事亦難明曉有般宗師向人
道癡漢者一段事你因何不會先將自心做

个窠曰然後將心去取證喚作釘椿了透椿走便恁麼流傳去便恁麼承當去敲床堅拂用將去喚作將心用心又有般宗師向人道莫作計較道理開口便沒交涉了與他不相應也去空劫已前認取都無言說一似坐个氣毬相似有甚安樂處又似蝦蟆努氣相似你作恁麼見解面前一似黑霧罩定了也山僧至誠相勸不是妄說不是作道理籠罩人不肯人壓良人山僧都無如是道理若或你秋麼認將去也由你若道我也如此見得也由你若道據我見處揔得也由你若道某心下未穩在也由你須是不自欺始得世間多

少宗師說禪說道為自欺不自欺為欺人不欺人須是子細山僧昔日在先師會裏受廬刑化士行至熨斗寺前值淫雨忽然滑倒心中煩惱自言我行脚禪又叅不得自早至今飯又未喫更恁麼受辛苦聞有兩人相罵道你猶自煩惱在山僧聞得忽然歡喜却尋不煩惱處不得蓋為打疑情不破後來四五方知得如今兄弟須是如此用心照顧始得今夏舉無情說法因緣祇是錯會者多你見無情便說無情若見有情便喚作有情你叅禪人不明無情說法如何了得行脚事做善知識不會無情說法如何接物利生相勸諄

人子細窮究今悟去如未有領覽處且緩緩
參取不要忙久立 師云先師常說个譬喻
如外國有二人來大朝探事初入界時兩人
商量了各自回首一人東去一人西去從一
州至一州從一縣至一縣行來行去忽然到
東京城裏兩人在朝門前相撞著因者个觀
那個那個觀者个並無言從前許多商量本
因中事歷歷地分明挨肩便過無人知得奇
怪諸人且道恁麼撞著時如何恰似禪和家
做功夫相似今日體得此个明日究得此个
窮來窮去一日現前全似朝門撞著一般喚
作打發頃得恁麼一回始得方謂之行脚事

辨又如失鄉多年或鬧市中逢見老爺相似
便乃識得無疑亦不須問人是爺不是爺兄
弟但恁麼管帶莫為等閒時不待人祖師道
光陰莫虛度各自宜努力久立 師云古
人道鐘中無鼓響鼓中無鍾聲今時學者那
裏得到者般田地有時入室見兄弟下一轉
語及乎更與一撥便祇管主張道適來已祇
對了也不可別有也多少分明恁麼做功夫
有甚巴鼻癡漢豈不見先聖道言言見諦句
句歸宗你未會了祇管胡乱主張今後入室
不要如此乍可道不會却受整理久立
師云稱裨客須是信人說話始得若不信了

教人千說萬說亦無用處呵呵不信了祇管聽人說爭名禪客夫禪客者風塵草動時悉皆曉會朕飛未生未落思量意路未動時便識取方名禪客何故者般事用敵生死也須是个不爭多底漠始得不見雲岩參百丈二十年不明此事道吾為他直得咬斷指頭你看他古人雖不明亦不憂道我不會心亦不休亦不馳求言句又如雪峯和尚三到投子九上洞山在投子時一日揭簾入菴投子見來便下禪床立峯擬議子便托出峯直得哭後來到洞山又理會不得乃到德山問從上諸聖學人還有分也無山打一棒云道什麼

峯當下如桶底脫相似及至鰲山尚去有疑在看他古人直以疑團子破也方始休便道事已了意亦休此个元來觸處周今時兄弟叅請多是依言起解亂作主宰不然將古人悟處喚作因緣去那裏看喚作過話有什麼交涉祇如雪峯三上投子九上洞山豈為言語兄弟直須退步體究如何退步且不是教你長連床上閉眼坐硬捺身心如土木相似百千萬劫也無用處若要退步時你有不會底語言不了底因緣便頓在面前退步自看因什麼不會去良久曰僧家道思量也不得不思量也不得却教人如何看我向你道但

退步看良久又長嘘云好悶殺人好難會祇
你那悶殺人是什麼悶殺人是誰你恁麼退
步來看漸漸惺也一日光明一日漸見廣大
又不得一向去者裏認了便道是了當也便
是柱定殺了也濟甚事須是者些智慧來觀
看古人許你管帶一路若如是休歇退步管
取有个道理此是為都不會無所知者又有
般胡說亂說如何若何底漢你但亦退步看
你那胡說亂說底是什麼但恁麼回光返照
看方是若一向如此做功夫畢竟亦有悟期
若不相信也無可奈何山僧初參勝和尚教
看如何是佛法大意楚王城畔汝水東流又

多十

十二

令看風幡話及至下來參老和尚乃請問古
人聲色純真老和尚千說萬說祇是理會不
得後來又令看如何是奇特事云你道什麼
遂却喜歡蓋為有个撮摸處遂常看云如何
是奇特事云你道什麼獨自思量云戒道什
麼來戒道奇特事又不見有奇特處看三年
不會遂去游浙中途回來却令看殺父殺母
佛前懺悔殺佛殺祖向什麼處懺悔雲門道
露者公案一似熱鐵一團在心中七年喚盡
辛苦衆中父參方知更與你說晦堂初參禪
時自挂府來先見雲峯悅和尚三年不會他
說話又參南禪師二年不會却過去山主院

裏過夏因看傳燈錄僧問多福如何是多福
 一叢竹福云一莖兩莖斜晦堂遂開悟今時
 人抵喚作問答語盖用功不子細不曉古人
 方便山僧相勸兄弟既在林下各自學道勿
 空過時以悟為則久立 師云親近善友
 先聖叮嚀付囑也今時學者須是依佛祖之

多十

十三

言尋師決擇始得若不恁麼何名學者若要
 明此事須是起疑參究你若深疑此事便是
 般若智現前何故行脚事只要疑情息你若
 不起疑爭得疑情息不見先師三十五方落
 髮便在成都聽習唯識百法因聞說菩薩入
 見道時智與理冥境與神會不分能證所證

外道既難既不分能所證却以何為證時無
 能對者不鳴鐘鼓返披袈裟後來唐三藏至
 彼救此義云智與理冥境與神會時如人飲
 水冷暖自知遂自思惟冷暖則可矣作麼生
 是自知底事無不深疑因問講師不知自知
 之理如何講師不能對乃云座主要明此理
 哉却說不到南方有傳佛心宗尊宿却知此
 事汝須行脚始得先師便行脚遊京師兩浙
 凡是尊宿便問此事無不對者也有說底也
 有下語底只是疑情不破後來浮渡山見圓
 鑑看他陞堂入室所說者盡皆說著心下事
 遂住一年令看如來有密語迦葉不覆藏之

語一日云子何不早來吾年老矣可往叅白
雲端和尚先師到白雲一日上法堂便大悟
如來有密語迦葉不覆藏果然果然智與理
實境與神會如人飲水冷暖自知誠哉是言
也乃有投機頌云山前一片閑田地叉手叮
呼問祖翁幾度賣來還自買為伶松竹引清
風端和尚覩了點頭諸人此豈不是深疑了
親近善知識然後明得只如先師行脚叅善
知識後來却道問祖翁是如何自賣了却自
買是如何須知無有刺也古人道捺是你又
道戒未嘗有一句子到你若有一句子到你
堪作什麼諸人要疑情破廢亦須是似先師

永樂北藏

古尊宿語錄

一回始得又立師云你但看馬大師見
僧下塔乃召云大德僧回首大師云從生至
老只是者漢回頭轉腦作什麼共僧言下領
旨此理如何從生至老只是者漢你道是那
个漢你總起心要見者漢時便不見者漢者
漢難見千難萬難今時人只道是者个漢更
多十是阿誰不可別有也一百个中有九十九个
如是會有甚巴鼻若恁麼如何明得從生至
老底事如何便見得只是者漢你若不見者
漢四大五蘊捺未知下落處且如只今說法
聽法是有說聽是無說聽若道你立我坐我
說你聽三家村裏人也解恁麼道焉敢稱禪

第一九八冊

客若謂無聽無說又道從生至老只是者漢所以到此須是求一个了達底人決擇山僧向前未明得時恁不奈何了便請益先師總問著時先師只道我不知我不知你不知你又問禪畢竟是易參難參只向我道你無事問難問易作麼參禪喚作金屎法未會一似金會了一似屎山僧甚不肯此語如今思量了語雖麤其間旨趣不淺此盡是了達之士發一言半句皆不虛也凡為人時皆不胡乱指示亦不乱許人今時有諸方知識有時說得是有時說得無巴鼻此理如何蓋為他亦未了達有時許人道是有時却道不是若如

此爭明得從生至老只是者漢子細看來今時人也只是舊時人今時作用也只是舊時作用千變萬化也只是要你者裏自肯一肯方始得了當今時人不了當者只是不解決擇如何是不解決擇麼只是將古人言句作解會將自己來錐鑽只是如此到弥勒下生多十也不會何故向你道回頭轉腦便不是了也十五向者裏省力處更不用如何若何直下明取你諸人先将道理近前用古人言句自纏自縛一似淨淨潔潔一片地却將一手土撒在上面相似山僧前日入室垂示道你如今到者裏不可也似適來相似須有个會處始得

有者道適來也只恁麼如今也只恁麼你先走入情識裏了爭恁得你古人多少慈悲向你道行是佛行坐是佛坐一切法皆是佛法一切聲皆是佛聲你錯會了便道一切聲真个是佛聲一切色真个是佛色既不許如此會却如何即是向你道總涉昧兆時早支離了也欲將智照顯他時早昏暗了也如今但莫取戒口各自由你做功夫看古人因緣亦得靜坐亦得一切處觀察亦得皆是你做功夫處一切處是你證入處但一處精專日來月往須被你打發去不見古雲和尚行脚歸其師問云汝離吾行脚得何事業曰某見百

丈得个安樂處遂舉百丈頌云靈光獨耀迥脫根塵體露真常不拘文字心性無染本自圓成但離妄緣即如如佛其師於言下省悟又雪峯和尚見風吹半葉動遂指似僧僧云某甲甚生怕怖峯咄云是你屋裏事怕作什麼其僧亦有省既一時是你屋裏事為什麼却不會蓋為你隨處流浪不常在家但如今對善知識時莫教忘却喚作順理而行就已知歸復云役生至老只是者漢回頭轉腦作什麼各自看取久立 師云如今明得了向前明不得底在什麼處如今明不得到象時明得去只恁麼翻覆體究也須會去所以

道向前迷底便是即今悟底即今悟底便是
 向前迷底若言從前迷即今悟也又言明來
 暗謝智起惑忘恁麼還得麼那裏得如此則
 有暗可滅有感可除不見古人道不改舊時
 人只改舊時行履處你禪和家道有什麼難
 迷也只是者漢悟也只是者漢不可別有及

多十

十六

乎問着他那个是者漢便去不得不然胡說
 蓋緣未曾諦當證入此是諸人入骨髓底病
 謬底漢便認著一生休非但一生千生萬生
 亦祇休去若是靈利底他須解體究那个是
 者漢直求入路處師乃噀一聲今時佛法淡
 泊眾中也難得人諸人既在龍門學道不可

空過十二時管帶搆取覩見諸人也似不爭
 多你不見臨際和尚道赤肉團上有一無位
 真人常從汝等諸人面門出入未證據者看
 時有僧出問如何是無位真人際下禪床把
 住曰道道僧擬議際便拓開又道汝眼放光
 照破山河也古人多少慈悲如今人不以為
 事須是尋人決擇你不見崑頭雪峯欽山去
 見臨際路上逢定上座頭問什麼處來定云
 臨際來頭云和尚萬福定云和尚已遷化也
 頭云某等特去禮拜又值和和尚遷化不知和
 尚有何言句請上座舉一两則定遂舉臨際
 上堂亦眾云赤肉團上有一無位真人常從

汝等諸人面門出入未證據者看看時有僧問如何是無位真人際下禪床擒住云道道僧擬議際便托開云無位真人是什麼乾屎橛便歸方丈崑頭不覺吐舌欽山云何不道赤肉團上非無位真人寔便擒住云且道無位真人與非無位真人相去多少速道速道

第十

十七

欽山直得面青面黑崑頭雪峯同勸云者新戒觸忤上座且望慈悲寔云若不是者两个老漢捏殺者尿林子你看他道非無位真人寔何故不肯今時學者那裏到者般田地只管認个五蘊身田強作主宰不能放下我今舉幾則語教諸人看雪峯參投子問者裏還

有人參麼子擲下鋤頭峯云恁麼則當處掘也子云不快添桶他道當處掘尚做添桶又有南際長老見雪峯語論無不相契峯令見玄沙沙問古人道此事唯我能知長老作麼生會際云須知有不求知者沙云山頭老漢喫許多辛苦作麼你道此理如何又先師在海會端和尚會中時端和尚舉古人道如鏡鑄像像成後鏡光向什麼處去會中有頭角兄弟下語皆不契端和尚云須是道者子始得先師時作街坊却從外歸端和尚舉前話問之先師近前問訊云也不爭多端和尚撫掌大笑人皆謂摩拏他教做化主什麼說話

山僧此中只要學道如要學道十二時中須
 是先去却無明人我何故人我乃庸人之事
 先師一生無人我山僧在他身畔作侍者見
 多少不曾有一念煩惱曾說舊時有个上座
 在海會做知客先師因送一个長老住四面
 乃率知客相送不知如何者上座便劈面唾
 先師你是甚人却教我送他惡言不止先師
 遂休然無人知得後來仍來太平先師請伊
 作截又做首座復自求作監院亦從之及先
 師住海會乃舉住太平知州不肯又惡罵謂
 不主張他先師方出言道者漢兩度罵我也
 以此見伊無人我今人總有些言語便要理

會如此作麼生學道有時見初機兄弟入室
 祇是爭山僧覩他了也不奈何一似村裏人
 把匾檐共上將軍聞我者裏七事隨身手中
 是闕羽八十觔刀他便把匾檐劈頭打一棒
 見人不動又連打數下去我不是怕他蓋不
 是對手呵呵勸諸人不要麤心日夜行持做
 个向上人第十縱然不悟亦是高上之士十八切須用
 心久立師云你緣認著道是便被縛脚縛
 手更動轉不得也則被你一認認了縱有千
 般亦不是也你若不認著却有个救處譬如
 造得一隻船上面一一裝載了要千里外至
 乎寶所總動手你先自釘下椿繫却船了却

用力搖擡你搖到弥勒下生也只在岸邊你
 見船東斂西斂將謂是轉動又何曾離得一
 步來又似磨茶漢子從早至夜團圓旋轉極
 是好笑若眼目不分明底見你認著向你道
 是也被明眼人覩見點檢出來多少露拴索
 如今多分祇用个如今底道捻離如今不得
 祇被恁麼地釘下椿叅學不得旨趣一時把
 來錯會了做个主宰不知佛法不恁麼會不
 見麻谷持錫見章敬谷振錫一下卓然而立
 敬曰是是又見南泉亦如前泉曰不是不是
 谷曰章敬道是和尚何得道不是泉曰章敬
 則是是汝不是此是風力所轉終歸敗壞谷

方省過你諸人看幾錯會一生爭得不就人
 决擇山僧初行脚時見先師偈句便信道此
 人似古聖說底事必有實證處便十年間叅
 扣先師頌道學道先湏得旨歸聞聲見色不
 思議若憑言語論高下一似從前未悟時又
 曰空門有路人皆到到者方知旨趣長心地
 不生開草木自然身放白毫光我後生時雖
 造道未得心中知此非常句也祇如聞聲見
 色皆可思議又何緣得不思議及乎論个證
 處却云一似未悟時未悟時皆可思議如何
 見个證處此人得無所得至究竟地方解如
 此我後來十年外始領他事大凡行脚學道

第十
十九示

叅尋莫癡坐就人决擇此法難了喚作隔宿
 不問道若得了便別也昨日也喫粥喫飯今
 日也喫粥喫飯豈昔人耶別也 不同也趙州
 向人道喫粥了也未曰喫粥了也州曰洗鉢
 盂去便是別也吾豈常人也 你道何處是別
 處久立

藏

古尊宿語錄卷第三十四

多十

藏

藏

藏

古尊宿語錄卷第三十五

多十一

僧錄司右闡教兼鍾山靈谷禪寺住持 淨戒重校

龍門佛眼禪師語錄之七

師云山僧教人識取自己師僧家聞得了却云初機學人看底事有甚難會你且緩緩且子細你用何者名自己祇如古德對自己語

多十一

云遊山翫水你道我會也更是阿誰又對自已云是你自己你道我也會得是我自己且如對伊道山河大地又道噎飯時飯是你自己又怎生會又却去不得古德云盡大地是你自己又且如何消遣每常見人錯會了舉轉古人事問伊祇如鏡清問玄沙曰學人乍

入叢林乞師指个入路沙云還聞偃溪水聲麼清云聞沙云從者裏入清從是得旨我問你聞時聞个什麼个对曰聞水聲如此見解堪作何用據他所見聞處歷歷地一時領得離此聞外無聲可得盡從我者裏顯現者个是業識有底對云不是水聲是聞自己山僧向道自己了如何聞自己所謂認心認性佛法是个省力易會法門人自辛苦古人見不柰何了向人道你試一念靜思看好言語後人不明古人意了去那裏閉眉合眼捺伏身心堆堆地坐了等悟好癡好癡久立師云不見祖師道風鳴耶鈴鳴耶便好休歇

也更煩他道非風鈴鳴乃心鳴耳你更討什麼叅請也及至此土道非風幡動仁者心動祖師恁麼印證因何不會祇為个能所所以道因能立所所既妄立生汝妄能無同異中熾然成異今時人言決擇且如何決擇莫是道者个是入門底語者个是初機語那个是久叅語麼揔不如是元來一時放下正是決擇於一切時無異緣自早晨起披衣洗面歸寮等事你喚作雜想也祇要你見色時無能見所見那裏不是聞聲時無能聞所聞心裏思量時無能思所思佛法最易最省力自是你費力自作艱難若易處不見且究理而坐

既來龍門叅禪莫將來比諸處妄想卜度但退步看須會去然有般兄弟受整理有不受整理有愚者有智者有可救有不可救且如不受整理者硬將生死業識來用將粥飯氣來用問着則瞠眼進前退後舉坐具在觸髅裏皮袋裏昏昏地認个識情此不可救你但放下了退步來看方會又有般上座道我都多十一不作道理都無計較不着聲色不依染淨聖凡迷悟一道清虛大光明中都無是事此又被智光盖却着在智邊亦不可救有此兩般病前病猶淺後病更深你但肯拈放一邊退步看亦自然會去此事甚是省力古人道甚

是省要又道費力作麼有時見師僧來此間
費力吃許多辛苦作什麼須要求些言語向
皮袋裏有甚交涉然有一真實方便極好若
非久參者不會疑着如玄沙一日欲說法大
衆立久都不說一言遂兩兩三三散去沙云
你看今日真實爲他也無一人搆得待我開
兩片皮一時近前來也你來龍門討方便討
法門討安樂龍門也無方便與人也無一法
與人也無安樂法與人何故若有方便却成
埋沒上座籠罩上座趙州道你但究理而坐
三二十年若不會截取老僧頭去亦則要成
一片去豈不見二祖大師隨處說法聞者皆

得正念不立文字不論修證因果時有禪師
聞之遣高弟潛听說法不回禪師大怒因大
會次親語云我費許多力挑撥你你因何得
恁麼辜負耶彼云我眼本正因師故邪者个
是參學樣子也後人問雪峯云我眼本正因
師故邪時如何峯云迷逢達磨僧云我眼何
在峯云不從師得須是恁麼始得古云道常
合人人自逐物經中道若能轉物即同如來
物且如何轉又道凡所有相皆是虛妄若見
諸相非相即見如來古人道若見諸相非相
即不見如來但退步絕機照子細看忽然覩
着怎生奈你何久立 師云無迷無悟到得

多士

三

恁麼田地方安樂最省力祇是个無迷無悟
底人十二時中有何法迷却上座應須衷私
自家裁断看三界二十五有迷心故有如今
如何得無去既無未得迷情决然不奈何須
證取無迷無悟事方得灑落行脚人喚作袈
裟下事事若未了禍事也此是大苦馬鳴祖
師說个三細六塵動即有苦如何得不動去
不是說一句兩句便當得譚玄譚妙說義說
理坐禪入定當得自家無事獨自思量看平
生所作所為他人不知你自返照是合道理
不合道理到者裏自瞞不得也好時好日不
趁取究令徹去先師出世時道此大寶花王

座每日與諸人同起同坐自是諸人當面諱
却也好言語又道十餘年海上雲遊覓个寬
僻不曾遭遇及到龍舒果見其人方契憤憤
之心好言語恁麼說話少有人說得山僧行
脚三十有餘年也老僧得道時諸人未生在
後生家信取恁麼說底事逐日退省看教徹
去久立師云禪門名迦葉大寂定門不
動一絲子無所不通不動一毛頭無所不達
非是祇恁麼不動便休去諸人十二時中但
不起心動念了一時會得通達一切名迦葉
門下人方入得大寂定且何法為緣為礙雖
許人參究許人學祇是不許人起心動念會

若逢緣過境或一言半句緣念動心起作解
俱在散位也明上座大庾嶺上不思善惡了
方見得便道某甲雖在黃梅實不知得佛言
不此岸不彼岸不中流南泉云不是佛不是
物正是你今人管帶處但恁麼學如秀才及
第一回從此是官人心要一回是佛方無

多士

疑各自將為事莫越開過又立 師云諸

人分上各有一段事回頭方識得須是解回
頭且如何回頭不尋尋不尋者个便是人
難措入處也不尋如何尋尋如何不尋若但
尋何異尋聲逐色若一向不尋又何異土木
瓦石須是尋而不尋不尋而尋若入得也始

和會得尋與不尋所以道不尋不尋法身圓
寂尋尋應用不差尋不尋不尋尋境智冥會
体用一如故得三身四智五眼六通從是開
明學道人解恁麼回頭尋究始得豈不見僧
問仰山和尚別有何徑截頽乞指示山云別
有別無轉令汝昏昧汝是甚處人云幽州人

山云汝還思彼中不云常思山云所思者樓
臺殿閣市井人煙有許多般你返思思底還
有許多般麼云無許多般山云據汝見處祇
得一玄得坐披衣向後自看大眾者僧道所
思有許多般思底無許多般見解有偏致令
仰山道祇得一玄道眼不正若據山僧所思

樓臺殿閣有許多般便是無許多般思底無
 許多般便是有許多般可驗現今目前有許
 多般便是無許多般無許多般便是有許多
 般亦如毗目仙人執善財手善財見無量世
 界微塵數諸佛仙人放手宛然依舊好大衆
 放下手了宛然依舊且作麼生會會取好久

多上

五

立 師云先聖道法法本來法好雲門拈
 拄杖云不是本來法良久曰若如是則三毒
 四倒五蘊六入十二處十八界二十五有不
 是本來法何不恁麼會取多少省力佛法是
 个最省力底事何嘗不現前自是你不會又
 向你道無法無非法何於一法中有法有不

法祇為馳求不息了一切處皆是馳求思惟
 道理也是馳求看古人公案也是馳求看禪
 冊子也是馳求假饒靜坐念念不住亦是馳
 求要會麼則你那馳求便是不馳求个中極
 難信入難做功夫不安樂者蓋為你等不沉
 則掉所以道不會去如今如何得不沉不掉
 則你那一念起是生滅流轉為是業識耶為
 是不動耶恁麼翻覆看來便有此子道理久
 立 師云同牀共被夢各不同先聖云同
 共一法中而不得此事且如生死一法中入
 得生死而不被生死縛者在生死被生死縛
 者同共一法中一人縛一人脫豈不是夢各

不同你尋常生死作一邊無生死作一邊思量作一邊不思量作一邊有言說作一邊無言說作一邊山僧此中也無衲僧事及向上事祇論出生死事不祇恁麼說一句了休須是即生死中見無生死事豈不見永嘉大師見六祖云生死事大無常迅速六祖云何不体取無生了無速乎嘉云体即無生了本無速又如曹山辞洞山洞山云什麼處去曹山云不變異處去洞山云不變異處豈有去耶曹山云去亦不變異豈不是了得底人你思量為一邊不思量為一邊於言說外做个無言說縱饒你會得个無言說處分明總有言

說便碍着你也終日行住坐卧不曾行住坐卧何不恁麼參究有時師僧來此下一句拍一拍那裏當得見解不出二邊你須是去思量看我分明在生死中如何得無生死去莫道便是也我本來無生死不由你說者一句子便了有底聞人說無生死便道是也本來多十一無生死若恁麼作解便難會也既不許人作六道理起會解又不許人說却如何作功夫你不見古人道我祇把你將來底示你个入處珍重 師云看見今時叢林中兄弟似揔不說此事相似祇如天下到處叢林知識說禪說道入室陞堂無不是說此事何故道不曾

說着說則說也則是說不着不惟說不着亦不解覷不解恁麼作功夫祇管道正令全提十方坐斷佛來也打魔來也打一向說禪元來緊要處不曾說着山僧者裏所說者是諸方掉下不要者等閑地糞掃堆頭拈將來問人又却道不得祇如今早入室問道明得底人見香臺時是香臺不是香臺若道是香臺與尋常人一般若不是香臺香臺却分付與誰輕輕將來問着便七花八裂蓋緣尋常揔去閑處做功夫我且問你不說入衆來未行脚未入衆時見香臺時喚作什麼曰喚作香臺又曰大家喚作香臺何不思量因什麼喚

作香臺禪須是恁麼叅要明你無始時來事修山主道不見本來法障礙是從來若人有障礙顛倒幾千回先師道如人睡着將一點糞着在鼻端上初不覺知及至起來或聞臭氣嗅褊衫謂是褊衫臭遂脫却褊衫拈得物來一切皆臭不知道臭在他鼻上忽有智人向伊道不干別物事剛自不信智人云你但將手向鼻上拈看則是不肯若肯拈一指方知早較些子遂以水洗去之全無臭氣若嗅一切物元來皆無臭氣叅禪亦然不肯自休歇向己看者下尋會解那下尋會解覓道理做計較皆揔不是若肯回光就已看之無所

不了不見道一根既返源六用皆不行但如此觀却有悟明分久立 師總坐呵呵笑曰猶自不會良久又曰我恁麼說向你猶自不會若到別處更作麼生會也諸方不是走作你便坐定你我者裏也不走作你亦不坐定你直是省力易會因何却不會祇為你千方方便巧作道理所以難會去佛法是了易會安樂底法雖然易會祇是難入難做功夫若是諸方坐定你便有个做功夫處走作你便有个咬嚼處兄弟家來說道不敢道是則你那不敢道是却如何何不恁麼去看祇恐你向者裏亂會亂有領覽祇要教你不動一念

便明得去又有道據我見處千是万是也此正是如焦谷芽如敗種子永不發生你已道是了也更如何救須是深疑着此事所以道凡夫有返覆又有者會了却說不得縱說得亦不成道理不要草草子細体究山僧與你同叅我若會時你也須會始得你若不會山僧亦不會也不見玄沙指面前一點白問僧見麼僧云見沙云我也見你也見因甚却不曾有同叅禮上座見先師得一年半凡入室祇向伊道上座也分些緇素麼度度去度度如此似恁麼說話如何解會如何做功夫今之時也無恁麼尊宿為人也亦無恁麼上

座叅請也若是別人則煩悶去了一日閑先
師上堂云同門出入宿世冤家憐然地心下
如落秤錘相似從前已解如去空中花相似
從此見諦須是如此做功夫如此證悟禪須
是恁麼叅今夏已一月也殊不見兄弟有覺
觸處直須^{多十一}省精神若是無人說着無人開
示便難做功夫也既是遇人便好做功夫須
是分縷素始得久立 師云而今行脚兄弟
可信道有頓悟底事也諸方亦可說有頓悟
底事若無頓悟底事如何却名叢林蓋為從
來相傳祇是看古人公案或看一則或兩則
略有一知一解若有理會不得處亦尋縫罅

鑽研求會既會得了道此事祇如此也便在
叢林中流布將去皆不說着頓悟底事若無
頓悟底事則三界二十五有如何消遣疑情
如何消落去今早有箇師僧來說道見聞不
昧一向去認見聞便道是也則是不見那不
昧處問他方世界事又不知問根塵下事又
不破如何却以凡夫情量便同頓悟底事山
僧今日普告大眾但信取有頓悟底事譬如
村夫於耕田處拾得一粒金丹服後渾家上
昇又似白衣拜相相似教中說你那凡夫情
量如似土坯未曾經大火中煨過都用不得
須是經大火中煨過始得却似得一回頓悟

相似山僧自川中來祇叅一人知道此人說話與古人一般嘗問先師道聞禪門中有悟道果否先師云是若無悟那裏得你但緩緩地叅山僧便寬心叅究有後首座見地明白山僧常去詢問祇向山僧道須是自家做活計莫來問我一日舉趙州夾火示僧云不得

多十一

九

喚作火是什麼山僧深疑着分明是火如何却不喚作火如是看三年常自思惟爭敢以凡夫情量便同他聖人所證處又聽法華云是法非思量分別之所能解常得此一念如今兄弟家道便是者个也為你一起解會了便不會也又先師曾到李提刑宅提刑請就

書閣中燒香了將傳燈錄白先師某雖俗人素留心此道每看此錄多有不會處一一望和尚開示先師云此事不如是理會須有省悟始得若有悟處無不會者自不消問人若無省悟祇那會處亦未是在提刑云吾師說得是又山僧平生事因作知客在火爐上會得自後無有不會底事衆中兄弟須是見頓悟底事始得今時叢林中例皆不說着也久立 師云山僧分上無有不是者若有一絲毫不是處爭敢說向人爭敢指示人山僧分上是時無能是底心又無所是底法所以方敢說向人若約諸人分上明知有不是處所

以來就人決擇若已足了更幾時去問人也然而山僧者裏祇指你是處你若不是終不敢道你是等你是也山僧肯你也祇賭是大衆山僧無有不識者或曾見人來或有悟處或無悟處有無會解皆知得伊如世良醫一見便識病或冷或熱可醫不可若一一問候方知此乃庸醫如前日舉法眼指簾子有二僧去捲法眼云一得一失你等事須不得道有什麼得失又道一人會來去卷是得一人不會來去捲是失若恁麼怎生會醫如今明未得蓋為悟心未諦如不識病稱醫者他人會也不識不會也不識有無見處揔辨別不

得却如何為人如何說向人須是剋骨究竟始得若肯去剋骨究竟無有不會者不見古人道你但究理而坐三二十年若不會截取老僧頭去作尿鉢子僧家有時道是也却到剋骨究竟却走作不定如隔牕看馬騎相似忽尔便過直須似三二萬斤鐵相似牽不前推不後方知是實你等終被人撼着早動也更着力推一下便倒了也須是洞明頓見三百六十骨節八万四千毛竅一時開張內身外器依法法皆是本來法無有不是始得而今師僧依倚方能道得若一時去却則無湊泊處又謂空過了諸人無過此時好也既在其

多十一

十

中定省精神努力究取珍重 師云若論平等無過佛法唯佛法最平等若道我會你不會不是佛法也會我不會亦不是佛法也教中道是法平等無有高下名阿耨菩提山僧見處與諸人齊等諸人見處亦與山僧齊等又古人道諸人知處良遂揔知良遂知處諸人不知因何却不知去良由仁者心有高下不依佛慧遂見此土石諸山穢惡充滿須依佛慧始得他聖人說底便是平等法也道邇胎濕化四生九類我皆令入無餘涅槃而滅度之如是滅度無量衆生實無衆生得滅度者豈不是平等法古人道涅槃名廣度

無餘一味收却胎并濕化空有及沉浮薩埵能降住菩提道自周倏然纖芥在此岸永淹留終有纖毫不盡便是此岸也又道刹那流入意地便為生死根栽豈可乱有所證妄生解會耶古有尊宿向人道各有各有初心在最初發心行脚必為生死故發心或厭苦故發心十一或為事緣逼迫不獲已發心皆名發心何故令人看初發底心謂你最初發底一念不易轉頭來最有力此是你叅底禪也若得現前時祇是此心明淨也中間求訪宗師日夜推究祇是養育此心乃至悟得了便見未發心時亦則不失馬鳴祖師謂之始覺即本覺

本覺即不覺本始不二名究竟覺又道初發
心時即成正覺謂先證得果頭佛六度萬行
成熟之事也所以令你但推究初發底心且
山僧見處與諸人一般何不恁麼會去久立
師云明眼漢沒窠臼你尋常搆不及者祇是
眼不明眼若明却搆得也所以說道明眼人
難得你絕道是恁麼便是窠臼也若是明眼
人即不恁麼不見德山示衆道今夜不答話
問話者三十棒若不是明眼漢怎生搆得終
搆不得便落意思即成朕兆故德山平生則
崑頭一人搆得所以道須是明眼漢始得久
立 師良久告衆曰祖師真實好知音呵呵

笑了又云也祇得恁麼說也若明得者親得
受用便有履踐處若涉道理涉計較涉言說
則不會也亦不親得受用也你在廊下東行
西行時寮舍裏洗衣擇服時還見得祖師真
實好知音麼良由不見問着便脚忙手乱病
在什麼處病在你尋常祇是思量計較中來
不親得受用皆是去長連床上閉目藏睛擘
劃思量得盡上窮銀漢下徹黃泉方說得一
兩句却到閑處時又不知下落也目前盡是
礙人之物輕輕問着便去不得如今據實理
論不要乱說我且問你不與粥飯吃三日時
還動得麼定是動不得也總方吃得些粥飯

方能動得若恁麼盡是粥飯氣到者裏便要
得人也須是見得非粥飯氣底事始得禪須
是恁麼叅如此方名決擇既喫粥飯了須扶
持你者事把來叅取恁麼一件事你却揔不
知却去閑處用了也說是非管閑事或思量
或擘劃可惜許盡把來胡乱用了你不知終

多十一

十二

擬心早是後世也刹那流入意地便為生死
根栽也又五蘊身存尚不知百骸散後何處
覓近日有者一向祇恁坐地初時惺惺地餉
間便瞌睡十個九個坐地睡着苦苦不會做
功夫那裏硬坐要會不是此理怎生見得卅
霞豎起拂子龐居士舉起槌子丹霞擲下拂

子居士放下槌子又云昨日公案作麼生卅
霞放身卧居士便出去此豈不是真實知音
豈容你乱說容你下注脚又崑頭道夫沙門
者一一從自己曾襟流出蓋天蓋地始得那
裏是靜坐思量來先師道你睡時睡時叅取
喫飯時喫飯時叅取又古人道坐時有坐時
道理立時有立時道理豈不見投子問翠微
西來密旨可得聞乎翠微竝立顧視投子云
未曉玄言乞師再指翠微云更要第二杓惡
水潑在投子便悟諸人不得受用在十二時
中蹉過多少好事所以我道祖師真實好知
音良久又道祖師之道如青天白日相似為

什麼有人迷路久立 師云你諸人會不得
 過在何處你都盧是不會根本是不會了更
 求覓會處古人道莫棄者邊着那邊若如此
 轉難會也向你道根本是不會何不恁麼看
 如法眼行脚時地藏問何往去曰行脚去曰
 還會行脚事麼曰不會曰要知行脚事不會

多十一

十三

者是法眼從此省悟我問你既不會又如何
 是得須有入路方知不是強會底事巧會千
 般你根本不會了堪作何用須着用意究你
 看不會從何處得來你要知麼你者不會本
 無來處既無來處此不會却如何及乎明得
 者不會無去處恁麼地看時你管取須明得

祇被你不解做佛法中人一向祇在世間用
 心未曾片時究此事如何得便會去及乎被
 人問着胡道亂說不是恁麼事舊日曾聞一
 人老僧說香林和尚見僧來曰你說得不無
 你你下塔兩三步早不恁麼也莫亂說好你
 看古人根窮人是如何將為事佛法無虛棄
 底道理會取會取珍重 師云雲門大師曰
 汝若實未構且順朱識取叢林中叅學人亦
 須順理而進不敢望有超過底事大凡今之
 學人事作一邊理作一邊所以致令身心不
 得安樂何不且教事常順理去未說無始劫
 來事祇據一念入母胎頓變根身器界自是

已來莫不皆是事一報身中種種何常有一
法不是事者如今如何消遣此个事得順理
去且事有形段理無相狀古人一得其理了
事便如理融過去豈不見昔人聞板鳴乃撫
掌大笑曰我會也我會也此豈不是順理而
學何不且去十二時中恁地觀究做得者般
功夫久久成熟自然與理相應祖師道要急
相應唯言不二不執說了便了要得相應始
得馮山道事理不二真佛如如多見不能順
朱把來一時顛倒了空理會古人言語公案
差別問難節記門庭以為參學苦哉苦哉學
道不如此後生兄弟更是不知空腹高心十

年五歲過却光陰並無所得無明人我客氣
殊不念出家事將來如何去各各究取莫久
立為李舍人普說師云實無一法為緣為
對若有一絲頭便是一絲頭你諸人如何見
得無一法為緣為對底道理若向者裏明得
現前何處更有身心可求若實無个證入處
都來祇是生死流注如今問諸人你現今種
種分別念慮作麼生都無法為緣現前我見
你你見我作麼生無法為對道人家須是恁
麼譚覆体究始得山僧道佛法便是諸上座
諸上座便是佛法是有語路來体解無語路
來体解是有可趣向處無可趣向處從上古

多十一

十四

佛先德現前在此盡大地凡夫四生六趣現前在此向者裏直下了得實無一絲毫子豈是取一邊捨一邊豈有一段本來事有一分今時妄想則為馳求取捨至今不得現前既有許多流轉法可厭可棄所以諸佛出世祖師西來使汝尋師訪道祖師邊事透不過時直下如銀山鐵壁相似且如何是銀山鐵壁元來是自家屋裏事思量來者般事我未會已前如銀山鐵壁如今會了元來我是鐵壁噫鐵壁鐵壁所以道祖師常在世間祇如世間如何了先聖道自從認得曹溪路了知生死不相干須是你自家踏着始得方知道佛

相常時垂手須一一從自己胷中流出自然明得諸聖出世善巧方便祇如諸人每日說底話還有方便善巧麼乃至動轉去來種種施為有善巧方便無善巧方便豈不見洞山叅見雲門門見來便問近離甚處山云查渡者一句語如何是會來恁麼說是不會來恁麼說多十一是肯了恁麼道是未肯了恁麼道雲門又問夏在什麼處山云湖南報慈門云幾時離山云八月二十五日門云放你三頓棒洞山一夜不安明日上去問訊云昨日蒙和尚放某甲三頓棒不知過在什麼處門云飯袋子江西湖南便恁麼商量也山於言下見道

且有過無過合吃棒不合吃棒即且置你道者僧悟處是如何古人為人作麼生或若者裏明得自從無始劫來事實無一絲毫為解礙方從是出生便了他諸聖行履處未能如此莫道是諸聖行履處十二時中行履處何嘗分明祇為無始劫來顛倒迷亂六趣何曾見還猶如蠅子透窻相似不見端師翁有頌云為愛尋光紙上鑽不能透處幾多難忽然撞着來時路始覺從前被眼瞞如今既在此門中不可中塗困躓縱然學道得旨後閨閣中物聽不下明得此事還被此事留滯不見道金鎖玄關留不住行於異類且輪迴到得

恁麼田地方可為人師如今去聖時遙人多懈怠尋常說正法像法末法山僧道法無正像末佛法常在世間得時便是正法失時便是像末法諸人決然要辦此事緊要是出生死然本無生死可得何故三際求之不可及先佛道過去心不可得現在心不可得未來心不可得祇如歷歷分明听法者是誰是過去耶現在耶未來耶須知是一個無始時來無知覺者如此看來豈是與一法為緣為對如今天下禪僧盡道祇是者箇漢是定有者箇漢是定無者箇漢道橫也是者箇漢豎也是者箇漢他道六十二見諸外道種盡從佛

法中來所以貧道頃在舒之龍門時常勸人
 如此做功夫後到褒山亦不忘此旨非時愛
 與兄弟東說西說喚作非時語緊要處却在
 當人不見昔日瀉山和尚在百丈作典座一
 日司馬頭陀問云野狐話作麼生會瀉山撼
 門扇司馬云是則是太麁生瀉山曰佛法說
 什麼麁多十一細你道問他野狐話他却撼門扇且
 道緊要在什麼處要會麼盡是金毛師子子
 莫於中路却輪迴久立



古尊宿語錄卷第三十五

卷十一

古尊宿語錄卷第三十六

多十二

僧錄司右闍黎兼鍾山靈巖禪寺住持 淨戒 重校

龍門佛眼禪師語錄頌古

外道問佛 杲日連天照有無孰云善逝坐

跏趺如今要見當年事邪正猶來在半途

世尊陞座文殊白掩頌曰

多十二

法王法令若為酬老倒文殊強出頭負累釋

迦猶可事至今千古開啾啾 世尊拈花

迦葉微笑 百萬天人望舉揚拈花微笑

大乘張幾多業識忙忙者問着勞生沸似湯

二祖請達磨安心 若有絲毫付與人

可師何得更全身人間天上迷逢處八兩元

永樂北藏

古尊宿語錄

來是半斤 六祖風旛 非風旛動唯

心動大海波瀾常涵湧魚龍出没任昇沉生

死聖凡無別共無別共底恁模樣祖佛傍觀

空合掌 國師三喚侍者 老倒江湖

上竿頭事可咍一回浮子動又是上鈎來

百丈野鴨子 草裏尋常萬萬千報云飛

去豈徒然鼻頭是甚閑皮草十字縱橫一任

穿 百丈歸與同事坐次忽然哭事問曰

憶父母耶丈云無事曰被人罵耶丈云無事

曰哭作什麼丈云問取和尚事往問大師大

師曰你去問取他事回至寮中見百丈呵呵

大笑事曰適來為什麼哭而今為什麼却笑

丈曰適來哭而今笑同事惘然 一回思
 想一傷神不覺蹶然笑轉新雲在嶺頭閑不
 徹水流澗下太忙生 馬祖陞堂百丈捲
 簾 挂得帆來遇便風須臾千里到家鄉
 臨門上岸逢妻子歡喜情懷不可當
 百丈再參馬祖 挂拂遭呵耳便聾衲僧
 奚若驗宗風金剛腦後抽生鐵華岳三峯倒
 卓空 黃蘗一日問百丈曰和尚在大師
 處有甚奇特言句乞師不恡丈遂舉再參馬
 祖因緣乃曰我當時被大師一喝直得三日
 耳聾黃蘗不覺縮項吐舌丈曰子已後莫承
 嗣馬祖麼蘗曰不然今因和尚得見馬祖大

機大用要且不識馬祖若承嗣馬祖恐已後
 喪我兒孫丈曰如是如是 家肥生孝子
 國霸有謀臣拳頭劈口槌未到無兒孫
 百丈開田說大義 開田說大義後人莫
 容易百丈摠持門淡而還有味 黃蘗問
 百丈從上宗乘苗裔此間如何商量百丈默
 然蘗曰教後人如何委悉丈云我將謂你是
 箇人便起去蘗後入方丈云某甲得得而來
 祇要箇印信足矣丈曰若恁麼他後不得辜
 負老僧 打麵還他州土麥唱歌須是帝鄉
 人現成財本成家者多見飢寒在子孫
 百丈一日問黃蘗何處去來蘗曰大雄山下

採菌子來丈曰還見大蟲麼藥便作虎聲丈便抽斧作斫勢藥約住便與一掌丈便休至晚上堂謂衆曰大雄山下有一虎汝等諸人好看老漢今日親遭一口 大雄山下斑斑虎觸着傷人誰敢顧親遭一口老婆心何曾用着腰間斧 百丈問黃藥甚處來藥

云開田來丈云辛苦不易藥云隨衆作務丈云有勞道用藥云爭敢辭勞丈云開得多少田藥遂鏝地數下丈便喝藥掩耳而去相見言談理不虧等開轉面便相揮畢竟水須朝海去到頭雲定覓山歸 黃藥示衆汝等諸人盡是噇酒糟漢 大唐國裏無

禪師不許會今祇許知着肉汗衫如脫了方知棒喝誑愚癡 黃藥一日在南泉位中坐南泉遂問長老是甚年中行道藥云威音王佛已前泉云猶是王老師孫在藥遂歸本位坐 彼此老來誰記得人前各自強惺惺一坑未免俱埋却幾箇如今眼子青

南泉問黃藥定慧等學明見佛性此理如何藥云某甲十二時中不依倚一物泉云莫是長老見處麼藥云不敢泉云漿水錢且置草鞋錢教什麼人還藥不對 問答分明是切磋幾人於此見說訛少年俱決龍蛇陣老倒同吟稚子歌 南泉門送黃藥泉曰如

許大身材戴椰子大笠子藥云三千大千世界揔在裏許泉曰王老師咏黃蘗戴笠子硬行相見錦江頭相携上酒樓會僧還少病知分不多愁百丈問南泉何處來泉曰江西來丈曰還將得馬師真來麼泉曰祇這是丈曰背後底咏泉拂袖便出八面

生風祇這是拂袖之談動天地堪愛賣身王老師不作賤今不作貴南泉坐次一僧义手而立泉云太俗生僧合掌泉云太僧生僧無對南北東西無不利令人深愛老南泉眉毛厮繫如相似鼻孔遼天不着穿洞山謂雲居曰昔南泉問座主講何經論主

云弥勒下生經泉云弥勒幾時下生主云現在天宮當來下生泉曰天上無弥勒地下無弥勒時雲居遂問洞山祇如天上無弥勒地下無弥勒未審誰與他安名着宇洞山直得禪床震動乃曰膺蘭梨禪床驚震被茶糊惹得兒孫不丈夫拄杖劈頭連打出也教知道赤鬚胡南泉示衆云馬大師道即心即佛又云非心非佛老僧即不恁麼不是心不是佛不是物恁麼道還有過也無趙州出禮拜歸衆僧問趙州適來禮拜歸衆意作麼生州云却問取和尚僧上問南泉適來論上座意作麼生泉云他却領得老僧意旨

祖佛場中不展戈後人剛地起談訛道奉不
傳天子令時清休唱太平歌南泉斬猫
兒五色狸奴盡力爭及乎按劍揔生盲
分身兩處重相為直得悲風動地生
晚趙州從外歸泉舉前話問之州脫草鞋戴
頭上而出泉云子適來若在即救得猫兒

多十二

安國安家不在兵魯連一箭亦多情三千劍
客今何在獨許莊周致太平南泉歸宗
麻谷三人去禮忠國師同氣相求事可
論一回見面一揪情兩行何處開文字一隊
誰家好弟兄大隋蓋龜 骨裏皮兮
皮裏骨大隋老子無窠窟止士聞之笑未休

永樂北藏

古尊宿語錄

中流特地生疑惑俱匪豎指 老大
宗師豎指頭一生用得最風流玄沙拗折無
人會年來年去冷颼颼德山叅見龍潭
吹紙燭黃金為骨玉為髓莫把他家此
日尋多少從來悟心匠盡將底事繼威音去
魯祖面壁池陽何處得捫摸後代

商量苦也無古人剛地成多事敢問如今會
也麼雪峯示衆云望州亭與上座相見
了也烏石嶺與上座相見了也僧堂前與上
座相見了也密密堂堂早二三本來無
物更何堪癡人見了生歡喜作者相逢滿面
題米和尚令僧問仰山今時人還假悟

第一九八册

也無山云悟即不無爭奈落在第二頭米間
深肯之 悟人千箇道無憂肯信遭他第

二頭寂寞山花寒食後夕陽西去水東流

金牛和尚每至齋時自將飯於僧堂前作舞

呵呵大笑云菩薩子喫飯來 長連床上

狐屎尿三聖堂前狗吠春跳出金牛窠窟子

月明照見夜行人 玄沙三種病人

玄沙三種病人有理不在高聲引得香嚴老

子走來樹上懸身 破竈隨和尚居嵩嶽

山塢有一廟甚靈廟中唯安一竈遠近祭祀

不歇烹殺物命甚多師一日領侍者入廟以

拄杖敲竈數下云汝本磚瓦泥土合成靈從

何來聖從何起又敲數下竈乃墮破墮落師

云破也墮也須臾有一青衣戔冠忽然設拜

師前師曰是什麼人神云我本廟神久受業

報今日蒙和尚說無生法忍遂得生天特來

禮謝師曰是汝本有之性非吾強言神再禮

而沒 禍福威嚴不自靈殘盃冷角享何

人一從去後無消息野老猶敲祭鼓聲

大眾遂曰如某等久在和尚左右不蒙示誨

適來竈神說何法便得解脫師曰我也別無

道理祇向伊道元是一堆泥土合成靈從何

來聖從何起你等諸人何不禮拜衆遂作禮

師云破也墮也大衆一時悟入 春寒料

峭凍殺年少切忌參商別無奇妙任頭信素
 歡喜問訊佛法商量傷子性命 趙州勘婆
 趙州言勘破笑殺老禪和院主眉鬚落南泉
 打粥鍋趙州勘破却成罪過大地衆生千箇
 禹箇 百丈野狐 醉眠醒卧不歸家
 一身流落在天涯祖佛位中留不住夜來依
 舊宿蘆花 黃蘗問百丈古人錯荅一轉
 話隨在野狐身今人轉轉不錯時如何丈曰
 近前來向汝道蔡近前打師一掌丈呵呵大
 笑云將謂胡鬚赤更有赤鬚胡 一問當
 機絕異同定乾坤箭驗勳功轟轟一掌眩腮
 下笑殺雄山者老翁 司馬頭陀問為山

永樂北藏

古尊宿語錄

百丈野狐話你作麼生會為山以手撼門扇
 三下司馬云太麁生為山云佛法說甚麁細
 春至是花開朱頰安在哉可憐園裏色
 不入鏡中來 靈雲見桃花 春來依
 舊一枝枝同地同天道不疑未徹之言人莫
 問令余特地笑嘻嘻 臨濟叅黃蘗首座
 令問如何是佛法的大意三度問三度被
 打 第十二 擊開華岳連天色放出黃河到海聲
 瞎驢死後蒿枝折大地如今有幾人
 雲門三頓棒 奉君三頓曲周遮屈辱雲
 門老作家渡水穿雲五湖客欲將何物當生
 涯 雲門胡餅 雲門荅餽餅言前句

第一九八册

後領驢鞍爺下領到了終不省塞却你咽喉
把將餠餅來速道速道 蜀賓國王自將

劍至師子尊者處問師得蘊空否尊者云已
得王云既得蘊空可施我頭占尊者云身非

我有豈況於頭王即斬之白乳高數丈王臂
遂落 揚子江頭楊柳春楊花愁殺渡頭

人一聲殘笛離亭晚君向瀟湘我向秦

仰山插鉢 數目分明舉即難衲僧無不

膽毛寒須知更有壺中路但向須彌頂外看

長慶萬象之中獨露身 萬象之中

獨露身一回相見一回嗔東西南北吾皇化

莫向江頭苦問津 雪峯鼇山成道

鼇山成道足人傳莫是從前話不圓賴有玄

沙知始末徧身紅爛在漁船 子胡狗

老大宗師沒巴鼻養狗之緣大兒戲奪牌禪

客如到來鉛刀爭及吹毛利 烏窠吹布

毛 欲求佛法往南方老大宗師為舉揚

山花滿地雖狼藉一陣風來一陣香

多十二

玄沙虎 宗師方便太慈悲是汝之言寄

古錐萬里神光騰頂後肯將生死嚇愚癡

五洩叅石頭 在途在舍若為酬莫把先

師一例求雄雄宇宙如王者未免半邊無體

體 藥山一句子 犢牛生子頗相諳

兩眼通紅色似藍把火照來無覓處大家共

請一時參 趙州喫茶 趙州一椀茶

驗盡當行家一期雖似好爭免事如麻

盤山臨入滅垂示云還有人貌得吾真麼衆

人競寫呈師師皆不納時普化出衆云某甲

貌得山云何不呈似老僧看普化乃打筋斗

而出 師真醜拙不堪呈用盡身心笑殺

人彼中莫覓絲頭意白鼻崐崙賀新正

女子出定 出得出不得初不離是定聖

者起凡情凡人而乃聖倒用與橫拈扶邪及

顯正春雨春風竹戶涼落花啼鳥千峯靜

良遂叅見麻谷 平生心膽向人傾到此

門中有幾人別後都城舊知己暖煙斜日又

黃昏 黃龍三關 佛手駢脚生綠草

龍元無此語直饒恁麼知之我儂亦未相許

奉報四海禪人第一不得錯舉 晦堂拳頭

着眼看來寧免瞎全身何用佩金魚黃

龍意氣雄豪甚祇為他家不識書 五祖

老和尚凡見僧來便云屈屈僧云屈作什麼

師云如今不屈更待何時 盡力不奈何

按牛頭喫草若無錦繡文難以論嘉藻

又每見僧來展手問云何故喚作手

何故喚作手衲僧難開口擬議自顛預可憐

大蒙斗 又每遇僧請益祇云無這閑工

夫 彼此且無相負累行人無不失鈎錐

雖然不瞎衆生眼也好拳頭劈口槌
室中垂示

師云不負平生眼目還知龍門老為人處麼
若知得終不相辜負若不知實無為人底道
理 師云上座未來此間時無一人上座
既來此間後有一人上座祇是一人上座為

多十二

什麼成有成無 師云正恁麼時作麼生
辦 師云得底人還具四大五蘊麼
師云真佛住在何處 師云盡十方世界
是你自己折旋俯仰復是何人 師云古
人道無情有佛性師云有情具覺知可容知
有佛性無情無覺知若為知有佛性

師云昨夜山前虎咬大蟲 師云無目仙
人能揣骨既是無目將什麼辨貴賤

師從東過西碩謂衆曰是是復從西過東碩
謂衆曰不是不是遂歸位立曰適來猶記得
舉魯祖凡見人來便面壁而坐不知後來有
甚人會得 師云離却三界還見香臺否

師云有情說法易見無情說法難聞祇如無
情說法什麼人得聞 師云為山接仰山
師云現今是箇什麼何不猛會取 師云
有人問你隨問便答無人問你時作麼生道
師云芥子納須弥且問你諸人即今在芥子
外芥子內若道在芥子外如何納得須弥若

道在芥子內許多大身材如何却在芥子內
師云隔宿不問道今朝事作麼生 師云山
僧問你諸人尋常一件事諸人舊時曾到處
忽然思量着一在日前為將眼見耶將心
見耶若道將眼見諸人思量舊時到處如何
是眼見若道是心見心豈有見也現今目前
燈籠露柱是心見耶是眼見耶多十二世尊道從本九
已來非心非眼且道是个什麼 舉古人
道一堆火兩人坐我我你你是我師云你自
是你向火我自是我向火為什麼却道我是
你你是我 師云無舌人解說說則說了
也師却吐舌云爭奈者一片子何 師云

明來暗謝智起惑亡正當明時暗向什麼處
去祖師道祇者明便是暗明暗觀體不可得
師云黑地裏行時為什麼脚高脚低
師云古人道世間法便是出世間法露柱是
世間法如何明得知是出世間法去
師云一切眾生眼見耳聞先聖去者裏有个
指示人處道即此見聞非見聞師云諸人正
當見聞時作麼生見得非見聞 師云忽
然被人稱名道姓喚你一聲時你去者裏還
入得麼 師云山僧與諸人摠在者裏其
間有了者不了者你麼生辨得者个是了者
这个是不了者作麼生辨 師云諸人還

會古人說底話麼那个是古人作麼生是誑
 底話若不恁麼明得祖教佛教俱為刺語作
 麼生是古人說底話 師六十二時中作
 麼生是你相應底句 師去不是山僧瞞
 你却是我瞞我作麼生是你瞞我處
 師云中夜間忽然會得去今朝起來所見所
 聞別也作麼生是別處 師云此事易見
 難曉你等諸人還見狗子麼見生客則吠見
 熟客則搖尾且道是一耶是二耶若道是一
 吠則咬人搖尾則求食若道二來生也是客
 熟也是客所以道易見難曉須是向不一不
 二處會取山僧不誑諱你子細檢點看

師云山僧齋時見个蠚蠚子在聖僧鼻孔裏
 出來入去得大無畏你諸人十二時中出來
 入去在什麼處 師云古來有个禪客依
 栖一人尊宿每日上去問訊纔見來便道且
 去未在如是數年忽一日省得便上去宿纔
 見來便云惡是也師云作麼生見得便知道
 是也 師云不重久習不輕初學久習之
 人有何過不重初學之人有何能不輕正當
 撞着此二人相見時如何 師云諸人大
 似開眼尿床還見開眼處麼 師云須得
 作衲僧家說話且道衲僧家如何說話
 师云你上來時早是分外也更口吧吧堪作

什麼 師去曹溪大師道繁興永慶那伽

定祖師在你背後還見麼

垂代 師一日問侍者三人中那箇不在

數代云和尚問不着又云某甲祇得緘口又

云慙愧且得和尚委悉 因病臂示衆云

我一隻左臂因你諸人教我動不得因你諸

人教我受無限辛苦代云和尚要如此分疎

作麼又云不敢辜負和尚一隻左臂又云學

人聞得不安不樂又云此是和尚成禱某甲

祇恐某甲不到者田地 舉古人云飛猿

嶺峻你好看問僧你如何代云恁麼則不去

也又云為什麼不去代云祇者便是飛猿嶺

問大庾嶺頭提不起時如何代云你却會得

好又云你適來披袈裟麼又云依樣畫葫蘆

聞書閣門開云無風自動好與三十棒

舉古云泉眼不通被沙礙道眼不通被什麼

礙古云被眼礙問僧祇如眼如何礙代云早

知燈是火飯熟已多時

師問僧你許多時在什麼處安身立命代云

少人知問南泉牽牛巡堂如何代云你尋常

東行西行有佛法道理無佛法道理又云錯

行此路問高麗淨餅為什麼在者裏代云

非但在者裏舉龐居士問馬大師不為萬法

為侶者是甚麼人代云某甲已答和尚了也

多十二

十一

一日聞茶版声又聞浴鼓声問僧去赴那處
即是代云聞時雖普不妨應處成偏應處雖
偏不礙聞時常普問僧如鏡鑄像像成後鏡
光向什麼處去代云老僧出家三十年也問
如何是你受胎處代云和尚甚處去來問念
念攀緣心心永寂時如何代云復有何事問
我与釋迦老子同參釋迦老子具三十二相
八十種好如何說同參底事代云莫來汚我
耳目問久嚮千佛到來為甚麼一佛也不見
代云已見千佛問識情不到處如何代云大
蟲看水磨問識情不到處還聞兩声麼代云
將為某甲落他情識裏問大安樂底人還見

有春夏秋冬麼代云若不恁麼爭喚作大安
樂底人問衲僧家如何商量代云寒時言寒
熱時言熱問如何是古人田地代云豈有異
耶問飯袋子如何代云正道着因遊白蓮峯
至半山亭有僧後到云和尚尚在這裏師云
我到了來也僧無語代云也是齋後鐘呂少
馮入室問和尚有何提誨師云若有提誨即
埋没足下又問請和尚徑直指示師云太迂
曲生問有一物上拄天下拄地黑似漆常在
動用中動用中收不得過在什麼處代云有
什麼過謂僧云我為你着尽氣力如何着力
代云早朝有粥齋時有飯問會佛法人為什

麼病代云也知和尚心切師插一隻火筍在
炉中云此意如何代云頂門上著一隻金剛
箭又云刺破你眼睛穿過你心肝又云莫向
虛空裏釘橛有一屠兒身上常出乳香舍利
此意如何代云恐人不信又問別底屠兒為
甚却無代云他得大闡提問虛空還有變異
多十二
也無代云青黃赤白長短大小師豎起拂子
問僧從什麼處得來代云也祇是某甲底夢
中僧問和尚因什麼得悟代云莫茶糊我見
蓋兔子相咬師云咬殺也又云我也知你親
示衆云會佛法底人不得龍門飯吃不會佛
法底人亦不得龍門飯吃揔不恁麼人亦不

得龍門飯吃且道什麼人得吃代云無慙媿
底人又云似我者得吃遊山次問僧竹密不
妨流水過如何代云不許夜行接明須到問
僧癩狗為什麼無毛代云已被和尚道了也
又云直得恁麼因僧問病師云我身在這裏
為什麼心不在這裏代云身在這裏你疑个
什麼又云泊合空過一生問亡僧遷化向什
麼處去代云你問我又云深領和尚一問一
日吃粥了白衆云許多人吃粥也無一人搆
得便起去舉古德一日不赴堂侍者白云
請和尚赴堂德云我今日在莊裏吃油糍來
也者云和尚不曾出入為什麼却道在莊裏

吃油糍來德云你但去問取莊主者才出莊
 主歸謝和尚莊中吃油糍代云事實如此聞
 廡鼠声侍僧問古人道即此物非他物意旨
 如何師云這老漢不識好惡與人說作甚麼
 又云你尋常察舍裏東語西話還有吉凶麼
 問廣額屠兒手中屠刀如何放下代云不須

多十二

十三

放下問面前是什麼代云無物問六祖不識
 字為什麼墜腰石上題云龍朔二年老盧記
 代云更須子細問侍僧汝恁麼供養老僧老
 僧將什麼報答你代云謝和尚報答因看月
 問侍僧那一半在什麼處去代以手指月問
 大地衆生如何度得去代云有乍度處僧云

和尚度師云莫管他因僧亡問衆云齊後
 你也你如何代事不徒然又云非但某又云
 深領此問師謂侍僧云我尋常向你說却成
 罪過代云也知和尚小心呂少馮再至褒禪
 見師師尋常以六隻骰子示禪人遂將三隻
 令侍者送與少馮傳語云此是老僧平生用
 不盡底少馮接得復令回語云謝和尚見惠
 祇得一半在師復令侍者傳語云一半留與
 老僧師一日到寶公塔前忽云雲光好法師
 安角在頭上既是雲光法師為什麼安角在
 頭上代云陌巷不騎金色馬回來却着破襪
 衫師在方丈坐見僧上來師云入室未到你

次在代云恁麼則某甲伏惟謹退師因吃藥
次問僧云適來曾中似有一物且道是何之
物代云肺氣又云猶有者个在又云者个是
什麼乃驟步而去師謂僧云開鋪席了也東
買西賣僧云好茶師云賤貨自收師問僧你
忽然死去時如何僧無語師呵呵大笑僧問
如何是朕兆未生時事師云你何不早問師
一日謂僧云扶不起設使一萬人也扶不起
良久云祇有一人扶得起僧云未審是什麼
人師云無力者師問僧燈籠什麼處得來代
云驗在目前問僧忽遇虎狼刀劍時如何代
云是虎狼刀劍問僧子已後如何代云一似

今日問僧從緣得者永無退失者裏見得自
己亦是生冤家還會麼僧云自己亦不見時
如何師云時教阿誰叙僧無語師代云孟春
猶寒師舉僧問雪峯知有向上事始有語話
分時如何峯提起僧手云作麼生僧無語代
云引得者老和尚到恁麼田地 舉僧問
法燈百尺竿頭如何進步燈云噫問僧下得
什麼語代云平地神仙 舉藥山謂高沙
彌云見說長安甚鬧高云我國宴然師問僧
如何是我國代云四五百條花柳巷二三千
處管絃樓 五祖老和尚常展手問人云
因何喚作手代云瞞我太煞

多十二

十四

示禪人心要

不應於無際空中立無分限若立無分限是無際空乃自負墮所以解空者無空想

若人以語言名狀心終不得心不以語言名狀心亦不得心語言本是心名狀之故不得也無語言本是心不名狀之故不得也種種

會當皆不與自心契上祖曰默契而已為若

此道若未達但無妄念尔若人知是妄

念作意止之者見有妄念故也知有妄念作

意觀察令是正理亦見有妄念也知妄元是

道乃無妄焉故達道者無所得也

發意求道道即得之但不別求知無迷妄謂之

見道近世皆曰無不是道譬如飯籬邊坐說食終不能飽為不親下口也

證者絕能所也非別有玄理在尋常日用處如見色時

是證時聞声時是證時飲水食粥是證時一

絕能所此非久習不假薰煉蓋現成之事

世人不識名曰流浪故云唯證乃知難可測

多十二

十五

學道者明知有是事何故不得旨而長疑蓋

信未極疑未深也唯深與極若信與疑真是

事也不解如此返照遂迷乱不知由緒因躡

中途能自返省更無第二人也既曰此事又

豈更知耶知是妄慮此事則不失也

道不止說與示而後顯蓋體自常露說示者

方便道用尔省悟者亦暫時岐路也或因說而證或因示而入或自覺觸以歸終無異事別得至心源而止也 人言悟了方修此屬對治門雖然禪門亦許以正知見治之若論當人即不須若是也 佛道長遠久受勤苦乃可得成者綿亘三世凡聖一如故曰佛道長遠不起異見未始遺棄故曰久受勤苦畢竟無別法故曰乃可得成此大丈夫事人不識問遂依來而答不知乃自問尔欲答誰耶人不識答遂依言起見不知乃自答尔何有旨趣耶故曰揔是你好看好看 或人曰從上古聖佛祖指示言教流布世間

一一分明何故都是自己深負上古先聖苦口垂慈也今對之曰吾順佛祖宗趣尔自負吾不負也若言有所說即是謗佛祖曰莫作最後斷佛種人若不就已知歸所作皆成造偽縱記得河沙會盡塵墨於己何益故曰將聞持佛佛何不自聞聞外求有相佛與汝不相似尊宿云我今對你一句子亦不難你若一言下薦去猶較些子若不會老僧却成妄語去夫今時學者競以問答為禪宗中關要不知是取捨作想心嗚呼 就理就事之學蓋是近家語縱有少領覽未可休息豈不聞說涅槃之道曷度絕矣直須解自點檢始

得人以迷心故進道乃來山林中見知識將
 謂別有一道可令人安樂不知返究向來迷
 處工夫最第一若不及此入山林而不返徒
 尔為也迷處極易而難入故先德曰難信難
 解又曰此是頓宗說道返照向來已是走作
 語況不尔耶後世遂用此語為平常無事一

多十二

十六

味實頭此又後學之不明服食之不審也
 從上來有二種方便有真實方便所謂說無
 有間有善巧方便所謂妙應群機若從真實
 方便得入不假思量省自神解永無有退妙
 用河沙也若從善巧方便得入得座披衣向
 後自看始得未足將為究竟此二種方便皆

一法也不可須更有失學者思之

雪峯示人曰莫教老僧有一句子到你分上
 若有一句子到你分上堪作什麼也此是古
 人不得已而已後者不了古人意便謂自己
 分上無許多言談所以錯會也 今時人
 多將目前鑒覺用為極則玄沙所以向人道

深山迥絕無人處你道還有否 悟心見

性當如雪峯玄沙履實踐真當如南泉趙州
 今時學者但以古人方便為禪道不能與古
 人同參也 譬如有力人負一百二十斤
 擔過獨木橋不傾不側何物扶持得如此耶
 其精緻無雜而已為道亦亦經中稱譬如師

子捉象亦全其力捉兔亦全其力人問全什
磨力曰不欺之力若見一毛髮異於心者則
是喪身命故達道人無有不是者此力甚大
但為無邊惡覺侵蝕致令力用有虧若無如
許多異法異狀異緣異念則隨心轉變自在
無礙 道不用苦苦求求之即道失事不在

多十二

十七

苦融融之即事有不求不融道與事會也則
何事而非道耶 譬如日明之士入寶聚
中而不知方便為無火燭光明所照也入矣
即被觸擊自損身首謂是毒穴非寶聚也有
智入中持燈燭光照見種種寶任意採擇得
寶而出十二時中須用智光勿令六塵自傷

觸也 昔日末首座與慈明同碎汾陽而
求未盡其妙相從慈明二十年終不脫灑一
夕圍炉深夜慈明以火筋敲炭曰末首座求
首座未乃吐之曰野狐精慈明遂指末而謂
曰訝郎當又恁麼去也未由是方得究竟然
畢命相隨凡慈明居常差別激問衆不能酬
對唯末至慈明即點頭許可此所謂無病之
藥學者罕得其要況後世知見會解之徒何
由領是事哉得之當若末發藥當若慈明庶
幾可也 關中得靜則井邑成山林煩惱
即苦提衆生成正覺此語初心學人例道得
會得作一種平等知見及其放心凡聖依前

兩般靜躁殊用明知是解會須是安穩處始
 得一味不可強會 近世多以問答為禪
 家家風不明古人事一何逐末不反可怪可
 怪昔人因迷而問故問處求證入得一言半
 句將為事究明令徹去不似如今人胡乱問
 趁口答取笑達者 十二時中學道無頃

刻棄捨此人縱未得入念念已是修行也尋
 常說修行不過三業六根清淨禪門更不必
 如是何故禪定之門念念與智波羅密平等
 一切處自無過患也久久心地通明之日從
 前並得滿足名一行三昧今時人全無定力
 後不開智眼所有機緣語句祇成諍論生滅

心行夫禪學不是小小未用超佛越祖得了
 要超亦不難高郵孫承務作書問不落意想
 不在有無如何則可師答云若問如何則不
 可不問如何亦不可醉客豁醒神珠自瑩豈
 可預為之計然後領耶第一等靈利人尋討
 不着此一念難得自見見之即是無別有岐

多十二

十八

路也尋常例以前念為是以後念照之前後
 追逐以心用心心則成境率初已成心境了
 展轉更不堪如今後念不取自無起滅處當
 處解脫念本不生何更有有無意想為留礙
 一念悟心成正覺此之謂也念念無生念念
 無相與虛空等觸物遇緣皆佛之妙用無絲

頭許對待衣珠獨耀十方世界事目擊可了
不俟舉意然後如之此蓋大丈夫事業不可
不成就取 欲要是蓋有不是法為礙欲
要得念良由前後皆失念故也晝夜不自在
要與道合然無少許合處愈急愈不合病在
取一捨一不善用心不得要術茫然不知日

與道遠若安坐寧神不勞自辦故達磨大師
謂揚銜之曰亦不捨智而近愚亦不拋迷而
就悟達大道今過量通佛心兮出度不與凡
聖同纏超然名之曰祖不着棄一邊就一邊
當知明明顯着明明作用柱定會取轉凡成
聖點鐵成金要徑不可不如此究祇恐人兩

頭走一既不成二又不是不識玄旨徒勞念
靜二乘斷煩惱得證名為偏修不若應念化
成無上知覺之速也 修道人若遇煩惱
起時如何古人云但以正知見治之余則不
然祇以煩惱治之如此看來即不見有煩惱
也何故煩惱不可更治煩惱如火不更燒火

多十二

十九

水更不濕水体性一同無可得露現此了煩
惱本空不着除遣若起智斷治捺伏却成別
用心有對待被他二境回換縱得亦迂曲有
分限須行徑直路為上古人云劫火曾將無
氣吹不勞功力當時萎此之謂也 有時
靜坐則心念馳散或然臨事又全失却都緣

未得親證落二落三致有錯謬展轉之失古人云動靜不二真妄不二維摩明一切法皆入不二門若領此要不動自寂滅也且如眼不至色色不至眼聲不至耳耳不至聲法皆尔元是自心功德藏無可得取捨契者何往不利此正是那伽大定也 今生出來

自肯學道者蓋夙生曾種善根素有根本便解發心亦解疑着就已尋究又煩惱障薄有因有緣此人易可化度若未薰得此心正信不生縱聞之亦不生疑但如風過耳勸之又生瞋加誹謗此又何緣得顯露所以千人萬人中但一二人而已若自解作活計收拾得

上生生從此去展轉明利更不退失功德一生勝一生入他諸佛間域常與此事相應人間天上亦祇如此設對五欲八風一切境界與理符合不行三塗道一味平等正知見復有何事 生死不可不畏須了此一段死生情偽始得安樂無過身心為累耳身如桎梏當知身去來處心如猿猴當知心起滅處此二自何處去來起滅則身心圓明內外一如而已且心為內身則為外身為內物為外國師曰身心一如身外無餘則不見有生有死當情可謂解脫大道也故能令人見聞不得不脫意想不得不息物境不得不融復奚疑

我 龍門心法終

三自省察

一是身壽命如駒過隙何暇閑情妄為雜
事既隆釋種須紹門風諦審先宗是何標格
二道業未辦去聖時遙善友師教誠不可捨
自生勉勵念報佛恩惟已自知大心莫退

多十二

二十末

三報緣虛幻不可強為浮世幾何隨家豈儉
若樂逆順道在其中動靜寒温自媿自悔

誠問話 近代問話多招譏謗蓋緣不知伸
問致疑咨請之意後生相承多用祝贊順時
語並非宗乘中建立如古又問若為得出三
界去又問聲色如何透得又問此間宗乘和

俗子也

尚如何言論並是出眾當場決擇近時兄弟
進十轉五轉沒巴鼻語或奉在座官負或莊
嚴修設慳信俱不是衲僧家氣味又抽身出
眾便道數句或時云某甲則不恁麼道又云
和尚何不道夫問話者激揚玄極也不在多進
語三兩轉而已貴得生人信不至流蕩取笑

龍門佛眼禪師語錄終

古尊宿語錄卷第三十六

多十二



永樂北藏

古尊宿語錄

第一九八冊

古尊宿語錄卷第三十七

北寺三本

士一

曾緣司古關教報連山靈卷禪寺住持

淨戒 重校

大隋禪師諱法真梓州工氏子 問佛法
徧在一切處教學人向甚麼處駐足師曰大
海從魚躍長空任鳥飛 問如何是大人相
師云肚上不帖榜師問僧向什麼處去僧云
西山住菴去我向東山喚汝汝便來得麼僧
云不然師云汝住菴未得問生死到來時如
何師云遇茶喫茶遇飯喫飯進云誰受供菴
師云合取鉢盂 有婆令人送錢請師轉歲
經師下繩床轉一匝云傳語婆婆轉歲已竟
其人歸舉似婆婆云比來請轉全藏如何只

轉半截

上堂云你不見道一塵合法界

所以道有一智人破塵出經卷量等三千大
千世界你欲破不破我今舉起大家求此事
三千世界收在一微塵四大海水歸一滴湏
彌納芥子中若求自己祇在一毫毛你若一
毫毛處見得三千大千搵成經卷祇是自己
動這箇境界不得所以真境不現說什麼纖
毫毫處搵是猥刁避箭懼境蔽形你喚這箇
作什麼兄弟如石壓草相似或然捨却石依
舊習氣祇在湏是隨處了却始得與境為主
免塵境使喚始得大難大難千難萬難祇是
殼解他後荷鐵負鞍阿誰苦總有些子覺觸

處便擬望與人為師大錯須說凡了却凡須
 說聖了却聖舉一例諸無非恁麼不易不易
 珍重珍重下座 問如何是大隋一面事
 師云無東西南北問如何是生死中事師云
 水上浮漚內外不見問如何是中理一句師
 云表裏不從進云師決志事如何師云言下

知音問如何是道用心處師云莫自謾問陀
 那微細識到此如何分師云你眼祇解觀色
 還解聽聲否問萬法歸一一歸何處師云萬
 法元不歸問六國未寧時如何師云臣交功
 進云直得君臣道合時如何師云不見有君
 臣問如何是自在師云不自在進云不自在

時如何師云却自在問中雪瑤塔時如何師
 云不狀世境問曹溪一路事如何師云老僧
 道如不淨坑進云何以如此師云佛祖兩路
 了不相干問久處寒崑何以日不照師云不
 照寒巖寒巖終不出來就你日光問離光影
 如何是師性師云和光吐出進云莫鬼語師

便打問如何是最初一句師云是末是本問
 如何是大隋境師云不似學人進云何故不
 道師云不然問如何是最初處師云莫妄想
 問隱隱不停波時如何師云敬礼常住三寶
 進云息浪停波為什麼沙石轉多師云為你
 斷伊問學人祇如浮雲以鏡捉光何處安排

師云與雲為主問寸草未生時如何師云老
僧無米喫終不下大隋山問祖意教意是同
是別師云不究始不顧未問路逢古佛時如
何師云你或逢駝驢象馬喚作什麼師云夫
上代諸德莫非求寔不自瞞昧豈比飛蛾投
火自傷自壞他明白了被生死輪回拘障不
得所以識不能識智不能知不聞道釋迦掩
室淨名杜口須菩提無說而說釋梵絕聽而
聽此事大難大難珍重 陞座問萬法從
心起未審心從何起師云石牛泐江走水底
火燒天問如何是大隋山師云耳不聞眼不
見進云如何是山中人師云千人衆裏萬人

衆裏不向一人不背一人問搗一丈見一丈
空將一丈土填一丈空未審空歸何處師云
莫將這箇道理為佛法出去出去問佛法徧
一切處未審教學人什麼處駐足師云大海
從魚躍長空任鳥飛問撲碎驪龍珠請師明
活寶師云明活寶且置作麼生是你撲碎底
珠十一僧無語問法報化三身佛亦非說如何是
本來身師云海底如意珠始終無不應問如
何是一切智空師云空心空即是進云更有來
時作麼生師云不是空進云還稱向上事也
無師云不限問和尚百年後付法與何人師
云露柱火爐進云還受也無師云火炉露柱

問但有一法耳不聞眼不見皆是光影如何
是光影中人師云莫無禮莫無禮問理不
言詮時如何師云言詮即理問遠聞大隋水
到來祇見箇漚麻池師云汝只見漚麻池阿
裏見大隋水進云如何是大隋水師云苦澁
難下嘴進云還喫得否師云喫著便死師因
燒山次見一蛇以杖掩向火中咄云這箇形
骸猶自不放捨你向這裏死如暗得燈遂有
僧問正當恁麼時還有罪也無師云石虎叫
時山谷響木人孔處鐵牛驚僧因馳書辭師
問曰學人此去未審師將何言到彼中師云
好為通達再問臨歧參晚請師垂示師云無

事早歸僧從五臺山來師問云五臺山何似
大隋山僧問云如何是大隋山師云老僧耳
背高聲問來僧高聲問如何是大隋山師云
若千山與萬山問魚遊陸地時如何師云拗
不曲處是閻梨所貴進云却下碧潭時如何
師云立足事難明師勘僧云從什麼處來僧
云從蜀中來師云未入蜀時在什麼處泊僧
云無處所師云莫是處所有過耶僧云若有
處所鈍置人眼師云天堂地獄有一坐具分
似落坑鼓相似不鼓而自鳴堪作什麼問生
死到來時還免得否師云飢時喫飯寒則著
衣上堂云夫沙門釋子見有如無始得

向一切時中與凡聖等與解脫等方有少許
出處若不如此大難大難珍重 上堂問
大地及日月時至皆歸盡未曾有一事不被
無常吞還有吞不得者也無師云汝喚什麼
作無常進云不究竟為無常師云無常却究
竟自是汝不究竟其僧不肯師便打師勘居
士云此身是什麼服制士云父母俱亡師云
喫茶去居士應喏出去師喚回咄云你對老
僧謾語父母只在你莫說學無上道自己父
母尚乃不知出去出去問如何是玄旨師云
直須玄去進云如何是玄中玄師云不返去
問古人立雪斷臂為求何法師云古人不

臂進云古人斷臂因什麼道却不斷臂師云
自是向雪堆裏樂問金鷄未啼時如何師云
失却威音王進云正當啼時如何師乃笑問
柴裏虱柴裏死水裏虫合作麼生師云 切
尋常問金鴈附書為什麼不露翼師云不通
虛信問道場獻寶誰人能辨師云虛空能辨
師忽示微疾不見客時有僧隔簾問咫尺之
間為什麼不相覩師云如今相覩何不問來
僧便問如何是相覩底事師云老僧不安有
什麼心情對你 上堂云閑即遊天寂即
歸地問上無片瓦下無卓錫時如何師云汝
即今在什麼處居止問無常迅速不與人期

忽若到來時如何師云速問速問進云便問
 師云太不道速生問啐啄同時如何瞻觀師
 云是動是靜問出殼時如何師云是未是本
 又云見麼問普雨為什麼不潤師云普雨問
 滴水成水古人為什麼不許師云古人即如
 此若是老僧道向虛空裏挂破瑠璃鉢問既

十一

五

是師子為什麼披文殊騎師云調伏自在問
 孤巖無紋繡特達事如何師云孤巖有紋繡
 特達事顯現問處水之魚為什麼渴死師云
 祇為魚不親下口問父子至親岐路各別時
 如何師云為有父子俗士施師鉢孟問未施
 鉢時師用什麼師云使最末後者一僧欲下

山為衆化緣薛師師云汝若道得一句即放
 汝去若未然且歸堂休歇辦取自己事去師
 問盡十方空界是王老師檀越未審化什瓌
 人去僧云但請和尚疏頭來便與師道師云
 汝且辦自己事去問毀佛謗僧時如何師云
 僧有何過佛辜負你箇什麼你毀謗他僧無

語 上堂云今時沙門向因中辨果果裏
 辨因始得僧便問有一人不屬因果時如何
 師近前捉定云我今時沙門向因中辨果果
 裏辨因汝云一人不屬因果別道別道僧無
 語師便打出 上堂僧問過去未來即不
 問如何是現在師云虛空還著得碾研石麼

問來時無阻隔去時無滯礙正當恁麼乞師
一句師云虛空無縫際大海平如掌般若性
等等上堂普告大眾云汝等還知有三
處不立質礙有緣二際無分豈知來去三身
四智非聖不無八解六通非凡不有雖則衆
生盡有佛性不可將蠢蠢而對佛邪然則高
下無偏爭奈途中有異此身難得胎卵易成
況是釋子之徒又乃祖宗苗裔三衣覆體囊
劫修來四事供湏非從今日人前行相認似
高僧乃至語言不如俗子稱名便是傳法沙
門子細尋思還傳箇什麼一向毀他經教有
目如盲純乃謗於祖宗有心也祇如木石不

解付已德行終日恣縱無明以無慚愧之心
兀兀何曾覺悟此身若失永劫沉淪非但却
復人身有福底畜生也難得問孤峯頂上玩
月輪時如何師云何不了却孤峯事玩他月
輪作什麼進云豈無內外明徹事耶師云內
外明徹事作麼生進云無有不照師呵曰這
士一鈍驢也擬學馬走僧無語師復云問你諸方
雲水閑梨莫道老僧這裏有佛法與你諸人
說向諸方行脚尋知識說箇什麼汝又領
箇什麼莫道禮三拜後便起近前問若也言
下便契時猶未是了底人莫向口頭取俊他
時人天眼目者非是一生兩生修來盡是恒

沙劫功成果滿始得如是所以向你叢林裏
示現下來祇圖你今時人勤苦修行祇恐你
出家人失却人身莫等閑過日老僧這裏有
什麼佛法與你諸人說自是你諸人上得山
果云我修行學道是佛向上人且問你佛向
下人作什麼模樣不可老僧這裏有佛向上
人有佛向下人來向諸人說邪你若不言我
不可知你肚皮裏事也你若問老僧也則
隨汝根機與汝說不可教老僧亂道得麼祇
如老僧行脚時不揀叢林有供養無供養處
祇要著他眼目稍似根性有些些器量方欲
過一夏或一冬若是根性鄙劣者三朝兩日

便行算來忝六十餘負大知識有大眼目者
那無一二餘者豈有真寔知見祇是圖你諸
人供養欲望福報你又有什麼福報與伊不
可出家來空趺聚頭喫飯耶雖然如是四大
之身誰免得直饒心超聖境身是凡夫又乃
假借增修今時人便去向裏許埋沒却人身
諸人莫謾向口頭裏無礙却成謗佛毀法見
須寔見聞須寔聞始得假饒說似斬釘截鐵
直須時中不謾自己始得一車芥子猶未點
著在來時便道我是不思議底人縱然除得
身邊塵重猶餘微細不知塵重尚乃不知豈
可說於解脫之法細中之細佛尚不知微愚

凡夫豈能測得但是世間有者並從顛倒所
生欲得解脫塵勞無過心中自省摩訶般若
是解脫法身子細尋思復是誰有誰無老僧
也不是醉凡詐聖祇是習氣不除上合諸佛
心印中合一切人天下合蠢動含靈師僧家
披如來法服湏求出離時不待人光陰頃刻

玆重玆重

上堂僧問真如法界以三昧

為香花廓周沙界亦同一家龍門為什麼無
宿客濃水為什麼足蝦蟆師云真如法界不
以三昧為香花廓周沙界亦無家目前問者
豈不是智淵座主耶主云是師云祇這便是
滾水足蝦蟆師復云拋却從前活計認本源

生涯主無語師云經有經師論有論師律有
律師你十二時中合談何事還因箇什麼做
得模樣不可三箇作隊五箇成群趁衣劫食
邪到處不免挽他施主坐卧心頭難勝於檀
越直饒你躑跳向虛空裏行也是國王管界
不可將持齋奉戒隨時轉一卷經用荅四恩

三有也又爭報荅得自是諸人時中事修行
到辟支佛地方能消得人天供養博地凡夫
祇是異俗之形喫了不知慚愧空自趁說己
是他非出言欲斷人命根吐氣便作毒蛇之
行說著自己三界無過毀挫他人祇如虫蟻
若是古佛有此標榜如今欲微微些些從上

已來或無此則因何所起如此容縱豈言清
 德若也不達本源未免滴瀝還他改皮換骨
 泥犁苦海誰人替得諸人大須竭力不得因
 循過日學禪學道則不無你諸人且道禪有
 可叅道有可學否若言有學者無有是處若
 言無學者亦無有是處不可顯然去也曰地

十一

八

還從此去直須打底分明了却生死根本縱
 饒異類中受生也終不昧己靈始得四大合
 成祇是汝之窟宅這邊脫去那邊早生那邊
 脫來這裏早別作箇模樣汝不思量看阿那
 箇是汝本來之身須向彼中窺取莫謾走南
 州北州終無了日光陰迅速玆重玆重

上堂云此性本來清淨具足萬德但以隨染
 淨二緣而有差別故諸聖悟之一向淨用而
 成覺道凡夫迷之一向染用浸溺輪回其體
 不二故般若云無二無二分無別無斷故時
 僧遂問劫火洞然大千俱壞未審此箇性壞
 不壞師云壞進云恁麼則隨他去也師云隨
 他隨他去也僧無語時會中三百餘僧盡皆
 不肯皆云從上已來祇說不壞之性和尚何
 故却云壞邪衆各惶然時有一僧上堂遽白
 師云適來僧問和尚話和尚荅他其僧似不
 肯和尚荅底語師云只有此一僧不肯為如
 更有人不肯那僧云只是一僧師云直得三

十大千世界人恁不肯老僧猶較些些子非但這一僧其僧後至投子和尚處投子云閣梨近離甚處僧云遠離西川大隋投子問云彼中還有尊宿也無僧云有一禪師住大隋山見有三百餘衆子云有何言句接人試與老僧舉看僧云某甲昨問大隋却火洞然大千俱壞未審此箇壞不壞子云大隋如何九僧云大隋峇道壞僧云某甲更問恁麼則隨他去也大隋又峇道隨他隨他去也子云汝作麼生會大隋語僧云某甲不肯此語子云閣梨早錯了也大隋恁麼道隨他隨他去汝又如何僧云至今未決子遂呼侍者令裝香大

展坐具望西川大隋山遙禮三拜已嘆曰不是大隋和尚伊是箇古佛此乃真善知識汝速往彼懺悔參取老僧無如是法與汝說速去速去於是僧便回大隋和尚已歸寂復回投子投子和尚亦乃歸寂蜀主賜師紫衣師號并遣內侍朱延溥侍奉師師不受師復云山僧偶住未經多時限歲傍水養道存真何人虛譽致令王者如斯異恩謝使遠來勞煩却送還王老僧祇可布衣遮體不須名服向身王恩雖重老朽何堪於是天使遂回奏凡三次送來不受師又云老僧不為名利來此須要得箇人不可青山白雲中趨

你是非將來之世捨一報身後草也無與多
 少金毛師子問著便作驢鳴馬喊諸人者似
 老僧行脚時到於諸方多是一千少是七百
 五百衆或在其中經冬過夏未省時中空過
 向瀉山會裏做飯七年於洞山會中做柴頭
 三年重慶即便先去我得了得自己干他人
 甚事如諸佛菩薩盡是勤苦不計劫數捨金
 輪寶位頭目髓腦國城妻子所愛之物不可
 算數所以始得名為佛似諸閻梨還曾捨得
 箇什麼作得箇什麼勤苦更道我會出世間
 法世間法尚不會些些子境界現前便自張
 目怒目消容不得說什麼解脫法長連牀上

王不搖十指喫他信施了合眼合口便道我
 修行修道德果如是合消得我我謾自己如
 百丈和尚置於堂宇祇要辦事底人諸閻梨
 還辦得箇什麼事其中有不動身手日消得
 萬兩黃金若是消得者豈可如此見解不可
 徒母腹中來如是邪士但會得世間法士是則名
 為出世間法世間法尚乃不會豈况佛法祇
 如一大藏教盡是金口所宣如來秘密汝口
 裏念將來揔成魔語豈得了為什麼不了若
 了時達磨不從西來也祇如達磨未來此土
 時還有佛法也無又爭得道無譬如人有一
 寶墜在淤泥中勤苦累劫尋求不得或有一

人善知寶所直從泥中指出此寶以示失寶之人失寶之人一見便識是我本物了無得失達磨西來亦復如是不可執是老僧是善知識邪遍地衆生認是善知識祇是見覺未明不可道伊無也若言有時諸人肯禮齋之徒作佛麼譬如明珠墮在泥中未遇其人豈有出期有此衆生比如無情還同頑物既在三衣之下直須親近知識早是幾生修來始得如此不可却入輪回六趣去也若是得自在底人論箇什麼鎊湯爐炭刀山劍樹四生六道於中如喫羹食若未得如是便實受此報一失人身載求欲似如今者萬中無一

莫未得謂得未證謂證未聞謂聞自謾自誑失却光陰虛延日月展轉祇是無明擔重乍可為俗隨所任運遣過時日却乃無業如今作沙門每日有業有什麼業踏底是國王地著底是檀信衣喫底是檀信食骨肉是父母之體若也不了將何酬答所以言有業祇如十一老僧不可是了底人捨此一報身隨業而行誰言定得唯佛與佛乃能知之時有僧問不假言句如何得知師云假言句尚乃不知僧無語禮拜十一投子禪師諱大同舒州懷寧劉氏子僧問如何是密密不傳師云你與麼問有什麼益問

如何是不點汚師云啞 師示衆云上祖
周行七步目視四方一手指天一手指地云
天上天下惟我獨尊如今諸方道向上更有
事在若言道有道無即是走作諸人未有了
期若道有言有句即同夢幻無如許多名目
為你問故所以有言你若不問教老漢向什
麼處道若有一法與你即是誑誦你所以古
人圓滿十方無一法可是可非有事請道
問請師說法師云教我說箇什麼問一刹那
頃珠在什麼處師云啞問如何是露地白牛
師云叱叱學云飲嘍何物師云喫喫問國師
三喚侍者意旨如何師云賺殺人問和尚講

什麼經師云提鐘著問如何是佛語師云對
衆生說問如何是佛法師云佛法問如何是
法中法師云法中法問還鄉曲子什麼人唱
得師撫掌問如何是無相佛師云錯著名字
問總問便知時如何師云遲也問如何是沙
門立足處師云若有立足處不名沙門學云
如何是沙門師云沙門沙門問切忌相投乞
師指示師云緩緩問來 師示衆云你與麼
問了也大好莫閑處脫不得相稱無量却來
閑處著急向自己處却閑所以難得相稱蓋
緣日夕一切處路狹恰到自己緊急處便懶
怠去便不欲得去所以辛苦過在阿誰切莫

因循各自辦事作麼生辦向一切處辦今後
不得取次過日莫待臨脫衣裳時忙不及也
事多之際各自取靜莫說閑語去問三身如
何分師云一二三問請師一句塞斷衆人口
師放下拂子問如何是量外事師云無你下
口處學云者裏事如何師云不喚量外事問

十一

十二

如何是投子實頭為人處師按學人向前却
推向後問如何是大吏嶺頭提不起底師提
起衲衣學云不問者箇師云看你提不起問
和尚如何接人師云你也近前問最省心力
處請師一言師召學人名學云典麼則千生
馬奴不忘和尚也師云費力問如何是投子

一源水師云一滴也無學云飲者如何師云
絕飢渴問如何是語中骨師云無可露學云
無可露是骨是語師云據你者一問毛也摸
不着在問不逐境緣請師一句師云好問趙
州和尚出桐城縣見師乃問云莫是投子庵
主麼師云茶盃錢布施我趙州先歸庵內坐
師後携一瓶油歸趙州云久嚮投子到來只
見箇賣油翁師云汝只識賣油翁不識投子
趙州云如何是投子師拈起油瓶云油油問
出門不見佛時如何師云佛吽奚山刈草次
師送一盞茶與奚山云森羅萬像盡在裏許
奚山接得茶潑却云森羅萬像在什麼處師

云可惜一盞茶問大作業底人來師如何接
 師云你有什么麼蓋覆處學云正與麼時合作
 麼生師云不合一一切不共一切問如何是露
 及矧師云殺一切人活一切人學云忽遇師
 來又作麼生師云鈍屢生問如何是入室則
 爺娘師云無所生問如何是徑截一路師云

十一

十三

無迂曲問知有道不得時如何師云每日向
 你道學云如何道師云拈却口著問如何是
 相佛未經歷處師云名邈不得學云正與麼
 時如何師云不是佛祖經歷處問盡乾坤是
 箇什麼人師云不持名字學云不持名字如
 何體會師云體會即問問如何是末後一句

師云最初明不得問如何是寂住實頭事師
 云幸不向前推不向後問十二時中如何行
 履師云一念萬年學云瞥起時如何師云覺
 即失問只者箇什麼劫中有師云不隨時學
 云誰是不隨時者師云汝與麼問不得學云
 請師道師云不從千劫萬劫得學云與麼則

天上人間覓不得也師云切忌作與麼知解
 問古琴無絃時如何師云無絃琴最妙學云
 請師彈師云無音響問道相見合談何事
 師云我者裏無道人問不將一物來時如何
 師云者箇什麼處得來問如何是火焰裏轉
 法輪師云處處了却學云了後如何師云無

法輪可轉問暫時不在時如何師云阿誰向
 你道問萬像未臻即不疑未審持立四天下
 是什麼人師云現佛現祖問祖佛如何辨師
 云嘔吐未詳問如何是法祖師云閑言語問
 如何是大善知識師云毗盧也喻不及問學
 人欠闕請師接師云不現無盡蔽問萬法從
 一法生未審一法從何生師云你聽着問喚
 作如如早是變也今時沙門須向異類中行
 如何是異類師云恰似你與麼問我學云古
 人意旨如何師云不與麼問我問歸根得旨
 隨照失宗如何是旨師云旨學云如何是失
 師云失問如何是伽藍師云已有名字問虛

空喻不及時如何師云恰是恰是問念念不
 錯時如何師云謾語問如何是孤峯頂上即
 操松師云平地上著不得學云請師著師云
 唧問如何是無語師云不與麼問問世間名
 言即不問如何出世事師云聽學云莫便是
 否師云幾曾向你道是不是問三身那身說
 法師乃彈指問學人不明請師燭師云啞學
 云爭柰學人不會師云會即冰生問萬法從
 何生師云佛法僧學云法從何起師云聽看
 問攀目是犯如何是不犯師云大有人覓過
 覓過不得學云豈無指示也師云不可更特
 過與你也問如何是沙門行師云不作模

十一

十四

問承古有言唯言不二不二事如何師云你好問我便道學云如何道師云唯言不二問明暗不掛時如何師云道什麼問如何是無碍一句師云與麼學云此猶是碍師云是是問如何是死人舌師云你道不得問如何是活人眼師云無暖氣問得座披衣時如何師云你有什么蓋覆處問如何是不起摸盡樣師云不誑誑你學云師意如何師云不可教你起摸盡樣也學云與麼則誑誑人也師便打問能所俱忘時如何師云無與麼事莫作與麼知解問在問什麼物最先師云你問底同不作罪不作業底人還有過也無師云喚

伊出來學人擬議次師云去不干你事問大衆雲臻合談何事師云聽問妙觀察智誰是當者師云不是你分上事學云雖然如此要分明師云不妙也問大衆雲臻和尚如何祇待師撫掌三下問和尚有什麼力抵當得許多人師云水性雖柔軟能乘萬斛舟學云十一遇大力者來時如何師云不消一盞水問十五言長語即不問適來問底和尚道什麼師云閑言長語問十二分教是有是無師云無與麼惡言語問共語不知音時如何師云與麼學云與麼時如何師云共語不知音問三乘教外別傳箇什麼師云一二三學云不會乞

師指示師云你問我不可將別語對你也學
 云不將別語對請師道師云道道問學人有
 一問未曾有人答時如何師云你見者烏龜
 子縮頭縮尾單柰者一塊子何問請師耳衰
 道師云道道問貧子還家時如何師云無寶
 藏與你學云為什麼向外馳走師云誰遣你
 問毫釐不分時如何師云什麼處得者箇來
 問親手分付一去不來如何師云不可得學
 云却返時如何師云正好供養問如何是法
 王主師云四大本空五陰非有問大庾嶺趙
 得及為什麼提不起師云不可向你道祖師
 遺下一隻履問針頭不露時如何師云露也

學云何以師云不喚作針頭問一息未分時
 如何師云即今是幾息問不犯目前請師道
 師云早是犯了也學云者箇是犯不犯目前
 請師道師云不識好惡問貧子入門時如何
 師云不教汝除糞掃學云見師後如何師云
 不向你道衣中有寶問請師一劔師藉口摑
 問墮落三途底人如何師云深達罪福相問
 如何是一句子師云兩句也問如何是不薦
 慶師云汝與麼問不得問如何是動師云恰
 似你與麼問學云如何是靜師云也不爇鬧
 問如何是不道師云合口問唇色未分時
 如何師云無與麼言語問如何是一代時教

師云法華維摩楞伽思益問祖意與教意同
 別師云疎不得親不得學云親疎不得請師
 道師云祖意教意問如何是逆行師云叱叱
 問不有不空時如何師云說有說空問一人
 辦心諸天辦供未審辦什麼心師云今日請
 供養主了也問木人訝什麼人和師云今人

十一

十六

和學云莫是和尚意旨也無師云是什麼曲
 調問不凡不聖時如何師云立凡立聖學云
 摠不與麼時如何師云你問箇什麼問如何
 是道師云道道學云如何用師云用用師在
 京日往檀越家投齋檀越將一盤草出師前
 師以兩手作拳安頭上檀越便將飯來後有

僧問師在京投齋意旨如何師云觀世音菩
 薩問一問便休時如何師云不了問如何是
 佛法綱宗師云今日無錢借長官問古澗寒
 泉時如何師云不流於海學云飲者如何師
 云口也無問如何是一色師云不似銀盤裏
 盛白玉問照燭不破時如何師云習盡不是
 道問佛用工得不得師云大有人定當定當
 不得學云請師定當師云終不向你道用工
 得用工不得問石筍未抽條時如何師云爭
 合與麼問學云還解抽條也無師云雖然不
 是石筍抽條葉更多問密室內事如何師云
 無人知學云和尚還知也無師云爭肯你亂

道問 纒生便死時如何師云何生何死
 問破戒比丘什麼處著師云不為罪福為主
 門一句子無人道得時如何師云屋子蓋了
 也問 覲面事如何師云莫諠曲問 七僧
 向什麼處去也師彈指云與麼去也問 文
 彩未生時如何師云虚空合喫多少捧又
 問 古人拈提豎拂還當不當師云不當
 學云為什麼不當師拈起拂子云只為者
 箇問 未問已前事如何師云爭解開
 口問 古人拈提豎拂意旨如何師云只
 為你問學云不問時如何師豎起拂子
 問 忘却將來時如何師云者箇舒州

太守尹建峯送茶挽子與師云者箇是某甲
 自將來底茶挽子師接得了召太守建峯應
 喏師云喫茶問不佞萬有如何覓心師云你
 從我覓箇什麼問者裏是什麼所在是人爭
 師云不知學云為什麼不知師云爭箇什麼
 問放下不明時如何師云誰教你執學云不
 敢執師云放下不明箇什麼問終日驅驅為
 什麼不得成就師云無你用工處學云用工
 不得請師接師云終日驅驅問默默無言請
 師答語師云不是無言不同默默學云不同
 默默底事作麼生師云不與麼學云不與麼
 時如何師云苦哉問言不干舌時如何師云

蒼頭大滴滴地問和尚每日上堂供養什麼
 人師云不可說不可說問不可以智知不可
 以識識時如何師云不與麼學云不會乞師
 指示師云不可以智知不可以識識問未達
 道底人如何接師云飢即喫飯渴即飲水問
 三寸明不得句下不從師時如何師云萬盤

問老僧耳聾學云請師指示師云鈍屢生問
 有句無句如藤倚樹樹倒藤枯時如何師云
 將知你誑譯多少人來問萬法從一法生未
 審一法從何生師云迴首看問如何是沙門
 策苦處師乃皺眉問未有言句已前如何辨
 其尊貴師云已有句是尊是貴問靈松無異

色時如何師云不是靈松標不出問三拜已
 前事如何師云不知學云現問次師云三拜
 已前事作麼生問學人不別問請師不別答
 師云奇怪問古人密用如何師云不從踈處
 起學云合從什麼處起師云踈也有座主叅
 師師云近前來座主便近前師云去問未有

十一

十八

此身作箇什麼來師云無所不經無所不歷
 問如何是千年石上古人蹤師云碑碣上著
 不得問二祖斷臂當為何事師云鉢骨碎身
 問收攝不得時如何師云無可拋撒問劫火
 洞然時如何師云寒威威地問累劫來來無
 盡燈不曾拋剔鎮長明時如何師云累劫來

來無盡燈不曾挑剔鎮長明問頭頭不到時
 如何師云你問什麼事問一問便休時如何
 師云太多也問暗裏得時如何師云不向你
 道煩惱山是菩提學云與麼則雲遊系根也
 師云雲遊則伶俜辛苦塚根則禍患俱生問
 十二時中如何行履師云不從一法學云如
 何報得四恩三有師云莫受一法問玄中認
 得時如何師云得即失問曹谿一路闔國知
 聞未審投子意旨如何師撫掌三下問萬仞
 峯頭時如何師云什麼處不是問如何是法
 身主師撫掌三下問徑截一路乞師指示師
 云會麼問如何是空主殿師云建立不得問

句句相投請師接師云不接學云為什麼不
 接師云句句相投問如何是和尚師云莫
 造次問有言有句皆有所歸無言無句事作
 麼生師舉起拄杖云者箇是什麼問如何是
 衲衣下事師云天不能蓋地不能載問古人
 道法不孤起仗境方生如何是境師敲禪床
 學云與麼則觸目是也師云是什麼問塵劫
 未誰為主師召僧名僧應喏師云是什麼問
 蓮華未出水時如何師云隱隱地學云出水
 後如何師云蓋覆不得問諸佛師學人不識
 乞師指示師云天不能蓋地不能載問如何
 是和尚活計師提起衲衣云盡底呈似你學

十一

十九

云為優只是者箇別更有在師云不識好惡問六國未寧時什麼人作主師云自有本來者學云如何是本來者師以拂子驀口打問雷聲振地為什麼百草不抽芽師云芭蕉只麼長問僧繇為什麼摸詰公真不得師云只為看他面孔學云不看他面孔時如何師云是什麼師不安時有李司徒令人送藥到傳語師云若斷得人間來往生彌勒內院若未斷人間來往却向弟子家中結緣師迴傳語云不如具正法眼好問如何是無情說法師云莫惡口 師上堂示衆云他古人總出來便一手指天 一手指地道天上天下唯我

獨尊十方世界無有過者如今更被諸方出來道向上別有事在若言道有道無即是走作學家未有休時有什麼了期但莫著名言數句了諸事自然不著即無位次不同你一切法一切法攝不得本無得失夢幻如許多名目不可強與他安立誑諱你諸人得麼為你諸人問故所以有言你若不問我向你道什麼即得若有一法與你老僧罪過你若道無你諸人又問我箇什麼所以道早不屬你巧言妙句若與麼會去即第一不得擔帶你諸人幸是可憐生擔帶負物作什麼見即便見你若不見一切不得作巧言妙句問老僧

巧來妙去即轉轉勿交涉賺殺人所以我儂
 尋常問你諸人佛前佛後不說別事你諸人
 道看是什麼見什麼問如何是無生曲師云
 無人唱得學云忽有人唱得時如何師云生
 也問如何是截鐵之言師云莫費力師問翠
 微二祖見達磨有何所得微云你今見吾有
 何所得師又問如何是佛理微云佛即不理
 師云莫落空否微云真空不空 翠微有頌
 送師其有識矣 佛理何曾理 真空有不
 空 大同居寐住 敷演我師宗
 投子和尚語錄終

古尊宿語卷第三十七



七

永樂北藏

古尊宿語錄

第一九八冊

古尊宿語錄卷第三十八

士二

僧錄司右闡教兼鑾山靈谷禪寺住持淨戒重校

鼓山興聖國師諱神晏大梁李氏子上堂垂
 語曰鼓山門下不得咳嗽時有僧咳嗽一聲
 師曰作甚麼曰傷風師曰傷風即得上堂欲
 知此事如一口劍僧問學人是死屍如何是
 劍師曰拽出這死屍著僧應諾便歸僧堂結
 束而去師至晚聞得乃曰好与拄杖
 東禪齊云這僧若不肖鼓山有甚過若肖何
 得便發去又云鼓山拄杖賞伊罰伊具眼底
 試商量看 問漫上宗乘如何體會師叱

之間攢撲將未皆不相偈單刀直入時如何
 師云失命漢問如何是學人自己親躬事師
 云還返及麼學云即今事如何師云不可暗
 去也問如何是本參底事師云目什麼得到
 與麼地 師云若是猛利底撩著便休去
 大至著角相似有什麼近處更有一格人脚
 不跨石門怪他得麼不可事湏踏前踏後納
 箇如何醉人相似且宗門中事作麼生降茲
 已下根性遲迴事湏送人決擇方定紀綱且
 作麼生決不可問一句答一句喚作決也若
 與麼驢年去到這裡也湏是箇漢始得大不
 容易兄弟決擇之次如履輕水將為等閒句

裡相聞道我解問話貴轉數多合殺成得箇
 什麼邊事只是箇識路中人且無自由本兄
 弟事本目人因人立事人違即事渾事渾即
 無成無成須得無成句有人道得麼出來無
 事莫立珍重 師有時上堂云寔不敢欺
 足弟亦不敢昧兄弟然且没人辨時有李人
 問和尚與麼道還盡師本意也未師云放汝
 殘生問送上宗乘如何舉唱師以拂藹口打
 學人禮拜起緣問有問有舍師云老兄不是
 這脚手問承師有言送門入者非寔黃梅行
 者傳何事師云道什麼學人再問師云去不
 為汝有僧總禮拜起師云道什麼李云佛未

出世時如何師云合取口問如何是送上來
 不昧庄事師云是什麼問總施方便蓋為今
 時向上宗乘復何言論師云拽出著問如何
 是正宗師云別日來商量問若將寐默為宗
 維摩一生受屈如何道即得不屈於維摩師
 云合取翫醫著 師云諸和尚盡道向諸
 方叅學未委叅什麼學什麼還有些得者無
 有即出來對眾驗看諸和尚為復叅禪叅道
 叅佛叅法叅毗盧師法身主叅佛向上事涅
 槃後句若寔叅此句得為大妄喚作望上心
 不息與諸和尚了無交涉時有李人問如何
 是佛法大意師云吐却著問凡有言句盡是

觸犯宗風未審如何是宗門中事師云合取口問衆星攢簇時如何師云覓什麼

師云大事未辦宗脉不通切忌記持言句意識裡作活計不見道意為賊識為浪盡被漂淪沒溺去無自由分諸和尚必若大事未通不如休去大歇去身心純靜去好時中莫駐

著事却易得露這箇是事不得已相勸之言古人喚作死馬醫若是箇漢向他与麼道如同竅語一般且諸人分上作麼生十二分教選用得一字麼諸方老宿語選用得一句麼若十二分教是兄弟在阿那教中若諸方老宿語當得兄弟兄弟在阿那句中所以道十

二分教唱不得凡聖攝不得今古流不得言句該不得與麼話蓋為刺頭入在教門裡且與伊拚開若有箇漢認未通這箇消息向他與麼道被伊驀口捫鼻涕作麼不可恠得他也兄弟大須甄別莫吉凶不辨有辨者出来對衆驗者時寒久立珍重師別時上堂

十二

三

云兄弟有什麼近前商量若待這裡說無好事及兄弟牽經引論得麼若有人問但向宗乘中致一問未待今日與兄弟答宗乘中話時有學人纒禮拜師云大眾看有与麼不識羞漢其僧問措師便唱出師云若也宗脉未靈記著一字如飲毒藥喪身失命為什

麼故如此却未是不具眼如今更有一般底
大作群隊聚頭念經念論說圓說頓披這衣
服作箇與麼語話還羞麼還返仄麼還有些
些子衲僧氣息麼且問圓為什麼人施頓為
什麼人設還辨得端由麼相共魯論不識好
惡還知道十二个教唱不起麼且唱什麼不
起不可只與麼道便休去也豈不見古耒丹
霞石鞏石室高僧熏天炙地登時端由衆皆
具委道他在什麼經氣披尋於阿耶論中討
得古人道西天一段事捩被今時人埋沒却
覓個出頭處不得更有老宿道大唐國內
是一隊滅胡種賊即者便是人家男女乍入

叢林何處會得聞舉經舉論便刺頭入裡許
念言念句便遇著這般底便是殺人賊是法
一人半人由可在惑賺他多少人家男女千
生累劫披枷帶鎖於自己事轉疎轉遠如今
奉勸諸兄弟大丈夫莫一尋是離鄉涉井訪
道尋師為自己事也須眨上眉毛著些子精
氣於親躬事有辨明處確乎不投莫受人謗
莫受人惑如今且不受謗不受惑底事作麼
生到這裡也須是個惡漢殺人不眨眼漢沒
恣智漢始得切不得略虛亂呈解數被向脚
跟下尋著就已築著沒去處二十柳標棒擗
齊揸鼓山打這般略虛底尋常人難得喫別

處即放過鼓山即不得若放過到處轉見虛
頭曾打著一兩個亂与底聲鍾集衆勘過一
下下文到所在不是行棒岳逞威風同這行
戶有什麼惡心悲他僧相圓脩只是事持略
虛業次輕傷上流與他整頓插脊梁骨岳他
改悔別換身心遇著鼓山与麼鋌鍛也須麼
幸始得有一兩處將向頭頂上擎著敢把指
頭指著怕伊發去無如是理不是立兄弟說
這葛藤然且理要區小事須甄別莫滅胡種
各端堂球重 師上堂大衆雲集衆人盡
皆圍測於師師乃云南泉在日亦有人奉南
泉時事要且不識南泉還有識者麼試出来

士二

四

驗者時有學人絕禮拜起師云作麼生學人
咨和尚師云不才謹退 師云若是靈利
底撥著便休去似這般漢千里万里去也有
什麼救處進前退後納個如何醉人相似有
什麼衲僧氣息既然如此且宗門中事作麼
生諸和尚到這裡也須是箇漢始得大不容
易兄弟鼓山不惜口業向汝諸人道不假記
一字亦不用一功亦不用眨眼亦不用呵氣
大坐著便紹却去諸和尚且道紹什麼為復
紹佛紹法紹禪紹道紹佛向上事涅槃後句
若紹此句得為大矣喚作望上心不息与諸
兄弟了無文涉於諸人不作麼生紹普請

驗看是什麼為復是凡是聖是毗盧師法身
 主在什麼處居住什麼年月有渠方圓闊狹
 長短大小試道看還有絲髮大物解蓋覆得
 麼還有分毫許間隔得麼向阿那裡抄向阿
 那裡寫諸和尚與麼顯露與麼節要何不直
 下便承當取又更刺頭入他言句裡意識中

十二

五

學有什麼交涉不見道意為賊識為浪走作
 馳求終無歇分若自不具眼就人揀弁卷子
 裡抄冊子裡寫假饒百千萬句龍宮海藏一
 時吞納盡是他人不干自己亦喚作識學依
 通猶如水母倩蛟為眼無自由分亦如盲者
 辨色依他語故寔不能弁色之正相若是幸

經律論他自有人在所以鼓山尋常道經有
 經師律有律師論有論師有函有號有部有
 帙白日明窓夜附燈燭自有人傳持在禪師
 作麼生還有人道得麼試出來道者時有幸
 人問如何是日前顯現底機師云道什麼學
 人再問師喝出問四十九年前即不問四十

九年後事如何師云句超方外千聖難追問
 常辦無念者如何云閑閑梨什麼事幸人常
 辦於此師云莫受屈學云不屈者如何師云
 有什麼救處問擬心即差不擬心如何體會
 師云待汝好心問問如何是向上一路師云
 即今是什麼路學人無對師云去看汝不是

這脚手問如何得不辜負於師師云汝有什麼罪過師云諸和尚與麼問還會麼還識辨
繼素麼鼓山向前見一兩個長老被人問著
維摩意作麼生他便眼孔定動地恰似個
捏聖僧相侶有什麼交涉還當得本衆底事
麼若言當去何不立取維摩傳大士為祖師
問取露柱聖僧即休何故更用達磨與麼來
所以鼓山道凡聖不到今古那退不唱言前
寧談句後他家諸聖興來蓋為人心不平等
遂展多門為病不同處方各異在有斥有居空
破空二患既除中道湏遣直道釋迦掩室居
士毗耶大士梁時童子當日一問二問三問

盡有也是衲僧分上事作麼生還有人道得
麼試出來道者不可說君說臣說父說子得
麼諸和尚古人是事不得已立個君臣父子
外進內紹是功紹得了非功合是功合得了
非功蓋為中下之流權施此句所以鼓山道
君臣父子蓋為成持立事立功以明繼素既
士一
隨中下湏合湏同得合得同無人辨識當與
麼時還有有重者麼有當荷者麼有這邊那
邊麼若有還是托開去也更有一句作麼生
敢道托開麼莫錯會好到這裡湏是個沒意
智漢殺人不眨眼漢始得若是鈍根底只向
言句上脫去爭能會得時有學人問得句忘

言時如何師云即今得什麼句學云不是西
 來亦非自己師云吐却著問峭絕無依時如
 何師云病鳥栖蘆孝云直得醒醒還有紹處
 也無師云亦不関閑梨事問如何是真人
 躡師云因什麼得到與麼地問未到玄源如
 何究理師云相去多少 師云更有作家

解問者出來良久無人師云入到石門何處
 得如許多疑來歸堂珍重 師別日上堂
 云諸和尚古人道佛之與法是建立化儀禪
 道兩名是止啼之說名不干事事不干名依
 執滯名於他玄隔所以鼓山曾向兄弟說句
 不當機言非展事承言者喪滯句者迷得魚

忘筌得意忘言借網求魚非網也所以道
 教排不到祖不西來盡乾坤人口到這裡百
 雜碎直道十二分教唱不得凡聖攝不得今
 古流不得言句談不得與麼道也只為他向
 化門裡作活計事湏與伊拆開若是箇漢搵
 禾通這消息向伊與麼道被伊蒸口担屎沸

十二

二

作麼不可恠他也雖然如此據什麼道理所
 以鼓山道更有一人不跨石門不跨石門事
 作麼生諸和尚衆中上有江西湖南益燕魏
 府三千五千一萬里地豎山涉嶺既到這裡
 高山頂上終不為者山翫水無非決擇刀割
 千生事故委萬劫千生事也只在如今如今

安即如今便安徹只如今便徹忽若衆中有
一人大有去大安樂去是不虛食人之施不
畢於己不負於彼去住自由出入無難盡乾
坤無敵宗風不隊後進有依所以古聖道若
有一人悟道地神報虛空神虛空神報非想
非非想天迤相告報云下界有人得道有濟
人之分天上人間迤相慶賀盡是諸和尚分
上更弱於阿誰既然未得如此便須兢兢惕
惕如臨深泉如履薄冰時不可延命不可待
似個當風燭子颺地脫去也如今且不如休
去歇去身心淳朴去似一亘長空去時中莫
間但且與麼去鼓山所以道明道為之德不

間為之行德行俱備今時稱斷稱斷是今時
更有一人作麼生到這裡也須自有自由始
得莫記他人言句就人揀辨終無自由分於
諸和尚作麼生出來商量時有李人縛禮拜
起云某甲咨和尚師云吽學人云輪中不轉
時如何師云珍重 師云諸和尚更有什
麼事出來問良久無人師乃去搥不出來蓋
為把他稍瞞不相共扶持致令如此有江西
湖南諸處叅學師僧好織造底出來莫道鼓
山口似榻擔只慮理沒宗風走作兄弟但出
來待與担些子時有學人問心珠不曉已事
未明請師一照師云乾坤不掩尔自徒迷問

作何方便得結師宗師云岸谷無風徒勞展
 掌學云如何即是師云錯也問萬機不湊本
 事何采師云傷機之患千聖難除問四面松
 林如何是直路師云岳秀千枝盲龍不辨問
 即今如何唱師云洪雷一震蟄戶無私仁者
 作麼生問已事未明如何明得師云鏡中無
 影演若自迷問如何是鼓山師云衆岳難借
 學云還許李人躡也無師云汝試下是看問
 如何是諦寔一路師云一句迢然古今難辯
 問彼無消息如何知音師云汝自罪過我不
 將來學云還有為人處也無師云与麼即戒
 鼓無擊問巨海驪珠如何取得師云來言雖

重不賞鋒珪問十二時中不涉緣塵如何據
 驗師云浪息千江孤輪不昧問如何是鼓山
 正主師云岳不明根迷人自重問如何是目
 前一路師云耶舍掌不得問如何合得諸聖
 位師云玄直渠不踐千聖位在什麼處問步
 步進前如何得達祖意師云臭地人難奉問
 古人却帶當為何事師云方外之說仁者難
 知 師云諸和尚鼓山與麼東道西道亦
 不奉兄弟只是教緩然即如此奉勸諸和尚
 莫李言句走作兄弟昧却兄弟直饒通得也
 只是箇識路中人不見古人喚作食瘡膿鬼
 喫涕瀉鬼喫不淨鬼未喚作人在諸和尚莫

與切不得乱呈解數若乱与被鼓山聲鍾集
 衆向脚跟下弄著勘著無去處二十柳標棒
 擗脊摧莫道不道更有什麼事出來無事各
 歸堂珍重 師上堂云諸和尚上來為什
 麼有什麼苦屈底事有什麼不了處還有疑
 者麼若有即出來與兄弟定當時有字人間
 承古人有言橫說豎說未知有向上一重關
 換如何是向上関換師便打一棒問如何是
 宗門中事師便側掌問如何是鼓山一路師
 云即今是什麼路問承古人有言妙旨迅速
 師側掌云住住學云和尚為什麼不道師云
 且行脚去問目前一句如何曉得師云什麼

處不曉學云爭奈這箇何師云這個是什麼
 問如何得成道去師云客顛作麼李云不客
 顛如何得成道師云這鈍漢問根性遲迴如
 何用功師云功即不得李云為什麼不得
 師云向什麼處功問送上宗乘以何為的師
 云無的學者憑何師云汝曾學得多少來李
 云與麼即不送今日去師云送什麼處去李
 云待有去處即咨和尚師云有什麼交涉問
 如一燈燃百千燈如何是一燈師云是什麼
 問如何是和尚家風師云莫少去就問古路
 無踪如何進步師云不是途中客進什麼李
 云向去者如何師云無關梨下是麼李云捻

不與麼時如河師云莫自恥問自古相傳窮
 其際師今妙有示何人師云岳秀靈芝異舉
 云異底事如何師云過也問如何是直下事
 師云莫自欺奈云不自欺事如何師云還返
 及麼師云諸和尚還會麼此事不露蓋為塵
 沙刮來多游異徑所以於自己事却成意皆
 如今若欲得易會麼但是沒前記持食噉之
 事一時瀉却著身心純靜去一片去忽被道
 伴觸撥著此事便發明去所以鼓山曾向兄
 弟道譬如一池沼眾人共臨但把杖攪其水
 覓見形影了不可得轉渾轉濁所以傍邊有
 一人便問汝与麼攪作麼云我要見形影便

被与一吐這癡漢汝与麼攪驢年去任經塵
 沙刮無有見期汝但一時放下杖著各自休
 歇去良久中間波澄浪靜沙土自沉非但形
 影森羅万像悉現其中這裡便須問得這水
 始得吐這水還照也無若道照亦是汝与麼
 造若道不照亦是汝与麼道水道什麼雖然
 如此須問得水有水句若問不得問者無功
 這箇便是驗兄弟處還有人道得麼出未良
 久無人師乃云今日說這多多無事又立珍
 重師上堂大衆已集時有李人問承古
 人有言寐是法王根動是法王苗如何是法
 王師云是什麼問承和尚有言直下猶難會

季言轉更賒如何是直下事師云賒也季云
 還許學人進步也無師便喝出問學人在座
 還有出身處也無師云汝即今在什麼處季
 云與麼即任運隨流也師云莫鬼語問進者
 不明請師一撥師云近前來與汝撥學云謝
 和尚指示師云碗鳴聲作麼問如何是大悟
 座人師云不囑學云為什麼不囑師云不向
 悟中收問不起千座請師掣電之機師云醉
 作麼問如何是無價珍師云莫妄想問如何
 是不假言說第一義師云放汝殘生問不辨
 古機如何建立師云不立學云如何即是師
 云是即非學云為什麼如此師云虧關梨什

麼處問生死海廣如何得渡師云汝即今在
 阿那邊問如何是妙旨師云如何不妙旨問
 如何是徑截一路師云這暗漢季云與麼即
 季人得問力師云畫篋不曾呈師云汝
 莫一向於途路上走無有了時一等行脚直
 須身心淳朴日夜懇苦收取微始得莫只是
十一
 問得一言半句便將當自己胸襟賺汝只如
 兄弟行脚來還曾遇什麼老宿發覺目什麼
 道伴得入還得啞地大省也未若有出來便
 定得兄弟處之與寔向這裡下得一句及乾
 坤撼不動這便是諸兄弟不虛行脚底事
 只如畫乾坤撼不動句作麼生下試出來道

者若也未得如此奉勸兄弟直不得念言念語明朝後日覓個歇處不得有事近前無事歸堂珍重 師有時上堂云當人分上各有與麼事為什麼不承當取又更上來覓什麼近日多見師僧入叢林只是幸經幸論於自己事有什麼交涉時有學人問既不許吾經又不許讀外書如何是大曉一句師便打一棒問己事不明乞師指示師云什麼劫中曾昧問目前一路如何指的師云目前是什麼問如何是大道之源師云不嗎孝云為什麼不嗎師云不是源中事問古人道但得本不愁末如何是本師云是什麼問波澄浪息

為什麼摩尼不現師云汝且喚什麼作摩尼學云与麼學人退一步師云汝無端進前退後作麼問凡有言句盡是与蛇盡之如何是不盡之師云放汝二十棒學云今日得遇和尚師云莫鬼語問風不鳴條雨不破塊時如何師云闍梨分上作麼生孝云却請和尚道師云屈汝什麼處問如何得不徇諸有師云閱汝什麼事問欲出輪迴如何得出師云即今在什麼處問如何是佛法大意師云佛法大意即且置問如何是本來心師云如今是什麼心問如何是直下事師云尋言轉更賒問寐是法王根動是法王苗如何是法王師

云聞聞梨什麼事學云為什麼不開師云根
 苗俱不得問無風為什麼往往波生師云什
 麼處得來學云即今有師云把將來問十二
 時中如何行履即得決定師云我道乾坤不
 跨足學云如何進向師云若進向即跨足空
 云畢竟事如何師云口中不踐十二 師云誅
 和尚問得百千句亦不干自己十二只如仁者自
 已事作麼生莫只向這邊那邊經冬過夏日
 猶度日無有了時塵沙劫來流浪生死如汲
 井輪略無停息今生既得人身又是男子又
 得出家僧相圓備不窮講肆擁毳入叢林這
 個便是昇騰之時除疑滅惑之時得大無畏

之時得大自在之時各自清白取更弱阿誰
 各自努力歸堂珍重師別日上堂云證
 和尚有什麼病敗什麼處欠少亘古亘今恒
 然如是何須向長連牀上癡兀兀地便當得
 去汝但於一切處驗還出得汝去處麼不見
 古聖道如人在空如魚在水或行或坐不離
 於空遂流順流不離於水既然如此且合作
 麼生兄弟莫自受屈莫自淪自溺既到這裡
 不奈何也只成一場妄想有什麼事出來時
 有學人問如何學即得不昧真機師云什麼
 劫中曾味問已事未明請師直指師云瞎却
 汝得麼問生死沉淪如何得出師云在裡許

多少時問及令提綱猶是野干鳴如何是師
 子吼師便擗口打問六國不寧如何整葺師
 云古殿不曾坐什麼處不寧學云如何領會
 師云是汝不會問如何是大圓鏡師云不曾
 照李云辨者如何師云不曾照辨什麼問於
 當人分上如何發言師云不是途中客發什

十二

十三

麼言學云還與麼道也無師云是汝與麼道
 問此座高廣吾不能昇未審什麼人昇得師
 云得此病來多少時李云便請和尚藥師云
 這鈍漢問已事未明如何明得師云彼常不
 隱鏡指頰開問送諸聖還有不依師者無
 師云開梨目什麼人師云兄弟諸聖與來蓋

為人多錯會言佛演法祖唱玄微只為風味
 天機致使迷倒所以教排不到祖不西來仁
 者分上作麼生各自有與麼事莫自退屈莫
 只踏步向前覓若覓即失若親即踈塵沙劫
 來未曾有一捻土解蓋覆得兄弟各自努力
 歸堂珍重師於佛殿前上堂大眾雲集

師登座顧視大眾乃却起立頃間便歸法堂
 僧泛師到法堂後師問僧投機不辨隔岸難
 明仁者作麼生共僧無對便問如何是不假
 言說第一義師云駟年會得麼問強弱即不
 問如何是平常之道師云目什麼得到與麼
 地李云還得平常也無師云莫破鳴聲問宗

乘中事乞和尚提撕師云是什麼師却喚近前這個是提撕汝喚作宗乘中事即不得空云未審宗乘中事如何師便打一棒問如何是西來意師云石人笔下看問如何是作家師云你行脚為什麼學云与麼即某甲不疑師云何處得作家問如何是家初一句師云什麼處收拾得來問如何是末後一句師云自鈍致作麼問如何是鼓山切急為人處師云謾汝得麼問臨行之際乞師一言師云終不敢鈍致汝問千年松樹尚有偃枝學人雖披入衆衣未曉出塵路乞師方便師云九霄雖異世碧迳杳難同問堂堂地來時如何師

云堂堂不奈何問己事未明如何為驗師云乾坤不掩時人自迷問如何是學人立足處師云不從諸聖得學云便與麼去時如何師云猶是時人進向處學云不落進向事如何師云還返仄麼 諸和尚大凡行脚須識辨宗風莫只是尋言逐句無有了時雪峯和尚道三世諸佛不能唱十二分教載不起所以鼓山道有一人與麼來拵未曾通這個消息向伊與麼道被伊把黃泥蘸口塞還性得他也無恐人乱塞人口所以道鼓山有不跨石門句作麼生道到這裏須是其人莫乱道時有學人問如何是不跨底事師以拂子摹

口打師却問還會麼學云不會師便咄云不
是這脚手 師云若己事未露就人揀得

卷子裏抄冊子裏寫有什麼用處不如明取
自己事明道為之德不問為之行德行俱備
今時稱斷更有一人作麼生諸和尚也莫泥
水不分清濁不辨末法時代天下交馳兄弟
得共林泉與道伴一處嚙嚼此事也須慶幸
始得直須曉夜懇苦莫虛度光陰各歸珍重
師於三門前上堂問僧有一人從水塘
頭來便轉去汝作麼生學云和尚也須許他
始得師便擗脊棒汝作麼生學無對師云不
才謹退也是略虛漢問如何是不假言說第

一句師云放汝三十棒問不起于座如何是
掣電之機師云醉作麼問凡有言句盡落標
指如何是月師云還識著麼問據何眼目消
得人天應供師云瞎漢問未達本源如何履
踐師云相去多少學云爭奈學人疑何師云
阿誰罪過問只在途中請師指示師云在途
中多少時學云謝和尚指示師云莫塗污人
好問苦澁處請師道師云收取好問十二時
中如何履踐即得不辜於自己師云直須不
辜於自己問澄源浪靜為什麼真形不現師
云什麼處收拾得學云究竟如何師云非究
竟不與閑黎通學云豈無方便師云方便是

什麼人分上問承和尚有言不許學人揀話
又不許擇話如何行履即得不違和尚所囑
師云還自耻麼問九霄峯外月室內一輪燈
如何是一輪燈師云岸谷無風徒勞瞪目問
名言妙句教網所詮不涉三科請師直道師
云肘後不曾傳問十二時中如何究竟生死
師云將生死來學云與麼即無究竟處師云
似你與麼語話問叅禪學道須是其人學人
與麼來請師直道師云瞎顛作麼學云謝和
尚指示師云放你二十棒問人人盡言請益
未審和尚如何拯濟師云鼻地人難肯問作
何准則即得不背於古師云不可諱去也學

云謝師指示師云便被吃棒問千手千眼阿
那個是正眼師云用正眼作麼問如何是目
前機師云即今是什麼機學云不會乞師指
示師云殼地人不踐問二邊不立中道不存
是如何師云即今在什麼處學云豈無和尚
為人處師云教我為阿誰學人屈什麼處師
乃与杖問古人道相逢不擊出舉意便知有
如何是舉意便知有師云阿誰舉問如何是
學人最親家切處師云妄想作什麼學云還
得當也無師云收取好什麼語話問作麼生
是木馬石人騎不背空王印師云泥牛步處
育者徒施問作麼生是動容揚古路師云不

欲得商量問作麼生是別傳底事師云取蝦蟆口不得師云諸和尚各自有与麼事莫受屈未曾欠少未曾有寸土鮮蓋覆得汝為什麼却不會去更踏步向前覓途中踐土不曉室中且室中事作麼生只欲得人說是汝自己事為什麼却不會唯是他人屋裡

事士二掩會得只是箇家吃老師涕唾向意識裡作解有什麼交涉行脚不過其人所以道苦十六屈在初記著一字歷刻作野狐精若靈利底不假老師多立各自努力珍重

師有時上堂云時時与麼打鐘打鼓上未覓什麼有什麼苦屈底事不見古人道恁是一

隊吃酒糟漢把棒一時趁下鼓山如今直下老婆心有疑者出来問時有學人問近入菴林不會乞和尚慈悲指示師云我不敢誑誑汝李云不誑誑事作麼生師打一棒問如何是徑截之言師云家徑李云如何是不假言詮師云即今有多少問承古人有言有相身中無相身如何是有相身中無相身師云即今是什麼身李云如何是無明路上無生路師云即今是什麼路問李人單貧請師拯濟師云有什麼事學云爭奈單貧何師云論劫受苦問承古人有言巧說不得只用心傳如何是心傳師云道什麼李云不會師便喝出

問投機便轉是如何師云作麼生轉孝人纔
 進前師便唱出問大事未辯時中以何為驗
 師云時中不得步學云如何得相應師云不
 相應學云為什麼不相應師云不為汝問急
 切處乞師一言師云調達不得有問承古人
 有言大體寬無際小心塵不容如何是大體
 寬無際師云大小學云如何是小心塵不容
 師云目什麼到与麼地問承古人有言一切
 衆生日用而不知如何是日用事師云這個
 是什麼人語問二龍爭珠誰是得者師云珠
 在什麼處問承古人有言一荅開五葉結果
 然成如何是自然成底某師云即今是什

七二

十七

麼問透上宗乘請師直示師乃叱之問諸聖
 未興以何為眼師云闍梨眼在什麼處問和
 尚慈悲如何體會師打一棒問只如僧問洞
 山云三身中阿那身不隨於諸數洞山云吾
 常於此切只如洞山云吾常於此切是隨是
 不隨師云汝又向這裡弄性命問終日動靜
 為什麼不明自己師云只為終日動靜所以
 不明學云不動靜時如何師云是什麼問山
 中和尚終見師僧禮拜便吃棒惹作麼師云
 目什麼不行脚去問南泉以手打膝云這裡
 即易又云這裡即難僧問云只如却手豈不
 是舉唱宗乘師便以手打膝云此不是舉唱

宗乘作麼李云只如却手意作麼生師云汝
 自看問如何是第一句師便把杖作藁口刺
 勢問深深無底淺淺無源時如何師云得此
 病來多少時也師云近來師僧只愛奉經奉
 論說圓說頓所以道經有經師論有論師律
 有律師有函有号有却有帙白日明窓夜附
 燈燭自有人傳持在闕汝衲僧什麼事汝且
 道圓為什麼人施頓為什麼人設目偏說圓
 得成圓頓本自圓成不因偏說這箇是圓頓
 教於衲僧分上作麼生各有區分莫滅胡種
 各歸堂珍重 師勘僧語問古人道嚙鐵擬
 開口驢年亦不會師云古人与麼道有檢有

益師問新羅僧上山來作什麼對云禮拜和
 尚師云盡世不標向什麼處禮對云向不標
 處禮師云念汝是新羅人放汝二十棒問涇
 山小師云涇山偈道回首還家不得歸師云
 歸是時人歸豈不是對云是師云他不得你
 箇歸豈不是對云是師喚云嚴闍梨對云地
 師云是歸是不歸有僧製得雪峯實錄云師
 每至上堂良久顧視大眾遂云是什麼師云
 雪峯只有此語為當別更有僧云別更有師
 云案圓也下山去問學人總施三拜便知有
 二十下鉄棒未審送上宗乘諱當不課本恭
 乞師方便願垂決擇師便与一下棒其僧歸

堂不肖師云今打鐘喚上勘師云汝道總施
三拜便知有二十下鉄棒豈不是汝与麼道
對云是師云還有過否對云有過師云有過
不打作麼便与棒趁下山師問修訥維摩座
主云文殊讚淨名乃至無有文字語言是名
真入不二法門与麼讚还合得維摩意也無
對云作麼不得師云維摩意作麼生對云語
默平等師云這個是座主与麼道維摩意作
麼生座主道不得方乃札拜問箇上座泛什
麼處來對云泛西院來師云西院还接上座
也無對云接師云西院作麼生接上座對云
問專甲道是什麼師云西院与麼問上座對

云是師云識得上座也對云与麼即不得未
審西院意作麼生師云是什麼問淨道者云
古人道這裡即易這裡即難這裡即不問這
裡事作麼生對云還有這裡那裡也無師云
此猶是這裡事也道不得吃棒趁下山師云
這漢向後覓個死處不得先問諸院
老宿語師与困山上雪峯困山問共和尚聞
行師云輸也歸時下船問共和尚聞船師云
若道開船也是輸也困山云重重失利師与
長慶入佛殿見佛前鉢盂捻起云家常師云
何得又更無厭師却捻起問長慶長慶云飯
未熟師云太恪惜生長慶云穩便即收取師

云恰是師問保福古人道是不是非非是
 即龍女頰成佛非即善星生陷隊与麼道還
 留是非不留是非保福云未却是非師云与
 麼是非有什么麼了時師見保福共僧在茶堂
 說話師云莫葛藤保福云葛藤即不得商量
 佛法還得也無師作相勢保福云過在什麼
 處師又行一相問東使只如仰山祇對滿山
 於面前與一畫意作麼生東使云作家麼師
 云兄真箇與麼作麼生東使云日可冷月可
 熱被師攔臂與一托問翠巖古人道無端起
 佛見聞法想被佛威神力故左降二鐵圍問
 作麼生是二鐵圍翠巖云起佛見聞法想

師云起什麼佛見聞什麼法想無對問大普
 云於万像中還有自己否老宿云有師云這
 箇豈不是燈籠云是師云識得老兄也師共
 長慶困山在道場院見托真即君來長慶問
 見說即君是中塔還是否即君只在面前也
 長慶云何曾是中塔師云正是中塔因山云
 不是中塔保福指雪峯上院主山問長慶教
 中云妙峯頂莫只這便是否長慶云是即是
 可惜許問師只如長慶與麼道意作麼生師
 云若不与麼紅旗遍野白骨連山 前溪
 帝王問訊語 忠懿王入万歲寺見佛像
 指問師云是什麼佛師云請大王鑒王云鑒

即不是佛師云鑒即不是佛是什麼惠宗見
 師不安問莫是時即至否師云即今是什麼
 時惠宗云與麼即無來去也師云亦是聖躬
 與麼道又目志上座說云昨夜見天王面前
 現惠宗問因什麼不向專甲面前現師云却
 是陛下見十二少帝遣內臣送書上山只乃

封題而已師覽而神之尋內臣拜辭師云聖
 人若問如何祇對師云但道盡乾坤有所依
賴師在雪峯日往來州門盤龍侍中疾其時
 賴師在雪峯日往來州門盤龍侍中疾其時
 安風勞發動師傳語云此是司徒句即今
 司徒在阿那大中五對
 清源王太尉問安國了院主云劫火洞然向
 什麼處回避院主云這裡回避太尉不甯自

代云不回避進云為什麼不回避太尉云他
 不出頭回避什麼師云什麼處見他道不出
 頭師目与清源王太尉說話云但是世間一
 切雜學底事尽是網太尉云只如今還網得
 也無師云太尉你太尉乃辰手云即今有什
 麼師云只這一網亦不少太尉舉南陽喚侍
 者事趙州云如空中書字雖然不成而文敕
 已敕師云只如與麼道是宗國師不宗國師
 太尉云宗与不宗俱是彰也師云只如趙州
 意旨作麼生太尉云不辜負趙州師云此是
 句也趙州意作麼生太尉云作麼師云彰也
 趙州意作麼生太尉無對

偈頌七首

直下猶難會尋言轉更踰擬

論佛與祖特地隔天涯有曲無絃索官商調

不同若人終和得拍拍為龍 綵筆除裝

色更濃針托瘡患理難同維摩昔日稱何事

迷沒西土却還東 何事寂堪依岩中独坐

時路險人難到忒高鳥不飛白雲長滿洞論

却未會虧不話曹溪旨馬干道者機 石室

周圍慶已多有人不到復如何待封此樣呈

諸友開時只好咲呵呵 十八郎殿下送

綵毬上於方丈頂挂便請偈 眾綵裁成已

工多妙寂殊收歸方丈裡長翫一明珠

十八郎殿下又送偈上國師燕請和 無形

無本亦無名日用驅驅不暫停對面向人多

不識縱橫自在轉分明權時來寄君家宅万

種千般是事能認取當來真本性一時拋棄

事皆行 國師會 建化開遮假立名無

名之說亦難停其中薦得非干識朗月當空

不自明北京秀長稱為澤南沁傳宗祖諱能

黃卷暫詮呼作性須參教外有別行

古尊宿語錄卷第三十八

士二



古尊宿語錄卷第三十九

士三

僧錄司右闍黎鍾山空禪寺住持 淨戒 重校

洞山禪師大盤下七世嗣雪門

洞山第二代初禪師鳳翔良原傅氏子兒聞鐘梵聲輒不食危坐終日年十六依渭州崆峒沙門志諗剃髮受具遊律寺執卷坐騷坐

三

一

夏長沙詣雲門契機後住洞山上堂云楚山北面漢水南江擊法鼓而會禪徒舉宗風明祖道若以揚眉瞬目豎拳豎指唇歎咳嗽是廚中拭鉢帛道什麼會也無也是衲僧破草鞋者瞎漢者添桶是个弄精鬼鬼德與麼抱不與麼是東司頭廁籌子以此稱提從上來

事盡是邪魔所作誇大乘滅胡種與你天地懸殊且道衲僧據什麼道理出來對衆道看折脚鎔子各出一隻手貴得宗乘不断亦表叢林有人有麼若無洞山不惜眉毛打着藤去也葛藤之事只在目前万像森羅乾坤大地百千諸佛日月星辰地獄三途起心動念每日經歷皆是諸德自己何不向這裏體當尋覓看葛然覩得個儻分明不虛行脚也自得个安樂田地洞山此語且作死馬醫若據明眼衲僧將草鞋葛口望還惟得他也無惟即不恠你道恁个什麼捉得將來脚跟下推尋毫末差起折你脚莫籠心好便下座

上堂良久有僧問列祖昇堂人天堅請不昧
 宗乘乞師指示師云頭鬚髻耳卓朔僧云一
 句流通人天聳耳師云墨緣欄柵日裏晒進
 云師唱誰家曲宗風嗣阿誰師云重言不當
 吃問赤水求珠猶是人間之寶和雲唱出猶
 非格外之談未審今日將何示人師云夜聞
 祭鬼鼓朝聽上灘歌問言超象表青霄外出
 語幽玄事若何師云岸上行人聲有韻船中
 漁父和不齊云幽玄事若何師云鈎長線短
 問從上來事未有人當頭道得請師當頭道
 師云八十翁翁不拄杖問師引出潭中意
 直透青霄事若何師云甲己之年丙作首云

今日事若何師云大好雪晴問道本無言如
 何理論師云十里鼓問如何是古佛心師云
 巢知風穴知兩問佛法兩字即不問如何是
 從上來事師云眼裏瞳人吹木笛問百尺竿
 頭須進步如何是進底步師云炎裏放木鷄
 問如何是諸佛出身處師云寒山不語拾得
 笑問緣生便死時如何師云鍾馗解舞十八
 拍問如何是正法眼師云紙撚無油問智不
 落千差請師通不犯師云饑餅搵餒問不當
 之言請師不發師云水流霧下云誠如是言
 師云人無遠慮必有近憂云與麼則因地而
 倒因地而起師云不當之言不發問佛及涅槃

槃並為增語理既如此事又作麼生師云經
邊老子誠實之言問如何禪不禪師云糊孫
摘仙果問諸上善人皆說不二法門居士默
然意旨如何師云無目不盡眉問如何是學
人入理之門師云陽烏啼時西嶺上問如何
是學人本源師云山高雲峻問心非意想道
絕功勳如何是心師云燕子不入楚云如何
是道師云還我話頭來問幻與非幻未是學
人極則處如何是入理之談師云八十翁第
牙不動問見境不動時如何師云眉長三尺
二云如何是見境不動底事師云鼻孔占却
三畝地師乃云明機自昧息慮迷源萬法同

塵語默難顯不是情中法莫生種種心離此
章句別有商量且道離却作麼生商量還有
委悉者麼明明地揀破明明地顯示明明地
舉唱明明地誦詠更無囊藏被蓋純說乾爆
爆地禪若是靈利禪僧纔聞舉著便合眼卓
朔地知个落處豈不是自家具眼其奈罕遇
奇人十三蓋綠洞山這裏言無味食無味法無味
無味之句塞斷人口兄弟到這裏難為湊泊
若向這裏覷得分明天下尊宿到與不到徹
與不徹想被你驗破何故蓋智有邪正道有
虛偽多只與麼心揜意識認得門前屋後店
學得路布葛藤一堆一擔蓋在胃襟道我會

揮會道還夢見禪道也未喚作打頭不遇作
 家到老只成惛惛待到明朝後日暮窻地踏
 著正脉省前所行履處方始羞見本命元辰
 下座問隘路不通風如何通得信 師云翻
 著襴衫戴席帽問如何是道 師云啄云如
 何是道中人 師云失啄問平常心是道如
 何是平常心 師云路不拾遺問和尚百年
 後向什麼處去 師云從上孔丘甲乙己
 云此意如何 師云不會即問人問如何是
 和尚撲不破底句 師云親 問劫火洞然大
 千俱壞未審這箇壞不壞 師云天降蒲薄
 帝方圓一尺餘問大通徹底人作何語話即

得不傷物義 師云道士登醮壇 問登而
 木清混而不濁時如何 師云額裂撲頭
 問萬法歸一一歸何所 師豎兩指 云如
 何得歸一去 師云學語之流 問如何是
 清淨法身 師云烏龜不入水陸地弄塵行
 問如何是洞山圓鏡 師云人將語試水
 將杖試 問不向心頭安了義如何達得祖
 師言 師云六脚蜘蛛上板床 問勤轉無
 私如何施設 師云撈 問根本智中如何
 趣向 師云把火照魚行 問如何是正法
 眼 師云郭郎鼻孔 云還鑒照也無 師
 云纖毫忽見 問言不投機請師提撕 師

云六七對夜月 問言無朕跡如何理論
 師云鐘馗不讀書問三界唯心萬法唯識識
 即不問如何是心 師云泥裏蝦蟆雲裏走
 旱地地師水底行 問如何是透法身句
 師云兩箇布針三箇眼 問如何是出家師
 云剃頭不持鉢

師乃云舉唱宗乘闡揚大教須得法眼精明
 方能鑿辯緇素切緣真要一源水乳同器到
 此難分洞山尋常以心中眼觀身外相觀之
 又觀乃辨真偽若不如是何名善知識者夫
 善知識者駘耕夫之牛奪飢人之食方名善
 知識即今天下那箇是真善知識諸德叅得

幾箇善知識來也不是等閑直須叅教徹觀
 教透千聖莫能證明方顯大丈夫兒不見釋
 迦老子明星出時豁然大悟與大地衆生同
 時成佛無前後際豈不暢哉雖然如是若遇
 明眼衲僧也好擗脊捧便下座
 問法不孤起仗境方生向上一路請師便道

師云聽事不真喚鍾作甕 問如何是道師
 云竹竿頭上禮西方問如何是洞山水師云
 雲裏電子 云飲者如何 師云大小問朕
 兆未生以何為證 師云烏龜背上紋 問
 金鱗不點額時如何 師云左眼半斤右眼
 八兩 問如何是免生死底人 師云措大

席帽 問絕功勳處如何趣向 師云鐵子

不食鐵 問如何是摩尼珠 師云手携針

筒腰懸藥帔 問如何是大通徹人 師云

漢高大王 問佛法無形從何建立 師云

神前木虎子 問諸方盡落繯模請師出窠

道 師云十八女兒不繫裙 云與麼則平

地起骨堆 師云自領出去問奔流渡刃疾

焰過風時如何 師云平常心是道僧問如

何是透法身句 師云土星犯牛宿 問忘

言事不到開口理相乖未審如何即是 師

云擇迦老子頭白 問承教有言如人含一

口水自不能言萬法不出於心各各皆住本

位當與麼時請師接 師云六隻骰子不成

雙云畢竟如何 師云插標嫌水淺問石門

遷化向什麼處去 師云麝香不合藥 問

學人未達本源時如何 師云脚底毛生問

遠遠投師時如何 師云爭恠得老僧 云

終不敢造次 師云恰似不齋來 問如何

是頭頭物物盡底句 師云三歲孩兒入戲

場 問路逢達磨時如何 師云鼻孔大小

問四海無浪月輪孤時如何 師云眼裏眉

鬚長二尺 問不落心機意識乞師一句 師

師云楚山入漢水 云未會請師更道 師

云湖南揸子 問不惜時機用如何話祖宗

師云三箇胡挑兩塊餉 問如何是不動底
心 師云賜紫金魚袋 問生死海中以何
為津梁 師云年盡不燒錢 問祖師西來
惟傳一心 諸方為什麼各說異端 師云貪觀
白浪失却手 挽問龍庭金口 問如何對玉機
師云海底紅塵起 石裏瑞花生 問智滿千重
鐮如何擘得開 師云波斯不戴帽 問三乘十
二分教即不問 祖師西來意 請師直指 師云
小兒不著鞋 問如何是和尚臨機為人一句
師云官差不自由 云與麼則得一失一也 師
云自知較多少 問大用現前時如何 師云天
不長惡問文殊 問維摩以何為入不二法門

維摩默然未審意旨 如何 師云六隻骰子一
時赤問如何是當處常湛然 師云淨手裝香
云如何是覓即知君不可見 師云觸手拈經
問如何是竺土大僊心 師云草鞋不入市 問
鐵石之心如何去得 師云張良下殿走問如
何是入不二法門 師云眉長三尺二
上堂云語中有語名為死句 語中無語名為
活句 諸禪德作麼生是活句 到者裏寔難得
人若也不動一塵不撥一境 見事便道答話
長老下脚不得 東西南北莫知多少 要得去
離泥水活人眼 目舉唱宗風 激揚大事 不道
全無其奈 運少即緣未達 其源落在第八魔

境界中識得箇不名不物無是無非頭頭物
 物無不具足道我得安樂田地更不求餘九
 有扣擊問難即便敲床豎拂更不惜便施便
 說便行便用向惡水坑裏頭出頭沒弄箇無
 尾糊搥到騰月三十日鼓也打破糊搥又走
 却了手忙脚亂一無所成悔將何及你若
 是箇衲僧乍可凍殺餓殺終不着你鶻鼻布衫
 便下座問不犯一切請師提綱師云瘧子得
 夢問如何履踐即得無誆訛師云見之不取
 思之千里問劫火洞然大千俱壞未審什麼
 人為主師云陳平不舉令問如何是和尚孽
 不破底句師云孫臏不入市問如何是真出

家師云剃除鬚髮云只者莫便是也無師云
 因什麼五戒不持問言無展事意旨如何師
 云漢江不渡船問不落是非請師道師云責
 云慈悲何在師云苦口是良藥問如何是禪
 師云熊耳山下問實際本無憑何建立師云
 新豈老人八十八問真源無朕兆如何話祖
 宗師云起席不謝坐問如何是清淨法身師
 云漱土裹雀兒問如何是佛法大意師云二
 日風五日雨問如何是露地白牛師云針割
 不入云飲散何物師云一任東西問如何是
 通身一句師云月似彎弓少雨多風問如何
 是道師云頭不梳面不洗問牛頭未見四祖

時如何師云三山帽子大袖布衫云見後如何師云市食齋僧問一言道盡時如何師云吉凶不上卦問月不當戶時如何師云矮子騎馬問如何是真空妙用師云契書鐵券權為用妙句無私也是開問絕點無蹤時如何師云尖斗量不盡問如何是學人佛性師云

時拈來手內在眼睛裏亦無來往等相不礙見聞覺知舉起一足乾坤一時震動行若一步海水盡皆波濤湧沸提起一足須弥山百雜碎唾一唾虛空撲落地諸德每日受用還自知也無洞山不獲已且作死馬醫對上撥兄弟面前渾成一場笑具向他上撥人前說箇什麼即得挨一挨拶一拶喝一喝棒一棒得麼指天指地五言七字得麼好風好雨得麼如斯舉唱過大地攪不轉把掃帚掃作一堆將火燒把箴緯掉放江裏從他流下去且作麼生去也珍重問如何是洞山境師云村裏人油葫蘆問身手作罪橫羅口舌時如何

師云看錮錐着生鐵云知過後如何師云望
 烟尋食地錯入燒皮家問持何指示令學人
 得透金塵師云天子馬蹄鳴問心若無事萬
 法不生時如何師云風鈴有韻真堪聽聽得
 猶未曲不成問如何是學人本末眼師云旋
 風不左轉問維摩掌擎四世界未審維摩身
 在什麼處士三師云在閻梨後底云為什麼在學
 人後底師云還我話頭來問法無羈鎖為什
 麼趣入却難師云波斯讀梵書問便典麼去
 猶涉程途省力處乞師一言師云腰帶不着
 袴問如何是大道之源師云天寬地窄問一
 切諸佛及諸佛法從此經出未審此經從什

麼處出師云一字不着點云如何是一字不
 着點師云碧眼胡僧笑點頭問如何離却生
 死底句師云掃地添瓶問長蛇偃月即不問
 疋馬單鎗事如何師云線大鼻孔小問口欲
 談而詞喪心歎緣而慮忘猶是生死邊事如
 何是向上事師云阿難不持梵夾問但得本
 莫愁末如何是本師云手織脚大云如何是
 末師云量不着 上堂云洞山者裏尋常
 方丈內不似諸方一个上來一个下去啾啾
 唧唧地裏私說底禪道佛法盡是向你兄弟
 面前滿口說滿口道滿口拈提滿口察揀無
 你左遮右掩處一時和底翻出諸德作麼生

委志汝試對泉道看譬如太未垂屢屢泊得
不能泊於火焰上披他諸方老禿甜唇美舌
說作配當道這個是禪這個是道這個是菩
提涅槃這個是真如解脫被丈二釘八尺楔
楔在眼裏不知不覺乍到洞山這裏不知是
何說話會得麼直饒會得真如涅槃菩提解
脫毫末無差也被條繩子於肺眼下繫却不
得出離若是靈利衲僧一咬咬斲作个脫洒
衲僧豈不快哉若三咬兩咬不斷准前打入
骨髓杜裏有什麼出頭時洞山事不獲已傍
地裏為你著力珍重問如何是和尚接人一
句師云雞啼不着時隣人半夜行云如何領

十三

九

會師云一任東西問只與麼便請益時如何
師云千斤秤不住云烏道不存也師云錯數
定盤星問說者聽者二俱如幻無說無聽時
如何師云馬趁不上云與麼則信受奉行師
云還我話頭來問如何理論即得不昧師宗
師云天地玄黃問不變不動是何境界師云
騰月三十日問如何是一真境界師云衲僧
破草鞋問離却有無請師端的師云三脚鐘
子無耳採問兩處俱亡時如何師云把針尖
却線問不歷古今句請師運音師云措大
騎驢云與麼則學人側聆也師云手提巾子
問即今心即不問如何本來心師云腰長脚

短問不動智源如何接物師云大悲菩薩無
 手眼問面前三事變背後萬般形如何師云
 那叱不識父云如何是那叱不識父師云眼
 裏腫人築氣球問匝地普天即不問應機不
 失事若何師云三白大衆問如何是正法眼
 師云六祖愛喫和羅飯問未曾開口道十方
 佛已知時如何師云不來諸比丘立說欲及清
 淨問生死事大請師相救師云三家村人失
 却火問承古有言利說衆生說三世一時說
 即不無未審為什麼人說師云三頭兩面者
 云為即不無還當也無師云蝦跳不出斛問
 如何是不從師邊得底事師云夜觀乾象問

釋迦以何為師即得無上菩提師云三千條
 罪莫大於不孝問知有亦不立妄有亦不生
 正當與麼時如何話道師云六耳不同謀問
 如何是大道本源師云赤脚上船問古鏡未
 磨時如何師云三番羯磨云羯磨後如何師
 云為什麼十三五戒不持問只者猶不是如何即
 是師云天性不喫酒問自古及今不從人得
 六祖黃梅夜聞何事師云志公拄杖云得用
 時如何師云用那曲尺作什麼問如何是毛
 吞巨海師云六祖口唇大問如何是會佛法
 底人師云兩道行纏問青青翠竹盡是真如
 此理如何師云朝遊山水暮宿草菴問己自

肯已常人知見已不見已時如何師云看錮
 錮着生鐵問總伸一問悔思不及請師方便
 師云兩得便宜問如何是學人本今事師云
 三脚蝦蟆無後脚問目前無朕兆如何顯真
 宗師云八十婆婆手擎扇問如何是無心鏡
 師云水深三尺云還照學人心也無師云徹
 膽見問一塵繞舉大地全收如何是一塵師
 云波斯上席問只見龜毛長不見兎角生請
 師現兎角師云目裏瞳人禁氣毬問絲盡傳
 機是諸佛權行之義向上事請師直道師云
 多毋失愛問諸方印心即佛未審和尚此間
 如何師云無底標子七八片問如何是翅昆

盧越釋迦之談師云迦葉目視佛 上堂
 法鼓總動大地全收諸德在鼓聲裏來往還
 知也無對眾道看若道不得被洞山熱瞞下
 座 上堂即心即佛破執二疑非心非佛
 止宿草庵且居門外向上一路千聖不傳葛
 藤言語作麼生是袖僧分上事良久云拈得
 出來也是破草鞋便下座 問天堂地獄
 是什麼人居止師云洞山問如何是法身師
 云穿靴水上行云莫便是否師云水上烏龜
 頭赫赤問作止任滅猶是禪那之病如何免
 得師云梵僧不袒肩問未問未答如何商量
 師云持鉢不得撲破鉢孟問金烏出海耀天

地與此光陰事若何師云崑崙渡海誇玃寶
波斯門下聘鬚多 上堂無邊刹境自他
不隔於毫端洞山魚鼓聲動延慶白馬驚嶺
谷隱師僧盡隊隊入僧堂裏喫餅諸德識得
幾箇對衆道看若向這裏道得即有可良善
不無行脚若道不得闍老徵你草鞋錢有日
在便下座 問超佛超祖人難得請師一
句顯根源師云裁衫錯却領問古寺清幽如
何辯主師云責云作何方便得親慈悲師云
焚香胡跪問不斷佛種請師一言師云犯着
太白星問遍地黃金便典糜用時如何師云
滿天列宿白日兩下 上堂諸德提將鉢

囊柱杖千鄉萬里行脚蓋為生死不明要得
達法悟道到處豈無親親尊宿善知識若為
你解粘去縛道眼分明孰別是非堪為師匠
即便拗折拄杖高掛鉢囊取个徹頭其愁不
成辦或若開口動舌說向上向下這邊那邊
玄會妙會道出道入君臣父子明體明用盡
是謗般若埋沒宗風不識好惡屎床鬼子帶
累後人無有了日拽下繩床落春棒趁出三
門再教行脚與伊為增上緣也與宗門出得
氣更向其口又手並脚唱喏撮他野狐涎唾
自肯自重云得和尚為我採為我說得个安
樂處還睡覺也未還洒洒也未喚作病不遇

良醫悞服他毒藥認得个驢鞍橋喚作阿爺
 下領典你本分事有什麼交涉持知你一生
 行脚只是踏破草鞋始終成得个不即溜漢
 下去問尅己求真是修行人之大錯能辨邪
 正猶乘道體未審如何修證師云六隻骰子
 一時赤問不在內不在外不在中間未審在
 什麼處師云褊衫不蓋體問如何是學人自
 已師云親人不著便問万緣俱罷六戶齊寧
 時如何師云天晴不肯去云便與麼去時如
 何師云須待雨霖頭問盡大地人來如何指
 示師云舌頭柱上脰問請師出榻師云七顛
 八倒問心境未明時如何師云吐舌至頂相

十三

十二

問大截教是一場是非學人親切請師道師
 云有手不彈指問天皇打典座意如何師云
 喫酒不謝座問如何是學人究竟事師云說
 云未審說个什麼師云泥裏撼椿問如何趣
 向即得至理無差師云垂釣水上云與麼則
 認向途中枉施功師云自知較一半問但得
 本莫愁未如何是學人本師云草鞋無底問
 如何是塵劫不昧底事師云脫水不渡水問
 添一截一理歸何所師云三年一閏問真修
 道人不見世間過未審世間有什麼過師云
 兩人著非一人著早問烟雲不到處喚作什
 麼師云燒錢不及時云與麼則割地作佛後

去也師云自尿不覺是問三身中阿那身說
 法師云親言出親口問如何是說底口師云
 還我話頭來問如何是撥塵見佛底句師云
 楚山頭上插紅旗問心不是佛智不是道還
 有過也無師云知他大小問生死根源請師
 指个入路師云頭破額裂云學人不曾乞師
 指示師云天上天下問承古有言天得一以
 清地得一以寧君王得一治天下衲僧得一
 時如何師云五九四十五太陽來入戶問佛
 禪道是同是別師云梳頭不洗面問明月當
 空如何鑿照師云量之不足問久淘砂磧未
 覩真金請師指示師云入水不濕脚云與麼

則學人得用去也師云爭奈脚板潤云一言
 可以喪邦師云不知是不是是即也大奇問
 諸方盡在繩墨裏未審和尚此間如何師云
 蒿箭射須彌問扶籬摸壁時人盡知諸佛正
 法眼請師直指師云夢裏打三更問十二時
 中行住坐卧自省覺時如何師云看人喫飯
 云爭奈樹影不斜何云親言出親口問一法
 若有昆盧墮在凡夫萬法若無普賢失其境
 界未審如何即是師云眼裏瞳人築氣毬問
 森羅及萬象皆從一法所印如何是一法師
 云要你眼作什麼云還許學人受用也無師
 云可惜許問金鑰現前請師辨師云兩脚蚊

磨吞却月問的言無證時如何師云牙疼灸
 左耳云甘苦常言師云聽事不真喚鐘作甕
 問如何是不歷巨海獲驪珠底人師云四手
 八臂問久昧衣珠請師指示師云磁石不攝
 針問彎彎似月廓落三星西土即無此間事
 如何師云東南西北問十二時中如何得與
 道相應去師云拈東摸西問從上宗乘請師
 垂示師云老鴉線斷問一念未生為什麼不
 見自己師云割地成牢問盡未來際遍法界
 中盡此一句時如何師云有錢千里通無錢
 隔壁鄰 上堂還丹一顆點鐵成金至理
 一言轉凡成聖世間法亦復如是洞山且問

諸德作麼生是轉凡成聖底道理試對衆道
 看雖然不出頭肚裏道了也作麼生是轉凡
 成聖底道理且道轉个什麼莫瞞睡作麼生
 莫是一喝一棒麼如此見解是街頭巷尾打
 鐵落輪木棹數珠念喝囉怛那行者輩見解
 在你衲僧家合作麼生須是具眼方能辯邪
 正莫只與麼過諸德時不待人切須努力賺
 一覺起來看取是什麼道理久立珞重問不
 與萬法為侶底人還有向上事也無師云道
 士頭戴冠問如何是佛師云灼然諦當問如
 何是清淨法身師云瞿堯裏蛆兒問一箭便
 中時如何師云過云過在什麼處師云著

上堂且如禪師者須是己事分明具擇法眼
 遍叅知識方辯祖宗法胤水乳岐分若不然
 者何名衲僧行脚不遇師匠最苦莫過於此
 可惜許大丈夫兒莫限限隓隓地禪德洞山
 尋常道待我家園麥熟事持磨麵作个餒餒
 屈取東西南北善知識同共一筵破除了盡

與伊出却釘拔却楮拈却炙脂帽子脫却繭
 是布衫作个洒洒地禪師後代學人有可依
 倚豈不俊哉問如何是古佛衲師云何不問
 云用者如何師云鈿刀子問承古有言諸旋
 示息彼物先住尚不可得意旨如何師云虛
 空擲骰子 上堂莫捏目妄想於不如是

道本無機豈留心法諸德且作麼生領會莫
 錯會好珍重問承古有言其中長者子个个
 盡無視如何是長者子師云只你是云是个
 什麼師云猫兒打筋斗問如何是洞山師云
 動則傾湫倒岳不動即天黑地暗問李人歇
 殺父殺母如何下手師云急問風不鳴條兩

不破塊是十三什麼人分上事師云要道即道云
 便請道師云分付不著人却令道者恁問久
 居洞中為什麼一物全無師云脚大木屐小
 云如何領會師云直觀步問如何是室中人
 云不在外問壁上有一高僧至時還說法也
 無師云來去不住問洞山鬱茂為什麼無味

師云驗在目前問朗月當空是什麼人境界
師云關柵境界云為什麼日用不知師云非
洞山過問如何是籠中鳥師云在籠中多少
時云只為籠中鳥師云却飛去問學人欲伸
一問為自己不見時如何師云無背面問朗
月當空為什麼不見自己師云近後問如何
是沙門行師云不損人問雲水是人遊是什
麼人能到峯頂頭師云無是人能行無手人
能執問佛即不問如何是法師云你為什麼
不出家問無佛無人處法從何生師云你在
什麼處出家云現在目前和尚自看師云五
戒也不持問目覩瞿曇猶如黃葉意旨如何

師云袁州土宜不出別物問量關無邊為什
麼不容自己師云窄問普溪一句即不問如
何是雲門一句師云天下人啖不著云還當
得生死也無師云是何生死問佛佛相應祖
祖相傳未審相傳底事如何師云此去韶州
八百五十云與麼則有口不如無聲師云速
須懺悔問學破成狼藉渾崙又不成藥病俱
消處便請師商量師云雲生嶺上水出高原
云與麼則師子吼也師云還我師子吼來問
無心道人還有法示人也無師云黑地入漆
甕云既是無法緣何得入師云到老惺惺問
如何動乳坤底人師云須彌山上打筋斗問

乍可永劫受沈淪誓不將身求半偈師云官不容針私通車馬云與麼則和尚容許也師云且領前話問大藏教是个切脚如何是字母師云啞子上刀梯都監太保問眼處入正受諸塵三昧起此意如何師云洞山茶椀裏有太保太保忝椀裏有洞山太保無語將此

十三

十六

話問尊宿谷隱云不落無言說延慶云喚什麼作三昧師問僧莫便是新到否僧云是師云夜來投柶處今朝事如何僧云今朝風較急青山背上行師云不是更道僧云珍重師便打問如何趣向即得至理無差師云垂釣水上云與麼則謬向途中枉施功師云自知

者少問鼓聲絕罷大衆雲臻學人與麼來請師連道師云撥雲看日暈坐水看山行問釋迦捲室於摩竭淨名杜口於毘耶猶是中下之機向上一路請師說破師云玄玄無倚靠迥迥勿人知問輪王寶劔常露現前輪王即不問如何是寶劔師云水裏無魚人皆信空裏行船笑殺人問諸佛非我道誰是最道者師云樓上打鼓聽聲在外問父母非我親誰走罷親者師云痘子買甜瓜問真即幻幻即真離此二途如何道師云臨河照影云與麼別义丰當留退身三步師云若不同床卧且知被裏穿罔衆魔到來如何支遣師云鍾馗

辭舞十八拍云還受厭禳也無師云信邪倒見死入地獄問自知當作佛未審什麼人證明師云耆婆賣針筒問窈窕無惺惺時如何師云波斯不過江問藤蘿高萬丈身與白雲齊時如何師云昔時東海曾相識却向西山弄日頭問擬問和尚有煩尊重擬欲不問己

十三

十七

不成八字不是未審是什麼字師云波斯入市問大海有珠驪龍守護時如何師云困問如何是諸佛出身處師云楚山頭問心外無法不可所求法內無心不可所得離此二途如何是道師云紙上畫鐘馗問真空得之不可把箇云與麼則一切法常也師云只為不常問承師有言禪子相投西山月落未審露在什麼處師云手裏把釣問心外觀法法不際心心內觀法法源不達如何是本源師云面上眉長三尺二問停真罷想時如何師云水底弄傀儡云誰是看觀者師云停真罷想

者云與麼則大盡三十日小盡二十九也師云你見什麼道理云某甲合與和尚痛棒問知而不悟時如何師云草鞋縵子新問虛空無口憑何說師云木履嘴長三尺二問撥塵見佛時如何師云幡竿頭上不插標問德山入門便棒臨濟入門便喝未審和尚意旨如何師云尖斗量不盡云還有為人處也無師云頭戴天脚履地上堂洞山普樂無言展托終日現前誰知適莫無遮無障不知不覺更有一言乾乾爆爆。

歌頌。隨物通真頌。并序。至大莫若於道。至廣莫若於法。無言表而不顯。於道無

物象而不出於法。且夫衆生浩浩。窮本末以何歸。處處茫茫。據生死而何托。洞山聊述一頌。提舉大經。号隨物通真。頌曰。現在目前。何易何難。將何指陳。表法無言。物之有物。言之有言。明明無礙。了了無邊。見之成道。不用再三。物物是我。河沙體全。法法無法。言無可言。眼見耳聞。白日青天。東西南北。竺土大仙。印之可印。燈之燈傳。著衣喫飯。文殊普賢。手提巾子。赤脚上船。是水是火。本絕諸緣。禪僧座主。庶民大官。寬衣大袖。窄領布衫。接延賓客。對答語言。高之與下。不在詐言。上徹天界。下透黃泉。不是別物。古聖皆傳。得之可保。

見之安然。今之浪說。出自無端。更有一言。好看好看。明道頌曰。大道坦然。廓落無邊。了了虛微。寂然何安。含容妙用。隨物方圓。自本心法。衆生迷源。道無別道。玄無別玄。向說不信。須要攀緣。識心是佛。了即是安。心將何識。識者何心。心識兩亡。見道在先。從古至今。躄自如然。凡聖共有。沙界同源。前賢後哲。悟此而傳。著衣喫飯。語默言詮。不是別物。是个癡頑。快須提取。勿放狂顛。巧施妙句。廣引多般。揚眉瞬目。閃爍機關。以此為解。千山萬山人。迷逐物。切要自看。自看得力。諸聖准則。行住坐卧。皆承恩力。成佛作祖。越此不得。不得。

永樂北藏

古尊宿語錄

伊何。要你消磨。坐看北斗。立觀黃河。天南海北。於我於何。明明了了。你何不曉。惺惺故故。於何不照。世界根源。衆生祖老。終日現在。名善巧。說之已說。聽亦甚好。會與不會。任自長保。真讀。一巧一拙。誰許甄別。青山白雲。兒孫皆說。窈窕邪身。頭尖鼻缺。斫額看魚。焚香祭懶。空生幻身。滅幻空存。谷傳其聲。鐘受其音。取之寫趣。号之曰神。一言纒發。四驥難尋。月之有水。鏡之有塵。不可虛傳。洞山之真。身不奇兮。良不揚。語不異兮。法不截。滿天星宿。兮月中。月白日金。烏兮海岳。彰我教不寫。又被寫。我教不圖。又被圖。可惜半

第一九八册

永樂北藏

古尊宿語錄

第一九八册

死青煞。絳。盡了令人笑一場。月兔走入海。
 日鳥飛上山。見此若不會。虛度幾千年。
 色空頌。眼病生。色空病仍存。真空真色。日
 月乾坤。白日買賣。夜裏屈人。東西南北。碧眼
 胡僧。示徒頌。洞山寂寞。無可依托。禪子
 相投。西山月落。提齏頌。洞山月冷。雪漫
 漫。綠竹清風。刮骨寒。言談語句。無滋味。擇迦
 達磨海東邊。投機頌。向你道。泄天機。我
 不會。汝惺惺。遍法界。何不明。開眼。睡悟。即驚。
 好問。伊是阿誰。共商量。莫相悞。快道。取者。衆
 生。剪商量。見非言。說知。真語。即是非。盡
 龍頭似馬。那个得便宜。指話會頌。洞山

語孤孤。言淡人難措。舉目會宗風。喜負西來
 祖。指通機頌。洞山寂寞。一無可有。無味
 之句。塞斷人口。明心頌。禪不禪。律不律。
 赤脚著鞋。水上立。大洋海底。黑雲生。回頭西
 山日初出。因事頌。五臺山上。雲蒸飯。佛
 殿堦前。狗尿天。幡竿頭上。煎餛飩。三个糊。搥
 夜斲錢。牛兒頌。自牧一牛兒。出入無攔
 圈。放在芳草中。毛色方能顯。朝去無人趁。暮
 歸無人喚。其力不可當。有角無鼻。縷不使任
 從伊。使著隨人轉。天下無荒田。盡是此牛躑。
 有人若覓伊。走去天涯畔。牽來似諸人。問汝
 見不見。隨牛狗兒。家有一狗兒。駭小人

難見。終日隨牛去。未省使人喚。見客不作聲。
 見人偏能善。擬議上門來。早是輸他便。好好
 報禪師。須著精神看。任汝靈利人。不覺為死
 漢。法身頌。法身寥廓遍河沙。萬象森羅
 共一家。法法盡含真妙用。莫將眼病見空花。
 報身頌。報身具足無窮跡。現用分明勿是
 非。悟了始知言無異。休將巧妙用心機。
 化身頌。化身來往任縱橫。隱顯諸緣應萬
 機。只這見心非不見。剛須見外強生疑。
 洞山有一語。道得無用處。對面共商量。脫衫
 著却袴。道本無言詮。言詮非本妙。對面共
 商量。誰人能得了。洞山有一言。對答須提

永樂北藏

古尊宿語錄

舉。瞪目若思量。者漢去去去。彭殿直問和
 尚年多少。師乃有頌。一騰更一騰。相續已
 年高。住持無別物。化導勿劬勞。勸人常有語。
 不用苦怛怛。只為他不信。佛大即泥多。
 十心頌。心是春。普兩山河及大地。流酸鹹
 淡甘。與苦盡。受春功。滋助力。心是水。任器
 方圓。與寬窄。或直隨人得。濁惡諸般。皆盡法
 王法。心是火。熱得衆生煩惱果。枝葉葉
 普皆榮。開得心蓮花。一朵。心是秤。萬戶千
 門。同共用。纖毫輕重。自低昂。便合自知。不高
 穩。心是尺。示典世人生條直。莫教指下
 有推那。地獄三途。難得出。心是斗。量盡天

第一九八册

永樂北藏

古尊宿語錄

第一九八册

古尊宿語錄卷第三十九

十三

涯是非口堆山積岳在心思死後波叱親自
 文 心是燈照見人間黑暗心指教直行不
 能行須作欺瞞地獄因 心是鏡照破人間
 邪與正對面言談恰似直背後猶來黑似漆
 心是道凡聖同居月皓皓只於開處證菩提
 便合如來真正道 心是師條貫六賊不暫

二十一末

離時時呼喚在目前總使出門不奈伊

廓書狀上頌 十載學玄微今朝方息撥洞
 山一句子落處少人知師却問作麼生是洞
 山一句子書云逼塞虛空師云大好少人知
 著却問作麼生是洞山一句子師云峴山亭
 上無字碑



古尊宿語錄卷第四十

士四

僧錄司右闍黎兼鍾山靈巖禪寺住持 淨戒 重校
智門禪師大鑑下八世嗣香林

智門禪師諱光祚師上堂良久師顧視左右云莫有作家戰將出來雖然如是風不來樹不動時有僧問十地菩薩見性如隔羅縠抵士四如初地菩薩又隔什麼師云須彌山進云如何透得師云三生六十劫問一撥未發如何辨其語脉師云大衆可驗僧云學人如何進向師云退後三步問格外稱提請師舉唱師云你合作麼生進云與麼則承指示也師云莫妄想問曹溪路上還有俗談也無師云六

祖是盧行者因舉僧問香林雲門親的旨今夜囑何人林云涅槃經僧云與麼則親的林云末後品時有僧問師涅槃經意旨如何師云大喻八百小喻三千進云末後品意旨如何師云雞足三峯頭倒卓又云會麼僧云不會師云直待彌勒下生來問師子返躑即不問虎頭生角時如何師云生得幾箇進云潛麼則學人退身三步師云龍頭蛇尾問如何是大乘修行師云擔枷帶鎖問既是龍居未審龍在什麼處師云眼下一帶青僧云學人未曉此意如何師云瞎 上堂云汝若進一步即迷其理若退一步又失其事若也寂

然地又同無性作麼生免得此過所以古人
 道明知與麼故合不犯正當與麼時切忌傾
 倒著便下座問古人拈起拄杖意旨如何師
 云看樓打樓進云放下拄杖意旨如何師云
 百雜碎問聖僧為什麼被大蟲咬師云不錯
 問如何是離却藥忌一句師云口是禍門又
 云又手當留問魚游陸地時如何師云取死
 不遲進云却下碧潭時如何師云鑽泥刺土
 問牛頭未見四祖時如何師云天寬地窄進
 云見後如何師云地窄天寬 上堂云德
 山入門便捧臨際入門便喝你且道山僧者
 裏用箇什麼還有人委悉麼不如歸堂向火

珠重 上堂云三兩日來好春雨可謂露
 灑凡夫人見水是水天人見水是琉璃魚龍
 見水是窟宅餓鬼見水是火你衲僧家喚作
 什麼你若喚作水又同凡夫見若喚作琉璃
 又同天人見若喚作窟宅又同魚龍見若喚
 作火又同餓鬼見是你尋常還作麼生所以
 道若是得底人道火不燒口道水不溺身你
 每日喫飯還少得一粒麼又古人云終日著
 衣喫飯未曾咬著一粒米未曾挂著一縷線
 雖然如此又須實到者裏始得若未到者田
 地且莫掠虛問諸法寂滅相不可以言宣時
 如何師云好箇問頭進云滑麼則市地普天

師云更是一堆問威音王已前是什麼人先
悟師云何不問露柱僧云便湑麼會時如何
師云二頭三手問威音一響妙色已彰時如
何師云兩重公案問既是普眼為什麼不見
普賢師云弄巧成拙問學人有龜毛拂子將
奉師時如何師云老僧有兔角拄杖與闍黎
進云與麼則進貢得賞也師云三十年後此
話大行上堂云諸上座且得秋涼正好進
道決擇還有疑情出來對衆大家共你商量
理長處就所以趙州八十尚自行脚祇是要
飽叢林又且不擔板若有作者但請對衆施
呈忽有騎牆察辨呈中藏鋒忽棒忽喝或施

圓相忽象王迴旋忽獅子返躑忽大作師子
吼忽拗折拄杖忽掀倒禪牀但請施設還有
麼衆無對又云若是宗門中兒孫須瞻祖師
機方可是祖師苗裔不可喫却祖師飯著却
祖師衣趁讀過日便道我是行脚僧者箇祇
喚作名字比丘徒消信施闍羅王久後徵你
十四
草鞋錢有日在莫道我得便宜忽然一日眼
光落地入地獄如箭射又箇箇甚麼各自著
便宜又不是愁漢也久立三因歲朝上堂
云斬新日月特地乾坤人人盡加一歲你道
露柱年多少還有人道得麼對衆道看若道
不得山僧與你註破也祇是甲子會時有僧

問大用現前不存執則時如何師云你為什
麼趂破脚指頭問日用而不知常用事如何
師云兩重公案進云溜麼則更不運步也師
云草鞋底穿問如何是學人自己師云問底
是誰僧云學人請益師云也是作賊人心虛
問絕功勲處如何履踐師云更買兩綱草鞋
進云溜麼則退步也師云太少在問如何是
如來禪師云橫擔拄杖緊繫草鞋問如何是
粗師禪師云上大人又云會麼僧云不會師
云不會且順朱問衆生有難炭庫裏藏身諸
佛有難火燄裏藏身衲僧有難甚處藏身師
云你不是衲僧問既是龍居為什麼不降甘

雨云疎田不貯水進云溜麼則衆生無賴也師
云悲龍爭柰何問國師三喚侍者意旨如何
師云憐兒不覓醜進云國師辜負侍者意旨
如何師云美食不中飽人食進云侍者辜負
國師意旨如何師云扮骨碎身未足酬問三
身中那身說法師云闍黎鼻孔塌進云因什
麼如此師云謗斯經故獲罪如是問既是諸
法寂滅相為什麼却有真說師云話墮也進
云寂滅相又何在師云不在你口裏問如何
是一大事因緣師云問取目捷連進云學人
不會乞師再指師云舍利弗當知進云未審
如何領會師云大侶不齋來問作麼生是和

尚歇人一句師云待闌黎不涓麼來即得僧
云祇如涓麼未還得休歇也未師云豔年問
盡大地人各置一問問問各別未審和尚如
何祇對師彈指一下進云未審還副得他問
也無師云隋州紙貴問如何是一合相師云
明鏡當臺進云如何是貪著底事師云胡是
胡漢是漢問從上古德以何酬効於師承師
云驗在目前進云涓麼則心不負人面無慚
色師云你為什麼辜負我僧云和尚也須領
話師云放你三十棒問承教中有言辭如摩
尼寶殿三角常隱一角常現如何是常現底
一角師云險 上堂云數日好雨且道雨

從什麼處來若道從天降那箇是天若道從
地出喚什麼作地若更不會所以古人道天
地之前徑時人莫強移箇中生解會眼上更
安錐 上堂云茫茫宇宙人無數幾箇男
兒是丈夫且道男兒與丈夫是同是別所以
古人道佛法無多子其中難得人且道難得
什麼人祇是難得不會佛法底人衆中還有
不會佛法人麼若有吐露箇消息來看所以
黃梅七百衆却被行者傳衣得法去且道行
者還會佛法麼故知籌盈石室童子悟道又
何關多口衲僧之事問如何是大通智勝佛
師云言無再響進云如何是十劫坐道場師

云搗不單行進云如何是佛法不現前師云
 金屑雖貴進云如何是不得成佛道師云眼
 裏著不得問久雨不晴時如何師云蘿蔔不
 生根進云既是久雨為什麼不生根師云一
 任叫皇天問如何是形山寶師云你有幾條
 袈裟進云請師指示師云一任亂走問如何
 是不變異十四句師云變也進云畢竟如何師云
 鳧脚長鶴脚短 上堂云若欲多求恐妨
 於道祇如諸上座還得道業成辦也未若也
 未辦千般巧說不益其心萬種思量是何道
 理所以古人道你若無心我也休精乾不肯
 去須待雨霖頭問三春已去九夏又臨學人

未明乞師直指師云打你頭破作七分僧云
 也知師為迷徒切爭柰學人未曉何師云非
 日月各問經有方便學人情學人上來乞師
 直指師云見成公案進云未審學人過在什
 麼處師云放你三十棒問未有世界時還有
 佛法也無師云少一時不生剎一時不死問
 拈槌豎拂揚眉瞬目即不問向上一路請師
 舉唱師云你為什麼擔枷過狀進云與麼則
 謝師方便師云罪不重科問師唱誰家曲宗
 風嗣阿誰師云重疊關山路進云今日一會
 又奚為師云對牛彈琴問真源無朕兆如何
 話祖宗師云句裏明人進云溜麼則南山起

雲北山下雨師云楊花得暖風問如何是透
 法身句師云猢猻繫露柱 上堂云千人
 排門不如一人拔關僧便問如何是千人排
 門師云守株待兔進云如何是一人拔關師
 云你不是者手脚問如何是禪師云最苦是
 黃連進云如何是道甜底是甘草 上堂
 云鼓聲纔罷罕遇作家僧出禮拜師云打鼓
 為三軍僧云長蛇偃月休施展匹馬單鎗謾
 立功師云水消瓦解僧云諾師云蘇嚕蘇嚕
 問空王殿中以為侍者師云樓至佛
 上堂云南泉道自小養一頭水牯牛擬向谿
 東放不免食他國王水草擬向谿西放不免

食他國王水草不如隨處納些些他惣不見
 所以雲門大師道平地上死人無數過得荆
 棘林是好手直饒你截斷九聖及盡有無也
 祇是老鼠入飯甕未知有向上一竅在便有
 僧問如何是向上一竅師便打云我早是將
 一塊屎糞口抹了你更來咬我手作麼僧擬
 議師便^七起 上堂云神方秘術子父不傳
 山僧有箇藥方黑豆好合醬便下座問如何
 是色空師云薤園裏賣葱問應化非真佛亦
 非說法者未審是什麼人說師云露柱口脣
 缺問如何是無底鉢孟師云挂向壁上進云
 未審將何齋粥云瓦椀竹筍問如何是佛云

抱賊叫屈問如何是祖師西來意師云山雲
 野雉問如何是然燈前師云空劫無閑人僧
 云如何是正然燈師云火星入牛斗進云如
 何是然燈後師云衲僧天下走問學人有一
 問未審師還答也無師云南地鵠北地狐進
 云意旨如何師云三月裏看問善財入樓閣
 是何時耶師云末後殷勤進云畢竟如何折
 倒師云不如退後三步僧云恁麼則古人不
 先今人不後師云秦王擊缶問終日切切祇
 為庭前殘雪如何得雪消去師云相次春來
 進云恁麼則紅輪起處底穿盞盡師云雪上
 更加霜問閉門造車時如何師云還得成就

也未進云出門合轍時如何師云嘗般門下
 問承教有言一人發真歸源十方虛空悉皆
 銷殞既是虛空云何銷殞師云歸源者合知
 進云恁麼則一漚生處衆波同師云細看前
 話 因李都尉奏師紫衣到日上堂僧問
 皇恩遠降紫服新披未審師今將何報荅師
 云頭戴天脚踏地進云恁麼則知恩報恩也
 師云你也是老鼠喫鹽問照日絲綸自天而
 降皇恩極大師將何報師云大好天涼進云
 與麼則雲龍會合日月重明師云閑言語師
 乃云問話且止斯日皇恩且道自何而降老
 僧本志弊衣遮幻質糲食補飢瘡無何都尉

聞天蔡頌紫服著即又遠本志不著又負天心挂不挂且致你道祖師挂什麼衣若也委悉許上座終日著衣未曾挂著一縷絲終日喫飯未曾咬著一粒米若不委悉看老僧今日披衣去也遂乃披衣或云登天不假梯徧地無行路正當溜麼時向什麼處安身立命或云千人排門不如一人接關還有人接得關麼試對衆道者若道不得且在門外或云日來月往瘡痕轉多你將什麼醫得你若醫不得作麼生奈者瘡痕何或云三十年前即不問你三十年後不用將來正當即今還道得麼若道不得一處不通兩處失功或云荆

棘叢林則不問你出身一句作麼生道或云頭上霹靂則不問你雲開雨散道將一句來或云天下行脚道我叅禪你道禪是什麼義或云日裏來徃慙不疑著半夜裏道將一句來或云橫檐拄杖則不問你針筒鼻孔裏道將一句來或云鉢盂無底成得箇什麼或云狂象無鈎將何制勒若制勒不住莫教犯他苗稼或云天降時雨爲什麼枯木不生花或云天地及日月時至皆歸盡作麼生是透脫一句或云出身一句則不問你三家村裏道將一句來或云衲僧須是透得名身句身方可具得衲僧一隻眼還有道得底麼或云滿

口道不著底句還道得麼或云仰面看天爲
 什麼不識月或云低頭拾芥爲什麼不見地
 或云初秋夏末遊山翫水且從你蕎劄一問
 快道將來或云出門一句不問你萬里無雲
 道將一句來或云險峻路上則不問你平田
 莊裏道將一句來或云黃卷赤軸則不問你
 衲僧分上一句作麼生道志或云直得八凡聖情
 盡未是衲僧本分事且作麼生是衲僧本分
 事試通箇消息來若也道不得莫道龍居相
 理沒好網宗歌昆明池裏失却綉曲
 江池內撈得鋸齧齧齧且過時莽莽鹵鹵
 河沙數糶竭郎拽路布劄利衲僧通一路師

子不提麒麟兒猛獸那堪牀下顧摩斯吒入
 水去者迴休吐黑雲霧俊鷹俊鷄搏天飛鈍
 鳥籬根捱不去佛祖言休更舉直饒格外猶
 未許見成公案早多端那堪更涉他門戶夜
 烏鴉誰捉去天明戴雪遭指注胡蜂不戀舊
 時窠猛將那肯家中死 三巴鼻 座主

巴鼻休誇不二維摩一默文殊失利衲僧巴
 鼻高原陸地不生蓮花豈容香氣禪師巴鼻
 師子遊戲水漲船高捕牢蟲負 示衆
 何物苦求而不得何物不求而自來何物鐵
 鎚打不破何物夜合而晝開若人不會山僧
 意琉璃寶殿生青苔 因事二首 左轉

復右轉身被摩訶行放下搆深泉不論深與
 淺猛醖爐中看月輪急須着眼莫因循若未
 垂得勞生手如何出得醖光身世尊陞
 座文殊白槌文殊白槌報衆知法王法令
 合如斯會中若有仙陀客不用眉間毫相輝
 汾州莫妄想馬祖出得一汾州妄想
 如雷播九州若無袖子眼多於海上覓
 浮漚雪峯斃鼻蛇 斃鼻事難提當陽
 薦者迷舉頭錯入草嶺上鷓鴣啼雪峯
 輟毬象骨輟毬孰辨機一千五百幾人知
 取起眉毛千萬里須是吾門師子兒僧問
 雲門如何是吹毛劔門云祖吹毛寶劔問

雲門來者投機豈更存路逢劔客如何也既
 人携首向南奔僧問雲門如何是和尚
 家風門云有讀書人來報在處叢林有家
 風且與雲門事不同門外若有讀書者任是
 顏回亦不通僧問雲門如何是祖師西
 來意門云日裏看山日裏看山也是常西
 來相意謾商量金毛獅子稀逢有多是狐狸
 喚作狼雲門抽顏 雲門抽顏笑嘻嘻
 擬議遭他顧鑑嘆任是張良多計策到頭於
 此亦難施大隨劫火洞然 切忌隨他
 不會他大隨此語播天涯真淨性中纏一念
 早是千差與萬差大隨烏龜 如龜藏

六已彰名休向人前弄眼睛一隻皮鞋都蓋
 却直至如今猶未惺 麻三斤 麻皮三
 斤不用秤秤頭那肯坐於蠅一念終生筋骨
 露徒勞更覓史盤星 僧問雲門如何是
 沙門行門云會不得僧云為什麼會不得門
 云祇守會不得 若問沙門行沙門行最高

若教人會得業性卒難逃 趙州石橋
 趙州石橋本無星水急游魚不易停橋上秋
 觀驢馬跡誰人敢向御街行 離四句絕
 百非 離却四句絕百非作者相諳識得伊
 跳下禪床便歸去從他鷄子搏天飛 中
 原一寶 君王之寶寶難酬興化形言下一

籌兩手展開幞頭脚勅書挂在鳳皇樓
 南泉齋次自將生盤去首座前云出生杉山
 時為首座云無生泉云無生猶是未便過杉
 山乃召長老長老泉回首云作麼杉云莫道
 是未 古老巡堂親掠生渡水行舟不易耕
 莫道無生猶是未纖毫不了亂縱橫 僧

問長慶有問有答賓主歷然不問不答時如
 何慶云相逢盡道休官去林下何曾見一人
 人人盡道我心休問著何曾有地頭口說
 心遠瞞自己業河迅速任漂流 衆手淘
 金 衆手淘金得者誰纖塵室礙豈能為洪
 波浩渺黃金遠一事無成空手歸

古尊宿語錄卷第四十

十四

永樂北藏

古尊宿語錄

第一九八冊

永樂北藏

古尊宿語錄

第一九八冊

古尊宿語錄卷第四十一

士五

僧錄司右副教兼鍾山靈峯禪寺住持 淨戒 重校

雲峯禪師語大鑑下士世嗣大愚

雲峯禪師諱文悅南昌徐氏子在同安受翠巖請陞座僧問師唱誰家曲宗風嗣阿誰師云新長老不荅話進云恁麼則大愚的子汾

十五

陽親孫師云放你二十棒師乃云山僧今日平地喫交了也你等諸人還知敗闕麼然官不容針私通車馬拍禪床下座 次夜小叅僧問昔日靈山分半座二師今日意如何師云天高誰側首進云恁麼則昔日靈山今日翠巖也師云地闊少知音學人喝師便打

僧問抱璞投師請師雕琢師云不雕琢進云爲什麼不雕琢師云雲從龍風從虎僧問佛不化本國和尚爲什麼歸鄉住持師云放過一着僧擬議師便打 乃云莫更有作家禪客本分衲僧何妨出來共相證據有麼布袋裏盛錫子不出頭來也大好大九扶豎宗乘亦須是箇人始得若未有奔流度刃石火電光底眼不勞拈出臨際大師與德山坐次德山云今日因濟云老漢竊語作麼山擬拈棒濟便掀倒禪床師云奇怪諸禪德看此二負作家一撥一擦略露風規大似把手上高山然雖如是未免傍觀者哂且道誰是傍觀

者喝一喝擊禪床下座

離同安衆請上

堂僧問今離鳳嶺將屆龍沙如何是不動尊
師云天寒雨至進云特地上來伸此問師為
如何不指南師云緊峭草鞋乃云山僧道慚
荒薄德揣無堪豈謂使命遐飛僧徒雲請此
蓋堂頭和尚交于情深發揮道廣但勵屨冰
之志敢忘報德之誠而又翠巖一行專使俯
近四十餘人數日之間頗多喧聒其於感愧
併集山懷兼此者一行叅隨高德既蘊成人
之美更敦尅志之心其如跋涉長途各希愛
護然出家達士以利人為己任勤若行雲止
猶谷神豈有心於彼此情繫於動靜者哉既

無心於彼此亦無象於去來所以紆紆自彼

於我何為如是則真諸上人高橫金錫輕卷
雲袍明日遂行胡徃弗利 在上藍開堂

宣疏罷師指法座云還有不受人謾底麼有
即出來推倒禪床喝散大衆然未是作家也
且救得一半還有麼良久云既無人出來山

僧今日^{十五}不惜眉毛不免指鹿為馬^二翻日作月

去也三十年後莫錯恠人好便陞座祝

聖畢又拈香云大衆此一瓣香天不能蓋地

不能載塵沙諸佛天下老師未敢正眼覷着

諸人向什麼處摸索然官不容針私通車馬

奉為先翠巖芝禪師乃加跌而坐維那白槌

云法筵龍象衆當觀第一義師云祖稱不了
殃及子孫事到如斯寧容分雪所謂出世利
生之事呼爲第一義門但有言說都無實義
諸人若也委悉山僧出世事畢其或未然有
疑請問僧問承教有言若有聞法者無一不
成佛此日朝蓋臨筵如何是法師云劔過遠
矣尔方刻舟進云大愚山上曾施力豫章今
日正宣揚師云臨崖看潁眼特地一場愁問
師唱誰家曲宗風嗣阿誰師云識法者懼進
云一言繞出駟馬難追師云放過一著僧撫
掌師云自領出去問朝蓋已伸三請禮乞師
一句露尖新師云重言不當吃進云恁麼則

雲散家家月春來處處花師云研額望扶桑
問師有衝天之略學人有入地之謀兩陣交
鋒如何即是師云山僧打退鼓僧擬議師便
喝學云相逢盡道休官去林下何曾見一人
師云拖出去乃云問話且止佛法正論非競
辨而可求擊揚鏗鏘以推異學諸祖之道豈
其然乎所以一大藏教不能自詮十方諸佛
不能提唱輝騰今古迥絕見知圓滿十虛寧
有方所只爲情生智滿想變體殊雖終日行
而不自覺是以勞他先聖迴首塵勞曲開方
便方便即有遠證明得麼若也證明得便能
隨機利物應化無方出沒卷舒人問天上繁

雖如是即不得向衲僧門下何故笑破他口
師入山大衆出接首座問德山宗乘即
不問作麼生是臨際大用師云你甚處去來
首座擬議師便掌首座云勝王閣又作麼生
師喝云領衆歸去入院陞座僧問鼓聲絕名
香爇臨際德山請師決師云頭戴天腳踏地
進云學人今日失利去也師云錢唐去國三
千里進云真善知識師云放你一頓問知師
久蘊囊中寶今日當機事若何師云何不高
聲問進云恁麼則學人退身去也師云還我
話頭來學云喏師云杜撰衲僧乃云山僧昔
年曾到今日重來非唯人事增歡抑亦林泉

加秀且道不傷物義一句作麼生道良久云
天高東南地傾西北下座 上堂僧問師
登寶座舉唱宗乘學人上來請師垂示師云
楚石不當玉進云相識滿天下知心能幾人
師云朽木不可雕復云此是普光明殿華藏
師子之座人天普集九聖共居今日曲順人
情如何剖露若以宗乘舉唱直須大地荒涼
就下平高未免遭他笑恠且道不落化門一
句作麼生道良久云惜取眉毛好便下座
上堂諸佛出世平地陷人祖師西來承歷
接響一大藏教誑譚闍明眼袖僧自救不
了諸人到這裏憑何話會良久云為衆竭力

獨出私門擊禪床下座 上堂寶劍已失
 虛舟徒刻買帽相頭江南江北擊禪床下座
 上堂臨濟先鋒放過一著德山後令且在一
 邊獨露無私一句作麼生道良久云翠巖今
 日失利以拂子擊禪床下座 上堂三轉
 法輪於大千其輪本來常清淨毗婆尸佛在
 你諸人眉毛眼睫上放光動地轉大法輪看
 看見諸人不會却向翠巖拂子頭上般涅槃
 去也擊禪床下座 上堂僧問名喧宇宙
 知師久翠巖家風略借看師云滑石不打連
 底凍僧便喝師云作什麼僧擬議師便打問
 鴻門未踏時如何師云擗進云踏後如何師

十五

云裂進云恁麼則天下歸漢去也師噀一聲
 乃云千人排門不如一人踏關一人踏關千
 人萬人得到無疑安樂之地豈不快哉如今
 還有踏關者麼良久云見義不為何勇之有
 擊禪床下座 上堂拈起拄杖云金鱗不
 現虛勞力收取絲輪歸去來擲拄杖下座
 上堂鬪髻常干世界鼻孔摩觸家風驀拈
 起拄杖云玄沙老子穿過了也會麼復云無
 人過價打與三百擊禪床下座 上堂僧
 問寶劍未出匣時如何師云在匣裏進云出
 匣後如何師云京三汴四問如何是和尚家
 風師云大木大皮裏進云忽遇客來將何抵

待師云小木小皮繩問如何是祖師西來意
 師云解纜放船問如何是佛法大意師云天
 長地久進云恁麼則大盡三十日小盡二十
 九師云釋迦老子爲什麼失却鼻孔僧無語
 師云脫空謾語漢復云真不掩偽曲不藏直
 現在可驗因是設人眼不得且作麼生是諸

上五

五

人眼還驗得麼若也驗得翠峯无解冰銷若
 驗不得分付德山和尚便下座 四月八
 日上堂僧問如何是佛師云寸釘入木進云
 意旨如何師云三生六十劫復云教中道四
 月八是佛生之日放大光明照耀十方地湧
 金蓮華自然捧雙足東西及南北各行於七

步分手指天地作師子吼聲上下及四維無
 能尊我者後來雲門大師舉了云老僧當時
 若見一棒打殺與狗子喫却且圖天下太平
 師曰奇恠諸禪德雲門雖有定亂之謀且無
 出身之路若也辯得許你頂門具一隻眼便
 下座 上堂翠巖今日不惜眉毛向你諸

人道一大藏教祖師西來天下老和尚橫說
 豎說並不是袖僧分上事且作麼生是袖僧
 分上事驀拈起拄杖云這一隊漆桶便下座
 上堂僧問靈山拈花意旨如何師云一
 言纔出駟馬難追進云迦葉微笑意旨如何
 師云口是禍門問國師三喚侍者意旨如何

師云有年有德後云不用愛聖聖是空名不用厭凡凡是妄立若得聖凡情盡喚作體露真常所以古者道但肅妄緣即如如佛諸人還信得及麼若信得及止宿草庵且居門外三十年後鼻孔捺天莫錯恠人好擊禪床下座
 上堂官不容針私通車馬今日不惜身命與大衆舉箇古人話良久云毗婆尸佛早留心直至如今不得妙便下座
 上堂一刀兩段未稱宗師就下平高固非作者翠巖到這裏口似樞機你等諸人作麼生商量良久云欲得不招無間業莫謗如來正法輪便下座
 上堂看風使帆諸方共用斬釘

截鐵翠巖不然光吞萬象一句作麼生道良久云龍頭蛇尾漢下座
 上堂未達境唯心起種種分別達境唯心已分別即不生知諸法唯心便捨外塵相諸禪德只如大地山河明暗色空法法現前作麼生說箇捨底道理於此明得正在半途須知向上更有一竅
 在便下座
 上堂三界無安猶如火宅出身一句作麼生道良久云雲在巖頭閑不徹水流澗下太忙生下座
 上堂若見諸相非相即山河大地並無過咎諸上座終日著衣喫飯未曾咬破一粒米未曾挂著一條絲便能變大地作黃金攪長河為酥酪然雖如

是者衣喫飯即不無衲僧門下汗臭氣也未
 費見在下座 解夏上堂僧問西天以蠟
 人為驗和尚此間以何為驗云鐵彈子進云
 學人無用功處也云學語之流問如何是諸
 佛出身處云十字街頭進云豈無方便云千
 重百匝復云日月易流光陰條忽始見安居
 又當自恣此夏喜得大衆各各道體康安然
 出家之流曠達無礙初秋夏末或東去或西
 去出一叢林入一叢林忽有人問上座翠巖
 和尚今夏如何為人被他一問如何祇對莫
 道九九八十一莫道但得雪消去自然春到
 來莫道日出東方夜落西莫道合取狗口莫

道下一喝撫一掌坐具蓋口撼拂袖便行諸
 禪德如斯布露深屈翠崑既不然者別作麼
 生披露試對衆道看還有道得底麼衆無語
 師云若到諸方莫道我從翠崑來便下座
 師復云老儒道仁者見之謂之仁智者見之
 謂之智百姓日用而不知是故君子之道鮮
 矣十五肇法師亦謂在天而天處人而人原夫能
 天能人者豈天人之所能哉諸禪德故知先
 聖垂範理契必同你等諸人如何委悉良久
 云穿僧堂入佛殿北斗裏藏身三門頭合掌
 阿呵呵是什麼擊禪床下座 上堂僧問
 學人心眼未通乞師方便師云十字街頭石

幢子僧無語師云會麼僧云不會師云你豈不是洪州人問達磨未來時如何師云流沙浪闊進云來後如何師云熊耳山高問如何是禪師云軍期急速進云有什麼交涉師云日馳五百復云雲從龍風從虎水流濕火就燥且道袖僧就箇什麼豎起拂子云揔在這裏裂開也在我捏聚也在我良久喝一喝云王令稍嚴下座 寒食日上堂諸上座還會麼冬至寒食一百五家家塚上添新土翻思拾得点寒山南北東西太莽鹵南泉不打益官鼓以拂子擊禪床下座 上堂天明平旦萬事成辦北俱盧州長粳米飯下座因

入城衆請上堂僧問如何是豫章境師云樹色遠分仙尉宅湖光寒浸昔賢亭進云如何是境中人師云朝看東南暮看西北問如何是名無翼而長飛師云天上星進云如何是道無根而永固師云地下木有俗弟子問如何是佛師云著衣喫飯量家道進云恁麼則退身三步义手當臂去也師云醉後添盃不如無復云語不投機承言者喪直饒你說得天兩四花地搖六震衲僧門下惣是喫棒數然事無一向理出多門曲順機緣豈無方便所以古者道鬧市裏識取天子百草頭上薦取老僧拘留孫佛在你諸人脚跟下放光動

地轉大法輪乃豎起拂子云看看見你諸人
 不會却向翠嵒拂子頭上入火光三昧去也
 擊禪床下座 上堂未離兜率已降王宮
 未出母胎度衆生畢古人與麼道只見錐頭
 利不見鑿頭方下座 上堂僧問承教有
 言唯此一事實餘二即非真如何是此一事

十五

八

師云鼻孔大頭向下進云與麼則晨朝有粥
 齋時有飯也師云惜取眉毛好問如何是無
 縫塔師云四稜著地如何是塔中人師云香
 風吹菱花更兩新好者問如何是衲衣下事
 師云皮裹骨問牛頭未見四祖時如何師云
 庵內人不知庵外事見後如何師云水流澗

下任縱橫問丹霞燒木佛意旨如何師云橫
 三豎四進云院主為什麼眉鬚墮落師云七
 通八達復云始從鹿野苑終至跋提河四十
 九年間都來說一夢你等諸人還曾夢見麼
 所以道眼若不睡諸夢自除且作麼生是不
 睡底眼還驗得麼若也驗得塵沙諸佛天下
 祖師總向上座眼裏百雜碎若驗不得翠巖
 今日死中得活 上堂道是常道法是常
 法汝等諸人切莫枉用身心馳求語句所以
 道但有纖毫即是塵舉意便遭魔境挽且道
 不涉廉纖一句作麼生道蒼拈起拄杖云放
 過一著便下座 上堂看窟籠著楔罕遇

當人通襲貶一句作麼生道良久云不得春
風花不開花開又被風吹落以拄杖卓一卓
下座 上堂僧問學人解問說訛句請師
不答訝人機師云髮長僧兒醜進云恁麼則
日日香煙夜夜燈師云腦後合掌問承教有
言但一月真中間自無是月非月如何是真
十五
月師云瞎驢趁大隊進云恁麼則早知今日
事悔不慎當初師云脚頭脚尾乃拈起拄杖
示衆云我喚這箇作拄杖子你諸人喚作什
麼若喚作拄杖子躑跳不出斗若不喚作拄
杖子平地上喫交還有道得底麼良久云翠
崑今日失利擲拄杖下座 上堂有佛處

不得住無佛處急走過你等諸人橫擔拄杖
向什麼處行脚良久云東勝身洲持鉢西瞿
耶尼喫飯下座 上堂假使心通無量時
歷劫何曾異今日且道今日事作麼生良久
云烏龜鑽破壁以拂子擊禪床下座
上堂乾坤之內宇宙之間中有一寶秘在形
山諸禪德頭上走天脚下是地口裏有舌面
上有鼻寶在什麼處良久喝一喝下座
上堂見聞覺知無障礙聲香味觸常三昧衲
僧道會也山是山水是水飢來喫飯困來打
睡忽然須弥山躑跳入鼻孔裏摩竭魚穿你
眼睛中作麼生商量良久云叅堂去

上堂北鬱正中宵閻浮即當畫輪迴如未惺
 蒼荀何曾親諸上座還會麼有智不假年高
 無智徒勞百歲問如何是第一要師云蛇穿
 鼠穴如何是第二要師云狷猴上樹如何是
 第三要師云村裏草鞋問如何是般若體師
 云箭穿揚葉進云如何是般若用師云李唐
 陷番問如何是清淨法身師云紫枝荻樹云
 向上更有事也無師云有進云如何是向上
 事師云風吹日炙復顧視左右云放憨作什
 麼便下座 上堂謹白參女人是何言歟
 光陰莫虛度雪上更加霜下座 歲旦上
 堂僧問大衆雲集合談何事師云花須連夜

發進云與麼則草偃風行也師云萬里望雲
 關進云入水見長人師云速禮三拜復云三
 十六句竟今朝還復起刹那不相知諸法何
 曾尔尊卑叙禮儀歡感同居止廓哉恁持門
 而人不能啓玉 兔金烏藏頭露尾以拂子擊
 禪床下座 冬至上堂畧運推移日南長
 至大家知有何勞特地日落三更騎驢入市
 參 上堂觸目不會道猶較些子運足焉
 知路錯下名言諸上座翠巖今日將錯就錯
 你等諸人見色有眼聞聲有耳親香有鼻了
 味有舌因什麼却不會去良久云武帝求仙
 不得仙王喬端坐却昇天以拂子擊禪床下

座 上堂門裏出身易身裏出門難冬行
 春令即且置不涉程途一句作麼生道良久
 云渾家送上釣魚船便下座 上堂普賢
 行文殊智捕陀展上清風起暗驢趁隊過新
 羅吉徠舌頭三千里 上堂觀色即空成
 大智而不住生死觀空即色成大悲而不住
 涅槃諸禪穩還會麼東勝身洲走馬西瞿耶
 尼著撲看看不審維摩老子喝一喝擊禪床
 下座 上堂天得一以清地得一以寧君
 王得一以治天下衲僧得一早地遭釘以拂
 子擊禪床下座 上堂動容揚古路不墮
 悄然機師云古人與麼放開了也還跳得出

麼直饒你跳得出鼻孔也在翠峯手裏且道
 翠峯鼻孔在什麼人處良久云得人一牛還
 人一馬下座 上堂德山入門便捧臨濟
 入門便喝看這兩箇老漢一場敗闕然則事
 不孤起必有因翠峯不著便蓋是為衆竭
 力你等諸人平地喫交過在阿誰良久云當
 斷不斷反遭其亂蕩拈拄杖一時趁下
 上堂摩竭掩室已不及初毗耶杜詞至今話
 榻向上一路千聖不傳是什麼熱要當衲僧
 門下壁立千仞也是賊過後張弓是你諸人
 心憤憤口排排皮下還有血麼搥在這裏通
 相埋沒有什麼了期以拄杖趁下 上堂

即今休去便休去若覓了時無了時此事若
向言語上作解會意根下卜度天地懸殊大
丈夫一刀兩段猶未相應豈况被人喚去方
丈裏塗糊指注舉楞嚴肇論根塵色法向上
向下有無得失他時後日死不得其地近世
更有一般宗匠二三十年馳聲走譽只管教

人但莫上他言句喚作透聲色便問東苔西
以爲格外之句將此狂解遞相沁襲從此混
傷宗教誑惑後生苦哉苦哉我王庫中無如
是刀摠若似與麼行脚清風月下守株人涼
兔漸遙芳草綠下座 上堂汝等諸人與
麼上來大似拋却甜桃樹尋山摘醋梨大九

行脚人十二時中也須管帶些子始得豈可
只與麼隨行逐隊虛生浪死看他先聖百般
不奈何了向人道我今爲汝保任此事終不
虛也你等諸人還信麼直饒向這裏信得及
也是聽事不真喚鐘作甕以拂子擊禪床下
座 到南嶽承天陞座僧問二師相見時

如何師云石橋通大路進云恁麼則千里同
風師云一字兩頭垂進云大衆證明學人禮
謝師云鈍置殺人問寶座既登於此日翠嶺
家風略借看師云兩來山色暗進云莫便是
和尚家風也無師云鐵山南面三千里師乃
云承天師兄早是瞞你諸人了也翠嶺乍到

不可雪上更加霜然則一言纔出駟馬難追
事到如斯不免塗灰抹土蓋為祖禰不了殃
及兒孫三十年後鼻孔遼天莫錯恠人好下
座 師住法輪入寺陞座僧問法席久虛
師子吼乞師方便震雷音師云好生聽取進
云與麼則一音纔剖大衆沾恩師云雲綻不
湏藏九尾怒君殘壽速歸丘僧便禮拜師乃
云法不孤起仗境方生道不虛行遇緣即應
然通方之士舉必知歸游涉之徒何妨進步
有麼良久云釣竿斫盡重栽竹不計功程得
便休 開堂陞座僧問善法堂開於此日
第一義諦請師宣師云何不早問進云學人

十五

十二

未曉師深旨乞師方便再垂慈師云去去西
天路迢迢十萬餘問如何是法輪境師云岫
嶺峯高雲半出進云如何是境中人師云五
湖來徃任縱橫問如何是和尚為人一句師
云兩來山色暗進云莫便是和尚為人處也
無師云你眼在什麼處僧擬議師便打乃云
且住且住大象既消希音杳絕旁通實化開
拓權門於是三藏五乘對機設教猶國家兵
器不得已而用之爾後達磨西來單傳心印
一花五葉分布家中大似持螯作啞何故况
你諸人各有一段事耀古騰今通廓等於太
虛明淨同乎皎鏡現在可驗因是瞞人眼不

得且何者是諸人眼還驗得麼若也驗得麼
 沙諸佛三乘十二分教六代祖師天下老和
 尚盡向諸人眼裏百雜碎若驗不得前是案
 山後是主山良久復拈香云此日一會固非
 小緣匝地普天孰不欣慶更不敢祝贊皇風
 回向諸僚何故古人道吾禱父矣豈况當今

十五

十三

聖主賢臣者哉久立大眾伏惟珍重
 上堂一道直如絃家家當戶前有人爭共進
 至竟忽論先喝一喝擊禪床下座
 上堂
 觀色即空成大智故不住生死觀空即色成
 大悲故不證涅槃藉拄杖云豎窮三際橫
 遍十方塵沙諸佛天下祖師盡在拄杖頭上

縱橫十字轉大法輪見麼見麼見你諸人不
 會走入新羅國裏去也卓拄杖下座

上堂春日雨滋露溥逐根苗得門戶甜者甜
 苦者苦便下座
 上堂相逢不擊出舉

意便知有也是萬里望鄉關所以保福有言
 擊石火閃電光透得透不得未免喪身失命

而今還有透得底麼良久云為衆竭力禍出
 私門下座
 上堂火熱風動搖水濕地堅

固然於一一法依根葉分布所以雲從龍風
 從虎水流濕火就燥且道衲僧就箇什麼良

久云千箇作團萬箇作隊困則一處睡夢則
 各自做便下座
 上堂僧問久戰沙場為

什麼功名不就師云誰遣你進云道忝不傳
 天子令時清休唱太平歌師云誰遣你復云
 元首明哉股肱良哉風以時雨以時五穀熟
 萬民安有什麼事但能隨順世緣自然合於
 正理不見祖師道入得世間出世無餘諸禪
 德還會麼良久云三邊若得渾無事四海何
 愁不太平下座 上堂直得地推六震天
 兩四花祖師門下白雲千里萬里下座
 上堂叮嚀損君德無言最有功任從滄海變
 終不為君通諸禪德還會麼口是禍門擊繩
 床下座 上堂拈起拄杖云掌鉢孟向香
 積世界為什麼出身無路挑日月於拄杖頭

上為什麼有眼如盲直得風行草偃響順聲
 和無纖芥可留猶是交爭底法作麼是不交
 爭底法以拄杖卓一卓下座 上堂舉教
 中道此見及緣元是菩提妙淨明體又道林
 木池沼皆演法音交光相羅如寶絲網音恠
 諸禪德古聖與麼說話喚作回首塵勞曲開
 方便所以道如我按指海印發光汝暫舉心
 塵勞先起會麼拂子且將揮世界拄杖權為
 答話人以拂子擊禪床下座 上堂僧問
 浩浩之中如何辨主師云波斯入關市進云
 與麼則不假披沙也師云學語之流僧便禮
 拜師云語不離筭道焉能出蓋纏片雲橫谷

十五

十四

口迷却幾人源下座

上堂拂子吞却須

彌山尋常言論德山卓牌鬧市裏作麼生商

量良久云官不容針私通車馬下座

上堂僧問金烏未必常常午玉兔半夜不曾

昏時如何師云點即到僧無語師云會麼

僧云不會師云到即不點問如何是心地法

門師云莫從人覓進云不從人覓如何得師

云此去衡陽不遠乃云諸禪德既入叢林善

叅知識知識非他非他護覓法性偏圓心源

湛寂避尚無門求之何益君不見黃檗掩耳

百丈卷席直下分明無別消息得失是非一

時冰釋喝一喝下座 上堂玄沙不出嶺

保壽不渡河善財叅知識五十三負慧速結

黑白一十八士雪峯三度上投子智者九旬

談法華且道這箇漢是野干嗎師子吼喝一

喝擊禪床下座 上堂未離兜率已降王

官未出母胎度衆生畢法輪到這裏有口無

用屢你等諸人還相委麼若相委悉天下

十五

十五

老和尚鼻孔總在你手裏若也不會啼得血

流無用屢不如緘口過殘春下座 上堂

舉不顧即差手擬思量何却悟乃豎起拂子

云如今舉了也你作麼生顧良久云擬思量

何却悟擊禪床下座 上堂舉教中道於

三七日中思惟如是事我寧不說法疾入於

涅槃師便喝云當時若有人出來下得這一
喝塞却老胡咽喉豈不天下肅靜四夷蕩蕩
而今放開了也是你諸人還皮下有血麼良
久云爲衆竭力搗出私門拍禪床下座
上堂古鏡照精其精自形古教照心其心自
明諸禪德會麼心明諸法胡性昧衆緣昏日

月不到處特地好乾坤喝一喝下座

上堂十方同聚會箇箇學無爲此是選佛場
心空及第歸古人一期與麼道衲僧家還甘
也無若甘去行脚眼在什麼處若不甘轉身
一句作麼生道良久喝一喝拍禪床下座
上堂聲色不到處病在見聞言詮不及處過

在唇叻離却咽喉一句作麼生道還有人道
得麼若道得坐却天下人舌頭若道不得法
輪門下有粥有飯下座 上堂便與麼會
也是雪上加霜更待鼓兩片皮白雲千里萬
里擊禪床下座 上堂語不離窠道焉能
出蓋纏片雲橫谷日迷却幾人源所以言無

展事語不投機承言者喪滯句者迷你等諸
人到這裏憑何話會良久云欲得不招無間
業莫誇如來正法輪珍重 上堂舉教中道
林木池沼皆演法音交光相羅如寶絲網又
道鐘鳴鼓響宜真實水綠山青爲舉揚諸禪
德還會麼若有箇衲僧出來道話墮也且

作麼驅遣良久云啼得血流無用處不如絨
口過殘春 上堂舉古者道學道先須有悟
由還如曾闢快龍舟雖然奮開閑田地一度
羸來方肯休古人與麼道大似貪觀白浪失
却手撓衆中還有檢點得出底麼若檢點得
出救取古人若檢點不出法輪今日失利去

十五

十六

也擊禪床下座 師住雲峯上堂古者道風
動心搖樹雲生性起塵若明今日事暗却本
來人今日事且置作麼生是本來人良久云
鶴有九臯難翥翼馬無千里謾追風珎重
冬日上堂節令屆書雲山家何所論一輪繞
出海萬類盡沾恩以拂子擊禪床下座

上堂舉明教大師示衆云初秋夏末莫道我
不向你諸人道大家看火燭師云明教老人
憐兒不覺醜盖由土曠人稀是你諸人今夏
在這裏老僧深不欲向你道惜取眉毛好便
下座 上堂古者道古路若爲登金僊道可
憑不勞平有物不物未全稱且道全稱一句
作麼生道雲峰打退鼓以拂子擊禪床下座
上堂臨濟先鋒放過一著德山後令且在一
邊獨露無私一句作麼生道良久云堪嗟華
下鐘離末以拂子擊禪床下座 上堂古人
道動容揚古路不墮悄然機還會麼古人與
麼和底禪了也有般漢聞之如風過樹有什

麼救麼以拂子擊禪床下座 上堂舉與化
問克賓維那汝不久爲唱道之師克賓云我
不入這保杜化云你會了不入不會了不入
克賓云我慙不恁麼化便打遂罰錢五貫設
饑飯了趣出院後來却法嗣興化師云還會
麼路遙知馬力歲久見人心以拂子擊禪床

十五

十七

下座 上堂古人道言多去道轉遠祇如未
言道在什麼處乃云欲得不招無間業莫謗
如來正法輪以拂子擊禪床下座 上堂教
中道種種取捨皆是輪迴未出輪迴而辨圓
覺彼圓覺性即同流轉若免輪迴無有是處
你等諸人到這裏且作麼生辨圓覺良久云

荷葉圓圓似鏡菱角尖尖似錐以拂子
擊禪床下座 上堂舉僧問法服云秋風繞
動貧者何依法服云若能知恩即解報恩師
乃云還會麼一葉颺空便見秋法身須透關
秋啾來年更有新條在惱亂春風卒未休以
拂子擊禪床下座 上堂僧房閑寂夏修持

閉戶疎人惟亦知儂家自有同風事千里無
來却肯伊且作麼生是同風事還會麼餠餅
蒸作家常茶飯一言半句古人菖蘼雲峯與
你兩無交涉下座 上堂舉教中道歸源性
無二方便有多門聖性無不通順逆皆方便
還會麼所以道不浪階隨功涉位經有經師

論有論主你道衲僧門下還有這箇消息麼
良久云一言纔出駟馬難追下座 上堂聲
色不到處病在見聞言詮不及處過在脣吻
離却咽喉脣吻一句作麼生道還有人道得
麼若也道得坐却天下老師三安諸佛舌頭
若道不得但知隨例飡餒子也得三文買草
鞋下座 上堂舉教中道知幻即離不作方
便離幻即覺亦無漸次大衆還會麼須彌踰
跳入你鼻孔裏即且從你道婆竭龍王年多
少肉重千斤智無鉢兩下座 大末

古尊宿語錄卷第四十一

十五

古尊宿語錄卷第四十二

士六

僧錄司右開教兼鐘山靈谷禪寺住持 淳戒重表

雪竇禪師語

舉古

師一日謂侍者曰汝問訊了一邊立地是什
麼道理答云不會師云過這邊立侍者便過

古六

師云無端無端 舉僧問雪峯如何是佛峯
云寐語作什麼師云古人與麼道喚作應病
與藥放過即不可若不放過你這裏下得什
麼語僧擬議師以拂子薰口打 舉法燈禪
師初開堂日示衆云山僧本欲踰樓巖竇隨
衆過時又象清涼老人有不了底公案今日

永樂北藏

古尊宿語錄

出來爲他分拚時有僧問如何是不了底公
案燈便打祖禰不了殃及兒孫僧云過在什
麼處燈云過在我殃及你師云這漢一期與
奪也似光前絕後及乎撥著又却龍頭蛇尾
如今莫有爲清涼作主底麼 舉教中道法
身流轉於五道是故衆生現時法身不現乃
豎起拂子云這箇是拂子那箇是法身又云
這箇是法身那箇是拂子會麼法身吞却拂
子拂子吞却法身於此若不會十月仲陽春
舉黃蘗一日問百丈云從上相承底事和尚
如何指示於人百丈據坐蘗云後代兒孫將
何傳受百丈云我將謂你是箇人便歸方丈

第一九八冊

師云憐兒不覺醜然雖如是盡法無民
舉玄沙和尚一日見長生乃作一圓相云一
切人出此不得沙云情知你向鬼窟裏作活
計生云某甲只恁麼和尚作麼生沙云一切
人出此不得生云某甲適來與麼道爲什麼
不得和尚便道得沙云我道得你道不得師
云道得道不得總在玄沙圈續裏如今還有
出得底麼 舉僧問趙州學人乍入叢林乞
師指示趙州云你喫粥了也未僧云喫粥了
也州云洗鉢盂去其僧大悟後雲門拈云且
道有指示無指示若道有指示向伊道什麼
若道無指示其僧因什麼悟去師云雲門不

識好惡恁麼說話大似爲蛇畫足與黃門哉
鬚翠巖則不然這僧與麼悟去入地獄如箭
射 舉雪峰示衆云盡乾坤大地採來如一
粒粟米大拋向面前漆桶不會打鼓普請看
師云雖然匹上不足翠嶺更與葛藤拈拄杖
云還見雪峰麼 舉黃蘗在南泉會裏爲首
座一日捧鉢盂向南泉位上坐南泉入堂見
乃問長老什麼年中行道藥云威音王已前
泉云猶是王老師兒孫在下去藥便過第二
位坐泉便休師云從來叢林極有商量或有
道須知黃蘗有陷虎之機又道須知南泉有
殺虎之威若據與麼說話誠實苦哉殊不知

這般老賊有年無德一箇喫飯坐處也不依
本分若在翠崑門下說什麼威音王已前王
老師更大直湏喫棒了趁出 舉雲門大師
示衆云佛法也大有只是舌頭短師云雲門
大師與麼道也是秦州來僧云和尚作麼生
師便打 舉祖師道泡幻同無礙云何不了
悟達法在其中非今亦非古師薦拈拄杖云
三世諸佛六代祖師天下衲僧鼻孔忽在這
裏又打香臺一下云南贍部洲北鬱單越
舉汾州和尚示衆云識得拄杖子行脚事畢
師拈起拄杖云這箇豈不是拄杖子阿那箇
是你行脚事復云柳標橫磨不顧人直入千

峯萬峯去 舉古者道有物先天地無形本
寂寥能為萬象主不逐四時凋且道是什麼
物又云水長船高 舉古者道過去諸如來
斯門已成就現在諸菩薩今各入圓明未來
修學人當依如是法師云停因長智養病喪
軀薦拈拄杖云什麼處去也 舉古者道禪
非意想道絕功勳汝等諸人作麼生三
舉祖師道如來一切法為度一切心我無一
切心何用一切法還信得及麼若信得及止
宿草庵且居門外若信不及長連床上有粥
有飯 舉葉法師道智有窮幽之鑒而無知
焉神有應會之用而無慮焉古人與麼道也

大殺費力爭如諸上座寒即圍爐向火熱即
竹林溪畔坐然雖如是我且問你畢竟事作
麼生 舉祖師道吾本來茲土傳法救迷情
你道這漢還自做得也未又道一花開五葉
結果自然成一人傳虛萬人傳實 舉古者
道剃髮著袈裟宜應行聖道自餘閑雜事俱
爲生死因師云汝等諸人橫擔拄杖撥草瞻
風透天下行脚且道還曾踏著田地也無僧
無對師云虛生浪死漢 舉瑞巖空寂禪師
尋常方丈內自召主人公自云喏又云怪怪
著師云鬼窟裏作活計却問傍僧云你還識
瑞巖老漢麼僧無對師云蒼天蒼天 舉教

中云有智若聞則能信解無智疑悔則爲求
失師云釋迦老子壓良爲賤你還甘麼若甘
去行脚眼在什麼處若不甘轉身一句作麼
生道 舉智門和尚道何物苦求而不得何
物不求而自來何物鐵椎打不破何物盡合
而夜開若人會得山僧意琉璃殿上長青苔
師云會麼穿破你觸膝撥破你鼻孔 師一
日僧侍立次師忽召云某甲僧應喏師云過
去諸佛也與麼未來諸佛也與麼僧云和尚
又作麼生師便打復云來來僧近前師云我
早是無端入屎坑裏是你屎氣也不知
舉盤山和尚道似地擎山不知山之孤峻如

石含玉不知玉之無瑕師云這老漢生來莽
函學處顛預似地擎山如石含玉什麼處得
這消息來 舉教中道此見及緣元是菩提
妙淨明體祖師亦云六塵不惡還同正覺師
云會麼直饒你向這裏參見祖師了更買草
鞋行脚三千里外也被翠崑換却眼睛了也

十六

還有不甘底麼 舉睦州見僧來云見成公
案放你三十棒師云作賊人心虛 舉古者
道虛堂閑寂夏修持閉戶疎人恠亦知儂家
自有同風事千里無來却肯伊師云說什麼
千里無來直得萬里無來鼻孔也在翠崑手
裏僧云和尚只見雞頭利不見鑿頭方師呵

呵大笑云道什麼僧擬議師以拄杖趨出
舉盤山道心若無事萬法不生師云會麼僧
云不會師云賴遇你不會山僧拾得口喫飯
舉睦州示衆云放開也在我捏聚也在我師
云負入不負出 舉古人道山河石壁不礙
眼光師云作麼生是眼又拈起拄杖打禪床
一下云須彌山百雜碎即不問你且道娑竭
羅龍王年多少 舉舍利弗問須菩提夢中
說般若波羅密與覺時是同是別師遂喝云
當時若下這一喝免見落三落四須菩提云
此義幽深吾不能說此會有弥勒大士當往
問之師云果然舍利弗遂迴首問弥勒弥勒

云誰名弥勒誰是弥勒者師云什麼處去也
 舉五洩初叅石頭纔到門便問一言相契即
 住一言不契即去石頭據坐五洩拂袖便行
 石頭遂召閻梨閻梨五洩迴首石頭云從生
 至死只是這箇迴頭轉腦作什麼五洩因而
 有省師云石頭老坐不定把不住似這般擔
 板漢教去便休又喚迴頭來却被他塗糊一
 上道我向這裏有箇悟處驢年未夢見在
 舉古德云擬將心意學玄宗狀似西行却向
 東徒經累劫終難會會得還歸六道中僧云
 某甲不會師云苦瓠連根苦甜瓜徹蒂甜
 舉木平叅洛浦問一漚未發時如何浦云移

舟諸水脉舉掉別波瀾木平不契後叅盤龍
 亦如前問龍云移舟不別水舉掉即迷源木
 平於是大省師云這漢當初於洛浦言下悟
 去猶校些子却向盤龍死水裏淹殺後來有
 人問如何是木平荅云不勞斤斧師云果然
 只在這裏諸禪德大九發足超方也須甄別
 邪正識辯真偽帶些眼筋始得然雖如是賊
 過後張弓 舉趙州問南泉知有底人向什
 麼處去泉云山下作一頭水牯牛去州云謝
 和尚指示泉云昨夜三更月到窓師云若不
 是南泉泊手打破蔡州 舉法眼示衆云識
 得橙于周匝有餘雲門道識得橙于天地懸

殊師云官不容針私通車馬 舉僧問葉縣
省和尚諸餘即不問如何是常今施設省云
有_五你這驢漢問僧云恁麼則打鼓弄琵琶去
也省云捺胃放屁聲師云然則倚勢欺人爭
柰事不孤起葉縣失却一隻眼還有檢點得
出麼若也檢點得出翠巖分坐與你若檢點
不出橫案鏤錫金正令太平寰宇斬癡頑
舉祖師示衆云吾有一物非青黃赤白男女
等相汝等諸人還識麼師云當時忽有箇漢
出來爲衆竭力不惜身命便與掀倒禪床唱
散大衆子孫也未到斷絕却有沙弥出來道
某甲識祖云你既識喚作什麼云是諸佛之

本源神會之佛性祖便打云吾喚作一物尚
不中你更喚作本源佛性此子已後設有把
茅蓋頭只成得箇知解宗徒師便喝云祖禰
不了殃及兒孫如今還有不甘底麼 舉僧
問汾州如何是接初機句州云你是行脚僧
如何是驗衲僧句州云西方日出如何是
正令行底句州云千里馳來呈舊面如何是
定乾坤底句州云北俱盧洲長粳米飯食若
無貪亦無嗔州云將此四轉語驗天下衲僧
師云將此四轉語被天下衲僧勘破 舉保
壽開堂三聖爲請主繞坐聖推出一僧保
壽便打聖云似恁麼爲人瞎却鎮州一城人

眼去在壽擲下拄杖便歸方丈師云臨濟一
 宗掃地而盡因什麼到這裏著拈起拄杖云
 什麼處去也 舉興化一日與同光帝坐次
 帝云朕收下中原獲得一寶只是無人酬價
 興化云略借陛下寶看帝以兩手舒開幞頭
 脚化云君王之寶誰敢酬價師云會麼真不
 掩偽曲不藏直有眼者辨取 舉睦州問僧
 什麼處來僧云那邊剎州云老僧屈僧云和
 尚即得州云權枷過狀擗脊便打師云睦州
 何用繁詞那邊剎擗脊便打 舉先地藏問
 修山主甚處來主云南方來藏云南方近日
 佛法如何主云商量浩浩地藏云爭如我這

裏挿田博飯喫師云會麼挿田博飯喫言中
 誰辨的午後打齋鐘金剛曾失色 舉睦州
 示衆云裂開也在我捏聚也在我時有僧問
 如何是裂開州云三九二十七菩提涅槃真
 如解脫即心即佛我且恁麼道你又作麼生
 僧云某甲不恁麼道州云蓋子落地楪子成
 七片師云會麼相罵饒你接背相唾饒你潑
 水 舉雪竇示衆云要知真實相為但以上
 無攀仰下絕已躬自然常光現前箇箇壁立
 千仞師云雪竇與麼為人入地獄如箭
 舉五通仙人問佛佛有六通我有五通如何
 是那一通佛召仙人仙人應諾佛云那一通

你問我師云大小羅壘被這外道勘破了也
有傍不肯底出來我要問你如何是那一通
舉古人道牽牛向水東不免官中徭役牽牛
向水西不免官中徭役不如隨分納些子師
云說什麼納些子盡乾坤大地色空明暗情
與無情惣在翠崑這裏放行則隨緣有地把
住則逃竄無門且道放行好把住好 舉僧
叅南院繞入方丈以手指云敗也院乃拈起
拄杖度與僧繞接院便打師云這僧雖然
頂上有光爭奈脚下似漆直饒十字縱橫朝
打三千暮打八百 舉古人道無邊剎境自
他不隔於毫端十世古今始終不離於當念

師云手擎日月背負須彌即不問你新羅國
裏一句作麼生道 舉古人道鬧市裏識取
天子百草頭上薦取老僧雲門道蝦蟆入你
鼻孔裏毒蛇穿你眼睛中且向葛藤處會取
師云雲門大師恁麼道大似和泥脫墜若無
後語疑殺天下人翠岩今日因行不妨掉臂
乃豎起拂子云還見雲門麼 舉世尊一日
於涅槃會上人天普集以手摩曾告大衆云
汝等善當觀我紫磨黃金身瞻仰令足莫令
後悔若言吾滅非吾弟子若言吾不滅亦非
吾弟子于時百千萬衆一時悟道師云然則
背脊之門不足以發藥翠岩且作死馬醫你

等諸人皮下還有血麼 舉南泉一日問黃
 蘗定慧等學明見佛性此理如何蘗云十二
 時中不依倚一物始得泉云莫是長老見處
 云不敢泉云漿水錢且致草鞋錢教什麼人
 還蘗便休師云若不同床卧焉知被裏穿
 舉古者道露棵棵赤洒洒四維無遮障上下

沒可把師云朝游羅浮暮歸檀特即不問你
 脚跟下一句作麼生道 舉龐居士問馬祖
 不昧本來人請師高著眼祖直上覩士云一
 等無弦琴唯師彈得妙祖直下覩士禮拜祖
 便歸方丈士隨後云今日弄巧成拙師云且
 道賓家弄巧成拙主家弄巧成拙還有人揀

得出麼若揀得出三十棒一棒也較不得若
 揀不出來年更有新條在惱乱春風卒未休
 舉教中云有諍則生死無諍則涅槃師云直
 得風行草偃響順聲和不求諸聖不重己靈
 無纖芥可留猶是爭諍法且作麼生是無諍
 底法 舉古者道三世諸佛不知有師云如

虫蝕木狸奴白牯却知有師云雪上加霜
 舉德山問龍潭久嚮龍潭及乎到來潭又不
 見龍又不現潭云子親到龍潭山便休師云
 你識龍潭老麼僧擬議師以拂子轟口打
 僧入室舉僧問趙州萬法歸一一歸何所師
 便喝僧茫然師却問趙州道什麼僧擬議師

以拂子蓋口打 舉僧問智門柞和尚如何
是佛門云踏破草鞋赤脚走如何是佛向上
事門云拄杖頭上挑日月師乃問僧會麼僧
云不會師乃以頌示之鞋穿赤脚走袖僧休
大口日月杖頭挑面南看北斗僧便禮拜出
師云來來僧乃迴頭師云莫教撞著露柱

舉滿山枯和尚方丈頌云滿山方丈峭峻難
上若人踏著氣如幾將師云作家宗師天然
有在僧云和尚作麼生師有頌示之翠岩方
丈曾無遮障袖子入來便見和尚僧便禮拜
起師云還見翠岩這箇老漢麼僧擬議師以
拂子蓋口搥 舉僧問香林如何是衲衣下

事林云臘月火燒山師乃問僧會麼僧云不
會師云你爲什麼設老僧其僧良久云某甲
也有箇會麼師云香林亦須喫棒 小叅舉
先百丈因歲暮示衆云你一隊後生經律論
固是不知也入衆叅禪禪又不曾臘月三十
日且作麼生折公去師云灼然諸禪德去聖
時遙人心淡薄看却今之叢林更是不得也
所在之處或聚徒三百五百浩浩地只以飯
食豐濃寮舍懇便爲旺化也中間孜孜爲道
者無一人設有十箇五箇走上走下半青半
黃會即惣道我會各各自謂握靈蛇之寶甌
肯知非泊乎換撥鞭逼將來直是萬中無一

苦哉苦哉所謂般若叢林嚴歲凋無明荒草
 年年長就中今時後生纔入衆來便自端然
 拱手受他別人供養到慶菓不擇一莖柴不
 般一束十指不露水百事不干懷雖則一朝
 快意爭奈三塗累身豈不見教中道寧以熱
 鐵纏身不受信心人衣寧以洋銅灌口不受
 信心人食上座若是去直饒變大地作黃金
 攪長河爲酥酪供養上座也未爲分外若也
 未是至於滴水寸絲便須披毛戴角牽犁拽
 杷償他始得不見祖師道入道不通理復身
 還信施此是決定底事終不虛也諸上座光
 陰可惜時不待人莫待一朝眼光落地畱田

無一簣之功鐵圍百刑之痛莫言不道珍
 重。偈頌 原居二首挂錫西原上。玄徒苦
 問津。千峯銷積雪。萬木自迴春。谷暖泉聲遠。
 林幽鳥語新。翻思遺隻履。深笑洛陽人。挂
 錫西原上。誰同振此風。卷簾千障日。坐石一
 枝筇。雪嶺書無說。衡陽信不通。迴觀清景外。
 雲鳥自憧憧。三印 一印印泥賢愚共知
 揆轉鼻孔頂上金槌 一印印水徒張唇
 未涉流沙洪濤競起 一印印空明月清風
 燦迦羅眼齊後之鐘 春日閑居 口首林下
 春時節融融萬物新。睦茲和煦力孰不謂通
 津 林下春時節幽居境。倍清曉雲分岳色

沈水帶鶯聲 林下春時節遲遲日漸暄不
知訝有道泉石自相便 林下春時節誰同
狎此心野花開不盡巖檜冷森森 布袋和
尚玉首散誕不拘儀軌終日拖沓帶水茫茫
竟未知歸教伊從誰雪耻 困來抱囊無語
傍觀盡生疑慮未免開獻諸人是甚閑家破
具 貧道本無遮護舉目知君罔措可憐二
月三月是處蜂狂蝶舞 莫訝衣裳破碎久
屋且無忌諱橫身要道等人那箇便知因續
日暮愛游貧里豈是圖他小利分明報你諸
人臘水冰霜滿地 和泥合水五首余有一
道千聖不到北走南奔相頭買帽是何之道

永樂北藏

古尊宿語錄

雲橫碧嶠 余有一辨風生嶽而舉目千差
知君不薦是何之辨僧堂佛殿 余有一說
善知時節若人會得眼裏添相是何之說春
寒秋熱 余有一劔寒光若練虎嘯風生飛
霞走電是何之劔灰頭土面 余有一機聖
凡共知拈却鼻孔舉起須弥是何之機淵明
士六
皺眉 示學者三首 赫日光中誰不了底
事堂堂入荒草擔簦負笈苦勞心從門入者
非家寶演宗乘提祖教千年枯骨何堪咬南
北東西歸去來拈得鼻孔失却口 經不看
禪不會終日擁爐長瞋睡五湖禪子競頭來
眨上眉毛三門外 翠崑不會禪仰面看青

第一九八册

天打破大唐國笑殺老南泉 因雪示衆二
 首 雪雪片片交飛無暫歇萬里江山一様
 平要津把斷底時節文殊印普賢訣呆日當
 空還漏泄無言童子念摩訶憍梵鉢提長吐
 舌 宗本義 宗本纔彰義已賒徒將心識
 話周遮漁人夜唱歸煙島樵父春行踏落花

六相義 成壞惣別同異帝網交參六義
 拈起大地山河透出過現未世文殊夢裏揚
 眉普賢空中彈指三十年後自看且恁和泥
 合水 頌古十二首 灌水不滿卮運雪不
 填井吁哉碧眼人迢迢涉葱嶺絕粒既無功
 負春寧有省一花五葉開辣嘯諸峯頂

入門何必辨來機潦倒禪和不自知栢樹庭
 前剛指注繇令平地針錐 抱拙少林已
 九年趙州忽長亭前栢可憐無限守株人寒
 冪坐對千峯色 平常心是道舉步入荒草
 翻曉王老師到底不能曉玉兔金烏任飛走
 糝花見後謂無疑壯志由來本是伊若問玄
 沙言未徹現前賊物自家知趙州有語喫茶
 去明眼栢僧皆賺舉不賺舉未相許堪笑未
 山解打鼓 杖林山下竹筋鞭頭尾拈來惹
 一般莫恠玄沙不出嶺他家元是釣漁舡
 言中辨的老禪和蕎直臺山路不蹉勘破却
 回人莫問嶽陽船子洞庭波 踏著秤槌硬

似鐵矇矓禪和猶未瞥三冬嶺上火雲生六月長天降大雪杜禪和杜禪和一箇餠餅無奈何禮拜任君頭著地海東船子過新羅洞山有詔麻三肋袖子擎拳要問津因憶舊年看草字張顛顛後更無人休問藏身北斗捺他露柱煩惱踣跳撞入燈籠穿却湖南

上六

十二

長老因僧舉泐潭頌乃有頌示之北斗藏身事不孤韶陽由是喪殘軀而今澤國垂綸者猶把鯉鯉証惜夫留僧侍余函丈二三日損由來道未訓何事解衣輕取別鉢囊猶挂樹梢頭數珠落落循環在手茫茫未知出跳雖然本自圓成爭奈其中一

永樂北藏

古尊宿語錄

竅放行恒掩舒光把住毗沙匿曜有時捉向手中貴與衲僧取笑南峯師子山狀奪西河類雄雄鎮此峯爪牙終不露狐兔自潛蹤雲門上卷草堂危構若耶西九夏幽居景物奇簾卷乱峯初雨後白雲流水自相隨送化士化門舒卷豈同時出塞還須

斬萬機道赤却旋林下日卷簾閑看岳雲歸送文禪者禪人別我訪南宗吳楚山川去幾重莫謂臨岐無可贈萬年松在祝融峯送寧首座一語通諸密開檀涉化門當機如有路北斗坐南坤送就維那振錫歸韶石重来欵竹菲無言宜想意溢目太陽輝

第一九八册

送華禪者 一字不出頭十字不挑脚可惜
 少林人端坐無斟酌孰云錯金錫高擎返故
 御清風浩浩生寥廓 送聰山主 故國曾
 不住他鄉無暫留肩橫一枝錫何處問蹤由
 寄慈濟大師 凜凜冰風臨晚景環爐獨坐
 雙峯頂茫茫六合曾未知月駕千江萬江影
 寄福嚴禪師二首 跡遁寒岩雲鳥絕陰崖
 沈水花微發昨夜天風掃石床寥寥坐對三
 生月 一葉落兮天下秋古今人事設悠悠
 皇恩三讓名還大千載真風誅莫休 寄雲
 蓋鵬禪師 情忘應許道相交肯謂川途有
 所選月皎五峯湘水白雲蒸石廩露偏饒

寄南華慈濟禪師 曹溪何幸示來書忽憶
 當年在太愚堪笑堪悲無限事甜瓜生得苦
 葫蘆 握草為金未足奇韶陽風骨與誰知
 年來老大渾無用應對盧公獨歛眉 寄木
 山長老 刊石休誇自點頭武陵法道欲誰
 醉年來應是慵開眼獨坐龍門見九州
 寄龍王進長老 南北山居道不殊不殊猶
 未得通途龍峯地暖花應秀石廩雲寒萬仞
 孤 與李君行者 辭家日久慕叅禪不憚
 崎嶇甚可憐報汝速須歸故里闌冬耕取昔
 年田 暮冬旅懷 雪壓恠松枝欲折衰病
 長寒長擁爐添薪坐久眼忽瞑偃卧不知山

月。脯。膽。木。平。道。人。嶽。頂。雲。披。清。風。兒。古。
 一。漚。未。形。萬。機。起。縷。道。極。致。淳。行。敦。亡。矩。稽。
 首。木。平。不。勞。斤。斧。禪。人。寫。余。真。固。命。余。贊。
 頂。高。頰。秦。祖。佛。之。怨。唇。尖。鼻。缺。禪。庭。之。孽。天。
 下。人。憎。這。箇。老。傑。十五。十六。天。輪。地。軸。日。
 面。月。面。神。嗔。鬼。哭。少。室。從。風。竹。馬。年。而。今。莫。
 問。胡。家。曲。必。自。詒。一。首。壞。衲。曾。披。蒙。雪。頂。
 遶。軒。松。竹。冷。相。侵。虛。堂。夜。永。坐。將。半。花。落。崑。
 前。知。幾。深。山。居。四。首。一。片。片。殘。紅。隨。速。水。
 依。依。煙。樹。帶。斜。陽。橫。筇。石。上。誰。相。問。猿。嘯。一。
 聲。天。外。長。靜。聽。涼。颼。遶。洞。溪。漸。看。秋。色。入。
 冲。微。漁。人。撥。破。湘。江。月。樵。父。踏。開。松。子。歸。

攬。麥。重。重。覆。紫。煙。太。平。時。節。見。豐。年。野。雲。忽。
 散。孤。峯。出。列。派。橫。飛。落。澗。泉。凍。把。巖。根。雪。
 尚。稠。暮。雲。開。鑠。速。峯。頭。地。爐。骨。拙。高。燒。起。石。
 銚。烹。茶。時。一。甌。峇。雲。峯。正。大。師。二。首。溢。
 目。江。山。雪。正。深。捺。庭。寒。色。尚。沉。沉。尤。忻。象。外。
 有。良。契。時。以。嘉。言。慰。此。心。竹。齋。歌。挽。病。方。
 理。春。餞。梅。花。忽。寄。來。珍。重。此。思。何。以。報。措。筇。
 時。上。石。樓。臺。寄。道。友。散。盡。浮。雲。落。盡。花。
 到。頭。明。月。是。生。涯。天。垂。六。幕。千。山。外。何。處。清。
 風。不。舊。家。對。菊。澹。然。金。菊。映。秋。光。底。事。
 無。人。泛。玉。觴。擬。憶。陶。潛。舊。池。上。肯。教。和。草。過。
 重。陽。退。居。寄。承。天。偶。作。五。首。道。薄。常。慙。

繼祖歎。退居崑谷任春秋。齊時自有孟羨飯。
 六合清風卒未休。道薄常慙繼祖天。瞬眸
 金色已盧傳。而今猶舉僧伽眼。端坐鷄峯誑
 後賢。道薄常慙繼祖燈。老來林下笑盧能。
 抱腰持石長三尺。不愧黃梅會裏僧。道薄
 常慙繼祖心。九年何事絕知音。到頭無賴空
 迴首。皮髓分拏直至今。道薄常慙繼祖門。
 隨家豐儉且安貧。掌間日月瀕弥走。把住南
 星對北辰。十二時歌。鷄鳴丑。朕兆之前。
 還亂走。夢裏論量幾萬般。天明無是虛開口。
 平旦寅山河大地掌中擎。金剛焰裏空彈指。
 若眼胡僧來未能。日出卯。烜赫威光無剩。

少茫茫宇宙未知歸。競向途中闕機巧。食
 時辰南北東西誰是親。鉢裏不逢香積飯。深
 慙枉作出家人。禹中已信手拈來無不是。
 迷却南街走北街。草鞋踏破因誰置。日南
 午。翻出囊中無一縷。銅頭鐵額知未知。草偃
 風行立千古。日昃未休話真如。論實義官
 家不許夜行人。誰教醉酒街頭睡。晡時申
 遊子前來問要津。鉢盂打破渾閑事。茶盞少
 了却生嗔。日入酉。朝參暮請何曾有。不如
 靜坐念金剛。從他笑破衲僧口。黃昏戌。一
 點寒燈照幽室。鐘鼓喧轟開一場。摩訶般若
 波羅密。人定亥。啐啄之機。遣晒恠自從胡。

十五末

亂知幾年不曾少人一文債 夜半子開眼
尿床到如此老胡猶自涉崎嶇石塔空留鎮
熊耳 師嘉祐七年七月將示寂上堂有頌
住母六十五年爲僧五十七夏玄徒休問指
歸鼻孔大頭向下

士六

古尊宿語錄卷第四十二

永樂北藏

古尊宿語錄

第一九八冊

古尊宿語錄卷第四十三

七七

僧錄司右闡教兼鍾山靈谷禪寺住持淨戒重校

大鑑下十一世

黃龍南禪師法嗣

選

雲庵真淨禪師陝府鄭氏子坐夏大滿聞僧
舉僧問雲門佛法如水中月是否門曰清波

十七

無透路師乃領解徃見黃龍久而得旨其後

化道大行初住瑞州聖壽開堂日白槌罷

師乃召大眾云當須自觀若此觀者名為正

觀若他觀者名為邪觀邪正未分有疑請問

僧問列祖陞堂賢侯堅請向上宗乘請師舉

唱師云六六三十六進云常憶江南三月裏

永樂北藏

古尊宿語錄

鷓鴣啼處百花香師云好箇消息進云今日
即中承此善退身三拜謝師息師云深僧禮
拜問語默二途皆易辨師云得法嗣何人師
云早來向你道了也進云恁麼則黃龍的于
臨際親孫去也師云猶自卜度在進云而今
四海清如鏡行人莫與路為讎師云速禮三
拜問世尊出世梵釋相隨即中請師將何報
答師云一兩普及萬物咸滋進云一言生筆
下萬古落人問師云人間事又作麼生進云
浪盡還歸水月落不離天師云閑言語行者
問天地以萬物為芻狗聖人以百姓為芻狗
未審和尚以何為芻狗師云點進云禍入僧

第一九八册

門師云交行者擬議師便喝行者禮拜師云得與麼有前無後問此日人天普集太守臨筵祖意西來乞師端的師云的進云一句已蒙師指示向上宗乘事若何師云向下底進云若不登樓望焉知滄海深師云過進云四眾沾恩學人禮謝師云猶欠一著在進云傍觀者醜師云放有僧出云這裏是什麼所在師云好好問者且莫虛頭問如何是虛頭一句師云這虛頭漢僧無語師便喝僧擬進語師云鈍置然人進云真善知識師云你是不得也師於熙寧八年在洞山受請於法座前拈帖示眾云最初一句子便要眾人

知還曾歷良久云符到奉行維那宣帖罷師乃云大衆諸佛出興於世總祇赴箇時節且道貧道今日起箇什麼時節遂指法座召大衆云今古應無墜分明在目前便陞座乃云還有問話者麼時有僧問承古有言不見一法即如來方得多為觀自在如何是自在底事師云透七透八進云龍得水時添意氣虎逢山色長威聲師云暗進云前村深雪裏昨夜一枝開師云問言語問施主慙慙伸三請今日當筵事若何師云新豐洞裏水潺潺進云若然者得聞於未聞去也師云且道聞底事作麼生僧提起坐具師云杜撰禪和進云

大衆證明學人禮謝師乃噓噓 復云更有問話者歷良久乃喝云昔日大覺世尊起道樹詣鹿苑爲五比丘轉四諦法輪唯憍陳如最初悟道貧道今日向新豐洞裏只轉箇拄杖子遂拈拄杖向禪床左畔云還有最初悟道底麼良久云可謂丈夫自有衝天志不向如來行處行喝一喝下座 初入院陞座僧問天地亢陽顛垂一雨師云自有清涼者進云與麼則群生有賴也師云知恩者少進云雲散家家月春來處處花師云不易念得來問如何是聖壽境師云參差舊屋宇到者始應知進云如何是境中人師云一似不

相識進云人境已蒙師指示向上宗乘事若何師便喝僧禮拜師云不消一喝問昔日世尊出世坐斷乾坤今朝和尚出世意旨如何師云四衆圍繞進云大衆證明學人禮拜師云何不更問 復云青山淥水不能住白日紅塵却自歸而今避不得也且混俗和光十七 灰頭土面笑他林下人也要笑若解笑甚奇妙十字街頭拈得箇破布衲襖抖擻塵埃示衆人好不好曉不曉從他肉案頭歌叫喝一喝云回頭轉腦 晚參上堂僧問不離當處常湛然覓即知君不可見見即不問如何是不離底事師云傾心吐膽進云若不登樓三

望焉知滄海深師云祇如湛然底事又作麼
 生進云三門佛殿長相對翠竹松風滿院寒
 師云多虛不如少實進云也須檢點過師便
 喝復云彌勒真彌勒分身千百億時時
 示時人時人皆不識拈拄杖云還識麼千箇
 萬箇但識取這箇擲下拄杖下座因請

首座維那典座上堂問流水下山非有意片
 雲歸洞本無心如何是無心一句師云你是
 有心耶無心耶進云疊石峯高嶮白雲出故
 閑師云莫道無心好僧禮拜師云三十年後
 醒去在復云三德六味施佛及僧香積
 厨中善調在手三世諸佛向砧槌上聲聲相

應且道相應箇什麼良久云問取堂中第一
 座上堂僧問曉色未分人盡望及乎天
 曉意如何師云你見麼進云城隍雖淡薄林
 下道相親師云這裏是什麼處所復云
 有進有退有急有緩道在變通事乃成就監
 院荷擔竭力街坊善巧化人知客臨時接引
 長老據款結案還有不涉斯義者麼良久云
 明年更有新條在惱亂春風卒未休
 上堂僧問真則是幻幻則是真真幻既除道
 歸何處師云若有處所堪作什麼進云千江
 有水千江月萬里孤舟萬里身師云却不如
 是進云江上漁人空點頭師云適來向你道

什麼僧便喝師云好一喝僧又喝師云兩喝後又作麼生僧禮拜云猶嫌少在師乃噓噓復云大衆宿來萬福數日人事相煩更不一陳謝禮繁則亂知是般事便休且道是什麼事薦拈拄杖云風不鳴條兩不破塊堯風蕩蕩行人讓路萬姓歌歡筠陽城中誰家竈十七窟裏無煙張公喫酒李公醉捉拄杖云寒山拾得 上堂昨日有僧從泐潭來却往仰山去薦拈拄杖云筠陽城中聖壽院裏打鼓普請喫茶 上堂有化主問承古有言天得一以清地得一以寧君王得一以治天下未嘗衲僧得一時如何師云善爲化導進云

恁麼則紅塵路上無閑客也師云家家觀世音僧禮拜師云更須著力 復云我觀法王法法王法如是薦拈拄杖云穿却你諸人鼻孔換却你諸人眼睛還我法王法來乃喝云差之毫釐失之千里擲下拄杖下座上堂僧問十方佛土中唯有一乘法如何是一乘法師云百尺幡竿尾指天進云學人退身三步去也師云脚跟下七縱八橫進云月色和雲白松聲帶露寒師便喝僧亦喝師云這野狐精 復云宿來大衆萬福方期首夏已是初秋今朝改旦七月一日嗟乎流光電速四序推移是事不常人亦漸老還言不

涉老少者麼良久云八十翁翁着繡靴因道
 遲長老來上堂僧問一句了然超百億一句
 即不問如何是百億師云道士繫腰帶進云
 一堂風冷淡千古意分明師云番人頭戴冠
 進云大衆證明且禮三拜師喝云瞎漢
 復云青山深處人來我紅塵裏紅塵偶不見

十七

五

白雲與流水耳目何所分浮名與浮利爲是
 紅塵非爲復青山是是非兩途間幾多殊未
 已幸遇逍遙人可述逍遙理下座 上堂
 開雲門門七通八達却須知有開換子去著
 若也不知雖活如死現黃龍龍千變萬化更
 須到伊窟宅潛處若不到有眼如盲諸德我

觀法王法法王法如有眼者辨取
 因清涼長老到上堂熱惱既盡清涼現前分
 別不生虛明自照然後我當按拍海印發光
 汝暫舉心塵勞先起乃喝云三世諸佛一棒
 打殺填溝塞壑拋東擲西一任諸人看葛拈
 拄杖云過去諸佛亦如是現在諸佛亦如是
 未來諸佛亦如是遂擲下云看 上堂僧
 問如何是珠師云灿烂光明在目前進云滿
 城盡是知音者吟出新詩與衆看師云誰是
 知音者僧云大衆證明學人禮拜師云虛頭
 漢 復云一葉落天下秋老僧慵剝雪霜
 頭風浩浩水潺潺忙者自忙閑者閑終南山

色翠相倚湘岸橘朶紅鈎攀諸禪德會即途中受用不會且世諦流傳拈拄杖云不是途中受用又作麼生傳良久乃喝云夜靜水寒魚不食滿船空載月明歸 謝月化主上堂靈山話月曹溪指月聖壽今朝謝月且道與古人誰親誰疎莫有人辨得麼若也辨得將此深心奉塵刹是則名為報佛恩若辨不得無角鐵牛眠少室生兒石女老黃梅笑殺栽松道者參 上堂方經七月十五已是八月中秋徒知暑往寒來人老區區未休休休看看便是結交頭大眾丹霞老道底百骸俱潰散一物鎮長靈乃喝云無端騎聖僧上

室東西南北四維上下觀機設教應病與藥焉拈拄杖云馬大師來也看看日面佛月面佛一一為君重拈出若善服者病瘥藥除舉足下足無非道場不善服者藥病相治盡大地是藥觸途成滯遂擲下云祇在諸人面前便下座 上堂有時灰頭土面橫身荒草

十七

六

眾生處處著引之令得出其奈飢逢王饒不能食又爭怪得老僧 上堂德山呵佛罵祖承其言者多見德山者少黃龍佛手驢脚見黃龍者衆善其機者稀焉拈拄杖云欲得見德山麼遂左邊卓云看要知佛手驢脚麼後右邊卓云看乃橫云佛手驢脚我宗恢廓

德山披毛黃龍戴角萬化目前磊磊落落乃
 喝云眼空定動總是著縛下座 因等慈
 長老到上堂以平等慈度一切生洒一法兩
 潤一切物良由根機不等所受不同互有得
 失又爭怪老僧下座 上堂因城中失火
 僧問養兵千日用在一朝正當立國安邦為
 什麼各生退志師云千兵易得一將難求進
 云忽遇軍旗急速又作麼生師云自有安邦
 者進云與麼則汗馬不施功勞不著也師云
 你是什麼人僧便喝師云敗將不斬
 復云欵然火起焚燒舍宅及至煙消火滅萬
 事成空冷地裏一場懨懨遂喝云轉凡成聖

又是什麼人 永固長老至上堂幽固深
 遠無人能到到則山青水綠別是人間好諸
 禪德江月照松風吹永夜清宵何所為却怪
 長時杜鶴子春山無限好猶道不如歸
 上堂十月十五迎寒送暑唯有這箇不來不
 去該天括地亘今亘古雖則全彰要且^{七七}不露
 喝一喝下座 晚參上堂十七十八早是
 漏泄若也不會守繫驢橛上堂聖壽有時壁
 立千仞欲發人人之大機我與麼來你擬心
 早是踉過了也何故此事非汝思心注意常
 情之所能諸禪德盡情說了也合作麼生
 上堂十月二十五臨濟太崮開却雲門門

德山罵佛祖下座

上堂以字不成八字

不是有利無利不離行市蕎拈拄杖云寰中

天子塞外將軍擊禪床下座 晚參上堂

十月二十三天寒下暖簾黃昏一覺睡南海

出榆甘 上堂聖壽長老不會禪不會道

祇會解粘去縛應病與藥諸佛子無禪可參

無法可學棄本逐末區區客作不如歸去來

識取自家城郭城中自有法王尊一呼百諾

髻晃明月珠手振黃金鐸還要一切群生自

冢省覺來來應是從前佛法知見一時放却

乃得自己毘盧心印明廓乃喝云大丈夫兒

莫錯莫錯 上堂真不掩偽曲不藏直雪

後始知松栢操夜深方見把針人參

檀越散藏經請上堂奉佛至孝四郎及孝

手為先考二郎終七追薦乃請真如聖壽一

禪眾開轉大藏經一遍供僧一千負斯晨

郭齋以用表懺上件龍藏琅函靈文聖教

律論三藏五乘十二分諸佛之秘詮頓也漸

也半也滿也中也邊也權也實也種種法門

智慧海種種因果德相海種種進脩行願海

種種教導方便海種種依正究竟海種種互

融攝入海不可說不可說法門功德光明海

薦嚴先考二即超生淨界然冀四郎及孝眷

等生生世世獲大善慶居諸佛法會中共證

菩提乃召大衆今日與諸人在什麼會中慕
拈拄杖敲香卓云大衆還聞麼佛以一音演
說法衆生隨類各得解諸佛於此得之成一
切種智具正遍知菩薩於此得之獲無生忍
法眼清淨獨覺於此得之現神通光明出無
佛世聲聞於此得之證寂滅樂永斷後有天
人於此得之增長十善世人於此得之永盡
三業地獄於此得之頓超十地阿脩羅餓鬼
畜生於此得之永除癡業四生六類一切有
情於此得之各隨根性一一解脫且道長老
於此得之又作麼生良久喝一喝下座
上堂聖壽有時戴寶冠挂纓絡出來十人有

九人一時驚怖毀謗罵詈避走遠去見伊不
識遂更著垢弊衣與伊相見百人千人一時
讚歎歡喜信知我所得智慧微妙最第一衆
生之根鈍著樂癡所盲如斯之等類云何而
可度以拄杖擊香卓下座 因快山長老
至上堂快然大道祇在目前縱橫十字擬即
留連乃顧大衆良久喝一喝下座 上堂
舉僧問古德云深山裏還有佛法也無德云
有進云如何是深山裏佛法德云石頭大底
大小底小忽有人問聖壽云十字街頭還有
佛法也無但向伊道無為什麼無貪名逐利
大衆聖壽道無古人道有是同是別試斷看

新得出也大奇 在洞山受請衆請小參
師云新豐古洞萬疊爭攢悟本真宗千林竟
蕪古今勝地佛事長興所以昔日悟本大師
有時提唱唯有佛菩提是真皈仗處復喝一
喝云猶有這箇去就在諸德祇如大師道猶
作者箇去就在且道意作麼生還知落處麼
叢林中多有商量者有底道聞佛聞法似生
冤家况更有皈仗處故遭悟本大師檢點有
底道悟本祇要人休歇去有底道悟本祇見
錐頭利不見鑿頭方似與麼匹配又何曾夢
見他古人既不如是又且如何諸德此箇事
大須子細不可籠心一等參禪窮教到底宗

門中千差萬別隱顯殊途唯大智方明降茲
已往莫測涯際而今多是抱不哭孩兒打淨
潔毬子把纜放船抱橋柱澡洗彼此丈夫阿
誰無分若便明去驅耕夫之牛牽飢人之食
入火不燒入水不溺於一切處不留一切處
成就靈光獨耀烜赫殊分可謂蕩蕩乎落落
乎張起濟岸帆撥動渡人舟於生死海內白
浪堆中出沒去來逍遙自在乃喝云從他誇
任他非雨中蕪箬笠蓑衣而今暫別海門月
携魚且向市鄠歸下座
師住洞山在聖壽受請開堂宣疏白槌竟師
良久乃云會麼少室峯前曾示此高安灘上

復誰傳會中若有僊陀客莫學神光廢九年
 透唱云有疑請問僧問有一人欲出長安有
 一人欲入長安未審那箇在先師云多少人
 疑著進云不許夜行師云蚊子雖鐵牛進云
 山頂老猿啼古木渡頭新鴈下平沙師云長
 安人已入你合作麼生進云春日華山青師
 云者僧雖然後生却可與商量問新豐勝刹
 古佛道場侯伯請師願垂方便師云耀古騰
 今進云此莫是和尚為人處也無師云將謂
 是古佛道中人進云洞山境色重添翠悟本
 玄風復振清師云有甚了期 復云問話
 且止言多道遠然則通人分上無不可問

答縱橫何是何非不二門開一道清淨所以
 古人云道無不在觸事而真心若不邪所為
 目正正覺之道得在乎心不在乎言語道
 斷心行處滅非去來今今日一會法法本然
 心心本佛官也私也僧也俗也智也愚也凡
 也聖也士七地也悟則事同一家迷乃萬別
 十差差之毫釐失之千里遂拈拂子召大衆
 云一花開五葉結果自然成 施主捨法
 衣上堂僧問久晴無雨時如何師云點進云
 字人有賴也師云赫日燦破闍黎面門僧回
 首召云大衆高著眼師云三十年後有人笑
 你 復云諸佛出世咸披此衣說法度人

洞山今日亦被北衣說法度人遂拈起衣角
 召大衆云還有不受惡水潑者麼良久云月
 到天心白波歸海上清 上堂久晴忽雨
 久雨又晴天撥莫測吾道可明乃喝云具頂
 門眼者看 因請知事上堂至道無難唯
 憖揀擇豈可以親踈好醜擇而然後用之要
 用使用入到手中土作黃金拋來擲去滿目
 光輝也要衆人見諸德又作麼生不揀擇好
 醜而用之喝一喝下座 上堂佛法不順
 人情諸方長老開口盡道我會禪會道且
 道伊會也未無端向屎坑裏坐瞞神諱鬼似
 這般底打殺千萬箇與狗子喫有什麼過又

有一般禪和子大開着眼被伊孤魅殊不自
 知驀頭著屎洗亦不厭惡召云大衆彼此丈
 夫爭受與麼自己合作麼生下座 上堂
 欲雨不雨使我伸舉半陰半晴要汝惺惺果
 惺惺也與天地合其德日月齊其明乃喝云
 切忌拖泥帶水下座 上堂智不到處切
 忌道著道者則頭角生諸裨德古人一期唱道則
 無可不可若是洞山即不然智不到處正好
 道道不若時無所生無生大道關縱橫縱橫
 任運人難測新羅日午打三更參 上堂今
 朝八月一漸熱既消漸涼復至調燮人間育
 養萬類成就四時無思焉無為焉寂然不動

感而遂通祖師門下豈孤然哉是以真機無
 定祖道難思有時熱有時涼生也殺也撈籠
 萬有提掇四生破妄想塵出大經卷而無心
 焉而無為焉緣感乃應豈預接而待瘞乎諸
 禪德且作麼生是各各當人一卷大經會麼
 垢盡則明現也三千大千世界遐邇通載在於
 毫端十世古今始終不離於當念乃喝云不
 信自殊勝甘為下劣人 上堂摩尼珠人
 不識如來藏裏親叔得既叔得不護惜也要
 眾人見驀拈拄杖擲下云還識麼若識燒沉
 水香供養諸禪德明月照見夜行人良由不
 是他家事參 上堂佛法現前僧俗儼然

八月初五冷落秋天 晚參上堂有相身
 中無相身無明路上無生路志公和尚欺我
 等愚迷墜良為賤然則敢問諸人而今四大
 五蘊是有相之身那箇是當人無相之躰良
 久噀欲報先聖護念恩粉骨碎身又安得
 上堂舉雪峯云南山有條鼈鼻蛇汝等諸人
 出入好看玄沙云用南山作麼師云奇哉善
 知出處非父不生其子驀拈拄杖召大眾云
 南山鼈鼻蛇却在者裏便擲下云擬即喪身
 失命 上堂昔有五伯羅漢以六神通降
 一毒龍了不能得忽異方有一尊者至眾謂
 曰我等盡其神力降不可得尊者可能降之

尊者乃彈指一下其龍便伏諸禪德據此還
 有優劣也無若言無五百眾盡其神力皆曰
 不能此尊者一彈指而毒龍便伏既有優劣
 如何可明於此明得作箇出格道人動靜去
 來五眼不能覩十力不能知堪受人天供養
 日消萬兩黃金於此未明山門今日作齋供
 養羅漢十七且隨隊長連床上開單展鉢十二下座
 上堂祇知今日明日不知前秋後秋諸禪德
 休得也未便好休而今更有什麼事見麼四
 大海水灌入你諸人鼻孔裏須彌山突出額
 角邊三十年後不得辜負洞山長老
 上堂師子吼無畏說百獸聞之皆腦裂遂拍

禪床左邊云不是師子吼又拍禪床右邊云
 不是無畏說你擬心早是腦裂也更擬如何
 若何一隊野狐精喝一喝下座 上堂平
 旦寅狂機中有道人身乃喝云不是狂機又
 唾云不是狂機若作狂機會又爭得行住坐
 卧山河大地不是狂機且道作麼生是道人
 身良久云各自歸堂喫茶 晚參上堂此
 箇事學不得教不得傳不得須是當人悟始
 得悟得也可可地闊闊地了了明明地歷歷
 落落地一切神通變化悉自具足不用外求
 乃拈拄杖橫按云橫按鎖鑰全正令太平寰
 宇斬癡頑遂擲下良久喝一喝下座

上堂撫掌左右顧大眾云歸堂喫茶去曰發
 化主上堂出家沙門當清淨自活以乞食為
 正命食不過分離僑慢故以乞法為正念增
 長智慧不滯寂故慕拈拄杖云你有拄杖子
 與你拄杖子你無拄杖子奪却你拄杖子於
 此為得增汝智慧破汝僑慢火焰裏藏身游

十七

十三

泥中出現千手千眼大悲菩薩一任神通變
 化於此不薦有清泉兮恣汝飲有碧岩兮從
 汝栖切忌寒猿深夜啼謝主首上堂實際理
 地不受一塵佛事門中不捨一法拈拄杖云
 不是一法又捨箇什麼佛事也三德六味施
 佛及僧法界人天普同供養受供養則不無

還知滋味也無若不知分付與首座復敲香
 臺云五千餘軸言言異 一一龍宮海藏來
 遂擲下云實際理地不用安排分付與藏主
 上堂九日無白醪飽飡黃栗糕十日有黃菊
 催人打禾穀五更鐘未鳴隣鷄已數聲相逢
 不下馬各自奔前程參 上堂昨日風氣

暖今朝天色寒乾坤共著力衲子眼皮寬下
 座 上堂古德道從門入者不是家珍又
 你麼生是家珍慕拈拄杖召大眾云還見麼
 遂敲香臺復乃嚕嚕釋迦老子棒打不殺文
 殊普賢喚不回頭休休虛費力且隨流待伊
 時節至一葉落天下秋 上堂謝黃檗先

馳云分枝列派共闡宗猷祖令全提各隨機
變洒黃龍之一雨枯木重榮繼斷際之遺蹤
真燈再燭光我先覺以進後昆不任歡慶某
無似之者何承先馳上人遠離鷲嶺深入洞
山得得馳書叙某法乳過沐周勤仰荷弗已
復拈拄杖召大衆云實謂雖與我同條生不
與我同條死阿喇喇也大奇算來彼此丈夫
兒睡則同床各自夢古今此理少人知少人
知付先馳傳歸鷲嶺分明舉向師 上堂
洞山門下要道便道要用便用教得眉毛失
却鼻孔乃唱云久雨不晴參 出縣回上
堂云三日不相見不得故眼相看是何言歟

洞山數日不相見相見祇是舊時人乃合堂
云不審過去諸佛現在諸佛未來諸佛參退
喫茶 謝監院上堂僧問用之則行捨之
則藏時如何師云斬新日月特地乾坤進云
龍得水時添意氣虎逢山色長威猙師云且
得天下太平進云與麼則道泰不傳天子令
師云老僧被你鈍置一場 復云身是光
明幢心是神通藏大衆各自照顛抖擻精神
而今現定僧也如是俗也如是釋迦也如是彌
勒也如是還有人信得及麼若信得及不為
分外若信不及亦不虧欠信與不信光明幢
神通藏各自參堂去下座 上堂舉僧問

雲門如何是和尚家風門云有讀書人來報
 諸德千聞不如一見又作麼生見良久云秋
 為分明極翻令所得遲 上堂洞山門下
 八凹九凸交加加屈曲曲崎崎峇峇嶼
 嶼岬岬水雲掩映煙嵐重疊一道直截觀者
 遊者十人九人舉步早是迷却路頭也其中
 莫有不迷者麼乃唱云且道洞山路頭在什
 麼處 上堂舉昔日天台國濟寺因炙茄
 次有拾得以竹帚向維那背上打一下維那
 叫直歲你看這風顛漢拾得云蒼天蒼天寒
 山問你打伊作什麼拾得云費却多少鹽醬
 諸禪德拾得打維那實謂費鹽醬多也為當

別有道理明眼衲僧試出來看一為眾決
 疑已晚未悟二表自己參學辨其是非冷地
 裏說葛藤貶剥古今不為好手有麼若無老
 僧為你決疑去也直歲苦苦告退再三留得
 寒山拾得惣分付却掃地底教掃地燒火底
 教燒火諸寮兒子莫令空過饒舌豐干到來
 老僧為伊勘過監院維那典座直歲更須要
 知寒山拾得姓箇什麼若也不知異日他時
 總遭伊把鼻孔領過喝一喝下座
 上堂光剃頭淨洗鉢好便住思便脫好諸禪
 德莫將世俗見埋沒道人心 上堂洞山
 深幽且固千年林木生煙霧林間多少葛藤

枝左攀右惹難回互回而更相涉不爾依位
住阿呵呵將謂洞山多葛藤元來却是參同
契乃唱云明眼袖僧莫容易 上堂但知
隨例貧餓子也得三文買草鞋祇如新婦騎
驢阿家牽又作麼生直饒道得更問祖師鼻
孔長多少在下座 上堂但離虛妄名為

解脫其實未得一切解脫作麼生是一切解
脫驀拈拄杖云閑又云雲門大師在拄杖頭
上踣跳還見翠岩眉毛麼若也不見洞山為
你注破長慶來也遂擲下云吹笛打鼓普請
看 上堂謝莊主監收云參玄上士未道
高人於動靜日用間百事成現受用具是一

一要知來處所以古人云譬如大地何物不
從地之所生諸佛唯指一心何法不從心之
所立洞山分野地之所生或麥或麻或豆或
稻然非其人則不能成辦安立既有安立得
不勞乎神用然神用雖勞粒粒不落別處且
道落在什麼處遂拈拄杖擲下召大眾云見
麼阿誰無分知來處麼若知可謂不風流處
也風流 上堂久參先德不在此限後進
初機不用妄想更依倚箇什麼何不撥開自
己心地靈源放出神通光明滔滔流注成辨
佛事豈不快哉驀拈拄杖云不是神通光明
又擊香卓云不是佛事遂擲下良久喝一喝

云夜半烏鷄誰捉去天明帶雪遭指註

上堂識情安排工夫造作一向攀緣已事荒

却不信吾家正遍知論劫莫能成正覺喝一

喝下座 上堂舉三聖云我逢人即出出

即不為人興化云我逢人即不出出即便為

人師云看者兩箇老古錐竊得臨際些子活

計各自分疆列界氣衝宇宙使明眼衲僧只

得好笑諸禪德且道笑作什麼還知落處麼

若知一任七顛八倒若不知且向三聖興化

葛藤裏咬嚼下座 除夜小參云一年將

盡夜萬里未歸人今夜一衆盡是他鄉之子

目何不歸阿呵呵直饒便歸得歸得亦無家

正是諸人歸處歸得麼君不聞龐居士云十

方同業會箇箇學無為此是選佛塲心空及

第歸以拂子敲禪床便起 歲旦上堂不

見一法即如來方得名為觀自在諸禪德今

日人人添一歲還見麼若不見又道人人添

一歲若見在什麼處安著既見著處便見出

處既明方能世出世間於法自在觀自在菩

薩拈錢買餠餅放下却是饅頭好諸禪德一

年添一歲一歲一如來拈拄杖云拄杖子亦

成佛也看 上堂佛法二字不用道著道

著則頭角生古人祇解殺人不解活人何不

道佛法二字一一現成諸禪德欲知佛麼祇

諸人是欲知法麼祇諸人日用者是是是不是即也大奇不是也大奇殺也活也一處不通兩處失功兩處不通觸途成滯出州回上堂山中城裏事不相知有一句子未敢泄機候遍到寮中一一當面分付直是臨時各自著精彩莫教蹉過十七發化主後上堂

十七
可者月餘朝束裝有煩知事首座大衆一動一靜寧不有勞然則勞動若是道人分上無非佛事所謂往復無際動靜一源苟契神於動靜則無滯於往還心迹不生順逆何欲此則於心無心於事無事又何妨於動靜往還之勤其或得之者正乎心失之者亂乎性蓋

得失之自殊非動靜之有異乃拈拄杖擲下喝一喝下座上堂放過一著落在第二仲春漸暄景色明媚一衆高人起居輕利莫有不涉春緣底磨良久云遠道擎空鉢深山踏落花上堂相拋有十日歸來山水中眼開如夢覺是事半成空喝一喝下座

上堂欲識佛性義當觀時節因緣古人無端向虛空裏釘橛誑惑後人今日四月一初夏時節久雨不晴伏惟知事首座大衆道躡萬福更討什麼佛性義你諸人各自有眼有鼻有口有耳何不散去莫妨我東行西行下座上堂舉雲門云劄久雨不晴師云雲門雖善

正時變豹東割西割未免和泥合水和泥合
 水即且止祇如雲門云割是那箇割字莫有
 明眼衲僧識麼若識雲門有甚氣息若不識
 衲僧有甚氣息祇者氣息有鼻孔者辨下座
 上堂此事如明珠在盤不撥自轉有底撥不
 轉按不活又爭怪得老僧要識明珠麼各自
 歸堂喫茶 上堂聖僧每日入骨入髓
 諸人說適來擊鼓重為宣揚更待長老開口
 動舌又堪作什麼老僧恁麼道也是為蛇盡
 足 結夏日上堂十方聚會三月一結息
 狂妄心除苦惱熱獲勝清涼證大寂滅到波
 羅岸出生死轍以此聖制故不虛設聲聞緣

覺不見不聞三世諸佛祇可自知衲僧跌不
 出打在繼續裏動即開眼屎床夢中說夢且
 向洞山門下九十日討箇活路 上堂
 昔日監官常教僧看見性法門聞大瀉亦爾
 密遠二僧往探之既至座下凡百提唱俱不
 識乃生慢意一日會小釋迦曰你莫麓心小
 釋迦遂作一圓相以手捧向前二僧又不識
 小釋迦云你莫麓心便起去師云小釋迦三
 昧二僧不知洞山門下莫有知者麼是什麼
 三昧良久云打麪還他州土麥唱歌須是帝
 知人 上堂槌鐘復擊鼓日輪正當午拾
 得語寒山蓋龍却得虎下座 上堂臘月

二十新豐一泉衲僧巴鼻滴水滴凍

上堂人貧智短馬瘦毛長趙州云我青州做
一領布衫重七斤師云有年無德洞山見兔
放鷹知生不知其死大衆欲出生死不涉有
無大用現前勿隨言語請首座典座及道遠
和尚來上堂不動真際為諸法立處昨日監

匠名今朝首座號緣應百千般立處頭頭妙
典座把杓柄一一臨時料衆口若能調道還
同一道諸法立處今已彰作麼生說箇不動
真際底道理唱一喝下座 上堂佛法門
中有縱有奪縱也四五百條花柳巷二三千
所管絃樓奪也天上天下唯我獨尊不縱不

奪又作麼生良久云長把一聲啼去笛夜深

吹過汨羅灣下座 目華嚴座主到上堂
法界者一切衆生身心之本躰也乃拈拄杖
云不是法界是諸人無始以來靈明廓徹廣
大虛寂之妙躰故此土他界天堂地獄六凡
四聖情與無情同一無異無壞無雜猶帝網

之明珠互相融通更相涉入可謂無邊刹境
自他不隔於毫端十世古今始終不離於拄
杖頭上若爾則何啻擲大千於方外納須彌
於芥中而今百億日月百億須彌百億世界
都在拄杖子裏許乃擲下云擲在諸人面前
還見麼信得及麼不思議解脫力神通遊戲

妙用現前非假於他術皆吾心之常分耳喝
 一喝下座 出州回上堂古人道去去實
 不去途中好善為來來實不來路上莫虧危
 古人見不透脫強生節目惑於後人洞山即
 不然來但言來去但言去有什麼過老僧入
 州途中晚便住曉便行又善為箇什麼歸來
 路上因便歇飢便飯又有什麼虧危今復林
 下與諸道人相見又有什麼事參退喫茶
 上堂季冬極寒伏惟知事首座大眾尊躰萬
 福仲冬已過孟春未季冬現前過去已過
 去未來實未來現在當無住三世既不畱四
 時何處去若爾則衲僧門下是是非非長長

短短有什麼過喝一喝下座 上堂入州
 僅十日出縣又兩朝此心苟無為動靜皆道
 選拈拄杖云拄杖子不可不道遙良久云莫
 動著動著則打折你驢腰 晚參上堂舉
 僧問古德覲面來時如何答云分付與典座
 又云如何是有漏答云眾籬如何是無漏答
 云木杓師云眾籬木杓一時分付與典座更
 莫外求一一現成物雖常式妙在乎人有底
 祇在面前拽不來推不去縱拽得來有千疑
 萬慮不敢用有底信手拽來超今越古所以
 德好省力是即是還有超佛越祖底道理也

無試新看新得出僧堂裏一任橫咬豎咬若
斷不出有煩新舊二典座上堂舉古有僧
半夜大叫云我悟也傍僧把住云你悟箇什
麼其僧云師姑元是女人做師云善即甚善
賺然多少人却須知有賺人處洞山也有箇
悟處悟箇什麼化主元是徒弟做羨即甚羨

十七

二十

笑煞多少人却須知有笑人處賺人笑人兩
語雙陳飽參衲子試辨踈親 復云僧問
雲門如何是雲門一曲門云臘月二十五師
云今日是臘月二十五若作雲門曲又是臘
月二十五若作臘月二十五又是雲門曲又
云唱者如何門云且緩緩師云雲門云且緩

緩為不肯這僧也別有道理良久云一般佛
法從人妙兩處請訛試斷看 歲旦上堂
去年貧未是貧今年貧始是貧去年貧猶有
卓錫之地今年貧雖也無師云香嚴與麼道
奇特甚奇特要且只知其貧不知其富洞山
即不然去年富未是富今年富始是富去年
富唯有一領黑黪布褊衫今年富添得一條
百衲山水袈裟歲朝抖擻呈禪眾實謂風流
出當家諸禪德洞山與麼為復是不肯古人
耶為復扶古人耶試辨看 立春日因雪
上堂大地雪漫漫春來依舊寒說禪說道易
成佛作祖難洞山則不然而今坐立一一成

佛作祖何更有難有易遂拈拄杖云不可不成佛所以假言三十二八十也空聲拄杖子喚作成佛不是空聲擇迦彌勒文殊普賢不是空聲而令觸目遇緣萬別千差不是空聲都無實事佛法到者裏也要人有麼有麼乃擊香臺下座 上堂發化主舉王大王向

雪峯會裏請晏監院住鼓山雪峯謂眾曰有一隻聖箭子入九重城裏建立佛事去也有孚上座去中路截住問云承聞聖箭子入九重城裏去是否晏云是孚云忽遇三軍圍繞時如何晏云他家自有通霄路孚云與麼則離宮失殿去也晏云何處不稱尊孚遂回謂

雪峯云聖箭子途中折了也峯云他道什麼孚舉前話峯云奴奴他語也得孚云和尚脰膊終不向外曲師云雪峯雖為一千五百人善知識受侯王供養福報因緣即不無若是佛法未在洞山則不然云和尚聖箭子途中折了也云他道什麼師云待伊舉了拽拄杖打將出去一使孚上座於後作箇本色衲僧二與聖箭子出其鋒鏖三與禪門作箇真正宗匠為後人眼目諸神德是也不是有眼者辨取良久云洞山也有三隻聖箭子各往一方作大佛事莫有作家戰將向途中截住將聖箭子總與摺折却來洞山手裏請捧喫有

麼有麼若無明日普請向新豐亭上隨例喫
 茶相送 上堂舉悟本大師云古路坦然
 誰措足無人解唱還卿曲清風月下守持人
 涼兔漸暹春草綠乃拈拄杖云不是古路豈
 不坦然我措足也海印發光只是少人信復
 舉香卓云不是還卿曲且作麼生唱若唱得
 五音六律應難比步步逍遙達本鄉唱未得
 也守株月下渾閑事却恐蹉跎過一生喝一
 喝下座 施主捨大藏經函上堂僧問施
 主入山崇勝事琅函星布意如何師云天無
 私蓋地無私載進云恁麼則佛法得人未鎮
 龍宮師云日月昭彰進云一人有慶兆民賴

之師云者僧却善知時節進云施主沾恩學
 人禮拜 復云世出世間法立處皆相參
 舉天便有地舉地便知南舉僧便見俗舉聖
 便明凡以新當見舊以經方顯函宜哉一一
 法所立皆雙兼雙兼不涉二所立無不堪此
 大解脫門智者乃深諳故石頭禪師云當明
 中有暗勿以暗相親當暗中有明勿以明相
 遇明暗各相對比如前後步乃拈拄杖云且
 道是明是暗跳得出也大奇跳不出且在明
 暗裏只這明明也大難明遂擊香卓下座
 上堂丹霞燒木佛院主看鬚落又教中云未
 見自作他受他作自受若爾則禪門與教乘

敵躄相違故丹霞自燒木佛傍僧受殃未審
 此理如何莫有人明得麼良久云若無人唯
 澄公首座深明此理希諸高德旦暮親而扣
 之就而明之下座 上堂丹霞燒木佛院
 主眉鬚墮落驀拈拄杖云不是木佛便擲下
 云誰敢燒你擬即看鬚墮落不擬又且如何
 遂高聲叶行者拈起拄杖下座僧云大眾證
 明學人禮謝師云你作麼生會僧便喝師云
 掠虛漢僧又喝師云一任踣跳僧云也不得
 放過師却喝 復云五月六月飛霜散雪
 水中火中藕白蓮紅參 解夏日小參師
 云有問話者麼乃以拂子擊禪床云天地造

化有陰有陽有生有殺日月照臨有明有暗
 有隱有顯江河流注有高有下有墜有決明
 王治化有君有臣有禮有樂有賞有罰佛法
 住世有頓有漸有權有實有結有解結也四
 月十五十方方法界是聖是凡若草若木以拂
 子左邊敲云從者裏一時結舉拂子云總在
 拂子頭上還見麼乃喝云解也七月十五日
 十方方法界若草若木乃聖乃凡以拂子右邊
 敲云從者裏一時解舉拂子云總在拂子頭
 上還見麼乃喝云祇如四月十五日已前七
 月十五日已後且道是解是結舉拂子云總
 在拂子頭上還見麼乃喝云諸高德此三喝

中有一喝是金剛王寶劍有一喝是踞地師
子有一喝是探竿影草若人一一辨得始見
臨濟大師道出常情黃檗被掌大愚遭棗雖
相去三二百年許你親為的子然後大開不
二妙門權諸祖道摧邪顯正扶宗立教整頓
頹綱縱大知見耀大法眼不動本際決勝魔
軍乃喝云更須知有一喝不作一喝用者
裏須是具爍迦羅眼向未痾已前驀提得去
諸德且道提得箇什麼良久喝一喝下座
因檀越入山小參師云衆中還有具頂門上
眼底衲子出來照天照地看問鋪席既開當
路畔行人爭忍不相過師云我這裏釣鰲魚

跛鼈出來作什麼進云未審招賢事若何
師云你不是賢者進云欲觀深閣內更打一
重関師云笑煞傍觀問昔日龍女獻珠得成
佛道未審施主設齋還成佛也無師云善惡
若無報乾坤必有私進云有水皆含月無山
不帶雲師云却是闍黎會得好
問荅了後云還更有問話底麼良久云三十
年弄馬騎却被驢撲遂撫膝云直得須彌巖
累海水騰波三十三天一時退位十八大地
欸盡乃侍酸見麼若者裏見得釋迦拱手彌
勒攢眉文殊普賢與伊作侍者若也不見看
我七縱八橫且向葛藤裏薦取阿呵呵諸高

德且道我笑箇什麼噫我笑昔日雲門臨濟
 德山岩頭螢火之光蚊蚋之解一人道我可
 佛罵祖一人道我得末後句一人道黃檗佛
 法無多子一人道大覺世尊初生下時一手
 指天一手指地天上天下唯我獨尊我當時
 若見一棒打殺與狗子契似者一隊掠虛漢
 總只一期無佛處稱尊若是如今喚來一時
 與伊生按過自餘之輩放過即不可豈不聞
 僧問乾峯云十方薄伽梵一路涅槃門未審
 路頭在什麼處乾峯拈拄杖云在者裏祇如
 乾峯恁麼曾夢見也未若是老僧即不然十
 方薄伽梵一路涅槃門未審路頭在什麼處

二十四未

擗脊便棒却問伊路頭在什麼處待伊擬開
 口熱喝出去更有箇雲門折脚老比丘不分
 緇素不辨正邪拈扇子云踔跳上三十三天
 乘著帝釋鼻孔東海鯉魚打一棒兩似盆傾
 似者般和泥合水漢糞掃堆裏埋却十箇五
 箇又有甚過阿呵呵樂不樂足不足而今幸
 對山青水綠年來是事一時休信任身心懶
 拘束大眾休瞌睡好下座

古尊宿語錄卷第四十三



七七

古尊宿語錄卷第四十四

士八

僧錄司右闡教兼鍾山靈谷禪寺持淨戒重獲
真淨禪師語

住報寧開堂日拈香云此一瓣香恭為

今上皇帝祝延聖壽萬歲萬歲伏願堯風
永扇同日月之盛明湯德弘新共乾坤而久

士八

七

固此一瓣香恭為報寧大檀越主特進相公
判府左丞伏願舉族享於百祥小大增乎善
慶更異特進相公判府左丞兄兄弟第長為
佛法之壑墻子子孫孫永作皇家之梁棟此
一瓣香奉為提刑大夫運判朝奉洎文武官
僚常居祿位然提刑衆官夙承佛記示作王

永樂北藏

古尊宿語錄

臣佛法長與外護斯在以因向果皆成佛道
於是跌坐白槌竟師乃垂一足云大眾為是
一耶是二耶良久云上士一訣一切了中下
多聞多不信有疑請問僧問昔日梵王請佛
蓋為群迷今朝相公請師當為何事師云看
進云與麼則靈山一會今日親聞師云聞底
事作麼生進云大眾證明師云錯問遠離洞
山丈室已坐報寧道場如何是不動尊師云
東西南北進云一言已布王官耳吾道今朝
得再昌師云大家在者裏進云相公證明學
人禮謝問昔日李公登藥嶠雲在青天水在
瓶今日臣相請師未審有何言句師云金槌

第一九八册

帶葉摘綠李和衣嚼 進云與麼則法不
 孤起仗境方生師云重疊關山路進云泊乎
 蹉過師云不少也僧問曹溪一路關國人聞
 報寧一路什麼人聞師云天下人聞進云莫
 是和尚為人處也無師云且得你承當進云
 作家宗師師云一任關黎小度

復云欲識佛性義當觀時節因緣時節既至
 因緣自會大眾今日一會要知麼是大眾成
 佛時節淨緣際會大丞相荆國公及判府左
 丞施宅舍園林為佛刹禪門固請大善知識
 開演西來祖道所以教外別傳直指大眾即
 心見性成佛大眾信得及麼若自信得及即

知自性本來作佛縱有未信亦當成佛但為
 迷來日久一乍聞說誠難取信以至今今天
 下善知識一切禪道一切語言亦是善知識
 自佛性中流出建立而流出者是末佛性是
 本近代佛法可傷多棄本逐末皆正投邪但
 認古人一切言句為禪為道有甚干涉直是

十八

二

達磨西來亦無禪可傳唯只要大眾自悟自
 成佛自建立一切禪道况神通變化眾生本
 自具足不假外求如今人多是外求蓋根本
 自無所悟一向客作數他人珍寶都是虛妄
 終不免生死流轉大眾今二相公特建此道
 場作大佛事出大眾生死流轉復大眾本來

廣大寂滅妙心開發本來神通大光明正法
眼藏但迷則長居凡下悟則即今聖賢大眾
言多去道轉遠笑他明眼道人衆中莫有明
眼道人麼今時佛法渾濫要分邪正使大眾
不墮邪見作人天正眼有麼良久云我終不
敢輕於汝等汝等皆當作佛下座 上堂

淨法界身本無出沒大悲願力示現受生乃
拈拄杖云釋迦老子又來也只為子孫不了
大眾若喚作釋迦又是拄杖子若喚作拄杖
子又是釋迦於此莫有人斷得麼若無報靈
潑惡水去也良久云容顏甚奇妙光明照十
方我昔曾供養今復還親覲遂擲下下座

永樂北藏

古尊宿語錄

因請主事上堂祖師門下燈燈相續心心相
印一燈滅而一燈然一心隱而一心照故萬
般之事須藉心明心若不明是事失準諸禪
德要不失準麼僧堂裏大家著力 上堂
日出心光曜天陰性地昏不知天地者剛道
有乾坤直饒識得心大地無寸土廓徹十方

十八

三

自性境界觸事全真若透不過眼不開俱屬
勝量已見愚故菩薩遊戲神通淨佛國土成
就衆生心不喜樂所以若論此事實謂止止
不須說我法妙難思諸增上慢者聞必不敬
信乃喝云向下文長 上堂臘月二十八
一年將合煞孟春又到來萬事從頭活遂拈

第一九八册

拄杖擲下召大眾云拄杖子已活也見麼爲
 他無佛法禪道知見所以不被四時八節聲
 色所轉諸禪德莫也要活麼但是事一時放
 下當人一大事全軀出現自然活拈拄杖著
 齧齧齧齧如虎戴角阿呵呵下座 上堂
 好諸禪德若能離諸相定入法王家法王法

道恢廓無涯威德自在勝伏群邪一心空寂
 妙用河沙 上堂七分八分百億妙門黃
 龍老傑累及兒孫然則知息方解報恩莫有
 解報恩底麼你是箇漢纔聞報寧說汝只道
 得七八分便好拽倒地 上堂面唾槌煞擲與
 狗喫豈不快哉亦未爲分外阿呵呵空將未

歸意說向欲行人 上堂舉臨濟一日與
 晉化在施主家齋際云毛吞巨海芥納須彌
 爲復是神通妙用法爾如然化便踏倒卓子
 際云得即得太龕生化云若裏是什麼所在
 說龕說細至明日又去一家齋際又問昨日
 供養何以今日化又踏倒卓子際云得即得

太龕生化云瞎漢佛法說甚龕細師云古人
 一等參禪悟得脫洒見處明白得用便用不
 在擬議之間何也爲他無佛法知見爲礙而
 今莫有無佛法爲礙者麼良久喝云設有又
 打在無事甲裏 請首座上堂一番新一
 番舊新舊相資要成就諸禪德且道成就箇

什麼為成就佛事耶成就道場耶成就叢林
 耶若與麼成就豈有教外別傳乃拈拄杖云
 此為復是教內教外是新是舊不得喚作枉
 杖子便成就取好遂擲下下座 上堂好
 大衆也無禪也無道也無玄也無妙快活當
 明者一竅一竅不明愁煞人動即依他和屎
 合屎參 士八 上堂法無定旨深淺隨機通人
 分上祇可自知莫有通人磨點則不到喝一
 喝下座 上堂僧問學人一面琴不是凡
 間木令朝捧上來請師彈一曲師云大衆側
 耳進云得聞於未聞去也師云是何指法僧
 提起坐具師云哀哉哀哉汝命何太短進云

且喜無交涉師云不是知音進云不如歸去
 米惹嶺有人憶師云何得忘却焦桐進云在
 者裏師云放下著 復云適來一曲諸人
 罔措再為一彈快須聽取驀拈拄杖橫按良
 久云一曲兩曲聞不聞悲風流水何方去卓
 拄杖下座 上堂長安甚鬧我國晏然甚
 拈拄杖云雲門大師來也割久雨不晴以拄
 杖敲香卓云新羅在海東臨際小厮兒祇具
 一隻眼普化賊漢佯狂詐顛耐耐豐干饒舌
 指出文殊普賢 上堂心隨萬境轉轉處
 實能幽隨流認得性無喜亦無憂好諸禪德
 恁麼也得不恁麼也得恁麼不恁麼總得如

來說一合相即非一合相須菩提好與三十
 棒下座 上堂僧問聲前薦得未是作家
 喝下承當猶為鈍漢學人上來請師相見師
 云家富小兒嬌進云也是說道理師云與你
 一文錢進云今日不著便師云養子之緣僧
 便喝師云不要哭不要哭問昔日相國之家

今朝佛僧之舍未審是同是別師云白鷺灘
 頭月進云不曉師機願垂方便師云緊峭草
 鞋僧擬議師云重疊關山路 復云萬般
 施設不如常又不驚人又久長好諸禪德古
 人道處今人行履可謂似地擎山不知山之
 孤峻如石含玉不知王之無瑕良久云祇恐

不是玉是玉也大奇 上堂舉三聖問雪
 峯透網金鱗以何為食峯云待爾出得網來
 即向你道三聖云一千五百人善知識話頭
 也不識師云俊哉俊哉快活快活恰似一隻
 鷄子莫驚著報寧即不然透網金鱗以何為
 食待你出得網來即向你道待他道一千五

百人善知識話頭也不識但拽拄杖打出三
 門外復云也好快活恰似一隻虎莫動著諸
 禪德且道報寧快活何似三聖快活莫有快
 活底漢麼出來定當看良久喝一喝云把手
 拽不住 上堂僧問焚香煙上騰集四眾
 座下為復是神通法爾為復是終不與麼師

云一時被閻黎道了也進云有意氣時添意氣不風流處也風流師云你作麼生會僧便喝師云儻侗裡和僧又喝師擲下拂子云何不更打一棒僧擬議師云捧上不成龍可真淨界中終一念閻浮早是八千年還許學人稱真淨之名也無師云許進云若然者永劫飄流無時解脫師云百草頭上薦取老僧進云恁麼則小出大過去也師云且莫錯認好僧禮拜師云果然復云佛法二字也大難明三世諸佛向你諸人脚跟下走過你擬要見他早是眼睛落地薦拈拄杖擲下云你且道三世諸佛與拄杖子相去幾何良久喝

一喝下座 上堂舉雪峯云南山有條鱉鼻蛇你等諸人出入好看師云雪峯無大人相然則蛇無頭不行長慶恰如箇新婦兒怕阿家相似便道堂中今日大有人喪身失命雲門拽拄杖攬向雪峯面前作怕勢師云為蛇盡足玄沙云用南山作什麼師云道我見處親切不免只在窠窟裏更無一人有些子天然氣槩報寧門下莫有天然氣槩底麼不敢望你別懸惠日獨振玄風且向古人鶻鼻布衫上知些子氣息也難得上堂舉起拄杖云舉起也靈光洞耀迥脫根塵復斜亞云放下也躡露真常不拘文字不舉不放復名

何物遂擲下云看良久喝一喝下座

上堂云東家杓柄長西家杓柄短拈起黑漆

盆却是白茺盆大唐天子笑不休火裏唧噥

三隻眼參

住歸宗開堂日拈香乃跌坐摸賢長老白檀

了便有僧出問草庵孤坐誰知出格家風拄

杖橫空未審是何宗旨師云雲開五老水滸

雙溪進云若然者劔為不平離寶匣藥回救

病出金瓶師云一條界破青山色進云忽遇

五馬行春日萬家和氣生又且如何師云却

被闌黎道著進云海神知貴不知價留與人

問光照夜師云靈利衲僧問飛錫一聲天地

動炉煙起處遍乾坤為國開堂於此日師將

何法報皇恩師云耶舍塔前消息在進云

皇恩答處蒙師指朝宰臨筵事若何師云已

有隨車兩何須動地雷進云若然者虎出渡

河皆此日珠還合浦賀今朝師云知恩有幾

人七復云諸佛心印祖祖傳授所謂教外

別傳者蓋取其要妙也其要妙之道在人

在教乘所以歸宗長老得之以明妙心印印

僧俗大衆彼我無差同成佛道還信得及麼

權郡大夫得之以妙明心印印一郡千里之

事則自然殊途同歸一毛頭一一明了一一

無差然後卷舒自在縱奪臨時皆吾心之常

分非假於他術提刑都官得之以妙明心印
印十方華藏世界海祗在一毛頭於中或行
或坐或去或來遊山翫水選勝尋幽法喜禪
悅皆吾心之常分非假於他術衆官得之各
以妙明心印印之則王事民事一一明了一
一無差然後可行則行可止則止皆吾心之
常分非假於他術諸山禪師得之三世諸佛
一切法門各以妙明心印印之則法法明了
一一無差然後應機接物通變臨時或日面
月面佛手馱脚或豎拂拈槌或呵佛罵祖作
大佛事皆吾心之常分也遂拈拂子劃云劃
斷葛藤便擲下云是什麼良久喝一喝下座

永樂北藏

古尊宿語錄

師在筠州九峯辭衆晚參遂舉拂子云昔日
世尊拈花迦葉微笑今夜歸宗舉拂大衆寂
然為復寂然者是微笑者是又是箇什麼只
如歸宗舉拂與世尊拈花是同是別若言同
法無同相若言別豈有兩般久參先德聞舉
便了後進初機却須子細良久云法法總歸
宗臨機要變通靈源明妙處平等主人翁間
遠離九峯丈室已屆歸宗道場如何是不動
尊師云鷓鴣啼處百花香進云萎花風掃去
香水雨飄來師云今也如是古也如是進云
若然者將為少林消息斷如今蹤跡宛然存
師云如何是少林消息僧禮拜師云點印不

第一九八冊

到師云佛法要妙但歸其宗苟歸宗也自然無可不可一切成現海印發光今與大眾同已歸宗住平等本際敢問何者是宗何者是

要妙良久云祇為分明極翻令所得遲上堂為新舊化主云舊者已還新者復作新舊相資放過一著遂拈拂子云不可作新舊

士八

會既不作新舊會又落在甚麼處若知落處受用無窮若不知落處亦受用無窮知落處受用無窮則可知不知落處因甚麼受用無窮明眼衲僧試斷看 上堂舉赤眼因見蛇便與斬斷傍僧曰久嚮歸宗元來只是箇鹿行沙門眼曰你鹿我鹿師云大眾只如赤

眼斬蛇向其僧道你鹿我鹿且古人見處作麼生遂舉拂子云今日歸宗舉拂子與當時歸宗斬蛇是同是別良久云人人有箇天真仰妙用縱橫總不知今日分明齊指出斬蛇舉拂更由誰 上堂今日乃是第二箇四月不見古人道放過一著落在第二雖然第

二未免祇是前來孟夏漸熱乃呵呵大笑云有利無利不離行市西川成都府漏籃子一文錢三箇五箇撒在諸人面前一一可以治病又且不知廬陵米作麼價 上堂師乃到法座前顧視大眾便歸方丈 上堂云南泉斬猫兒與歸宗斬蛇叢林中商量還有

優劣也無優劣且止只如趙州帶鞞鞋出去
 又作麼生若也於此明得德山呵佛罵祖有
 什麼過於此不明卅霞燒木佛院主眉鬚落
 所以禍福無門唯人自召喝一喝下座
 上堂你有拄杖子我與你拄杖子你無拄杖
 子奪却你拄杖子大眾見錢買賣莫受人謾
 知麼有利無利不離行市阿呵呵却憶趙州
 勤婆子不風流處也風流喝一喝下座
 上堂舉僧問雲門如何是雲門一曲門云臘
 月二十五忽有人問歸宗如何是歸宗一曲
 但向伊道五月二十五且道歸宗與雲門意
 作麼生今之與古相去幾何又云唱者如何

門云且緩緩忽有人問歸宗唱者如何向他
 道莫錯莫錯且道歸宗是雲門非雲門是歸
 宗非乃喝一喝云是非總去却是非裏薦取
 上堂擲下拂子云歸宗擲下拂子大眾一時
 覩見任是鶻眼龍睛也須遭伊繫絆喝一喝
 下座 上堂今朝七月二十秋風涼冷相
 及一切佛法現前自是常情不入遂舉拂子
 云拂子已入也為伊無佛法知見解會汝諸
 人見道無佛法知見便道大盡三十日小盡
 二十九作箇無事商量喝一喝云瞎屢生
 上堂舉僧問悟本大師寒暑到來如何迴避
 本云何不向無寒暑處去僧云什麼處是無

寒暑屢本云寒時寒寂闌熱時熱熱闌黎
 師云大衆若也會得不妨神通遊戲一切臨
 時寒暑不相干若也不會且向寒暑裏經冬
 過夏喝一喝下座 上堂八月中秋涼風
 蕭索衲僧去來如垂似鶴山北山南有路通
 一條拄杖橫擔却是即是覺不覺切忌隨他
 老盧脚喝一喝下座 上堂今日淵上座
 設道吾鑽飯點趙州茶拈出如來一大經卷
 為諸人徹困蓋拈拄杖擲下云道吾飯趙州
 茶如來一大經卷此三種法門盡在拄杖頭
 上撒開也東西南北四維上下一任變通目
 在受用三十年後不得辜負淵上座若也不

知數日兩寒秋風漸冷喝一喝下座
 施主捨法衣上堂大衆諸佛法衣得之者出
 三界離五欲成大道度衆生遂舉衣云舉起
 也地獄停醜脩羅息戰放下也帝釋搖頭諸
 天罷樂不舉不放十方方法界情與無情同成
 佛道未嘗捨法衣者成得箇甚麼良久云自
 從盧老收^上婦後須信人人總有之 長安
 化主婦上堂大衆一兩絲一疋絹一一盡從
 蚕口現口中吐出濟人間衲僧如何總不薦
 若也薦家家門裏舍元殿喝一喝下座
 開爐日上堂凡夫色礙二乘空碍菩薩色空
 無礙目前萬象森羅理事融通自在僧堂又

添燬火十方高人共會不必更分彼此同是
 一真法界喝一喝下座 上堂云今朝十
 月二十五須知有法離言句本明本妙不假
 備一隊古佛參堂去 上堂冬後一陽生
 乾坤解通變衲僧莫守株彼此丈夫漢日用
 天真活人人自可見如何都不顧隨他物所
 轉喝一喝下座 啓聖節上堂舜日共佛
 日長明堯風與祖風並扇所謂一人有慶兆
 民賴之祝延 聖壽今正是時乃呼萬歲
 萬萬歲下座 上堂僧問乾坤之內宇宙
 之間中有一寶秘在形山山即不問如何是
 寶師云割象終日騎牛不識牛進云恁麼則

從今日歸家去世師云如何是那寶僧但
 喝師云前三三後三三又作麼生進云謝師
 指示師却喝云不識雲門闕挨子等閑動著
 眼眈眈 復云那一寶非今非古非僧非
 俗非男非女十二時中光明烜赫還有人著
 得價麼若有人著得價三十年後不得辜負
 歸宗莫有人著價麼這一隊漢十二時中是
 箇甚麼喝一喝下座 上堂今朝十月半
 天上月初圓遂拈拂子云拂子豈不是圓又
 敲禪床云何曾偏來大眾只這偏圓道聲色
 聞浩浩眼耳但見聞莫問歸宗老 上堂
 衲僧門下無非過量境界自在禪定乃喝一

喝云豈不是過量境界又磬咳一聲云豈不是自在禪定阿呵阿將此深心奉塵刹是則名為報佛恩 上堂好雪大衆米麩柴炭之屬一切成現寒則圍爐向煖火困來拽被蓋頭眠好大衆適從僧堂來却向僧堂去喝一喝下座 上堂大衆休得也無了期共來林下學無為袈裟同肩一佛子相逢能得幾多時喝一喝下座 化城大師來上堂三界無安猶如火宅出得火宅未到寶所且在化城今日相逢化城不見寶所何在元來只是舊時源上座大衆元來一時總是舊時人伏惟珍重 二堂大衆古人道盡大地是

箇解脫法門枉作佛法會却何不見山是山見水是水歸宗則不然盡大地是箇解脫法門不作知見解會有時見山不喚作山有時見水不喚作水大衆彼此丈夫莫受人謾上堂大衆歸宗不是無禪可談無法可說正值雪寒不且久立乃喝一喝云歸堂阿久上堂云今朝正月初五未免為君重舉斬新日月分明禪家且莫莽鹵還有不莽鹵底麼且道是甚麼喝一喝下座 上堂今朝正月初十晴暖春風襲襲觸目無碍法門大家一時證入喝一喝下座 上堂云大衆佛法兩字彼此不著便衆中莫有師子兒麼不

敢望你哮吼一聲使大衆一時頂門上眼開
 且莫嚼他古人殘羹餽飯也難得歸宗今日
 謾你諸人去也蓋拈拄杖擲下云南山鼈鼻
 蛇解弄者收取喝一喝下座上堂二月
 仲春漸喧時來萬物爭妍莫待桃花悟道出
 門芳草芊芊喝一喝下座上堂舉教中
十八
 道不見一法是大過患乃喝一喝云有什麼
 過蓋拈拄杖卓云有什麼患復橫按云德山
 捧臨濟喝舉世何人解提掇天高地迥萬象
 閑拈是僧家好時節遂擲下云是什麼時節
 喝一喝下座上堂世尊三昧迦葉不知
 迦葉三昧阿難不知因甚不知只為淺深有

異三德六味施佛及僧法界有情普同供養
 首座三昧大衆不知目甚不知對面不相識
 開單展鉢拈匙放筯大衆三昧各不相知因
 甚不知阿呵呵復拈拄杖橫按云我觀法王
 法法王法如是卓拄杖下座上堂拈拄
 杖云涅槃心易曉差別智難明古人道你有
 拄杖子我與你拄杖子你無拄杖子我奪却
 你拄杖子拈拄杖子歸宗則不然你有拄杖子我奪却
 拄杖子你無拄杖子我與你拄杖子大衆拈
 蕉與麼歸宗不與麼且道與麼是不與麼是
 擲下拄杖云是什麼良久云是即龍女頓成
 佛非即善星生陷墜上堂山門今日供

養羅漢為十方檀越酬還心願亡者生天見
 存獲福召云大眾但祇隨例養餽子莫問人
 間短與長復拈起拄杖云我生已盡梵行已
 立所作已辦不受後有三界不奈伊何堪受
 人天供養這一隊少叢林漢總好與二十拄
 杖喝一喝下座 上堂大眾彼我雖殊根

十八

十三

塵有異然則性自平等無平等者平等尚無
 况有不平等者蓋拈拄杖云情與無情共一
 躰處處皆同真法界遂擲下云撲落非他物
 且道是什麼物喝一喝下座 隆慶長老
 上堂大眾教中道佛滅度後為善知識者
 總是見佛來然則其為善知識者亦不可容

易觀善知識者亦不可輕慢隆慶禪師斯之
 謂也老僧與知事首座大眾同增歡慶乃喝
 一喝云虎溪宗派龍山子孫吉州隆慶大啓
 禪門古人所謂從門入者不是家珍蓋拈起
 拄杖云為是家珍為是外物大眾却請隆慶
 禪師決斷擲下拄杖下座 因開福專使

至上堂近有人從成都來乃得潭州信却說
 廬陵米價高蓋拈起拄杖云風行草偃擲下
 云是什麼喝一喝下座 上堂日徃月來
 大盡小盡光陰已去生死漸近大眾總是祖
 師門下客須知生死不相關且道歸宗與麼
 說話還有過也無良久云父母不聽不得出

家 上堂舉昔日臺山路上有一婆子凡
有僧問臺山路向什麼處去婆云蕎直去僧
擬行婆云好箇阿師又恁麼去師云遊臺山
者懂懂往來莫知其數未有一人不被伊謾
唯趙州一日謂衆曰臺山下婆子被老僧勘
破了也大衆雖然不受伊謾若點檢來也好
喫婆手中棒且道趙州過在什麼處若知趙
州過方解不受人謾 婦宗門下莫有不受人
謾底麼喝一喝下座 上堂如來大師云
不能了自心如何知正道又寒山菩薩云一
念了自心開佛之知見大衆是什麼直下了
取拈拄杖云阿誰不見阿誰不知知見分明

又擊禪床云阿誰不聞阿誰不了了心平等
若此觀者名爲正觀若他觀者名爲邪觀卓
拄杖下座 上堂良久云船子下揚州大
地無寸土蛇咬蝦蟆聲更有衆生苦蕎拈拄
杖擲下云今朝二十五喝一喝下座
上堂今朝六月旦萬物隨特變地肥茄子多
雨足甜瓜賤紅桃大似拳綠李圓如彈誰識
婦宗大道心拈來一人難辨蕎拈拄杖云
你有拄杖子我與你拄杖子你無拄杖子我
奪却你拄杖子又作麼生辨若辨得出不虛
在婦宗過夏若辨不出禪床且替他喫棒乃
擊禪床下座 上堂大道不假雕鑄人心

何須造作但知一切臨時拈來無非妙藥蒸
拈拄杖云豈不是妙又擲下云拋來擲去有
什麼過乃喝云終有是非紛然失心

上堂古人有大智慧隨宜自在無可不可故
僧問古德如何是古佛心荅云墻壁瓦礫是
僧云墻壁瓦礫豈不是無情德云是僧云無

情還解說法否德云常說熾然說無間歇其
僧於言下大悟證無情說法師云古佛身心
如飲醍醐渴心永寂奇特甚奇特安樂則不
妨安樂若是德山臨濟烜赫兒孫他亦不喫
這般茶飯何也不是他所食之物且道德山
臨濟兒孫所食何物良久乃噓噓佛法門中

可謂刁刁莫辨魚魯難分下座 上堂今

朝六月二十五莫問起佛及越祖但祇粥飯

飽便休日月朝昏自回平暮拈拄杖云回平

不回平佛殿走出三門僧堂起過厨庫拄杖

子穿却諸人鼻孔迴而更相涉乃擲下良久

云不尔依位住喝一喝下座 上堂一葉

落天下秋庐山山北到江州蒸拈拄杖擲下

云若知撲落非他物須信縱橫得自由

解夏日上堂四月十五結夏七月十五解夏

世俗諦中有秋有夏有解有結佛法門中無

是無非無得無失莫非妙用有時結也九十

日內水泄不通聖凡路絕誰敢咳嗽若咳嗽

也須是你解咳嗽始得有時解也十方通微
去来自在亦須知有路頭去處始得且道不
解不結又作麼生良久喝一喝下座

上堂欲識佛性義當觀時節因緣昨日撞鐘
送法眼入塔今朝擊鼓集禪衆陞堂千般時
節萬種因緣總不出這箇大衆且道這箇是

什麼乃喝云異生見解我執不同又爭恠得
老僧

上堂今朝八月中秋正是月圓當
戶所謂盲者不見非日月之咎故經云是法
平等無有高下迷者自迷悟者自悟大衆當
知不得莽鹵 上堂一切衆生總一般妙
明日用更無偏等閑却被邪師指剛道西來

別有禪葛拈拄杖云且道是西來是妙明心
地復擲下云試斷看喝一喝下座 上堂

云今朝九月一夜來霜氣寒當知門外路一
一透長安喝一喝下座 上堂諸州巧士

經年去次第歸來復納疏打鼓普請共證明
今朝九月二十五大衆證明則不無須知鉢

孟飯粒粒皆辛苦鉢裏飯滋味大衆總知歸

宗道今朝九月二十五又且如何良久乃呼

侍者參退請諸郡化主喫茶喝一喝下座

上堂今朝十月一天下暖爐開衲僧頂門眼

依舊蒙塵埃歲月既已往死生還到來床添

新葉薦一任雪成堆遂拈袈裟角云大衆人

人有分須是頂門眼開始得唱一喝下座

上堂古人所謂終日忙忙那事無妨師云不

妨簡要只如開單展鉢拈起把筋揚眉瞬目

有什麼妨處行住坐卧動靜去來又有何異

鶻拈拄杖敲香卓云妨箇什麼復擲下云不

可喚作忙也敢問大衆那事作麼生良久唱

一喝下座十八上堂是日已過命亦隨滅如十六

少水魚斯有何樂唯二乘禪定寂滅為樂是

為真樂學般若菩薩法喜神悅為樂是為真

樂三世諸佛慈悲喜捨四無量心為樂是為

真樂石霜普會云休去歇去冷湫湫地去是

謂二乘寂滅之樂雲門云一切智通無障礙

拈起扇子云釋迦老子來也是謂法喜神悅

之樂德山棒臨濟喝是三世諸佛慈悲喜捨

之樂除此三種樂不為樂也且道歸宗一衆

在三種內三種外良久云今日莊主設饋飯

依觀錢參退僧堂內普請喫茶去喝一喝下

座上堂萬法是心光諸緣唯性曉本無

迷悟人只要今日了好大衆修山主見處與

大衆見處日用無差大衆見處與歸宗長老

見處日用無差歸宗見處與雲峯山主日用

無差雲峯見處與深首座日用無差乃喝云

莫分彼我彼我無差心光共曉日用堪誇蓋

拈拄杖云阿誰不見阿誰不曉擊香卓云阿

誰不聞後擲下云是什麼喝一喝下座

上堂舉龐居士云十方同聚會箇箇學無為

此是選佛場心空及第歸大眾總是選佛之

人既到歸宗門下須是一箇箇心空及第歸

不可作長行粥飯僧彼此出家離世俗誰言

祖獨有南能 上堂今朝臘月初五有事

十六

為君直舉靈湯裨師到來救濟大開府庫若

玆異寶不慳所好臨時揀取雖然一一歸宗

不妨却分賓主乃唱云且道是賓是主復唱

云賓主歷然久參到此也須恭箇 上堂

獨樹不成林人人認知有梵剎一總與大家

出隻手為拈拄杖云家家門前火把子後擲

下云各自看取喝一喝下座 上堂今朝

臘月二十五雲門一曲為重舉馱脚佛手總

現前明眼衲僧多莽因喝一喝下座

上堂滿目丈殊普賢境界直下分明道無不

在恭拈拄杖擲下云拋來擲去有什麼過喝

一喝下座 上堂二月仲春漸暄時來萬

化可憐到處挑紅柳綠石頭也生暖煙蕎拈

拄杖擲下云有意氣時添意氣不風流處也

風流喝一喝下座 上堂靈光洞曜迎脫

根塵躄露真常不拘文字此是百丈大智禪

師舉揚大眾作麼生良久云在家疑是客別

國却為親喝一喝下座 上堂南閩浮提衆

生以音聲為佛事所謂此方真教躰清淨在
 音聞是以三乘十二分教五千四十八卷一
 一從音聲演出乃至諸代祖師天下老和尚
 種種禪道莫不皆從音聲演出遮前栢樹比
 斗藏身德山呵佛罵祖臨濟喝豈不從音聲
 演出何況世間所有一切事法不從音聲成
 就者然後音聲無盡演說無盡見聞無盡利
 樂無盡苟入此法門得旋陀羅三昧自在海
 良久喝云十方羅漢喝一喝下座 上堂
 今朝三月初五正是清明景序豈獨遊人往
 采更兼蜂狂蝶舞須信自在神通彼此性真
 妙具萬物終非斷滅衲僧別求禪悟弃本逐

末喝一喝云駟年下座 上堂今朝三月
 初十剗久雨不晴船子下揚州東海鯉魚打
 一棒洞庭湖裏浪滔天須知大道本無偏唱
 一喝下座 上堂今朝三月十五又是月
 圓當戶祖意教意同別但看鷄寒上樹鷦拈
 拄杖云春無三日晴夏無十日雨復擲下云
 處處綠揚堪繫馬家家門底透長安喝一喝
 下座 上堂如來世尊云菩薩覺成就故
 不與法縛不求法脫不敬持戒不憎毀禁不
 重久習不輕初學何以故一切究竟覺彼此
 成佛故如是則僧也如是俗也如是凡也如
 是聖也如是賢也如是愚也如是驀拈拄杖

云拄杖子亦如是擲下云如是如是

上堂舉西天昔有七女遊屍陀林見一死屍
妹問姊曰屍在這裏人在什麼處姊曰妹妹
妹應喏姊曰在什麼處於是空中散花女曰
空中散花者誰應曰我是帝釋見聖者善說
般若感我天宮特來散花聖者欲何所須我
當供給女曰別無所須只要箇無根樹子帝
釋曰我天宮無種不有若要無根樹子即無
女曰帝釋帝釋應喏女曰這箇是什麼帝釋
遂隱去大衆且道帝釋是會了隱去不會了
隱去又道善說般若感我天宮又道無無根
樹子大衆且作麼生明得不辜負聖女若也

永樂北藏

古尊宿語錄

不會不得辜負帝釋歸宗亦有箇無位真人
憨憨癡癡跛跛挈挈且恁麼過時喝一喝下
座 王主簿到上堂僧問雲門大師欲一
棒打煞釋迦老子和尚又欲糞掃堆裏畧殺
雲門未審和尚罪過還許學人檢點也無師
云且莫造次學云和尚坐斷廬山為什麼不
識某甲這話師云三十棒學云關師云點學
云劄師云念汝做街坊 復云憶在報寧
日彼彼各年少而今住山來各各已衰老休
話人間短與長相逢把手呵呵笑呵呵笑道
還自合無為道葛拈拄杖敲香臺云不可不
自在復擲下云不可不道還喝一喝下座

第一九八册

後云一切禪與道觸目無非妙貴賤但臨時不要生機巧慕拈拄杖云三世諸佛說不到諸代祖師傳不及遂擲下云是什麼喝一喝下座

師住寶峯開堂日接得左司手中疏乃示眾云左司傳授烜烜現前泐泐把呈分明薦取薦與不薦却付與表白表白擬接復叔迴云不見道權柄在手縱奪臨時非但泐泐如是左司眾官神通變化各具足却度與表白宣罷於是就座問話畢師乃云適來白想云法筵龍象眾當觀第一義且道何名第一義如何所觀大眾當知欲得分明現前可以直

截自觀若能自觀名為正觀若他觀者名為邪觀而今莫有能自觀者麼既能自觀即能他觀且道即今左司眾官僧俗大眾一一是一箇什麼噫觀音妙智力能救世間苦可謂一一圓妙一一本靈一一神通變化總不欠少了無生死可相関若不能自觀者為迷真覺性還却受輪迴然洪州乃江西大都督府古今已來人傑地靈佛事興盛昔有馬祖以禪道化人亮座主乃教法救世亮一日來參馬祖祖曰見說座主大講得經論是否亮云不敢祖云將什麼講亮云將心講祖曰心如工伎兒意如和伎者又爭講得經亮乃抗聲云

心既講不得虛空莫講得麼祖曰却是虛空
 講得亮不肯便出去祖召云座主亮迴首豁
 然大悟師云而今聞却是虛空講得多便向
 虛空裏釘柵殊不知馬大師神通光明解黏
 去縛又龐居士問馬祖云不與萬法為侶者
 是什麼人祖曰待汝一口吸盡西江水即向
 汝道十八師云禪門多作奇特商量玄妙廿解會又
 不見馬大師威光自在裁長補短又大梅初
 參馬祖問如何是佛祖曰即心是佛師云如
 今徃徃向即心裏喪身失命須還他馬大師
 觀機設法應病與藥一切臨時無不可其
 大梅蒙馬師開示豁悟本心一得永得更不

他觀直入深山庵居岩穴後因有僧遊山見
 之問曰庵主住此山多少時梅曰只見四山
 青又黃僧又問出山路向甚麼處去梅曰隨
 流去祖聞之令一僧去問云和尚見馬師得
 箇什麼便住此山梅曰馬師向我道即心是
 佛我便向這裏住僧云馬師近日佛法又別
 梅云作麼生別僧曰又道非心非佛師云且
 道馬大師還有為人底意也無梅云這老漢
 惑亂人未有了日在任汝非心非佛我祇即
 心是佛師云知恩方解報恩僧迴舉似祖祖
 召大眾云梅子熟也龐居士遂去問梅曰久
 嚮梅子熟還許學人摘喫也無梅云你向什

麼處下口士云百雜碎梅曰還我枝子來師
 云且道此二人相見還有優劣也無梅臨遷
 化時聞鼯鼠聲乃曰即此物非他物汝等善
 護持之吾今逝矣師云大眾既非他物是什
 麼物復云近有無盡居士曰大都此物非他
 物豈有南宗與北宗如今^士杓子多是爭南宗
 北宗雲門^士臨濟却被箇俗漢子^士點破雲門臨
 濟兒孫不勝懺懺久立諸官伏惟珍重
 入院上堂馬祖傳心石門泐潭乾師惣師前
 三後三老僧到來如何指南遂拈拄杖云你
 有拄杖子我與你拄杖子你無拄杖子我奪
 却你拄杖子良久云我雖與你同條生不與

你同條死乃擲下拄杖喝一喝下座
 因雙林下生長老來上堂云寶山不易到既
 到莫空迴莫有不空迴者麼遂擲下拄杖云
 是什麼良久云不見雙林釋迦老又聞弥勒
 下生來喝一喝下座 上堂今朝正月二
 十五孟春猶寒人共舉分明佛法不二門甜
 者自甜苦者苦喝一喝下座 開馬祖塔
 日上堂放過一著落在第二有利無利不離
 行市家家門外綠楊垂不獨春風折桃李馬
 祖堂開二月初二觸目遇緣法門大啓不如
 歸去來良久云向什麼處去馬祖堂中燒香
 罷僧堂裏喫茶 施主看藏經請上堂云

毗盧藏中有大經卷含真空而體寂鏡妙色
以圓明蔦拈拄杖云三世諸佛一大藏教盡
在裏許阿誰不見阿誰不聞聞見分明是箇
什麼喝一喝下座 出外歸上堂歸來閑
二月閑寂寶山中城隍耳目盡塵勞萬事空
春水綠野花紅須信禪家道莫窮信手拈來
一枝草臨機生煞任西東 上堂舉僧問
馬祖如何是佛祖曰即心是佛師云馬大師
也是看孔著楔然現前一衆雖不受馬駒所
踏是不可忘古人大慈悲故誰教從來今日
清明良久云與大衆同到塔上燒香
上堂今朝二月二十五野草闍花相共舉信

永樂北藏

古尊宿語錄

手拈來一一玄癡人莫認遮前樹衆中莫有
不受惡水激者麼遂拈拄杖擲下云祇這拄
杖子亦不辜負大衆喝一喝下座 上堂
時光迅速那事如何雖然如是我不敢輕於
汝等汝等皆當作佛故先覺云一切障礙即
究竟覺蔦拈拄杖云不是究竟覺遂擲下拄
杖云拋來擲去有何障礙喝一喝下座 廿二
上堂今朝三月初十知事首座大衆尊候萬
福良久云山前大小麥穗也未直歲照顛牛
馬莫教踐踏秧苗典座厨中調和衆口監院
庫下坐籌帷幄決勝千里諸寮舍各各照顧
火燭勝上座設饋飯供養馬祖大寂禪師大

第一九八册

眾總飽老僧亦飽慕拈拄杖云拄杖子亦飽
 山河大地亦飽遂卓云參退堂中喫茶
 上堂擲下拄杖云撲落非他物且道是什麼
 物縱橫不是塵既不是塵是箇什麼山河及
 大地全露法王身山河大地諸人想見那箇
 是法王身良久云只為分明極都緣日用親
 上堂一夏九十日看看將欲畢為報求佛人
 今朝七月一教中道佛身無為不墮諸數且
 道如何是無為佛身於此薦得不逐四時之
 所遷萬物之所變若也不薦人漸老又經秋
 等閑白却少年頭喝一喝下座 上堂今
 朝八月勿丘禪家安閑園土甜則甘草元甜

苦則黃檗元苦若也得意忘言自然超今越
 古 上堂古人道毫釐有差天地懸隔且
 道毫釐不差又如何良久云僧堂裏喫茶
 上堂今朝八月十五又是月圓當戶月不照
 人人不問月彼此不相干趙官家國土不如
 歸去來田中晚稻近日好兩喝一喝下座
 化主迴上堂演上人今日作齋供養羅漢為
 供養過去耶現在耶未來耶若供養過去已
 過去未來未至見在無住三世既不有一心
 何所依乃召云演上座正好供養過去亦如
 是見在亦如是未來亦如是彼亦如是此亦
 如是一切諸法亦如是復召云演上座正好

供養供養亦如是如是如是 上堂道德

經曰大巧若拙大辯若訥師云達人到此身心一如身外無餘十方法界只在目前

上堂一年十二月倏忽又臨頭人漸老水長流世有何人便肯休休休不如歸去來自無繩水牯牛喝一喝下座 上堂方上人

今日為施主供養羅漢且道羅漢來也無若來在什麼處若不來又供養他作什麼乃顧謂大眾云要識真羅漢麼元來總在這裏梅召云方上座還見麼正好供養來無所從去無所至一一不生一一不滅性真妙明常住世間清淨本然周徧法界若也如是萬兩苦

金亦消得若不如是滴水難消老僧隨例沓飽子也得三文買草鞋 聖節上堂率土

之土皆屬王土率土之民莫非王民今朝臘月八日當釋迦如來成道之辰是

今上皇帝降誕之日所謂前聖後聖德共明人王法王王道同久應千年之慶運統萬

國之歡心伏惟皇帝陛下萬歲萬歲萬歲復召眾云大殿上念佛祝延聖壽下座 上堂

舉佛在之日有一女人禮佛乃於座前入定佛遂勅文殊出之文殊入百千金剛三昧出

女子定了不可得時有罔明亦入三昧唯彈指三下女子從定便起師云且道文殊何故

出女子定不得只如今日擊動法鼓大眾齊
 到座前與罔明出女子定為是同是別不見
 古人道欲識佛性義當觀時節因緣大眾總
 是祖師門下參玄上士試觀看若見得出家
 事畢解脫安樂世俗塵勞不用閑觀喝一喝
 下座 上堂數日出入或風或雨或陰或
 晴或暴或散或鄉或村或縣或邑及至歸來
 三門依舊向南開復云大眾歸堂喫茶
 上堂出家沙門清淨佛子莫於袈裟下失却
 人身所以古人道了即業障本來空未了還
 須償夙債且道袈裟下了箇什麼便業障本
 來空未了箇什麼還須償夙債出家門中也

須子細不得莽鹵一等行脚離鄉別井出一
 叢林入一叢林訪尋善知識決擇生死直須
 子細假饒了得我更問你只如僧問雲門二
 祖是了未了雲門云確衆中作麼生商量時
 中如何受用大眾要會麼良久云昨日化主
 歸山一年在外化導不易有利無利不離行
 市喝一喝下座 上堂西瞿耶尼北鬱單
 越家家門前長安道到處通徹蔞拈拄杖云
 拄杖頭上千老萬別乃擲下拄杖喝一喝下
 座

古尊宿語錄卷第四十四

十八

古尊宿語錄卷第四十五

士九

僧錄司右闍教兼鍾山靈谷禪寺住持淨戒重校

真淨禪師語

上堂今朝欲入室侍者報言參起鍾并擊鼓
分明為指南非但鍾鳴鼓響飛禽走獸草木
叢林森羅萬象昨日仁上人設齋一一為諸

十九

人徹困還有知恩報恩者麼老僧亦在其間

良久云欲知端的意盡在不言中下座

上堂今朝二月二十五金銀琉璃握成土禪

家如意自在心妙用縱橫無不是彼此男兒

大丈夫勸君莫咬他人語 上堂三月本

不生二月何曾滅不滅與不生人心自分別

永樂北藏

古尊宿語錄

分別既不生一切皆寂滅山河大地不可不
寂滅如今一一現前不可不寂滅大眾還入
此境界麼即今又總在何處喝一喝下座
上堂今朝三月初五天地不晴久雨雲門割
意分明衲僧如何伸吐鷲拈拄杖云雲門大
師來也剗久雨不晴臨時變化不涉途程遂
擲下云切忌隨他拄杖子去下座 上堂
今日三月十朝衲僧知見雄豪步步直須有
主擬議打折駟腰 上堂先上座菴栗黃
粥供養禪衆喫了總飽餉地掛起鉢盂知
恩方解報恩三十年後不得辜負趙州老直
饒當下見得個儻分明不隨古人言語所轉

第一九八册

各證無生法忍得大解脫須知三年一閏九月重陽是何宗旨喝一喝下座 上堂今朝九月初五佛法未嘗間阻開單心印發光何况上來下去大眾了然生死不相干快樂共住喝一喝下座 上堂今朝九月初十衲僧門風壁立不是宗乘強為欲破禪家法執遂拈拄杖云若喚作拄杖子醫汝眼睛不喚作拄杖子避色逃聲乃擲下云還我師子兒來喝一喝下座 上堂今朝九月十五月色十分顯露人心終有是非便被浮雲點污喝一喝下座 上堂今朝九月二十大道本無拘執放開把住自由還要人人悟入

喝一喝下座 因施主上堂佛以一音演說法眾生隨類各得解僧俗男女平等心一皆同證法界 上堂今朝十月初十滴水滴凍禪眾上來長老說夢忽然夢裏覺來顯發人人佛之妙用乃垂一足云不是佛之妙用又喝一喝云不是佛之妙用大眾上來二九下去不是佛之妙用復召云大眾分明是夢師一日到法座前乃提起數珠復顧視云大眾數珠一百八便歸方丈 上堂茲日夏首眾僧結制之辰泐潭山比丘克文與清淨大眾踞菩薩乘修寂滅行以大圓覺為我伽藍身心安居平等本際涅槃自性無繫屬故

令我敬請不依聲聞當與十方如來及大菩薩三月安居為修菩薩無上妙覺大因緣故離諸垢染清淨梵行若能如是所謂如蓮華不著水心清淨超於彼 上堂清大師則上人數年在浙中緣化石覓供具等比者迴山不勝欣喜然於道人分上一切所作而無作意既無作意則是無功用大解脫法門所謂無為而無所不為信手拈來不勞心力種種聖像種種經卷種種莊嚴種種供具種種佛事焉拈拄杖云總在拄杖頭上東涌西沒南涌北沒撒開也堂上庫下佛殿僧堂及諸寮舍種種莊嚴種種清淨法喜禪悅遂擲下

云撲亦撲不破蕩亦蕩不散來無所從去無所至無成無壞東海鯉魚打一棒雨似盆傾若信不及華嚴世界所有塵一一塵中現法界實光化佛如雲集此是如來刹自在却還清公大師伏惟珍重 上堂今朝四月二十五為報禪家莫莽鹵涿水青山在目前一一分明佛淨土擬心早不淨了也不擬心又作麼生七九歸堂喫茶 上堂倏忽又是五月時節交參總別同異成壞重重一一融通皎潔焉拈拄杖云一切時分總在拄杖頭上不見有一塵一衆生不成佛者且道泐潭山一衆有不成佛者也無乃擲下云是成是壞三喝

一喝下座 上堂今朝五月復端午隨眾
生心解分布搜子雖然應所知要須一一知
來處且道從什麼處來薦拈拄杖云若知拄
杖子來處即知一切法來處所以道隨眾生
心應所知量循業發現只如大眾從甚麼處
發現一一分明在目前若知發現不妨奇特
若也不知何名出家遂擲下云只者末後一
著也大難會喝一喝下座 上堂今朝五
月半為眾決定斷普請共成佛不須恠老漢
下座 出外峰上堂古人所謂有物流動
人之常情情若不生則老僧出入動靜無去
來之作自然人事周徧又何妨遊戲神通哉

法喜禪悅樂則與大眾同住如來寂滅海究
竟覺喝一喝下座 上堂今朝六月又初一
為報諸人莫自屈日用無非大智門摩訶般
若波羅密 上堂般若靈智按二親而歸
佛國沙門誠信設一飯以飽禪僧因緣既在
功德何窮薦拈拄杖云所謂靈源明皎潔枝
派開流注乃擲下云參同不二心 歸堂喫茶
去喝一喝下座 上堂今朝六月二十却
歎時光催急看看解夏到來拂拄杖與笠
無非妙用神通盡是心心證入不須向外馳
求拋却自家城邑 上堂今朝又是七月
一夏去秋來自相失各悟自己性無生人人

當下成佛訖大衆莫道我不受者悉水潑如
今業林多作此解 上堂舉古德問僧云
是什麼聲云蛇咬蝦蟆聲德云將謂衆生苦
更有苦衆生又有古德問僧曰是什麼聲曰
兩滴芭蕉聲德云莫謗如來正法輪師云有
一轉語可以安邦定國主聖臣賢有一轉語
士九

捧兩似盆傾不是知見誰不明了誰不具足
阿誰無分不是頓入關老子呵呵大笑云泐
潭山裏一衆若於者裏薦得去盡作雲門烜
爍兒孫若薦不得總屬閻羅老子所管遂擲
下拄杖下座 上堂昨日有人從袁州來
却得洪州信說道長安米價高福建路荔枝
熟前三三後三三泐潭山裏五日一參下座
上堂今朝又是九月一暑往寒來春復秋須
信人人一段事不同時節逐遷流既是人人
一段事為什麼有信者有不信者不見世尊
云一雨所潤三草二木 上堂舉古人云
如珠在盤不撥而自轉只如大衆開單展鉢

拈起把筯一切時中所作所為又何假人撥
而後轉乃至雲門糊餅趙州栢樹德山捧臨
濟喝又何假人撥而後應自是諸人不悟
後錯會又干他糊餅栢樹捧喝甚麼事豈不
見六祖大師云汝當一念自知非自己靈光
常顯現 上堂舉雲門大師云盡大地是

十五

五

個解脫門枉作佛法會却何不見山是山見
水是水師云大小雲門錯下名言好與三十
棒如今既不喚作山不喚作水又喚作什麼
若有明眼袖僧辨得出三十棒却還泐潭若
辨不出三十棒分付闍黎喝一喝下座
上堂舉祖師云正說知見時知見即是心當

心即知見知見即如今師云若道是教外別
傳又說道即如今況此一心知見為復是諸
人即令一心知見為復是諸佛知見若道是
諸人即令一心知見有底又不肯說心說性
若道是諸佛知見又有何差別試為泐潭定
當看若定當不出虛消信施 上堂今朝

十一月節候又嚴寒倏忽光陰過死生君自
看是日已過命亦隨滅如少水魚斯有何樂
須知人人赤肉團上有一物能隨萬事變不
逐四時凋且道是什麼喝一喝下座
上堂舉僧問雲門如何是學人自己門云遊
山翫水師云且道雲門答這僧不答這僧莫

謗雲門好若道不答這僧什麼屨是不答虜
衆中多是師承學解承言者喪縱不在文字
語言上又打在無事裏所謂滯句者迷若識
得雲門大師即識得自己可謂不見一法即
如來方得名為觀自在 上堂祖師西來
教外別傳所謂如牛駕車車若不行打車即
是打牛即是大衆人各有一頭水牯牛駕個
車子即是毛色有異心相不同有赤者白者
青者黃者黑者如今莫待下痛鞭各自拽個
車子歸堂喫茶去下座 元旦日上堂問
話畢師云一問一答皆是當人各各神通光
明清淨妙心一一從自己運將出來烜赫現

前自是衆生迷情不覺不知改旦新元伏惟
知事首座大衆尊候萬福良久云昨日今朝
事不同人人依舊主人翁雖然平等添新歲
夢覺元來總是空是空却不空二十空門元
不著一性如來躰共同喝一喝下座
供養羅漢上堂三界唯心萬法唯識未有
法不從心之所生心若滅也一切法滅所以
過去心不可得未來心不可得見在心不可
得三際既不有一心何所生大衆但盡浮想
盡證阿羅漢浮想不盡總屬流浪生死喝一
喝下座 上堂古人云仁者見之謂之仁
智者見之謂之智雲門云一切智通無障礙

拈起扇子云釋迦老子來也又拈起扇子云
 跣跳上三十三天築著帝釋鼻孔東海鯉魚
 打一棒兩似盆傾好一切智智清淨無二無
 二分無別無斷故佛手開脚步履東西生緣
 別處喝一喝下座 上堂今日供養羅漢
 夜來四方高人諷誦妙法蓮華經安樂行品

一遍大眾作麼生是安樂行擬心早不安樂
 了也乃喝一喝云豈不是安樂行如何是透
 法身北斗裏歲身豈不是安樂行如何是祖
 師西來意蓮前栢樹子豈不是安樂行如何
 是起佛越祖之談糊餅豈不是安樂行以至
 僧俗大眾一一清淨光明住持豈不是安樂

行乃至一佛二菩薩一一羅漢一一辟支佛
 無不清淨實相住持所謂安樂行也大衆唯
 有髻中寶珠不妄與之雖然不與亦人人具
 足十二時中光明烜赫阿誰欠少還會麼
 堂喫茶去喝一喝下座 上堂衲僧門下
 有賓有主有時賓也和其光同其塵四五百

條花柳巷二三千處管絃樓有時主也奪賊
 馬煞乎賊披毛戴角入鄆來優鉢羅花火裏
 開大眾只如賓主未分時如何今朝三月十
 五 章江長老來上堂舉僧問雲門如何
 是諸佛出身處門云東山水上行泐潭即不
 然若有人問如何是諸佛出身處但向伊道

遠離洪井深入寶山大衆且道是同是別忽
有個衲僧出來云這裏是什麼所在說同說
別也難得須是實到這田地始得若未到且
不得草草 上堂舉僧問雲門如何是學
人自己門云遊山翫水而今多作自己會承
言者喪既不作自己會又作麼生會滯句者
迷德山入門便棒其僧擬議山云不得作棒
會既不作棒會又作麼生會臨濟一喝不作
喝用既是一喝何故不作一喝用宗旨如何
其宗旨者諸佛諸祖教外別傳不屬文字言
句其文字言句是心外戲論之法既不屬戲
論直須自悟若自悟也事同一家苟不然者

彼我途轍喝一喝下座 上堂今朝四月
二十五栽秧漸漸徧南畝半飢半飽淡飯羹
泥裏雨裏可憐許惟有高僧總不知各自歸
堂喫茶去 上堂衲僧門下有春有冬有
秋有夏有陰有陽有晝有夜天地蓋載日月
運行成就四時長養萬物善知識者觀機設
教應病與藥成就衆生種種方便亦復如是
然則無智人前莫說打你頭破額裂
上堂釋迦老子道一切衆生生死相續皆由
不知常住真心性淨明躰用諸妄想此想不
真故有輪轉大衆要得生死不相續妄想心
滅但直下識取自己常住真心性淨明躰則

自然生死不相關共生慶快所謂一得永得
 若信不及不聽受則沉在業識無明海喝一
 喝下座 供養羅漢上堂大眾一切法即
 諸佛法一切心即諸佛心一切語即諸佛語
 一切道即羅漢道法也心也語也道也且道
 是一也是二也是同別也二白一有一亦莫
 守一心不生萬法無咎 上堂二月復三
 月一應時節柳絲弄春風梨花白如雪門
 門法界門法法離言說蓋拈拄杖云欲知交
 參屢杖頭諸佛刹乃擲下云不妨拋來擲去
 總在諸人眼睛裏 上堂今朝三月初五
 普天之下好雨非但百姓歌謠老僧不勝手

舞何也豈不見乾闥婆王奏樂迦葉起舞直
 得須彌岌業海水騰波蓋拈拄杖云大眾一
 波纒動眾波隨萬法皆從一法歸袖于大家
 同會取七顛八倒總光輝擲下拄杖下座
 上堂今朝又是三月半離念身心登彼岸泯
 其所以歸自然兩個五百作一貫喝一喝下
 座 上堂舉世尊問波斯匿王曰汝以何
 相觀佛王曰觀身實相觀佛亦然觀佛寔相
 觀法亦然法界眾生界根根塵塵一切清淨
 大眾欲識如來大寂滅汝但盡攀緣喝一喝
 下座 閉馬祖塔上堂祖宗門下總有閑
 挨子應接物有開有閉苟開而不能閉喪

家失計開而不能開誰辨往來或開而能閉
 也不妨遊戲閉而能開也重重善財或不開
 不閉時又作麼生大眾僧堂裏隨例軟餅餤
 頭橫咬豎咬喝一喝下座上堂心生種種法
 生心滅種種法滅喚什麼作釋迦老子蕎拈
 起拄杖云假名三十二八十也空聲一切人
 間總強名卓拄杖下座上九上堂云天心得
 自在盛熱復清涼衲僧如薦得珍重法中王
 喝一喝下座上九上堂佛言捨家出家難學
 道見性難元來捨家出家難學道見性復難
 如今學道者如恒河沙見性者未有一二佛
 又言性成無上道永嘉云自性天真佛雲門

云如今諺方多是說心說性教裏少哩師云
 雲門又不許說心說性佛言性成無上道且
 道佛說底是雲門說底是大眾差之毫釐失
 之千里上九上堂知事首座大眾出入相拋
 歸來依舊南山對北山忙者自忙閑者閑閑
 忙彼此不相關依舊水雲間上九上堂舉僧
 問雲門如何是佛法大意門云春來草自青
 又僧問首山如何是佛法大意山云楚王城
 畔汝水東流忽有人問泐潭如何是佛法大
 意向伊道久雨不晴此三轉語有一轉語可
 以作諸佛之法藥治一切眾生病有一轉語
 可以作諸祖之秘關菩薩直截之要道有一

轉語可以作袖僧解脫大道場是禪者放身
命處大眾若擇得出如久客歸家若擇不出
若行人失路喝一喝下座 上堂諸佛如
來說一切眾生身中有三大何者為三身大
相大用大又古德云十方無壁落四面亦無
門露髑髏赤灑灑沒可把既沒可把與什麼
作三大莫有人擇得出麼若擇得出才如好
手若擇不出眾生日用而不知喝一喝下座
上堂大眾好兩點點不落別處且道落在什
麼處莫是落在法堂前麼莫是落在田野中
麼莫是落在山林間若是通達底人神通妙
用無可不可有一般人更不求妙悟但作平

常一路實頭見解又哄做不走作人此之見
解未出常流若妙悟明眼底人他一一知來
處一一知落處更不顛預大眾且道落在什
麼處久參先德一舉便了後進初機更宜子
細 因雪上堂舉龐居士辭藥山因緣師
云全禪客當斷不斷返遭其亂且道全禪客
當時合下得什麼語免被龐公折挫如今莫
有扶持佛事者麼出來開發大眾眼目亦表
自己參學身心如無老僧為你說破今日臘
月初十山門街坊可者入室打疊忽有人問
諸丐者已在寮中時又作麼生良久乃喝云
相逢不下馬各自有前程 上堂今朝又

是三月一大道何曾有得失。拋花處處靈雲心却笑。玄沙弄不出。只這弄不出。罕遇知音。上堂。今朝七月初一。時節循環。夏文畢。衲僧活計。拄杖頭去。考住考無。固必去住自由。且道祖意是同是別。只如古人云。雞寒上樹。鴨寒下水。意旨如何。喝一喝下座。上堂。

雲門云。久雨不晴。割大眾。且道雲門一割。與德山棒。臨濟喝。是同是別。若道別。祖宗門下。豈有兩般。若道同。爭奈德山臨濟。雲門家風。有異。衲僧到這裏。如何剖判。若剖判得出。可謂無邊剎境。自他不隔於毫端。十世古今。始終不離於一剎。今朝二月二十五。各自歸堂。

喫茶去。上堂。舉印宗法師問。廬行者云。仁者在黃梅。有何言教。旨趣傳授。廬曰。彼指授者。唯論見性成佛。不說禪定解脫。無念無為。宗云。何故不說禪定解脫。無念無為。廬曰。况是二法。皆是佛法。不二之法。宗云。如何是不二之法。廬曰。如仁者講涅槃經。明見佛性。是名佛法。不二之法。師云。彼時小巧禪道。早是中半了也。如今叢林。多是唯論禪定解脫。無念無為。且道六祖底。是如今底。是分即是不分。即是若分去。有違有順。有是有非。若不分。又不辨邪正。埋沒我宗。乘譬如世間道路。有直有迤。有險有善。其行路者。可行即行。可

十九

十一

止即止大衆還識泐潭老僧麼良久云將此
深心奉塵刹是則名為報佛恩喝一喝下座
師首座時在仰山結夏小參云莫有真師子
兒試出來對衆哮吼看時有僧出禮拜師云
不知是不是是即也大奇僧問鍾聲總動大
衆雲臻禁足已臨如何指示師云大家在這
裏進云莫便是和尚為人處也無師云多是
向言句中轉却進云一堂風冷淡千古意分
明師云且莫亂道僧問承古有言衆生日用
而不知未審不知個什麼師云道進云忽然
知後如何師云十萬八千僧提起坐具云爭
奈者個何師便喝僧云好一喝未有斷在師

云哮吼且待別時 復云更有問語者麼
良久云洎合放過乃喝復舉拂子云取取盡
十方世界若凡若聖若僧若俗若草若木盡
向拂子下成佛作祖無前無後一時解脫還
有不解脫者麼設有命若懸絲又撫掌云知
音者少所以此個事論實不論虛參須實參
悟須實悟若纖毫不盡總落魔界豈不見古
人道平地上死人無數過得荆棘林是好手
如今人多是得個身心寂滅前後際斷一念
萬年去休去歇去似古廟裏香炷去冷湫湫
地去便為究竟殊不知却被此勝妙境界障
蔽自己正知見不能現前神通光明不得發

靈或有執個一切平常心是道以為極則天
是天地是地山是山水是水僧是僧俗是俗
大盡三十日小盡二十九此依草附木不知
不覺一向迷將去忽然問他我手何似佛手
便道是和尚手我脚何似脚便道是和尚
脚人人盡有生緣處那個是上座生緣處便
道某是某州人是何言歟且莫錯會好十二凡百
施為須要平常一路子以為穩當定將去合
將去更不敢別移一步怕墮坑落塹長時一
似隻盲底人行路一條拄杖子寸步拋不得
緊把著憑將去步步依倚一日若道眼豁開
頓覺前非拋却杖子撒開兩手十方蕩蕩七

縱八橫東西南北無不可豈可一向倚他
門戶傍他行脚有甚快活自己畢竟如何不
見雲門大師道而今天下老和尚多是師承
學解路布葛藤印板上打來摸子裏脫出當
人若是明去何不一切臨時又不見臨濟大
師云我者裏是活祖師西來意把來使用立
處皆真他不說古又如何今又如何者語得
那語不得那裏是虛者裏是實你與我拈出
絲毫許實底道理來看此蓋當人眼不開自
無見處一向承虛接響百般忌諱自纏自縛
直饒與麼說當下忽然見得個儻分明去也
是棺木裏睜眼如今還有無師智自然智不

與萬法為侶者烜赫底丈夫漢麟麟斷斷千
 變萬化見我恁麼胡言漢語便好近前驀口
 相拽下椅子擲向三門外喝散大眾豈不快
 哉還有麼良久云若無且看老僧騎案山跳
 入你諸人眼睛裏七顛八倒呵佛罵祖去也
 喝一喝下座十九 師到崇勝眾請小參僧問

未明心地印難過趙州關如何是趙州十三關師
 云過進云莫便是和尚為人處也無師云你
 作麼生會僧作一圓相師云且喜勿交涉進
 云也不得墜良為賤師便喝復云更有問話
 者麼良久無人出師云不因一事不長一智
 說事亦不妨說理亦無礙為報學道人莫作

理事會阿呵呵欲求長須入水是非中聲色
 裏放一倒扶一起是何宗囉囉哩驀拈拄杖
 畫一畫云適來許多葛藤向什麼處去也復
 舉拄杖云拄杖子變作觀音菩薩以甘露水
 灌入你諸人頂門裏還有眼開心悟神清氣
 爽底麼乃喝云莫妄想活落落須彌山把便
 撲擲下拄杖云耶耶三十三天不知不覺帝
 釋居善法堂為諸天說法勸喻云汝等諸仙
 盜非閻浮提歸依佛歸依法歸依僧不殺不
 盜不邪淫不妄語不飲酒不食肉布施持戒
 廣作善業末生此間受種種勝妙快樂汝等
 諸仙不得一向迷於妙樂須知無常念念不

停念念速謝速疾速疾便是到來相將墜隨
汝等當求不來不去不生不滅究竟解脫清
淨涅槃之樂師乃噓噓今日為衆竭力禍出
私門笑破袖僧口然雖如是也不得草草乃
撫膝下座 師到九峯山衆請小參僧問
古人道前三三後三三前三三即不問如何
是後三三師云的進云恁麼進前三步也師
云闕進云大衆證明真善知識師云杜撰初
僧師云大衆此事若全提也便須荒却院散
却衆奉倒須彌山踏翻四大海三世諸佛諸
佛祖師天下老和尚十二分教填其溝塞其
壑雖然如此盡法無民且向世諦流布建化

門中即不可乃拈拂子云三世諸佛諸大祖
師天下老和尚十二分教總在拂子頭上分
開也懷州牛喫禾益州馬腹脹天下覓醫人
灸猪左膊上以拂子左邊敲云太虛為鼓須
彌作起透喝云鑿鑿鬧市裏識取天子將錯
就錯以拂子右邊敲云大地作床長天為幕
蹶倒打睡百草頭上薦取祖師病鳥栖芦噫
九年空面壁撫掌不回頭笑然傍觀如今莫
有傍觀底麼良久乃喝云泊合停因長智又
舉拂子云穿却你鼻孔却向脚跟下走出東
西南北土曠人稀天上天下唯我獨尊阿喇
喇遂擲下拂子云是什麼下座 師問僧

了也未云未了師云你突粥了也未云了師云又道未了後云門外甚麼声云兩声師云又道未了後云面前是甚麼云屏風師云又隨緣事事了日用何欠少一切但尋常自然不顛倒 師到大愚衆請小參師云二三

月來天氣和暖萬物生長百鳥和鳴桃花紅李花白到處園林翠連野色誰家年少賞勝踏青唯有古寺老僧坐對蓮栢遂以拂子敲禪床云敲枷打鎖出釘拔楔大有癡頑怕吞熱鉄醍醐上味候伊時節趙州石橋備途守徹百丈野狐為君一决狐疑淨盡眼光電掣

南北東西有誰辨別還有辨別底麼試出來撫掌呵呵大笑打個筋斗供養大眾一者麼快平生二與天下人作標榜有麼有麼祇為情生智隔想變殊殊我者裏不免拆東籬補西壁去也以拂子盡云十方世界百雜碎何處更有山河大地耶看看四大海水在諸人

十九

十五

面前滔滔地氣象萬端魚龍變化還見麼見則不無忽然有個巡海夜叉出來道禪和子如何是脫生死底句向他道什麼即得若不向他道被他一舌撻棒打煞饒点靈喫當此之際以何為身以何為心以何為人以何為我以何為佛以何為祖以何為禪以何為道

會麼良又云五更便早起更有夜行人乃拂
子擊禪床下座

偈頌 僧請問三聖問雪峯云透網金鱗

以何為食峯云待你透出網來即向你道聖
云一千五百人善知識話頭也不識師以頌
示之 潦倒漁翁坐釣臺金鱗赫赫鼓波

來海門空闊絕施網霹靂一轟天地開

雪峯云老僧住持事大 放去收來得自

由不堪優處亦堪優可憐滯句承言者爭是

爭非空白頭 僧請問丹霞騎聖僧意旨

如何 千變萬化七顛八倒騎却聖僧踏倒

水潦釋迦起身比丘悟道若會此意寒來著

禩 僧請問雪峯豎鼻蛇因緣 打鼓

弄琵琶相逢一會家雲門能合調長慶解隨

邪古曲非音律南山鼉鼻蛇何人知妙訣的

子是玄沙 僧問南臺圓和尚大隨龜話

圓以手翻覆示之其僧不肯乃質於師師以

頌釋之 少室之妙訣觀根而密付大隨

曾泄機南臺亦失護翻手與覆手脫履著龜

屐明明言外傳信何有今古擲金鍾鞞鉢鼓

水東流日西去 僧請問馬大師日面佛

月面佛 日面月面胡來漢現一點靈光

萬化千變 僧請益僧問雲門如何是正法

眼門云普 但無一切心自然合大道應用

在臨時莫分妙不妙 僧請問僧問雲門

如何是諸佛出身處門云東山水上行

日前有路誰解通方東山水上求者茫茫

諸佛出身處東山水上行目前一彈指徧現

然分明日西月西過佛手馱脚呈皆承此個

力言外度迷情 僧曰衆中多以無事商

董師復成頌 十九 多將無事會無事困人心

有無俱勿念自可剖靈音落落雖殊應寥寥

不在尋宜哉萬化首都祇属于今 僧請

問僧問首山如何是佛法的大意山云楚

王城畔汝水東流 楚王城畔水東流樹

倒藤枯笑不休好是自從投子後更無人解

道油油 僧舉趙州遮前栢樹子話或云

有此語或云無此語師以頌決之 遮前

栢樹子趙州無此語若是本色人直下未相

許遮前栢樹子趙州有此語為報同道流觀

面如何舉 僧舉雲門北斗裏藏身

東涌西沒北斗藏身法玉法令德非有隣

趙州勘破婆子 似狂不狂趙州老或凡

或聖人難曉是非長短任君裁老婆被伊勘

破了 婆子云好箇阿師又與麼去

臨岐有水復有火遇賤即貴全可可莖山一

路去無差幾個行人脫羈鎖 遮前栢樹子

遮前栢樹子我道不如松枯枝折落地打著

去年樓造化無私不思力一一青青歲寒色
長短大小在目前可笑時人會不得

頌黃龍和尚垂示佛手馱脚生緣 我手

何似佛手翻覆誰辨好配若非師子之兒野

干謾為開口 我脚何似馱脚隱顯千差

萬錯欲開金剛眼睛看取目前善惡

十七

人人盡有生緣處認著依前還失路長空雲

破日華開東西南北從君去 鳥窠和尚

吹布毛 鳥窠吹布毛 日午方高趙王

因好劍滿國人帶刀 僧問雲門如何是

啐啄之機門云響 有問啐啄機雲門答

云響昨日雷轟天夜來山水長 寶壽開

案三聖推出僧 探騎飛來棒下寧瞎人

翻滿鎮州城太平本是將軍致不許將軍見

太平 石火光中電影分怒雷隨震動乾

坤耳聾眼瞎人無數誰是知息解報恩

僧問風穴如何是佛穴云丈林山下竹根邊

丈林山下竹根邊水在深溪月在天良馬不

知何處去阿難依舊世尊前 靈雲見桃

花悟道 奇哉一見掩花後萬別千差更

不疑獨有玄沙言未徹子孫幾個是男兒

昔日靈雲見悟時香苞紅萼一枝枝如今到

處還開也陌上相逢說向誰 僧問趙州狗

子還有佛性也無州云無僧云上至諸佛下

至蝼蟻皆有佛性狗子為什麼無州云有業
 識在 言有業識在誰云意不深海枯終見
 底人死不知心 僧問雲門如何是吹毛劍
 門云豁 誰謂吹毛利雲門豁可知一朝權
 在手看取令行時 僧問龍牙古人得個什
 麼道理便休去歇去牙云如賊入空室
 買帽相頭量才補職明眼袖僧面前不識
 僧問長沙了即業障本來空未了還須償宿
 債抵如二祖是了不了沙云空 臨機無巧
 妙得意不勞功其如人不會聞空便謂空
 僧問趙州一物不將來時如何州云放下著
 移高純下總威權解脫門開信可憐不得空

王真妙訣動隨声色被勾牽 僧問雲門如
 何是起佛越祖之談門云餬餅 超佛越祖
 之談觀面相呈誰領不知箭過新羅動地關
 爭餬餅 雲門闕挨子 雲門闕挨子消息
 少人知有時一撥動大地眼瞧瞧 雲門
 抽顧 雲門抽顧自有來由一點不到休休
 休休 臨濟三度問黃檗佛法大意三度被
 打 黃檗更不著些些岐路年深恐轉賒直
 下痛施三頓棒夜來依舊宿芦花 臨濟到
 大愚處悟 便言黃檗無多法大丈夫兒豈
 目乖臨下兩拳明有信不從黃檗付將來
 僧問首山如何是佛法大意山云新婦騎驢

家牽 張顛不似首山顛不動毫芒百怪
 全猶得黃龍再拈出四方明眼若為傳
 新婦騎馱阿家牽低頭拈得一文錢十字街
 頭拍手笑東村王老屋頭穿 雲門云火裏
 唧螻吞大虫 秦時轆轤鑽頭通大施門開
 妙莫窮火裏唧螻依舊活拈來誰解恣英雄
 火裏唧螻吞大虫去年不似今年窮直得黃
 茅瘴氣發雪壓桃花處處紅 臨濟鋤茶園
 次見黃檗來遂拄鋤頭而立檗云若漢因那
 際云鋤也未鋤因個什麼檗以拄杖便打際
 接住一送檗便倒叫云維那相救維那近前
 扶云爭容得這風顛漢與麼無禮檗以拄杖

却打維那際乃連鋤地數下云諸方火葬這
 裏一時活埋 奪旗掣鼓著精神父子雖親
 法不親為報四方禪者道等閑莫作守株人
 百丈再參馬祖 客情步步隨人轉有大威
 光不能現突然一喝雙耳聾那吒眼開黃檗
 面 興化打克賓維那 丈夫當斷不辭斷
 興化為人徹底漢已浚從教眼自開棒了罰
 錢趣出院 雲門臘月二十五 臘月二十
 五一曲超今古鎮州大蘿蔔生長在深土
 僧問雲門不起一念還有過也無門云須彌
 山 不起一念海裏須彌把來便用休別針
 錐 百丈野狐 不落巖鋒不昧分要伊從

此脫狐身相逢盡道休官去林下何曾見一人

鳥

鳥

鳥

古尊宿語卷第四十五

七九

鳥

鳥

鳥

古尊宿語錄卷第四十六

士十

僧錄司右圓教兼靈巖山靈谷禪寺住持 凍戒 重菴

真淨禪師語之餘

偈頌 寄百丈瑤首座 百丈雄峯倚碧

虛其間今古道非孤不知一句墮孤事借問
當時有也無 有無聞說笑哈哈不是知音

不問來莫把祖機容易泄侍伊孤眼自醒開
潛能展事客投機落華之談信有之言下罕
逢師子子成群作隊野孤兒 和酬運使蔣
公頌古八絕句 仰山 馮仰法幢摧已久
從頭提起又重新誰知斷臂傳來事光顯須
憑大智人 父子有時揚密意神通變化不

永樂北藏

古尊宿語錄

相知喚回業識忙忙者笑倒馮山老古錘
踈山 呵呵大笑意難論樹倒藤枯問有因
緞向明拈言下悟眼開只是舊時人 因茲
自抱無絃琴歸隱踈山烟翠深有箇荆溪蔣
居士曾聞得得訪知音 末山 末山不露
凌雲頂今古岵嶢在目前又道本無男女相
非君莫辨火中蓮 非色非心非行業成男
成女解隨緣而今僧俗并群有一一昭然總
不偏 洞山 掩耳重開眼界寬廓然無法
不同觀山林瓦石縱橫說若到常情取信難
按部不妨閑訪道新豐一宿話皮膚水聲山
色紅塵外軒蓋重來得也無 寄雲居長老

第一九八册

五頌 絕頂雲居北斗齊雲門知見便高提
 莫將透脫常情解須是當機離水泥 絕頂
 雲居北斗齊截身北斗最難提業林總作平
 常解無限高僧沒在泥 絕頂雲居北斗
 齊出群消息要人提其中未善宗乘者奇特
 商量滿眼泥 絕頂雲居北斗齊

差光裏關中提擎頭戴角誇能解一一重教
 上細泥 絕頂雲居北斗齊橫三豎四目
 前提空中鶻眼殊無碍還笑獐地不離泥
 雪朝上堂舉龐居士辭藥山因緣復頌其意
 示諸禪者 龐翁境界滴水滴凍藥山閑
 黎兩目定動機不發時一場困夢本自天真

阿誰解用 師室中問僧云了也未僧云
 未了師云你喫粥了也未僧云了師云又道
 未了復云門外什麼聲僧云雨聲師云又道
 未了復云面前是什麼僧云屏風師云又道
 未了復云還會麼僧云不會乃云聽取一頌
 隨緣事事了日用何欠少一切但尋常自然
 不顛倒 見僧來以火筯敲火爐僧云不
 會師乃頌曰 火筯敲火爐日用更無餘
 開單并展鉢何處有親疎 僧又問達磨
 西來單傳心印又如何復乃成頌 火筯
 敲火爐直指更無餘開單并展鉢一一晃心
 珠 師室中問僧如何是無文字一句僧

無語僧却問如何是無文字一句師云廬陵
 米作麼價又云面前是屏風 一一超然
 一一玄莫將情計自留連從來大道無文字
 不要安排喚作禪 僧云洞山禪難參師
 乃有頌 洞山禪也不為難與君時復且
 閑閑柳標迸開天地眼一重山後一重山
 示眾二頌 了無一法祇在臨時把來便
 用更莫遲疑 於法應自由更莫向餘求
 殺活劍在手到處得風流 法界三觀六
 頌 色空無碍如意自在萬像森羅影現中
 外出沒去來此土他界心印廓然融通廣大
 共理事無礙如意自在倒把須彌卓向纖芥

清淨法身圓滿土塊一點鏡燈十方海會
 事事無碍如意自在不動道場十方世界東
 涌西沒千差萬怪火裏唧螻吞却螞蟻共三
 事事無碍如意自在手把猪頭口誦淨戒趣
 出媯坊未還酒債十六街頭解開布袋共四
 事事無碍如意自在拈起一毛重重法界一
 念遍入無邊刹海只在目前或顯或晦共五
 事事不知空色誰會理事既休鐵船下海石
 火電光咄哉不快橫按鎖鑰魔軍膽碎共六
 讀金剛經是法平等無有高下佛意非傳大
 士頌指南則異說者多矣故水陸同真際飛
 行體一如則佛佛道同信斯也因成一頌用

示諸禪者 平等群生類。迷為七趣因。悠
 悠終莫覺。擾擾但隨塵。賴我從凡質。何緣獲
 法身。神通雖未具。作佛亦天真。 短歌寄
 端上人 鷲峰深黃蘗。苦一來知味。便回
 去去去。不回頭。大地何曾有寸土。廓然胷臆
 寰宇寬。東涌西沒。胡為難。早言云。徃逍遙山
 又聞已在袁城間。因思孤坐雪寒夜。松風瑟瑟
 添蕭洒。端師端師聽我言。玉鑰在手須牢
 把 寄人 一三三四五。清平打鼓道
 吾舞脚踏金船。海月高無根。樹下蹲龍虎。優
 鉢羅花火裏開。軒轅寶鑑埋糞土。為報潁川
 善女人。信受摩耶千佛母 送和禪者南

雄作巧 見不見逢不逢。千里萬里圓光
 中。左顧右眄。華嚴海輕提重。按開盲聾。此箇
 妙窮不窮。是處園林落花紅。乾坤造化有時
 節。莫比。仁者無間風。忽釋迦慢彌勒。彼既丈
 夫。我亦爾。都來祇在一毛頭也。解分身千百
 億。臨機一一不思量。好笑時人識不識
 送清禪者石城巧 菩提數珠一百八。攝
 標拄杖六七尺。象王蹴踏潤無邊。達磨唯留
 履一隻。至今天下重黃金。笑殺寒山與拾得
 觀音。慈布袋。慙維摩。問疾文殊。堪千奇萬怪
 狀。無盡皎然。此理誰相諳。石城人物多賢善
 仁者一到。皆和南。有人問着新。豈老切忌承

言落二三

送生禪者袁州丐

箭穿

紅日影山鬼把住麒麟兒
寶人破布衫海神捧出珊瑚枝
臨際三閑透不透雲門一字知
不知閑思昔日同參者
笑倒新豐老古錐小釋迦
大禪佛集雲峯下有窠窟相逢須辨是
與非莫順人情剛負屈
鼈鼻蛇遼天鵲偏問

知音是底物奇哉高步下層巒
好向前途恣四輕忽

送從禪者廬陵丐

鼓山頭上

雲成蓋石霜霜水清如鏡
新豐洞裏伸脚眠眼開起來
天地迥拍手呵呵笑不休
堂上老胡俗姓鄭廬陵
米價高後低免角拄杖須親
劈欲度門門一切境當知
密室爛如泥

送長上人袁州丐

集雲峰下四藤條誰

復得道遙祝融峯頂萬年松
天下名標新豐五位拄杖頭
挑橫三堅四東西南北偏中來
正中去遇賤即貴逢低且高
撞着三家村裏老婆掣斷裙
腰十字街頭醉翁子扶起來
與伊繫條或是或非胡抄亂抄
休話祖師密意

莫問世俗塵勞道人活計舉措堪
褒咄將此深心奉塵刹諸子
不同袍海裏須弥日月高送雅禪者
石城丐

雞不鷄無功之食水

長船高物歸乎有道之心泥多佛
大德山呵佛罵祖曾遭巖頭僧
堂前領過臺山路上老癩有箇趙州
不出門勒破獨有雲門古錐有

口不妨道火火本無火承言者紛紛自我不
 然也非言道不通非事理不果理事通達人
 利生無不可既然也有却解臨時建立又不
 善逐旋包裹但可以直用好心殊不知返遭
 惡禍末法衆生知息者能有幾箇雅禪者為
 尔老婆葛藤會麼寄南康魏處士寄茶南康
 有箇魏處士生來心淨開蓮華蓮華妙心空
 無物能為佛事如塵沙衆生佛種不自發莫
 不覩相生道芽觀音勢至自可仰文殊普賢
 人共誇豈唯慈善佛菩薩不獨忿恚惡那吒
 有時人頭及鬼面有時虎豹諸龍蛇一一臨
 時能變化一一所應曾無差當知皆承此箇

力不知處士自知耶此也從來最靈物當頭
 一著輪舟霞誰言僧俗有南北我道聖凡同
 一家音通不問識不識逢人便寄趙州茶助
 我日用作佛事啜者唯嫌苦遊加苦也遊也
 益何盡泥也水也興無涯人間萬事即佛事
 正者自正邪者邪因思昔日洞山老問佛解
 道三斤麻 寄吉州清平跨牛庵
 庵內不知庵外事跨牛誰識樂生緣或舒驢
 脚步荒草又把佛手開人前頭頭應現頭頭
 別元與跨者曾不偏肥苗嫩稼觸途秀飽亦
 不食牛可憐青煙萬戶大和邑白雪一曲清
 平禪客來欲辨牛毛色唯見長老庵中眠世

人有牛自可識毛色分明頭角全跨行一一
 乘他力莫問清平別有玄 送淨禪者巧
 南康 逢人便出有理但伸一錘一劄要
 見通人三頭兩面任起情塵道不屬諍法何
 有因心既無住道乃通津南康教化平等為
 人富亦不富貧元不貧男之與女佛也天真
 賢之與愚性也法身孰為彼我誰為踈親一
 一明妙一一精神臨事活發應機妙陳不自
 覺悟逐樂因循從頭指出無使漂淪海淨禪
 者莫憚苦辛 送言隆二禪者之南華禮
 六祖真 曾聞菩提本無樹又云一花開
 五葉是非有眼分不分可使吾道生晞晔曹

溪分派共入海寶林人間翠相接其中塔廟
 居真身同往瞻禮不可輒又聞彼既丈夫我
 亦尔不應自當生退怯又不見古人已靈尚
 不重况求諸祖解脫乎大丈夫大丈夫靈光
 烜赫阿誰無當機大用脫知解舉措何曾法
 道途本非文字不屬教亦非禪道莫昧渠明
 明一一離諸相剛把迷頭頰麵糊二禪者^六是
 不是若是不妨南去見老盧 送十一禪
 者徃諸方緣化 身是光明寶幢心是神
 通法藏多虛不如少實千語終歸一當欲知
 教外別傳便是西來勝樣神通利物昭昭光
 明到處晃晃不屬諸方語言豈關森羅萬象

大機大用天真或是或非過量一得永絕攀
緣無法更堪比况唯此一事真實其餘總是
虛妄可使法果有情同悟此心無上十一禪
者化行雄雄法王大將 後又添一人之
禹載緣化 元是十一人添子成十二有
利及無利終不離行市木塔老婆禪河陽新
婦子普化解風顛我今故直指 上高李
居士求頌 李翁李翁惠性自通知身幻
妄處世皆空尊卑貴賤暫且相逢共若朝露
總如春紅倏忽變滅誰是我儂唯心即佛靈
妙難窮長生不死人性皆同明明日用不自
信崇悟無彼此迷有西東李翁李翁宿植善

功一家蒙庇吉慶常隆兒孫樂善齋心融融
正信清淨諸佛法中或讚或毀如盲如聾一
切魔惱自然銷燄道心堅固有始有終
送照禪者 齷齪齷齪人謂我惡是是非
非我謂人莫不莫不作不惡不樂法喜禪悅
去黏解縛黃龍家風佛手驢脚後代兒孫須
自開拓大啓三閩末後一著雖涉語言不在
糟粕皎潔靈源此彼何若神通光明圓滿大
覺切忌思量應病與藥 方禪人求師親
書偈送 字要親手書偈不憑人作彼此
有如意應病即與藥鬧裏何妨佛手開擬議
之前出驢脚任是碧眼胡兒也須路頭迷却

不是特地要辨清濁活衮衮明落落本自天然何須自縛還鄉曲調和者稀千木逢場但戲樂送諸郡丐者諸郡丐者道無此彼直截根源更何擬議性本一源用無有二但盡凡情別無勝義觸目遇緣無非佛事有利無利不離行市千木隨身逢場作戲或逆或順或非或是一主一賓一坐一起照用臨時縱奪有以臨際兒孫衲僧巴鼻教化衆生成就根器家家觀音門門勢至兒女大小神通活計通人不疑法王已矣送德禪者丐平江平江一泓東流穿過千門萬戶佛法大意分明自是時人不顧直到大海

方休浩浩無今無古滔滔自有靈源亦似參禪大悟若也心地洞然正法眼藏發露何妨運出家珍所在觀機救度明年是日歸來不尔却依位住南臺和福嚴長老結夏今夏南嶽南臺晚飯不通水泄杉松空引寒風田地莓苔不繫又道禁足九旬人人口中一舌去夏蠟人消盡今後渾鑄成鐵殊不知有佛有法豈更解移凹就凸祇待置箇葛藜准備來年夏熱送葉道人一葉落天下秋夕陽西去水東流黃河澄清聖人出二千年事何悠悠稀復稀少復少使我虛生幾迴老如今共喜居太平何妨學佛閑訪道

歸去來歸去來老盧得不在黃梅普光心印
神通藏日用分明眼自開 送琪道者作

巧 衲僧門下縱奪臨時靈蛇在手猛虎

當騎有鬚便將無尾莫退放去防渴把住知

飢宿主易見隱顯難思禪家大道法眼慈悲

送閑上人之黃龍觀老師 閑閑一片祥

士十

雲別海山卷舒出沒自有信豈同薄霧縈漁

灣閑閑閑情恁態西南還黃龍久約待為兩

我今日送胡高攀 和黃蘗老和尚送李

居士 踏新秤槌兩截分明為君直說黃

蘗苦口多嫌三冬何處無雪難難翻憶龐公

與兒女不婚不媵共頭活 送吉州魯居

士昆季 來從山下來去從山下去行也

曉便行住也晚便住在路同弟兄到家會見

女莫嫌言語太尋常最是為君省要處省要

處三四五須彌踣跳迦葉舞 寄福嚴謹

上人時在南臺 白雲籠高峰明月照淺

水誰云與日同方曰為知己北嶺壞邊人南

臺石上子救得老盧頭失却少林齒

送一禪者袁州可 佛子之心絲毫不掛

無底籃子驪珠滿瀉袁州城裏任人著價異

日歸來倒騎鐵馬 送儼禪者吉州可

佛子之心大喜大捨嗅龜作鼈指鹿為馬偃

溪水聲廬陵米價一一法門死蛇活把

送慶輝者崇陽丐 佛子之心無非利樂

衆生界中應病與藥或呈佛手或出驢脚我

宗赫然莫錯莫錯 送泰禪者乞米

佛子之心能施惠澤山前殺熟人間米白十

升一斗大翁二伯但盡凡情錢不露陌

送際修造 佛子之心逢場作戲遇緣即

七十

興常可如意佛殿三門觀音勢至彈指乃成

九峯山寺 過義井莊猛才上入求頌

古佛家風在尋常已自知不勞心力處忽迸

電光時既作韶陽客當爲師子兒目前凡與

聖一一莫存伊 又滿莊主求頌

智者能孤立開花自有春不爲萬法侶肯作

半途人快臆乾坤大威光日月新尋常拋擲

裏誰識是天真 寄饒守鄒幾聖

此身穢惡聚無佗又不得智者知是幻飲食

聊滋益中有淨法身精明妙誰識君與我無

差一得即永得 寄葉推官 此心難

足便忘機况屬衣冠富貴時終日素飡甘自

得浮生虛幻許誰知能特悟意唯書偈不把

吟情更作詩一種家居超俗類西天摩詰亦

如斯 近想道彌著前來所得深虛適真

法性皎潔淨名心王事何妨及塵勞已不侵

妙靈居日用誰古復誰今 和宜春張簿

見寄 萬類紛然居有爲一一天真本無

住豈是明公獨妙明我亦從中獲靈悟情與
 無情及聖凡解脫門開同一路王也臣也自
 可知此是如來親付囑 卿上人禮師乞
 頌 有僧近從廬山來輒然問我求禪偈
 我既臨時解變通神頭鬼面超言義而况佛
 法無定機宗門自有通人至子應久歷叢林
 師潦倒所說是也不是 張道人寂庵
 離念性虛明居此常寂照萬象圓光中清淨
 同一妙開池養白蓮門當市井道我無人事
 心人事不相到 寄塘浦張道人
 世俗塵勞今已徹。如淨琉璃含寶月。鍊磨不
 易到如今。寶月身心莫教別。死生倏忽便到

來。幻化身心若春雪。唯有道人明月心。日用
 廓然長皎潔。靖安令程節推一日遊山
 以諸堂寮舊名猥冗各隨事易之揭為熏修
 精進廓然證宗性空實際不二了義法忍妙
 用和集雲鶴老拙乃一一頌之又作通人偈
 共十三首寄呈 熏修 圓滿菩提道
 熏修乃得成。理雖頓悟勝。事要漸除輕。鏡藉
 重磨瑩。金頂再煉精。勸令先自利。然後利群
 生。精進 六種波羅岸。先乘般若舟。
 自然無所住。何更有取由。勇猛能成佛。踈慵
 不到頭。蒙君共著力。禪者總精修。廓然
 每來常然坐。却洞廓然襟。廣大乾坤量。包含

日月心。龐公雖去世。程老復知音。別聽為霖
 雨。當期外護深。證宗 達佛心宗也。
 寸無差。平時相應存。解行瞻敬見。師資琢玉
 當成器。磨礱莫問伊。西來諸祖令。一一總如
 斯。性空 佛及衆生性。圓明躰本同。
 見聞皆共有。取捨總非空。在事能潛隱。當機
 解變通。談禪并治俗。一一見全功。實際。
 妙湛總持際。光明覺性身。在家疑是客。別國
 却為親。漸誘終難信。高提復倍嘆。如今法末
 世。教我若為人。不二 平等觀諸子。
 家門不二開。客程無是處。浪迹總歸來。法寶
 名如意。禪用說善財。共遊華藏界。寰宇一塵

該。了義 迷頭曾認影。了悟總成非。
 唯有道心在。更無禪病依。靜中聞水過。閑裏
 見蜂飛。一天真事。何人共所歸。法忍。
 對境心常寂。靈源本不生。事隨高下應。機逐
 深評。剖判彰神用。觀瞻洞覺明。無非法忍
 力。更莫外求聲。妙用 神通并妙用。
 迎送及攀陪。更不假人教。自然隨事來。幻身
 同草木。淨性出塵埃。多謝程居士。迷頭總喚
 迴。和集 法門元不二。所到便為家。
 圓頂薜檀樹。方袍菡蓀花。六和儀有伴。四攝
 道無涯。豈獨携禪者。俱登大寶車。雲鶴。
 旦過晚應宿。山堂任去留。孤雲能自在。隻鶴

更優游。柳樛開青眼。袈裟伴白頭。未明西祖意。萍迹謾悠悠。寄通人。通人何棟擇。一一道無偏。擬欲分優劣。還應落蓋纏。心同作佛。法法共談禪。但盡常情也。東流水滿川。禪定軒十偈。插心名淨戒。禪定號波羅。到岸仍留筏。行慈復度他。悟懷生極樂。見性識弥陀。即此明軒下。菩提薩摩訶其一。雖然迷悟別。平等一禪心。莫向雲門覓。休從林際尋。瑕銷成白玉。鑛盡得黃金。無比不思議。靈源最甚深。其二。本來同作佛。妄想共留連。此日不為道。何時能去纏。便宜歸寶所。休更認空拳。一天真

性。花開火裏蓮。其三。西來元不二。天下所傳差。佛法無多子。門庭有幾家。主賓分兔馬。棒喝辨龍蛇。學者宜詳審。如今正可嗟。其四。諸祖傳心印。何曾別有禪。宗乘迷有異。佛法悟無偏。寶覺人人大。靈機事事圓。莫求奇特說。荒却自家田。其五。小乘不見性。心外別有禪。妄現涅槃樂。迷遭煩惱纏。豈知潭底月。元在屋頭天。更把古人語。將為奇特傳。其六。神通遊戲力。一一本無生。菩薩能親證。如來更妙明。聲聞聞未信。緣覺覺猶驚。唯有大乘器。靈源發便清。其七。佛性天眞事。誰言別有師。男兒

彈指處。女子出禪時。不費纖毫力。何曾動口。思。衆生總平等。日用自多疑。其八。學道先須明有悟。法王法印無偏。拈來事事皆過量。把出心心總離緣。由是衆生顛倒解。不觀諸祖上來傳。蓮花世界同遊戲。主伴交參影像前。其九。龍象朝昏。禪悅處幽深難勝。此軒窓心為遊戲神通藏。身是光明智照幢。徇物高佞。雖有二歸源本末。且無雙。但能知見同真正。外道天魔稽首降。拱大義察大義無文字。誰云達磨傳。此心元淨妙。是法本明圓。有據人人佛。無生念念禪。開單兼展鉢。一一火中蓮。其一。大義即為察。包容

起一朝。聖凡同寂滅。主伴共逍遙。少語工夫大。多聞慧解饒。禪餘遊覺苑。朋友好相邀。其照軒。本性本明妙。如何却妄緣。常光常寂照。淨智淨空圓。舉衆皆平等。臨機總見前。唯除不信者。教外豈虛傳。其一。西來教外傳。開悟却憑言。心是神通藏。身為智照軒。法空平等座。善巧揔持門。大義靈無盡。禪家各有源。其法會寮蘭軒。晚應清涼候。花苞吐國香。謝庭家世短。孔子教風長。有德更誰並。無人亦自芳。蘭軒禪者衆。佛性戒冰霜。其一。無人亦自秀。况植梵王家。僧衆共白業。禪庭開素花。對談為法會。長養壅溪沙。正

似修行者。常將戒定加。其春秋皆有蘭復作
 偈以原之。鶴白兼烏黑。心為造化元。二儀
 雖有象。一氣本無言。萬物遂其性。四時歸所
 存。秋花與春艷。香每滿蘭軒。寄荆南高司
 戶五偈。若把心無却。教誰辨主賓。不知妄
 想性。便是聰明人。我。要自覺了。頓忘能所親。
 但觀佛與祖。一一洞天真。其一。知見無
 上力。禪門已了心。不從達磨得。豈向釋迦尋。
 莫被無言溺。須妨有語沉。現成常現在。唯悟
 始知深。其二。小乘修小法。妄現寂寥禪。
 務靜欣無念。嫌喧怖有緣。不知佛世界。即是
 己心田。起坐明如日。眾生共皎然。其三。

學道多涉數。阿誰能自尋。二人禪悅性。千里
 月明心。瑩徹同僧俗。靈通共古今。莫將閑藝
 解。可惜枉埋沉。其四。男兒丈夫志。開鑿
 自家田。莫逐雲門語。休依臨濟禪。人人元具
 足。法法本周圓。但作主中主。門門日月天。其
 和開福長老送強禪者七偈。迷行順行皆
 青春。或是或非不動神。徃徃總隨聲色轉。廻
 頭又昧本來人。一氣纔和萬物春。不勞功
 力豈勞神。非言非句非文字。快活當機有主
 人。多執平常夢裏春。依他妄計自傷神。更
 傳臨濟雲門語。奇特商量惹殺人。雲門臨
 濟百花春。一一靈機總有神。到底不關言語

事。錯傳錯解誤他人。直截根源教外春。阿誰不聖不通神。雖然向道離垢舍。又作無心常醉人。言句清新便謂春。平常為實用安神。希望成道不求悟。更把精辣教授人。悟來無物不為春。荆棘林中解養神。常與不常虛對實。昨機提出總由人。寄浮山叢中

淚達二上人。若是金毛那守窟。奮迅東西警群物。有時踞地吼一聲。突然驚起遼天鷗。所食不食鷗之殘。戲來還是弄活物。翻嗟疥狗一何癩。到處荒園咬枯骨。送宣上人。落落空門子。心空法亦空。有橫柳標杖。南北異西東。寄瑯首座時在大愚。高安灘上

古禪閑。吾祖曾開微困顏。經幾百年真迹在。長應留待子孫還。和荅筠守錢郎中圓相頌送住洞山。未有難名既形可措。圓滿現前群迷得路。送榮上人往黃蘗禮積翠庵老和尚。了然逆順皆方便。往往宗師昧者多。君欲決明心地。印鷲峯問取老禪和。

到日應須次第攀入方境界。妙堪觀重重無盡重重異。一一憑君子細看。和真首座施茶。從苗辨地知音少。獨有吾師鑒最靈。東出異常還音苑。幾人於味得全醒。留真首座。名山靈迹遍優游。賞勝心應近。已休好住新豐古洞裏。共揚佛事老春秋。回事

祖師心印鐵牛機直要當鋒決是非掣電未
 收轟霹靂相逢誰是丈夫兒 南臺石頭真
 堂 南臺石上檇檇子今古何人道可齊昔
 日住菴真斧在夜來明月落前溪 寄信上
 人時在般若臺 要行便行住便住去住尋
 常與誰語而今又在般若臺無錢娶妻衣自

補 和香巖和尚石磬 乱山深處雲巖久
 不是知音辨也難一日禪堂高掛著時時響
 應萬機寒 玳瑁報曉會茶晏直下無私喚
 起人各各慙慙煮噉了可伶幽韻又虛陳
 送道叢沙弥南康丐 步步登高鳥道玄心
 心開發火中蓮沙彌品格沙門行始解南康

化有緣 送則上人 困魚上漂鳥棲蘆空
 奮雙拳大丈夫一一盡從胃臆裏蓋天蓋地
 洒醍醐 送全禪者廣南作丐 達磨遺下
 一隻履老盧把住諸祖衣家家門前赫日月
 太平不用將軍威 送文禪人之吉州丐
 自心隨色摩尼寶莫問廬陵米價高更欲徧

遊華嚴界都歸仁者一眉毛 滁州全琳塔
 院鑿上人邀宿草庵 未能直到覺元妙且
 向途中息草庵勿謂無心便休去前三三有
 後三三 庵內不知塵世事此心能有幾人
 全黑龍山寺琳城外路入青林隱翠煙
 和酬運判李大夫 同鄉同姓通玄士應念

群迷復現身時向庵中開舊論還隨法界在
 微塵 按行雖是江西漕藥杖分明長者身
 須信此心能自在為官作論總非塵詩公是
 者之 又贈李運判 公道生平為布施况聞
 高潔到如今利民利國何人識元是仁慈古
 佛心 竹炬點來明有盡智燈然去照無窮
 故知般若靈光妙行震輝華到處通 和泐
 潭 軋長老見寄 泐潭軋老真淨翁白頭彼
 此雪霜蒙道人不必重相見千里長同月下
 風 長愛末山塵世外老來無用更深藏人
 間是事只如此岩穴誰同一炷香 荅新昌
 簿求圓通頌 何妨識取主人公妙性雖空

永樂北藏

古尊宿語錄

用不空王事更繁皆白了未聞裴措獨清通
 送昭禪者 馬駒踏屐水雲深問道無非特
 訪尋別我又投三祖去取魚不在一清潯
 和揚川秀才見別 詩句清新已出塵西來
 祖道更能親雖然頭戴烏紗帽心是蓮花社
 裏人 龍湫 參天四面碧崔嵬中有龍湫
 偃石堆往往山前為雨電正應從此起風雷
 別江西潛王正言 滌盡塵勞破盡疑廓然
 還得本心時荒田不揀拈來草生殺臨風自
 在花 和人歲旦 剃髮因驚雪滿刀年華
 須信不相饒逃生脫死勤為佛莫謂明動真
 後朝 送華禪者 此心本是法中王南北

第一九八册

東西豈有方若遇風雲霹靂任教群鴈不成行
 寄程承事 老也須知不老身同行
 同坐有精神雖然無相無容貌能為群生作主人
 筠洪中路有驛名大通其傍 精舍
 曰竹下因投宿題之 有寺路傍名竹下去
 洪一驛大通前偶來投宿滿窓月伴我家寒
 永夜禪字 送曉化主 藤王閣上江山勝十五洪
 开城中萬事開祖意西來本清淨不須更要
 離人間 仙遊觀愚溪閣 濟用古今流不
 盡閣中誰是不言人此心若似愚溪水天下
 悠悠總任真 觀彭學士會黃蘗老宿覺林
 院頌遂乃詠之 性覺瑩無垢廓然圓滿心

發生功若地長養行如林居士從元大禪師
 復本深相逢一家內僧俗世殊欽 雪朝陞
 座僧問雪上蹤由事若何師云片片色無別
 高僧因雪問長老今當行片片色無別紛紛
 性共明一陽曾告報萬物待生成不獨資禪
 悅臨機要盡情 弔黃龍和尚塔 示滅師
 何速空遺塔此中僧開四海錫誰復九年風
 鳥外千峰遠人間一徑通寥寥朝興暮唯有
 白雲同 新荷示徒 濁泥終不染况在梵
 宮生潔性一池碧幽香滿座清團團初映水
 短短漸分莖更待蓮華出禪心妙可明
 投老庵示衆 九峯山色裏拙者草庵深投

老遂踈懶問禪徒訪尋欲知諸祖道不越衆
人心彼此同成佛耶為直指吟 題清居栢
樹 昔人曾指出今古道傳替祖意憑君悟
禪心使我惺故知非俗物還長在僧庭凡木
幾回老高標依舊青 呈筠守徐朝議辭九
峯命二首 捨家從學道無用樂天真豈謂

七十

十七

至愚者仍慚老病身不堪為度世止合作閑
人乞放歸山去備然老百春六十四年期歸
閑已是遲一身終有限萬事畢無時學道當
求靜為僧亦合宜蜀江賢太守外護却應知
張文結再任洪州 洪都王者府復鎮見君
臣不責辭南越唯佳奉老親江山千里舊賓

永樂北藏

古尊宿語錄

主一時新曾對談禪客慚非下榻人 大寧
山堂 禪家能自靜住處是深山門外事雖
擾座中人亦閑漁歌聞別浦鴈陣下前灣即
此非他物何妨洪府間 散珠亭 一一分
龍口當軒號散珠若教收拾得却恐久長無
合浦圓相似隋庭夜不殊豈唯能善利萬物
有工夫 擬王元澤題鳳凰臺 鳳去臺長
在園林別嶼連因傷故國事願學老盧禪淨
練澄江地餘霞散綺天六朝人不見極目舊
山川 寄西庵法眼安師 不聞庵外事此
意有誰知林壑路窮處世途心盡時鐘聲來
舊寺月色下新池却笑承風者區區老若為

第一九八冊

穿軒 本來心自寂不必更論禪我欲辭多
 事誰來共少緣萬杉青靄裏五老碧峰邊第
 一幽藏廬廬山小洞天 留題天水居士靜
 宴閣 收心安養處靜不在山中冬暖一爐
 火夏涼三面風遣時緣既薄樂道意何窮莫
 問人間事勞生總是空 洞山訥庵 寂寂
 坐無語何人知此心別傳來自昔密付到如
 今胡氏田園上雷家洞府深高僧養舍在誰
 為訥相尋 留題東軒 佛子異行巖開軒
 亦有方故因迎夜月仍得待朝陽群木煙初
 暖幽蘭花正芳坐來禪性澹蜂蝶自輕狂
 寄香城順禪師 靈觀拋頭後名山護有神

道場千古舊法席幾番新廢去何由物興來
 故在人况師先達者不與衆同塵 寄程承
 事 七十六七八時來又共新青煙池上柳
 白髮鏡中人但逐年華轉焉知佛性真寄言
 程老子有酒且歌春 荅靖安黃尉問疾二
 首 書來蒙慰問外護力何偏槌鼓會雲侶
 焚香開雪牋滿池蓮出水迥漢月生天又似
 新裁錦文章少比肩老病連綿發寧忘苦惱
 繁百骸雖朽敗一物却精明古屋縱傾倒開
 心亦坦平但知行大道懶更問前程 宿彬
 上人房 人事少相干亦由居處偏不隨流
 過日常得自安禪野色郊原接雞聲市井連

此身仍老矣風暖杏花天 退洞山上毛大
 夫 名山不到屢開欲遍追尋擬把新豐月
 將還悟本心禪門無著性仙府有知音乃轉轉
八地七昔七隱七聞說寒巖在天台第一深 遊東
 鼓寺 東鼓與西鼓聞先瀑布前廬山圍不
 匝勢更近南邊 遊景福訪省長老 人生
 倏忽間春色又東還方丈新宗匠禪門舊竹
 闌嶺雲飛片片溪水瀉潺潺總是天真物高
 僧心共閑 寄績溪蘇子由 達人居處樂
 誰謂績溪荒但得雲山在從教塵世忙文章
 三父子德行二賢良却恐新 天子無容老
 石房 蘇子由關東軒有頴子函卷之說因

而寄之 才淹居亦弊道在不為貧未洒寶
 巖雨止蒙頰巷塵曠懷隨處樂大器任天真
 半夜東軒月勞生屬幾人 訪寶雲長老
 相見呵呵笑園林落葉多青松色尚在仁者
 道如何世態期朝暮風光逐綺羅居山禪寂
 子無厭我頻過 經宣梵院延亭 積善一
十
 方人延祥日益新共當千百載長若二三春
 塵客心心靜環簷物物真院頌宣梵號天子
 福黎民 寄無為居士 世俗事無盡養高
 心自閑蔬園通綠野林塢帶青山丹竈慵添
 大雲菴懶著閑別應修有街七十見朱顏
 快亭 門徑杉松老悠悠日月閑法王真境

界禪者舊家山祖意傳來久人情自別攀如
 何快我臆滿座水聲還 清涼軒 夏間逃
 暑屢軒戶對巖阿溪水漱無盡竹風來更多
 百散煩既謝諸祖意如何坐久聞魚戲時時
 動涿波 師在雙嶺清旦維那問訊乃曰寂
 寞師曰寂寞僧家事遂成其偈 迥然生計
 別輒向少知音寂寞僧家事誼諱世俗心長
 遭兒女累莫厭水雲深但樂西來意塵勞久
 自沈 途中逢建州三秀才 桃紅蒸柳綠
 天地兩初澄琴劍三才子航孟一老僧文章
 投北闕道業繼南能邂逅征途上生平識未
 曾 送周道士 歸去靈溪觀匡廬碧嶂深

澗松多偃蓋崑溜盡鳴琴不死徒食藥長生
 可練心地年如有道飛錫一相尋 送張僉
 判遊開先 步入青松裏迢迢一徑通漸分
 華歲界深隱法王宮道與神仙別人非世俗
 同欲知西祖意庭栢老春風 謝新昌權宰
 見訪 秋試舉人迴義峨將相材過橋分路
 處勒馬入山來邑佐閒空望林僧靜可陪何
 當布霖雨天下活枯茅 送然上人化導
 曾聽新豐曲簷頭雨滴聲還吹無孔笛用度
 有緣生欲破他迷暗當開已悟明春風活萬
 物天道美何評 清公默庵 久息遊方念
 庵居道可親依依雖有主寂寂似無人池裏

運從老門前事自新此心誰會得庭栢對長
香 留題瑤公寂照軒 幽軒名寂照四海
坐中閑景物有遜色主人無異類野泉澄檻
外香靄起簷間涼夜誰相問寥寥月滿山
送人之南嶽 境幽南嶽寺一一碧巖分遠
近松相接高低鍾共聞靈禽時奏樂香石日
龍雲想到經行處超然趣不群 雷秀才顯
閣 靜攝南池上群芳益我曹蘭仍露兩露
松下隱蓬蒿環坐山川秀開懷意氣豪為儒
斯有業何慮桂枝高 上藍清涼軒 觀機
唯說法一聽一清涼欲盡衆生病當開甘露
場幽深方丈後掩映府門傍有問西來意城

頭角韻長 遊桃源贈劉君實 宛若神仙
府疑無世俗風人間山色裏門徑水聲中柳
線共垂綠桃花相映紅烟光正和暖遊樂意
何窮 與道士話長生 悠悠人共老誰復
解追尋豈信長生道分明不滅心 羗飛瑤闕
遠夢後海山深語此迷方者無勞覓寸陰
書道士壁 仙學迷多說當依柱史評無心
歸大道有德失長生物我同真宰親疎豈可
名良哉衆妙本一一在忘情 留贈香城溥
長老 簾卷西山色禪心共月華香城深處
寺靈觀上人家絕頂壇猶在盈頭乳已賒而
今溥道者經誦白蓮花 題矮雞冠 潔白

異衆新塔前莎草齊曉來和露看只欠一聲
 啼 弄遊未固院 悠悠塵世外居者少關
 心是事有遷謝斯門無古今乾坤同永久山
 水共幽深我愧重来此諸方懶去尋 淨頭
 端上人求洗滌之說因而成偈 段食共滋
 養皆名有滿身焉知大小事不昧性來人歷
 歷隨聞見惺惺應屈伸變通元自在鑒照本
 天真由逐江湖客耻為堯舜臣所依投旅舍
 妄計困風塵病故嫌王膳飢仍預園民既能
 分皂白須解別疎親朽宅蛇會浮泡屎屎
 陳向妨觀穢惡却要滅貪嗔除垢超凡果談
 空入聖因迦文教雖舊釋子道應新草屣排

朱戶禪衣掛綠筠插心彰戒定彈指覺坑神
 吐唾防塗壁批箒怕動隣為僧當異俗學佛
 便行仁伏忍寬憎盡典悲鳥獸馴汲湯宜讓
 伴盥手忘淋垠受用生慚愧供承識苦辛塔
 瓶同鏡面瓦宇若魚鱗狼籍欣歡少光明讚
 歎頻桶盆還次第灰土最精淳塞鼻奢紅棗
 迎賓熾絳脣去驕終遠害習慢必遭迤區器
 易盈滿曠懷忘賤貧沙門脩慧命菩薩振慈
 綸愆具如蓮性誰偏可意玆莫迷臭皮袋苦
 海枉沉淪 石甃二十韻 帶月眠霜磨復
 琢南康匠者好規模引迴鹿野靈源水瀉入
 梵宮香積厨宜作奇祥當聖代永為盛事在

元符既依依數里松蘿下往往諸方佛刹無
 左相右盤何繚繞高來低去更繁紆屈伸究
 若蒼虬活裁剪分明碧玉俱解逐方圓稱上
 善能隨甜苦任殊途既成蔬飯鳴健推還春
 林僧洗鉢盂及物冷冷離洞府漱湍瑟瑟近
 簾隅禪堂客惠添茶味祖席人傳美畫圖澄
 湛池塘荼蘼菡萏清涼肺腑飲醍醐調和口腹
 功非小蕩滌塵埃德不孤遐迩溪山同掩映
 朝昏鳥獸共歡呼屯雲坳裏龍擡首貯雪巖
 前虎踞趾夾道栽杉根漸著傍垠種竹葉微
 甍橋橫深澗優游也亭起危巖悅望乎佛手
 開時慚潦倒馬蹄踏處愧踈愚賢將世子勤

永樂北藏

古尊宿語錄

其力則與清師忘所劬清則與世四士人千
 載石門憑沃潤萬家極越共成見事顛濡輒將長句
 伽陀讚誰謂江河壯帝都題雙嶺曇顯法
 師影堂 雨花臺下真身在便是梁朝顯法
 師南嶽早傳思大道北齊曾控陸脩詞沙門
 既悟神通妙道士休誇呪術奇舉一無人能
士十
 舉二至今佛日聖明時二十五秋夜宿景德院荷
 滿秋塘菊滿籬淒涼軒檻冷風吹西末祖意
 堪任處方丈禪心正寂時岸住何坊傳棹子
 車行須是打牛兒通人聞說呵呵笑帶水拖
 泥老古錫和積翠菴老和尚送李二十歸袁
 州。深入靈山罷問禪。還家林逋步苔錢。悟

第一九八册

懷此去須知幸。竹偈誰來得有緣。隱俗但忘
 憎愛見。同塵寧畏是非遷。時時好味庵中旨。
 若遇如君始可傳。和楊川秀才。同是浮
 泡幻化身。鬢邊白髮但驚春。墜星灣裏曾分
 舊。卷篔山中又話新。君把詩篇多適性。我將
 佛法獨怡神。雖然禪悅吟情別。得意逍遙統
 要津。謝毛大夫見留。山野欣逢太守賢。
 故伸鄙脆下雲巔。莫嫌苦死辭幽隱。却為勞
 生屬晚年。多病況慚非道德。踈慵虛占好林
 泉。片雲颺逸情無限。不用羈留重愛怜。
 次韻郡倅李朝散留題洞山。凌空疊翠巖
 光裏。一簇樓臺釋子宮。誰謂道場無事到。自

須蓮社有緣通。曾迎彩旆長松下。得奉冰顏
 累日同。從此承恩何以報。悠悠心在白雲中。
 悟本道場三百載。至今香火感玄關。未遊長
 謂於人外。及到分明在世間。境屬化風林壑
 靜。僧依勝迹錫瓶閑。訟庭無事民情樂。洞寺
 何妨一再還。寄蘇子由。徧因訪祖叅禪
 後。拙直尋常見愛稀。有道却從人事得。無心
 應與世情違。時光易變誰驚老。真趣難窮自
 覺微。尤荷多才深此意。誼譁聲裏共忘機。
 與會勝禪老。同坐夏邛邛。至秋作偈相別。以
 叙一時之事。涼秋時節諸禪子。去去揚朱
 路。任差到處有山容。駐錫何方無寺不為空。

萬緣脫去輕浮世。一性常來看落花。我亦與師雖老大。更尋幽隱過年華。送祥長老住雲門。曾學雲門自在禪。而今歸去豈無緣。南山下兩機雖妙。北斗巖身語更玄。衣到老靈長把住。法從少室廣流傳。諸方彼此休分別。唯佛功深見處圓。退居彭判官以詩見

留次韻奉答勝剎當年偶重棲。老來猶占自知非。欲憑別選僧中德。可使重拈石上衣。法付王臣千古振。道期高下一心歸。何妨免我羈留事。閑為君通佛祖機。和饒守周開祖見贈休話東西北。與南群生佛性妙相參。詩書未必無夫子。道德何妨有老聃。不二靈源

誰共覺以三真。教自殊探山間老也。為遺物多謝通人。碩草庵寫樓寄五峯長老。此寄欲拋拋未得。長思來伴老嵩丘。道因無念殊途。會人到有年。諸事休閑徑草深。方禁足碧林蟬叫。又驚秋世情。追逐何時盡。覽鏡那堪更白頭。送西安丐者。禪性天真蓮出水。苔蕙及物別巖阿。供投野老門。門到飯謁林僧。寺寺過獨木溪橋。人戶少孤村草店。路頭多風寒日晚。宿歸處。猶隔畚園五里坡。別洪帥張左司歸泐潭。自笑年來七十三。餅盃又汲石門潭。偶迎府帥一時意。拋却雲山幾履庵。大道也知無固必。通人應亦重扣諧。翻

思恩德何由報。潦倒扶持強指南。寄洪師
 張天覺。雲賴德風輕舉力。矚然入寄寶山
 中。龍蛇每用春雷覺。草木時將法雨蒙。馬祖
 妙心傳不盡。泐潭靈泐瀉無窮。四頭為報張
 居士。豈獨今生外護功。聞說當年蛇虎穴。法
 王居後杳無蹤。庭幽寂寂深深處。山好千千
 萬萬重。張氏腴田園大嶺。馬師靈塔族長松。
 勝遊輸却君先到。還屬南昌一化封。楞嚴
 偈寄撫守許朝散。十卷楞嚴萬行林。法門
 開闢徭機深。八還四就且除鑿。三漸七徵猶
 煉金。見見見時當見性。聞聞聞處要開心。使
 君為物延僧講。付囑無忘佛正音。留題佚

老庵。勞生唯有僧無事。若悟真乘老更閒。
 三徑園林禪性在。一菴風月道心還。傍欄碧
 澗長來水。隔岸青岑不買山。却願群情塵土
 裏。名牽利役自忘艱。送僧遊南嶽。住亦
 無求去亦閒。颯然到處是家山。偶接龍嶠重
 巖寺。又憶融峰絕頂閑。禪性誰同秋月皎。吟
 情自得古風還。平生聚散三四也。知向何時
 更會顏。送黃州丐者。東西南北齊安。*
 舜日高高照不偏。千里江山稱佛國。萬家未
 大祝堯天。麻城長者思聞道。栢子真身尚坐
 禪。棧但大悲平等化。無人無我智為先。
 和僊上人秋夜對月。香殘火冷漏將沉。孤

坐寥寥對碧岑。萬井共當門有月。幾人同在
道無心。風傳喬木時時雨。泉瀉幽巖夜夜琴。
為報參玄諸子道。西來消息好追尋。

廿五末

十

古尊宿語錄卷第四十六

永樂北藏

古尊宿語錄

第一九八冊

古尊宿語錄卷第四十七

士士

傳錄司右國教養鍾山雲峯禪寺住持淨戒重校

汾陽昭禪師法嗣

瑯琊廣照禪師諱慧覺西洛人也

示衆

云主賓互換坐斷乾坤料簡雙施誰人舉目
釋迦聖主示滅雙林達磨大師真歸熊耳琅

士士

邪門下還有具眼衲僧真正道流麼若無應
病與藥診候臨時 示衆云汝等諸人在我
這裏過夏與你點出五般病一不得向萬里
無寸草處去二不得孤峯獨宿三不得張弓
架箭四不得物外安身五不得滯於生殺何
故一處有滯自救難爲五處若通方名導師

汝等諸人若到諸方遇明眼作家與我通箇
消息貴得祖風不墜若是常徒即須寢息何
故髀形國內誇服飾想君太殺不知時

師上堂有僧出打一圓相師便打云道道僧
云不道不道師又打僧云三世諸佛不出於
此師又打乃云大衆教中道以手指比丘犯

波逸提山僧今日入地獄如箭射

師一日上堂舉汾陽先師道汾陽門下有西
河師子當門據坐但有來者即便咬煞作何
方便入得汾陽門見得汾陽人琅琊者裏也
有毗子琅琊有據坐師子若有來者即自喪
身失命作何方便入得琅琊門得見琅琊人

此兩轉語汝等諸人還點檢得出也無若點
 檢得出方名擇法眼若不如是且無安身立
 命處卓拄杖一下便下座 上堂云彼我
 無差色心不二還拈拄杖云你若喚你拄杖
 子有眼如盲若不喚你拄杖子還同避溺而
 後火你若脫體會去但知喚你拄杖子卓拄
 杖一下便下座 上堂舉釋尊道若見諸
 相非相即見如來遂拈拄杖云山僧喚者箇
 你拄杖子阿那箇是相良久云向下文長付
 在來日以拄杖卓一下便下座 上堂拈
 起拄杖云山僧有時一棒諸佛降生有時一
 棒轉大法輪有時一棒入般涅槃你且道諸

佛降生轉大法輪入般涅槃相去多少良久
 云莫誘如來正法輪珍重 小叅有僧問
 放過一著滿目光生把断要津萬木凋斲學
 人上來請師垂示師云老僧退後學云放過
 忽由和尚去也師云闍黎進前三步學云不
 入虎口爭見虎牙師云十字路頭望空啟告
 又僧問十年磨一劍霜刃未曾試時如何師
 云本分作家學家便喝師云老僧失利學云
 恰是師乃呵呵而笑而乃舉先梁山云南來
 者與三十棒北來者與三十棒然雖如是不
 當宗乘師云梁山好一片真金將作頑鐵賣
 却琅琊即不然南來者與三十棒北來者與

三十棒從教天下袖僧賤駁珍重
上堂云夫學般若若菩薩湏得智觀現前方有
少分相應所以先聖道當觀過去猶夢故不
可而得當觀未來猶電故不可而定當觀現
在猶雲故髮鬚而有且學道般若菩薩當如
何觀不用思量低頭難得卓拄杖便下座

師因巡寮次舉布袋和尚九在市鄆中以破
帑裹一片乾糞見人便相呈云梵率陀天底
梵率陀天底遂令學衆下語竟有云云師末
後下語云慈氏菩薩又舉布袋和尚九見人
以手背上便拍一下人緣迴首云與我一文
錢遂令學徒下語師末後云但拖一文錢與

伊 上堂舉汾陽先師云夫學般若菩薩
須參活句莫參死句如今人便道函蓋乾坤
是活句截斷衆流是死句 三
活句今日好天晴如何是死句萬里涯州若
活麼會學到驢年也即是死句山僧與你一

時注破了也作麼生是活句遂卓拄杖便下
上堂云夫參學之人直湏真慧現前鑒照無
差不見道差之毫釐失之千里才有異見名
為異道所以異道有二種見因緣自然以斯
為執故方成於異所謂因而無始緣而無終
又先聖道諸法不自生亦不從他生不共不

無因是故說無生山僧雖然與麼道你且不得與麼會若與麼會入地獄如箭射玆重上堂舉僧問馬大師如何是佛大師云即心是佛如何是道云無心是道云佛與道相去多少大師云佛如展手道似握拳師云古人方便即不可山僧者裏也有此子若無人買山僧自賣自買去也如何是佛巖前多瑞草如何是道澗下是靈苗佛與道相去多少數片白雲籠古寺一條綠水繞青山玆重師因小叅僧問言前薦得辜負平生句下承當又成狂見未審和尚如何為人師云橫捋日月豎括乾坤僧云真學人師師云本分

衲僧其僧便喝師默坐僧云了師笑云不能打得你師乃舉僧問汾陽先師切急相投時如何汾陽云水中抱鶩子又問急切相投時如何汾陽云裸形見阿難師云有一轉語截斷天下人舌頭有一轉語能開人眼目你若揀得出與你一條拄杖擲下拄杖便下座上堂舉三聖老人去叅德山緣相見便展坐具德山云不用展不用展者裏無殘羹餽飯三聖云設有向什麼處著德山不語三聖將取坐具叅堂去衆中商量極有云云不見道若無藥布作爭得見韓光玆重上堂云諸人者未出僧堂時聖僧已相爲了也未到

佛殿上重說偈言來至法堂上三通鼓罷一
 炷香焚便好散去何故不見安養園中水鳥
 樹林悉皆念佛知足天上樹相撐觸演說苦
 空山僧與麼道為是歷良為賤為當是據理
 而論若不甘者但請對眾出來山僧與你證
 據若也無去蓑衣箬笠從偏側收取絲綸歸
 去來珍重 士十一 上堂云有句無句如藤倚樹
 樹倒藤枯恰好喫捧你且道過在什麼處良
 久云不是僧繇手徒說會丹青以拄杖卓一
 下便下座 上堂云與麼來者上問安排
 不與麼來者下問掛搭向上人來獨自悽悽
 暗渡江更有一人向什麼處著良久云釣竿

斫盡重栽竹不計工程得便休珍重 陞座
 僧問承師有言與麼來者上問安排不與麼
 來者下問掛搭忽不與麼來者又作麼生師
 云今日過着衲僧其僧便喝師云厨前喫餅
 師乃云先聖道明暗交謝寒暑迭遷有物流
 動人之常情又放光云法無去來無動轉故
 若然者旋嵐偃岳日月厯天江河競注野馬
 飄鼓而無流動若如是諦觀且道條然一句
 作麼生道良久云石火夜燒山大地齊合掌
 环重 上堂舉祖師道真性地藏無頭
 亦無尾應緣而利物方便呼為智師云既是
 方便呼為智且道畢竟喚作什麼良久云任

徒滄海變終不與君通珍重

上堂云世

學三昧迦葉不知迦葉三昧阿難不知阿難

三昧商那和脩不知吾有三昧汝亦不知師

云爲什麼不知不是不知理合如斯若人會

得南北東西若不如是更擬何之卓柱杖一

下上堂云你等諸人但自隨緣飲啄任

性主浮沉在聖而不增處凡而非減若能如是

方乃皇風蕩蕩觸處閑閑乃云道也太煞道

了更湏子細始得珍重上堂舉先聖云若

也廣尋文義猶如鏡裏未形更乃息念觀空

喻似日中逃影諸禪德不涉二途作麼生道

良久云看看便是春風至水釋魚行鳥亂飛

珍重上堂舉汾陽先師頌云三玄三要事

難分得盲忘言道易親一句分明該萬象重

陽九日菊花新師乃喝一喝云是第幾玄良

久云你也沒量罪過我也沒量罪過卓柱杖

便下座上堂云君臣道合猶是法身邊事

君不見君臣不見臣猶是法身上事向上

向下轉使心地不安且作麼生是法身良久

云任是僧跡手難盡志公真珍重上堂云

若論此事說什麼龍樹馬鳴提婆鷲子辨似

懸河智如流水莫能知之摩竭掩室衆手難

淘淨名默然如何即是百丈卷席諸方云云

祖師面壁叢林浩浩到者裏若辨得出山僧

與你一併拄杖若辨不出山僧有通方句且道你麼生是通方句良久云手携隻履西天去珍重 上堂舉先聖道有物先天地無形本寂寥能爲萬象主不逐四時凋師云好箇頌却成兩楸若有人點檢得出許你具一隻眼珍重 上堂云若欲求佛即心是佛若欲求道無心是道無心故非法而不生即心故歷劫而常堅若然者法法無差心心不斷所以古德道君但隨緣得似風飛砂走石不乖空但於事上通無事見色聞聲不用聳珍重上堂云春風颯颯古佛嘉猷渌水滂滂道人活計若與麼會貶向崖州本色衲僧如何理

論良久云果聞猿叫斷腸聲珍重 上堂舉世尊云一切衆生妄認四大爲自身相六塵緣影爲自心相且問諸仁者在眼曰見在耳曰聞在鼻嗅香在舌知味在手執提在足運奔亦不喚你衆生亦不喚你佛性你且道喚作什麼良久云香巖含悲接拄杖仰山撲破六 瀉山鏡珍重 上堂云承言須會宗勿自立規矩若人下得通方句我當剎頸而謝之珍重 上堂舉雪峯云若論此事如一面鏡相似胡來胡現漢來漢現有僧云忽遇明鏡來時如何雪峯云胡漢俱隱師云不見道驗人端的處下口即知音珍重 上堂云山

僧因看華嚴金師子章第九由心迴轉善成
 門又釋云如一尺之鏡納重重之影像若然
 者道有也得道無也得道非亦得道是亦得
 雖然如是更須知有拄杖頭上一竅若也不
 會拄杖子穿燈籠入佛殿撞著釋迦磕倒弥
 勒露柱拊掌呵呵大笑你且道笑箇什麼以
 拄杖卓一下便下座 上堂舉先德道吾
 早年来積學問亦曾討疏尋經論分別名相
 不知休入海算沙徒自困却被如来苦呵責
 數他珍寶有何益且問諸人作麼生是自家
 珍寶若也不會拄杖子叫屈去也卓一下
 上堂云江月照松風吹永夜清宵何所爲深

水澗中流不住白雲片片嶺頭飛珠重
 上堂云先德道今古應無墜分明在目前片
 雲生晚谷孤鶴下避天岸柳含煙綠溪花帶
 雨鮮誰人知此意令我憶南泉師云你且道
 南泉意作麼生良久云兩眼已隨青嶂合雙
 眉猶帶野花輝十一 上堂舉傳大士云
 未有無心境曾無無境心境忘心自滅心滅
 境無侵師遂拈起拄杖云山僧喚者箇作拄
 杖子你等諸人喚作什麼作境你若道得山
 僧有通方句若道不得與你七百錢七 上堂云若論此事直饒辨似懸河智如流水
 且與那事沒交涉昔有僧問風穴大師如何

是道大師云五鳳樓前如何是道中人大師
云問取城隍使道與道中人相去多少大師
云月似羅中鏡星如霧裏燈師云衆中商量
極有云云山僧今日與你頌出月似羅中鏡
星如霧裏燈滿堂清淨衆是坐禪僧珍重
便下座 上堂云如釋尊言應如是知如

是見如是信解不生法相師遂拈起拄杖云
山僧喚者箇作拄杖子何者是法相卓拄杖
下座 上堂云山僧常向諸人道擬心即
差動念即錯不擬不錯一任你諸人剝你
且道剝你什麼處良久云想君不是金牙你
爭解彎弓射蔚遊 上堂舉僧問曹山雪

覆千山爲什麼孤峯獨露曹山云須知有異
中異進云如何是異中異曹山云不覆千山
頂師云曹山慈悲濃厚接引群生要會即不
可山僧者裏不然如何是異中異片片梅花
飛落地珍重 上堂拈起拄杖云山僧有
時一棒作箇慢天網打俊鷹俊鷄有時一棒
作箇布絲網撈蝦拖蜆有時一棒作金毛師
子有時一棒作蠅螻蛄蚋山僧打你諸人一
棒且作麼生商量你若緇素得出不妨拄杖
頭上眼開照四天下若也未然從教立在古
屏畔待使丹青入畫圖珍重 上堂舉魯
祖九見僧來便面壁而坐衆中商量極有多

殷梁山受業先師曾有一頌魯祖三昧最省力才見僧來便面壁若是同心達道者不在揚眉便相悉山僧即不然祖師面壁插諸方無限禪人謾度量無事晚來江上立數株寒栢倚斜陽珍重師舉行脚時在眾中與一尊宿談論次因舉僧問長沙和尚南泉遷

十一

八

化向什麼處去長沙云東家作驢西家作馬僧云畢竟如何長沙云要騎即騎要下即下其尊宿遂問師云莫是對他語否師云無莫是成他問否師云無莫是點他語否師云無畢竟如何師云磬声斷後不許易價因成一頌示眾云要騎即騎要下即下磬声斷後不

許易價師上堂拈起拄杖示眾云先佛世尊道觀法性空是無上智山僧喚者箇作拄杖子汝諸人作麼生觀有智不假年高無智徒勞百歲卓拄杖下座上堂示眾云古人道有時先照後用有時先用後照有時照用同時有時照用不同時若也先照後用露師子之爪牙若也先用後照縱象王之威猛若也照用同時如龍得水致兩騰雲若也照用不同時提獎嬌兒拊憐愛子諸仁者此古德建立法門為合如是不合如是若合如是似紀信登九龍之輦不合如是若項羽失十里烏騅還有人為琅琊出氣也無如無山

僧自道去也卓拄杖下座 上堂云夫參
 學人須是不滯於性相始得若談於性即滯
 於相若談於相即滯於性者裏須是性相都
 泯理事混融方解即事即理即性即相當此
 之時如拳十指展縮自由乃拈起拄杖云拄
 杖走入新羅高麗國中大醉報道今年米貴
 地神十一惡發生嗔拄杖即今入地便擲下拄杖九
 下座 僧問大事未辦時如何師云金燈連
 夜照不覺五更鍾進云大事已辦時如何師
 云跣足踏水雪方知徹骨寒問談真即逆俗
 順俗即違真離此二途請師舉唱師云水底
 石牛吼木裏瑞花開進云若然者不因觀此

斗爭得見南星師云世乱奴欺主年衰鬼弄
 人放汝三十棒遠舉大陽和尚示眾云平常
 無生句妙玄無私句體明無盡句後有僧請
 益如何是平常無生句白雲覆青山青山頂
 不露如何是妙玄無私句寶殿無人侍立
 不種梧桐兔風來如何是體明無盡句手指
 空時天地轉迴途石馬出紗籠第一句道得
 師子嘯呻第二句道得師子踞地第三句道
 得師子返躑維也周遍十方擒也坐在一處
 正當與麼時作麼生委息若委息不得來朝
 更向楚王看便下座 上堂云山僧昨日
 因禪人請益郢州大陽和尚三句語山僧昔

曾奉侍中瓶來今日不可不報答他大陽和尚去也山僧亦有三句語如何是平常無生句言前無的盲句後絕追尋如何是妙玄無私句金鳳不棲無影樹玉兔何曾下碧霄如何是體明無尽句三冬枯木秀九夏雪花紅將此三轉語供養大陽和尚雖然如是又不

可辜負我汾陽先師去也山僧亦有三轉語供養我汾陽先師如何是平常無生句啐如何是妙玄無私句咏如何是體明無盡句好師乃頌云啐咏好林間問三老不冷王母挑自有仙家棗便下座 上堂舉一老宿道林際入門便喝也是齋後打鐘德山入門便

棒也是平地陷人諸人者便道是幸然無事向好肉上剗瘡杖條上強生節目似這般見解更買三二十輛草鞋始得有一股老宿云臨濟入門便喝德山入門便棒到者裏凡聖路絕纖毫不立坐斷天下人舌頭汝若擬議喪身失命似這般見解滴水也難消所以先

師道德山棒臨際喝獨震乾坤橫該抹瑯琊十一即不然臨濟入門便喝且不得蘆心德山入門便棒更須子細且道教汝諸人子細箇什麼云停囚長智養病喪軀以拄杖卓一下上堂拈起拄杖云十方諸佛降生也在拄杖頭上轉大法輪也在拄杖頭上入般涅槃也

在拄杖頭上汝等諸人作麼生委悉良久云
不可待緣木求魚見危致命卓拄杖下座
上堂云夫叅學者須是智眼開明始得今時
請尊宿纔見豎拂敲床揚眉瞬目便作是非
褒貶不見汾陽先師道識得拄杖子一生叅
學事畢又泐潭澄和尚道識得拄杖子入地
獄如箭射聽取山僧一頌 汾陽拄杖子天
下走禪流秋風急似箭春雨潤如油便下座
僧問昔日靈山以桴擊鼓轉大法輪今日師
登法座請師演唱師云白雲暮暮進云大眾
臨筵如何證據師云淥水潺潺進云淮甸一
輪月長江萬里清師云罕遇知音僧問如何

是瑯琊境師云山高海濶進云如何是境中
人師云天長地久進云人境已蒙師指示向
上宗乘事若何師云速禮三拜僧問談真即
逆俗順俗即違真如何得不相違去師云杖
頭挑日月進云施主臨筵請師再垂方便師
云袖裏貯乾坤進云野花連地發春草編園
生師云釣人江上立不覺失漁舟十一 師乃云
只麼地散去亦有少分相應雖然有少分相
應有似鈍鳥棲於枯枝游魚處於涸轍作麼
生是透脫一句卓拄杖下座 僧問承師有
言開口錯擬心差離此二途請師別道師云
蘇武不入單于帳進云與麼則今日失利去

也師云旁觀塞草乱班班進云早知今日事
悔不慎當初師云愁人莫向愁人說 師因
出州看陳轉運喫茶次乃問師云佛法惣不
在思量是否師云既不在思量如何道得運
使大笑云爭到者裏道不得師云請運使問
待山僧道運使遂將前問問師師答云有過
者且恕十三無罪者莫决八棒運使呵呵大
笑乃就師乞頌師遂與頌云莫於言上覓切
忌意中尋疾縱過風旨思量海岳沉師歸山
墜座舉似大衆頌後續兩句云祇陀親捨樹
長者布黃金 師因雪上堂云雪雪大地山
河一齊說文殊普賢真妙訣拈取拄杖驀頭

擊豐干林下笑呵呵兩箇糊搽探水月
僧問一法若有毘盧墮在九夫萬法若無普
賢失其境界正當與麼時還許文殊出頭來
也無師云樓頭吹角妄聽五更鍾進云學
人未曉乞師再指師云未到長城不肯休進
云不入洪波裏爭見弄潮人師云草上斑斑
衆者看 師乃舉靈樹和尚欲豎行狀碑要
選一轉語上碑如契和尚意者可以問如何
是祖師西來意人人下語皆不契雲門爲首
座下語云師方乃契得靈樹師頌云師師
知知知三三兩兩過遼西一雙江不換消梨
上堂拈起拄杖云盤山道向上一路師云滑

南院道舜立千仞師云險林際通石火電光
師云鈍琅琊有定乾坤底句各各高著眼高
著眼卓拄杖下座 僧問承教有言法不在
內不在外不在中間未審在什麼處師云逢
人莫錯舉進云還許學人請益也無師云啼
得血流無用處其僧禮拜師云猶較些子問

十一

十二

九夏賞勞誰人得薦師云周秦漢魏進云與
麼則昨夜一聲鴈西風萬里秋師云靜處薩
婆訶 師乃拈起拄杖云在天則清在地則
濁在人則神在物則靈且道在山僧手裏喚
作什麼良久云拄杖子 上堂舉仰山和
尚見雪師子遂問雲門還有過得此色者麼

雲門遂推倒著雪竇拈云雲門只會推倒不
會扶起即今問汝諸人推倒扶起相去多少
拄杖子拶過眉毛鼻孔裏呵呵大笑便擲下
拄杖 僧問雪峯三度上投子九度上洞山
為什麼却去德山倒戈却却甲師云人平不語
水平不流進云石火電光人不顧隨機設化
有誰聞師云地無三寸土人無隔宿恩進云
霜後始知松栢操事難方見丈夫心師云江
南兩浙水 師乃云見苦齒集取捨難忘
獨契真常悲心未廣三祇五位滯在長塗一
念成佛心源未曉諸人者若也薦得去如金
麟透網游泳波瀾似俊鳥離籠翔翔落諸

人者若能如是方有少分相應若也未然且
 莫雲居羅漢 僧問古人借問田中事插鋤
 叉手意如何師云袈裟淨淥水螺髻拂青雲
 進云不入洪波裏爭見弄潮人師云作麼生
 是弄潮人其僧便喝師云七槌對十三問古
 人道承言者喪滯句者迷離此二途如何即

七十一

十三

是師云逢人莫舉僧應喏師云作什麼僧便
 喝師云好箇衲僧拊掌便禮拜師云不消
 多 師乃舉先聖道法尔不尔俱為唇齒汝
 等諸人作麼生會若會得開眼屎床若也不
 會遠之遠矣便下座師遂持此語遍問諸禪
 者云汝作麼生會眾皆下語不契末後有僧

云請和尚下語師便起歸方丈 僧問古人
 道問無橫豎荅者由師擬伸一問師意如何
 師云你試問看進云劍閣路雖險夜行人更
 多師云想君不是金牙你進云與麼則為眾
 竭力禍出私門師云教休不肯休 師乃云
 諸方尽道拈槌豎拂瞬目揚眉曲為中下之
 流山僧即不然山僧拈起者拄杖子也不為
 上上之人亦不為中下之者且道尋常用處
 作麼生若知得一竅方解穿窬透牖動地搖
 天若也未然且向天台看華頂却來南岳度
 石橋便下座 上堂舉先聖道見身無實
 足佛見了心如幻是佛了了得身心本性空

斯人與佛何殊別者箇是拄杖子阿那箇是佛良久云一時吹取入門來 上堂云千說萬說不如一決諸人者且道決箇什麼良久云點鐵化為金玉勸人除却是非難歸堂去 上堂舉永嘉和尚道但得本莫愁未如淨琉璃含寶月透拈起拄杖云者箇是拄杖子阿那箇是本云任是深山更深處也應無計避王徭珍重 上堂舉清平有僧問如何是有漏答云汝籬如何是無漏答云木杓師云古人與麼道實謂奇特山僧為你諸人頌出 有漏汝籬無漏木杓。烜赫禪和。妄生卜度。靈利座主。何處摸捺。金牙解使。神

針李廣箭穿雙鵠歸去 上堂云東漢西沒蓋是尋常南北縱橫未為極則透皮徹骨則不問汝鼻孔遼天一句作麼生道良久云堪羨一堂無事客。卧雲深處不朝天。珍重上堂云拄杖若是頭上安頭拄杖不是斬頭覓活離此二途猶是無依滯。鬼透脫一路猶是着肉汗衫汝等諸人各具金剛眼睛到者裏作麼生會若也不會拄杖子透過渤海看卓拄杖一下 上堂云盡大地是箇餬餅從他江南兩浙河北關西咬者咬嚼者嚼。曠曠禪和披山僧擗頭打一棒。走入露柱裏藏身且道露柱裏明得什麼。遼事若也不會

拄杖子為汝念箇揭諦真言以拄杖卓一下
 上堂拈起拄杖云末嘉道心是根法是塵兩
 種猶如鏡上痕痕垢尽除光始現心法雙忘
 性即真者箇是拄杖子阿那箇是心卓拄杖
 一下 上堂云依經解義三世佛冤離經
 一字又同魔說且作麼生得不傷物義去汝
 等諸人聽山僧一頌 地凍草枯水寒氷結
 借問禪人是何時節林際走過新羅德山愁
 眉不悅珍重 上堂舉先梁山云從南來
 者與二十棒從北來者與二十棒雖然如此
 且不當宗乘師遂拈拄杖云點與不點等盡
 末為微塵卓拄杖一下 上堂舉先聖道

森羅及萬象一法之所印盡大地是一條拄
 杖汝等諸人作麼生會卓拄杖一下便下座
 上堂舉虎溪庵主僧問在者裏多少年主云
 只見春生夏長年代惣不記得僧云大好不
 記得庵主云你道我在者裏多少年僧云春
 生夏長庵主云開市裏虎師云聽取山僧一
 頌 開市中心虎能歌不解舞命值木星君
 不過羅睺土便下座 上堂舉先聖道總
 有是非紛然失心到者裏還有商量也無云
 心鹿者失欺敵者亡珍重 僧問今夜鍾鳴
 時道人盡來此向上宗乘請師舉唱師云我
 到者裏惣開口不得學云退身三步去也師

云言不虛設學云今日失利師云放你三十
棒問拈提豎拂即不問瞬目揚眉事若何師
云趙州曾見南泉來進云學人未曉乞師再
垂指示師云今冬多雨雪貧家爭柰何進云
百花皆竟拆冬後一陽春師云真師子兒善
師子吼 師乃舉先韶陽大師道咄咄咄
力韋希禪子誦中眉垂諸高德韶陽只有先
鋒且無殿後山僧者裏即不然咄咄咄橫該
抹天不長考地不闊珍重 僧問久欽尊德
今日功明時如何師云山高日出早進云與
麼則白馬敲金銮朝天萬里歸師云親面龍
顏一句作麼生道學云一片月生海幾家人

上樓師云在舍只言為客易臨歧方覺告人
難 師乃云過去諸佛已般涅槃好與三十
棒見在諸佛轉大法輪好與三十棒未來諸
佛當出於世好與二十棒諸高德若要報佛
之深恩當如是學學則後諸人不得辜負老
僧珍重 上堂云先聖道在有破有居空
破空二幻既除中道不立若然者山僧拄杖
向什麼處著魚躍已隨流水去鶯啼猶送落
花來珍重 上堂云拈起拄杖作靠山猛
虎放下拄杖如入水蛟龍靠山猛虎作麼生
商量入水蛟龍如何話會若也不知者一竅
拄杖子笑汝去也卓拄杖一下便下座

上堂云若論此事如洪鍾待扣聲應長空如
 寶鏡當軒影臨萬象天不能蓋地不能載賢
 愚共處其間聖凡出之不得山僧與麼道大
 有人笑去在他也笑我也笑誰人知此竅三
 十年更笑去在珍重 僧問一塵緣起大地
 全收一塵未起時如何師云李廣射落雲中
 馬進云龍吟霧起虎嘯風生也師云驚得胡
 兒走似煙問開口即錯動舌即乖如何是的
 師云摩竭陀國金剛怒學云離咽喉唇吻又
 作麼生道師云驗人端的處下口即知音進
 云與麼則野花開滿地流水自西東師云者
 迴放過後度難逢卓拄杖一下師云拈起拄

杖千花竟發放下拄杖萬樹齊凋不拈不放
 一月在天衲僧當此之時作麼生道良久云
 秋燕不聞梁上語却看鴻鴈過長天珍重
 上堂云擊水魚頭痛穿林宿鳥驚黃昏不擊
 鼓日午打三更諸禪德既是日午為甚却打
 三更良久云昨見垂楊綠今逢落葉黃珍重
 上堂示眾云色即是空非色滅空我喚者箇
 作拄杖子你等諸人喚作什麼乃云欲知瀚
 海路須是去來人珍重 上堂云句中薦
 得遊子返於故鄉意中薦得方解事於尊堂
 若然者須是轉身吐氣始得若能如是方解
 百尺竿頭進步句中無意意中無句既能如

是且作麼生轉身吐氣若也不會拄杖子爲
汝吐氣去也卓拄杖下座 上堂示衆云
拈起拄杖更無上上放下拄杖是何模樣
體峯後即不問汝諸人馬鑑裏藏身一句作
麼生道若道不得拄杖子道去也卓一下便
却方丈 上堂示衆舉先聖道說法不有
亦不無山僧不可欺賢罔聖埋沒諸人去也
何以如此也是湖南人賣麩便下座
上堂舉先百丈禪師示衆云百丈有三訣喫
茶珍重歇直下若承當知君猶未徹 師拈
云百丈與麼道美則美矣善則善矣雖然如
是即有順水之波且無滔天之浪山僧即不

十七

十七

然瑯琊有三訣淥水青山月三冬枯木花九
夏寒巖雪瓊重 僧問把斷綱宗則不問通
風一句請師宣師云清風戛地紅燄亘天學
云若然者撒手卧長空攢眉却迴去師云真
師子兒善師子吼學家便喝師卓拄杖一下
學云和尚著忙作什麼師呵呵 僧問昔日
憂闍王刻像蓋爲佛在忉利天說法今日施
主刻像未審佛在什麼處說法師云三山鏤
夜月進云大衆側聆學人未曉師云照破萬
家門進云恁麼則日出乾坤耀雲收山岳青
師云驗人端的處進云早知燈是火師云直
待雨淋頭 師乃舉先聖道至道無難唯嫌

揀擇下面注云但莫憎愛洞然明白師云汝
 諸人到者裏作麼生下得一轉語契古人良
 久云汝也不着便我也不着便兩箇饑餅一
 斗好麩歸堂去 僧問古人對拄杖子爲
 什麼哭蒼天師云蓬頭跣足進云蒼天蒼天
 師云瞎漢放你二十棒學云喏喏師云棺木
 裏瞪眼僧問無言無說猶辱宗風舉唱談玄
 埋沒宗旨離此二途請師別道師云千年田
 八百主進云將謂胡鬚赤更有赤鬚胡師云
 試對衆驗看僧禮拜師云將謂南番舶主元
 來此土商人師乃云內空故無眼耳鼻舌身
 意外空故無色聲香味觸法不是無何故不

見石頭大師道然於一一法依根葉分布歸
 堂去 僧問客路如天遠侯門似海深琅琊
 門下如何進道師云六六三十六進云學人
 未曉乞師再垂方便師云卧雲深處不朝天
 進云恁麼則雲收山嶽靜春暖百花榮師云
 靜處薩婆訶 問承教有言諸法從本來常
 自寂滅相學人見山是山見水是水時如何
 師云賊是小人智過君子進云莫言侵早起
 更有夜行人師云此迴放過後度難逢卓拄
 杖一下師乃云上不在天下不在地中不在
 人若然者四生六道承何恩力汝且道着力
 一句如何道得若道不得拄杖子與弥勒經

迦闍打去也卓拄杖一下

拈古 舉外道問佛不問有言不問無言
世尊據坐外道云世尊大慈大悲開我迷雲
令我得入外道去後阿難白佛外道見何道
理讚嘆而去世尊云如世良馬見鞭影而行
師拈云依稀似曲絕堪聽又被風吹別調中

仰山夜夢入五百聖堂為第二座時有一尊
者起來白槌云次當第二座說法仰山遂起
白槌云摩訶衍法離四句絕百非謹白其五
百聖眾各散去師拈云且道五百聖眾散
去是肯他仰山不肯他仰山若肯他仰山又
辜負仰山若不肯仰山猶如平地上契交山

僧今日不惜兩莖眉毛與汝諸人注破摩訶
衍法離四句絕百非你若舉似諸方諸方若
與麼會入地獄如箭射 舉趙州一日與
文遠論義闍劣不闍勝勝者輸果子文遠云
請和尚立義州云我是一頭驢文遠云某甲
是驢糞趙州云將菓子來師拈云趙州大似

士士

十九

蕭何制律文遠也似蕭何制律 舉僧問
如何是夾山境夾山云猿抱子歸青嶂外鳥
銜花落碧岩前法眼云我二十年作境話會
師拈云且道如今作麼生會良久云上士游
山水中人坐竹林 舉崔禪上堂云出來
打出來打時有僧出來云崔禪濟崔禪擲下

拄杖下座師拈云久經行陣者終不展旗鎗
 舉臨濟示眾云但有問訊不虧欠伊惣識得
 伊來處與麼來者恰似失却不與麼來無繩
 自縛一切時中莫亂斟酌會與不會都來是
 錯分明與道一任天下人貶剝 師拈云作
 麼生貶作麼生利良久云垂鈎四海為釣驪
 龍格外玄談蓋尋知己喝一喝 舉順德
 問僧窓外什麼聲僧云雨滴聲順德云眾生
 顛倒迷已逐物師拈云得即得大似平地上
 陷人 舉鼓山示眾鼓山門下不得嗽咳
 時有僧出來咳嗽一聲鼓山云作什麼僧云
 傷寒山云傷寒即得師拈云雷聲甚大雨點

全無 舉寶壽初開堂日三聖為請主便
 推出一僧問話其僧終禮拜寶壽便打三聖
 云若與麼為人已後瞎却鎮州一城人眼在
 寶壽擲下拄杖便歸方丈師拈云不是三聖
 爭到今日然雖如是錯會者多 舉岩頭
 問德山云是凡是聖德山便喝岩頭禮拜後
 洞山聞云若不是齋公大難承當岩頭云洞
 山老人錯下名言我當時一手擡一手搦師
 拈云巖頭無人問著不妨奇特才被洞山腦
 後一錘直得瓦解冰消 舉興化道此一
 炷香擬欲承嗣三聖三聖與我太孤擬欲承
 嗣大覺大覺與我大賒此一炷香不如承嗣

臨濟先師師拈云且道因甚承嗣臨濟良久

云路逢劍客須呈劍不是詩人莫獻詩

舉僧問疎山如何是法身疎山云枯椿僧云

如何是法身向上事山云非枯椿僧云法身

還遍一切處也無山云遍僧云淨鉢內還有

心無山云無僧云大好遍山便打又僧問曹

十一
二十

山云滿月彎弓時如何師云善射不中的學

云爲什麼不中的師云左來左中右來右中

學云大好不中的師便打又僧問雲居明鏡

當臺如何師云不鑒照學云爲什麼不鑒照

師云胡來胡現漢來漢現學云大好不鑒照

師便打師拈云一轉語實家有道理主家

無道理一轉語主家有道理實家無道理一

轉語實主俱無道理若也揀得出鼻孔在瓊

瑯手裏若也揀不出一任草鞋裏踉蹌

舉僧問洞山初和尚如何是道山云卓學云

擬向如何山云失卓後僧持此語問徹和尚

未審洞山意旨如何徹云虎鬪龍傷師拈

云金烏蔽海岸玉兔離青霄舉百丈一

日墮堂大眾集定以拄杖一時趁下法堂却

召大眾大眾回首乃云月似彎弓少雨多風

師拈云若入洪波裏須是弄潮人

舉雲門云釋迦老子初生下時目顧四方一

手指天一手指地道天上天下唯吾獨尊我

手指天一手指地道天上天下唯吾獨尊我

當時若見一棒打殺與狗喫却圖得天下太平師拈云將此身心奉塵刹是即名為報佛恩 舉曹山云莫行心處路不掛本來衣何須更與麼切忌未生時師拈云不傷物義一句作麼生道良久云庭前翠竹禪人種嶺上青松野客栽 舉閑禪師示眾云不生

十一

十一

想念本來無體大用現前不說時節後臨遷化時問侍者云坐去者誰侍者云僧伽又云立去者誰侍者云僧會閑禪乃周行七步垂手而終師拈云生既如是死亦如然 舉趙州行脚時到一鄉院經旬日臨去乃辭院主院主云何往趙州云臺山禮拜文殊去

院主云某甲有頌相送云何處青山不道場 逸須策杖禮清涼雲中縱有金毛現正眼觀時非吉祥趙州乃問作麼生是正眼院主無語師拈云啼得血流無用處 舉米倉與寶壽同赴州主齋次州主令客司傳語請二人長老談論佛法寶壽云請師兄長老荅話米倉便喝寶壽云未曾奉問唱箇什麼米倉云猶欠少在寶壽却與一喝師拈云大似點火夜行 舉臨濟上堂云赤肉團上有一無位真人常從汝等面門出入未證據者看時有僧出問如何是無位真人臨濟下禪床拈住其僧擬議濟乃托開云無位真人是什麼

乾屎橛便歸方丈師拈云臨濟可謂冰凌上
度過九鞠劔刃上拾得全身 舉百丈開
田次問黃蘗運關黎開田不易蘗云衆僧作
紛百文云有煩道用蘗云爭敢辭勞百丈云
開得多少田也蘗乃將鋤頭築地三下百丈
便喝黃蘗掩耳便出 師拈云百丈一喝可
謂垂絲於萬丈潭中黃蘗掩耳獨聳於千峯
之上 舉雲居上堂云譬如人將三十貫
錢買得一隻獵狗只解尋得有蹤跡忽遇羶
羊挂角時莫道蹤跡氣息也覓不着時有僧
出便問羶羊挂角時如何雲居云六六三十
六僧無語雲居云會麼僧云不會居云不見

道絕蹤跡師拈云雲居與麼稱提大似八尺
布衫丈二袖 舉趙州到茱萸處執杖子
於法堂上從東邊過西邊茱萸便問作什麼
州云探水茱萸云我者裏一滴也無探箇什
麼趙州靠了杖子便出去師拈云世亂奴欺
主羊衰鬼弄人 舉僧問藥山平田淺草
屋鹿成群如何射得塵中主山云看箭僧便
作倒勢山云拖出者死屍著僧踉跳便出山
云捏泥丸漢有什麼限 師拈云賊出關
門家中叫屈 舉軋峯上堂云舉一不得
舉二放過一着落在第二雲門在座下出來
云昨日一人新到從天台來却往南岳去也

軋峯下座搥住云維那來日不得普請便托
開歸方丈師拈云路遙知馬力歲久見人心
舉趙州問俗行者勸僧云我有十貫錢若有
人下得一轉語即捨此錢前後有人下語並
不契趙州遂往行者家行者云若下得一轉
語即捨其錢趙州戴笠子便行師拈云武帝

求仙不得仙王喬端坐却昇天 舉巖頭

為渡子時凡見人來舉棹示之忽有一婆子
抱一孩子來問云呈撓舞棹即不問且道婆
手中孩兒甚處得來豈頭便打婆云婆生七
子不遇知音只者一箇也不消得便拋向水
中師拈云欺敵者凶 舉百丈見趙州來

舉百丈云甚處來州云南泉來丈云南泉近
日有何言句示徒州云今時人直教悄然去
百丈云悄然且致忙然一句作麼生道州近
前三步百丈咄之州作縮頭勢百丈云大好
悄然趙州拂袖便出去師拈云趙州老人向
師子窟中換得牙爪 舉小乘毗沙論有

十一

十三

一聚落毒龍所居時有五百尊者往彼降他
不得後有一尊者彈指一下其龍即降師拈
云若據教乘自有科判琅琊者裏即不然只
者彈指也不消得然雖如是且莫因魚止滌
病烏樓蘆 舉仰山叅崑頭岩頭終見豎
起拂子仰山便履坐具崑頭放下拂子仰山

收坐具嵩頭云我不重你放即重你收師拈
云嵩頭與麼道錯批判者多仰山出去切不
得窟心 舉黃蘗見僧來乃云諸方老宿
盡在我拄杖頭上僧便禮拜僧後到大樹處
舉前話大樹云黃蘗與麼道曾夢見諸方也
未其僧却回舉似黃蘗黃蘗云我者話已行
遍天下師拈云大樹與麼道大似有眼如盲
黃蘗一條拄杖天下人咬嚼不碎 舉臨濟
上堂有僧出禮拜濟便喝僧云老和尚莫探
頭好濟云你道落在什麼處僧便喝又僧問
如何是佛法大意濟便喝僧禮拜濟云你道
好喝也無僧云草賊大敗濟云過在什麼處

僧云再犯不容臨濟乃云要會臨濟賓主句
請問取適來問話二禪客師拈云真金湏入
火 舉金剛經云一切有爲法如夢幻泡影
如露亦如電應作如是觀師拈云先聖可謂
誠實之言然雖如是錯會者如麻似粟 舉
僧問石霜咫尺之間爲什麼不觀師顏霜云
我適界不曾蒞僧又到雪峯處問云遍界不
曾蒞意旨如何峯云什麼處不是石霜師拈
云雪峯雖有利人之心且無出人之眼石霜
雖有出人之眼未知向上一竅 舉淨名經
云諸菩薩各各說不二法門於是文殊曰如
我意者於一切法無言無說無示無識離諸

問答是為入不二法門於是文殊師利問維摩詰我等各自說已仁者當說何法是菩薩不二法門維摩默然文殊讚言善哉善哉乃至無有文字語言是為真入不二法門師拈云文殊與麼讚嘆也是杓卜聽虛聲維摩默然切不得鑽龜打瓦 舉圓明云瘡病不

十一

五

假馱藥三角云瘡病須假馱藥師拈云圓明可謂小慈妨於大慈三角貪他一斗米失却半年糧 舉僧問同安如何是向去底人安云寒蟬抱枯木哭盡不回頭又問如何是却來底人安云火裏蘆花秀逢春恰似秋又問如何是不來不去底人安云石羊遇石

虎相逢早晚休師拈云古人雖解箭穿馮馮要且不解透樹射狼 舉僧問白兆師唱誰家曲宗風嗣阿誰師云自小不曾歷他家門戶僧云與麼則竺乾的子白兆兒孫師云承言者喪滯句者迷師拈云巧人須得巧人佐拙人須得拙人扶 舉僧問風穴寶塔元無縫金門即日開時如何穴云智積佐來空合掌天王捧出不知音如何是塔中人菱花風掃去香水雨飄來師拈云風穴若無後語大似紀信詐降 舉大般若經云善現問舍利弗云以何為佛眼舍利答云以性空為佛眼善現嘆云善哉善哉從上諸佛皆以性空為

佛眼從佛口生從法化生師拈云望天不見
天覩地不見地 舉教中道清淨本然云何
忽生山河大地 師拈云清淨本然云何忽
生山河大地 舉肇法師云旋嵐偃岳而常
靜江河競注而不流野馬颺鼓而不動日月
歷天而不周師拈云肇法師與麼道也是平

十一

十五

地上陷人山僧者衷即不然崑前淥水嶺上
白雲 舉無著到五臺文殊處喫茶次文殊
提起琥珀盃子問云南方還有這箇麼無著
云無文殊云尋常將什麼喫茶無著便休去
師拈云若也是去可謂虎口裏奪食若也非
去移舟看水勢舉棹別波瀾 舉石霜在瀕

山會下作米頭一日篩米次瀉山云施主物
不要拋撒石霜云不拋撒瀉山於地上拈得
一粒米云汝道不拋撒者個是什麼石霜無
語瀉山云莫欺者一粒百千粒盡從者一粒
生石霜云百千粒從者一粒生去審者一粒
從什麼處生瀉山呵呵大笑便歸方丈至晚

上堂云大衆米裏有出師拈云瀉山一粒米
彈破袖僧牙 舉僧問寶壽萬境來優時如
何寶壽云莫管他僧禮拜壽云莫動着動着
即打折你驢腰師拈云若無遣蛇手悞殺世
間人 舉秦首座到洞山處洞山晚間排果
子管顧他洞山便問云首座有一物上拄天

下拄地黑如漆常在動用中動用中收不得
 且道過在什麼處首座云過在動用中洞山
 喚侍者却却果子床不得果子喫師拈云若
 不是洞山老人焉能辨得雖然如此洞山老
 人猶欠一著在 舉水潦叅馬大師問如何
 是祖師西來意被馬大師一踏踏剗起來拍
 手呵呵大笑當下大悟便承嗣馬大師住後
 有僧問如何是祖師西來意水潦云自從馬
 師一踏後直至如今笑不休師拈云大眾你
 道水潦還曾悟也未 舉龐居士問馬大師
 不昧本來身請師高着眼馬大師直下覷居
 士云一等沒絃琴唯師彈得妙馬大師直上

看居士便禮拜馬大師便歸方丈居士隨後
 入方丈內云弄巧得拙師拈云一夜作竊不
 覺天曉 舉南院見僧來豎起拂子僧云敗
 闍南院放下拂子僧云猶有者箇在南院便
 休師拈云狂狗趁塊師子咬人 舉南泉示
 衆云道非物外物外非道時有趙州出來便
 問如何是物外道南泉便打趙州接住拄杖
 云和尚莫打某甲已後錯打人去在南泉云
 龍蛇易辯衲子難謾乃擲下拄杖便歸方丈
 師拈云不見道酒逢知己飲詩向會人吟
 舉順德問僧近離什麼處僧云三峯德云夏
 在什麼處僧云五峯德云放你三十棒僧云

十一

廿六

未審某甲過在什麼處德云爲你出一藜林
入一藜林師拈云割菜鑊子 舉僧問廣德
如何是佛德云登戟門開見墜仙僧馳此語
至州中悟空處便問登戟門開見墜仙意旨
如何空云直饒親見釋迦來智者咸云不是
佛 廣德後聞遙望城中禮拜云悟空古佛
豈止羊二十口師拈云廣德腦後添釘悟空
眼中拔楔雖然善順機宜敢保他家未徹

古尊宿語錄卷第四十七

十一



永樂北藏

古尊宿語錄

第一九八冊

古尊宿語錄卷第四十八

上十三

僧錄司右開教養鍾山靈谷禪寺侍淨戒重表
佛照禪師奏對錄

宋淳熙三年十一月初三日

孝宗皇帝召對便殿致恭山呼訖賜坐師奏
云今春伏蒙聖旨令洒掃靈隱三月三十日

十一

又准 降香開堂實增感激今蒙召對獲覩
清光千載一遇帝問師生何處嗣法何人師
對曰臣生長臨江軍禮南山光化禪院長老
普吉為師荷陛下天地覆載之恩行脚叅五
十餘員善知識末後於大慧禪師宗杲處打
徹遂法嗣之上曰朕惜不見大慧師云陛下

既留心祖道時時與大慧於大光明藏把手
共行豈在聚頭接耳為相見耶嘗蒙賜語錄
入藏作萬世光明種子非獨法門增輝臣與
天下衲子不勝榮幸上曰且喜得晴師云郊
祀在即乃陛下聖德所感上曰朕此心與佛
心通師云直下更無第二人聞陛下萬機之
暇留心祖道游泳楞嚴圓覺自古帝王未有
如陛下篤信此道上曰自古帝王英雄者有
之信此道者極少如梁武帝亦未徹師云當
面蹉過達磨上曰陷在泥坑裏師云只為欄
柄不入手不得受用師云臣山野語言無倫
恐瀆聖聰上曰這裏正要與長老忘懷論道

師云陛下日應萬機直須向一切處著眼者
 是什麼道理上曰天下事來即應之師云可
 謂明鏡當臺物來斯照上曰步步踏著實地
 師云直須恁麼始得上曰臨濟因緣可舉一
 二師遂舉臨濟在黃蘗因第一座勉令問黃
 蘗如何是佛法的大意蘗遂與二十棒如
 是三次問每蒙賜棒所恨愚魯且往諸方去
 第一座遂白黃蘗云義玄上座雖是後生却
 甚奇特他日為一株大樹蔭覆天下人去在
 他若來辭和尚願垂提誨濟明日力辭黃蘗
 蘗指往大愚處必為汝說濟至大愚愚問甚
 處來濟云黃蘗來愚云黃蘗有何言句濟遂

舉前話復云不知過在甚處愚云黃蘗恁麼
 老婆心切為汝得徹困猶覓過在濟於是大
 悟乃云元來黃蘗佛法無多子愚云屎床鬼
 子適來道我不會而今道甚無多子是多少
 扭住云道道濟便向大愚肋下築三拳愚托
 開云汝師黃蘗非干我事濟返黃蘗蘗問云
 來來去去有甚了期濟云只為老婆心切遂
 舉前話蘗云這大愚老漢饒舌待見與打一
 頓濟云說甚待見即今便打遂與黃蘗一掌
 蘗吟吟而笑云這風顛漢來這裏捫虎鬚濟
 便唱蘗云侍者引這風顛漢衆堂去上曰悟
 了直是快活師云為山問仰山云臨濟得大

五十二

二

愚力得黃蘗力仲云非但捋虎鬚亦解坐虎頭自此臨濟法道大興上曰源流好師云臣曾有頌上曰舉者師舉云黃蘗山頭遭痛棒大愚肋下報冤讎當機一喝驚天地直得曹溪水逆流上曰好箇曹溪水逆流又問興化打克賓克賓如此答興化如何便打師云不可放過臣有頌上曰舉者師舉云罰錢出院揚家醜興化贅頭遇克賓父子不傳真秘訣捧頭敲出玉麒麟師復云昔翠巖可真禪師頌即心即佛非心非佛曰百萬雄兵出將軍獵渭城不閉弓矢力斜漢月初生今晦堂心禪師看後因答客問西來意有頌東吳

幾度爲閑客南越曾經作主人可笑年來身老大得同塵處且同塵真見之云子徹也日如即心即佛非心非佛陛下如何會上曰包舍萬像師云包舍萬像底是什麼上曰對面底是師云認著依前還不是上乃默契上曰長老且歸觀堂師云謹領聖旨乃辭下殿繼而遣中使三十二賜御製頌一首曰大暑流金石寒風結凍雲梅花香度遠自有一枝春師谷山頌一首曰當陽一句子平地步青雲踏翻關棧處便是主家春三初四日復進即心即佛非心非佛一頌即心即佛無蹊徑非佛非心有變通直下兩頭俱

透脫新羅不在海門東上復荅師頌一首曰
欲言心佛難分別俱是精微無礙通跳出千
重縛不住天涯海角任西東師再進山頌云
一句截流心路絕千差萬別豁然通等閑更
進竿頭步莫問西來及與東復召對賜坐師
云夜來與今日兩蒙宣示 御頌神思繁發
夜來頌好不如今日頌語句尤痛快上曰夜
來得長老開發乃有此頌師云陛下前後宣
諸山尊宿論道如何上曰難得似長老直截
師云聞陛下於心隨萬境轉轉處實能幽隨
流認得性無喜亦無憂處得箇入頭但未曾
遇人上曰真箇如此師云如人學射久久自

然中的所以五祖演禪師云悟了須是遇人
始得若不遇人十箇有五雙杜撰上曰須要
遇人師云正是遂舉羅山問石霜云起滅不
停時如何霜云直須寒灰枯木去一念萬年
去函蓋相應去純清絕點去山不契却往巖
頭處問起滅不停時如何巖頭鳴云是誰起
滅山於此大悟上曰長老意謂如何師云巖
頭與他本分草料上曰長老見大慧幾年後
打徹師云臣癸亥年有箇發明了却被禪道
佛法礙又做十五年工夫後到育王一見大
慧便打徹慧一日掛牌臣入室慧舉僧問趙
州如何是趙州州云東門西門南門北門你

作麼生會答云大小趙州坐在屎窖裏慧云
你甚處見趙州答云莫瞞睡慧打一竹篋云
只恁麼做工夫答云莫掩彩慧乃喚侍者問
這僧名什麼答云不得名慧云你看這漆桶
亂做答云未為分外便出又一日入室慧問
喚作竹篋則觸不喚作竹篋則背如何答云
請和尚放下竹篋與學人相見慧擲下竹篋
云如何相見答云伎倆已盡慧云你看這漢
又來老僧頭上行答云也是尋常行履處禮
拜便出又一日入室慧問喚作竹篋則觸不
喚作竹篋則背不得下語不得無語不得意
根下卜度不得向舉起處承當速道速道答

十一

甲

云杜撰長老如麻似粟慧云你是第幾箇答
云今日投敗這老賊慧深肯之上曰如此相
投師云禪家當機不讓遂舉靈雲見挑花悟
道頌云三十年来尋劒客幾回葉落又抽枝
自從一見挑花後直至如今更不疑玄沙云
評當甚諦當敢保老兄未徹在每舉問禪和
子那裏是不疑處陛下且道那裏是不疑處
上擬議師云只就疑處看慕然看破不疑處
便是陛下受用不盡底上曰長老且道那裏
是不疑處師云紅爐上一點雪上乃點頭師
云昔黑齒梵志得五神通常在雪山說法感
得梵天帝釋闍羅王洎諸天神常來聽法

日說法畢闍羅王目視梵志而泣志曰大王何得視吾而泣王曰吾觀於汝善能說法七日後命終當來吾界受諸苦痛梵志惶怖求免無門雪山諸天神謂梵志曰欲免斯難唯有大覺世尊乃能為汝免得此難梵志曰世尊者何人也天神曰豈不聞淨飯王太子十

七十二

五

九出家三十成道為人天師其名曰佛諸大菩薩八部龍天常轉法輪度一切眾生梵志聞已復作思惟我去見佛將何供養乃運神力手執合歡梧桐華兩株飛空向世尊前供養世尊召五通梵志志應諾世尊云放下著梵志棄左手華於世尊前世尊放下著梵志又

棄右手華於世尊前世尊又云放下著梵志云世尊我祇擎兩株華一時放下了我今空身無可放捨世尊云五通梵志吾非教汝放捨其華汝當放捨內六根外六塵中六識一時捨去到無可捨處是汝免生死處梵志乃於言下悟無生法忍上曰只是人不向緊要處做工夫師云欲得徑捷須離却語言文字真實叅究所以古德道念得楞嚴圓覺經猶如瀉水響泠泠有人問著西來意恰似蚊蝻咬鍊釘上曰直是難入師云正好著力上曰如長者難得真可為人師師云陛下過褒初六日復召對上曰觀堂中穩便麼師云荷

陛下聖眷極穩便上曰前日長老云直至如今更不疑那裏是不疑處朕有一轉語師云那裏是不疑處上曰空手牽鐵牛師云如何見得上擬議師云纔入思惟便成剩法上曰若問長老如何抵對師云千聞不如一見上喜曰朕且做工夫師云陛下果位中承願力米示現 帝王身不被富貴聲色籠罩但念念扣己而參蒸然一念相應如桶底子脫相似直至成佛永無退轉師云若論此事如兩陣對敵進前則有活路若望崖而退不是丈夫漢昔香嚴叅為山為山云我聞你在百丈處問一荅十問十荅百是否嚴云不敢山云

試向父母未生已前道一句看嚴無語乃云請和尚為某甲道山云我若為汝說破子他時後日眼開罵我去在嚴遂檢尋平日看讀文字討一句祇對了不可得乃云今生不學佛法也且作長行粥飯僧乃辭為山往南陽觀忠國師遺迹遂憇止焉一日芟除草木以

七十二

六

過乃云問師弟有悟道頌試舉看香嚴舉了
 仰山云此是閑時計較得底香嚴再舉一頌
 云去年貧未是貧今年貧始是貧去年貧有
 卓錫之地今年貧錫也無仰山云只會得如
 來禪未會祖師禪香嚴又舉一頌云吾有一
 機瞬目視伊若也不會別喚沙弥仰山云且

喜師弟會祖師禪上曰如來禪與祖師禪一
 般何故分別師云殺人活人不貶眼上曰莫
 便是昨日道諦當甚諦當敢保老兄未徹麼
 師云陛下須具透関眼始得上曰如長老直
 截者難得想見為袖子尤切師云臣不避誅
 所以直言上曰正要如此師云先師大慧與

滿山佛性泰禪師同叅圓悟一日持論古今
 次泰曰香嚴悟道頌云一擊亾所知只消此
 一句便了大慧云五祖演和尚頌狗子無佛
 性話云趙州露乃劍一句便了下面都是注
 脚悟了底人與悟了底人說話如兩鏡相照
 直是明白如陛下道欲言心佛難分別一句

七十二

七

便了下面三句亦是注脚上曰適來道父母
 禾生前一句子朕道得也師云如何是父母
 禾生前一句上曰昨夜今朝又明日師云若
 如此方得古今無間斷上曰何不挨拶師云
 拶着須是有出身之路上曰長老可謂循循
 然善誘人師云聖訓謙冲非臣敢當師云臣

不敢久居觀堂乞歸靈隱上曰更要與長老
說話在師云謹領聖旨却歸觀堂至初七日
中使傳旨且歸靈隱待賜禪師號師遂歸靈
隱 四年正月二十四日特賜佛照禪師號
師領眾門迎 勅黃歸寺次至法堂捧勅黃
示眾云天書親自日邊來一道神光遍九垓
為瑞為祥思力大直教枯木鮮花開舉起便
知不妨慶快苟或未然重宣一遍遂陞座拈
香云此一瓣香恭為祝延兩宮皇帝聖壽無
疆乃歛衣就座僧問九重宣對超過南陽忠
國師五宿禁闈提持聖諦第一義與二千年
前釋迦老子出氣使後五百世比丘增長威

光佛照禪師蒙特賜世間出世更無雙是什
麼得恁麼奇特師云彼此一時皆盛事未必
今人媿古人進云共隨印轉將逐符行師云
正令已行風凜凜斗間劍氣燭天光進云同
光帝問興化朕收中原獲得一寶至今未有
人對價興化云畧借陛下寶看帝引手舒襟
頭脚示之意旨如何師云奇特中奇特進云
龍袖拂開千聖眼金毛師子現全威師云點
進云興化道君王之寶誰敢酬價又作麼生
師云古今榜樣進云普光明殿裏撥轉上頭
関師云虎頭虎尾一時收進云只如知恩報
恩一句如何話會師云一雨普霑沙界潤群

生何處不承恩進云飛來峰頂瞻天闕選佛
場中謝聖恩師云錦上鋪花僧禮拜又僧問
直截根源到日邊帝恩降自九重天中興吾
道超今古佛放毫光照大千既沐宸恩請師
祝聖師云萬年松在祝融峯進云一言已祝
南山壽八表無私賀太平師云當頭道著進
云直得九重城畔祥雲起七寶山前瑞氣生
師云清風來未休進云君恩師已報祖意又
如何師云一著高一著一步闊一步進云王
道與祖道相去多少師云不隔一絲毫進云
靈雲見桃花悟道意旨如何師云腦後薦取
進云那裏是他不疑處師云更參三十年進

云只如空手牽鐵牛意旨如何師云非子境
界進云未審向什麼處見靈雲師云撞著額
頭磕著鼻進云莫謂靈雲消息斷桃花依舊
笑春風師云逢人不得錯舉僧禮拜師乃云
當陽目擊直下知歸左右逢原七通八達著
著有出身之路頭頭具透脫之機有時神出
鬼沒換斗移星有時八字打開兩手分付恁
麼也得不得恁麼也得恁麼不恁麼摠得我為
法王於法自在放去收來有何罣礙直得龍
驤虎驟鳳翥鸞翔奇特中奇特殊勝中殊勝
正當恁麼時且道知恩報恩一句作麼生道
乃舉拂子云唯憑此箇真消息仰祝

吾皇萬萬年復舉黃檗和尚示衆云汝等諸人盡是不著便底恁麼行脚何處有今日還知大唐國裏無禪師麼師著語云打草要蛇驚時有僧出衆云只如諸方聚徒領衆又作麼生檗云不道無禪只是無師師云黃檗眼觀東南意在西北點檢將來未免面皮厚三寸且道靈隱恁麼批判意在什麼處九從前汗馬無人識只要重論蓋代功下座師淳熙戊戌十月初二日召對便殿引見致恭即日孟冬薄寒恭惟皇帝陛下聖躬萬福臣前冬得奉清光繼蒙頒賜禪號仰荷聖恩賜坐師就坐上曰朕近

看華嚴經至善財入法界品思見善知識如師在前師云陛下今日召臣僧陛下是主臣僧是伴主伴交叅機感相投便是入華嚴法界所以道無邊刹境自他不隔於毫端十世古今始終不離於當念此乃不出陛下下一念上曰是朕得暇常於換齋靜坐但日用事繁不能純一師云陛下但正心術自然如明鏡當臺物來斯照上曰朕每見臣僚上殿開口便知他肺腑可與者即與不可即不與師云世間事不出一箇公字上曰是如此朕每看方冊自古帝王無悟道者師云古今唯陛下一人更須退步體究方得純一覺得省力處

便是得力處上曰秀才家多不信佛法師云
 佛者覺也須是當人見性成佛昔有一官人
 著無佛論呈仰山和尚山接得便問云公所
 述論意謂本來有佛故論謂本來無佛故論
 官人無對山又云若本來有公爭得云無若
 本來無今製此論豈不成有官人又無對上
 曰好一撥師云三教聖人設教只要整頓今
 人脚手且如孔子道二三子以我為隱乎吾
 無隱乎尔此乃八字打開自是時人不會上
 曰孔子好孟子好辨不及孔子師云老子亦
 好上曰莊子便不及老子師云陛下聖明見
 得甚親切昔德山和尚道凡有文字語言盡

是依草附木竹石精靈所以老僧從頭棒將
 出去待有獨脫底出來共伊商量陛下須是
 獨脫始得上曰朕未嘗放捨此事師云此事
 無有窮盡譬如入海轉入轉深上曰是宗門
 緊要因緣更率一二師云昔興化和尚一日
 見同叅來纔上法堂化便喝僧亦喝行三兩
 步化又喝僧亦喝七十二須臾近前化拈棒僧又喝
 化云你看這漢猶作主在僧擬議化便打直
 打下法堂却歸方丈侍僧問云適來僧有甚
 言句觸忤和尚化云是他適來也有權也有
 實也有照也有用我將手向伊面前橫兩遭
 却去不得似這般漢不打更待何時上曰如

此作家師云只却興化道我將手向伊面前橫兩遭便去不得且道那裏是興化將手向伊面前橫兩遭處這些子湏是著眼向上看得透始得此是臨濟骨髓上曰山中想多有衲子理會得者師云做工夫者極多亦有受得鉗鎚者上曰聞說住持得甚好師云上感

聖息乃辭下殿

師淳熙七年四月二十九日進劄乞歸老明州阿育王山廣利禪寺奉

聖旨依准至五月三十日召對便殿賜坐上曰禪師何遽思山林而去朕耶師云臣本是山林人今復山林去理當然也既此心契合

雖千里對面又安能逃於至化也昔南泉和尚道山僧自小牧得一頭水牯牛擬向溪東放不免食他國王水草擬向溪西放亦不免食他國王水草臣今雖歸林下實不出陛下所統上曰然但不得時復論道師云道不可說時有不說時無且諸天天鼓常演苦空彌

十一

十二

陀國土水鳥樹林皆悉念佛念法儻正念現前喧寂不聞則彈絲吹竹皆譚實相也上曰造次必於是師云直湏如此上曰朕今心意釋然常自怡悅且如尋常所做工夫并所作偈頌語言透徹已否師云陛下乘風願力下生以夙熏種智純發聞舉便知落處既知落

處自然身心喜悅此乃初心入道境界暫得如是實未曾啐地折噪地斷百了千當如臣所見陛下所得正住歡喜地耳上曰何謂歡喜地師云菩薩進脩有十地歡喜乃初地故經云若有菩薩深種善根善脩諸行善集助道乃至立廣大智生廣大解慈悲現前又云菩薩始發如是心即得超九夫地入菩薩位生如來家乃至決定當得無上菩提住如是法名住歡喜地菩薩住此地成就多歡喜今陛下心意釋然常自怡悅正合此耳上曰餘九地可盡說師云辭繁恐浼聖聽容別具奏聞上曰古來悟得性燥者誰師云臨濟水潦

德山巖頭諸大老皆悟得性燥上曰說看師云臨濟因緣向來已曾舉了如水潦叅江西馬大師問如何是佛法的的大意被馬大師當胷踏倒忽然大悟起來撫掌大笑云百千三昧無量妙義尽向一毫頭上識得根源去已後示衆每云自從一喫馬師踏直至如今笑不休又呵呵大笑上曰悟後直得如此快活師云這箇便是啐地折噪地斷底樣子上曰德山巖頭如何師云德山叅龍潭因侍立至夜深潭云子且下去山便珍重揭簾而出却回云外面昏黑龍潭乃點紙燭度與德山山擬接潭即吹滅山便禮拜潭云子見箇什

麼道理山云某甲後今日去更不疑天下老和尚舌頭後來保寧舅和尚頌云一條瀑布巖前落半夜金烏掌上明大口開來張意氣與誰天下共橫行又巖頭叅德山纔跨門便問是凡是聖德山便喝巖頭便禮拜洞山問得乃云若不是齋公也大難承當巖頭云洞

山老漢不識好惡我當時一手搥一手搥上十一曰祖師也是性燥俗人中還有如此者麼師云有如本朝李駙馬問石門聰和尚云弟子欲學禪得否門云此是大丈夫事非將相之所能為李於是契悟乃述頌云學道須是鐵漢著手心頭便判直趣無上菩提一切是非

莫管上曰俗人能如此也難得師云此事無僧無俗上至佛祖下及蟬動皆悉具足故古人有言悟則事同一家不悟則萬別千差上曰至言朕須到此田地方已師云佛法至妙無有窮已如有窮已則成住著纔成住著便有窠臼如僧問石霜撥塵見佛時如何霜云直須揮劍若不揮劍漁父樓巢望陛下卓起脊梁以金剛王寶劍揮除見刺自然一著高一著一步闊一步佛祖亦奈何不得也上曰常如禪師之言今辭朕去後幾時復來師云臣既歸林下不敢妄動上曰每遇朕生辰可來一次師云謹領聖旨乃辭下殿上賜御製

云禪師所陳菩薩十地乃是脩行漸次從九
入聖夫復何疑方知脚踏實處十二時中曾
無間斷以至圓熟雜染純淨俱成障礙任作
止滅脫此禪病當如禪師之言常揮劒刃卓
起脊梁發心精進猶恐退墮每思到此兢兢
業業未嘗敢忽今俗人乃有以禪為虛空以

語為戲論其不知道也如此茲事至大豈在
筆下可窮也聊叙所得耳

師淳熙九年十月十一日恭奉

聖旨召對便殿起居并進香畢師云臣恭別
聖顏三載荷陛下恩覆陰厚臣與徒衆日夕
焚誦仰報萬一上曰聞安衆行道不易師云

上感聖恩良久賜坐上曰久思與禪師說話
師云陛下聖明天縱道德日新大圓鏡中初
無間隔 上曰做工夫如何得徹師
云做工夫是有心打徹是無心陛下但於日
用應緣處常常提撕上曰朕於日用應緣處
甚覺得力師云只這得力便是受用處陛下

地位中人棄願力而來示現帝王身但正心
術於富貴聲色中使得富貴聲色乃見力量
正如趙州道人被十二時辰使老僧使得
十二時辰底道理七月間蒙賜問以物見則
感以目見則著臣嘗對云見見之時見非是
見此語乃體聖意而對上曰善師有語云心

不負人面無慚色上曰好箇心不負人面無
慚色如向來所答圓覺經中四病語亦愜朕
意且如經中道居一切時不起妄念於諸妄
心亦不息滅住妄想境不加了知於無了知
不辯真實大意如何師云這箇境界湏是親
證自然世出世間打成一片昔妙喜因讀至
此嘗有頌上曰舉看師云荷葉團團圓似鏡
菱角尖尖尖似錐風吹柳絮毛毬走兩打梨
花蛺蝶飛上曰好頌別有甚因緣更舉一二
師云昔興化在大覺會下每云我在南方二
十年脚尖頭未嘗踢著箇會佛法底覺云你
據什麼道理化便喝覺便打化又喝覺又打

至明日大覺在法堂上見興化乃云我直下
疑你昨日兩喝化便喝覺便打化又喝覺又
打化云我在三聖處學得賓主句總被師兄
折倒了也覺云這漢來這裏納敗關脫下袖
衣痛打一頓化於是大悟上曰古人相見直
是痛快師云臨濟下作用當如此上曰見禪
師舉此十一曾次豁然師云又如俱胝住菴時有
一尼戴笠子繞禪床一匝云道得即放下笠
子胝無對尼拂袖便行胝云何不且住尼云
道得即住胝又無對尼去後自嘆云我雖是
丈夫漢無丈夫志氣擬棄菴往諸方參學其
夜山神告曰不湏下山將有肉身大士來為

和尚說法也果旬日天龍和尚到菴俱胝乃迎禮具陳前事天龍舉起一指示之胝當下大悟後凡有問只舉一指有一童子每見人問事也舉指祇對有人謂胝曰和尚這童子也會佛法凡有所問也舉一指胝聞得一日潛袖刀子喚童子問云聞你也會佛法是否童子云是胝云如何是佛童子舉起一指頭被胝一刀斫斷童子叫喚走出胝遂喚童子子回首胝云如何是佛童子將手起不見指頭忽然大悟上曰俱胝為人如此切師云俱胝自謂我得天龍一指頭禪一生受用不盡上曰正如彈琴初拘指法已後絃指俱忘自

然得妙師云又如惠超問法眼如何是佛眼云汝是惠超法眼與麼答聖意以謂如何上曰昨夜三更月正明師云陛下多了這一句上曰曾有人頌麼師云有雪竇頌云江國春風吹不起鷓鴣啼在深花裏三級浪高魚化龍癡人猶岸夜塘水又白雲頌云一文大先

幸二

五

錢買得箇油糞喫放肚裏了當下便不飢上曰古人製頌大能顯理師云昔保寧嘗作清淨行者不入涅槃破戒比丘不入地獄頌云平生踈散無拘檢酒肆茶坊任意游漢地不收秦不晉又騎驢子下揚州上曰可謂雲無心而出岫鳥倦飛而知還師云陛下此語暗

合孫吳昔佛果與妙喜俱愛前頌佛果云我二人各說一頌要勝過它底時有小兒子於窗外念壁上安燈盞堂前置酒壺悶來喫三盞何處得愁來妙喜云某甲頌得了也適來兒子念底便是圓悟大喜乃云我與你改一字可作悶來打三盞大底古人發揚先德因緣所有言句廼借路經過爾其實縱橫妙用出於言意之外初不在文飾上曰甚善復云臣不敢久坐謝恩下殿

師紹熙元年十一月初八日

壽皇召對賜坐師云陛下釋萬機燕御重華想於此道日有新證

壽皇云朕向

來得禪師開發曰用便覺省力師云省力處得無限量得力處省無限量壽皇云朕於一切事物亦不著師云陛下視天下如脫敝屣以寶位授聖子俾太祖丕祚中興的的相承絲億萬載若非得大自在受用三昧焉能如是遂舉喚作竹篋則觸不喚作竹篋則背陛下如何會壽皇云放下著師云放下則不無著在什麼處壽皇云二邊不立師云如何行履壽皇云中道不安師云正坐在百尺竿頭陛下如何進步壽皇擬議師噫一聲壽皇云謝禪師提撕壽皇云世法佛法不出這背觸兩字師云若能轉物即同如來遂指御案

淨瓶云只如淨瓶作麼生轉壽皇云去來自
 在師云去來自在底是什麼壽皇咳嗽一聲
 師云更進一步始得壽皇云朕直是要打徹
 師云但辦肯心必不相賺壽皇復云禪師所
 陳直指曰緣甚好其間亦有理會不得處師
 云陛下但扣已研窮自然七通八達壽皇云

十二

十六

因緣更舉一二師舉夾山初住潤州鶴林時
 道吾到遇上堂有僧問如何是法身云法身
 無相如何是法眼云法眼無瑕吾不覺失笑
 夾山便下座請道吾問某甲適來祇對僧話
 必有不是處致令上座失笑望上座不吝慈
 悲吾云和尚一等是出世未有師在夾山云

某甲甚處不是望為說破吾云某甲終不說
 請和尚却往秀州華亭船子處去夾山云此
 人如何吾云此人上無片瓦下無寸土和尚
 若去須易服裝束夾山乃散眾易服直造華
 亭船子纔見便問大德住什麼寺夾山云寺
 即不住住即不似船子云不似又不似箇什
 麼夾山云不是目前法船子云甚處學得來
 夾山云非耳目之所到船子云一句合頭語
 萬劫繫驢橛船子又問垂絲千尺意在深潭
 離釣三寸子何不道夾山擬開口船子以篙
 打落水中纜上船船子又云道道擬開口人
 打夾山於此有省乃點頭三下壽皇云他到

此悟也師云可謂慶快平生師又曰船子云
竿頭絲線從君弄不犯清波意自殊夾山遠
問拋綸擲釣師意如何船子云絲懸淥水浮
定有無之意夾山云語帶玄而無路舌頭談
而不談船子云釣盡江波金鱗始遇夾山乃
掩耳船子云如是如是遂囑云汝向去直湏

十一

十七

藏身處沒蹤跡沒蹤跡處莫藏身吾二十年
在藥山單明斯事汝今既得他後不得住城
隍聚落但向深山裏鑿頭邊接取一箇半箇
接續無令斷絕夾山乃辭行頻頻回顧船子
遂喚闍梨闍梨夾山回首船子舉起橈云汝
將謂別有乃覆船入水而去壽皇云此公案

好禪師曾頌否師云有頌慕口一椀全殺活
點頭三下鼻遠天至今千古風流在誰道華
亭覆却船壽皇云好頌師云不敢謝恩下殿
師紹熙四年二月十九日 壽皇聖帝召對
於苑門宣引壽皇望見師曰遠來不易師云
即日仲春謹時恭惟

至尊聖躬萬歲萬歲至尊賜坐師云臣昨
自庚子年蒙恩歸老育王今十四年矣幸無
曠敗藉陛下蔭覆去年臘月十六日蒙
聖恩移住徑山臣兩入奏告兩宮辭免至尊
云此南內之意朕亦要與禪師說話遂教師
速渡江相見師云今日拜覩清光不勝榮幸

至尊云朕意師十六七渡江師云臣十四渡江如履平地至尊云聞古有浮笠而渡者師云昔日黃檗和尚路逢異僧同行乃一羅漢至天台值江漲不能濟植杖久之異僧以笠當舟登之浮去黃檗指而罵曰這自了漢我早知汝定挫折其脛異僧乃嘆曰道人猛利非我所及至尊云可謂神通師云宗門下不貴神通只貴眼明至尊云湏是如此始得朕尋常不信幻怪等事師云陛下聖智洞明見得如此至尊云莫也寬住幾日師云臣已選二十五日入院至尊云師所至處緣熟師云上感聖恩至尊云朕每日常誦楞嚴圓覺并

儒書終日脩然無一事師云足見陛下聖學日新大抵看經教展卷時便與古人對偶正不在多讀至尊云朕常念茲在茲師云陛下乃菩薩地位中來所以願力堅固然一切語默動靜處直教正念現前莫起第二念只如臣即今與陛下相對臣又安知陛下微細流十二注處只此微細流注處謂之偷心偷心若無十八自然不起第二念至尊云朕得禪師提這一念不為無補師云昔日雪峯和尚出嶺參秀州精嚴靈光禪師值靈光遷化雪峯問其徒曰靈光在日如何指示學者其徒曰但云莫起第二念至尊云這一則語可以指示人做

工夫師云所謂棒打石人頭。暴論實事至尊云有甚機緣更舉一二則師云昔紙衣道者來曹山山云如何是紙衣下事道者云一裘纔挂體萬法悉皆如山云如何是紙衣下用道者近前應喏便脫去山云汝只解恁麼去不解恁麼來道者忽然開眼問云一靈真性不假胞胎時如何山云未是妙道者云如何是妙山云不借借道者珍重復脫去曹山乃有頌云覺性圓明無相身莫將知見妄疎親念異便於玄體昧心差不與道相隣情分萬法沈前境識鑒多端喪本真如是句中全曉會了然無事昔時人至尊云來禪到這重

方始得受用師云古人念念無間方得到此真實田地不敢久坐聖躬謝息下殿三月初五日壽皇諭問札云朕每日止是塊坐別做得箇什麼煩師寫來師答云恭承至尊垂問每日止是塊坐別做得箇什麼陛下但於塊坐處提撕看是什麼若別有即是刺法上十一所以南臺和尚有頌云南臺靜坐一爐香終日疑然萬慮忘不是息心除妄想都緣無事可思量此是古德腳踏實地履陛下於此契證非但塊坐向四威儀中揔是見成受用安樂法也謹奏四月初六日壽皇諭問朕近頗悟佛法無多子一言以蔽

之但無妄念而已若起妄念則有生滅未知此說是否師云恭承

聖諭近頗悟佛法無多子足見聖心昭徹陛下所謂一言以蔽之但無妄念而已若起妄念則有生滅誠如聖意更能到妄忘起滅處則乾坤獨露應用縱橫方是自受用三昧謹奏

古尊宿語錄卷第四十八

系

七十三

源

系

系